

სცალინის სახელობის
თბილისის სახელმწიფო უნივერსიტეტი

მუდრია
1500




საიუბილეო
კრებული



სცალინის სახელობის
თბილისის სახელმწიფო უნივერსიტეტის
გამომცემლობა

1 9 5 8





ღამით გვრიტიშვილი

თბილისი 1500 წლისაა

მიმდინარე წლის ოქტომბერში საზეიმოდ აღინიშნება საქართველოს დედაქალაქის — თბილისის დაარსებიდან 1500 წლისთავი. ეს დიდი მოვლენაა ქართველი ხალხის ისტორიაში.

თბილისის ისტორია ზოგად ხაზებში ასე წარმოგვიდგება: ჯერ კიდევ 5—6 ათასი წლის წინათ თბილისის ტერიტორია მჭიდროდ ყოფილა დასახლებული. შემდეგში, თავისი ბუნებრივ-გეოგრაფიული მდებარეობის წყალობით ახალი წელთაღრიცხვის მეოთხე საუკუნისათვის თბილისი უკვე ციხე-ქალაქად იქცევა და ქართლის სამეფოს მაშინდელ სატახტო ქალაქს — მცხეთას პირველობაში ეცილება. ამ ხანებში საქართველოში დიდ სოციალურ ძვრას აქვს ადგილი. ძველი მონათმფლობელური წყობილების წინააღმდეგ აქტიურად იბრძვის ახალი საზოგადოებრივი წყობილება — ფეოდალური ურთიერთობა. ბრძოლა ამ უკანასკნელის გამარჯვებით მთავრდება და თბილისიც ამ ახალის ცენტრი ხდება. ეს გარდატეხა მეხუთე საუკუნის მეორე ნახევარში მოხდა. ვახტანგ გორგასალმა და მისმა მემკვიდრეებმა საცხოვრებლად თბილისი გაიხადეს, თბილისი ქვეყნის პოლიტიკურ ცენტრად გადაიქცა. ამ დღიდან ვანგარიშობთ თბილისის 1500 წლისთავს.

მას შემდეგ, რაც თბილისი ქართული სახელმწიფოებრიობის ცენტრი გახდა, მისი ისტორია განუხრელად დაკავშირებულია ქართველი ხალხის ისტორიასთან.

ქართველ ხალხს მრავალი ჟამთა სიავე და ძნელებდობა გადაუტანია. ვინ არ შემოსევია საქართველოს: რომაელები თუ სპარსელები, არაბები თუ მონღოლები, თურქები თუ სხვა გამამთიელები. უცხოელთა პირველი დარტყმა თბილისს ხედებოდა, მტერი მას ანადგურებდა. გადიოდა დრო. ქართველი ხალხი ძალას იკრებდა, მტერს სამკედროსასიცოცხლო ომს უმართავდა და თბილისს — თავის საყვარელ დედაქალაქს კვლავ იბრუნებდა, ფერფლიდან აღადგენდა და ძველებურ სიდიადეს უბრუნებდა. ასე, რომ თბილისის ისტორია ამ ქალაქის მშენებლობა-აღდგენისა და ნგრევა-განადგურების ისტორია იყო. ვაშენებდით ჩვენ, ანგრევდა მტერი.

აი საამისო მაგალითები:

ჯერ კიდევ თბილისის ისტორიის გარიჟრაჟზე, 626 — 627 წლებში, ბიზანტიის კეისარმა პერეკლემ ხაზახთა სახელმწიფოს მეთაური ჯიბლუ ხაკანი მოიშველია, თბილისს მოადგა; ქართველებმა მეღგარი ბრძოლა გაუმართეს მტერს, ორ წელს

თავგანწირულად იცავდნენ ქალაქს, მაგრამ საბოლოო გამარჯვება მტერს დარჩა. შვიდგზის წყეული მტერი ქალაქში შეიჭრა, მოსახლეობის დიდი ნაწილი ან ამოხოცა, ან დაატყვევა, დიდი ალაფი იგდო ხელთ და ქალაქი გადაწვა. ეს იყო თბილისის პირველი ტრაგედია.

ქართველებმა ძალა მოიკრიბეს, მტერი განდევნეს, თბილისი კვლავ აღდგა, მაგრამ არ გასულა დიდი ხანი და ჩვენს ქვეყანას არაბები შემოესივნენ.

არაბებმა 654 წელს დაიპყრეს საქართველო და აქ დიდხანს ბატონობდნენ. იმის ნათელსაყოფად, თუ რა მოუტანეს არაბებმა საქართველოს, ორი ფაქტის დასახელებაც კმარა: 736 — 738 წლებში აქ ლაშქრობდა არაბი სარდალი მურვან ყრუ, რომელმაც „მოსრნა ყოველი ნაშენი ქვეყანასა ზედა“. ამ ველურის რისხვას ვერც თბილისი გადაურჩა. კიდევ უფრო მკაცრი იყო ბულა თურქის 853 წლის ლაშქრობა თბილისზე. მან ქალაქი ცეცხლს მისცა; მისი ლაშქრობის დროს, არაბი ისტორიკოსების ცნობით, თბილისში 50.000 მცხოვრები დაიღუპა.

მეათე-მეთერთმეტე საუკუნეებში აღმავლობის გზით მიმდინარეობდა ჩვენი ქვეყნის ერთიან ფეოდალურ სახელმწიფოდ გაერთიანება. ასეთ ვითარებაში თბილისის განთავისუფლება ქართველი პატრიოტების გადაუდებელ ამოცანად ისახებოდა. 1037 წელს საქართველოს მეფემ ბაგრატ მეოთხემ თავისი ჯარით ალყა შემოარტყა თბილისს.

გამეცემლობის გამო თბილისი მაშინ ვერ გაანთავისუფლეს, თუმცა მეთერთმეტე საუკუნის 60-ან წლებში ქართველებმა იმას მაინც მიიღწიეს, რომ თბილისის ამირა არაბეთს აღარ ემორჩილებოდა, იგი საქართველოს მეფეს ყოველწლიურად 44 ათას დრაჰმას უხდიდა. თბილისის საბოლოო განთავისუფლება დავით აღმაშენებელმა შესძლო. მან 1122 წელს ბრძოლით აიღო თბილისი და ქუთაისიდან სამეფო ტახტი თბილისში გადმოიტანა. 1226 წლამდე თბილისი უცხოელ დამპყრობელს აღარ აუღობრებია. ჩვენმა ქვეყანამ ასი წელი შეისვენა და ამ ხნის განმავლობაში მშვიდობიანად ცხოვრობდა. სახალხო დოვლათმა იმატა, ქვეყანა ეკონომიურად დაწინაურდა, საქალაქო ცხოვრება განვითარდა, ვაჭრობა-ხელოსნობა გაფართოვდა. აკად. ბარტოლდის ცნობებით, საქართველოს სამეფო მაშინ იმდენად მდიდარი იყო, რომ საქართველოს მარტო ფინანსური შემოსავალი აღემატებო-

და ინგლისისა და საფრანგეთის ერთად აღებულ ფინანსურ შემოსავალს. ასეთ პირობებში ქართულმა კულტურამ განვითარების მაღალ მწვერვალს მიაღწია. მეცნიერება, ხელოვნება, ლიტერატურა ეპოქის შესაფერის სიმალლეზე ავიდა.

მაშინდელი ქართული კულტურულ-საზოგადოებრივი მოძრაობის უდიდეს ცენტრს თბილისი წარმოადგენდა. აქ, თბილისში, იმართებოდა ლიტერატურული დისპუტები, მეცნიერული პაექრობანი, ბაზრობანი, სამხედრო აღლუმები, დიპლომატიური შეხვედრები, თბილისიდან—ჩრდილოეთით თუ სამხრეთით, დასავლეთით თუ აღმოსავლეთით მოედინებოდა ქართული კულტურის ნაკადი. აქ, თბილისში, აძლევდნენ შეფასებას შოთა რუსთაველისა, შავთელისა და ჩახრუხაძის პოეტურ კმნილებებს, ეფრემ მცირისა და იოანე პეტრიწის ისტორიულ-ფილოსოფიურ ტრაქტატებს, ბეშქენ და ბექა ოპიზარების ქედვითი ხელოვნების ნიმუშებს.

მაგრამ, სამწუხაროდ, მშვიდობიანი ცხოვრება 1226 წელს შეწყდა. ზეარაზმის ყოფილმა მფლობელმა ჯალალედინმა მაჰმადიან ყაჩაღებისა და ქურდების დიდ ბრბოს მოუყარა თავი და საქართველოს შემოესია, თბილისი აიღო, გაძარცვა და გადაწვა, რის შედეგადაც 100.000 მცხოვრები დაიღუპა თბილისში. მან იმდენი ქონება იგდო ხელთ, რომ განაცხადა: მე რომ მარტო სიმდიდრისათვის წამოვსულიყავ, თბილისი საცხებით საკმარისი იყო.

1231 წელს ჯალალედინის ბატონობას ბოლო მოეღო, საქართველო განთავისუფლდა, თბილისმა აღდგენა იწყო, მაგრამ ათი წელიც არ გასულა, რომ ჩვენს ქვეყანას ახალი მტერი მოევლინა. ეს ახალი მტერი იყო—გადამთიელი მონღოლი.

მონღოლთა ბატონობა 80 წლამდე გაგრძელდა. ქვეყნის მთელი შესაძლებლობანი სამონღოლო გადასახადებს ხმარდებოდა. ასეთ პირობებში ქალაქის დიდ მშენებლობაზე ლაპარაკი ზედმეტი იყო. თუმცა ამ შავბნელ ხანაშიც თბილისში რამდენიმე კეთილმოწყობილი სასახლე და ეკლესია აშენდა მე-14 საუკუნის 20-ან წლებში მონღოლები განდევნილ იქნენ საქართველოდან, თბილისი განთავისუფლდა. საკმარისი იყო მშვიდობიანი განვითარების სულ 60 წელი და ჩვენი ქვეყნის ავტორიტეტი საერთაშორისო არენაზე კვლავ აღდგა. თბილისმა ძველი დიდება დაიბრუნა. მაშინდელ მნა-

ხველებს თბილისი დახასიათებული აქეთ, როგორც ერმრავალი, მდიდარი და კეთილმოწყობილი ქალაქი.

მე-14 საუკუნის 80-ან წლებში საქართველოს ცა იხევ მოიღრუბლა... 1885 წელს დაიწყო კაცთ-მოძულე თემურლენგის ლაშქრობები. იგი რვაჯერ შემოესია საქართველოს. მოსახლეობის დიდი უმრავლესობა ბრძოლაში განადგურდა, ქალაქები და სოფლები დაინგრა, ბაღ-ვენახები დაიღუპა. თემურლენგმა, ერთ-ერთ ლაშქრობის დროს, ქუთაისამდე — 700 სოფელი მიწისაგან პირისა აღგავა. თუ რა მძიმე იყო თემურლენგის ლაშქრობათა შედეგი საქართველოსათვის, თუნდაც იქიდანაც ჩანს, რომ ქართულ სიტყვათა ლექსიკონში გაჩნდა ისეთი ცნობები, როგორიცაა: ნაქალაქევი, ნასოფლარი, ნასახლარი, ნავენახარი, ნაფუძარი, პარტახი და სხვ.

ქართველმა ხალხმა ძალა მოიკრიბა, მტერი განდევნა და ქვეყნის აღდგენას ენერგიულად შეუდგა. მაგრამ, მე-15 საუკუნის 40-ან წლებიდან შემოსევები გახშირდა, 1440 წელს თურქმენული ტომები ჯეჰანშაჰის მეთაურობით თბილისს დაესხნენ თავს და ქალაქი ააოხრეს, 1477 წელს უზუნჰასანმა დაარბია თბილისი, 1522 წელს სპარსელებმა თბილისი კვლავ ცეცხლს მისცეს, 1541 წელს ყიზილბაშები მოულოდნელად დაეცნენ თბილისს და ქალაქი გადაწვეს, 1579 წელს თბილისი ოსმალებმა დაიკავეს; 1606 წელს ოსმალები განდევნეს ქართველებმა, მაგრამ კვლავ სპარსელებმა დაიკავეს. ეს ჩამოთვლაც კი ნათელს ხდის, თუ რა ტრაგიკული იყო თბილისის ისტორია, მაგრამ ყველაფერს გადააჭარბა შაჰ-აბაზის ცეცხლმა და მახვილმა. მისი ლაშქრობების დროს მარტო კახეთმა 200.000 კაცი დაკარგა — მოკლულთა და ტყვეთა სახით.

თავისუფლებისმოყვარე ქართველი ხალხი მრავალგზის ჭარბ მტრის ძალებს არ უშინდებოდა, მედგრად ებრძოდა მას და ხმლით იცავდა ეროვნულ თვითმყოფლობას. სამშობლოს უანგარო სიყვარული იყო წყარო ჩვენი ხალხის ფიზიკურად გადარჩენისათვის. დამარცხებაშიც გამარჯვების რწმენა იქედებოდა. ამ კეთილშობილური შეგნების სული და გული თბილისი იყო.

მე-17 საუკუნის 30-ანი წლებიდან ქვეყანა შედარებით მშვიდობიანი განვითარების პერიოდში შევიდა. ვაჭრობა-ხელოსნობა აღორძინების გზას დაადგა, სოფლის მეურნეობა აღმავლობას განიც-

დიდა, საქალაქო ცხოვრება მოწესრიგდა. „მშვიდობა“ 1723 წლამდე გაგრძელდა. ამ საერთო აღმავლობის ფონზე დაიწყო ქართული კულტურის აღორძინების ხანა. იმდროინდელი ქართველი სწავლულები (თეიმურაზ I, იოსებ თბილელი, არჩილი, ფეშანგი ფაშვიბერტყაძე, ვახტანგ V, სულხან საბა ორბელიანი, ვახტანგ VI, ბერი ეგნატაშვილი, ვახუშტი ბატონიშვილი და სხვ.) უყვირდებოდნენ ჩვენი ქვეყნის დამარცხება-დაშლის მიზეზებს, სახედნენ ახალ გზებს ჩვენი ხალხის უკეთესი მომავლისათვის. ამ მიზანს ემსახურებოდა მათი ლიტერატურულ-მეცნიერული მოღვაწეობა, თბილისში სტამბის დაარსება, საკანონმდებლო და სხვა ხასიათის ღონისძიებანი. ასეთი მოძრაობის მთავარი იდეას ქვეყნის გაერთიანება შეადგენდა. ქართველ პატრიოტთა საბუდარი ამჯერადაც თბილისი იყო.

1723 წელს თბილისი კვლავ უცხოელ დამპყრობთა სათარეშო ასპარეზად გახდა. ქალაქი განადგურდა, ქვეყანა ოსმალეთმა დაიპყრო. ვახტანგმა დიდი ამალით რუსეთს შეაფარა თავი. ჩვენი ქვეყანა სწავლული კაცებისაგან დაიცალა.

მე-18 საუკუნის 60-ანი წლებიდან მდგომარეობა ერთგვარად გამოსწორდა. ქართლ-კახეთი ერთიან სამეფოდ გაერთიანდა. თბილისი ამ სამეფოს ცენტრად იქცა.

აქ დაარსდა სახელმწიფო სასწავლებლები, აღდგა სტამბა, გაიშალა ცხოველი შემოქმედებითი მუშაობა, შეიქმნა მრავალი სამრეწველო ობიექტი. ასეთ პირობებში დღის წესრიგში დაისვა ქვეყნის გამოსხნა-აღდგენის საკითხი. ნიჭიერი სახელმწიფო მოღვაწის ერეკლე II-თვის ნათელი იყო, რომ თუ საქართველოს არსებობა სურდა, მას ზურგი უნდა შეექცია ველური სამხრეთისათვის და კურსი აეღო ჩრდილოეთზე. რუსეთთან ურთიერთობა მას რეალურ საქმედ მიაჩნდა. 1783 წლის ტრაქტატით რუსეთ-საქართველოს ურთიერთობა ახალ საფეხურს მოასწავებდა.

თითქოს ყველაფერი რიგზე იყო, მაგრამ ერთხელ კიდევ თავს დაატყდა ყიზილბაშური სპარსეთის რისხვა ჩვენს ქვეყანას. 1795 წლის სექტემბერში ალა-მაჰმად-ხანმა თბილისი აიღო, ქალაქი გაძარცვა, მოსახლეობა დაატყვევა, სასახლეები დაანგრა, ბიბლიოთეკები და არქივსაცავეები ცეცხლს მისცა და გაბრუნდა უკან. ეს იყო ჩვენი დედაქალაქის უკანასკნელი ტრაგედია.



1801 წელს საქართველო რუსეთს შეუერთდა. ამ ფაქტს დიდი დადებითი მნიშვნელობა ჰქონდა. ქვეყანამ უცხოელ დამპყრობელთა შემოსევებისაგან მოიხსენა. ამ ფაქტმა თავისი ობიექტური შედეგი თბილისის მაგალითზეც დაგვიანახა. საკმარისი იყო მშვიდობიანობის რამდენიმე ათეული წელი, რომ თბილისის მცხოვრებთა რიცხვი რამდენჯერმე გაზრდილიყო, რომ იგი დიდმნიშვნელოვან კულტურულ ცენტრად გადაქცეულიყო.

მართალია, ცარიზმი ხალხთა საპყრობილე იყო და იგი უხეშ კოლონიურ პოლიტიკას ანხორციელებდა, მაგრამ მეფის რუსეთში მართო არაკჩევეები და ნიკოლოზები როდი ცხოვრობდნენ მეფის რუსეთის პროგრესული მოღვაწეები ცხოველმყოფელ გავლენას ახდენდნენ მოწინავე ქართველებზე და მომავლის გზებს სახედნენ ცარიზმის საერთო ძალებით მოსპობისათვის.

საქართველოში, მისი რუსეთთან შეერთების შემდეგ, სულ უფრო და უფრო გზას იკაფავს და ვითარდება ახალი — კაპიტალისტური ურთიერთობა. კაპიტალისტურ ურთიერთობას თან სდევს მისი მესაფლავის — მუშათა კლასის გაჩენაც.

ახალ მოვლენებს ახალი საზოგადოებრივი მიმართულებები მოსდევს. ისახება გზები ჩვენი ქვეყნის უკეთესი მომავლისათვის. საქართველოდან რუსეთში სასწავლებლად წასული ახალგაზრდები უკავშირდებიან რუსეთის მოწინავე ადამიანებს, იზიარებენ მათ შეხედულებებს, ბრუნდებიან საქართველოში და რუსეთში მიღებულ ცოდნას ჩვენი ქვეყნის თავისებურ პირობებს უფარდებენ. აარსებენ ჟურნალ-გაზეთებს, სკოლებს, საზოგადოებრივ წრეებს.

ასეთი მოძრაობა სხვადასხვა მიმართულებისაა, ისინი სხვადასხვა კლასების ინტერესებს გამოხატავენ, მაგრამ ერთი რამ ცხადია — საზოგადოების გამოცოცხლება ფაქტი გახდა. თბილისი იმ ხანის საზოგადოებრივი მოძრაობისა და აზროვნების ერთ-ერთი უმნიშვნელოვანესი ცენტრია რუსეთის იმპერიისში.



მე-19 საუკუნის დამლევს საზოგადოებრივი მოძრაობა ახალ ფაზაში შევიდა. რევოლუციური

მოძრაობა ფართო ხასიათს იღებდა. მე-20 საუკუნის დამდეგს ეს მოძრაობა მძლავრ ხელმძღვანელ ძალად გადაიქცა, შეიქმნა რ. ს. დ. მ. პ. კავკასიის კავშირის კომიტეტი. ამ კავშირის საქმიანობის შედეგია, რომ თბილისის მუშებმა, ბაქოსა და სხვა ქალაქების მუშებთან ერთად 1905 წლის რევოლუციის დროს სასწაულები მოახდინეს.

თბილისის ბოლშევიკები ამიერკავკასიის ბოლშევიკების მოწინავეთა რიგებში იდგნენ.

დრო გადიოდა, დამპალ ცარიზმს საფუძველი ეცლებოდა, 1917 წელს ოქტომბრის რევოლუციის შედეგად დაიწყო კაცობრიობის ისტორიაში ახალი ერა. რუსეთში მომხდარი ამგებით ისარგებლეს ქართველმა მენშევიკებმა და ხელისუფლება ხელთ იგდეს.

მენშევიკების ბატონობის დროს თბილისში არაფერი ახალი არ შექმნილა. გადიოდა დღეები, რევოლუციური მოძრაობა აღმავალი გზით მიდიოდა. თბილისის პროლეტარიატი მედგარ ბრძოლას ეწეოდა მენშევიკური მთავრობის წინააღმდეგ და იკრებდა ძალებს საბჭოთა ხელისუფლების დასამყარებლად.

გმირული წითელი არმიის დახმარებით ქართველმა ხალხმა დაამხო მენშევიკების სისხლიანი ბატონობა და დაამყარა საბჭოთა ხელისუფლება. 1921 წლის 25 თებერვალს საქართველოს დედაქალაქში — თბილისში — აღიმართა წითელი დროშა. „თბილისზე ფრიალებს საბჭოთა ხელისუფლების წითელი დროშა, გაუმარჯოს საბჭოთა საქართველოს“, — ასეთი შინაარსის დეპეშა გაუგზავნა ს. ორჯონიკიძემ ლენინსა და სტალინს.

ამიერიდან დაიწყო ქართველი ხალხის ცხოვრებაში ახალი ერა. ქალაქი თბილისი განვითარების სრულიად ახალ პერიოდში შევიდა. თუ მანამდე ესა თუ ის წამოწყება მხოლოდ კერძო პირთა კეთილ სურვილზე იყო დამოკიდებული, ამიერიდან ქალაქის განვითარება გეგმაშეწონილად მიმდინარეობს და მთავრობისა და პარტიის ყურადღების ცენტრში მოექცა.

თუ საქართველოში საბჭოთა ხელისუფლების დამყარებამდე თბილისი მხოლოდ კავკასიის ადმინისტრაციულ-სავაჭრო და „კულტურულ“ ცენტრს წარმოადგენდა და აქ სულ რაღაც 20.000-მდე სა-

მრეწველო მუშა იყო, უფრო ნაკლები, ვიდრე ჯარისკაცი და პოლიციელები, ახლა თბილისი სოციალისტური ინდუსტრიის ერთ-ერთი უდიდესი ცენტრია თავისი თანამედროვე ტექნიკის საფუძველზე აგებული ფაბრიკებითა და ქარხნებით.

საკმარისია ითქვას, რომ 1913 წელთან შედარებით 1957 წელს თბილისის წარმოების დონე 50-ჯერ და უფრო მეტად გაიზარდა.

თბილისი ამავე დროს კულტურისა და მეცნიერების უდიდესი ცენტრია.

თბილისში მრავალი მეცნიერული დაწესებულება და უმაღლესი სასწავლებელია. ყველა ისინი

საბჭოთა მეცნიერების კერებსა და საბჭოთა ინტელიგენციის სამკედლოს წარმოადგენენ.

თბილისის 1500 წლისთავეთან დაკავშირებით მთელი ქართველი ხალხი აქებს და აღიღებს ჭაღარით მოსილ, მაგრამ მუდამ ახალგაზრდა დედაქალაქს, რომელიც კომუნისტური პარტიისა და საბჭოთა ხელისუფლების ყოველდღიური მზრუნველობით იზრდება, ლამაზდება და საბჭოთა კავშირის მოძმე რესპუბლიკების სატახტო ქალაქებთან ერთად იბრძვის კომუნისმისათვის მებრძოლთა პირველ რიგებში.



ძველი თბილისი 1796 წ.



სოთა მესხია

თბილისის როლი ქართველი ხალხის ისტორიაში

საბჭოთა საქართველოს დედაქალაქის თბილისის 1500 წლისთავს ქართველი ხალხი განსაკუთრებული ზეიმით აღნიშნავს იმ დიდი დამსახურების გამო, რაც ქ. თბილისს მიუძღვის ქართველი ხალხის წინაშე.

თბილისის ტერიტორიის მოსახლეობა უძველესი დროიდანვე იღებდა მონაწილეობას ქართველი ტომებისა და მისი კულტურის ჩამოყალიბების საქმეში.

თბილისის დღევანდელი ტერიტორია ენეოლითის ხანიდან, ძველი წელთაღრიცხვის IV—III ათასწლეულიდან უკვე დასახლებული იყო ქართველი ტომებით. ამას ადასტურებს ენეოლითის დროინდელი ადამიანის ცხოვრების კვალის აღმოჩენა დიდუბეში. თბილური ენეოლითის კულტურა, უკანასკნელი ხანების არქეოლოგიური აღმოჩენების წყალობით, უკვე საკმაოდ მდიდარი, მრავალფეროვანი მასალებით არის წარმოდგენილი¹. ამრიგად, ამჟამად უდავოდ არის მიჩნეული თბილისის ტერიტორიის უძველესი მოსახლეობის მონაწილეობა ენეოლითის დროიდანვე ჯერ ქართველი ტომების, ხოლო შემდეგ ქართველი ხალხის სო-

ციალურ-ეკონომიურ, პოლიტიკურსა და კულტურულ ცხოვრებაში.

თბილისის მოსახლეობა ქართველ ტომთა ცხოვრებაში მონაწილეობდა ბრინჯაოს ხანაშიც. თბილისის ტერიტორიასა და მის მიდამოებში არაერთგან არის აღმოჩენილი შუა და გვიანბრინჯაოს ხანის ადამიანის იარაღ-სამკაულები, ქურქლეულობა. ასეთი ნივთები აღმოჩნდა საბჭოს ქუჩაზე, სტალინის სახელობის სანაპიროს მშენებლობისას, ნარიყალაზე. ბრინჯაოს ხანის ნივთები აღმოჩნდა აგრეთვე ღრმალელეში, ნავთლულში და სხვაგან².

თბილისისა და მისი მოსახლეობის როლი ქვეყნის ეკონომიურ ცხოვრებაში კიდევ უფრო მნიშვნელოვანი გახდა მომდევნო საუკუნეებში. თბილისის ტერიტორიაზე აღმოჩენილია ბრინჯაოს შემდეგდროინდელი ნივთიერი კულტურის ძეგლებიც. ღრმალელეში, მიწის სამუშაოების შესრულების დროს, რამდენიმე თიხის ქურქელთან ერთად აღმოჩნდა ბრინჯაოს ბეჭედი გემმით, პასტის საკიდი ბაყაყის გამოსახულებით და ერთი ე. წ. „ეგვიპტური სკარაბეი“ (ყელსაკიდი ხოქოს გამო-

¹ იხ. დ. კორიძე, თბილისის არქეოლოგიური ძეგლები, 1, თბილისი, 1955.

² იხ. თ. ჯაფარიძე, „განჯისკარის“ 1948 წლის არქეოლოგიური გათარის ანგარიში, „მასალები საქართველოსა და კავკასიის არქეოლოგიისათვის“, ტ. 1, 1955, გვ. 89—90.

სახელებით)¹. ზოგი ამ ნივთთაგანი უცხოეთიდან, საკმაოდ შორეული ქვეყნიდან (მაგ., ეგვიპტიდან) არის შემოტანილი. როგორც ჩანს, თბილისის ძველ მოსახლეობას იმ დროისათვის უკვე ეკონომიური ურთიერთობა ჰქონდა შორეულ ქვეყნებთანაც კი.

თბილისის ამ უძველესი მოსახლეობის მეზობელ თუ შორეულ ქვეყნებთან ეკონომიური ურთიერთობის შესახებ მეტყველებს აგრეთვე აქ აღმოჩენილი მონეტებიც. მუზეუმისა და კეცხოველის ქუჩის რაიონში აღმოჩენილი იქნა 6 ბაქტრული მონეტა, რომელიც ძვ. წ. III — II საუკუნეებს მიეკუთვნება². თბილისის ტერიტორიაზე ნაპოვნია აგრეთვე რომაული (ავგუსტის ბრინჯაოს) მონეტა³, ახ. წ. II — III საუკუნეების ბოსფორული მონეტები⁴, პართული მონეტები და სხვა. მრავალნაირია აგრეთვე თბილისში აღმოჩენილი იმდროინდელი სხვა არქეოლოგიური ძეგლებიც.

ძველი წელთაღრიცხვის უკანასკნელი საუკუნეების და ახალი წელთაღრიცხვის დამდეგის მონეტებისა და სხვა მნიშვნელოვანი მატერიალური კულტურის ძეგლების აღმოჩენა იმაზე მიგვიბრუნებს, რომ აღმოსავლეთ საქართველო თბილისის მეშვეობითაც უკვე იმ დროს სავაჭრო ურთიერთობას ამყარებდა როგორც აღმოსავლეთისა და სამხრეთის, ასევე დასავლეთისა და ჩრდილოეთის ქვეყნებთან, ზოგჯერ საკმაოდ შორეულ — ბაქტრია, ეგვიპტე — ქვეყნებთან.

იმდროინდელი, ელინისტური ხანის, თბილისისა და მისი მოსახლეობის მნიშვნელობისა და როლის ზრდას ხელს უწყობდა ის, რომ იგი მდებარეობდა უძველეს და უდიდეს სავაჭრო გზაზე, თბილისის ტერიტორიაზე გადიოდა წყლის დიდი სავაჭრო სატრანზიტო მაგისტრალი, რომელიც აღრეელინისტური ხანიდან საქართველოს აკავშირებდა აღმოსავლეთთან და დასავლეთთან⁵.

¹ იხ. თ. ჯაფარიძე, „განჯისკარის“ 1948 წლის არქეოლოგიური გათხრის ანგარიში, „მასალები საქართველოსა და კავკასიის არქეოლოგიისათვის“, ტ. 1, 1955, გვ. 89—90.

² К. Л. Пахомов, Монетные клады, вып. II, გვ. 10.

³ იქვე, вып. III, გვ. 27, ზღრ. вып. I, გვ. 40.

⁴ იქვე, вып. II, გვ. 11.

⁵ ამ გზის შესახებ იხ. А. М. В а н д я н, О торговле в городах Армении, Ереван, 1954, გვ. 55 და შემდეგ; В. В а р т о л ь д, Место прикаспийских областей..., Баку, 1924, გვ.

იმდროისათვის მნიშვნელობა ჰქონდა იმასაც, რომ ეს უდიდესი სავაჭრო გზა თბილისთან მთებთან და მტკვრის მაღალკლდოვანი ნაპირებით ადვილად იკეტებოდა; ამ ადგილ-მდებარეობის მფლობელს შეეძლო კონტროლი გაეწია ამ გზისათვის და საჭირო შემთხვევაში ჩაეკეტა ის, თუკი ამ გზაზე, ვაჭართა გემებისა და ქარავნების მაგიერ, ქართლის იმდროინდელი დედაქალაქისაკენ — მცხეთისაკენ, მიმავალი უცხოელი დამპყრობლები გამოჩნდებოდნენ. ასე, რომ იმდროინდელი თბილისი და მისი მოსახლეობა არსებითად ძველი მონათმფლობელური ქალაქის, მცხეთის, მისადგომებს იცავდა. ამიტომ მიიჩნეოდნენ ძველი ქართველი ისტორიკოსები ახალი წელთაღრიცხვის IV საუკუნის თბილისს „ციხედ მცხეთისად“⁶.

თბილისის მნიშვნელობა ახალი წელთაღრიცხვის III — IV საუკუნეებში უკვე ამითაც არ ამოიწურებოდა. იგი თანდათან კიდევ უფრო იზრდებოდა და კონკურენციას უწევდა ძველ მონათმფლობელურ მცხეთას. ამიტომ, მიაქცია მას განსაკუთრებული ყურადღება ქართლის მეფემ ვახტანგ გორგასალმა (452 — 502) და ამიტომ დაიწყო მან აქ V საუკუნის მეორე ნახევარში, თბილისის, უკვე ამ დრომდე საკმაოდ მჭიდროდ დასახლებული და ეკონომიურ-სტრატეგიული თვალსაზრისითაც მნიშვნელოვანი პუნქტის, სატახტო ქალაქად გადაქცევის მიზნით მშენებლობანი⁷. მაგრამ ვახტანგის სიცოცხლეში ვერ მოესწრო დაწყებული საქმის დამთავრება და მისმა მემკვიდრემ დაჩიმ „განასრულნა ზღუდენი ტფილისისანი და ვითა ებრძანა ვახტანგს, იგი შექმნა სახლად სამეფოდ“⁸. ამრიგად, VI საუკუნისათვის თბილისში არა მარტო და-

11 — 12; А. Джинвилогон, Торговля на западе в середине века, СПб., 1904, гв. 6; Г. Гоэглишвили, О древнем торговом пути в Закавказье, ист. инст. შრ., ტ. II; З. Ямпольский, К изучению древнего пути из Каспийского моря по реке Куро через Грузию к Черному морю (იქვე, გვ. 160—180); თ. ლორთქიფანიძე, ანტიკ. ხანაში ინდოეთიდან შავი ზღვისაკენ მიმავალი სატრანზიტო-სავაჭრო გზის შესახებ, საქ. სსრ აკადემიის მოამბე, XIX, № 3, 1957, გვ. 377—384 და სხვ.

⁶ დეონტი მროველი, ცხოვრება მეფეთა, ქართლის ცხოვრება, ს. ყაუხჩიშვილის რედაქციით, 1955, გვ. 136.

⁷ უჯანშერი, ცხოვრება ვახტანგ გორგასლისა, ქართლის ცხოვრება, ს. ყაუხჩიშვილის რედ., გვ. 200.

⁸ იქვე, გვ. 205.

სრულდა ქალაქის შენება, არამედ იგი იქცა იმდროინდელი ქართლის „სამეუფო“ ანუ სატახტო ქალაქად.

თბილისის დამსახურებაც პირველ რიგში იმაში მდგომარეობს, რომ იგი VI საუკუნის დამდეგსათვის იქცა ახლად გამარჯვებული ფეოდალური ურთიერთობის, ადრეფეოდალური ქართლის სამეფოს პირველ პოლიტიკურ ცენტრად. ამდენად, თბილისი იყო ადრეფეოდალური აღმოსავლურ-ქართული მიწა-წყლის შემკრები, მისი ეკონომიური ცენტრიც.

VI საუკუნის თბილისი, ქართლში მეფობის გაუქმებისა და ირანელთა გაბატონების მიუხედავად, იყო ქართული კულტურის ცენტრიც. აქ ისხდნენ ახალი, ფეოდალური ქართლის პოლიტიკური მესვეურები, ერისმთავრები, რომელნიც ირანელთა ბატონობის ხანაშიც თბილისში ქართულ ზედწერილიან მონეტებს კრიდნენ¹. ეს მონეტები ფართოდ იხმარებოდა როგორც საშინაო, ასევე საგარეო ვაჭრობაშიც. იმ დროსვე თბილისში აშენდა ქართული, ქრისტიანული ხუროთმოძღვრების ისეთი შესანიშნავი ძეგლები, როგორიცაა სიონის ტაძარი და ზარის (ანჩისხატის) ეკლესია.

იმავე დროს თბილისი იყო ორგანიზატორი იმ თავდადებული ბრძოლისა, რომელსაც აწარმოებდა ქართველი ხალხი VI — VII საუკუნეებში ირანელების, ხაზარებისა თუ ბიზანტიელების წინააღმდეგ.

ადრეფეოდალური თბილისი სწრაფად იზრდებოდა და ქვეყნის უდიდეს ეკონომიურ ცენტრად იქცეოდა. აღსანიშნავია, რომ VII საუკუნის დამდეგის თბილისი უცხოელთა მიერ უკვე მიჩნეული იყო „ნებიერ, მოვაჭრე, სახელოვან დიდ ქალაქად“².

არაბთა ლაშქრობებმა VII ს. მეორე ნახევრიდან, ხოლო შემდეგ მათი მფლობელობის დამყარებამ მხოლოდ ერთხანს, დროებით შეაფერხა თბილისის შემდგომი ეკონომიური განვითარება. მალე იგი კიდევ უფრო აქტიურად ჩაება იმდროინდელ მსოფლიო ვაჭრობაში. უკვე VIII ს. თბილისში მოჭრილი „თბილურ-არაბული დრამები“ ვრცელ-

დებოდა საკმაოდ შორს ჩრდილოეთის თუ დასავლეთის ქვეყნებში. თბილისი ცხადია, მით უფრო არ წყვეტდა კავშირს საქართველოს კუთხეებთან და ქალაქებთან. ამაზე აქ აღმოჩენილი ნუმიზმატიკური მასალა აშკარად პეტყეულებს. მაჰმადიანთა მფლობელობა-ბატონობის პერიოდშიც თბილისს არ დაუკარგავს თავისი ქართული სახე — იმ პერიოდშიც აქ საკმაოდ მრავლად ესახლნენ ქართველ საეკლესიო თუ საერთო ფეოდალთა ყმები, მათვე თბილისში ეკუთვნოდათ ქულები და სხვა საქალაქო ნაგებობანი. ამას გარდა, არაბთა ბატონობის პერიოდში თბილისი იყო არაბთა წინააღმდეგ ბრძოლის ერთ-ერთი ცენტრიც. აბო თბილელისა და მის მსგავსთა თავდადება კიდევ უფრო აღვიქმბდა და ამტიკებდა ეროვნული სიამაყის შეგნებას, აკუებდა მებრძოლთა სულსკვეთებას არაბთა ბატონობისაგან განთავისუფლებისათვის ბრძოლაში.

დიდი ზიანი მოუტანა IX ს. შუა წლების თბილისს არაბთა სარდლის ბულა თურქის გამანადგურებელმა ლაშქრობამ. ხალხმრავალ თბილისში იმ დროს 50.000-მდე მცხოვრები დაღუპულა. მაგრამ ქალაქი მალე ისევ ფეხზე დადგა და ამიერკავკასიის იმდროინდელ ქალაქთა შორის ერთი პირველი ადგილთაგანი დაიჭირა. X ს. თბილისის სიძლიერესა, სიდიდესა და სიმდიდრეზე მოგვიტხრობენ, როგორც სომხური, ასევე არაბული წყაროები. მაგალითად, არაბი გეოგრაფი ისთახარი X საუკუნის პირველი ნახევრის თბილისზე წერდა: „თბილისი... სიმდიდრით საესე ადგილია... მრავალგვარი საქონელი... მტკვრით მიაქვთ იქიდან... მთელს არაბში ბარდავზე, დარუბანდაზე და თბილისზე უფრო დიდი ქალაქი არ არსებობს“³.

მაჰმადიანთა ბატონობის პერიოდში ქალაქის მოსახლეობის პროგრესული ნაწილი ყოველნაირად ცდილობდა თბილისი საქართველოს უკვე ერთიანი სამეფოსათვის შეეერთებინა. ამით აიხსნება ის, რომ საქართველოს მეფე ბაგრატ IV-ს, XI ს. 40—50-ან წლებში, ქალაქის დამოუკიდებელი თვითმმართველობის წარმომადგენლებმა „თბილელმა ბერებმა“ ორჯერ გადასცეს ქალაქი. მაგრამ ბაგრატ IV-მ, სამეფო ხელისუფლების გაძლიერების მოწინააღმდეგე დიდგვარიანთა წყალობით,

¹ დ. კაპანაძე, ქართული ნუმიზმატიკა, 1950, გვ. 36—37.

² იხ. История Агван Моисея Каганпатвацц, СПб., 1861, გვ. 107.

³ ირანელი ავტორები, თარგმანი გ. ფუთურჩიძისა, თბილისი, 1937, გვ. 4, შდრ. იქვე, გვ. 15.

თბილისში გამაგრება და მისი საბოლოო შემოქმედება მაინც ვერ მოახერხა.

მხოლოდ 1122 წელს დავით IV აღმაშენებელმა შეძლო თბილისი ისევ შეეერთებინა თავისი მიწა-წყლისათვის და საბოლოოდ შექმნეპტკაცებინა. ამ დროიდან დაიწყო თბილისის, როგორც აყვავება, ასევე მისი მნიშვნელობისა და როლის ზრდა ქართული ხალხის შემდგომ ისტორიაში. ამიერიდან თბილისი იქცა ერთიანი ქართული ფეოდალური მონარქიის, მთელი საქართველოს, წინა აზიის უძლიერესი სახელმწიფოს, პოლიტიკური და ეკონომიური ცხოვრებისა და კულტურის უდიდეს ცენტრად.

XI — XII საუკუნეთა თბილისი ეს იყო სოციალურად ძლიერი, უკვე ზრდადასრულებული ქალაქი. თბილისმა XI საუკუნის 50-ან წლებში მოიპოვა ქალაქი-კომუნის მმართველობა, დამოუკიდებლობა, და ამით დიდად გაუსწრო არა მარტო საქართველოს სხვა ქალაქებს, არამედ დასავლეთის თუ აღმოსავლეთის ბევრ მის თანამედროვე ქალაქს. თვითმმართველობა, ქალაქ-კომუნის ტიპის წესწყობილება თბილისმა XII ს. 20-ან წლებამდე შეინარჩუნა¹.

სოციალურად ძლიერი ქალაქი დაწინაურდა ეკონომიურადაც; ამ მხრივაც საქართველოს იმდროინდელი დედაქალაქი წამყვანი იყო საქართველოს სხვა ქალაქებს შორის. XII — XIII საუკუნეების თბილისის ეკონომიური მდგომარეობის შესახებ მრავალი საინტერესო ცნობაა დაცული უცხოელ მოგზაურთა და გეოგრაფთა თხზულებებში. განსაკუთრებულ ყურადღებას იქცევს XIII საუკუნის დამდეგის უცნობი მოგზაურის, სპარსულ ენაზე შედგენილი „სამყაროს საკვირეულებათა“ ავტორის ცნობები. „თბილისი, — ნათქვამია ამ თხზულებაში, — ეს დიდი, გამაგრებული ქალაქია, რომელიც ძნელად მისადგომ ხევშია გაშენებული. მდინარეზე, რომელიც ქალაქს შუაზე

¹ თბილისის თვითმმართველობის ისტორიის შესახებ იხ. გ. ფ. უ. თ. რ. ი. ძ. ვ. არაბი ისტორიკოსი XII ს. თბილისის შესახებ, „ენიმიკის“ მოამბე, ტ. XIII, გვ. 143; გ. წიგრიეთელი, სემიტური ენები და მათი მნიშვნელობა ქართული კულტურის ისტორიის შესწავლისათვის, თსუ სამეცნიერო მოხსენებათა კრებული, 1947; მ. ი. ს. ვ. ე. არაბული ქრესტომათია, თბილისი, 1949, გვ. 68—75; V. Minorsky, *Caucasia in the History of Mayyafariqin*, Bulletin of the School of Oriental Studies... V. XIII, p. I, 1949, 27—35.

ყოფს, გადებულია ერთმილიანი დიდი ხიდი. ხიდის მახლობლად კარგად ნაგები ციხე. ციხეში აუგიათ მეფეთა სასახლეები, მრავალი საყარაულო კოშკი... აუშენებიათ მრავალი წისქვილი, რომელთაც, ჯაკეთით მიმაგრებულეს, იქერენ მდინარეში. მრავალია დულაბები (წყალამწევი ბორბლები) და დოვლათით სავსე ბალები. მასში (თბილისში, — შ. მ.) 65 აბანოა, წყალი ყველა აბანოში უტეცხლოდ ცხელია... აქ აბანოზე ქირას არ იხდიან. ქალები ატარებენ ქუდებს, სხედან დუქნების წინ და, მუსლიმანებს გარდა, პირსახეს არ იფარავენ. იქაური საქონელია: სპილოს ძვლით ინკრუსტირებული უნაგირები, აღვირები, კაპარკები — საისრე ყუთები; თაფლი, მრავალგვარი ტკბილეულობა, ცვილი, უამრავი ბროწეული; თახვი, წავი, მონები, მონა-გოგონები, მინა, ფიალები, ბროლის კარგი ნაწარმი². იმავე თხზულების ავტორი აღწერს რა ანდალუზიის (ესპანეთში) ერთ-ერთი ქალაქის ხიდს, რომლის ქვეშ გემები დადიოდნენ, სხვათა შორის შენიშნავს, რომ მსგავსი ხიდები არის ბაღდადა და თბილისში და რომ ისინი მან თვით ნახა³.

XII — XIII საუკუნეების თბილისში მრავალრიცხოვანი მოსახლეობა იყო. ზოგიერთი არაპირდაპირი ცნობით, თბილისისა და მის გარეუბნებში მოსახლეობა XIII საუკუნის დამდეგისათვის 100.000-ზე მეტი იყო⁴.

საქართველოს დედაქალაქში იმ დროს თავს იყრიდნენ არა მარტო ადგილობრივნი, არამედ უცხოელებიც, არა მარტო ვაჭრები და ხელოსნები, არამედ მეცნიერები, პოეტები, ხელოვნებისა და კულტურის სხვა წარმომადგენლებიც.

აღსანიშნავია, რომ დავით აღმაშენებელს, უცხოური ცნობის მიხედვით, მაჰმადიან სუფიებისა და პოეტებისათვის თბილისში საგანგებო თავშესაფარიც კი აუშენებია.

თბილისი მახლობელი აღმოსავლეთის კულტურის ერთ-ერთი ძლიერი ცენტრის როლს ასრულებდა მაშინაც კი, როცა იგი ჯერ ხორეზმელების,

² Н. Д. Миклухо-Маклаи, *Географическое сочинение XIII в. на персидском языке*, Уч. зап. Института Востоковедения, М.—Л., т. IX, гв. 202—203.

³ იქვე, გვ. 183.

⁴ ე. შ. მ. თ. ა. დ. მ. წ. ი. ე. ლ. ი., ქართლის ცხოვრება, მარია დედოფლისეული წესა, გვ. 580.

ხოლო შემდეგ მონღოლების ლაშქრობათა წყალობით, დაცემის გზაზე იყო შემდგარი. ამიტომ იყო, რომ მონღოლთა ბატონობის დროსაც კი თბილისი იზიდავდა მეზობელი ქვეყნების მკერალებსა და მეცნიერებს. დამახასიათებელია, რომ 1284 წელს „დიდ ქალაქ თბილისს“ ესტუმრა ცნობილი სომეხი სწავლული, გრამატიკოსი, ფილოსოფოსი და პოეტი იოანე ერზინჯელი, რომელმაც აქ, წმ. გიორგის სახელობის ეკლესიაში (ნარიყალას ქვემოთ), მეცნიერული სიტყვა წარმოთქვა „ზეციურ სხეულთა მოძრაობისათვის“¹.

თბილისი იყო განვითარებული ფეოდალიზმის ხანის საქართველოს საზოგადოებრივ-პოლიტიკური მოძრაობის ცენტრიც. სწორედ თბილისში, მისი მოსახლეობის ზედაფენამ, მსხვილმა ეაქრებმა და ფინანსისტებმა, ე. წ. „სიმდიდრით აღზევებულთა დასმა“, მეფის ვაზირის, მეჭურჭლეთუხუცესის ყუთლუ-არსლანის მეთაურობით, მოითხოვა მეფის თვითმპყრობელური ხელისუფლების შეზღუდვა ახლად შექმნილი საკანონმდებლო ფუნქციებით აღჭურვილი დარბაზით (საბჭოთი), სადაც მონაწილეობას, დიდებულებთან ერთად, „სიმდიდრით აღზევებულთა“ წარმომადგენლებიც მიიღებდნენ. ეს მოძრაობა, მართალია, დამარცხდა, მაგრამ მას დიდი მნიშვნელობა ჰქონდა საერთოდ ქართული საზოგადოებრივ-პოლიტიკური მოძრაობის განვითარებისათვის, განსაკუთრებით კი თბილისის მოსახლეობის ზედაფენის პოლიტიკურ უფლებათა შემდგომი ზრდისათვის, მესამე წოდების იდეურად ჩამოყალიბებისათვის.

იმდროინდელ თბილისში საფუძველი ეყრებოდა სხვა მსგავს პროგრესულ მოძრაობებს, აქედან ეფინებოდა იგი მთელს საქართველოს.

* * *

XIII ს. 30—40-ანი წლებიდან დაიწყო თბილისის ეკონომიური როლის თანდათან დაცემა. ჯერ ხორეზმის შაჰის ჯალალ-ედინის, ხოლო შემდეგ მონღოლებისა და თემურ-ლენგის გამანადგურებელმა ლაშქრობებმა, რომელიც XIII ს. 30-ანი წლებიდან ვიდრე XV ს. დამდეგამდე გაგრძელდა,

¹ იხ. Л. Мелнксет-Векон, О межгосударственных отношениях в Тифлисе в 1197 г., ИКИАИ, ტ. III, გვ. 59.

თბილისის, როგორც ეკონომიური, ასევე პოლიტიკური მნიშვნელობა დასცა, დააქვეითა.

XV ს. დასასრულისათვის კიდევ საქართველოს ერთიანი სამეფოს დაყოფამ რამდენიმე სამეფოდ და სამთავროდ. შეიძლება ითქვას, დაამთავრა ქალაქის დაცემის პროცესი — თბილისი ამიერიდან შედარებით მცირე ქალაქად და მხოლოდ ქართლის სამეფოს პოლიტიკურ ცენტრად იქცა.

მაგრამ ქართველი ხალხის ისტორიაში თბილისის განსაკუთრებულ დამსახურებას შეადგენს ისიც, რომ იგი ამ პერიოდშიაც, ქვეყნის ფეოდალური დაქუცმაცებულობის პერიოდშიც, რჩებოდა საქართველოს ეკონომიურ და კულტურის ცენტრად, განცალკევებული ქართული ფეოდალური ერთეულების ისევე შეკრება-თავმოყრის ინიციატორად, მის გამაერთიანებელ მთავარ ძალად. ამ ძნელბედობის ხანაში თბილისი იყო ქართველი ხალხის შემამკიდროებელი და დამრასმეველი დამოუკიდებლობისათვის ბრძოლის საქმეშიც.

მთელი საქართველოს პოლიტიკურ და ეკონომიურ ცხოვრებაში თბილისის ამგვარი განსაკუთრებული მნიშვნელობით აიხსნება ის, რომ ქვეყნის დალაშქერისა და დაპყრობის მსურველი ყოველი აგრესორი პირველ რიგში თბილისის გაძარცვასა და აღებას ცდილობდა. ასეთ აგრესიულ მიზანს ემსახურებოდა ჯეჰან-შაჰის, უზუნ-ჰასანის, იაყუბყენის და სხვა მოძალადეთა მიერ მოწყობილი გამანადგურებელი ლაშქრობანი XV საუკუნის მთელ სიგრძეზე.

გამანადგურებელი ომები თბილისისათვის XVI საუკუნეშიაც გრძელდებოდა. იმ დროს თბილისი, მთელ საქართველოსთან ერთად, ყიზილბაშური ირანისა და ოსმალეთის გამუდმებული ომის ასპარეზად გადაიქცა.

ქართველი ხალხის თავდადებული ბრძოლა თბილისისა და, მაშასადამე, ქვეყნის გასათავისუფლებლად არ შენელებულა, მაგრამ აგრესორთა შემოსევებს, გამუდმებულ ომიანობას, ქალაქისათვის მძიმე შედეგები მოჰქონდა. საკმარისია აღინიშნოს, რომ თბილისის მოსახლეობის რაოდენობა XVI საუკუნის მიწურულისათვის 10.000-მდე დავიდა.

სახალხო გამათავისუფლებელი მოძრაობა აღმოსავლეთ საქართველოში ირანელ მოძალადეთა წინააღმდეგ კიდევ უფრო დიდი მასშტაბით XVII ს. დამდეგიდან დაიწყო. ამ დიდი მოძრაობის მორგანიზებელი ცენტრი არსებითად თბილისი იყო. შემ-

თხვევითი არაა, რომ სახალხო გამათავისუფლებელ მოძრაობას XVII ს. პირველ მეოთხედში სათავეში ედგა თბილისის „დიდი მოურავი“ გიორგი სააკაძე.

ამ მრისხანე სახალხო მოძრაობამ აიძულა ირანელი დამპყრობლები დათმობაზე წასულიყვნენ: XVII ს. 30-ანი წლებიდან მნიშვნელოვანი ცვლილებები მოხდა ირანისა და ქართლის ურთიერთობაში: გამუდმებული ომიანობა შეწყდა, ირანის შაჰი ამიერიდან ქართლის სამეფო ტახტზე ქართველ (თუმცა გამაჰმადიანებულ) მეფეებს აგზავნიდა, რომელნიც აქ შაჰის მოადგილედ ითვლებოდნენ. თბილისი იქცა მათ რეზიდენციად. მიუხედავად ამისა, თბილისი მაინც რჩებოდა ქართული პოლიტიკური და კულტურული ცხოვრების ცენტრად. ქართველი ხალხის დიდი წინააღმდეგობა აიძულებდა ქართლის გამაჰმადიანებულ მეფეებს დათმობაზე წასულიყვნენ, ქართული სახელმწიფოებრივი წყობილება და სოციალური ცხოვრება უცვლელად დაეტოვებინათ, კიდევ მეტი, ზოგი გამაჰმადიანებული მეფეთაგანი, შაჰის ერთგულების საფარველით, არსებითად ქართულ საქმეს აკეთებდა.

დამახასიათებელია აგრეთვე, რომ ქართლის პირველი გამაჰმადიანებული მეფის როსტომის (1632 — 1658) მეუღლე მარიამ დედოფალი თბილისში და მთელს საქართველოში ქართული კულტურის შემდგომი აყვავების დაუღალავი მოღვაწე იყო.

ამავე პერიოდში თბილისი, ქართველი ხალხის შრომისა და თავდადების წყალობით, ისევ იქცა არა მარტო ქართული სულიერი სიმდიდრის კერად, არამედ მატერიალური დოვლათის წარმოების ცენტრადაც. აღორძინებას იწყებდა თბილისის ეკონომიური ცხოვრება. ქალაქმა ისევ გაახლა სავაჭრო ურთიერთობა მეზობელ ქვეყნებთან. ამასთანავე, მიუხედავად პოლიტიკური დაქუცმაცებულობისა, თბილისი ისევ რჩებოდა მთელი საქართველოს ეკონომიურ ცენტრად. უცხო დამკვირვებელი სერაფინო მელიკოკანელი XVII ს. 60-ანი წლების თბილისის შესახებ წერდა: აქ „განუწყვეტლივ ერთმანეთს ხვდებიან ყოველი კუთხის ვაჭრები — სპარსეთიდან, ალბოიდან, სპირნიდან, კონსტანტინოპოლიდან და მთელი საქართველოდან... ყველაფერი აქ უხვად არის, აუარებელი ვაჭრობაც არის და ყოველდღე დატვირთული ქარავნებიც შემოდის, მაგრამ მაინც საქართველოს

სხვა კუთხეებთან შედარებით აქ ყველაფერი ძვირია“¹.

XVII ს. მეორე ნახევრის თბილისის საგარეო ვაჭრობისა და მისი მნიშვნელობის შესახებ წერდნენ სხვა უცხოელი მოგზაურებიც — შარდენი, ევლია ჩელები, ტურნეფორი და სხვები. აღსანიშნავია, რომ ამ უკანასკნელის ცნობით, 1700 წლისათვის თბილისში უკვე დაახლოებით 20.000 მცხოვრები იყო.

თბილისის როლი საქართველოს ეკონომიურ და კულტურულ ცხოვრებაში კიდევ უფრო გაიზარდა XVIII ს. დამდეგიდან. ამ დროსაც თუმცა ქართლის მეფე ისევ ირანის შაჰის მოადგილედ ითვლებოდა, თბილისი იყო ქართული კულტურის უდიდესი ცენტრი. სწორედ ამ დროს თბილისში განათლებილი და კულტურის სხვა დაწესებულებებს (წიგნსაცავი, სკოლები) გარდა, 1709 წ. პირველად დაარსდა ქართული სტამბა. იგი იყო პირველი არა მარტო თბილისში, საერთოდ საქართველოში, არამედ მთელს ამიერკავკასიაში და მის მეზობელ ქვეყნებშიც.

თბილისის ამ პირველ სტამბაში, 1709 — 1722 წლებში, ოცი სხვადასხვა სახელწოდების წიგნი დაიბეჭდა. მათ შორის შოთა რუსთველის უკვდავი ქმნილება „ვეფხისტყაოსანი“. თბილისში დაბეჭდილი წიგნები არა მარტო ქართლის სამეფოში, არამედ მთელს საქართველოში ვრცელდებოდა. ამრიგად, პირველად თბილისიდან წავიდა მთელს საქართველოში პირველი ნაბეჭდი ქართული წიგნი.

ქართული კულტურის აღორძინების დროიდან თანდათან შემუშავდა უცხოური — ირანულ-ოსმალური — აგრესიის წინააღმდეგ იდეური ბრძოლის მეთოდებიც. ამის ცენტრიც ქ. თბილისი იყო. არსებითად აქ ჩამოყალიბდა იდეურ-პოლიტიკურ მოღვაწეთა ძლიერი დასი — პოეტებისა და ლიტერატორებისა, მეცნიერებისა და სახელმწიფო მოღვაწეთა. იმ დროის პროგრესულ ქართველ მოღვაწეთა დიდი უმრავლესობა სწორედ თბილისში ცხოვრობდა და მასთან მჭიდროდ იყო დაკავშირებული. ამ სახელოვან პირთა რიცხვს ეკუთვნოდნენ არჩილი, ს.-ს. ორბელიანი, ვახტანგ VI, ვახუშტი ზაგრა-

¹ სერაფ. მელიკოკანელის ცნობები საქართველოს შესახებ, თარგმნა ბ. გიორგაძემ; ხელნაწერი ინახება საქ. სსრ მეცნიერებათა აკადემიის ისტორიის ინსტიტუტში.

ტიონი, ბერი ეგნატაშვილი და მისი „სწავლულ კაცთა“ კომისია და სხვები.

ეკონომიური და კულტურული აღორძინების გზაზე შემდგარი თბილისის შემდგომ განვითარებას წინ გადაელობა XVIII ს. მეორე მეოთხედისათვის შექმნილი მძიმე საშინაო და საგარეო ვითარება. 1723 წლიდან აღმოსავლეთ საქართველოს ისტორიაში დაიწყო ოსმალთა ბატონობის მძიმე წლები. იმდროინდელი თბილისი არაერთხელ ააოხრეს ოსმალებმა თუ დაღისტინელმა ფეოდალებმა. მართალია, ოსმალებმა დიდხანს ვერ იბოგინეს, მაგრამ ქალაქს არ დასცალდა შესვენება: 1735 წლიდან ოსმალების მაგიერ ირანელი ყიზილბაშები გაბატონდნენ. თბილისში და მთელს ქართლში „ყიზილბაშობა“ დამყარდა და მათი ბატონობა 1744 წლამდე გაგრძელდა.

დიდი ხანი დასჭირდა იმ დროს თბილისისადმი მიყენებული მძიმე ჰრილობის მოშუშებას. მხოლოდ XVIII ს. მეორე ნახევრიდან შეიქმნა შედარებით ხელსაყრელი პირობები ერთგვარი მშვიდობიანი ცხოვრებისა და ქალაქის ეკონომიური აღორძინებისათვის.

XVIII ს. მეორე ნახევრიდან თბილისი ისევ მთელი საქართველოს ეკონომიური ცენტრი იყო. აქ თავს იყრიდა ქვეყნის ხელოსნური წარმოება. იმდროინდელ თბილისში ხელობის 60-ზე მეტ დარგს მისდევდნენ. თბილისი იყო ხელობის ახალი დარგების პირველი დამწერგავი, ქვეყნის ეკონომიური ცხოვრების ახალი საფეხურის პირველი შემქმნელი. XVIII ს. 70-ანი წლებიდან თბილისში წვრილი ხელოსნური წარმოების გვერდით ჩნდება და თანდათან მრავლდება შედარებით მსხვილი სარეწები, რომლებიც იმდროინდელ წყაროებში „ქარხნებად“ მოიხსენიებიან. ასეთი იყო: ზარბაზნებისა და მორტიკების ჩამოსასხმელი „სამეფო ქარხანა“, ზარაფხანა, სტამბა, მინის სარეწავი, საპნის სახარში, თოფისწამლის ქარხანა, მარილსახდელი, სამღებროები და სხვა. ამგვარი სარეწავების უმეტესობა ეკუთვნოდათ მეფისა და მისი სახლის წევრებს, რომლებიც ამა თუ იმ სარეწავს იჯარით აძლევდნენ კერძო პირებს, მსხვილ ვაჭარ-მოქალაქეებსა და შეძლებულ ოსტატებს. ეს უკანასკნელნი კი იჯარით აღებულ სარეწავებში ხელოსნებისა და შავი მუშების დაქირავებულ შრომას იყენებდნენ. ამრიგად, ეს სარეწავები არსებითად მანუფაქტურ-

ული ტიპის საწარმოები იყო. ეს კი ქალაქის ეკონომიურ ცხოვრებაში ახალი დიდი ნაბიჯის გადადგმას მოასწავებდა.

ყველაფერი ეს, ცხადია, ცვლიდა თბილისის როლს არა მარტო საქართველოს, არამედ საერთოდ კავკასიის ხალხების ეკონომიურ ცხოვრებაში. ამ დროიდან უფრო დიდი რაოდენობით გადიოდა თბილისური საქონელი საქართველოს საზღვრებს გარეთაც. პოლკოვნიკ ს. ბურნაშევის ცნობით, XVIII ს. 80-ან წლებში თბილისის სახელოსნოები თუ მანუფაქტურული სარეწავები კავკასიის მთის ხალხებსა და ირანელ მეზობლებს აწვდიდნენ „სპილენძის ჭურჭლებს, დაჩითულ, შეღებილ და თეთრ ბამბეულს, ცხენის აღკაზმულობას, ხმლებსა და ხანჯლებს, წვრილ რკინეულ საგნებს, ტანსაცმელს, ქუდებსა და ფეხსაცმელს“¹.

ფართოვდება თბილისის სავაჭრო ურთიერთობის სფეროც. თბილისელი ვაჭრები იმ დროიდან უკვე მიდიოდნენ ჩრდილოეთის საკმაოდ შორეულ ქალაქებშიც, მათ შორის მოსკოვშიც.

XVIII ს. მეორე ნახევრიდან შეიძვალა აგრეთვე თბილისის პოლიტიკური როლიც. 1762 წლიდან იგი იქცა გაერთიანებული ქართლ-კახეთის სამეფოს სატახტო ქალაქად. მაგრამ თბილისის პოლიტიკური როლი იმდროისათვის ამითაც არ ამოიწურებოდა. ერეკლე II-ის ქართლ-კახეთში მეფობის დროიდან თბილისი ისევ მთელი ჩვენი ქვეყნის პოლიტიკური ცხოვრების ცენტრი იყო. აქ თავს იყრიდა ქვეყნის ყველა პროგრესული მოღვაწე, საქართველოს გაერთიანებისა და ქართული კულტურის შემდგომი აყვავებისათვის მებრძოლი. აქ დგებოდა და იწერებოდა გეგმები და ხელშეკრულებები საქართველოს განცალკევებულ სამეფო-სამთავროთა საერთო მტრის წინააღმდეგ ერთიანი ძალით გამოსვლის შესახებ; აქ წყდებოდა ქართველ პოლიტიკურ მოღვაწეთა საგარეო პოლიტიკური ორიენტაციის საკითხი; აქვე საფუძველი ეყრებოდა ქართველი და სხვა მეზობელი თუ შორეული ხალხების მჭიდრო პოლიტიკურ ურთიერთობასა და მეგობრობას.

იმდროინდელი თბილისი იყო აგრეთვე ამიერკავკასიის ხალხების პროგრესულ მოღვაწეთა თავ-

¹ С. Д. Б у р н а ш е в, Картина Грузии, Тифлис, 1896, გვ. 2.

მოყრის ცენტრი. აქ ისახებოდა უცხო მოძალადეთაგან ამიერკავკასიის ხალხთა განთავისუფლების იდეები, ერთიანი ქართულ-სომხური სახელმწიფოს შექმნის გეგმები და სხვა მსგავსი ღონისძიებანი. ამიტომ იყო, რომ თბილისსა და მის პოლიტიკურ მოღვაწეებს, XVIII ს. მეორე ნახევარში, უკავშირდებოდნენ სომეხი ხალხის ეროვნულ-განმათავისუფლებელი მოძრაობის ისეთი ცნობილი წარმომადგენლები, როგორც იყვნენ იოსებ ემინი, შაამირ შაამირიანი და სხვები.

იზრდებოდა თბილისის როლი ქართული კულტურის შემდგომი განვითარების საქმეშიც. XVIII ს. მეორე ნახევრიდან თბილისში დაფუძნდნენ სახელმწიფო სკოლებიც. 1755 წ. თბილისში დაარსებული ფილოსოფიის სემინარია ამ მხრივ ერთი პირველთაგანი იყო. აღდგენილ იქნა ქართული სტამბა. იგი თითქმის ნახევარი საუკუნის მანძილზე მოქმედებდა და ქართულ წიგნებს აწვდიდა საქართველოს ყოველ კუთხეს. თბილისში XVIII ს. მეორე ნახევარში დაარსდა ქართული თეატრი, გაიზარდა ქართული წიგნსაცავების რაოდენობა. განსაკუთრებული როლი შეასრულა XVIII საუკუნის თბილისმა ახალი ქართული სალიტერატურო ენის შექმნაშიც. კიდევ უფრო გაიზარდა და განმტკიცდა ქართული კულტურისა და პოლიტიკურ მოღვაწეთა რიგები.

ამრიგად, დიდი იყო თბილისის როლი არა მარტო ქართველი ხალხის ეკონომიურ, პოლიტიკურ და კულტურულ ცხოვრებაში, არამედ საერთოდ ამიერკავკასიის ხალხების ნაციონალურ-განმათავისუფლებელ ბრძოლის საქმეშიაც. ამიტომაც იყო, რომ ირანის შაჰმა ალა-მაჰმად-ხან ყაჯარმა 1795 წელს ერთხელ კიდევ სცადა თბილისის აღგვაღებაში პირისაგან. კრწანისის ტრაგედიამ ერთხელ კიდევ მძიმე ჭრილობა მიაყენა თბილისს. ქალაქი მოძალადის ხელით გაიძარცვა, გადაიწვა და დაიწვრა. მიწასთან იქნა გასწორებული თბილისის ყველა მნიშვნელოვანი სარეწავი. ირანელ დამპყრობთა ამ უკანასკნელმა ლაშქრობამ დიდი რაოდენობით იმსხვერპლა თბილისის მოსახლეობა. ალა-მაჰმად-ხანის შემოსევიდან რვა წლის შემდეგაც თბილისის მოსახლეობა ძლივს აღწევდა 15.000 სულამდე. გართულდა ქვეყნის საშინაო მდგომარეობა, გამწვავდა შინაგანი სოციალურ-ეკონომიური კრიზისი.

• • •

მიუხედავად შექმნილი მძიმე საშინაო და საგარეო ვითარებისა, მტრის ვარაუდი არ გამართლდა. ქართველი ხალხის თავდადებული შრომის წყალობით მალე თბილისი ისევ ფეხზე დადგა და 1801 წლიდან კი, ქართლ-კახეთის სამეფოს რუსეთთან შეერთების შემდეგ, იგი განვითარების ახალ საფეხურზე შედგა, ქალაქის ეკონომიურ ცხოვრებას მშვიდობიანი განვითარების შესაძლებლობა შეექმნა.

1801 წელს რუსეთთან აღმოსავლეთ საქართველოს შეერთებამ, მიუხედავად ცარიზმის მიერ აქ დამყარებული მძიმე კოლონიური რეჟიმისა, ქვეყანა იხსნა უცხოელთა გაბატონებისა და გადაშენებისაგან. რუსეთის ცარიზმის ნება-სურვილისაგან დამოუკიდებლად, ობიექტურად შეიქმნა პირობები ქვეყნის მშვიდობიანი ეკონომიური განვითარებისათვის, მძიმე სოციალურ-ეკონომიური კრიზისიდან გამოსვლისათვის. საქართველო და მისი ქალაქები თანდათანობით ჩაება რუსეთში უკვე მტკიცედ ფეხადგმულ კაპიტალისტურ ურთიერთობათა სისტემაში — თბილისისათვის დგება ახალი ხანა.

დაიწყო ქალაქის სწრაფი სამეურნეო და კულტურული აღმავლობა. თანდათან იცვლებოდა ფეოდალური თბილისის ეკონომიური და სოციალური სახე; შეიცვალა მისი პოლიტიკური როლიც. თბილისი — ქართლ-კახეთის და არსებითად მთელი საქართველოს ყოფილი სატახტო ქალაქი, ჯერ „საქართველოს უზენაესი მთავრობის“, რეზიდენციად, ხოლო შემდეგ „ამიერკავკასიის მხარის“ აღმინისტრაციულ ცენტრად იქცა. 1845 წლიდან კი 1917 წლამდე თბილისი იყო, მცირე გამონაკლისებით, კავკასიის მეფის ნაცვლის რეზიდენცია.

XIX ს. პირველ ნახევარში აღორძინდა თბილისის ეკონომიური ცხოვრება. იგი კიდევ უფრო მკიდროდ დაუკავშირდა საქართველოს ცალკეულ კუთხეებს, გამრავლდა ვაჭარ-ხელოსანთა რიცხვი ქალაქში, გაიზარდა სახელოსნო-საეაპრო დუქანთა რაოდენობა. თუკი 1803 წელს თბილისში 570 დუქანი იყო, 1846 წლისათვის მისმა რაოდენობამ 1500-ს გადააჭარბა. თანდათან იზრდებოდა ალა-მაჰმად-ხანის მიერ განადგურებული მოსახლეობის რაოდენობაც. XIX ს. პირველი ნახევრის დასას-

რულისათვის თბილისის მოსახლეობამ 56.000-მდე მიიღწია¹.

იზრდებოდა შედარებით მნიშვნელოვან საწარმოთა რიცხვიც: XIX ს. 60-ანი წლების დასაწყისის თბილისში სულ 125 ფაბრიკა და ქარხანა იყო, რომელშიც დაახლოებით 1 200 კაცი მუშაობდა.

კიდევ უფრო ვითარდებოდა ქართული კულტურა თბილისში, იცვლებოდა ქალაქის კულტურული სახეც. 1804 წლიდან თბილისში ზედიზედ იხსნება სხვადასხვა სახის სასწავლებლები, ხოლო XIX ს. ოციანი წლებიდან თბილისში გამოსვლას იწყებს ქართული და რუსული პერიოდული გამოცემები, იხსნება კულტურისა და სამეცნიერო დაწესებულებები — ქართული თეატრის განახლება, რუსული თეატრის, იტალიური ოპერის, საჯარო ბიბლიოთეკის, გეოგრაფიული და სამეურნეო საზოგადოებათა, მუზეუმის, ობსერვატორიის და სხვა მსგავსთა დაარსება XIX ს. პირველ ნახევრის თბილისში ამგვარ ღონისძიებათა უმნიშვნელოვანესი შედეგი იყო. ცარიზმის კოლონიური პოლიტიკის მიუხედავად, თბილისი ისევ რჩებოდა ქართული კულტურის მედროვედ, ქართული ენის, ქართული ლიტერატურის, ქართული თეატრის, ქართული პრესის განვითარების ბურჯად და ცენტრად.

ქალაქის კულტურამ XIX ს. პირველ ნახევრის დასასრულისათვის უკვე განვითარების მაღალ დონეს მიიღწია. ამიტომ იწერებოდა თბილისიდან 1851 წელს დიდი რუსი მწერალი ლევ ტოლსტოი, რომ „თბილისი ძალიან ცივილიზებული ქალაქია“ რომ ის „ძალიან ჰბაძავს პეტერბურგს და კიდევაც აღწევს მიზანსო“².

თბილისი ისე, როგორც წინათ, XIX ს. პირველ ნახევარშიც მნიშვნელოვან როლს ასრულებდა ამიერკავკასიის სხვა ხალხთა კულტურის განვითარების საქმეშიც. XIX ს. პირველ ნახევარში თბილისში სომხური მოსახლეობისათვის დაარსდა სასულიერო სასწავლებელი, გამოსვლა დაიწყო სომხურმა გაზეთმა, საფუძველი ჩაეყარა სომხურ თეატრსა და გატარდა სხვა ღონისძიებანიც.

XIX ს. 60-ანი წლებიდან, საგლეხო რეფორმების შემდგომ პერიოდში, საქართველოში ახალი საზოგადოებრივი, ბურჟუაზიული ურთიერთობა იმარჯვებს. თბილისი იყო პირველი, რომელმაც

საქართველოს სხვა ქალაქებსა და კუთხეებთან შედარებით, ღრმად განიცადა ამ ახალი ურთიერთობის შემოჭრა-გაბატონება. ამ დროიდან თბილისში განსაკუთრებით ინტენსიურად განვითარდა მრეწველობა და ვაჭრობა. საქართველოს ერთ-ერთ უძველეს, ფეოდალური ურთიერთობის გარიყაყისას წარმოშობილ, ქალაქის ისტორიაში დაიწყო სრულიად ახალი ხანა — ბურჟუაზიული თბილისის განვითარების პერიოდი.

ბურჟუაზიული ქალაქის შემდგომ განვითარებას, მის კიდევ უფრო მკიდრო დაკავშირებას საქართველოს ცალკეულ კუთხეებთან მნიშვნელოვნად შეუწყო ხელი ამიერკავკასიის რკინიგზის მაგისტრალის გაყვანამ — თბილისის დაკავშირებამ ჯერ ფოთთან, ხოლო შემდეგ ბათუმსა და ბაქოსთან.

ქალაქის ეკონომიურ და სოციალურ ცხოვრებას ცვლილებები განსაკუთრებით მკაფიოდ დაეტყო XIX ს. 80-ანი წლებიდან. XIX ს. დასასრულისათვის თბილისში უკვე ითვლებოდა 1 500 მეტნაკლებად მნიშვნელოვანი ფაბრიკა და ქარხანა, 200-ზე მეტი სავაჭრო დაწესებულება და 14 სააქციო საზოგადოება³. რეფორმის შემდგომ ხანაში სწრაფად გაიზარდა თბილისის მოსახლეობაც. XIX ს. მიწურულისათვის იგი უკვე 160.000 სულამდე აღწევდა.

ამავე დროს ბურჟუაზიული თბილისი სათავეში ედგა ქართული ბურჟუაზიული კულტურის შექმნასა და შემდგომ განვითარებას. თბილისი იყო ქართული კულტურის ის ცენტრი, სადაც კიდევ უფრო ძლიერდებოდა და ვითარდებოდა ქართული სკოლა, პრესა, წიგნი, თეატრი; მრავლდებოდა სამეცნიერო და სამეურნეო დაწესებულება-საზოგადოებრივი ყველაფერი ეს, ცარიზმის ბატონობის პირობებში, ქართველი ხალხის თავდადებული ბრძოლით იყო მიღწეული და მოპოვებული.

თბილისის ქართული, დემოკრატიული პრესის, ქართული მწერლობისა და საერთოდ ქართული კულტურის განვითარებაში განსაკუთრებული ღვაწლი მიუძღვით ი. ჭავჭავაძეს, ა. წერეთელს, ი. გოგებაშვილს, გ. წერეთელს, ს. მესხს, ნ. ნიკოლაძეს, ი. მაჩაბელს, კ. ლორთქიფანიძეს, ა. ფურცელაძეს და სხვებს.

¹ იხ. Кавказский календарь на 1851 г., ნაწ. III, გვ. 88.

² Л. Толстой, Письма, 1910, გვ. 13.

³ იხ. ს. ხუნდაძე, სოციალისტის ისტორიისათვის საქართველოში, ნაწ. I გვ. 33—64.

ბურჟუაზიულ პერიოდში თბილისი კვლავ იყო ქართული კულტურისა და მეცნიერების მედროვე, მისი შემდგომი განვითარების ორგანიზატორი. თბილისი, ცარიზმის უმთავრესი ადმინისტრაციული პოლიტიკური ცენტრი კავკასიაში, XIX ს. მეორე ნახევარში იყო ცარიზმის წინააღმდეგ ბრძოლისა და ქართველი ხალხის ეროვნული განმათავისუფლებელი მოძრაობის ცენტრი და ორგანიზატორიც.

თბილისმა უდიდესი როლი შეასრულა აგრეთვე ქართველი ხალხის სხვა ხალხებთან მეგობრობის განმტკიცების საქმეშიც. თბილისში ჩამოდიოდნენ და ცხოვრობდნენ რუსი ხალხის გამოჩენილი შვილები: ა. გრიბოედოვი, ა. პუშკინი, მ. ლერმონტოვი, ლ. ტოლსტოი, ა. ოსტროვსკი, ბ. ჩაიკოვსკი, მ. გორკი, ვ. მაიაკოვსკი და სხვები. ბევრი მათგანის შემოქმედება მკიდროდ არის დაკავშირებული თბილისთან. რუსი ხალხის მოწინავე წარმომადგენლების ურთიერთობა ქართველი საზოგადოების მოწინავე წრეებთან ხელს უწყობდა რუსი და ქართველი ხალხების მეგობრობის კიდევ უფრო განმტკიცებას.

თბილისი მნიშვნელოვან როლს ასრულებდა ამიერკავკასიის ხალხთა შორის მეგობრობის განმტკიცებისა და მათი კულტურის განვითარების საქმეშიც. შემთხვევითი არ არის, აგრეთვე, რომ სომეხი თუ აზერბაიჯანელი ხალხის ზოგი დიდი წარმომადგენლის შემოქმედებითი გაფურჩქვნა, თუ საერთოდ მოღვაწეობა, მკიდროდ უკავშირდება თბილისს. აქ გაატარა თავისი მოღვაწეობის საუკეთესო წლები დიდმა სომეხმა მწერალმა ხაჩატურ აბოვიანმა. XIX ს. თბილისში სხვადასხვა დროს ცხოვრობდნენ სომეხი მოღვაწეები ს. ნაზარიანი, გ. სუნდუკიანი და სხვები. თბილისში რამდენიმე წელიწადს ცხოვრობდა აზერბაიჯანელი ისტორიკოსი ა. ბაიხანოვი, მწერალი-განმანათლებელი მირზა ფატალი ახუნდოვი, პოეტი მირზა შაფი ვახეზი; თბილისში ცხოვრობდა და მოღვაწეობდა ყაზარდოელი ისტორიკოსი შ. ნოგოვი და სხვები.

დიდა თბილისის როლი საქართველოს მუშათა კლასის რევოლუციური მოძრაობის განვითარების საქმეშიც.

ბურჟუაზიული ურთიერთობათა განვითარება თბილისში თანდათან ამრავლებდა სამრეწველო

მუშათა რიცხვს. მას თან სდევდა მუშათა სტიქიური გამოსვლები; ამ მხრივაც თბილისი პირველი იყო. 1872 წელს მირზოევის ფაბრიკაში მოეწყო მუშათა პირველი დიდი გაფიცვა.

1898 — 1900 წლებში კი. თბილისის მუშათა მოძრაობაში მნიშვნელოვანი გარდატეხა მოხდა — დაიწყო მუშათა დარაზმული და შეგნებული პოლიტიკური ბრძოლა. ამ საქმეში დიდი როლი შეასრულა სოციალ-დემოკრატიულმა ორგანიზაციამ. XIX ს. მიწურულის თბილისი მუშათა რევოლუციური მოძრაობის ერთ-ერთ წამყვან ცენტრად იქცა. პირველი სოციალ-დემოკრატიული ჯგუფი „მესამე დასი“ თბილისში 1893 წელს წარმოიშვა, ხოლო 1901 წ. ნოემბერს სოციალ-დემოკრატიული ორგანიზაციის პირველ კონფერენციაზე არჩეული იქნა რსდმპ თბილისის კომიტეტი, რომელმაც დიდი როლი შეასრულა მუშათა რევოლუციური მოძრაობის შემდგომი გაფართოებისა და ხელმძღვანელობის საქმეში. თბილისის სოციალ-დემოკრატიული ორგანიზაცია 1901 — 1902 წლებში სცემდა ლენინურ-ისკრული მიმართულების გაზეთ — „ბრძოლას“.




თბილისის ბოლშევიკურმა ორგანიზაციამ თბილისის მუშათა კლასი, საერთოდ საქართველოს მშრომლებთან ერთად, გამარჯვებამდე მიიყვანა — 1921 წლის 25 თებერვალს — „თბილისზე საბჭოთა ხელისუფლების წითელი დროშა აფრიალდა“.

1500 წლის მანძილზე თბილისმა განვითარების გრძელი გზა გაიარა, თბილისმა განვლო, როგორც ფეოდალური ურთიერთობის ბატონობის ხანგრძლივი პერიოდი, ასევე ბურჟუაზიული წყობაც.

თხუთმეტი საუკუნის მანძილზე თბილისს არაერთხელ ჰქონია აღმავლობის, ეკონომიური თუ სოციალური გარდატეხის პერიოდი. მაგრამ სულ სხვა იყო ის, რაც ჩვენი დედაქალაქის ცხოვრებაში 1921 წლიდან, საქართველოში საბჭოთა ხელისუფლების გამარჯვების დღიდან დაიწყო.

ამ დროს დაამთავრა თბილისმა ბურჟუაზიული განვითარების პერიოდი და დაიწყო სრულიად ახალი ერა, როგორც საერთოდ საქართველოს, ასევე, თბილისის ისტორიაში — ეს იყო სოციალისტური თბილისის დაბადების ერა.



უნივერსიტეტის პირველი კორპუსი

ამიერიდან თბილისი იქცა საბჭოთა საქართველოს დედაქალაქად, მის ეკონომიურ, პოლიტიკურ და კულტურის ცენტრად; ამას გარდა, 1922 წლიდან 1936 წლამდე თბილისი იყო ამიერკავკასიის სოციალისტური ფედერაციული საბჭოთა რესპუბლიკის დედაქალაქი, ამიერკავკასიის რესპუბლიკებში სოციალისტური მშენებლობის ორგანიზატორი. ამ პერიოდშიც თბილისი ისევ სათავეში ედგა ამიერკავკასიის ხალხთა შორის მეგობრობის განმტკიცების, ამიერკავკასიის ხალხთა ეკონომიური განვითარების, კულტურის აღორძინებისა და დიდ სოციალურ გარდაქმნათა საქმეს.

საბჭოთა ხელისუფლების წლებში, რევოლუციამდელი ძირითადად სავაჭრო-ადმინისტრაციული ქალაქი თბილისი უმოკლეს დროში გადაიქცა საბჭოთა კავშირის ერთ-ერთ მსხვილ სამრეწველო ცენტრად; იგი ამჟამად საქართველოსა და მთელი ამიერკავკასიის უდიდესი სატრანსპორტო კვანძია; ასევე, უმოკლეს ვადაში იქცა თბილისი ქართული სოციალისტური კულტურის უდიდეს ცენტრად. თუ რევოლუციამდელ თბილისში არც ერთი უმაღლესი სასწავლებელი არ იყო, ამჟამად ქალაქში თერთმეტზე მეტი უმაღლესი სასწავლებელია.

თბილისში რევოლუციის წლებში წარმოიშვა და სწორედ საბჭოთა ხელისუფლების გამარჯვების შემდეგ იქცა ქართული მეცნიერების, სწავლა-აღზრდისა და კულტურის უდიდეს კერად სტალინის სახელობის თბილისის სახელმწიფო უნივერსიტეტი. საბჭოთა ხელისუფლების წლებში მის ბაზაზე წარმოიქმნა საქართველოს თითქმის ყველა უმაღლესი სასწავლებელი და მრავალი სამეცნიერო-საკვლევო დაწესებულება.

თბილისში ქართული საბჭოთა მეცნიერების შემდგომი განვითარების საქმეში დიდ, ნაყოფიერ მუშაობას ეწევა საქართველოს სსრ მეცნიერებათა

აკადემია, 80-მდე სამეცნიერო-საკვლევო ინსტიტუტი და სხვ.

ქართული სოციალისტური კულტურის შემდგომ განვითარებას სათავეში უდგას თბილისი თავისი ოპერისა და დრამატული თეატრებით, მუზეუმებით, ბიბლიოთეკებით, კინოსტუდიით და კულტურისა და ხელოვნების სხვა კერებით.

თუკი XVIII ს. დამდეგიდან თბილისში ერთადერთი სტამბა იყო, ამჟამად სოციალისტური თბილისი მსხვილი პოლიგრაფიული ცენტრიცაა. მრავალრიცხოვანი გამომცემლობები ბეჭდავენ მილიონობით წიგნებს, ჟურნალებსა და გაზეთებს, როგორც ქართულ და რუსულ, ასევე სომხურ და აზერბაიჯანულ ენებზე.

უმოკლეს დროში მომხდარმა გრანდიოზულმა ცვლილებებმა ეკონომიკაში, სოციალურ ცხოვრებასა და კულტურაში არსებითად შესცვალეს ფეოდალური და ბურჟუაზიული ხანის თბილისის გარეგანი სახე. თბილისი ამჟამად ჩვენი დიდი კავშირის ულამაზეს ქალაქთა რიცხვს ეკუთვნის.

ამრიგად, ჩვენი დედაქალაქის წარსულის მოკლე მიმოხილვაც კი ნათლად გვიჩვენებს, რომ იგი თავის წარმოშობის დღიდან ყოველთვის, აღმავლობა-გაძლიერებისა თუ დაკნინება-განსაცდელის ქაშს, იყო ქართველი ხალხის პოლიტიკური, ეკონომიური, კულტურული ცხოვრების ცენტრი, ქართული მიწა-წყლის შეკრება-თავმოყრის ინიციატორი, ქართველი ხალხის დამრავმველი ეროვნული დამოუკიდებლობისა თუ სოციალური განთავისუფლებისათვის ბრძოლისა და მშვიდობიანი მშენებლობის საქმეში.

სწორედ ამიტომ, ჩვენი ქვეყნის წინაშე ასე დიდი დამსახურების გამო, სიყვარულითა და პატივისცემით ზეიმობს ქართველი ხალხი თავისი ხანდაზმული, მაგრამ მარად მზარდი დედაქალაქის, თბილისის 1500 წლისთავს.





აპაქი შანიძე

საქართველოს დედაქალაქის
სახელწოდებისათვის

საქართველოს ოთხ სატახტო ქალაქთაგან (მცხეთა, თბილისი, არტანუჯი, ქუთაისი) ყველაზე მნიშვნელოვანია თავისი აწმყოთი და წარსულითაც თბილისი, რომელიც უთუოდ მომავალშიც შეირჩენს თავის უპირატესობას საქართველოს სხვა ქალაქებთან შედარებით.

თბილისი დღეს ვეებერთელა მანძილზეა გადაკმული მტკვრის მიმდინარეობის მიმართულებით (ჩრდილო-დასავლეთიდან სამხრეთ-აღმოსავლეთისაკენ), მაგრამ თავდაპირველად მისი ფარგლები ის ადგილები იყო, რომლებიც დღეს სიონსა და გოგირდის აბანოებს აკრავს მტკვრის ორსავე მხარეს, უმთავრესად მაინც მარჯვენა მხარეს. აქ მტკვარი ისე ვიწროდ არის შეზღუდული აქეთ-იქედან მიმდგარი კლდეებით, რომ ძველადაც ადვილი უნდა ყოფილიყო ხიდის გადგმა გაღმავამოღმა მხარეების დასაკავშირებლად.

როდის დაერქვა ამ ადგილს პირველად თბილისი, ეს ამეამად ძნელი გამოსარკვევია, მაგრამ ცხადი კია, რომ იგი უთუოდ ძალიან ძველია და იმ ხანებამდე აღის, რომელთა შესახებ უტყუარი წერილობითი საბუთები არ მოგვეპოვება.

თბილისი დღევანდელი სახელია ქალაქისა, ძველად მისი სახელი იყო ტფილისი. აღრინდელ ქართულ წერილობით ძეგლებში სწორედ ასეთი ფორმითაა იგი დამოწმებული, მაგ., ევსტათი მცხეთელისა და აბო ტფილელის წამების წიგნებში (პირველი VI საუკუნის ძეგლად ითვლება, მეორე — VIII საუკუნისად). „ქართლის მოკცევის“ წიგნში, რომლის უძველესი ტექსტი ცნობილ შატბერდის კრებულშია დაცული (გადაწერილია X საუკუნეში), ტფილისი უპირისპირდება ძველ სატახტო ქალაქს—მცხეთას. ბაქურის შემდეგო, ნათქვამია იქ, „მცხეთა ათხელდებოდა და ტფილისი ეშენებოდა, არმაზნი შემციირდებოდეს და კალა განდიდნებოდა“¹. მაშასადამე, მცხეთის მოსახლეობა თხელდებოდა (ე. ი. კლებულობდა), ტფილისი კი—ეშენებოდა (ე. ი. შენდებოდა, მოსახლეობა ემატებოდა); ამავე დროს არმაზის ციხე (მცხეთაში) მციირდებოდა (ე. ი. კლებულობდა), სამაგიეროდ თბილისის ციხე, რომელსაც IX—X საუკუნეებში უკვე

¹ ე. თაყაიშვილი, Описание рукописей..., II, 724.

ქალას უწოდებენ¹, განდიდნებოდაო (ე. ი. იზრდებოდაო).

ტფილისის სახელის წარმოშობის შესახებ ბევრი დაწერილა, ზოგი მრუდი, ზოგი მართალი. ერთ დროს გავრცელებული იყო აზრი, თითქო ჩვენი ქალაქის სახელი წარმომდგარი იყოს თობელისაგან (ანუ თობალ-ისაგან, თუბალ-ისაგან), რომელიც, თანამად ბიბლიაში შენახული ზღაპრული გენეალოგიისა, ნოეს უმცროსი ვაჟის იაფეტის შვილი იყო (დაბად. 10,2)². ეს აზრი გატარებულია, მაგ., ქართველი კათოლიკეების მიერ შედგენილსა და მონთობანს (საფრანგეთში) 1877 წელს დაბეჭდილს „საყოფლიერო ისტორიაში“, სადაც მე-7 თავი ასე იწყება: „ქართველები იაფეთის მეხუთე შვილის თობალისაგან მომდინარეობენ. სადაც თობალი დადგა, ეწოდა თობალისი, აწ თბილისი“³.

ასეთ ახსნას ერთ დროს პროფ. ლ. მელიქსეთ-ბეგიც იზიარებდა⁴, მაგრამ ბევრს იგი საეჭოდ მიაჩნია⁵. ექვი უთუოდ საფუძვლიანია.

ნამდვილად ტფილისის სახელწოდება იმ თბილი წყაროებისაგან არის, რომლებიც ბლომად მოიპოვება ქალაქში და რომლებზედაც ძველადაც განთქმული აბანოები იყო მოწყობილი.

¹ ქალა არაბული სიტყვაა, ნიშნავს ციხეს, ქალა ძველ არაბულ გამოთქმას გადმოგვიცემს. შემდეგში (სპარსულ-თურქულის გავლენით) ეგვი სიტყვა ქალა-დ იქცა. ამიტომ ვერ დავუთანხმებთ დ. გვრიტიშვილსა და შ. მესხიას, რომლებიც ამბობენ, რომ ქალა თბილისის ციხე-სიმაგრის უძველეს გეოგრაფიულ სახელად ჩანს და იგი არ უნდა მომდინარეობდეს არაბული ქალა სიტყვისაგან (თბილისის ისტორია, 1952, გვ. 22).

² ეს აზრი პირველად პოტოცკიმ გამოთქვა, ამბობს ს. კაკაბაძე, (К истории названия гор. Тифлиса: საისტორიო მუშაუბე, II, 1928, 60), მაგრამ დამოწმებული წიგნის აღნიშნულ ადგილას (J. Potocki, Voyage dans les steps d' Astrakhan et de Caucase, Paris, 1829, t. II, 251), ასეთი რამ მე ვერ ვიპოვე.

³ მოკლე საყოფლიერო ისტორია ძველთა და ახალთა ნათესავთა. მონთობანს 1877, გვ. 432 (ამ წიგნზე მიმითითა დოქ. ტ. რუხაძემ, რომელსაც მადლობას მთავასწავებ).

⁴ Л. М. Меликсет-Бекоев, Тифлис, его основные и краткий исторический очерк (წიგნი: Тифлис и его окрестности. Путеводитель. Составлен Турнистическим отделом географического общества Грузии под редакцией Н. А. Аславишвили, Т., 1925, გვ. 87).

⁵ მაგ., დ. გვრიტიშვილი და შ. მესხია, თბილისის ისტორია, 1952, გვ. 28.

თბილისი ანუ ტფილისი რომ თბილი წყაროების გამო არის დარქმეული, ეს აზრი ადვილი მისახვედრია და უთუოდ ალიან ძველიცაა. მაგრამ წერილობითი დადასტურება ამისი შედარებით გვიანი ხანისა მოიპოვება.

135 წლის წინათ ე. კლაპროთი (J. Klaproth) აღნიშნავდა, რომ ამ ქალაქს სახელი თბილი წყლებისაგან დაერქვა¹. ამავე აზრს იმეორებს პლატონ იოსელიანი: „Тепловые воды, давшие имя этому месту от грузинского тбили или тфили („теплый“), подобно славянскому Теплицу в Богемии, еще в глубокой древности могли привлечь сюда население значительное“². იგივე აზრია გატარებული დ. ბაქრაძისა და ნ. ბერძენიშვილის წიგნში: „настоящее название Тбилиси происходит от грузинского слова тблйи „теплый“, слова, принадлежащего индоевропейскому корню (лат. tepidus, слав. теплый). Так назван Тифлис от теплых минеральных источников, которыми он изобилует“³. შემდეგ ამავე აზრს იზიარებდნენ ნ. გორიაევი⁴, მ. ჯანაშვილი⁵, კ. ჰანზ⁶, ს. კაკაბაძე⁷ და სხვები.

ცოტაა საქართველოში გეოგრაფიული სახელები, რომელთაც ისეთივე ცხადი ეტიმოლოგია ჰქონდეთ, როგორცაა თბილისი, რომელსაც უძველად, როგორც უკვე აღვნიშნეთ, ტფილისი ერქვა. ეს სიტყვა ასე დაიშლება შემადგენელ ნაწილებად: ტფ-ილ-ის-ი. ამათგან ბოლოკიდური ი სახელობითი ბრუნვის ნიშანია, რომელიც სხვა ბრუნვაში დაიკარგება: ტფილის-ი, ტფილის-მან, ტფილის-ს. ის სუფიქსი, რომელიც ტფილის-ში

¹ J. Klaproth, Voyage au mont Caucase et en Géorgie. II, (Paris, 1823), p 1-2

² П. Иоселиани, Описание древностей г. Тбилиси, Т., 1866, გვ. 10-11.

³ Тифлис в историческом и этнографическом отношениях. Сочинение Дмитрия Бакрадзе и Николая Берзенова, СПб., 1870, გვ. 12-13.

⁴ Н. Горяев, Сравнительный этимологический словарь русского языка, Т., 1896, გვ. 364.

⁵ მ. ჯანაშვილი, საქართველოს დედა-ქალაქი თბილისი, 1899, გვ. 5-6.

⁶ К. Гаи, Опыт объяснения кавказских географических названий (Сборник материалов для описания местностей и племен Кавказа, том 40).

⁷ С. Кაკабаძე, К истории названия гор. Тифлиса (საისტორიო კრებული, II, 1928, გვ. 60).

შედის, სხვა გეოგრაფიული პუნქტების სახელებშიც გვხვდება საქართველოს სხვადასხვა ადგილას: მანგლ-ის-ი, ბოლნ-ის-ი, რუ-ის-ი, ურბნ-ის-ი, წავეკ-ის-ი, ტირაძნ-ის-ი, მარელ-ის-ი, ქუთათ-ის-ი¹ (ამჟამად ქუთა-ის-ი), თუხარ-ის-ი და მრავალი სხვა. ეს ის წარმოშობით ნათ. ბრუნვის ფორმანტია. იგი არ არის საჭირო ნაწარმოებ სიტყვებში: ტფილ-ურ-ი, ტფილ-ელ-ი (აბო ტფილელი, იოსებ ტფილელი). გვრჩება ტფ-ილ-ი, რომელიც ძველად იმასვე აღნიშნავდა, რასაც დღეს თ ბილ-ი. ამ ტფილ-ში ილ ძველი სუფიქსია, რომელიც ნაწარმოებ სიტყვებში არ ჩანს: სი-ტფ-ო („სითბო“), გან-ვ-ტფვ („გავთბი“). მოყვანილი ზმნური ფორმა იმით არის საყურადღებო, რომ მან ხმოვანი გამოაჩინა, რომელიც სხვა შემთხვევებში ამოღებულია ფუძის შეკუმშვის გამო: გან-ვ-ტფვ, გან-ს-ტფვ („გავთბი“, „გასთბი“)—ესენი წყვეტილის I და II პირის ფორმებია, რომლებიც ფუძის ხმოვანს გვიჩვენებენ, აგრეთვე გან-ტფვ („გათბი“)—II ბრძანებითი. სხვა შემთხვევებში ფუძის ხმოვანი ყველგან ამოღებულია: გან-ტფ-ა, გან-ტფ-ეს, ტფ-ილ-ი, გან-ვა-ტფ-ობ. თუ აღვადგენთ ფუძის ხმოვანს, რომელიც თეორიულად იგულისხმება, გვექნება *ტფე-ილ-ი.

ეს *ტფეილ-ი სხვა ქართულ ენებშიც მოიპოვება ამა თუ იმ სახით: ქანურში ქართ. ტფვ-ს ტუბ ან ტიბ შეესატყვისება: „თბილი“ აქ არის ტუბუ ან ტიბუ. აქედან: ბტუბურ („ვთბები“), დობოტუბინამ (აჩაბულად) ან ვოტიბაფ (ხოფურად: „ვათბობ“) ბოტიბუნამ (ვიწურად: „მეცხოვრებ“), ფურუნჯი გაარი ოტუბინამს (ვიწურად „მეფურნე პურს აცხოვრებს“), ფურუნჯიკ გაარი დო: ტიბინუ („მეფურნემ პური გამოაცხო“) და სხვა². იგივე ტუბ-ტიბ ძირი მეორდება კოლხურის მეორე კილოში, მეგრულში, სადაც ემატება კიდევ მესამე სახე ტგზ: ტიბუ (აღმ.), ტუბუ და ტგზ (დასავ.) „თბილს“ ნიშნავს. აქედან უ-ტგზ-აში („უთბოსი“, „უფრო თბილი“), ტგზინაფა, ტიბინი („თბობა“), ვოტგზუნქ („ვათბობ“). გვოტგზებ („გავათბე“), ვტგზქ („ვთბები“), მიტიბუ („მითბება“, „მწყალობს“) და მისთ.³

¹ ამ ძველი ფორმისაგანაა ნაწარმოები: ქუთათ-ელი, ქუთათ-ური.

² Н. М а р р, Грамматика чанского языка, СПб., 1910.

³ И. К и п ш и д а е, Грамматика мингрельского языка с хрестоматией и словарем, СПб., 1914.

ეს კოლხური ტუბუ შემოხახულია წყალ-ტუბო-ში, რომელიც განთქმული საკურორტო ადგილის სახელია, ოღონდ მისი ბოლოკიდური უ გადმოკეთებულია ქართულის კვალობაზე ო-დ (როგორც ეს მოხდა იესუ-ში: იესუ→იესო), თანაც პირველი ნაწილიც მთლად გაქართულებულია: წყარ ტუბუ →წყალ-ტუბო. ინიანი ძირიც (ტიბ-უ) შემოხახული უნდა გვექონდეს გვიშ-ტიბ-ში, რომელიც სოფლის სახელია (იქვე ახლოსაა წყალტუბოსთან).

სვანურს თუ მივმართავთ, ვნახავთ, რომ იქ სათანადო ძირია ტეზიდი, რომელიც შეკუმშულად ტეზიდი-ს გვაძლევს (ტეზიდი—„თბილი“). აქედან: ხო-ტეზიდა („უფრო თბილი“), ათ-ტეზიდი („გათბე“) ტეზიდი-ს ნაცვლად ლენტეხურ კილოში ტეზიდი იხმარება, რომლის მეორე უ ასიმილაციის გზით მიღებული ჩანს (ტეზიდი→ტეზედი).

როგორც ვხედავთ, „თბილის“ აღმნიშვნელი სიტყვები ხმოვნის თვალსაზრისით ჰჰოროდებიან ერთმანეთს: ქართულ *ტფვ-ილ-ს სვანური ტეზიდი უკერძო მხარს, მაგრამ ქანურ-მეგრული ტიბუ და ტუბუ განსხვავდება მათგან. ამათგან ამოსავალია ტიბუ, ტუბუ კი ასიმილაციით მიღებული ჩანს; ტგზ-ს პირველი გ შეიძლება მივიღოთ ძირის ხმოვნის დასუსტების გზით როგორც ტიბუსაგან, ისე ტუბუსაგან.

რაც შეეხება ძირის თანხმოვნებს, აქ განსხვავებას მეორე თანხმოვანი გვიჩვენებს: ქართულში გვაქვს ფ, კოლხურ-სვანურში ზ: *ტფე-ილ-ი→ტფ-ილი, ტიბუ (ტუბუ), ტეზ-იდი. მართალია, ქართულშიც გვაქვს ზ (თბილ-ი), მაგრამ ეს არის ახალი ფორმა და გამოსარკვევია, რა გზით არის იგი მიღებული: მომდინარეობს იგი ძველი ქართულის რომელიმე კილოდან, თუ მერმეა განვითარებული. ყოველ შემთხვევაში თ მეორეული ჩანს (თბილი, აქედან ასიმილაციით: თფილი).

ამგვარად, ტფილ-ი, რომელიც საფუძვლად უძევს ჩვენი დედაქალაქის სახელს, ძირეული სიტყვაა, რომელსაც შესატყვისები მოეპოვება ქანურ-მეგრულსა და სვანურში.

ამავე ძირის სიტყვები გვხვდება ზოგ ინდო-ევროპულ ენაში: ლათინურში, სლავურში, ინდო-ირანულში. ამას წინათაც აღნიშნავდნენ მკვლევრები. მაგ., ა. ცაგარელი სვანური ტბილ ძირის გამო (ლიტბიდე—„თბობა“) შენიშნავდა: Общеш-до-евр. корень тар встречается и в пберийских

паречных в этом же значении¹. ამასვე იმეორებენ ბაქრადე-ბერძნიშვილი², ნ. გორიაცივი, მ. ჯანაშვილი და უკანასკნელ ხანებში ა. ჩიქობავა³.

ეს ინდოევროპული სიტყვებია: ლათ. tepere („თბილი ვარ“), tepido ან tepefacio („ვათბობ“), tepesco („ვთბები“), tepidus („თბილი“), tepor („სითბო“), ძვ. ინდ. tapas- („სიცხე“), ავესტ. tafnuš („ცხელება“, „ციება“), ძველი სლავური топяти („თბობა“), тешъ („თბილი“), რუს. теплый და სხვა, რაც აღნიშნულია სხვადასხვა ენის ეტიმოლოგიურ ლექსიკონებში⁴. ქართული *ტფილი სლავურთან არის ახლოს, სვანური ტფილი კი— ლათინურთან. ეს შემთხვევითი როდია: ინდოევროპული ენების შემხვედრი სიტყვები სხვაც მოიპოვება ქართული ენის საკმაოდ ძველ ფენაში.

ამგვარად უძველესია, რომ საქართველოს დედაქალაქის სახელის ძველი ფორმაა ტფილისი, რომლისაგანაც წარმოდგა მისი სახელი მეზობელთა ენებზე და აქედან გავრცელდა მთელ დედამიწაზე. პირველ ყოვლისა უნდა აღენიშნოთ სომხური *Եփրես* (ძველი გამოთქმით ტფლისი, მერმინდელი გამოთქმით— XII საუკუნიდან მაინც— ტფლისი, რომელიც ზოგჯერ ასიმილაციის გზით ტფისის იძლევა), ბერძნული (ბიზანტური ხანის) *Τιφλις* (*Τιφλις*), არაბული *تفليس* ან (უფრო ხშირად) *تفليس*, სპარულ-თურქული *تفليس*. რუსული *Тифлис* არაბულ-სპარსულ-თურქულ *تفليس* ფორმას იმეორებს, მასვე მისდევს ევროპის ენებში დამკვიდრებული *Tiflis*.

* * *

P. S. რუსული ფორმა *Тифлис* დამკვიდრებული იყო 1936 წლის 17 აგვისტომდე, როდესაც სსრ კავშირის ცენტრალურმა აღმასრულებელმა

¹ А. А. Цагарели, Сравнительный обзор морфологии иберийской группы кавказских языков, 2-ое издание под редакцией А. Шиндзае, Т., 1957, 83. 18.

² ნახე ციტატი ზემოთ (გვ. 20).

³ ა. ჩიქობავა, ტანურ-მეგრულ-ქართული შედარებითი ლექსიკონი, გვ. 237.

⁴ მაგ. W a l d e - H o f m a n - ისაში: Lateinisches etymologisches Wörterbuch. II, Heidelberg, 1954, p. 667.

კომიტეტმა დაადგინა, რომ, თანახმად სსრ კავშირის შინაგან საქმეთა სახალხო კომისარიატის სახელმწიფო აგეგმვისა და კარტოგრაფიის მთავარი სამმართველოს ბიუროს წარდგენისა, დამტკიცებულ იქნა ახალი ფორმები საქართველოს რამდენიმე ქალაქის სახელისა (მათ შორის თბილისისაც) და სომხეთის დედაქალაქის სახელისა. ეს ახალი ფორმები უფრო ახლო დგას ქართულ და სომხურ გამოთქმასთან, ვიდრე წინანდლები. თუ წინათ რუსულად იწერებოდა *Тифлис*, *Ахалцих*, *Кутанс*, *Самтрели*, *Чхатурь*, *Мцхет* და სხვა, ამიერიდან უნდა შემოეღოს: *Тбилиси*, *Ахалцихе*, *Кутанси*, *Самтрелиа*, *Чхатура*, *Мцхета* და სხვა, აგრეთვე *Մրивան* ფორმის ნაცვლად უნდა შემოღებულიყო *Երევან*. ეს დადგენილება გამოქვეყნდა *Известия*-ს 1936 წლის 22 აგვისტოს ნომერში (№ 195) და გადმობეჭდილ იქნა ქართულად საბჭოთა სოციალისტური რესპუბლიკების კავშირის მუშათა და გლეხთა მთავრობის კანონთა და განკარგულებათა კრებულში, № 46, 1936. წ., სექტემბრის 20-ს.

რუსული ფორმა *Тбилиси*, რომელიც გადმოგვიცემს ქართული სიტყვის ახალი ფორმის სახელობით ბრუნვას (თბილისი—*Тбилиси*) თანდათანობით განმტკიცდა და საყოველთაოდ იქცა რუსულ წიგნებში, ეურნალ-გაზეთებსა და ყოველგვარ ოფიციალურ დოკუმენტში.

რაც შეეხება ქართულ სახელწოდებას, ძველებური ფორმის ხმარებას (ტფილის-ისას) კიდევ განაგრძობდნენ ერთხანს, მაგრამ იყო კამათი: ზოგი მოითხოვდა დარჩენილიყო ტფილისი, ზოგი კი თბილისს უპირდა მხარს. კერძოდ მეც მომიხდა ენის, ისტორიისა და მატერიალური კულტურის ინსტიტუტის (ენიმკის) სამეცნიერო საბჭოს ერთ-ერთ სხდომაზე სპეციალურად შევხებოდი ამ საკითხს; მოვითხოვედი, რომ, რაკი ამჟამად ითქმის და იწერება თბილი (და არა ტფილი), ამიტომ ქალაქის სახელიც თბილისი უნდა იყოს და არა ტფილისი-მეთქი.

ახალმა ფორმამ (თანით: თბილისი) საბოლოოდ 1937 წლიდან მოიკიდა ფეხი.





წოდარ ლომოური

უკველესი უცხოური ცნობა თბილისის შესახებ

როგორც ცნობილია, თბილისის ქალაქად გადაქცევა და სამეფო რეზიდენციის, სატახტო ქალაქის აქ გადმოტანა ახ. წ. VI საუკუნის დამდეგს ემთხვევა და დაკავშირებულია მეფე ვახტანგ გორგასალისა და მისი მემკვიდრის დაჩის სახელთან. „ვახტანგ აშენებდა ქალაქსა ტფილისისასა და საფუძველი ოდენ დაედვა“—მოგვითხრობს ჯუანშერი¹. ხოლო ვახტანგის ძემ დაჩიმ „განასრულნა ზღუდენი ტფილისისანი, და, ვითა ებრძანა ვახტანგს, იგი შექმნა სახლად სამეუფოდ“².

IV ს. დამდეგიდან თბილისი თანდათანობით ძლიერდება ეკონომიურად და პოლიტიკურად, აქ მრავლდება მოსახლეობა; ეს პროცესი მკიდროდ არის დაკავშირებული ქართლში მიმდინარე სოციალურ ძვრებთან—ქვეყნის ფეოდალიზაციასთან. VI ს. დამდეგიდან თბილისი გამარჯვებული ფეოდალური კლასის ხელისუფალთა (ერისმთავართა) რეზიდენცია გახდა. ეს მოვლენა დიდად მნიშვნელოვანი იყო თბილისის არა მარტო პოლიტიკური

გაძლიერებისათვის, არამედ მისი შემდგომი ეკონომიური დაწინაურებისათვისაც. მას უკვე ძველი, მონათმფლობელური ქალაქი—მცხეთა, კონკურენციას ვერ გაუწევდა. მართლაც, მცხეთამ პოლიტიკურ პირველობასთან ერთად ეკონომიური უპირატესობაც თანდათან დაკარგა¹.

რამ შეუწყო ხელი თბილისის დაწინაურება-აღზევებას, რამ გამოიწვია მცხეთასთან კონკურენციაში მისი გამარჯვება? ამის ერთ-ერთი უმნიშვნელოვანესი მიზეზი ქალაქის მდებარეობა უნდა ყოფილიყო. როგორც აღნიშნავს აკად. ს. ჯანაშია, „აქ იყო და არის საუკეთესო ადგილი ხიდის ასაგებად, სახელდობრ იქ, სადაც დღეს მეტეხის ხიდებია და სადაც მტკვრის კლდოვანი ნაპირები არაჩვეულებრივად ახლოს ადგებიან ერთმანეთს...“².

ამავე დროს თბილისის დასავლეთით მდებარე მთები და მტკვრის კლდოვანი ნაპირები ადვილად ჰკეტავდნენ მდინარის გაყოლებით მიმავალ გზას.

¹ ქართლის ცხოვრება, ს. ყაუხჩიშვილის გამოცემა, ტ. I, თბილისი, 1955, გვ. 200.

² იქვე, გვ. 215.

¹ შ. მესხია, თბილისი 1500 წლისა, 1957, გვ. 9.

² ს. ჯანაშია, ფეოდალური რევოლუცია საქართველოში, „ჭრამები“, ტ. I, გვ. 11.

ქალაქის მდებარეობამ ადრე მიიზიდა მოსახლეობა და უკვე ენეოლითის ხანიდან აქ უძველესი სამოსახლოები გვხვდება¹. არ შეწყვეტილა თბილისის ტერიტორიაზე ცხოვრება მერმინდელ ხანებშიაც, ხოლო ახალი წელთაღრიცხვის დასაწყისისთვის იგი უკვე მქიდროდ ჩანს დასახლებული, რამაც ნიადაგი მოამზადა იმისთვის, რომ ეს მარჯვე მდებარეობის პუნქტი ქალაქად გადაქცეულიყო².

თბილისი პირველად ახ. წ. IV საუკუნის ამბებთან დაკავშირებით იხსენიება შედარებით გვიანდელ ქართულ წყაროებში. XI ს. ისტორიკოსი ლეონტი მროველი მოგვითხრობს, რომ მეფე ვარაზ-შაქურის (II ვარაზ-შაქურის) დროს სპარსელებმა სწორედ თბილისი აქციეს თავისი მოხელის — პიტიახშის რეზიდენციად და ააშენეს აქ ციხე, რომელიც უნდა ყოფილიყო „ციხედ მცხეთისადა“³. ამავე ამბავს მოგვითხრობს „მოქცევაჲ ქართლისაჲ“ (VII—VIII სს. ე. თაყაიშვილი, X—XI სს. ივ. ჯავახიშვილი): „მაშინ მოვიდა ქრამ-ხუარ-ბორ-ზარდ. სპარსთა მეფის პიტიახში, ტფილისად ქალაქად ციხედ და ქართლი მისსა ხარკსა შედგა“⁴.

ამრიგად, IV საუკუნისათვის თბილისი უკვე იმდენად მნიშვნელოვანი პუნქტი გამხდარა, რომ სპარსელთა მოხელეს ის აურჩევია თავის რეზიდენციად, საგანგებოდ გაუშაგრებია და აქედან უწევდა მეთვალყურეობას მცხეთაში მყოფ ქართლის მეფეს. ამ დროისთვის თბილისი უკვე „ციხე-ქალაქადაც“ ქცეულა.

როგორც აღვნიშნეთ, IV საუკუნისათვის თბილისის დაწინაურების შესახებ ჩვენ შედარებით გვიანდელი (VII—VIII თუ X—XI სს.) წყაროები მოგვეპოვება. უცხოურ წყაროებში თბილისი პირველად VI საუკუნის მეორე ნახევრის ბიზანტიელ მწერალთან თეოფანე ბიზანტიელთან მოიხსენიება, 571 წელს სპარსელების წინააღმდეგ იბერთა აჯანყებასთან დაკავშირებით: „იბერთა დედაქალაქი მაშინ ტიფილისი იყო“ (Ἰβήρων τῆς Ἰβηρίας Τίφλις) ⁵. ეს ცნობა ითვლება თბი-

ლისის მოხსენიების პირველ შემთხვევად უცხოურ წყაროებში¹.

ჩვენ ამჯერად გვინდა ყურადღება მივაქციოთ უფრო ადრეულ წყაროს, კერძოდ, IV ს. საგზაო რუკას, რომელზედაც, როგორც ირკვევა, აღნიშნულია თბილისი და რომელიც, ამდენად, უძველეს ცნობას წარმოადგენს თბილისის შესახებ.

სამეცნიერო ლიტერატურაში კარგად არის ცნობილი ე. წ. Tabula Peutingeriana, რომელიც შედგენილი ყოფილა ახ. წ. IV ს. მეორე ნახევარში რომელიც გეოგრაფის კასტორიუსის მიერ². კასტორიუსის რუკა გარეგნულად სრულიად განსხვავდება იმ დროისთვის ცნობილი მსოფლიო რუკებისაგან (მაგ., ერატოსთენეს, პტოლემეოსის და რომაული რუკებისაგან), რომლებზედაც დედამიწა გამონახტული იყო როგორც ელიფსი, რომლის სიგანე სიგრძის ნახევარს წარმოადგენდა. კასტორიუსის რუკა გრძელ, ვიწრო ზოლად არის გაჭიმული და მისი სიგანე 21-ჯერ თავსდება სიგრძეში; ამის გამო მსოფლიოს გამოსახვა იმდენად არის დამახინჯებული, რომ მკვლევარი ზოგჯერ გადაუჭრელ სიძნელებებს აწყდება მისი ინტერპრეტაციის დროს. კასტორიუსი, როგორც ჩანს, არც ისახავდა მიზნად მსოფლიოს სწორი გეოგრაფიული ასახვის მოცემას; მისი რუკის დანიშნულება იყო მიეცა მოგზაურთათვის, პირველ რიგში, საფიქრებელია, ვაქრებისათვის, გზების მიმართულება და მანძილები; ამავე დროს, რადგან ავტორი ყველგან აღნიშნავს პუნქტებს შორის მანძილებს, მას მასშტაბის დაცვა არ ჩაუთვლია საჭიროდ³. Tabula Peutingeriana-ზე მოცემულია სწორედ სა-

¹ ს. ყაუხჩიშვილი, პირველი ბერძნული ცნობა ტფილისის შესახებ, საქ. მუზეუმის მოამბე, ტ. IV, 1927, გვ. 283—284.

² K. Miller, Die Weltkarte des Castorius, Ravensburg, 1888, S. 50; ეს რუკა 1501 წ. ერთ-ერთ წიგნთსაცავში აღმოაჩინა იფუიტმა კონრად კელტემ, მას შემდგომში რუკა გადაუცია სიძველეთა ცნობილი მკვლევარის კონრად პეტრიჩერისათვის, რომელთანაც ეს რუკა დიდხანს ინახებოდა; მასვე გაუკეთებია რუკის ასლი და გადაუგზავნია მისი პირველი გამომცემლისათვის — ორტენლიუსისთვის; ამის გამო რუკას სამეცნიერო ლიტერატურაში „პეტრიჩერის ტაბლესი“ ანუ „Tabula Peutingeriana“-ს სახელი დაუმყიდრდა.

³ Н. В. Пигулевская, Византия на путях в Индию, М.—Л., 1951, გვ. 102—104; Дж. О. Томпсон, История древней географии, пер. с английского, М., 1959, гв. 518.


¹ დ. ქორიძე, თბილისის არქეოლოგიური ძეგლები, თბილისი, 1955, გვ. 7—75.

² შ. მესხია, ციტ. ნაშრ., გვ. 8.


³ ქართლის ცხოვრება, გვ. 136.

⁴ „მოქცევაჲ ქართლისაჲ“, Е. Такалшвили, Описание..., II, 720.


⁵ გეორგიძე, ს. ყაუხჩიშვილის გამოცემა, ტ. III, თბილისი, 1936, გვ. 258.



რუკა 1. Tabula Peutingeriana. XI სუგუნტი



რუკა 2. სომხეთისა და ქართლის დამაკავშირებელი გზები
Tabula Peutingeriana'-ს მიხედვით



ვაჭრო გზები, მათზე მდებარე პუნქტები, უმთავრესი მდინარეები; პირობითად აღნიშნულია ზღვები და მთები, დასახელებულია იმ ხალხთა და პროვინციათა სახელები, რომლებზედაც გზები გადიოდა. როგორც აღვნიშნეთ, პუნქტებს შორის მოცემულია მანძილები; რომაული ციფრებით აღნიშნულია რომაული მილების რაოდენობა (1 რომაული მილი = 1,4815 კმ); მხოლოდ სპარსეთის ტერიტორიაზე, ზოგ შემთხვევაში, მანძილი ფარასანგებით ითვლება (ერთი ფარასანგი = 4 რომ. მილს = 5,926 კმ)¹.

აღსანიშნავია, რომ ქალაქები და პუნქტები რუკაზე სხვადასხვა ნიშნით გამოისახება მათი მნიშვნელობის შესაბამისად: მსოფლიოს სამი უმთავრესი ქალაქი — რომი, კონსტანტინოპოლი და ანტიოქია გამოხატულია რთული ვინიეტით²; რამდენიმე კოშკით ნაჩვენებია იმპერიის ექვსი ძირითადი სიმაგრე: აკვილეა, რავენა, თესალონიკი, ნიკომედია, ნიკეა და ანკირა; ორი დიდი კოშკით, რომელთა შორის კარიბჭეა, აღნიშნულია სახელმწიფოთა დედაქალაქები (მაგ., სპარსეთის დედაქალაქი ქტეზიფონი); ორი მცირე ზომის კოშკით ავტორი უჩვენებს ჩვეულებრივ ქალაქს, ხოლო უბრალო სადგურები სრულიად მოკლებულია გამოხატულებას, ისინი მხოლოდ გზის ტეხილებით აღინიშნება³.

როგორც მკვლევართა მიერ არის გამოკვეთული, რუკის ავტორი თავის ნამუშევარს უმთავრესად IV საუკუნეზე უფრო ადრეული წყაროების საფუძველზე აგებდა. ასე მაგალითად, პროვინციათა განსაზღვრისას რუკაზე ჩანს ავგუსტისა და ტრაიანეს დროინდელი მდგომარეობა (I—II სს. ახ. წ.)⁴. ავტორს ხელთ ჰქონია აგრეთვე ე. წ. აგრიპას რუკა, რომელიც ახ. წ. დასაწყისისთვის ყოფილა შედგენილი, და პტოლემეოსის „გეოგრაფიული სახელმძღვანელო“⁵. ამრიგად, კასტორიუსის რუკაზე აღბეჭდილი სურათი ზოგიერთ შემთხვევაში IV ს. ადრინდელ პერიოდს ეხება და ხან-

დახან I საუკუნესაც კი სწვდება. ეს დამატებით მნიშვნელობას ანიჭებს ამ რუკის შესწავლას. მეორე მხრივ, ავტორის მიერ სხვადასხვა დროისა და რიგის წყაროთა გამოყენებამ ის შედეგი გამოიღო, რომ ბევრ ადგილას რუკა ძალზე არეულია და მისი ენონაცემების გარკვევა ძნელდება; უმეტეს წილად მცდარია აგრეთვე პუნქტებს შორის აღნიშნული მანძილები; ამიტომ რუკაზე ასახული გზების დადგენა ძირითადად იმ პუნქტთა ლოკალიზაციის მეშვეობით ხერხდება, რომლებიც ამ გზებზე აღნიშნული და რომელთაც სხვა წყაროებიც ასახელებენ.

კასტორიუსის რუკის შესწავლაში დიდ დახმარებას გვიწევს უცნობი რავენელი ავტორის მიერ 650 წლის ახლო ხანებში შედგენილი „კოსმოგრაფია“⁶. რავენელი ანონიმი თითქმის მთლიანად იმეორებს Tabula Peutingeriana-ზე დასახელებულ პუნქტებს სავაჭრო გზების მიხედვით, თანაც ზოგან ასწორებს და ავსებს მას დამატებითი ცნობებით⁷. რამდენადაც Tabula Peutingeriana კასტორიუსის რუკის გვიანდელ, XII საუკუნის პირს წარმოადგენს, ხოლო რავენელ ავტორს უდავოდ ერთ-ერთი უძველესი ნუსხა ექნებოდა ხელთ, მის ცნობებს განსაკუთრებული მნიშვნელობა ენიჭება.

კასტორიუსის რუკაზე აღნიშნულია ამიერკავკასიაზე და კერძოდ საქართველოს ტერიტორიაზე გამავალი ზოგიერთი სავაჭრო გზაც. ერთი გზა შავი ზღვის სამხრეთ სანაპიროს მიჰყვება და ნაპირის გასწვრივ შემოდის დასავლეთ საქართველოში; ამ გზით დასავლეთ საქართველოს ზღვისპირა ქალაქები უკავშირდება რომის იმპერიის აზიურ პროვინციებს⁸. მეორე გზა ერთმანეთთან აკავშირებს ქ. დიოკლეტიანეს (აწინდ. სოხუმი) და სომხეთის დედაქალაქს — არტაშატს, ხოლო მესამე გზა იმავე არტაშატიდან იწყება, რუკის მიხედვით აღმოსავლეთისაკენ მიდის, გაივლის მთელი რიგ პუნქტებს და კვლავ არტაშატში ბრუნდება⁹. ჩვენთვის ამჯერად სწორედ ეს მესამე გზა არის საინტერესო.

¹ Itineraria Romana, Römische Reisewege an der Hand der Tabula Peutingeriana, dargestellt von Konrad Miller, Stuttgart, 1916, s. XLVI (ქვევით ვხვდებით—It. R.).

² Н. В. Пигулевская, цит. соч., გვ. 102—103.

³ იხ. K. Miller-ის Itineraria Romana-ში მოთავსებული რუკის რეპროდუქციები.

⁴ It. R., XXXIV.

⁵ Kubitschek, „Karten“, RE, X Bd., S 2131.

⁶ Ravenatis Anonymi Cosmographia et Guidonis geographica, ed. M. Pinder et G. Parthey, Berlin, 1860 (ქვევით გვხვდება AR).

⁷ It. R., 647—653.

⁸ იქვე, გვ. 653—654; შდრ. Я. А. Мамандян, О торговле и городах Армении..., Ереван, 1954, გვ. 153—159; С. Т. Еремян, Торговые пути Армении в эпоху Сасанидов, ВДП, 1939, № 1, გვ. 90—97.

არტაშატიდან გამოსული ეს გზა აღმოსავლეთისაკენ მიემართება. უახლოესი სადგური სომხეთის დედაქალაქიდან 20 მილის დაშორებით არის ნაჩვენები და მას გელუინა (Gelunia) ეწოდება; მისგან 24 მილის მანძილზე მდებარეობს ქალაქი სანორა (Sanora); აქ გზა ორად იყოფა ერთი შტო სამხრეთ-აღმოსავლეთის მიმართულებით მიდის მდ. არაქსის (Arsen) გაყოლებით, გაივლის სადგურებს ბუსტიკას (Bustica), სატარას (Satara) და ქ. ლაზოს (Lazo); ამის შემდეგ გზა თანდათანობით ჩრდილოეთისაკენ, მერე კი დასავლეთისაკენ უხევს და ბოლოს აღწევს უსახელო სადგურს, რომელიც რუკაზე აღნიშნულია ორი დიდი ზომის კოშკით, შუაში კარიბჭით, ე. ი. დედაქალაქის აღმნიშვნელი „ვინეტი“. ლაზოსა და უსახელო ქალაქს შორის აღნიშნულია ექვსი სადგურის ადგილი (გზის ტეხილი), თუმცა სადგურთა სახელები არ წერია.

მეორე შტო სანორადან ჩრდილო-აღმოსავლეთისაკენ მიდის, გაივლის სადგურებს ლალა (Lalla), უგუბრე (Ugubre), ქალაქ ტელედას (Telleda), სადგურ ფილადოს (Philado) და იმავე უსახელო ქალაქთან უერთდება პირველ შტოს. ამრიგად იქმნება ერთგვარი შეკრული რკალი, რომელიც მთლიანად კასპიის ზღვის სამხრეთით არის ნაჩვენები. მდ. მტკვარი (Fl. Cyrus) ამ გზის ჩრდილოეთით მიმდინარეობს, ხოლო მდ. არაქსი კი სამხრეთიდან უვლის. ეს უკანასკნელი კასპიის ზღვას კი არ უერთდება, არამედ შორს, აღმოსავლეთისაკენ მიდის, გადასჭრის მთელ აზიას და ოკეანეში ჩადის. საკმარისია დავხედოთ რუკას და აშკარა გახდება რამდენად დამახინჯებულადაა საერთოდ აზია ასახული: ტავრის ქედი მთელ აზიას შუაზე გადაკვეთს, მდ. განგი მდ. ტიგროსს უერთდება, სამხრეთით სულ არ არის არაბეთის ნახევარკუნძული, ქალაქი არტაშატი აღნიშნულია Media Maior-ში და არა Armenia Maior-ში, ტავრის ქედის სამხრეთით ნაჩვენებია ქვეყანა Iberia და უფრო სამხრეთით კი Albania. ერთი სიტყვით, ამა თუ იმ პუნქტის ან გზის მონაკვეთის გეოგრაფიული გარკვევა ძალზე ძნელია.

კონრად მილერმა სცადა არტაშატიდან მიმავალი წრიული გზის დადგენა, მაგრამ თვითონვე აღნიშნა, რომ მისი „ლოკალიზაცია ძალზე სათუთა“. მილერი მიჰყვება რუკის ჩვენებას და

მთელ ამ გზას კასპიის ზღვის სამხრეთ-დასავლეთით ეძებს¹.

სრულიად ახალი თვალსაზრისი ამ საკითხზე იოსებ მარკვარტმა წამოაყენა. მან შეადარა Tabula Peutingeriana-ს მონაკვეთები რავენელი ანონიმის ცნობებს და ამ გზით დაადგინა, რომ Tabula Peutingeriana-ს უსახელო დედაქალაქი შეეფარდება რავენელი ანონიმის Armastica-ს ე. ი. იბერიის, ანუ ქართლის დედაქალაქს არმატიციხეს². ამდენად აშკარაა, რომ რავენელ ანონიმს ხელთ ჰქონდა კასტორიუსის რუკის ის პირობა, რომელზედაც უსახელო დედაქალაქის სახელი აღნიშნული ყოფილა, ისევე როგორც ის სადგურებიც, რომლებიც Tabula Peutingeriana-ზე გამოჩენილია.

ი. მარკვარტმა თვით ამ გზის მიმართულების დადგენა და მასზე მდებარე პუნქტების განმარტებაც სცადა. უკანასკნელად ეს საკითხი დაწვრილებით განიხილა ს. ტ. ერემიანმა და სომხური, ქართული და სხვა წყაროების, აგრეთვე ადგილობრივი ტოპონიმების საფუძველზე დააზუსტა და გაასწორა მარკვარტის შეხედულებები.

ქ. სანორა, სადაც კასტორიუსის რუკის თანახმად, არტაშატიდან გამოსული გზა ორად იყოფა, უნდა ყოფილიყო აწინდელი ინჯევანი, რომელთანაც მდ. აღსტაფა გამოდის ვიწრობებიდან და მის გაყოლებით მიმავალი გზაც ორ შტოდ შეიძლებოდა გაყოფილიყო. ამავე დროს სწორედ ინჯევანის მახლობლად გადიოდა საზღვარი სომხეთსა და ალბანეთს შორის და სანორა საფიქრებელია „სინორას“ დამახინჯებული ფორმა არის, რაც „საზღვრისპირას“ ნიშნავს (ბერძნ. σύνορος — მოსაზღვრე)³. ინჯევანიდან ერთი შტო, ს. ტ. ერემიანის აზრით, აღმოსავლეთისაკენ მიდიოდა და შეეფერებოდა Tabula Peutingeriana-ს იმ გზას, რომელიც გუსტიკას, ლაზოსა და ხუთ უსახელო სადგურზე გაივლიდა. ამ გზის მიმართულებას ერემიანი შემდეგნაირად ადგენს: ინჯევანიდან გზა

¹ It. R., 865—866.

² Dr. Jos. Markwart, Skizzen zur historischen Jopographie und Geschichte von Kaukasus, Das Itinerär von Artaxata nach Armastica auf der Römischen Weltkarte, „Handes Amsonya“, № 11—12, 1928, S. 1—66.

³ С. Т. Еремьян, Торговые пути Армении в эпоху Сасанидов, 83. 84.

გაივლიდა ქ. ყაზახზე, შემდეგ თოუზზე, შამქორზე, კიროვობადზე (განჯა), მტკვარს გადასჭრიდა მინ-გენაურის ფონთან, გაივლიდა ნუხაზე, ზაქათა-ლაზე და სადაც ახლომახლო გადავიდოდა ალა-ზანზე, რის მერეც საგარეჯოზე და უჯარმაზე გაე-ლით მიაღწევდა მცხეთა-არმაზს (არმასტიკას)¹.

მართალია, ზოგიერთი პუნქტის დადგენა ამ გზაზე შესაძლოა დავას იწვევდეს და დაზუსტებას საჭიროებდეს, მაგრამ ჩვენთვის ამჯერად ის არის საინტერესო, რომ არტაშატიდან მომავალი გზა ალბანეთზე გავლით აღმოსავლეთიდან შემოდიოდა იბერიაში და აღწევდა მცხეთას.

რაც შეეხება მეორე შტოს, იგი, როგორც ეს მეტად დამაჯერებლად აქვს გარკვეული ს. ტ. ერე-მიანს, ინჯევანიდან მოჰყვებოდა მდ. აღსტაფას, შემდეგ უხვევდა ოდნავ დასავლეთით და დაახ-ლოებით სოფ. ყაშარლოზე გაივლიდა, რომე-ლიც მდ. ინჯას ნაპირას მდებარეობდა; ამ უკა-ნასკენლის ძველი სახელი გუბი (ქართ. გობი) ს. ტ. ერემიანს Tabula Peutingeriana's უგუბრეს-თან აქვს დაკავშირებული (U-gub-re)². შემდეგი დიდი სადგური ტელედა, პროფ. ერემიანს გაიგი-ვებული აქვს ძველ ბოსტან-ქალაქთან, ანუ რუსთავთან³. ამ ვარაუდს ამტკიცებს ის ფაქ-ტიც, რომ ტელედა რუკაზე ქალაქის აღმნიშვნე-ლი პირობითი ნიშნით არის მოცემული (ორი კოშ-კი), ხოლო ქ. რუსთავის გარდა ამ რაიონში სხვა ძველი ქალაქი არ არსებობდა. აღსანიშნავია აგ-რეთვე, რომ მტკვარის მარჯვენა ნაპირზე, რუსთა-ვის ჩრდილო-დასავლეთით სულ რამდენიმე კმ-ის მანძილზე მდებარეობს სოფ. თელეთი (თელეთე-ბი). ხომ არ არის ეს სახელწოდება კასტორიუსის „ტელედასთან“ დაკავშირში?

ტელედას შემდეგ Tabula Peutingeriana'ზე აღნიშნულია სადგური ფილადო (Philado) და მე-რე უკვე არმასტიკა. რას უნდა უდრიდეს ფილა-დო? აშკარაა, რომ მტკვარის აყოლებით რუსთა-ვიდან მცხეთა-არმაზში მოხვედრა შეუძლებელი იქნებოდა თბილისზე გავლის გარეშე. ამიტომ ჩვენ სრულიად საფუძვლიანად მიგვაჩნია ს. ტ. ერემი-ანის ვარაუდი, რომ ფილადო თბილისის სახელის თავნაკლული ფორმაა და სწორი სახელწოდება

უნდა ყოფილიყო Tphilado ან Tphilida⁴. რომ პირველი ასო ამ სახელში მართლაც „ტარი“ უნ-და ყოფილიყო, ამას რავენელი ანონიმიც ამტკი-ცებს, სადაც ფილადოს შესატყვისად მოხსენებუ-ლია Tilida⁵.

ამრიგად, თვით გზის მიმართულებაც და სად-გურ ფილადოს (AR—Tilida) სახელიც აშკარას ხდიან, რომ Tabula Peutingeriana'ზე აღნიშნულია თბილისი. ამრიგად, ჩვენ საქმე გვაქვს თბილისის პირველ მოხსენიებასთან წყაროებში. კასტორიუსის რუკაზე თბილისის აღნიშვნა თავისთავად სრულიად ბუნებრივია, რამ-დენადაც, როგორც ვთქვით, IV საუკუნისათვის თბილისი საკმაოდ დაწინაურებული პუნქტი იყო. მისი ჩვენება Tabula Peutingeriana'ზე, რომელიც საგზაო რუკას წარმოადგენდა, იმ მხრივაც არის საყურადღებო, რომ ხაზს უსვამს თბილისის გარ-კვეულ მნიშვნელობას სწორედ სავაჭრო გზაზე.

აღნიშნულს უნდა ისიც დაემატოს, რომ არ-ტაშატიდან გამოსული ამ წრიული გზის ის შტოც, რომელიც აღმოსავლეთიდან ალბანეთით შემოდი-ოდა იბერიაში, აგრეთვე ნხოლოდ თბილისის გაე-ლით მიაღწევდა მცხეთას, ე. ი. ფაქტიურად თბი-ლისი იყო ის პუნქტი, სადაც ორივე აღნიშნული შტო ერთმანეთს ხედებოდა. ამრიგად, თბილისი ერთგვარ საკვანძო პუნქტს წარმოადგენდა სამხ-რეთიდან და აღმოსავლეთიდან მცხეთის რაიონში მიმავალი გზებისათვის.

არმაზციხე-მცხეთის და არტაშატის შემაერთე-ბელ გზებს დიდი მნიშვნელობა ჰქონდა სომხეთისა და ქართლის სავაჭრო ურთიერთობისათვის. ქ. არტაშატი განსაკუთრებულ ეკონომიურ აყვა-ვებას სწორედ IV საუკუნეში აღწევს⁶. აღსანიშ-ნავია, რომ არტაშატი წარმოადგენდა ერთ-ერთ ცენტრს, სადაც ოფიციალურად იყო ნებადართუ-ლი იმპერიისა და სპარსელების ვაჭრობა⁷.

„В торговле сухопутной товары Дальнего Востока, главным образом Китая, обычно при-возилась в Арташат и Илсибиш, отсюда они дос-тавлялись в византийские пределы“⁸.

¹ С. Т. Еремян, цит. соч., стр. 87.

² AR, 61.

³ Я. А. Манандян, О торговле и городах Арме-нии..., стр. 76.

⁴ Codex Justinianus, IV, 63, 4.

⁵ И. В. Пигулевская, цит. соч., стр. 192.

¹ С. Т. Еремян, цит. соч., стр. 88—89.

² იქვე, გვ. 87—88.

³ იქვე, გვ. 88.

აღმოსავლეთისა და დასავლეთის ვაქრობაში არტაშატი ერთ-ერთ წამყვან როლს ასრულებდა; შემდგომში ეს მნიშვნელობა არტაშატის გვერდით მდებარე ქ. დვინზე გადავიდა. ცხადია, საქართველოს კავშირი სომხეთის დედაქალაქთან არ შეიძლებოდა მხოლოდ შიდაკავკასიური, ე. ი. საქართველო-სომხეთის სავაჭრო ურთიერთობით შემოფარგლულიყო. უდავოა, რომ საქართველოში არტაშატის გზით შემოჰქონდათ საქონელი სხვა ქვეყნებიდან, როგორც აღმოსავლეთის (ჩინეთი, ინდოეთი), ისე დასავლეთის (ბიზანტია) მხრიდან და, პირიქით, არტაშატით გადიოდა აგრეთვე ქართული საქონელიც. უფრო გვიანდელი ხანისთვის, კერძოდ VI საუკუნისთვის, ჩვენ პროკოპი კესარიელის პირდაპირი მოწმობა გვაქვს: „დვინი ისეთი ქვეყანაა, რომელსაც ჰარბად აქვს ყველაფერი... იქ ხომ საქონელი შემოაქვთ ინდოეთიდან, მეზობელი იბერიიდან და თითქმის ყველა, სპარსეთში მოსახლე ტომთა და რომაელთა ქვეშევრდომ ხალხების ქვეყნებიდან და ერთმანეთში


აღებშიცემობას აწარმოებენ“¹. იბერიის ხსენება უშუალოდ ინდოეთის შენდევ და ის ფაქტი, რომ ინდოელებსა და იბერიელებს გარდა პროკოპის დვინში მოვაქრე სხვა ხალხი დასახელებულიც კი არ ყავს, უდავოდ უნდა მიუთითებდეს იბერიული ვაქრობის მაღალ ხვედრით წონაზე არტაშატ-დვინის ბაზარზე.

ამრიგად, არტაშატის მეშვეობით ქართლი ებმებოდა საერთაშორისო სავაჭრო ურთიერთობაში. ცხადია, ასეთი გაცხოველებული სავაჭრო ურთიერთობის გზაჯვარედინზე მდებარეობა, რაც Tabula Pentingeriana's მონაცემებით მტკიცდება, დიდი მნიშვნელობის ფაქტორი უნდა ყოფილიყო თბილისის დაწინაურებისა და აღზევებისათვის. ის ფაქტი, რომ მცხეთა-არმაზის რაიონიდან, ე. ი. იბერიის (ქართლის) დედაქალაქიდან ვერც სამხრეთით და ვერც აღმოსავლეთით მიმავალი გზა თბილისის ვერ ასცდებოდა, თბილისის ეკონომიური განუითარებისათვის მეტად რეალურ პირობას წარმოადგენდა.

¹ გეორგიკი, პროფ. ს. ყაუხჩიშვილის რედაქციით, ტ. II, გვ. 99.



ძველი თბილისი. აბანოების რაიონი. 1828 წ.



ლორ მელიქეთ-ბაბი

ქალისი—თბილისი — შავიჭაქარანი

„უხსოვარია თბილისის
პირველი ქობის დამდგმელი,
სად იყო კერა პირველი,
ვინ აგვიწეროს სათქმელი.
თბილისის ძველი წარსული
ვინ იცის მიდის სადამდე,
იგი ათასწლებს დაითელის
თვით ვახტანგ გორგასანდამდე“.

(ირაკლი აბაშიძე).

ძველი სატრანზიტო გზა, რომელიც პირველ საუკუნეებში ჩვენს ერამდე და შემდეგ შავი ზღვის აუზს კასპიის ზღვის აუზთან აკავშირებდა და რომლის აღწერა მოცემულია სტრაბონის „გეოგრაფია“-ში (XI, 2—4)¹, როგორც ცნობილია, გადიოდა კოლხიდის ანუ დასავლეთ საქართველოს ნაკვეთში მდ. რიონ-ყვირილა-ძირულათი, ხოლო იბერიის (ქართლის) ანუ აღმოსავლეთ საქართველოს ნაკვეთში, ლიხის (სურამის) ქედის გადალახვით, მდ. მტკვრის ხეობით. მტკვრის ხეობაში და-

სავლეთიდან აღმოსავლეთის მიმართულებით მდებარე სადგომთა შორის ყველაზე მნიშვნელოვანნი, უთუოდ, უნდა ყოფილიყვნენ ისინი, რომლებიც მოქცეულნი იყვნენ მტკვართან მდ. ლიხისა და მდ. არაგვის შესართავებთან, რომლის უტყუარი ნაშთები შეიმჩნევა ანტიკური ხანის ფენებში ძველი გორის-ციხისა და მცხეთა-არმაზის ნაგებობებში, აგრეთვე მათ შორის მდებარე ისეთ პუნქტებში, როგორიც იყვნენ უფლისციხე, კასპი, ციხედიდი, სარკინე და სხვ.

ახლა თუ აღმოსავლეთიდან დასავლეთისაკენ მოვყვებით, ასეთ სადგურებად ამ სატრანზიტო გზაზე პერეთ-გარდაბანის ნაკვეთში უნდა ვიგულის-

¹ თ. ყაუხჩიი შვილი, სტრაბონის გეოგრაფია, ცნობები საქართველოს შესახებ, თბილისი, 1957, გვ. 121—135.

ხმოთ მტკვრის-ციხე ანუ ხუნანი მტკვართან მდ. ქციის (ხრამის) შესართავთან და ბოსტანქალაქი (ვოსტან-ქალაქი) ანუ რუსთავი.

მცხეთა-არმაზსა და ბოსტანქალაქს ანუ რუსთავს შორის მოქცეული იყო სამეურნეო და სტრატეგიული თვალსაზრისით ყველაზე შესანიშნავი ადგილი—მერმინდელი თბილისის ტერიტორია, სადაც, ერთი მხრით, მდინარე მტკვარი ფართოდ აშლდება ისე, როგორც არსად სხვაგან, და საკმაოდ დიდ ქვაბს წარმოადგენს, და, მეორე მხრით, იგივე მტკვარი ვიწრო ყელით მიიმართება აღმოსავლეთისაკენ, სადაც ადვილი იყო ხიდის გადება მდინარის ორივე ნაპირთა გასაერთიანებლად ისე, როგორც არსად სხვაგან.

ეს ტერიტორია შეუძლებელია რომ ძველი დროიდანვე დასახლებული არ ყოფილიყო ადამიანის მიერ და აქ დაბა-სოფელი არ ყოფილიყო გაშენებული. მრავალ მოსაზრებას რომ თავი დავანებოთ, ყურადსაღებია თუნდაც ის გარემოება, რომ მდ. მტკვრის მთელს სიგრძეზე არსად მოიპოვება ხელსაყრელი პირობები ნაევით მიმოსვლისათვის და ტივებით ტვირთის გადაზიდვა-გადმოზიდვისათვის ისე, როგორც ამას პქმნიდა მხოლოდ-და-მხოლოდ უძველესი თბილისის ტერიტორია, სახელდობრ ყ. მადათოვის კუნძულისა თუ ნახევარკუნძულისა და ორთაქალის არემარეში.

* * *

უძველესი თბილისის ტერიტორიაზე არაერთის, არამედ რამდენიმე დაბა-სოფლის არსებობა დადასტურებულია არქეოლოგიური გათხრებისა და საერთოდ მრავალრიცხოვანი არქეოლოგიური ექსპონატების აღმოჩენის საფუძველზე¹.

თუ რა სახელწოდებით იყო ცნობილი ეს დაბა-სოფელი ან დაბა-სოფლები მე-5 საუკუნემდე ჩვენი წელთაღრიცხვით, ამის უტყუარი საბუთი არ მოგვეპოვება. ოღონდ ვარაუდით შეიძლება დავუშვათ—ეგების აქ პტოლემეოსის „გეოგრაფია“-ში

¹ დ. კორიძე, თბილისის არქეოლოგიური ძეგლები. I და II, თბილისი, 1955 და 1958; შდრ. მისივე გვიანბრინჯაოს პერიოდის არქეოლოგიური ძეგლი თბილისიდან. „საქართველოს მუზეუმის მოამბე“, XVII—B, 1953, გვ. 127—165; მისივე, გვიანბრინჯაოს ხანის არქეოლოგიური ძეგლები თბილისიდან (ნავთულდი), იქვე, ტ. XVIII—B, 1953, გვ. 5—89.

(V, 10)¹ ნახსენები „ზალისსა“ ანუ, რაც იგივეა, „ძალისსა“ = „ძალისი“ ყოფილიყო გაშენებული.

ნ. ი. ლომოურის აზრით², პტოლემეოსის „ზალისსა“ თითქოს უნდა იყოს მუხრანის ჩრდილოეთით მდებარე სოფელი „ძალისი“, მაგრამ ასეთი შეხედულება მიუღებელია თუნდაც იმიტომ, რომ პტოლემეოსის „ზალისსა“ ნაგულისხმევია იბერიის (ქართლის) სატახტო ქალაქ მესლეტამესტლეტასა (მცხეთისა) და არმაქტიკას (არმაზის) აღმოსავლეთით, ალბანიის საზღვარს ახლოს³, მაშინ როდესაც მუხრანის ძალისი მცხეთის დასავლეთით მდებარეობს. გარდა ამისა, ანგარიშგასაწევი ისიც, რომ მუხრანის ძალისი საკმაოდ დაშორებულია ძველ სატრანზიტო გზას, რომელიც მტკვრის ხეობით მიიმართებოდა ალბანიისაკენ.

აქ, რასაკვირველია, არ შეიძლება ანგარიში არ გაეწიოს იმას, რომ ერთისა და იმავე სახელწოდებით გეოგრაფიული პუნქტები ცნობილია ერთსა და იმავე ქვეყანაშიც. კერძოდ, საქართველოს ტერიტორიაზე შეინიშნება: მცხეთა ქართლში და ლეჩხუმში, ტბეთი სამხრეთ-ოსეთში და ტაოკლარჯეთში, წყნეთი (მწყნეთი) თბილისის ახლოს და ქვემო ქართლში (ბორჩალოში), ზარზმა მესხეთში და გურიისაში, კაბენი კოჯორის ახლოს და ქსნის ხეობაში, რუსთავი ჰერეთში და მესხეთში, ახალდაბა წყნეთს ახლოს და ბორჯომის ხეობაში, ახალქალაქი და ახალციხე მესხეთ-ჯავახეთში და ქართლში, აწყური კახეთში და მესხეთში, არმაზი მცხეთის პირისპირ და ლეხურის ხეობაში, და მრავალი სხვა. გარდა ამისა ცნობილი არიან ახტალა კახეთში და სომხითში, ალავერდი კახეთში და იმავე სომხითში, აბარანი სომხეთში და ს. მარტყოფს ახლოს და სხვ.

¹ ივ. ჯავახიშვილი, საქართველოს, კავკასიისა და მახლობელი აღმოსავლეთის ისტორიულ-ეთნოლოგიური პრობლემები, თბილისი, 1950, გვ. 262.

² Н. Ю. Ломоурн, Клавдий Птолемей и его известия о Грузии. Автореферат диссертации, представленной на соискание ученой степени кандидата исторических наук, Тбилиси, 1952, гв. 16 („Названо... Дзалияси поныне сохранилось без изменения в виде наименования селения Дзалиси, расположенного в Мухранской долине“).

³ ა. ვ. მიშულინის თქმით, „этот ближе не известный пункт локализуется на границе Иберии в Албании“ („Вестник древней истории“, 1948, № 2, гв. 252, შენ. 8).

რომ სამეურნეო-საქმიანობა უძველესი თბილისის ტერიტორიაზე კონცენტრირებული უნდა ყოფილიყო სწორედ ყ. მადათოვის კუნძულის თუ ნახევარკუნძულის რაიონში და მის მახლობლად მდ. მტკვრის ნაპირას, ჩანს იქიდანაც, რომ სწორედ აქ იყო თავმოყრილი ძველი დროიდან წისქვილები, რომელთა აღწერა მოცემულია არაბ გეოგრაფთა თხზულებებში.

აქვე, ტყით დაფარულ კუნძულსა თუ ნახევარკუნძულთან, ძველი დროიდანვე თავს იყრიდნენ ნაოსნები და მეტივენი, პირველ ყოვლისა, ხე-ტყის გადმოსაზიდავად დასავლეთის მხრიდან და ამ ხე-ტყის მოსახმარებლად სხვადასხვა საკიროებისათვის, აგრეთვე მარცვლეულობის მისაწვდომად წისქვილებისათვის, დაბოლოს ხორბლეულის წისქვილებიდან გადმოსაზიდავად მდინარის ნაპირზე მომხმარებელთათვის მისაწვდომად.

ამიტომაც სავსებით გასაგებია ზოგიერთ მკვლევართა ცდები, რათა ძველი თბილისის ესა-თუ-ის სახელწოდება, რომლითაც იგი ცნობილი იყო მეზობელ ხალხთა ენაზე (ამის შესახებ იხ. ქვევით), განმარტონ როგორც ხე-ტყით მდიდარი ქალაქი¹, ხოლო ჩვენი აზრით—ხე-ტყის სადგური (სომხურად *Փայասկայან* თადატაკაჲან, შემდეგში *Փայասկარან* თადატაკარან).

ესევე ადგილი, კუნძული თუ ნახევარკუნძული, ძველი დროიდან გამოყენებული იყო სასეირნო საუკეთესო ადგილად.

ასეთ პირობებში სავსებით გასაგებია, თუ რატომ ხალხური ეტიმოლოგიით, „ზალისსა“ = „ძალისი“ გადაიქცა, ერთი მხრით, „ძელისა“-დ (შდრ. დე ლისი², გუდე ლისი, ლისი—თბილისის მახლობლად მდებარე ადგილებში) და, მეორე მხრით, „ზარისა“-დ.

¹ Краткий исторический очерк города Тифлиса, Тифлис, 1880, გვ. 1—2; შდრ. С. Какабадзе, К истории названия города Тифлиса, «ახისტორიკი კრებულები», II. თბილისი, 1928, გვ. 65—66.

² С. Еремян, Торговые пути Закавказья в эпоху Сасанидов, «Вестник древней истории», 1930, № 1, გვ. 87 (ს. ერემიანის აზრით, სადგური *Zelsta „სледует искать в районе Веры и Делнен, в пределах нынешнего Тбилиси, а ее укрепление — на берегу реки Куры, у места слияния с ною речки Веры, там где Вахушти помещает Лурджин-монастери“. მაგრამ ს. ერემიანის საყურადღებოდ უნდა განვაცხადოთ, რომ მდ. ვერა მტკვარს ერთვის ლურჯი-მონასტრის ცოტათი ხევით).

ინტერეს მოკლებული არაა ის ფაქტიც, რომ უძველესი თბილისის არქიტექტურული ძეგლები სწორედ რომ ყ. მადათოვის კუნძულის თუ ნახევარკუნძულის მახლობლად იყვნენ აგებული, მდ. მტკვრის მარჯვენა ნაპირზე. ვგულისხმობთ, ყურ ერთი, ყ. ვანკის ტაძრის (მე-14 ს. პირველ ნახევარში აგებულის) აღმოსავლეთით ოდესღაც მდებარე ძველის-ძველ ტეტრაკონქს¹, და, მეორე, ეკლესიას სახელწოდებით „ზარისა“-ს², შემდეგში ანჩის-ხატად გარდაქმეულს, რომელიც სიონზე ადრე იყო აგებული, მე-6 საუკუნეში³.

რაკი სიტყვამ მოიტანა, აღვნიშნავთ, რომ „ზარისა“ გააზრებული ფორმაც უნდა იყოს სიტყვიდან „ზალისსა“, ისევე, როგორც, მაგალითად, „ყველის ციხე“ (= ბერძნ. ტიუროკასტრონ) < ყველის ციხე, „ვარდციხე“ (= ბერძნ. როდოპოლის) < ვარციხე, „ცხენის წყალი“ (= ბერძნ. ჰიპპოს) < ცენის წყალი, „შინდისი“ < შინდისი და სხვ.

* * *

თბილისის ტერიტორია და მისი არემარე ძველი დროიდან განთქმული იყო როგორც საუცხოო სანადირო ადგილი.

ლეონტი მროველის გადმოცემით, ფარნავაზ მეფე (მე-3 თუ 1 ს. ჩვენს ერამდე) განვიდა და ნადირობდა მარტო და „დღენა უყო ირემთა ველსა დილომისსა, და იელტოდეს ირემნი ღრილალთა შინა ტფილისისათა“, სადაც „ქლდისა მის ძირსა ქუაბი იყო, რომლისა კარი აღმოქმნულ იყო ქვთა ძუელად და სიძუელითა შექმნოდა დარღუევა შენებულსა მას“, და სხვ.⁴

¹ Г. Г. Успенский, Материалы к истории Грузии, 1919 г. № 1—12, გვ. 45; ლ. შელიქსეთ-ბეგი, ტფილისის ვანკის დაარსების საკითხისათვის, „ოსტუ მოამბე“, ტ. IV, 1924, გვ. 84; M. Brosset, Voyage, rapp V, 17

² მლდ. პ. კარბელოვი, ძველი ანჩისხატის ტაძარი ტფილისში, ტფილისი, 1902, გვ. 4; იგივე რუსულად: еванг. П. Карбелов, Древний Анчисхатский собор в г. Тифлисе, Тифлис, 1899, გვ. 5.

³ Д. М. Мшвенкервадзе, Некоторые вопросы строительного искусства в древней Грузии, I, Тбилиси, 1949, გვ. 54—58; е го же, Лёсы Грузии, Генеалогическое и древнее строительство, Тбилиси, 1950, გვ. 136—138.

⁴ ქართლის ცხოვრება, ს. ყაუხჩიშვილის რედ., ტ. I, თბილისი, 1955, გვ. 21—22; ქართლის ცხოვრება, ანა დედოფლისეული ნუსხა, ს. ყაუხჩიშვილის რედ., თბილისი, 1942, გვ. 15.

ცნობილი ლეგენდის თანახმად, ქალაქი თბილისი დაარსებულია ვახტანგ გორგასალის ნადირობის პროცესში გოგირდის თბილი წყლების აღმოჩენას შედეგად, რის გამოც ქალაქს „თბილისი“ ეწოდოდა (ამ ლეგენდის საუკეთესო დამუშავება ლექსად მოცემულია პოეტ ირაკლი აბაშიძის მიერ¹).

უდავოა, რომ ქალაქის სახელწოდება წარმოდგა თბილი წყლების აღმოჩენის ამბავთან დაკავშირებით, რომლის ანალოგიები სხვაგანაც გვქვს, სახელდობრ: წყალტუბო, Tibilis (ჰველ ნუმიდიაში), Toerliz (ბოჰემიაში), Топчанеодзе, С'ерноидзе, Кле-ричанеодзе (ჩრდ. კავკასიაში), Хирмилэ (სომხეთში) და სხვ.; თუმცა გამორიცხული არაა ისიც, რომ თბილისის სახელწოდებას, ამავე დროს, კავშირი ჰქონდეს ქართველ ხალხის შემადგენლობაში შეძვალ „თუბალ“-„თობელ“ ტომების სახელთან, რომლებიც იბერთა წინაპრებად ითვლებიან².

ქალაქ თბილისის გოგირდის წყლის აბაზანებთან დაარსება იმასაც ნიშნავს, რომ უძველესი თბილისის ტერიტორიაზე შეიქმნა ახალი სამეურნეო ბაზა ე. წ. „დაბახანისა“ და მეტყვეობის სახით, რომლის წარმოებასა და განვითარებას, უთუოდ, ხელს უწყობდა ახლადგაყვანილი ხიდი აწინდელი მეტეხის (აელაბრის) ხიდის ადგილზე, რამდენადაც ეს ხიდი, მცხეთის ე. წ. „მოგვთა“ (პომპეუსის) ხიდის შემდეგ, ერთადერთი იყო მდ. მტკვრით საქონლის გადაყვანა-გადმოსაყვანად კახეთიდან თრიალეთ-წალკის საძოვრებზე³; დაბახანაშივე წარმოებდა საქონლის ტყავის გაწმენდა-დამუშავება, შეღებვა და ამგვარი პროცესი, რომლითაც არ შეიძლება რომ დაინტერესებული არ ყოფილიყვნენ, სხვათა შორის, ეგვიპტის მცხეთის მარტილობაში მოხსენებულნი მცხეთელი „მეჯადაგენი და მეკამლენი“⁴.

¹ ირაკლი აბაშიძე, რას გადაურჩა თბილისი, თბილისი, 1950, გვ. 10—11.

² Л. Меликсет-Бек, Тифлис, его основание и краткий исторический очерк, «Тифлис и его окрестности», «Путеводитель», Тифлис, 1925, გვ. 4—7.

³ Н. П. Бедриашвили, Тифлис, I, Тифлис, 1934, გვ. 11—12.

⁴ მ. საბინინი, საქართველოს სამოთხე, თბილისი, 1982, გვ. 313; ს. კაკაბაძე, „სასტორიო კრებული“, III, თბილისი, 1928, გვ. 80; ს. ყუბანეიშვილი, ძველი ქართული ლიტერატურის ქრესტომათია. I თბილისი, 1945, გვ. 45.

ლეონტი მროველი თბილისის აგებას, როგორც ციხე-სიმაგრისას, უკავშირებს სასანიანთა სპარსეთის ექსპანსიას ქართლში.

იგი წერს: „გამოგზავნა სპარსთა მეფემან ერისთავი სპითა დადითა სომეხთა და ქართველთა ზე და ხარკისა დადებად. მაშინ სომეხთა მოგზავნეს ვარაზ-ბაქარისა მოციქული და რქუეს, რათა შეერბენ და მოირთონ ძალი ბერძენთაგან, და განახუნენ კარნი კავკასიანთანი, და გამოიყვანენ ოგნი და ლეკნი, და წინააღმდეგ სპარსთა... და მოვიდეს სპარსნი პირველად სომხითს, და მოაოჯრეს სომხითი, და შემოვიდეს ქართლს. და ალაშენა ერისთავმან სპარსთამან ტფილისის კართა შორის ციხედ მცხეთისად. მაშინ ვარაზ-ბაქარ ეზახა შევრდომით და ითხოვა მშვიდობა... მისცა რანი და მოვაკანი და განუკუფთა ხარკი, ხოლო ერისთავმან მისცა ციხე ტფილისისა და წარვიდა“¹.

ამავე ამბის შესახებ „ქართლის მოქცევა“ მოკლედ და მკაფიოდ მოგვითხრობს: „მოვიდა ქრამხურ-ბორ-ზარდ, სპარსთა მეფისა პიტიახში, ტფილისად ქალაქად-ციხედ, და ქართლი მისსა ხარკსა შეტდგა, და სომხითი და სივნიეთი და გუასპურაგანი“².


მაგრამ ლეონტი მროველის ცნობა, რომ სპარსთა ერისთავმა „ალაშენა... ტფილისის კართა შორის ციხედ მცხეთისად“ გაუგებარია, ამიტომაც გადამახინჯებულა მომდევნო საუკუნეთა ქართველ ისტორიკოსთა მიერ, კერძოდ ვახუშტითაც, რომლის „გეოგრაფია“-ში იგივე ამბავი გადმოცემულია შემდეგნაირად: „კზ მეფის ვარაზ-ბაქურის ეამსა შინა ალაშენა შურის-ციხე მცხეთისათჳს ერისთავმან სპარსთამან“³.

ამისდა მიხედვით ლეონტი მროველის სიტყვებიც საერთოდ ისე ესმით, თითქოს ის გადმოგვეცემდეს, რომ სპარსთა ერისთავს აეშენებინოს „ტფილისის კართა შურის-ციხე მცხეთისად“, მაშინ, როდესაც დედაზრი ზემომოყვანილი ცი-

¹ ქართლის ცხოვრება, I, 1955, გვ. 136—ქ. ო. ანა დელოფლისიუელი ნუსხა, 1942, გვ. 86 (ხაზგასმა ციტატაში ყველგან ჩვენია. ლ. მ.-ბ.).

² Е. Такайшвили, Описание рукописей „Общества распространения грамотности среди грузинского населения“, т. II, Тифлис, 1806—1812, გვ. 720.

³ ვახუშტი, აღწერა სამეფოსა საქართველოსა (საქართველოს გეოგრაფია), თ. ლომოურის და ნ. ბერძენიშვილის რედაქციით, თბილისი, 1941, გვ. 52.



შოთა რუსთაველის ძეგლი

ტატისა ისაა, რომ სპარსთა ერისთავმა „ააშენა ტფილისი, კართა შორის (ე. ი. კავკასიანთა, ანუ დარიალის და კასპიის კართა შორის), ციხედ მცხეთისად“¹.

მოკლედ რომ ვთქვათ, ლეონტი მროველის თხზულების დედანში სიტყვათა კომპლექსი, რომელიც ქარაგმის ქვეშ იქნებოდა მოქცეული ანდა ასომთავრულით დწერილი, უნდა ყოფილიყო შრის, ანდა შტაის, რომელიც შემდეგში შეცდომით ამოკითხულ იქნა როგორც „შურის“ (შტაის)².

ამრიგად, თბილისის ძველი ციხე-სიმაგრის „შურის-ციხედ“ წოდება უმართებულოა და კატეგორიულად უნდა უკუგდებულ იქნას.

ქალაქ თბილისის დაარსება ჯუანშერ ჯუანშერიანით ვახტანგ გორგასალს მიეწერება, მაგრამ ეს ცნობა, ივ. ჯავახიშვილის აზრით, „ცოტა არ იყოს ეწინააღმდეგება უძველეს ქართული მართიანის „მოქცევაჲ ქართლისაჲ“-ს ცნობას, რომლისდა მიხედვითაც... თბილისი ვახტანგამდე უკვე ქალაქად ყოფილა“³. მაგრამ „იქნებ ვახტანგ გორგასალის ისტორიკოსი,—განაგრძობს ივ. ჯავახიშვილი,—იმ მხრივ იყოს მართალი, რომ მეფე ვახტანგს განზრახვა ჰქონოდა ქ. თბილისი „სამეფო ქალაქად“ ანუ სატახტო ქალაქად ექცია და ეს მისი სურვილი მის მემკვიდრეს განეხორციელებინოს“⁴.

მიუხედავად ასეთი დასკვნისა, ე. ი. რომ ახალი ქალაქი თბილი გოგირდის წყლების რაიონში დაარსებული უნდა ყოფილიყო ვახტანგ გორგასალამდე, ე. ი. ვარაზ-ბაქარის მეფობაში მე-4 საუკუნეში ჩვენი წელთაღრიცხვით, იზადება საკითხი: როგორი იყო ამ ქალაქის ციხე-სიმაგრის ნამდვილი სახელწოდება და საერთოდ როგორი იყო მის ტერიტორიაში შემავალი ნაწილების ტოპონიმიკა?

ამ კითხვაზე პასუხს იძლევიან „ქართლის მოქცევა“, ლეონტი მროველი, ჯუანშერ ჯუანშერიანი, სუმბატ დავითის-ძე, განსაკუთრებით კი იოანე საბანის-ძე თავის „აბო ტფილელის მარტვილობა“-ში.

მას შემდეგ, რაც „დაესრულა მეფობაჲ ქართ-

¹ Л. Меликсет-Бек, დასახ. შრომა, გვ. 8—10; შდრ. С. Какабадзе, დასახ. შრომა, გვ. 61.

² Л. Меликсет-Бек, დასახ. შრომა, გვ. 10.

³ ივ. ჯავახიშვილი, ქართული ერის ისტორია, წიგნი პირველი, მეოთხე გამოცემა, თბილისი, 1951, გვ. 279.

⁴ იქვე.

ლისაჲ“, — წერს „ქართლის მოქცევის“ ავტორი, — „მცხეთაჲ ათხელდებოდა და ტფილისი ეშენებოდა, არმაზნი შემციარდებოდეს და ქალაჲ განდიდებოდა“ (შენდებოდა)-ო¹. ასევე „ქალა“, „ციხე ქალისასა“, „ველი ქალისასა“, „ქალა და ციხე იგი ტფილისისა“ მოხსენებულია ჯუანშერისა და სუმბატის მიერ ერეკლე კეისრისა და ჯიბლუ-ხაკანის მე-7 ს. დასაწყისში თბილისზე თავდასხმის აღწერაში².

აქედან ნათლად ჩანს, რომ თბილისის ციხე-სიმაგრეს ეწოდებოდა „ქალა“ ანუ, რაც იგივეა, „ქალა“ (აქედანაა შემდგომში წარმოებული „ნარიალა“), რომელსაც ს. კაკაბაძე უკავშირებს პტოლემეისებურ „ზალისსა“-ს³.

აბო ტფილელის „მარტვილობა“-ში აღნიშნულია, რომ აბოს „მოჭყუეთეს თავი... კართა ზედა... წმიდისა ეკლესიისათა, რომელი სახელად წმიდათა ორმოცთა დაფუძნებულ იყო“, რის შემდეგ „გამოიღეს... გუამი წმიდისა მის გარეშე ქალაქსა და აღიღეს ადგილსა, რომელსა საგოდებელ ეწოდების, რამეთუ მუნ არს საფლავები კაცთა მის ქალაქისათაჲ“, და „დაწუნეს ჯორცნი იგი მოწამისანი ადგილსა მას, რომელ არს აღმოსავალით ციხესა მას ქალაქისა, რომელსა ჰრქვან საღილეგო, პირსა ზედა კლდისასა, რომელ არს კბოდჷ, კლდჷ მდინარისა მის დიდისაჲ, რომელი განჰვლის აღმოსავალით ქალაქსა, ესე არს სახელით მტკუარი“⁴.

ყოველ ექვს გარეშეა, რომ როგორც ორმოცთა სახელობის ეკლესიის, ისე საგოდებელისა და საღილეგოს ადგილმდებარეობა ნაგულისხმევია გოგირდის წყლების არემაარეში, მეტეხის (აელაბარის) ხიდის გაღმა-გამოღმა⁵.

¹ Е. Такашвили, დასახ. შრომა, 724; შდრ. ქ. ც., I, 223, 373.

² ქ. ც., I, 181, 223, 224, 225, 373, 374, 375; იგივე, ანასუფი ნუსხა, 122, 145, 146.

³ С. Какабадзе, დასახ. შრომა, 65.

⁴ შ. საბინიძე, დასახ. შრომა, გვ. 346 = პ. კარბელოვი, წმიდა მოწამე აბო ტფილელი, თბილისი, 1899, გვ. 31 = ქ. კეკელიძე, ადრინდელი ფეოდალური ქართული ლიტერატურა, თბილისი, 1935, გვ. 74—75 = ს. ყუბანეიშვილი, დასახ. შრომა, გვ. 67—68.

⁵ Л. Меликсет-Бек, Тифлис, его основание, гв. 17—18; его же — О междоусобице в Тифлисе в 1197 г. по повелу Кривой пашхи (Вокруг старого Тифлиса), „Известия Кавк. Ист.-Археол. Института“, III, Тифлис, 1925, гв. 55—58; ქ. კეკელიძე, დასახ. შრომა, გვ. 29—30.

ქართულს მწერლობაში თბილისი პირველად მოხსენებულია ევსტათი მცხეთელის მარტილობაში (VI ს.), ხოლო შემდეგ აზო თბილისის მარტილობაში (VIII ს.), კოსტანტი კაპის მარტილობაში (IX ს.), „ქართლის მოქცევა“-ში (IX ს.), გრიგოლ ხანძთელის ცხოვრებაში (X ს.) და ასე შემდეგ.

ბერძულ-ბიზანტიურ მწერლობაში თბილისს პირველად იხსენიებს *Тарсий*-ის სახით თეოფანე (VI ს.)¹.

არაბ ისტორიკოს-გეოგრაფთაგან აღსანიშნავი არიან ალ-ისთახრი და იბნ-ხუკალი, ორივენი X ს., რომლებიც იხსენიებენ გოგირდის აბანოებს, ხოლო უკანასკნელი აგრეთვე მცურავ წისქვილებს მდინარეზე, სადაც ჰქვავდნენ ხორბალსა და პურის მარცვლეულს².

შედარებით უფრო ხშირად თბილისი *საქრქა*-ად მოხსენებულია სომხურ მწერლობაში მე-9 საუკუნიდან მოყოლებული, სახელდობრ შემდეგ თხზულებებში: კრებული „ეპოსტოლეთა წიგნი“ (VI ს.), ანანია შირაკელი (VII ს.), სებეოსი (VII ს.), მოსე კალანკატუელი (VII ს.), მოსე დასხურანელი (X ს.), უხტანეს ურპაელი ანუ ედესელი (X ს.), თომა არწრუნი (X ს.), იოანე დრასხანაკერტელი (X ს.), სტეფანე ტარონელი-ასოლიკი (X—XI ს.), ფსევდო-შაპუპ ბაგრატუნი (XI ს.) და სხვ.³.

* * *

სომხური საისტორიო მწერლობის მონაცემებით, კერძოდ ანანია შირაკელის (VII ს.) „გეოგრაფიის“ ჩვენებით, რომელიც ერთხანს მოსე ხო-

¹ ს. ყაუხჩიშვილი, პირველი ბერძნული ცნობა ტფილისის შესახებ, „ქართველთა მუზეუმის მოამბე“, IV თბილისი, 1928, გვ. 283—284.

² Н. Каравулов, Сведения арабских писателей о Кавказе, Армении и Азербайджана, „Сборник материалов... Кавказа“, вып. XXI, Тифлис, 1901, გვ. 11—15; იგივე, вып. XXXVIII, 1908, გვ. 88—89; მ. პოლიევქ-ტოვი და გ. ნათაძე, ძველი ტფილისი, თბილისი, 1930, გვ. 1—М. Поляевков и Г. Натадзе, Старый Тифлис в известиях современников, Тифлис, 1928, გვ. 1. შდრ. ისთახრი, მოდუდ-აღ-ალემი, ამდლალამ-ყაზვინი, თარგმანი... გ. ფუთუჩაძისა, თბილისი, 1937, გვ. 4.

³ ლ. მელიქიძე-ბეგი, საქართველოს ისტორიის წერილობითი წყაროების პუბლიკაციები, კატალოგი, I, თბილისი, 1949, გვ. 217 (221) და შემდეგ; შდრ. Л. Меликсет-Бек, Тифлис, его основание, გვ. 18.

რენელს მიეწერებოდა⁴, ქალაქ თბილისის ეკერო-და პარუარის თემი, ხოლო „პარუარის სანახები, — ივ. ჯავახიშვილის განმარტებით, — ქ. თბილისის აღმოსავლეთით მდებარე თემი უნდა ყოფილიყო“; ამავე დროს „ტფილისი თავის სანახებითურთ და პარუარის სანახებიც იბერიის უცილობელი სამფლობელო ყოფილა“-ო⁵. ს. კაკაბაძის აზრით⁶, „პარუარ“-თან შეიძლება კავშირი ჰქონდეს „სა-ბარ-ათ-იანო“-ს.

საერთოდ კი მე-9 საუკუნიდან მოყოლებული თბილისი სომხურს საისტორიო მწერლობაში იხსენიება „ფაეტაკარან“-ის სახელწოდებით.

ასე, მაგალითად, მარტიროლოგიურს თხზულებაში სათაურით „წამება წმიდათა მღვდელ-მოდლუართაჲ სომხითისათა არისტაკესი, ორთანსსი, ოსიკისი, გრიგორისი, დანიელისი“, რომელიც თარგმნილია უშუალოდ სომხურიდან ტაო-კლარჯეთის ქართული სამეცნიერო-სალიტერატურო სკოლის უცნობი წარმომადგენლის მიერ IX—X სს., სომხური დედნის „ფაეტაკარან“ განმარტებულია: „რომელ არს ტფილისი“⁷.

თომა არწრუნი (X ს.) თავის „არწრუნიანთა სახლის ისტორია“-ში (თავი III, 9), ლაპარაკობს რა ბულა-თურქის 853 წ. ლაშქრობაზე ამიერკავკასიაში, აღნიშნავს, რომ ბულამ „უბრძანა [თავის ჯარს] ნილწიოს ქალაქს, რომელსაც ტფლიქ უხმობდნენ, ხოლო წინათ ფაეტაკარანს უწოდებდნენ“-ო (*ქქსრჲჲ დაღაჲქჲს საქრქქიკისესსჲჲ კიოიჲ კარაჲყაღიჲს ფაკათასკარანს აწილანქქს*); შემდეგ მითითებული აქვს იმაზე, რომ „ქედარი-საგან იყო აშენებული ქალაქი მათი (ე. ი. ქართველთა), ზღუდენი, სიმაგრე, პალატნი მათი და

⁴ A. Soukry, Géographie de Moïse de Corène d'après Ptolémée, Venise, 1881, გვ. 28 (სომხური), 38 (ფრანგული); *Ա. Աբրահամյան, Անտիკო ტერაკავად-մասხնադրութիւնը, Երևան, 1944*, გვ. 348.

⁵ ივ. ჯავახიშვილი, ქართველი ერის ისტორიის შესავალი, თბილისი, 1950, გვ. 29.

⁶ ს. კაკაბაძე, ქართული სახელმწიფოებრიობის გენეზისის საკითხები, „საისტორიო მოამბე“, 1924, № 1, გვ. 40—42.

⁷ А. Хатавов, Материалы по грузинской географии по рукописям X века, Москва, 1910, გვ. 58; ივ. ჯავახიშვილი, ძველი სომხური საისტორიო მწერლობა, I, თბილისი, 1935, გვ. 29; ილ. აბულაძე, ქართული და სომხური ლიტერატურული ურთიერთობა IX—X სს.-ში, თბილისი, 1944, გვ. 65.

ქალაქის მოსახლეთა ყველა სახლი და ყველა მორ-
თულობა და მოწყობილობა მათი“¹.

ასევე ფსევდო შაჰუჰ ბაგრატიუნი (XI ს.) თავის
„ისტორია“-ში (თავი 78), ლაპარაკობს რა X ს.
დამდეგის ამბებზე, აღნიშნავს, რომ სუმბატ აშო-
ტის ძემ, ე. ი. სუმბატ აღმსარებელმა, ბაგრატიუ-
ნიმ (890—914), „დაიპყრო ფაეტაკარანი, რომელ
არს ტფილისი“ (*ჟფაეთასქარანს, ირ ზე შაქიქს*)².

პოეტი-კოსმოლოგი იოანე ერზინკაელი (XIII
ს.) თვისი შესანიშნავი თხზულების „ზეციერ სხე-
ულთა მიმოქცევისათვის“ წინასიტყვაობაში აღნი-
შნავს, რომ ეს თხზულება ქადაგების სახით წარ-
მოუთქვამს „წელსა 733 [= 1284]“, როდესაც „მას
მოუხდა მისვლად ღვთის მფარველობის ქვეშე მყოფ
სამეფოს ქართლის ქვეყნად სახელგანთქმულსა და
დიდს დედაქალაქ თბილისს, რომელსაც ისტო-
რიკოსთა წიგნებში ფაეტაკარანი ეწოდება“-ო (*ქ
მარქადაგაჲსჲს ქ შაქიქს, ჟაეთასქარანს სიჯ-
ხსაქ ქ ყირაყათიყაჲს*)³.

სახელგანთქმული სომეხი მეცნიერისა და მწერ-
ლის გრიგოლ ტათეველის სიკვდილისა და საქარ-
თველოს მოახრების გამო 1411 წ. მატეოს (მა-
თე) ვარდაპეტს წარმოუთქვამს სიტყვა, რომლის
სათაურშიც მოხსენებულია ფაეტაკარანი თბილი-
სის გაგებით: „მატეოს ვარდაპეტის ჰომილია
გოდებით თქმული სამგლოვიაროდ ნეტარი მოძ-
ღვრის გრიგორის დაკრძალვაზე; აქვე მოხსენებუ-
ლია გოდება სატირალი მოახრებისა, რომელიც
მოხდა საქართველოს ქალაქ ფაეტაკარანში“ (*ირ
ქ ლეაეთილს, ქ ჟაეთასქარანს დაჲსჲს*)⁴.

პოვანეს (იოანე) წარელი (XVI ს. მიწურულში)
თავის „აღვანიის ისტორია“-ში, მოგვითხრობს რა
ლალა-ფაშას სარდლობით თურქების 1575 წ. ლაშ-

ქრობებზე, სხვათა შორის, აღნიშნავს, რომ ის
დაიძრა ქართლზე და მიადგინა ქალაქ ფაეტაკა-
რანს, რომელიც არს თბილისი (*ქ ჟაეთასქარანს
დაჲსჲს, ირ ზე შაქიქს*), და ააგო იქ ციხე და ვაა-
მაგრა იგი“⁵.

ასევე უსახელო ეამთაღმწერელი (XVII ს. და-
საწყისი), ლაპარაკობს რა შაჰ-აბას I-ის ლაშქრო-
ბაზე ქართლზე, აღნიშნავს, რომ „სპარსთა მეფე...
შევიდა ქართლში და აიღო ქალაქი ფაეტაკარანი,
რომელ არს თბილისი“ (*ქაო ჟფაეთასქარანს
დაჲსჲს, ირ ზე შაქიქს*)⁶.

ალა-შაჰმად-ხანის მიერ 1795 წ. 11 სექტემბერს
ქ. თბილისის მოახრების აღმწერელი სომეხი ის-
ტორიკოსებიც თბილისს თითქმის ერთხმად ფაე-
ტაკარანს უწოდებენ.

ასე, მაგალითად, სერობ (სერაბინ) მწერლის
თხზულება ამ თემზე, დაწერილი 1795 წ. მიწუ-
რულს, შემდეგ სათაურს ატარებს: „მოკლე ისტო-
რია მოახრებისა დედაქალაქ ფაეტაკარანისა (*ჟაე-
თასქარანს მარქადაგაჲსჲს*) ალა-შაჰმად-ხანის მიერ
1795 წ. 11 სექტემბერს“⁷.

უსათაურო „გოდება“-ს, შეთხზულს უსახელო
პოეტის მიერ 1796 წ. 26 მარტს, დართული აქვს
მინაწერი ასეთი შინაარსისა: „დაიწერა ვინმე ვა-
მოუსაღვეარი და ყარბი ახალგაზრდის მიერ 1796
წ. 26 მარტს აოხრებულ ფაეტაკარანში (*ქამაქ
ჟაეთასქარანს*)“⁸.

ასევე მეორე უსახელო ავტორი 1795 წ. 11
სექტემბერის მოახრების ისტორიას, რომელიც
ვრცლად დაუწერია 1796 წ. იანვარში, ხოლო შემ-
დეგ შეუმოკლებიათ „დასავლეთში—კონსტანტინე-
პოლში“ 1796 წ. ივნისში, ამთავრებს შენიშვნით,
რომ თხზულება „დაიწერა ტფილისს—ფაეტაკა-
რანს“ (*ქ შაქიქს ჟაეთასქარანს*)⁹.

¹ *წიქმანქ ქარეაყახთქ არბრილსიყ ჟათმილქს
თანს არბრილსიყ, ქ სიყ ჯაბ რ. ჟათქანსხანს*,
1797, ტ. 173 — ნოიურ, შიქიქს, 1917, გვ. 283 — 284.

² *ჟათმილქს შაქიქს რაგვართილსიყ, ქ სიყ აბქს
რ. სქერ-შქერაქხანს შხერიყ შაქიქსიყიყი,
ქქიქსიქს, 1921, ტ. 65.*

³ *ქრათონილქს რერსიქს მარშიყ ჯერქმანს
ქქს, სერ სარქიქსანს, 1798, ტ. 2, შდრ. V. Орбелн,
Фрагмент крестного камня с арабской надписью в
Тифлисе, „Христианская Восток“, т. IV, 1922, გვ. 197;
Л. Меликсет-Век, О междоусобице в Тифлисе
в 1197 г. по поводу Кривої пасхи, გვ. 59.*

⁴ *ქ. შაქიქსიყ. შქერაქსიყ რაქიქსიყ ახალგერქ
ჩქათასქარანსიყ. მანს თიქიქს (1401—1450 წწ.),
ბრქანს, 1954, გვ. 607.*

⁵ *ჟათმილქს სკოლანსიყ თქარქსიყ არარსაქ შარქ-
იქ შიქანსიყ ქარეაყახთქს (ჟათმილქს შაქიქს ქარ-
ეაყახთქს რაქიქსიყ, რ თაქ-ქარეაქსაყათ, 1896, გვ. 607).*

⁶ *ქ. ს. ჯაქიქსიყ. შანრ ქამანსაქაგრილქიქს-
ნერ XII—XVIII რქ, ნათორ I, ბრქანს, 1951, გვ. 187.*

⁷ *რქ. ს. ა. სკოლანსიყ. რქანსიყ რაქიყიყ ათა-
მილქსიყ. X. შანრ მათხნაქქქქ შქ—ქქ რქ, შიქიქსიყ,
1918, გვ. 353—354.*

⁸ იქვე, 375—376.

⁹ *ქ. შაქიქსიყ. შქანსიყ რაქიყიქსიყ რაქიყიქსიყ
რაგვართიქსიყ რქიქსიქსიყ 1795 წ. აქიქმანს მანსიყ. ახიქს-
ქაქიქსიყ სსსს რქათმილქსიქსიყ სქაქიქსიყიქსიყ
ქიქსიქსიყ, 1941 წ. № 3-4, გვ. 52.*

თბილისს—ფაეტაკარანს იხსენიებს აგრეთვე ბ. აბოვიანი 1830-ან წლებში (თხზულებათა სრული კრებული, VIII, 96).

იხადება საკითხი: რა ელო საფუძვლად ტრადიციას, რომლის თანახმადაც სომხურს მწერლობაში ქალაქ თბილისს ფაეტაკარანი ეწოდა?

ამ საკითხზე არსებულს სამეცნიერო ლიტერატურაში მოიპოვება ერთადერთი და, თუ შეიძლება ასე ითქვას, ერთსულოვანი განმარტება, რომ „ფაეტაკარან“, ვითარცა შემცველი სომხური სიტყვის *ფაჟო* ფაეტ ბე-ტყის მნიშვნელობით, ბე-ტყით გაშენებულ ქალაქს ნიშნავს.

ს. კაკაბაძით „Тифлис когда-то назывался просто деревянным городом“, რამდენადაც „*ფაჟო-თაჟარ*—куча дерева, сухого леса“¹.

ბ. მართ, „в армянском названии области Тифлиса, самого Тифлиса *ფაუტ-ა-კაგაი* наличие слова *ფაუტ* 'дерево' не случайность, а свидетельство о тотеме 'дерево'“².

მართალია, თბილისი ძველად ტყით ყოფილა გარშემორტყმული, რომლის ნაშთებზე მიგვიითობდნენ როგორც ძველი მაცხოვრები³, ისე ბოტანიკოს დენდროლოგებიც⁴, მაგრამ ვფიქრობთ, რომ „ფაეტაკარან“-ად დარქმევის მიზეზი შეიძლება სხვა გარემოსა და პირობებში ვეძიოთ.

* * *

სომხური საისტორიო გეოგრაფიით, ფაეტაკარანი ერთ-ერთი იმ 15 ოლქთაგანია, რომელთაგან შედგებოდა ე. წ. „დიდი სომხეთი“. როგორც სხვა ოლქები, ეს ოლქიც კანტონებად ანუ მცირე ადმინისტრაციულ ერთეულებად იყო დაყოფილი, რომელთა შორის იხსენიება „პრაქოტპეროე“, „სპანდარან პეროე“ და „ორმიზდ პეროე“⁵ (ზღრ. წმ. ნინოს ცხოვრების პეროეაგრა სიენიელი). ამ ფაეტაკარანს სომეხი ისტორიკოსი აგათანგელოსი (V ს.) იხსენიებს შემდეგ კონტექსტში: წმ. გრიგოლ განმანათლებელმა გაავრცელა

¹ С. Какабадзе, *დასახ. ზრომა*, 64.

² Н. Марр, *Избранные труды*, III, М.—Л., 1934, 83-855.

³ Современники о Хачатуре Абовяне, Ереван, 1941, 83-132—133.

⁴ Д. Сосновский, *Процессы исчезновения лесов в окрестностях Тифлиса*, «Известия Кавк. Отдела Рус. Геогр. Об-ва», т. XXIII, № 1, 1916, 83-97—51.

⁵ А. Soukry, *დასახ. ზრომა*, 33 (სომხ.), 44 (ერანჯ.) = *Ա. Աբրահամյան*, *დასახ. ზრომა*, 349—350.

ქრისტეს მოძღვრება „სატალღთა ქალაქიდან მოყოლებული ხალტების ქვეყანამდე, კლარჯეთამდე, მასქთა უკიდურეს საზღვრამდე, ალანთა კარამდე, კასპიის საზღვრამდე, სომეხთა სამეფოს ქალაქ ფაეტაკარანამდე“ (*ჩ. Բայասխարան Զաղաք արքայութեան հայոց*)¹.

სომხეთის ქალაქად არის ნაგულისხმევი ფაეტაკარანი აგრეთვე ლაზარე ფარპელის (V ს.) „სომხეთის ისტორია“-ში (თავი 33), ელიშეს (V ს.) „ვარდანელთა ისტორია“-ში (III, IV), მოსე ხორენელის (VI ს.) „სომხეთის ისტორია“-ში (III, 3, 6), სებეოსის (VII ს.) „ისტორია“-ში (თავი 5, 6, 36), მოსე კალანკატუელის „აღვანთა ისტორია“-ში (I, 12), ზენობ გლაქისა და იოანე მაშეკონიანის (V—VIII სს.) „ტარონის ისტორია“-ში, ლევონდის (VIII ს.) „ისტორია“-ში (თავი 18), იოანე დრასხანაკერტელის (X ს.) „ისტორია“-ში, სტეფანე ტარონელის ასოლიკად წოდებულის (X—XI სს.) „მსოფლიო ისტორია“-ში (II, 2, 3), მათე ურპაელის ანუ ადესელის (XII ს.) „ეპიმთალმწერლობა“-ში, ვარდან აღმოსავლელის (XIII ს.) „ისტორია“-ში და მრავალ სხვაგან.

ამ ქალაქის ადგილმდებარეობა ნიშანდობლივ გამორკვეული არაა, მაგრამ უდავოა ის, რომ მისი ლოკალიზაცია მხოლოდ-და-მხოლოდ ე. წ. მილის ანუ ყარაბაღის ველის საზღვრებში უნდა მოხდეს.

ახლა ამ საკითხზე მოვუხსენიოთ ა. ა. იენენს²:

„Из поселений городского типа, расположенных в Мильской степи, армянские письменные источники упоминают г. Пайтакаран в связи с событиями начала IV в. н. э. и более поздними...“

„Вместе с тем, в связи с проблемой Пайтакарана, исключительный интерес представляет комплекс памятников у с. Тавакенд (бывший VII совхоз), расположенного в 7—8 вкм. к юго-востоку от Оренкала. Здесь имеется небольшое прямоугольное городище, на котором найдены 3 каменные базы от деревянных колонн, принадлежащие какому-то крупному зданию, может

¹ Ագաթանգեղոսի Պատմութիւն հայոց, աշխատութեամբ Գ. Տէր-Մկրտչեան և Սա. Մալխոսեան, Տիֆլիս, 1909, 83-499.

² А. А. Нессен, *Новые данные для истории Азербайджана по работам Оренкалинской экспедиции 1953—1955 гг.*, „Труды Музея истории Азербайджана“, т. II, Баку, 1957, 83-27—28; 130. 83-177.

ბიუტ ვულტოვოგო ხარაქტერა, ი ოთხოშაქსეა კო ვრემი ოკოლო V ვ. ნ. ა. ვ 1955 გ. ადეს ჯე ნაიდეს ნებოლშოი კლად რიმსკიხ სერებრიანო მონეტ I ვ. ნ. ა. ვ. ვსტრეჩეპი ადეს ი ვერამიჩესკიხ ნაოქოდი რაინგო სრედნევეკოვნი. კ გოროდიშუ პრიმშაეტ ობშირნია ალოშადი, ნა აოთროი ობნარუჟენი სლედს პოზდნიეშიხ კუვშინიხ პოგრებნიი, ა ვოზმოჟო ი კულტურნოგო სლოი ნასელენი. ნედალექო ოთ გოროდიშა რასოლოჟენ ვთროი პრამოუგოლნიი ისკუსთვენნიი ხოლმ, ნე დავშიი პოდემნიოგო მატერიალა.

„კომპლექს ვთოთ ტრებუეტ აგლუბლენიოგო იაუჩენი, ვესმა ვატრუდნიენიოგო სოვრემნიი ვასტროიკოი. სუდი პო რეზულტატამ ნაშიხ ობსლედოვალესკიხ რაბოთ, ვ პრედელახ მიალესკოი სტეპი ნეტ დრუგოგო ირუნიოგო ნაიატნიკა პერვოი პოლოვინი I თასეჩელენი ნ. ა., კოთროი მოგ ბი პრეტენდოვალე ნა როლ გოროდსკოგო ცენტრა. ნე ისკლუჩენო პოეტო, კოთ გ. პაიტაკარანი დოლჟენ ბიუტ ლოკალიზოვანი ადეს...“.

ჩვენ აქ ზელმეტად მივვანჩია ვამოვუდგეტ სახელწოდება „ფაეტაკარანი“-ის ეტიმოლოგია-განმარტებას. ერთი კი უდავოა, რომ მასში წარმოდგენილია ან: 1) სომხური სიტყვა *փայտ* ხ ე-ტ უ ე-სვან (კინობითში *փայտ-ակ*) ნაწარმოები სახელწოდება სუფიქსით *ակ*, რომელიც საცავს, რის მეშემოცეღს ნიშნავს, ანდა 2) კომპოზიტი, შემდგარი ორი ძირისაგან, რომელთაგან პირველი „ფაეტაკ“ ვაურკვეველია, ხოლო მეორე „არანი“ ალბანიის სამხრეთის (მტკვრის სამხრეთით მდებარე) ნაწილს უნდა აღნიშნავდეს, იმის ანალოგიით, როგორც არიანი, მაგალითად, ანანია შირაკელის „გეოგრაფიის“ „არანიროტ“¹ და „ქართლის მოქცევა“-ში ნახსენები „არანი ქართლისა“.

ქალაქი ფაეტაკარანი და მისი ოლქი, ისევე როგორც არანი, ე. წ. მილის ანუ ვარაზდის ველით და მუდანიტურთ, საუკუნეთა მანძილზე პლაცდარმს წარმოადგენდა უცხო დამპყრობთა შემოსევებისათვის ამიერკავკასიაში, განსაკუთრებით სასანიანთა სპარსეთისა და არაბეთის ხალიფატის ბატონობის ხანაში (III—IX სს.). მისი მოსახლეობა არაერთხელ აწიოკებულა და დაუტოვებია მამაპაპეული კერა და თავშესაფარი მოუპოვებია მეზობელ ქვეყნებში და მათ ქალაქებში, კერძოდ ქართლის დედაქალაქ თბილისში. მოკლებული არაა

ვარაუდს, რომ ერთ-ერთ ასეთ აკლემბა-მოთხრების პროცესში ფაეტაკარანის მოსახლეობა აურილიყო ადგილიდან და თბილისში მოეპოვებინა თავშესაფარი, თვისი მიტოვებული სამშობლოს სახელწოდების გადმოტანით თბილისის იმ უბანზე, სადაც მას დაემთბოდა ბინადრობის უფლება. ამგვარად, როგორც ჩვენ ვფიქრობთ, აღმოსავლეთ ამიერკავკასიიდან გადმოვიდოდა თბილისში სახელწოდება „ფაეტაკარანი“, რომელიც შემდეგში სომეხ მოსახლეობაში თბილისის აღმნიშვნელ ახალ სახელწოდებად გადაიქცა; ამის ანალოგია ჩვენ ახლაც გვაქვს სომხეთის დედაქალაქ ერევანში, რომლის გარეუბნებს, სადაც რეპატრიანი უბები დასახლდნენ და გაშენდნენ, ეწოდებოდა მახლობელ აღმოსავლეთში მათი წინანდელი ბინადრობის ადგილთა სახელწოდებები, სახელდობრ: ამასია, არაბკირ, ზეათუნ, მალათია, კილიკია, ბაჟთანია და სხვ. ცნობილია აგრეთვე, რომ მე-18 საუკუნეში სახელწოდება „ნახიჩევანი“ გადატანილ იქნა როსტოვის გვერდით დაარსებულ ახალ ქალაქზე, ხოლო მე-19 საუკუნის დასაწყისში „არმავირ“-ი—ჩრდილო კავკასიაში. ასევე „სევესტოპოლი“-დიოსკურია-ცხუმი (სონუმი)—ახლანდელ სევესტოპოლზე, „როსტოვი“ ჩრდილოეთიდან—ახლანდელ როსტოვზე, „ოდესა“ შავი ზღვის ერთ-ერთი ნახევარკუნძულიდან—ახლანდელ ოდესაზე, და მრავალი სხვა.

რომ სახელწოდება „ფაეტაკარანი“ სომეხ იმიგრანტების მიერ არის გადმოტანილი თბილისზე, „ფაეტაკარანი“-ის დამთხვევით, ამის ერთგვარი პარალელი შეიძლება მონახულ იქნას აგრეთვე იმ ფაქტში, რომ თბილისის ღთაწმინდას, ანუ „მამადავითის“ მთას, სხვანაირად ეწოდება „იშტრუტ-რუქი“ ანუ „იშიტურტუქი“. აღნიშნული სახელწოდება (რასაკვირველია, სომხური წარმოშობისა) აღბეჭდილია მე-18 საუკუნის ქართულს საისტორიო მწერლობაში, სახელდობრ: ბერი ეგნატაშვილის „ახალი ქართლის ცხოვრება“-ში², ვახუშტის „ქართლის ისტორიისა“³ და „გეოგრაფია“-ში⁴ და სხვა⁵.

¹ ეგნატაშვილი ბერი, ახალი ქართლის ცხოვრება XVIII ს. დამდ. ივ. ჯავახიშვილის წინასიტყვაობითა და რედაქციით, თბილისი, 1940, გვ. 172.

² ქართლის ცხოვრება, ნაწილი მეორე, დ. ჩუბინოვის რედ., სპბ., 1854, გვ. 57.

³ ვახუშტი, აღწერა სამეფოსა საქართველოსა, გვ. 54.

⁴ დ. შედიქსეთ-ბეგი, ვახუშტისეული „იშიტურტუქისა“-თვის, „საისტორიო მოამბე“, 1924, № 2, გვ. 229—232.

¹ A. Soukry, იქვე; ² Ա Ք Ր Վ Ն Մ Ք Ն, იქვე.

დასკვნა ყველა ზემოხსენებულის შედეგად მარტივია:


საქართველოს დედაქალაქი (პირველ ხანებში მხოლოდ ქართლის დედაქალაქი) თბილისი ორი ათასწლეულის მთელს სიგრძეზე ცნობილი იყო სამი სახელწოდებით—1. ზალისსა, ძალისსა, ძალისი, ძელისი (შდრ. ლისი, დელისი, გუდელი-სი და სხვ.); 2. ტფილისი, თბილისი, თიჭლის, Тифлис, და 3. ფაეტაკაჰან—ფაეტაკარან,—რომელთაგან მეორემ სავსებით განდევნა ანუ დაფარა პირველი¹, ხოლო მესამემ ვერ გაუძლო მეორეს.

¹ ისევე, როგორც, მაგალითად, მოსკოვა (Москва)—Крутицы, რომლის ნაშთი დღეს შემონახულია მხოლოდ და მხოლოდ მოსკოვის მიტროპოლიტის ტიტულატურაში — „კრუტიცისა და კოლომნისა“ (Крутицкий и Коломенский).

კერძოდ აღსანიშნავია, რომ თბილისის ციხესიმაგრეს თავიდანვე ეწოდებოდა „ქალა“ ანუ, რაც იგივეა, „ყალა“, საიდანაც წარმოიშვა მერმინდელი „ნარიყალა“, მაგრამ ის არაერთაზრ შემთხვევაში „შურის-ციხე“-დ არ ყოფილა, რაც ფანტაზიის შედეგია.

„საგოდებელი“ ძველი თბილისის სასაფლაოს სახელწოდებაა, ე. წ. სირაჩხანის ადგილზე, ესე იგი ე. წ. დარეჯანის კოშკის მახლობლად, ხოლო „სადილეგო“—საპყრობილეა მერმინდელი „მეტე-ხი“-ს ადგილზე.

დაბოლოს „იშიტურტუქი“ ანუ, რაც იგივეა, „იშიტურტუქი“ ერთ-ერთი ძველ სახელწოდებათაგანია მთაწმინდისა ანუ „მამადავითის“ მთისა.



ცხენის რკინიგზის („კონკის“) სადგური მუშტაძის (ამჟამად ორჯონიკიძის სახელობის) პარკთან

ბიოგრაფიული

ველია ჩელების ცნობები
თბილისის შესახებ

საქართველოს წარსულის შესწავლისათვის დიდი მნიშვნელობა აქვს აღმოსავლურ წყაროებს და კერძოდ, ოსმალთა ისტორიკოსებისა და მოგზაურების ცნობებს. საკმაოდ მდიდარ თურქულ ისტორიოგრაფიაში მოიპოვება არაერთი ავტორი, რომელიც საინტერესო და საქართველოს ისტორიისათვის უეჭველად მნიშვნელოვან ცნობებს გვაწვდის (მუსტაფა ნაიმა, იბრაჰიმ ფეჩევი, ალი ჩელები, ქათიბ ჩელები, მუსტაფა სელიანიქი, ევლია ჩელები და სხვ.).

ამ ავტორთა შორის, რომლებიც ოსმალეთის ისტორიის თხრობისას საქართველოს ამბებსაც გადმოგვცემენ, განსაკუთრებული ადგილი უჭირავს XVII საუკუნის განთქმულ მოგზაურს ევლია ჩელების, რომლის ავტობიოგრაფია „სეაჰაჰ-ნამე“ — „მოგზაურობის წიგნი“ იძლევა უამრავ ცნობებს — ისტორიულს, ეთნოგრაფიულს, ეკონომიურს, ლინგვისტურს, გეოგრაფიულს — ევროპის, აზიისა და აფრიკის იმ მრავალი ქვეყნის შესახებ, რომლებიც მოიარა, თავისი თვალთ ნახა,

მრავალი ცნობა შეკრიბა, ჩაიწერა და თავის თხზულებაში წარმოადგინა.

ევლია ჩელების ბიოგრაფიისათვის მცირე ცნობები მოიპოვება მისსავე თხზულებაში. ეს ცნობები თავმოყრილია, აგრეთვე, ფრანც ბაბინგერის შრომაში — „ოსმალთა ისტორიკოსები და მათი შრომები“. ევლია ჩელებისა და მისი თხზულების დახასიათებისა და შეფასებისათვის განსაკუთრებული მნიშვნელობა აქვს ი. ი. კრაჩკოვსკის ფუნდამენტალურ შრომას — „არაბული გეოგრაფიული ლიტერატურა“¹.


მეჭმედ ზილი ბენ დერევიშ მეჭმედი, ჩვეულებრივად ევლია ჩელებად წოდებული, დიბადა 1611 წელს სტამბულში. მისი მამა, დერევიშ მეჭმედი, მრავალჯერ ახლდა სალაშქროდ სულეიმან I კანუნის, დედა დიდევზირის მელექ აჰმედ-ფაშას და იყო.

ახალგაზრდა ევლია ჩელები 1636 წელს შევიდა აია სოფიას სკოლაში. დიდად განათლებული იყო;

¹ „Die Geschichtsschreiber der Osmanen und ihre Werke“, Leipzig, 1927.

² Академик И. Ю. Крачковский, Избранные сочинения, т. IV, М.—Л., 1957.

1 1314 ' اوليا چلبى سياحنامہسى استانبول



ფუნიკულორის ხედი რეკონსტრუქციამდე

სულთან მურად IV ყურადღებით ექცეოდა და სასახლეში ნდობით აღჭურვილ პირად მიაჩნდა. ევლია ჩელები ხან თავის ბიძას მეღეჭ აპმედფაშას დაყვებოდა დიდ ლაშქრობებში, ხან თავისი ინიციატივით მოგზაურობდა. უფრო ხშირად კი სპეციალური დავალებებით იგზავნებოდა სხვადასხვა ქვეყნებში. ამ დავალებათა შორის, ექვი არ არის, მთავარი ადგილი დაზვერვას ეკირა. მრავალი ცნობის ხასიათი იმაზე მეტყველებს, რომ მის ცნობებს პრაქტიკული დანიშნულება ჰქონდა. (შეიძლება თუ არა მდინარეზე გადასვლა, რა სიმტიციის ციხეა, როგორი ბრძოლისუნარიანია ჯარი ან მოსახლეობა, განხეთქილება ხომ არ არის ტომებს შორის, როგორ არის შეიარაღებული ჯარი ან მოსახლეობა და, რაც მთავარია, როგორი დამოკიდებულება და განწყობილება აქვთ ოსმალების მიმართ. ცნობების ეს ხასიათი საქართველოს მიმართაც არის გატარებული). ევლია ჩელები ცხოვრების დიდი ნაწილი მოგზაურობაში გაატარა. მოგზაურობდა გემით და აღწერდა სანაპირო მხარეებს; მოგზაურობდა ცხენით, დაყვებოდა ჯარს, სავაჭრო ქარავნებს და ასე მოიარა ანატოლია, ირანი, ქურთისტანი, სირია, პალესტინა, ეგვიპტე, სომხეთი, აზერბაიჯანი, ჩრდილო კავკასია, სამხრეთ რუსეთი, ბალკანეთის ნახევარკუნძული, უნგრეთი, ვლახეთი, პოლონეთი, ავსტრია, გერმანია და სხვა ქვეყნები.

ევლია ჩელების გარდაცვალების თარიღი ცნობილი არაა. „მოგზაურობის წიგნი“ უკანასკნელი თარიღი 1678 წელია აღნიშნული. ევლია ჩელები დაუსაფლავებიათ პერაში, მაგრამ საფლავი დაკარგულია.

ევლია ჩელები დაკვირვების დიდი ნიჭით იყო დაჯილდოებული. თავისი მოგზაურობის დროს იგი დღიურებს წერდა და დაკვირვებებისა და ნაამბობის საფუძველზე მცირე შემთხვევაში ლიტერატურული წყაროების გამოყენებით შეადგინა დიდტანიანი თხზულება, რომელიც მიუხედავად მრავალი შეთხზული ამბისა (ეს ეხება სხვისი გადმოცემის შედეგად მიღებულ შეცდომას, ზოგ შემთხვევაში ისტორიული ექსკურსებისას მცდარ წარმოდგენას), ითვლება ფუნდამენტალურ კულტურულ-ისტორიულ შრომად და მისი ავტორი —

¹ И. Ю. Крачковский, *დასახ. შრომა*, გვ. 623.

უდიდეს და ოსმალთა შორის ყველაზე საინტერესო გეოგრაფ-მოგზაურად¹.

ჩვენთვის განსაკუთრებით საინტერესოა მისი თვალით ნახული და აქ კი უმეტეს შემთხვევაში სანდოა მისი ცნობები. იგი მრავალ ცნობას იძლევა მის მიერ ნახული ქვეყნების ხალხთა ცხოვრების სხვადასხვა დარგებზე, აგვიწერს ომებს, ქალაქებს, სახალხო მეურნეობას, ჩაწერილი აქვს მრავალი ფოლკლორული, ლინგვისტური და ეთნოგრაფიული მასალა.

ევლია ჩელების „მოგზაურობის წიგნი“ ხელნაწერი ინახება სტამბულის ნაციონალურ ბიბლიოთეკაში. პირები არის ბრიტანეთის მუზეუმსა და ვენაში. მისი ათივე ტომი სტამბულში დაიბეჭდა (I, II და III ტომები — 1896-97 წწ.; IV და V ტომები — 1897-98 წწ.; VI ტომი — 1900 წ.; VII და VIII ტომები — 1928 წ.; IX და X ტომები 1930 წ.), გამოსულია „სემაჰათ-ნამეს“ ლათინიზებული გამოცემა, მაგრამ რადგანაც იგი გათვალისწინებულია ფართო მკითხველისათვის, სრული არ არის, ტენდენციურად შერჩეული და შეკვეცილია.

ევლია ჩელების თხზულება მთლიანად არცერთ ენაზე არ არის თარგმნილი. მიუხედავად ამისა, მისი ცნობებით მრავალი მკვლევარი სარგებლობს. მაგალითად, 1910 წ. აკად. ვ. ბართოლდმა შეისწავლა ევლია ჩელების ცნობები მონღოლური წარმოშობის ტომის ყაითაკებისა და მათი ენის შესახებ². აკად. ვ. გორდლევსკიმ გამოაქვეყნა შრომა საამქრო ცხოვრების შესახებ³ და ძირითადად ევლია ჩელების თხზულების I ტომში არსებული მასალა გამოიყენა. პროფ. ს. ს. ჯიქიმ გამოაქვეყნა მასალები და გამოკვლევა მეგრულისა და ქართულის შესახებ სტატიაში:

„Евлия Челеби о мивгрьельском и грузинском языках“. ⁴ მანვე შეისწავლა ცნობები ლაზურისა და ლაზების შესახებ⁵. ვ. ს. გარბუხოვამ ევლია ჩელების მიერ აღწერილ სტამბულის ხელოსნური

¹ И. Ю. Крачковский, *დასახ. შრომა*, გვ. 628.

² В. Бартольд, к вопросу о происхождении калтаков, „Историко-географическое обозрение“, тт. 84—85, Москва, 1910, № 1, 2.

³ Вл. Гордлевский, Из жизни цехов в Турции, „Записки коллегии востоковедов“, II.

⁴ „Советское языкознание“, II, Ленинград, 1936.

⁵ ევლია ჩელები ლაზებისა და ლაზურის შესახებ, „იბერიული-კავკასიური ენათმეცნიერება“, VI, 1954.

ორგანიზაციების მასალაზე დაყრდნობით სტამბულის იუველიერების შესახებ დაწერა შრომა, სადაც, აგრეთვე, ზოგადად შეაფასა ევლია ჩელების თხზულების მნიშვნელობა¹.

საქართველოში მოგზაურობა ევლია ჩელების თხზულების II ტომშია აღწერილი. გარდა იმისა, რომ სპეციალური თავები აქვს მიძღვნილი საქართველოს, ცნობები მოიპოვება იმ თავებშიც, სადაც სხვა ქვეყნებზეა თხრობა. საქართველოს შესახები ცნობები განეკუთვნება 1644—1646—1648 წლებს.

ავტორი იძლევა აუარებელ ცნობას საქართველოს ტერიტორიაზე მოსახლე ხალხების, ქართული ტომების, ქალაქების, ციხეების, მდინარეების, პავის შესახებ. აქ არის ცნობები სოფლის მეურნეობის შესახებ: — რას თესენ; შეიძლება, თუ არა ნათესების მორწყვა; როგორაა მოვლილი ბაღ-ვენახი. ევლია ჩელები თითქმის ყოველთვის ხაზს უსვამს დასახლებულია თუ არა მხარე. როდესაც ასახელებს სოფლებს, აღნიშნავს დასახლებულია იგი, თუ მითრეველი. მეურნეობა ჰყვავის, თუ გაპარტახებულია. როგორც წესი, იძლევა ცნობებს ქალაქის მოსახლეობის ეთნიკური შემადგენლობის, რელიგიის შესახებ; მოკლედ აღწერილი აქვს ქალაქების ბაზრები, სახელოსნოები; მოცემული აქვს დუქნებისა და ზოგ შემთხვევაში, სახლების რაოდენობა. ევლია ჩელები სპეციალურად აღნიშნავს ოსმალების მიერ დანიშნული მოხელეების და ფეოდალების ქართულ წარმოშობას; კვიან, ენერგიულ და მამაც ადამიანებად ახასიათებს მათ. ზოგ შემთხვევაში, საქართველოს განაპირა მხარეებში არსებული ციხე-ქალაქების შესახებ აღნიშნავს, რომ წინათ ქართველებისა იყო და ეხლა ოსმალეთის ტერიტორიაზეა².

საინტერესოა ცნობები აფხაზეთში მოსახლე ტომების შესახებ. ავტორი ჩამოთვლის ტომების სახელებს, მათი სოფლების მდებარეობას, ნავთსადგურებს, ამ ტომებს შორის ურთიერთობას, ტომების მემართა რიცხვს. იგი მხედველობიდან არ უშვებს და ყოველთვის აღნიშნავს ამ ტომების საქმიანობას. ზოგი ტომის მეურნეობის მთავარი

დარგია მესაქონლეობა, ზოგისა — ნადირობა კვერნაზე და გარეულ ღორზე; ზოგი ტომი მიწათმოქმედებას ეწევა. ავტორი ჩამოთვლის იმ საგნებს, რითაც ვაჭრობენ ტომებთან ოსმალეთიდან და სხვა ქვეყნებიდან მოსული სავაჭრო ხომალდები. ხომალდებით მოაქვთ ქსოვილი, იარაღი, საოჯახო რკინეული, ჭურჭელი, მარილი, საპონი და სხვა. ამ საქონელს ისინი სცვლიან გოგო-ბიჭებზე, კარაქზე, თაფლზე, თაფლის სანთელზე, მუშაშაზე, კვერნის ტყავზე³. ევლია ჩელები აღნიშნავს, რომ აფხაზეთში მან ვერ ნახა ოქროსა და ვერცხლის ფული და დასძენს, რომ აღებ-მიცემობა გაცულა-გამოცვლის წესით წარმოებს⁴. თითქმის ყველა ტომს ევლია ჩელები ახასიათებს, როგორც მამაც, ურჩ ადამიანებს.

ევლია ჩელების ცნობებიდანაც ჩანს, რომ საქართველოში ტყვის სყიდვა ძალზე გავრცელებული იყო. გარდა იმისა, რომ ეს ზოგიერთი ტომის მთავარ საქმიანობად მიაჩნია, ფაქტებიც მოყავს; მაგალითად, აზოვისაკენ სალაშქროდ წასული რაზმი, რომელსაც ევლია ახლდა, ხელიდან არ უშვებს შემთხვევას და საქართველოს შავი ზღვის სანაპიროზე ჰაბუყებსა და ქალიშვილებს ყიდულობს და მათ შორის — ჩვენი ავტორიც⁵. ერთხელ ევლია ჩელების სამცხეში ქართველი ბიჭი აჩუქეს⁶.

საყურადღებოა ეთნოგრაფიული ხასიათის ცნობებიც. ევლია ჩელები აგვიწერს ლაზურს ნავებს, მათი აშენების წესს. ნახსენები აქვს „თეთრი და წმინდა თბილისური პური“, „ქართული წინდა“, „საქართველოს ბამბა“, „თბილისური ანგორის მატყლი“ და სხვ. აგვიწერს აფხაზეთა ერთ-ერთი ბეგის გარეგნობას, მის ჩაცმულობას და იარაღს, ამ ბეგის მზლებელ აზნაურებს, როგორც თვით უწოდებს მათ⁷, ტომების წვერთა შეიარაღებას. ხშირად აგვიწერს გამაჰსინძლების წესს და სუფრაზე მოტანილ საჭმელებს⁸. ევლია ჩელები აღნიშნავს, რომ მთელი აფხაზეთის ზღვის სანაპირო მხარეში მოჰყავთ ღომი. მოცემული აქვს ცნობები

¹ В. С. Гарбузова, Эвлия Челеби о Стамбульских ювелирах XVII в., Труды „отдела Востока“, III, Ленинград, 1940.

² ევლია ჩელების „მოგზაურობის წიგნი“, ტ. II, გვ. 327.

³ ევლია ჩელების „მოგზაურობის წიგნი“, გვ. 105.

⁴ იქვე, გვ. 105.

⁵ იქვე, გვ. 104, 105.

⁶ იქვე, გვ. 325.

⁷ იქვე, გვ. 103, 104.

⁸ იქვე, გვ. 105.

აფხაზური თაფლის შესახებ. აღნიშნული აქვს მიცვალებულთა დაკრძალვის წესები აფხაზურ ტომებში.

ქართული, მეგრული, ლაზური და აფხაზური ენების შესახებ მასალა საყურადღებოა და იგი ჯეროვნად არის შესწავლილი ქართველი ენათმეცნიერების მიერ.

თავის თხზულებაში ევლია ჩელების ისტორიული ექსკურსებიც აქვს გაკეთებული. იშვიათი არაა შემთხვევა, როდესაც იგი ეყრდნობა ლეგენდებს და მათ გადმოგვცემს, როგორც ნამდვილ ამბავს. ლეგენდარული, შეთხზული ცნობები ეხება საქართველოს მეფეთა წარმომავლობას, ქართული ტომების ისტორიას, ქალაქების აშენების ისტორიას.

რაც შეეხება თბილისს, აქ მის ცნობებს უმეტეს შემთხვევაში შეიძლება თამამად დავეყრდნოთ. ევლია ჩელების შესახებ ცნობილია, რომ იმ ადგილების აღწერა, რომლებიც მან ნახა, ყოველთვის სანდოა. ევლია ჩელები თბილისის საფუძვლიანად დაათვალიერა და კარგა ხანს დაჰყო აქ.

ევლია ჩელები აღმოსავლეთ საქართველოში იმოგზაურა 1646-48 წწ. ე. ი. იმ დროს, როდესაც ქართლსა და კახეთს როსტომი მართავდა. როსტომის სამფლობელოში შედარებით წესიერება იყო დამყარებული, ვაჭრობა-ხელოსნობა გამოცოცხლდა. ქვეყანაში დოვლათი დატრიალდა. ქალაქები და მათ შორის თბილისიც გაიზარდა და გაშენდა; ამის შესახებ ევლია ჩელებიც წერს. მისი სიტყვით ქალაქი „ძალიან აყვავებული და გაშენებულია“¹. ევლია ჩელების ძირითადად ქალაქების ციხე-სიმაგრეები აინტერესებდა და ამიტომაც, უმეტეს შემთხვევაში გალავნის შიდა დასახლებაზე ამახვილებს ყურადღებას. მისი ცნობით მტკვრის მარჯვენა ნაპირზე თბილისის გალავანში ექვსასი სახლი იდგა², მარცხენა ნაპირზე, მეტეხის ციხის გალავანს შიგნით — სამასი³. ქალაქს ფუნდლუკი და კეთილმოწყობილი აბანო ჰქონდა „სასარგებლო ცხელი წყაროთი“⁴. „ქებული თბილისური ბამბა, ანგორის მატყლი, წმინდა თბილისური პური და ატამი“ მან თბილისის ბაზარზე ნახა⁵.

¹ ევლია ჩელების „მოგზაურობის წიგნი“, ტ. II, გვ. 317.

² იქვე.

³ იქვე, გვ. 318.

⁴ იქვე.

⁵ იქვე.

თბილისის ქართულ მოსახლეობაზე ევლია ჩელები არაფერს ამბობს; მას უფრო მნიშვნელოვნად მიაჩნდა ის გარემოება, რომ ციხის გალავანში „მცხოვრებთა უმრავლესობა ოსმალთა დროიდან მოყოლებული სუნიტებია“¹. საქმე ისაა, რომ, თუმცა, ციხე ყიზილბაშებს ეკირათ, რომლებიც შიიტები იყვნენ, ქალაქში ცხოვრობდნენ სუნიტებიც — წარმოშობით შირვანელები. რადგანაც სუნიტობა ოსმალეთის ოფიციალური რელიგია იყო, ევლია ჩელების ჰგონია, რომ სუნიტი მოსახლეობა ოსმალთა ბატონობის დროიდან შემორჩა.

ევლია ჩელების ცნობებიდანაც ჩანს, რომ თბილისი კარგად იყო გამაგრებული. მტკვრის მარჯვენა ნაპირზე მდგარ დიდ ციხეს შემოვლებული ჰქონდა კედელი ექვსი ათასი ნაბიჯის სიგრძისა და სიმაღლით სამოცი წყრთა. კედლებს სამოცდაათი ბურჯი და სამი ათასი ქონგური ჰქონდა. ხანგრძლივი ალყისათვისაც კარგად იყო მომზადებული ციხე. მტკვრის პირას მდგარი კოშკი იცავდა ხერხეს, რომელიც ქალაქში მტკვრის წყლის საზიდად იყო გაყვანილი. მტკვრის მარცხენა ნაპირზე იდგა ოთხკუთხა, პატარა, მაგრამ ძლიერი კედლებიანი ციხე, რომელსაც სამი ათასი მეციხოვნე იცავდა².

როგორც ზემოთ აღვნიშნეთ, ევლია ჩელები ისტორიულ ექსკურსებს ხშირად მიმართავს. აღმოსავლურ და კერძოდ, ოსმალურ წყაროებში ქალაქების აშენება, მტკიცე და სამართლიანი მმართველობა და სხვ. ხშირად აღექვსანდრე მაკედონელსა და სასანიანთა ირანის შაჰებს მიეწერება. ამ ტრადიციას არც ევლია ჩელები ღალატობს და თბილისის ამშენებლად აღექვსანდრე მაკედონელის „ხაზინადარი ბითლისს“ ასახელებს³ და მეტეხის ციხისა — სასანიანთა შაჰს იეზდიგერდს⁴.

საინტერესოა ევლია ჩელების ცნობა ოსმალთა მიერ 1578 წელს თბილისის დაპყრობის შესახებ. ზოგიერთ ქართულ საისტორიო წყაროში დავითის მიერ ქართლის დატოვება მოკლედ არის აღწერილი და იგი წინდახედულ, ინიციატივიან რენეგატად არის გამოყვანილი. ეგნატაშვილი ბერის მიხედვით, „რა სცნა დავით, უღონო იქნა, რამეთუ ყიზილბაშთ იგი გაუშვეს და მეფეს სვიმონს მოეკიდნენ,

¹ ევლია ჩელების „მოგზაურობის წიგნი“, ტ. II, გვ. 318.

² იქვე, გვ. 317.

³ იქვე, გვ. 315.

⁴ იქვე, გვ. 318.

და ქართველნიც არა ჰყუარობდენ და თვით მეფისა სვიმონისა ერჩივნათ. და ველარც დადგებოდა ქართლსა და ველარც ენდობოდა ყიზილბაშთა. და მიეგზავნა კაცი ლალა ფაშას და მისცა რაოდენი ციხენი იყუნენ ქართლსა შინა და შეაყენნა მცველნი მათნი და თვითან წარვიდა სტამბოლს ხონთქართანა¹. ფარსადან გორგჯანიძესთან: „მეფე დავით ხონთქართან წავიდა და ხონთქარმან მრავალი წყალობა უყო და დიდი პატივი დასდვა. დიდის ლაშქრით ლალა ფაშა გამოუძახა². ვახუშტის უფრო ვრცლად აქვს აღწერილი ეს ფაქტი და საზგასმული აქვს, რომ დავითი ვერას განდღალა ფაშასთან და რახან ყიზილბაშებმაც მიატოვეს, ხონთქარს მიუვიდა. „...გამოვიდა ლალა-ფაშა სულტან-მურადისა სპითა ძლიერითა, ამან გამოვლოო სამცხე, მოვიდა ტფილისს, ვერ წინ-აღუდგა დაუთხან, მოსწვა ტფილისი თვით და წარვიდა სიმამრეთა“. როდესაც ყიზილბაშებმა სიმონს დაუქირეს მხარი, „ამის მხილველმა დაუთხან, იხილა რა დატყევა თავისი ყიზილბაშთაგან, ეზრახა ლალა-ფაშას და მისცნა ყოველნი ციხენი ქართლისანი და თვით წარვიდა წინაშე ხონთქარისა სტამბოლს (შემდგომად უამთა რაოდენთამე მოკვდა დაუთხან მუნ)³. ვახუშტის ამ ცნობას ამბავებს ევლია ჩელების ცნობაც და, რაც მთავარია, მის ცნობაში რამდენიმე საინტერესო დეტალია. როდესაც ამბავი მოუვიდა, რომ ლალა ფაშა თბილისზე წამოვიდა, დავითმა ორმოცი ათასი მეომარი მოაგროვა თბილისის დასაცავად. მას შემდეგაც კი, რაც ლალა ფაშამ წერილი გამოუგზავნა, სადაც წინადადებას აძლევდა ციხის მცველებს ან ისლამი მიეღოთ ე. ი. ნებით გადასულიყვნენ ოსმალეთის სულთანის ხელქვეშ, დაეთმოთ სარწმუნოება და ქვეყანაში ოსმალთა დაემკვიდრებინათ, ან ციხე ჩაებარებინათ და მოსახლეობას ხარაჯის გადახდა ეკისრა (რაც საერთოდ გათვალისწინებული იყო ოსმალეთის მიერ დაპყრობილ ტერიტორიებზე ქრისტიანი მოსახლეობისათვის), მით უმეტეს, რომ ამ პირობის შეუსრულებლობის შემთხვევაში ლალა ფაშა იმუქრებოდა, რომ ციხის მცველებს გა-

ვლეტდა და მათ ოჯახებს ტყვედ წაიყვანდა⁴, ციხის მცველებმა გადაწყვიტეს არ დაეთმოთ ქალაქი და ციხეში ჩაიკეტნენ. მაგრამ ბოლოს აღმოჩნდნენ „წინდახედული პირები“, რომლებმაც გაცლა ამჯობინეს. ციხის მცველებმა ციხე დაცალეს; მოსახლეობა გაიხიზნა. ოსმალთა ჯარი დაედევნა და ზაგემის ციხესთან დაეწია დავითს. როგორც ჩანს, დავითმა თავისი რაზმით აქაც გაასწრო, რადგანაც ევლია ჩელების ცნობიდან ცხადი ხდება, რომ ოსმალები ძირითადად ტყეში გახიზნულ მოსახლეობას მიესივნენ და დიდი ნადავლი ჩაიგდეს ხელში. „უველაზე უბრალო ჯარისკაცმაც კი იშოვა იმდენი ოქრო, რაც ერთ ფარს გაავესება“, კმაყოფილებით აღნიშნავს ჩელები⁵. კახეთში მოთარეშე რაზმებს სარდლობდა ოსმან ფაშა, რომელმაც ოცდაექვსი დიდი და პატარა ციხე აიღო⁶.

ოსმალების ქართლში დამკვიდრების ცდების შესახებ ვახუშტის აქვს ცნობა, რომ „...ოსმალთა დაიპყრეს ქართლი და ჰყვეს თბილისი საფაშოდ...“⁷ ოსმალთა ისტორიკოსი იბრაჰიმ ფეჩევი თავის „ისტორიაში“ წერს, რომ ქართლი „როგორც რიგი და წესია დაიკავეს“ და სარდალმა პროვინცია უბოძა კასტამონისის სანჯაყ-ბეგ სოლაყ ფერჰად-ფაშას-ძეს მეჰმედ ფაშას⁸.

ევლია ჩელების თხზულებაში უფრო ვრცლად არის ეს ფაქტი აღწერილი და საინტერესო ცნობა აქვს მოცემული: — ლალა ფაშას ბრძანებით თბილისის მხარე აუწერიათ⁹. ეს იმას ნიშნავს, რომ დამპყრობლები ოსმალთა დამყარებას აპირებდნენ ქართლში და ოსმალეთის ვილაიეთად უნდოდათ გადაექციათ იგი. ევლია ჩელები ხაზს უსვამს, რომ ლალა ფაშამ „[თბილისის] ვილაიეთის... მართვა-გამგეობა მირმირანობის წესზე ჩააბარა კასტამონუს ვილაიეთის განმგებელ სოლაყ ფერჰად-ფაშას ძე მეჰმედ-ფაშას“¹⁰. ოსმალები ქალაქის და-

¹ ევლია ჩელები ბერი, ახალი ქართლის ცხოვრება, თბილისი, 1940, გვ. 91.

² ფარსადან გორგჯანიძის ისტორია, „საისტორიო მოამბე“, 1925, გვ. 220.

³ ვახუშტი ბაგრატიონი, ქართლის ცხოვრება, ნაწილი მეორე, ჩუბინაშვილის გამოცემა, 1854, გვ. 28—29.

⁴ ევლია ჩელები..., გვ. 315.

⁵ იქვე, გვ. 316.

⁶ იქვე.

⁷ ვახუშტი ბაგრატიონი, ქართლის ცხოვრება, გვ. 29.

⁸ تاریخ چوی، ت. II, გვ. 43, იხ. აგრეთვე, ს. ჯიქია, იბრაჰიმ ფეჩევი საქართველოს შესახებ, აენიშის მოამბე, თბილისი, 1940, გვ. 377.

⁹ იქვე, გვ. 316.

¹⁰ იქვე.

თმობას არ აპირებდნენ და ლალა ფაშამ ციხე გაამაგრა, შეავსო საომარი საჭურველი, ციხეში ჩააყენა იანიჩართა ოცი ასეული, დადგა ზარბაზნები და მეზარბაზნეთა ხუთი ასეული მიუჩინა, საომარი მასალის მოსამარაგებლად ხუთი ასეული გამოჰყო. დანგრეული ციხეებიდან გამოიყვანა ჯარები და თბილისში ჩააყენა. ევლია ჩელების სიტყვით აქ იდგნენ სივასის ვილაიეთის (რომელსაც დიდი ჯარის გამოყვანა შეეძლო), თირეს, თექეს და მენტეშეს სანჯაყების ჯარები¹. მაგრამ ქართველი ხალხი შეუწინააღმდეგებლად ებრძოდა მტერს სიმონ მეფის მეთაურობით, არ თმობდა „ქართელობას“ და დამპყრობლებს საშუალებას არ აძლევდა „ოსმალობა“ დაემყარებინათ. „თბილისის ვილაიეთი“, „მირ-მირანობის წესი“. ფორმალობად დარჩა. მრავალჯერ დაესხნენ ქართველები თავს თბილისში გამაგრებულ ოსმალებს; ამარცხებდნენ თბილისიდან სათარეშოდ გამოსულ ჯარებს, ართმევდნენ მოტაცებულ საქონელსა და სურსათს; ამ ბრძოლებში დაამარცხა სიმონ მეფემ მეჰმედ-ფაშა, ჰასან-ფაშა და სხვ.² ეს ბრძოლები ეპიზოდური ხასიათისა არ იყო. სიმონ მეფე კონტროლს უწევდა თბილისის მისადგომებს და ციხეში მდგარი ოსმალები აუტანელ მდგომარეობაში ჩააყენა. ამის შესახებ ევლია ჩელების მოჰყავს ცნობა, რომელიც ქართულ საისტორიო წყაროებში ცნობილი არაა. ქართველებს ყიზილბაშების ჯარებთან ერთად შეიდი თვის განმავლობაში ალყა ჰქონდათ შემორტყმული თბილისის ციხისათვის. ოსმალებს ისე გაუჭირდათ, რომ ცხენები და ძაღლები რომ შემოეღიათ, დახოცილთა გვამების ქაშა დაიწყეს³. ალყის თარიღი ევლია ჩელების მოცემული არ აქვს, მაგრამ შეიძლება დაეიხმაროთ სხვა წყარო; — ანალოგიური ცნობა აქვს იბრაჰიმ ფეჩევისაც, რომელიც ალყის შესახებ მოგვითხრობს თავისი თხზულების იმ ნაწილში, სადაც საუბარია 1579 წლის ამბებზე⁴.

მართალია, ევლია ჩელების არც ისე მდიდარი ცნობები აქვს თბილისის შესახებ, მაგრამ ჩვენი

დედაქალაქის მრავალსაუკუნოვანი ისტორიისათვის ეს მცირე ცნობებიც მნიშვნელოვანი და გასათვალისწინებელია.

ამბავი თბილისის შესახებ

ირანელი ისტორიკოსის — „შერეფ-ნამეს“ ავტორის სიტყვით, ეს ქალაქი აუშენებია ალექსანდრე ორტიქიანის¹ ზაზინადარ ბითლისს. ვანის ვილაიეთში რომ არის ბითლისი, ისიც მას აუშენებია. შემდეგში ეს ციხე მოჯანყების მიერ მრავალჯერ ყოფილა ალყაშემორტყმული, ხელმწიფიდან ხელმწიფეზე გადადიოდა და ბოლოს საქართველოს ერთ-ერთი მმართველის დაუთ-ხანის მფლობელობაში გადავიდა. [ქალაქი] ამ უკანასკნელის ხელში რომ იყო, ოსმალთა შიშით ირანის შაჰს შეაფარა თავი, გვირგვინი დაიდგა და თავის სამფლობელოში ხანი გახდა. დიდხანს ანუშირვანივით სამართლიანად მმართველობდა. რომ ააყვავა და გააშენა [ქალაქი], ბოლოს ჭულთან მურად მესამის² დროს ლალა ფერჰად ფაშა³ ურიცხვი ლაშქრით წამოვიდა საქართველოზე, ჩილდირის ციხე და მასზე დაქვემდებარებული სამოცდაათი ციხე დაიპყრო. როდესაც დაუთხანმა გაიგო, რომ დიდებული სარდალი თბილისზეც გამოემართა, ორმოცი ათასი მეომარი თბილისის დასაცავად დააყენა და საომრად მოემზადა. მეორეს მხრივ [ოსმალთა] ჯარი სასწრაფოდ დაიძრა, შირვანის ველზე გაჩერდა და კარავი დასცა.

სარდალმა პირველად წერილი გაგზავნა თბილისში და [ისლამის] სარწმუნოებისაკენ მოუწოდა: „ან ისლამი მიიღეთ, ან ციხე ფადიშაჰს⁴ ჩააბარეთ

¹ ალექსანდრე მაკედონელი.

² 1574—1595.

³ ევლია ჩელების შეცდომაა. ქვემოთ ჩანს, რომ ამბავი ეხება ლალა მუსტაფა-ფაშას, რომელმაც 1578 წელს გამოილაშქრა საქართველოზე და თბილისი აიღო. ფერჰად ფაშა კი ჯერ რუმელიის ბეგლარბეგი იყო და მხოლოდ 1583 წელს სარდალობდა ჯარებს აღმოსავლეთში. მეჰმედ სურეიას წიგნში, სადაც ოსმალთა მოღვაწეების ბიოგრაფიებია მოცემული (محمد ثريا ساجل عثمانی) მხოლოდ ორი სარდალი იხსენიება ლალა მუსტაფა და ლალა მეჰმედი. ფერჰად ფაშას ოსმალთა ისტორიკოსები ლალას არ უწოდებენ და არც შეიძლება ლალა ყოფილიყო, რადგანაც იგი ლალა მუსტაფა ფაშას შვილი იყო.

⁴ ოსმალთა სულთანი იგულუსხმება.

¹ ევლია ჩელები . . . , გვ. 316.

² ევლია ჩელები ბერი . . . , გვ. 93, 94, 95.

³ ევლია ჩელები . . . , გვ. 316.

⁴ იბრაჰიმ ფეჩევი . . . , II, გვ. 57.

და ციხის გარეთ ხარაჯის გადამხდელი ქვეშევრდომები გახდით. წინააღმდეგ შემთხვევაში, გადაწყვეტილია, რომ ქვეშეპირი საწმუნოებისათვის ყველა თქვენგანი აუცილებლად ხმლით აიკუწება, თქვენი ცოლ-შვილი და ჯალაბი ტყვედ იქნება წაყვანილი¹. წერილი რომ მივიდა და მისი შინაარსი ცნობილი გახდა, ყველანი შეიკრიბნენ და ბჭობა მოაწყვეს. „ოსმალმა რაც უნდა, ის ქნას“—ო გადაწყვიტეს, ელჩი გაისტუმრეს და ციხეში ჩაიკეტნენ. მაგრამ, წინდახედულმა პირებმა, რომელთაც იცოდნენ, რომ ისლამის ჯარების შემოტევას ვერ გაუძლებდნენ, ისევ მოითათბირეს; [ამის შედეგად] ყველამ ქვეყანა დატოვა და ციხე დატოლეს. დიდებულმა სარდალმა ეს მდგომარეობა რომ შეიტყო, ისლამის ლაშქრით დაედევნა, თბილისის ახლოს მდინარე მტკვარი გადალახა, ერთი დღე და ერთი ღამე ქენებით იარა და ზაგემის ციხის ძირას თბილისის ხანს წამოეწია. მათ კი ცოლ-შვილითა და ჯალაბით ჯაგნარსა და ტყე-ღრეში შეეფარებინათ თავი. მუსლიმი გმირები თავს დაესხნენ, ქართველებსა და ყიზილბაშებს თავები დააყრვეინეს. ძალიან დიდი ნადავლი ჩაიგდეს ხელში. ყველაზე უბრალო მეომარმაც კი იშოვა იმდენი ოქრო, რაც ერთ ფარს გააყსებდა. ამის შემდეგ, გამარჯვებამოსილმა სარდალმა იანიჩართა ალა იანიჩართა შვიდი ასეულით თბილისის ციხის დასაკავებლად გაგზავნა და თვითონ ისლამის ლაშქრით ზაგემის ციხის დასაპყრობად დაიძრა. ციხე დანებდა და ისე დაიკავე; შიგ ჯარი ჩასხა. შემდეგ ჩრდილოეთისაკენ გაემართა და გრემის ციხეს ალყა შემოარტყა. ციხემ ოსმალთა იერიშის ძალას ვერ გაუძლო. [ციხის მცველებმა] შეწყყნარება ითხოვეს და ციხე დიდებულ სარდალს ჩააბარეს; შიგ მყოფნი კი ამოწყვეტილ იქნენ. მე, მწირს ზაგემის ციხე არ მიწახავს, მაგრამ როდესაც კახეთის² ციხის ველით გავდიოდი, გრემის ციხე დავინახე, ოღონდ შიგ არ შევსულვარ. ოსმან-ფაშამ³ ამ ქვეყანაში სანადიროდ

გამოსული ლომებივით აიღო ოცდაექვსი დიდი და პატარა ციხე. შიგ ჯარი და მეციხოვნეები ჩააყენა. შემდეგ გადმოვიდა და თბილისში შესვლის დღეს დიდი სიხარული და ზეიმი შეიქნა. შემდეგ ღირსეულმა სარდალმა (ლალა მუსტაფა-ფაშამ) ციხე ძალზე გაამაგრა და მისი ეძლეოთ⁴ აღწერა. მისი მართვა-გამგეობა მირ-მირანობის⁵ წესზე კასტამონუს ვილაიეთის განმგებელს სოლაკ ფერჰად-ფაშას ძე მეჰმედ-ფაშას⁶ ჩააბარა, სხვადასხვა საომარი საქურველი და მოწყობილობა შეავსო. იანიჩართა ოცი ასეული, ჯებეჯიების⁷ ხუთი ასეული, თოფჩიების⁸ ხუთი ასეული [და] ას სამოცდაათ სხვა დანგრეულ ციხეებიდან გამოყვანილი ჯარები [თბილისის ციხეში] ჩააყენა. თირეს, მენტეშეს, თექეს, ჰამიდის სანჯაყების⁹ და სივასის ვილაიეთის ჯარები მთლიანად მეციხოვნეებად დანიშნა. საქართველოს სხვა მხარეებიც მოაწესრიგა და სტამბოლისაკენ გაემართა.

მეორე მხრივ, სპარსელებთან ერთად საქართველოს ურჯულოებს თბილისის ციხე შვიდი თვის განმავლობაში ალყა შემოარტყმული ჰქონდათ. ყველა მუსლიმი გმირი (ე. ო. თბილისში ჩაყენებული ოსმალთა მეომრები — გ. ფ.) შიმშილისა და სიძვირისაგან უკიდურეს გაჭირებაში ჩავარდა. ისინი იძულებული გახდნენ ექამათ ჯერ ცხენები, ბოლოს ძაღლები და თანდათანობით ბრძოლაში დატყვევულ მუსლიმ მებრძოლთა გვამებიც. ისეთი [სიძვირე იყო], რომ ერთი სუბაშის¹⁰ ძალი შვიდი

¹ ايلت — ქვეყანა, პროვინცია, სამხედრო-ადმინისტრაციული ერთეული.

² زکری بکی — პარალელურად იხმარებოდა ბეგლარ-ბეგი, والي ვალი—ვილაიეთის განმგებელი, ადმინისტრაციული და სამხედრო მოხელე.

³ მეჰმედ-ფაშა 1582 წლიდან დიარბექირის ბეგლარბეგი იყო და 1584 წელს მოკლეს ომში.

⁴ جبجی — საომარი მასალის, საქურველის მომწოდებელი და მცველები; ესენი ამარაგებდნენ რეგულარულ ჯარს ცივი და ცეცხლმსროლელი იარაღით, ტყვია-წამლით.

⁵ طوبجی — მეზარბაზნი.

⁶ سنجاق — სამხედრო და ადმინისტრაციული ერთეული, რომელიც ვილაიეთში შედიოდა.

⁷ صوباشی — ოსმალეთში სხვადასხვა დროს სხვადასხვა თანამდებობას აღნიშნავდა:—ტომობრივი გაერთიანების უფროსი, ჯარის მეთაური, საპოლიციო სამსახურის ამსრულებელი, გადასახადების ამკრეფი. ევლია ჩელების დროს სუბაშის ძირითადი მოვალეობა საპოლიციო სამსახურ-

¹ كاخت قلعهسى — სპარსელი და ოსმალთა ისტორიკოსები ხშირად ასხენებენ კახეთის ციხეს, ქალაქ კახეთს, მაგრამ გაურკვეველია რომელი პუნქტი იგულისხმება, შესაძლებელია თელავის ციხე იგულისხმებოდეს, რადგანაც, როგორც ზემოთ ჩანს, ევლია ჩელები გრემის ციხე დანიშნა როდესაც „კახეთის ციხის ველებ“ გაიარა.

² ოსმან-ფაშა (1526—1585) ლალა მუსტაფა ფაშას ახლდა 1578 წლის ლაშქრობაში. და ჩალდირის ბრძოლაში თავი გამოიჩინა (ფიგევის „ისტორია“, ტ. II, გვ. 40).

ათას ახალ იყიდეს და შექამეს. ასეთ ყოფაში მტრის ყოველის მხრიდან თავდასხმას მამაცად უწევდნენ წინააღმდეგობას. ღვთის განგებით, არზრუმის ვალი მუსტაფა-ფაშა ზღვისოღენი ლაშქრით გამოეშურა და რომ მოაწია, სპარსთა სარდალი იმამ-ყული, რომელსაც ციხეზე ალყა ჰქონდა შემორტყმული, გაიქცა და აუარებელი ნადავლი და სურსათი ბრძოლის ველზე დატოვა. ციხეში გარსშემორტყმული გმირები განუზომელი ნეტარებით აღივსნენ. მუსტაფა-ფაშა რომ ციხის ძირას მივიდა, [ამით] ისლამის ჯარი გამოცოცხლდა. მეორედ დიდევზირის შვილმა, ჰუსნი-ფაშამ სამი ათასი აქლემის საპალნე ხორბალი და სხვა მარცვლეული სურსათი მოიტანა და ამბრებში შეინახეს. პატარა ციხეში¹ ეხლაც არის საწყობები. სულთან მურად მესამის დროიდან სულთან მუსტაფა² ტახტზე ასვლამდე ეს ციხე ოსმალთა ხელში იყო. შემდეგ ქართველი ქაფირები და სპარსელები შეერთდნენ, მოულოდნელად მიიტანეს იერიში, შიდა ციხიდან მუსლიმი გმირები შეწყალებით გამოიყვანეს და ციხე [ირანის] შაჰს ჩააბარეს. იმ დროიდან სპარსელთა ხელშია. ძალიან აყვავებული და გაშენებულია.

(II, გვ. 315 — 317).

თბილისის ციხის აღწერა

მდინარე მტკვრის ნაპირზე, ციცაბო კლდეზე ერთმანეთის პირდაპირ ორი ციხეა, რომელთაც ბითლისს — თბილისს უწოდებენ. მათ შორის მდინარე მტკვარი მიედინება. რადგანაც ერთი კლდიდან მეორე კლდეზე დიდი ხილია [გადებული], ერთი ციხიდან მეორემდე ადვილად გადაისვლება. დიდი ციხე მდინარე მტკვრის სამხრეთითაა და პატარა ციხე — ჩრდილოეთით. დიდ ციხეს ველისაკენ მიმართულ მხარეზე აქვს კარი, რომელიც გაყვანილია პატარა ციხისკენ. ამ კარს წინ მტკვარი კედელს ეხეთქება და ისე მიედინება. შვიდი ღლის საეაღზე ბაქოს ციხესა და ქალაქ გილანს შორის

რი იყო: ჯარში თუ დასახლებულ პუნქტებში ბოროტმოქმედთა და მუამბოხეთა წინააღმდეგ ბრძოლა, მათი შეპყრობა და დასჯა სუბაშის მოვალეობას შეადგენდა.

¹ მეტეხის ციხეს გულისხმობს ევლია ჩელები.

² აქტორი ევლისხმობს მუსტაფა I, რომელიც ორჯერ იყო სულთანი. პირველად — 1617 — 1618 წწ., მეორედ — 1622 — 1623 წწ.

ხაზართა ზღვას ერთვის. სათავეს ჩილდირის ვილაიეთის მთებში იღებს, ყარა-არტაანზე გამოივლის, ახალციხისა და აწყურის ციხეებს ჩაუვლის, თბილისზე გაივლის და ხაზართა ზღვას ერთვის. ძალიან დიდი მდინარეა და ირანელი ისტორიკოსები მოგვითხრობენ, რომ მას ათას სამოცამდე შენაკადი აქვს.

ამ მდინარის პირას, ციცაბო კლდეზე ბითლისის მიერ აშენებული დიდი ციხის გარშემო ექვსი ათასი ნაბიჯი-დაითვლება, მაგრამ ძველი ნაშენია. კედლის სიმაღლე სამოცი წყრთაა. სამოცდაათი ბურჯი და სამი ათასი ქონგური აქვს. ერთი ხილიანი კარი აქვს. [გალავნის წინ] თხრილი არ აქვს. მდინარე მტკვარს ერთი წყლისთვის განკუთვნილი ხერელიანი კოშკი გადაჰყურებს. ალყის დროს იქიდან იკლავენ წყურვილს. გალავნის შიგნით ექვსასი მიწით დახურული სახლია. ხანის³ სასახლე ამ ციხეშია. საკრებულო მიზგითი, ფუნდუკი, აბანო და ბაზარი აქვს.

პატარა ციხე შემდეგ არის აშენებული ეზდიგერდ შაჰის მიერ. ციცაბო გორაკზე დგას. ოთხკუთხა, პატარა ციხეა. ხიდის თავში პატარა კარია. შიდა ციხეში სამასი სახლი და საკრებულო მიზგითია, მაგრამ ბაზარი და სხვა რამ ნაგებობა არაა. ეს ციხე დიდი ციხის ჩრდილოეთით მდებარეობს; თუმცა პატარა ციხე დიდ გალავანზე მტკიცეა. [ციხის] კოშკებს სამი ათასი მეციხოვნე ჰყავს. ყოველ ბნელ ღამეს მცველები „ხოლა ხუმ“⁴ გაიძახიან.

მცხოვრებთა უმრავლესობა ოსმალთა დროიდან მოყოლებული სუნიტებია და ჰანეფისა და შაფის⁵ მოძღვრების მიმდევრები არიან. ულემ⁶ ბევრია.

აქ მოჰყავთ ხორბალი; წმინდა და თეთრი თბილისური პური, თეთრი და წითელი ატამი, მისი (თბილისის) ბამბა და ანგორის მატყლი ქებულია. მდინარე მტკვარს მოსავლისათვის სარგებლობა არ მოაქვს; ყველაფერი წვიმის წყალობით მოდის.

¹ ე. ი. როსტომ მეფე (1632—1658).

² خا სპარს. „ღმერთი“ حوب — სპარს. „კარგი, კეთილი“, ე. ი. „კეთილ არს ღმერთი“, მაგრამ, აღსანიშნავია, რომ სპარსულში ასეთი გამოთქმა არ არსებობს, იმ დროს თბილისის ციხეში ყიზილბაშები იდგნენ და ოსმალთა ევლია ჩელების ამ სიტყვებში ირონია მოჩანს.

³ ე. ი. ჰანეფიტები და შაფიტები. აბუ ჰანიფა და იმამი აბუ აბდ-ულ-ლაჰ მოჰამედ ბენ იდრის შაფი მუსლიმანური რელიგიის სექტების დამაარსებლები იყვნენ.

⁴ ღვთისმეტყველები.

თუმცა მდინარე მტკვარი თავისი შენაკადებიანად ასორმოცდაათამდე დასახლებულ პუნქტს ჩაუვლის, არც ერთი მათგანისათვის სარგებლობას არ იძლევა. ამიტომ არის, რომ მას „გურ“-ს უწოდებენ¹. მონღოლურად უსარგებლოს მნიშვნელობით მას „ყურს“ უწოდებენ. თუმცა მისი წყალი ძალზე გემრიელია, მაგრამ, რადგანაც დაბალ დონეზე მიმდინარეობს, მაღალ ადგილებს ვერ რწყავს.

მისი (თბილისის) აბანოები ქებული არ არის², რადგანაც ქალაქში თბილი წყლებია.

¹ كور — 1. „ქარა“ — ბრმა, ბნელი; 2. „გურ“ — ქედმაღალი, აშპარტავენი, უკადრისი.

² ევლია ჩულების მხედველობაში აქვს ჩუულებრივი აბანოები.


თბილისის ცხელი წყლები — დიდი ციხის აღმოსავლეთით ბუნებრივი ცხელი წყალია. წყალი ისეთი ცხელია, რომ შიგ ცხვრის თავ-ფეხი შეიძლება მოიხარშოს. კეთილმოწყობილი სასარგებლო ცხელი წყაროა.

წმინდანთა საფლავები — იმამი ჰუსამ ეფენდი, ფერჰად ფაშას ქეთხუდა¹ რიდვან აღა, ჯემ ალი ეფენდი სიბრძნის ოკეანე ყოფილან.

თბილისი კახეთის ციხიდან ხუთი დღის სავალზეა, არსის ციხემდე ოთხი დღის სავალია და განჯის ციხემდე ოთხი დღის სავალია.

(II, გვ. 317 — 318).

¹ შამასახლისი, მოურავი.



ყოფ. გოლოვინის (ამგამად რუსთაველი!) პროსპექტი. XIX საუკუნე



პასილ კოპალიანი

თბილისელთა ორინენტაციის
საკითხისათვის 1121—1122 წლებში

X — XI საუკუნეთა მიჯნაზე ფეოდალური საქართველო ძირითადად გაერთიანდა, მაგრამ თბილისის საამირო ჯერ კიდევ საქართველოს სამეფოს გარეთ რჩებოდა. ამასთანავე, ბაგრატ III მეფობის (975 — 1014) დროს შემოერთებული ზოგი მხარე ისევ განდგომის მიდრეკილებას იჩენდა და ქვეყნის საბოლოო გაერთიანება ჯერ კიდევ დიდ ბრძოლასა და მსხვერპლს მოითხოვდა. მიუხედავად ამისა, ეკონომიური ცხოვრებისა და, შესაბამისად, სოციალური ძალების განვითარება, რომელიც მაშინდელ საქართველოში ხდებოდა, ცენტრალიზაციის სასარგებლოდ მოქმედებდა; პროგრესული ძალები იზრდებოდნენ და ქვეყნის საბოლოო გაერთიანებაც გარდაუვალი ხდებოდა.

XI საუკუნის მთელ მანძილზე მწვავე ბრძოლა მიმდინარეობდა საქართველოს პროგრესულსა და რეაქციულ ძალებს შორის: პირველი ქვეყნის საბოლოო გაერთიანებისათვის იბრძოდა, ხოლო მეორე ამის წინააღმდეგ გამოდიოდა და ფეოდალურ პარტიკულარიზმს უწყობდა ხელს. უკანასკნელი უმცირესობას წარმოადგენდა, მაგრამ ხშირად საქართველოს საგარეო მტერს (ბიზანტია) იშველიებდა და მისი წყალობით ზოგჯერ გამარჯვებას აღწევდა.

საქართველოს გაერთიანებისათვის ბრძოლას სამეფო ხელისუფლება მეთაურობდა, ხოლო მის მოკავშირედ მაშინ ყველა პროგრესული ძალა გამოდიოდა. მაშინდელი საქართველოს სოციალურ ძალთა განწყობილებას შეგვიძლია მივუყენოთ მარქსისა და ენგელსის განმარტება: „Все революционные элементы, которые образовались под поверхностью феодализма, тяготели к королевской власти, точно так же как королевская власть тяготела к ним. Союз королевской власти и буржуазии ведет свое начало с X века“.¹

ქვეყნის გაერთიანების მომხრე სოციალურ ძალებს შორის, ერთ-ერთ საკმაოდ ძლიერსა და დაინტერესებულ ძალას საქართველოში ვაჭარ-ხელოსნები, ე. წ. „მოქალაქეები“ წარმოადგენდნენ. ქ. თბილისის „მოქალაქეთა“ თავიკაცები, ხშირად, საქართველოს მეფეს თბილისში ეპატივებოდნენ და მას ქალაქს სთავაზობდნენ. როგორც ცნობილია, თბილისელებმა ბაგრატ მეოთხეს რამდენჯერმე გადასცეს თბილისი, მაგრამ მეფემ, გარკვეული მიზეზების გამო, ვერ შეინარჩუნა ის. ხოლო დაახლოებით 70 წლის შემდეგ, როდესაც თბილი-

¹ К. Маркс и Ф. Энгельс, Сочинения, т. XVI, ч. I, гл. 458.

სის განთავისუფლებისათვის ხელსაყრელი დრო დადგა, დავით აღმაშენებელი და მისი ლაშქარი თბილისელთა დიდ წინააღმდეგობას წააწყდნენ. ახლა თბილისელთა ორიენტაცია წინანდელს არ გავდა.

თუმცა თბილისელთა ამ წინააღმდეგობის მიზეზის დადგენა არაერთი მკვლევარის ყურადღებას იპყრობს, მაგრამ ამ საკითხის შესწავლა და ახსნა ცალკე მსჯელობის საგნად ჯერ არავის გაუხდია.

დოც. მ. ლორთქიფანიძეს ამ საკითხზე აკად. ნ. ბერძენიშვილის შემდეგი განცხადება მოაქვს: „ბაგრატ IV დროს, როდესაც „თბილისელი ბერები“ მეფეს სთავაზობენ ქალაქს, ქალაქის მოსაქმე საზოგადოებას ამირას ქვეშევრდომობას გაერთიანებული საქართველოს შემადგენლობაში ყოფნა ურჩევნია. დავით აღმაშენებლის დროს თბილისი დამოუკიდებელი ქალაქია, მას მოქალაქეთა გარკვეული წრე მართავს, და მოქალაქეთა ამ „თავებს“ მეფის ქვეშევრდომობაში შესვლას თვითმმართველობა ურჩევნია. აგრეთვე, დავით აღმაშენებლის მიერ გაერთიანებული საქართველოსათვის რიგი ქალაქების შემოერთების შემდეგ (მაგ. რუსთავი) ნათელი გახდა, რომ მეფე ზღუდავს ქალაქის თვითმმართველობას. ესეც იწვევს თბილისის ბრძოლას დავითის წინააღმდეგ“.

აკად. ნ. ბერძენიშვილის ამ განმარტებასთან დაკავშირებით დოც. მ. ლორთქიფანიძე შენიშნავს, რომ „დავითის დროს თბილისის მაგალითი მაინც კერძო შემთხვევაა და საერთოდ ქალაქებსა და ცენტრალურ ხელისუფლებას შორის ურთიერთობის პრინციპს ვერ ცვლის. ძირითადად საკითხი დგას არჩევანზე მეფესა და ფეოდალებს შორის, არჩევანზე გაერთიანებასა და ფეოდალურ დაქსაქსულობას შორის, და ასეთ შემთხვევაში, გასაგებია, ქალაქები ცენტრალური ხელისუფლების მომხრეებად გამოდიან. თბილისი კი, ამ შემთხვევაში, გამოხატავს, რადგან აქ არჩევანია თვითმმართველობასა და მეფის ქვეშევრდომობას შორის“¹.

¹ მ. ლორთქიფანიძე, ფეოდალური საქართველოს გაერთიანების საკითხისათვის, საქართველოს მეცნ. აკად. იჯ. კავშირების სახელობის ისტორიის ინსტიტუტის შრომები, 1955, ტ. I, გვ. 440.

² იქვე.

ავტორი აქ XI საუკუნის საქართველოს ქალაქებზე მსჯელობს საერთოდ და, როგორც ვხედავთ, ის თბილისის განსხვავებულ მდგომარეობას აღიარებს. კერძოდ იმას, რომ მხოლოდ თბილისელთა შორის არის არჩევანი „თვითმმართველობასა და მეფის ქვეშევრდომობას შორის“, მაგრამ ასეთი რამ მაშინდელი საქართველოს სხვა ქალაქებისათვის დამახასიათებელი არ არის.

ეს არადამახასიათებელი სხვა ქალაქებისათვის კი ის უნდა იყოს, რომ მათ დამოუკიდებელი თვითმმართველობა არა აქვთ და, ამდენად, მისი შენარჩუნებისათვის ბრძოლაც არ სჭირდებათ. მართლაც, დღემდე ცნობილი წყაროების მიხედვით თუ ვიმსჯელებთ, მოქალაქეთა თვითმმართველობა მხოლოდ თბილისში ჩანს. საქართველოს სხვა ქალაქებისათვის კი ის დამახასიათებელი არ უნდა იყოს; თუმცა იმდროისათვის ცნობილია საკმაოდ ერმრავალი ქალაქები, იქ დიდ-ვაჟკრებიც ბევრი იყვნენ და უკანასკნელთა უპირატეს მდგომარეობას მაშინდელი კანონმდებლობაც აღიარებდა¹.

ამასთანავე, მ. ლორთქიფანიძის აზრით, „ანგარიშგასაწევია აკად. ნ. ბერძენიშვილის მოსაზრება“ იმის შესახებ, რომ თბილისის „მოქალაქეთა“ მეტაურებს „მეფის ქვეშევრდომობაში შესვლას თვითმმართველობა ურჩევნია“.

იმ მოსაზრების საფუძველს, რომ თბილისის მოქალაქეთა „თავაკაცები“ თვითონ მართავდნენ ქალაქს და თვითმმართველობის მოსპობის შიშით ეურჩებოდნენ საქართველოს სამეფო ხელისუფლებას, არაბი ისტორიკოსის ალ-ფარიკის ერთი მეტად საინტერესო ცნობა იძლევა.

ალ-ფარიკი XII საუკუნის მოღვაწე იყო. ის წარმოშობით ქ. მაიაფარიკინიდან ყოფილა. 1153 წ. საქართველოში მოსულა დემეტრე პირველის კარზე და დემეტრესთან ერთად საქართველოს სამეფოს სხვადასხვა მხარეები შემოუვლია. ამავე წელს ალ-ფარიკს დიდგორის ველიც დაუთვალიერებია², სადაც 1121 წელს, დავით აღმაშენებლის მეთაურობით, ქართველებმა დიდი ომი გადაიხედეს და ბრწყინვალე გამარჯვება მოიპოვეს.

¹ ბაგრატ კურაპალატის სამართალი, წიგნში: ი. დოლიძე, ძველი ქართული სამართალი, 1953, გვ. 335.

² ნ. წერეთელი, სემიტური ენები და მათი მნიშვნელობა ქართული კულტურის ისტორიის შესწავლისათვის, გვ. 39.

ალ-ფარიკის საქართველოსა და, კერძოდ, თბილისის შესახებ ძვირფასი ცნობები შემოუნახავს. ამ რამდენიმე წლის წინათ ალ-ფარიკის ნაშრომიდან ერთი საინტერესო ადგილი ქესრევი თავრიზელს შეუტანია თავისი ვრცელი ნაშრომის „დავიწყებული ხელმწიფენის“ მესამე წიგნში¹. ამ ცნობაში, რომელსაც დოკ. ვლ. ფუთურიძე იხილავს და ქართულად თარგმნის, თბილისის შესახებ შემდეგს ვკითხულობთ:

იმ დროს, როდესაც დავით აღმაშენებელმა თურქ-სელჯუკთა წინააღმდეგ შეტევა განავითარა, დიდგორის ომიც მოიგო და დღის წესრიგში თბილისის განთავისუფლების საკითხი დადგა, შეშინებულმა „თბილისის ხალხმა ნეჯმ აღ-დინ ილ-ღაზისთან (კაცი) გაგზავნა და სთხოვა ჩაეხარებია თბილისი, რომელიც ორმოც წელს, დაახლოებით, თვით ხალხის ხელში იყო. მათი (თბილისელების) ხელმწიფეები იყო ჯგუფი ხალხისა; სახელად „ჯაფარის გვარი“ (ან „ჯაფარის სახლი“), რომელსაც ორას წელს ეპყრო ბატონობა და შემდეგ მოისპო და გამგებლობა თვით ხალხს ჩაუყარდა ხელში. ყოველ თვე თვითეული (ამ ხალხიდან) იღებდა ხელში (გამგებლობას) და ასე გაატარეს ორმოცი წელიწადი“².

აღნიშნული ცნობიდან, ბუნებრივია, მკვლევარი იმ დასკვნას გააკეთებს, რომ 40 წლის განმავლობაში დამოუკიდებლობის მქონე თბილისი, აქაურ „მოქალაქეთა“ „თავკაცების“ მეთაურობით, მეფის ხელისუფლების თბილისზე გავრცელების წინააღმდეგ იბრძოდა, თვითმმართველობის გაუქმების ეშინოდა და თავს იცავდა.

აკად. ნ. ბერძენიშვილი, როგორც გავეცანით, თბილისელთა ორიენტაციის შეცვლის მიზეზს იმაში ხედავს, რომ როდესაც თბილისში ამირა ბატონობდა, აქაურ „მოსაქმე საზოგადოებას“ მაშინ საქართველოს მეფის ქვეშევრდომობა ერჩია. დავით აღმაშენებლის დროს კი თბილისი დამოუკიდებელი ქალაქი იყო და „მოქალაქეთა“ თავკაცებს მეფის ქვეშევრდომობაში შესვლა აღარ სურდათ, დამოუკიდებლობა ერჩიათ.

ამრიგად, ამ მეტად ანგარიშგასაწევი მოსაზრების თანახმად, თბილისის მოსაქმე საზოგადოება და მათი „თავკაცები“ ქმნიდნენ იმ ძალას, რომელმაც ძლიერი ბრძოლა გაუმართა თბილისის განთავისუფლებისათვის მეზობელ ქართველებს. აქედან ის დასკვნა გამომდინარეობს, რომ XII საუკუნის 20-ანი წლების თბილისში ქალაქი-კომუნის მსგავს წყობილებასთან უნდა გვეკონდეს საქმე.

ცნობილია, რომ საქალაქო კომუნები პირველად XI—XII საუკუნეებში ყალიბდებიან. დასაველეთ ევროპის გარკვეულ ქვეყნებში. ისინი მსხვილ ფეოდალთა წინააღმდეგ ბრძოლაში წარმოიქმნენ და ამ ბრძოლაში მხარდაჭერას სამეფო ხელისუფლებისაგან ღებულობდნენ. უკანასკნელს საკუთარი ინტერესები უკარანახებდა დახმარებოდა ქალაქს მსხვილ ფეოდალთა წინააღმდეგ ბრძოლაში. საქალაქო კომუნების თვითმმართველობაში სამეფო ხელისუფლების ჩარევა და ამ კომუნების თვითმმართველობათა ლიკვიდაციისათვის ბრძოლა მხოლოდ XIII საუკუნიდან იწყება დასაველეთ ევროპაში.

ჩვენ სრულებითაც არ მიგვაჩნია გამორიცხულად, რომ ის, რაც ევროპაში XIII საუკუნიდან დაიწყო, საქალაქო კომუნების წინააღმდეგ მეფის ხელისუფლების ბრძოლის სახით, საქართველოში ერთი საუკუნით ადრე მომხდარიყო. მაშინდელი საქართველოს ეკონომიური განვითარებისა და სოციალური ცხოვრების სურათი ამ მოსაზრების წამოყენებას სრულიად შესაძლებელს ხდის. მაგრამ პროფ. შ. მესხიას საფუძვლიანი შტკიცებით, გარკვეული მიზეზების გამო „В Гruzии X—XIII и последующих веков не образовались „города—республики“ типа средневековых коммун.“³ ამრიგად, „მოქალაქეთა“ ის თვითმმართველობა, რომელიც XII საუკუნის 20-ან წლებამდე თბილისში არსებობდა, „ქალაქი-კომუნა“ არ იყო. ამიტომ მას „ქალაქი-კომუნისათვის“ დამახასიათებელი საკუთარი თავდაცვის ორგანიზაციაც არ უნდა ჰქონოდა.

თუმცა, ალ-ფარიკის მეტად საინტერესო ცნობა იმის შესახებ, რომ 40 წლის განმავლობაში თვით

¹ ვლ. ფუთურიძე, არაბი ისტორიკოსი XII ს. თბილისის შესახებ, ენიშის მოამბე, № XIII, 1942, გვ. 139.

² იქვე, გვ. 139—140.

³ Ш. А. Месхия, Из истории грузинского феодального города X—XIII вв., საქართველოს სსრ მეცნ. აკად. ივ. ჯავახიშვილის სახ. ისტორიის ინსტიტუტის შრომები, ტ. II, 1956, გვ. 146.

ხალხი მართავდა თბილისს და ყრველთვე თითო-
ეული ამ ხალხთაგანი იღებდა ხელში გამკებლობას,
ყველაფრის თქმის საშუალებას არ გვაძლევს. კერ-
ძოდ, ამ ცნობიდან არ ჩანს მამინდელმა პოლიტი-
კურმა ვითარებამ განაპირობა დროებით თბილისის
„მოქალაქეთა“ დამოუკიდებლობა თუ ქალაქისა და
საქალაქო წყობილების განვითარების გარკვეული
საფეხურის ბუნებრივი შედეგი იყო იგი. მაგრამ
თუ ალ-ფარიკის ცნობას XI — XII საუკუნეების
თბილისის სოციალურ-ეკონომიური მდგომარეობის
ამსახველ სხვა წყაროებთან მთლიანობაში განვი-
ხილავთ, მაშინ ის მეტად საგულისხმო და ანგარიშ-
გასაწევე ცნობად წარმოგვიდგება.

მართლაც, შემთხვევითი არ უნდა იყოს ის გარე-
მოება, რომ „ქონებით აღზევებულნი“, „უაზნოთა“
წარმომადგენლები დიდ - როლს ასრულებდნენ
XII საუკუნის საქართველოს პოლიტიკურ ცხოვ-
რებაში. თბილისის „ერთი მკვდრთაგანი დიდ-ვაჭა-
რი სახელით ზანქარ ზორაბაბელ“¹, ისტორიკოსის
სიტყვით, არა „ლირსი საქმისა“² იყო, მაგრამ მან
თამარის საქმროს ჩამოყვანა ივისრა შორეული
ქვეყნიდან და შეასრულა კიდევ ის, მაშინდელი
ჯაგებთ, მისი „უგუარობის“ გამო იყო არა „ლირსი
საქმისა“, მაგრამ ცხოვრების სინამდვილე, ქვეყნის
პოლიტიკურ საკითხებში მის ჩარევას საჭიროდ
ხდიდა.

იგივე იქმნის ცნობილ აბულასანზე, რომელიც,
ჩანს, „მამულობითი“ „გუარიათა“ ჯგუფს არ
ეკუთვნოდა. ის იყო „მკვდრთაგან ტფილისისათა,
თავადი და მეფეთ-მეფეთაგან წყალობა-ველდასხ-
მული, ამირაჲ ქართლისაჲ და ტფილისისაჲ“³. აბუ-
ლასანი, თბილისის ეს მკვიდრთაგანი, სავაჭრო საქ-
მიანობასთან დაკავშირებული და ქონებით აღზე-
ვებული ყოფილა. ალბათ, თავისი ამ მდგომარეო-
ბის შედეგად იცის მან, თუ რა ხდება შორეულ
ქვეყნებში, კერძოდ, მაშინდელ რუსეთში. თამარის
საქმროს ძებნის დროს, აბულასანის წინადადება
საკითხს გადაწყვეტს და „ექსორია ქმნილ“ რუს
უფლისწულს თამარს ქმრად მოპოვრიან⁴, უკანას-
კნელის სურვილის წინააღმდეგ.

¹ ისტორიანი და ახმანი შარავანდეთანი, აკად. კორნ.
კეკელიძის რედაქციითა და გამოკვლევით, 1941, გვ. 81.

² ბასილი ენოსმოძღვარი, ცხოვრება მეფეთ-მეფისა-თამა-
რისი, გამოცემა ივ. ჯავახიშვილისა, 1944, გვ. 16.

³ ისტორიანი და ახმანი შარავანდეთანი, გვ. 81.

⁴ იქვე.

დიდ-ვაჭრებისა და „ქონებით აღზევებულნი“
პირების პოლიტიკურ ასპარეზზე გამოსვლა, ისე
როგორც ამ ჩანგის ადამიანების წარმოშობა, ქვეყ-
ნის სამეურნეო და სოციალური ცხოვრების განვი-
თარების ხანგრძლივი პროცესის, პირველ ყოვლისა
კი საქალაქო ცხოვრების დაწინაურების შედეგი
იყო.

ახალი, პროგრესული, სოციალური ძალების
იდეოლოგიური ბრძოლის გამოვლინება არის სა-
ძიებელი იმ დიდ მოვლენაში, რომელიც ყუთლუ-
არსლანის დასის გამოსვლის სახითაა ცნობილი.
ეს მეტად მნიშვნელოვანი, მაგრამ ჯერჯერობით
შეუსწავლელი მოვლენა „მოქალაქეთა“ მიერ ადრე
დაწყებული პოლიტიკური ბრძოლის გაგრძელების
ნიშნებს ატარებს. ამ დასის ბელადიც ქალაქის
„მოქალაქე“ და „ქონებით აღზევებულ“ პირებთან,
ე. ი. მსხვილ ვაჭრებთან და ფინანსისტებთან ახლო
მდგომი ჩანს¹. საქართველოს ისტორიის მკვლევარ-
თა სამართლიანი მოსაზრებით, ყუთლუ-არსლანმა
სიმდიდრის წყალობით მიაღწია მწიგნობართუხუ-
ცესის თანამდებობას.

თბილისის „მოქალაქეთა“ თვითმმართველობის
არსებობა დადასტურებული ფაქტია და მოსაზრე-
ბას ამ თვითმმართველობის დაცვისათვის ბრძოლის
შესახებ სათანადო საფუძველი გააჩნია. მაგრამ
ასახსნელი რჩება საკითხი იმის შესახებ, რატომ
მაინცდამაინც თურქთა მბრძანებელს სთავაზობენ
თბილისელები ქალაქს? განა ის არ ჩაერეოდა „მო-
ქალაქეთა“ თვითმმართველობის საქმეში?

ალ-ფარიკის ზემოთ მოტანილი ცნობის თანახ-
მად, თბილისელები ნეჯმ ად-დინ ილ-ლანს მართო
დახმარებას კი არ სთხოვენ, არამედ ქალაქსაც
სთავაზობენ. ვინ იყო ის ხალხი, ვინც თურქთა
მბრძანებელს თბილისს შესთავაზა? ალ-ფარიკის
ცნობიდან ისე გამოდის, რომ ეს იგივე ხალხია,
რომელთა ხელში მორიგეობით გადადიოდა თბი-
ლისის მმართველობა.

ჩვენ არა გვგონია, რომ ნეჯმ ად-დინ ილ-ლანი,
ან მის მიერ თბილისის მმართველად დანიშნული
პირი, თვითმმართველობის შენარჩუნება-გაუქმე-
ბის თვალსაზრისით, იმაზე უფრო კარგს უქმნდა
თბილისელებს, რასაც საქართველოს მეფე მიუტან-
და მათ. ეს გარემოება რა თქმა უნდა თბილისელებ-

¹ III. М е с х и я, დასახელებული შრომა, გვ. 151.

საც კარგად უნდა სცოდნოდეთ. მაგრამ მაინც მას, თურქთა მბრძანებელს, სთავაზობდნენ ქალაქს.

გამოდის, რომ თბილისელები ამ მოქმედებით საკუთარ პრინციპს ღალატობდნენ, დამოუკიდებლობისათვის მებრძოლი ეს ხალხი თურქთა სულტანს ქალაქს სთავაზობდა და ამით ძირითადი მიზნების წინააღმდეგ მოქმედებდა. ჩვენ ვფიქრობთ, რომ თურქთა სულტანსადმი თბილისელთა მიერ ქალაქის გადაცემის გადაწყვეტილება თბილისის „მოქალაქეთა“ საბოლოო მიზანი კი არ იყო, არამედ პოლიტიკური ვითარებით გაპირობებული დროებითი ღონისძიება. ხოლო ამ მოქმედების, ისე როგორც საქართველოს მეფის ხელისუფლების წინააღმდეგ ბრძოლის, ორგანიზატორები თბილისში მყოფი მაჰმადიანები იყვნენ.

თბილისის პოლიტიკური მდგომარეობა დიდი ხნის განმავლობაში თავისებური იყო. ამიტომ მისი ვითარება XII საუკუნის დასაწყისში ამიერკავკასიის ბევრი სხვა ქალაქის მდგომარეობისაგან განსხვავდებოდა. ამ მხრივ საყურადღებო იქნებოდა ქ. ანისთან თბილისის შედარება.

საქართველოსა და სომხეთის ქალაქები განვითარების ერთნაირი გზითა და დონით ხასიათდებოდნენ. XI საუკუნეში, ისე როგორც საქართველოს (თბილისის გამოკლებით, რომელიც ჯერ კიდევ უცხო დამპყრობის, ამირას ხელში იყო), სომხეთის ქალაქებიც მეფისა ან დიდი აზნაურების კუთვნილებას შეადგენდნენ და ყოველ ქალაქს მეფისა ან დიდი აზნაურის მიერ დანიშნული პირი მართავდა. „მოქალაქეთა“ პოლიტიკური ორიენტაცია, განსაკუთრებით თბილისისა და ანისის ვაჭარხელოსნებისა XI საუკუნის თითქმის მთელ მანძილზე ერთნაირი იყო. ისინი მეფეს უჭერდნენ მხარს. გავიხსენოთ 1045 წელი, როდესაც ანისისა და თბილისის მოქალაქეთა „თავკაცებმა“ დაახლოებით ერთსა და იმავე დროს გადასცეს ეს ქალაქები საქართველოს მეფეს ბაგრატს¹.

მაგრამ თბილისელთა და ანისელთა პოლიტიკური ორიენტაცია გარკვეული მომენტიდან სხვადა-

¹ Я. А. Манабян, О торговле и городах Армении, 1930, стр. 164. შტრ. III. А. Месхи, დასახელებული შრომა, გვ. 143, 152.

² მატიაზე ქართლისა, ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, ტ. I, 1955, გვ. 299.

სხვანაირი გახდა და პოლიტიკური. ორიენტაციის წინააღმდეგ გზაზე, XII საუკუნის 20-ან წლებში, მხოლოდ ანისი დარჩა. ცნობილია, რომ 1124 წლის „ავგუსტოსის ოცნა“ თრიალეთში მყოფ დავით აღმაშენებელთან „მოვიდეს მწიგნობარნი ანელთა თავადთან და მოაგსენეს მოცემა ქალაქისა და ციხეთა“ დავითს.

საქართველოს მეფემ ანისელებს თხოვნა დაუყოვნებლივ შეუსრულა: „მსწრაფლ წიგნები წუევისა წარსცა ყოველთა, და მესამესა დღესა სამოცი ათასი მგდარი წინაშე უდგა. წარემართა და, ვითარცა მიიწია, მესამესა დღესა აიღო ქალაქი ანისი და ციხენი მისნი უკირველად, და სოფელნი და ქუეყანანი მიმდგომნი ანისისანი“².

ქართველების მიერ ანისისა და მისი რაიონების ასე სწრაფად და „უკირველად“ აღება საერთოდ სომეხთა და, პირველ რიგში, ანელთა აქტიური მხარდაჭერის შედეგი იყო. მაშ როგორღა უნდა აეხსნათ ჩვენ თბილისის „მოქალაქეთა“ მოქმედება? თუ ერთ დროს ანისისა და თბილისის „მოქალაქეთა“ პოლიტიკური ორიენტაცია ერთი და იგივე იყო, რა მოხდა შემდეგ ისეთი, რამაც მათი სხვადასხვა ორიენტაცია გამოიწვია? ეს გარემოება ამ ორი ქალაქის არა სოციალური შემადგენლობის სხვაობით უნდა აიხსნას, არამედ გარკვეული პოლიტიკური ვითარებით გამოწვეული მოვლენა უნდა იყოს.

არაბთა ბატონობის დამთავრების შემდეგ ქალაქი ანისი სომხეთის ერთ-ერთი ძლიერი სამეფოს რეზიდენციას წარმოადგენდა (961 — 1045 წწ.). ამ დროის განმავლობაში მაჰმადიანთა ბატონობისაგან თავისუფალი იყო და XI საუკუნის ორმოციან წლებამდე უცხოელთა გავლენას ნაკლებად განიცდიდა. ამიერიდან, როგორც ცნობილია, ბიზანტიამ მოუღო ბოლო ანისის სამეფოს დამოუკიდებლობას, მაგრამ ბიზანტიელთა ბატონობას, რომელიც ოციოდე წლის განმავლობაში გაგრძელდა ანისში, ამ ქალაქში უცხო ტომის მომრავლება დიდად არ გამოუწვევია. არაბთა ბატონობის შემდეგ უცხო დამპყრობთა იქ მომრავლება და სომეხი მოსახლე-

¹ დავით აღმაშენებლის ისტორიკოსი, ცხოვრება მეფეთმეფისა დავითისი, ქართლის ცხოვრება, დასახელებული გამოცემა, გვ. 344.

² იქვე, გვ. 344—345.

ობისათვის დიდი საფრთხე თურქ-სელჯუკთა გაბატონების შემდეგ იწყება სომხეთში.

რაც შეეხება თბილისს, XII საუკუნის 20-ან წლებში, მისი პოლიტიკური მდგომარეობა ანისის პოლიტიკური მდგომარეობისაგან განსხვავდებოდა. მართალია, არაბთა ბატონობის ხანაში და მომდევნო წლებშიაც სომხეთის ქალაქებმა არაბულნი რბევა განიცადეს ვიდრე თბილისმა, მაგრამ XI საუკუნის 60-ან წლებამდე ქ. ანისის ეკონომიკური ცხოვრების მამოძრავებელ ძალად მაინც სომხური მოსახლეობა რჩებოდა. თბილისში კი VIII საუკუნის I ნახევრიდან დაწყებული ვიდრე XI საუკუნის 80-ან წლებამდე, განუწყვეტლივ უცხო დამპყრობი, მაჰმადიანი მმართველი იჯდა, რასაც არ შეიძლება მაჰმადიანური მოსახლეობის აქ მომრავლებისათვის ხელი არ შეეწყოს. თურქ-სელჯუკთა მოსვლამ და გაბატონებამ კიდევ უფრო გაზარდა მაჰმადიანების რიცხვი თბილისში.

XII საუკუნის 20-ან წლებში, როდესაც დამპყრობ თურქ-მაჰმადიანებსა და სამშობლოს განთავისუფლებისათვის მებრძოლ ქართველებს შორის ბრძოლა გაჩაღდა, თვითმმართველობის შენარჩუნებით დაინტერესებულ თბილისის მოსახლეობას დამოუკიდებლად მოქმედება, თუნდაც თვითმმართველობის დასაცავად, აღარ შეეძლო, ის ან ერთს, ან მეორე მხარეს უნდა მიმხრობოდა და, ვინაიდან თბილისის გავლენიან ვაჭართა შორის მაჰმადიანები სჭარბობდნენ, ორიენტაცია არა საქართველოს სამეფო ხელისუფლებისაკენ, არამედ თურქთა სულტნისაკენ აიღეს. ისინი ახლა თბილისში მოკალათებულ სელჯუკებს შეუერთდნენ.

ანისის სომხური მოსახლეობა კი, რომელიც თვითონ არ იყო თავისი ქალაქის ბატონ-პატრონი, არამედ სულტნის მიერ ხელისუფლებამტკიცებული მაჰმადიანი მმართველის უღლს ქვეშ იმყოფებოდა, დიდ შევიწროებას განიცდიდა. მაგრამ თავისი უშუალო შემევიწროებლის წინააღმდეგ ბრძოლაში ის თურქთა სულტნის სახით მფარველს ვერ მონახავდა და, გასაგებია, მის ბუნებრივ მოკავშირედ ქართველი ხალხი და საქართველოს სამეფო ხელისუფლება რჩებოდა.

გარდა ამისა, სომხეთის მიწა-წყლის მფლობელი ფეოდალური არისტოკრატია, რომლის წინააღმდეგ ანისის ვაჭრები და ხელოსნები იბრძოდნენ, ძირითადად თურქულ-მაჰმადიანური ელემენტებისაგან

შედგებოდა. ამიტომ იყო, რომ მაშინდელ სომხეთში „Выступления купцов и ремесленников города против феодальной эксплуатации, за городские вольности приобретали характер освободительной борьбы против владычества иноземных завоевателей — турок — сельджуков“.¹ ამ ბრძოლაში მოიშველია სომხმა მოსახლეობამ ქართველი ხალხი და თავი გაინთავისუფლა.

ჩვენ ვერ გაეიზიარებთ იმ აზრს, რომ ქ. თბილისის „მოქალაქეებზე“, როდესაც ისინი საქართველოს მეფის ხელისუფლებას წინააღმდეგობას უწევდნენ, ადრე განთავისუფლებული ქალაქების (ვთქვათ რუსთავის) მაგალითი მოქმედებდა. არ გაგვარნია საბუთი იმის შესახებ, რომ ქალაქებს — რუსთავს, სამშვილდეს ან გიშს, რომლებიც თბილისზე უფრო ადრე გაანთავისუფლა დავითმა, თვითმმართველობა გააჩნდათ. „В памятниках XI в. „старцы города“ встречаются только в Тбилиси и Ани“.² მაგრამ ეს იმას არ ნიშნავს, რომ თბილისისა და ანისის მოქალაქეებისათვის მაშინ საერთოდ უცნობი იყო სამეფო ხელისუფლების მიერ ქალაქის თვითმმართველობის წინააღმდეგ ბრძოლის ფაქტი. „მოქალაქეთა“ მაშინდელი გარკვეული ფენის წარმომადგენლებისათვის ამ საკითხზე ბიზანტიის იმპერატორების მოქმედება მაინც უნდა ყოფილიყო ცნობილი. იქ ხომ ადრე დაიწყეს იმპერატორებმა ბრძოლა მუნიციპალური მმართველობის (და არა კომუნის, რომელიც უფრო გვიანდელი მოვლენაა) წინააღმდეგ. ამ მმართველობას ლეონ VI (886 — 912) ჩასცა უკანასკნელი მახვილი და გააუქმა ის.³

ბიზანტიაში ქალაქების მიმართ იმპერატორების ასეთი დამოკიდებულების შესაძლებლობას იქაური პოლიტიკური მდგომარეობა და სოციალური ძალების განწყობილება ქმნიდა. მაგრამ საქართველოსა და სომხეთის პოლიტიკური მდგომარეობა ისე წარმართა, რომ სამეფო ხელისუფლებისა და მოქალაქეთა კავშირი ორთავე მხარისათვის საჭირო იყო. მათ შორის კონფლიქტის ჩამოგდება,

¹ С. Еремян, Опыт периодизации истории Армении эпохи феодализма, Вопросы истории, 1961, № 7, გვ. 69.

² П. Месхия, დასახლებული შრომა, გვ. 157.

³ Н. Скабалинович, Византийское государство и церковь в XI веке, 1884, გვ. 298; შტრ., М. В. Левченко, История Византии, 1940, გვ. 199—189.

XII საუკუნის დასაწყისშიაც კი, არც ერთი მხარისათვის ხელსაყრელი არ იყო. გამონაკლისს აქისიცი მხოლოდ XI საუკუნის 80-ანი წლებიდან, ქ. თბილისი წარმოადგენდა. ეს ქალაქი ამ დროიდან დამოუკიდებელი იყო, საკუთარი თვითმმართველობა გააჩნდა და დამოუკიდებლობის შენარჩუნებას ცდილობდა. მაგრამ XII საუკუნის 20-ანი წლებიდან ქ. თბილისის თვითმმართველობას ვეღარ ვხედავთ. ჩანს, თბილისელთა მოლოდინი გამართლდა, „მოქალაქეთა“ თვითმმართველობა მართლაც გააუქმა დავით აღმაშენებელმა და „во главе города поставил своего чиновника“.¹



თბილისის საამირო პოლიტიკურად აღრე ჩამოსცილდა სახალიფოს ცენტრს. ის, რომელიც ჯერ კიდევ IX საუკუნის ორმოციანი წლებიდან სახალიფოსაგან განდგომის ტენდენციებს იჩენდა, მალე სრულიად დამოუკიდებელი გახდა. ამიერიდან ქართველმა ფეოდალებმა „კეთილმეზობლური ურთიერთობის დამყარება დაიწყეს საამიროსთან“².

თბილისელი მაჰმადიანები, რომლებიც არც ისე მცირერიცხოვანი უნდა ყოფილიყვნენ, X — XI საუკუნეებში თავს თბილისის მკვიდრად გრძნობდნენ და სამხრეთიდან რაიმე მხარდაჭერას აღარ საჭიროებდნენ; ასეთ მხარდაჭერას ისინი უკვე გადაჩვეულიც იყვნენ.

საქართველოს სამეფო-სამთავროთა რკალში მოქცეული თბილისის საამირო, სინამდვილეში, ჯერ კიდევ საბოლოოდ გაუერთიანებელი მაშინდელი საქართველოს ერთ-ერთ ფეოდალურ ერთეულს წარმოადგენდა. თბილისის ამირა, და არა „მოქალაქეთა“ ფართო მასა, საქართველოს მოსაზღვრე საამიროებისა და, საერთოდ, მაჰმადიანური სამყაროსაკენ მაშინ იხედებოდა, როდესაც საქართველოს სამეფო ხელისუფლება თბილისის გასათვისუფლებლად ბრძოლას დაიწყებდა.

თბილისის ამირას ინტერესები, ისე როგორც საქართველოს ფეოდალური არისტოკრატის მალალი წრის ზოგიერთი წარმომადგენლის ინტერესები,

სრულიად არ თანაემთხვეოდა თბილისის „მოქალაქეთა“ ფართო მასების ინტერესებს. სულ ერთია მაჰმადიანი იყო ის თუ ქართველი ქრისტიანი, გარკვეულ დრომდე, ყველა მეფის ხელისუფლების ქვეშევრდომობას აჟღერებდა და ერთი მიზნისათვის ზრუნავდა.

სრულიად მართალი უნდა იყოს აკად. ივ. ჯავახიშვილი, რომელიც აღნიშნავდა, რომ თბილისში მცხოვრებ „მოქალაქეთა შორის მაჰმადიანის სჭარბობდნენ“, მაგრამ „მაინც რაც უნდა იყოს XI საუკუნეში თბილისის მკვიდრნი ქართველ მეფისაკენ იწვედნენო“¹.

საქართველოს მეფის ხელისუფლების მიერ თბილისის განთავისუფლებისათვის წარმოებულ ბრძოლაში ამ ქალაქის ვაჟარ-ხელოსნები და მათი თავკაცები, თუ მხედველობაში არ მივიღებთ ფეოდალური არისტოკრატის მდგომარეობამდე მისულ ზოგიერთ დიდ-ვაჟარს, ყოველთვის მეფის მხარეზე იყვნენ.

ერთადერთი შემთხვევა, როდესაც თითქოს მთელი თბილისი იბრძოდა იმისათვის, რომ თავი დაეცვა საქართველოს მეფის ხელისუფლების შეტევისაგან, ეს 1038 — 1039 წლების ამბებია. მაშინ ბაგრატ IV კახთა დანხარებით ორი წლის განმავლობაში იბრძოდა თბილისის ასაღებად. მაგრამ თუ ამის შესახებ არსებულ ცნობას ჩაუთვნივრდებით, ჩანს, რომ ამ შემთხვევაშიაც პირველ რიგში „მოქალაქეთა“ მასამ აიღო ხელი ბრძოლაზე და გადაწყვიტა საქართველოს მეფისათვის ჩაებარებია ქალაქი. „მატიანე ქართლისაჲს“ ავტორის ცნობით სწორედ „მოქალაქეთა“ („ტფილელთა“) ფართო მასებმა „განიზრახეს მოცემა ტფილისისა“².

მაგრამ მოქალაქეთა ამ სურვილსა და განზრახვას სრულებითაც არ თანაემთხვეოდა ამირასა და მისი ამაღლის ინტერესები. ამიტომ იყო რომ ამირა „შეეკახმა თავის ლაშქრითა, შემზადა ტივები და ნავეები ღამით წარსვლად განძას“³.

მომდევნო წლებში თბილისის „მოქალაქეები“ და მათი „თავკაცები“ დაჟინებით მოითხოვდნენ, რომ თბილისი საქართველოს მეფეს ჩაებარებია 1045 წელს, როდესაც „მის ეამისა პირველ მომკუ-

¹ III. М е с х и я, დასახელებული შრომა, გვ. 147.

² იქვე, გვ. 133.

¹ საქართველოს ეკონომიური ისტორია, I, 1907, გვ. 29.

² ქართლის ცხოვრება, დასახელებული გამოცემა, გვ. 297.

³ იქვე.

დარ. იყო ტფილელი ამირა ჯაფარ¹, სასწრაფოდ უახლეს „ტფილელნი ბერნი“² აფხაზეთში მყოფ ბაგრატ IV, მოიწვიეს ის თბილისში და ამირას სასახლე ჩააბარეს.

ამ მოვლენასთან დაკავშირებით ბევრი რამ არის საფიქრებელი: ან ამირას ტახტის ვიღაც ახალ პრეტენდენტს გაუბრძინა „ტფილელნი“ და მათი „თავაკებნი“, ან ფეოდალური არისტოკრატის იმ რეაქციული ელემენტების გამარჯვება არ სურთ, რომლებმაც შემდეგ ბრძოლა გაუმართეს ბაგრატს თბილისში: „ჩააგდეს ჳიდი და არა მოსცეს ისინი“³ მეფეს. მაგრამ ერთი რამ მაინც გასაგებია: თბილისის „მოქალაქეები“ და მათი თვითმმართველობის წევრები დამოუკიდებლობისათვის კი არ იბრძოდნენ მაშინ, არამედ მეფის ხელისუფლებსაკენ მიიწვედნენ, მის ქვეშევრდომობას ამჯობინებდნენ და ამირასა და ფეოდალური არისტოკრატის ბატონობის ქვეშ ყოფნას გაურბოდნენ. XI საუკუნის მთელ მანძილზე ამ ტენდენციას იჩენდნენ თბილისის „მოქალაქეები“. ამავე საუკუნის 80-ანი წლებიდან კი თბილისმა დამოუკიდებლობა მოიპოვა და ამიერიდან მის დაცვა-შენარჩუნებასლა ცდილობდა. მაგრამ XII საუკუნის 20-ან წლებში, თავიანთი მიზნების წინააღმდეგ, აღნიშნული „მოქალაქეები“ თურქთა სულთანს ეპატიებოდნენ თბილისში.

როგორც ვთქვით, მაშინდელ თბილისში მაჰმადიანური მოსახლეობის რიცხვი საკმაოდ დიდი უნდა ყოფილიყო. ამაზე ის გარემოებაც მიგვითითებს, რომ თბილისის მაჰმადიან მოსახლეობას თავისი მოსამართლე ჰყოლია. კიდევ მეტი, თუ არაბ ისტორიკოსს იბნ ალ-ასირს დავუჯერებთ, მთელი ქალაქის მოსამართლე თითქოს ყადი იყო. რა თქმა უნდა, ყადი თბილისის ქართველ, სომეხ და ებრაელ მოსახლეობის მოსამართლედ არ გამოდგებოდა და, როგორც აკად. ივ. ჯავახიშვილი აღნიშნავს, ის „მხოლოდ მაჰმადიან მოქალაქეთა მოსამართლედ იქნებოდა“⁴. მაგრამ იბნ ალ-ასირის ცნობა მაინც თბილისის მაჰმადიანი მოსახლეობის სიმრავლეზე მიგვითითებს.

¹ ქართლის ცხოვრება, დასახელებული გამოცემა, გვ. 297.

² იქვე.

³ იქვე, გვ. 299—300.

⁴ საქართველოს ენციკლოპედიური ისტორია, I, 1907, გვ. 26.

თბილისის მაჰმადიანი მოსახლეობა, როგორც ნათქვამი იყო, აქტიურად ჩაება ალებ-მიცემობაში და ქალაქ თბილისს სწორედ ამ ვაჭრობის გზით უნდა ჰქონოდა დიდი შემოსავალი. გავიხსენოთ, რომ ბაგრატ IV მის მიერ თბილისის ამირად მოწვეულ სითილ არაბს „ორმოცდაათხი ათასი დრამკანის“ გადახდა დააკისრა ყოველწლიურად.

აღნიშნული თანხა საკმაოდ დიდი იყო, მაგრამ გარდა ამ ხარკისა, ამირას სხვაც ბევრი გასადავი ჰქონდა და ყოველივე ეს, ძირითადად, ქალაქ თბილისის ვაჭრობა-ხელოსნობიდან მიღებულ შემოსავალს უნდა დაეკმაყოფილებინა. აქ თბილისის მაჰმადიანი მოსახლეობა უსათუოდ დიდ როლს ასრულებდა. ის ვაჭრობა-ხელოსნობაში აქტიურად მონაწილეობდა და, ისე როგორც თბილისის სხვა მკვიდრ მოსახლეობას, თურქ-მაჰმადიანებსაც, საქართველოს მეფის ხელისუფლებისაკენ ორიენტაციას ეკონომიური ინტერესები უკარნახებდა. მაგრამ მომდევნო წლებში განვითარებულმა პოლიტიკურმა მდგომარეობამ ქართველებისა და თურქ-მაჰმადიანების ურთიერთობა მკვეთრად შეცვალა.

ჩვენ აქ სრულებითაც არ გვაქვს განზრახული მაშინდელი თბილისის სოციალური სახე წარმოვაჩინოთ, ან სოციალური ხასიათის ბრძოლებზე და მის გამაპირობებელ მიზეზებზე ვისაუბროთ. ზემოთ მოტანილი მოკლე მიმოხილვის შემდეგ ჩვენ გვინდა გავარკვიოთ მხოლოდ ერთი საკითხი: როდესაც ურთიერთშორის მეზობლთა ერთ-ერთ მხარეზე თბილისელთა გამოსვლა აუცილებელი გახდა, რატომ აირჩიეს თბილისელებმა ორიენტაცია თურქთა სულთანისადმი?

* * *

XI საუკუნის 40-ან წლებში წინა აზიას ოღუზთა მოდგმის თურქთა ერთი შტო შემოესია. ამ თურქებს ხელჯუტთა საგვარეულო მეთაურობდა და ამიტომ მათ, როგორც ცნობილია, თურქ-სელჯუქებს უწოდებენ. ისინი მათ მიერ დაპყრობილი ქვეყნების ხალხებთან შედარებით განვითარების დაბალ საფეხურზე იყვნენ და ბევრ ქვეყანას გამანადგურებლად მოეველინენ.

თუმცა, ზოგიერთი მკვლევარი გვარწმუნებს, რომ ისე როგორც მონღოლებს, თურქ-სელჯუქებ-

¹ მატთანე ქართლისა, ქართლის ცხოვრება, დასახელებული გამოცემა, გვ. 312.

საც უნდა მოეხსნას ბრალდება იმის შესახებ, თითქოს ისინი მხოლოდ ანადგურებდნენ ქრისტიანი ხალხების კულტურას¹. ხოლო ზოგიერთი გვიმოტყეობს, რომ სელჯუკთა ბატონობის დროს არა მარტო ფეოდალური ურთიერთობა გაღრმავდა და განვითარდა მათ მიერ დაპყრობილ ქვეყნებში, არამედ ხელოვნებამაც მაღალ საფეხურს მიაღწია.

როგორც ცნობილია, ადამიანთა საზოგადოების განვითარება არასდროს არ ყოფილა გაყინული ერთ წერტილზე და, ამდენად, თურქ-სელჯუკთა ბატონობის ხანაშიც მათ მიერ დაპყრობილ ქვეყნებში სოციალურ-ეკონომიური განვითარების მაჯისცემა არ შეწყვეტილა; სელჯუკიანთა გაბატონებამ გარკვეული ქვეყნების ურთიერთკავშირსაც რამდენადმე ხელი შეუწყო. მაგრამ არავითარ შემთხვევაში არ შეიძლება გაზიარებულ იქნეს ის აზრი, თითქოს ისინი საერთოდ სოციალურ-ეკონომიური და კულტურული მდგომარეობის განმავითარებლად მოევიდნენ მათ მიერ დაპყრობილ ქვეყნებს.

თურქ-სელჯუკები მრავალი, მათთან შედარებით განვითარებული ქვეყნის შემდგომი წინსვლის ბორკილად იქცნენ. მათმა არაერთგზის სუსხიანმა ლაშქრობამ მიწასთან გაასწორა და გაანადგურა კულტურისა და აღებ-მიცემობის ბევრი ცენტრი. განა შეიძლება ისეთი ძალა პროგრესის მომტანად ჩავთვალოთ, რომელიც ერთს აშენებს, მაგრამ სამაგიეროდ ათასს ანადგურებს? თურქ-სელჯუკებს მათ მიერ დაპყრობილი არც ერთი ქვეყნისათვის, და, რა თქმა უნდა, მათ შორის ამიერკავკასიის ქვეყნებისათვისაც არ მოუტანიათ რაიმე სიკეთე.

სხვა ქვეყნების მიმართ რომ არაფერი ვთქვათ, თურქ-სელჯუკებმა უდიდესი ზიანი მიაყენეს მეზობელ სომხეთს, რასაც საქართველოსთვისაც დიდი უარყოფითი მნიშვნელობა ჰქონდა. სელჯუკიანთა პირველმა სამმა ბარბაროსულმა ლაშქრობამ (1048, 1049 და 1054 წწ.) სომხეთში მიწასთან გაასწორა ბევრი ცნობილი ქალაქი. ამ ლაშქრობებს თან სდევდა აგრეთვე მშვიდობიანი მოსახლეობის უდიდესი ფიზიკური მსხვერპლი, გადატაცება და გაუბედურება. XI საუკუნის სომეხი ისტორიკოსი არისტარქეს ლასტივერტელი წერს, რომ ზედიზედ სამი ლაშქრობის შედეგად სელჯუ-

კებმა გააჩანაგეს სომხეთი, მთლიანად მოსპეს ცოცხალი საქონელი და უკაცრიელი გახადეს ქვეყანა².

სომხეთის ისტორიის მეკლევართა დასკვნით, „Во время сельджукских нашествий Армения подверглась страшным опустошениям, население ее уничтожалось или же переселялось в другие страны, а его имущество разхищалось пришельцами... Остановилась жизнь, были разрушены многие богатые города с многочисленным населением (Ани, Арци, Маназкерт и др.). Приостановилась торговля, разрушались промышленность и сельское хозяйство, экономическая жизнь страны переживала упадок“.³

ვაკრები და ხელოსნები, რომლებმაც თურქ-სელჯუკთა თავდასხმების დროს გაქცივით ვერ უშველეს თავს, ფიზიკურად იქნენ განადგურებულნი⁴. თურქ-სელჯუკთა გაბატონების შედეგად ძლიერ დაზარალდნენ აგრეთვე სომეხი ფეოდალები. დაიპყრეს რა სომხეთი, „Сельджукские сунтаны всю её землю поделили между своими военачальниками, которые получили эти владения в качестве военных лесов“.⁵

დამპყრობლებმა სომხეთში ისე ძლიერ მოიდგეს ფეხი, რომ „Класс феодалов был в значительной мере представлен иноземными завоевателями тюркского и курдского происхождения, которые рассматривали местное трудовое население как парчев“.⁶

სომხეთში, ისე როგორც აზერბაიჯანში, იმდენად გაბატონდნენ სელჯუკები, რომ თურქმანთა ამ ძალამ სომხურ ეროვნებას გადაგვარების საფრთხე შეუქმნა. მაგრამ მარტო ამიერკავკასიისა და მეზობელ ქვეყნებს როდი მიაყენეს დამპყრობლებმა ზიანი. თურქ მომთაბარეთა არისტოკრატებმა პირველყოვლისა ირანელ ფეოდალებს ჩასცა ძლიერი მახვილი, გაბატონდა მათზე და დიდად დააზარალა როგორც მიწათმფლობელთა საზოგადოება, ისე

¹ История армянского народа, I, 1944, გვ. 167.

² იქვე, გვ. 169.

³ С. Еремян, Опыт периодизации истории Армении эпохи феодализма, Вопросы истории, 1951, № 7, გვ. 62.

⁴ იქვე.

⁵ იქვე.

¹ Вл. Гордлевский, Государство сельджукидов Малой Азии, АН СССР, М.—Л., 1941, гв. 21.

განსაკუთრებით მწარმოებელი საზოგადოება. დოც. ვ. გაბაშვილის საპარტოლიანი განმარტებით, „ამავე ღიზნით მოდიოდნენ ისინი სომხეთში, აზერბაიჯანში, საქართველოში“¹.

მომთაბარე თურქ-სელჯუქები დიდ საფრთხეს უქმნიდნენ დაპყრობილ ხალხთა კულტურულ მემკვიდრეობას. ამ გარემოებას სელჯუქთა მმართველი წრეებიც, სახელმწიფოს ცალკეული მოღვაწეებიც, კარგად გრძობდნენ და ცდილობდნენ ირანის ცენტრალური რაიონებისათვის თავიდან აეცილებინათ მომთაბარე თურქთა მოქმედების შედეგი.

თურქ-სელჯუქთა ვრცელი სახელმწიფო, ამ სახელმწიფოს სათავეში მყოფ სელჯუქთა საგვარეულოს ბატონობის შენარჩუნება, ძლიერსა და მრავალრიცხოვან ლაშქარს მოითხოვდა. ერთგული მრჩევლები სულთნებს ნიადაგ უჩიჩინებდნენ, ჩვენი მტერია ყველა, ვინც ლაშქრის რიცხოვრებას შეეცდებოდა გვირგვინს და, პირიქით, მრავალ ქვეყანაზე ბატონობის გავრცელება-შენარჩუნება ლაშქართა სიმრავლეზე არის დამოკიდებული².

სამხედრო ძალა, რომლის ძლიერებაზე სელჯუქთა ბატონობა იყო დამყარებული, ძირითადად მომთაბარე თურქ-სელჯუქებისაგან შედგებოდა. ამდენად, ამ ძალას მმართველი დინასტიისათვის უდიდესი მნიშვნელობა ჰქონდა. მაგრამ ეს უკანასკნელი იმასაც გრძობდნენ, რომ მაშინდელი ირანის „წარმოება-მეურნეობას, სამიწათმოქმედო ფეოდალურ კულტურას, ქალაქებსა და საქალაქო ცხოვრებას, მომთაბარე თურქ-სელჯუქების პრიმიტიული მეურნეობა (მეჯოგეობა)“³ განადგურებას უქადავდა. ამიტომ, ისინი იძულებული იყვნენ ამ მომთაბარე თურქების ირანიდან განსახლებაზე ეფიქრათ.

ცნობილია, რომ სელჯუქიანი სულთნების ვაზირთა შორის ყველაზე ქვეყიანი, განათლებული და შორსმკვრეტელი ალ-არსლანის (1067—1072) და შემდეგ მალიქ-შაჰის (1072 — 1092) ვაზირი ნიზამ ალ-მულქი იყო. ის თავის „სიასეტ-ნამეში“ აშკარად გამოთქვამდა სელჯუქთა, ამ მმართველი დინ-

სასტიის, მოსახრებას იმის შესახებ, რომ თურქმანთა ძირითადი მასა ბიზანტიისა და საქართველოს საზღვრებზე ჰყოლოდათ. წინააღმდეგ შემთხვევაში მათი მოქმედებით გამოწვეულ დავიდარებას ირანში თავიდან ვერ ავიცილებდნენ⁴.

ამრიგად, როგორც ვხედავთ, თურქ-სელჯუქთა მმართველი წრეები საქართველოსა და მისი საზღვრებისაკენ მოერეებოდნენ თურქმანთა ბრძოლებს. ამიტომ შემთხვევითი არ არის, რომ ეს ძალა გამანადგურებლად მოველინა ამიერკავკასიას. თუმცა, ამ დამპყრობლებმა სომხეთში რამდენადმე უფრო ადრე შემოდგეს ფეხი, ვიდრე საქართველოში, დამკვიდრებაც შეძლეს იქ და მათი ბატონობის შედეგიც უფრო მძიმე აღმოჩნდა სომხეთისათვის, მაგრამ მძარცველებმა საქართველოსაც დიდი უბედურება მოუტანეს.

საქართველოზე პირველი თავდასხმა, როგორც ცნობილია, 1065 წელს მოაწყეს თურქებმა. დიდად დაზარალეს მესხეთისა და სამხრეთ-დასავლეთ საქართველოს რაიონები და ჯავახეთის ახალქალაქს დაესხნენ თავს. „მესხნი აზნაურნი და ზემოსა კერძისანი, — მოგვითხრობს „მატიანე ქართლისაჲს“ ავტორი, — ძლიერად დგეს ახალქალაქს, და ბრძოდეს სამ დღე“⁵.

გაუმარებელი ქალაქის დამცველმა ქართველებმა ზღუდის გარეთ ამჯობინეს ბრძოლის გადმოტანა; „ალიჭურნეს მყოფნი ქალაქისანი, და განახუნეს კარნი და შეებნეს ძლიერად“⁶ თავდამსხმელებს. ქართველებმა უკანასკნელ სისხლის წვეთამდე არ დაუთმეს მტერს, მაგრამ რიცხოვრებად დიდი უპირატესობის მქონე თურქმანებმა მაინც გაიმარჯვეს. „ტყუე ყენეს ურიცხუნი სულნი ქრისტიანეთანი; აღიღეს განძი და ტყუე ძლიერი, და შეიღება წყალი ახალქალაქისა სისხლითა“⁷.

ამიერიდან იწყება ბოლომოუღებელი და გამანადგურებელი ლაშქრობანი თურქ-სელჯუქების საქართველოში. ბიზანტიის იმპერია, რომელმაც XI საუკუნის 40-ან წლებში სომხეთის უდიდეს ნაწილს თავისუფლება წაართვა და საქართველო-

¹ მახლობელი აღმოსავლეთი განვითარებული ფეოდალიზმის ხანაში, წიგნში: ნარკვევები მახლობელი აღმოსავლეთის ისტორიიდან, 1957, გვ. 129.

² იხ. Сиасет-наме. Книга о правлении вазира XI столетия Низам ал-Мулька, перевод профессора В. И. Заходера. М.—Л., 1949 გვ. 166—167.

³ ვ. გაბაშვილი, დასახელებული ნაშრომი, გვ. 125.

⁴ А. Якубовский, Селджукское движение и туркмены в XI веке, Известия АН СССР, отдел общественных наук, 1937, № 4, გვ. 945; შდრ. ვ. გაბაშვილი, დასახელებული შრომა, გვ. 125.

⁵ ქართლის ცხოვრება, დასახელებული გამოცემა, გვ. 306.

⁶ იქვე.

⁷ იქვე.

საც ბევრი უბედურება შეამთხვია, უძლური აღმოჩნდა თურქ-სელჯუკთა წინააღმდეგ ბრძოლაში. მან, რომელსაც ქრისტიანული სამყაროს დამცველად მოჰქონდა თავი, თურქთა შემოტევას ვერ გაუძლო, XI საუკუნის 70-ანი წლების პირველ ნახევარში აღმოსავლეთი დატოვა და ვერაგი მტრის პირისპირ ამიერკავკასიის ქვეყნები მართონი აღმოჩნდნენ.

ქართველი მემკვიდრის გადმოცემით, ვინაიდან ბიზანტიელთა გაქცევის შემდეგ თურქმანები „მეზობლობით მოეახლნეს საზღვართა ჩუენთა, განმრავლდა შიში და ჰირი მათგან ჩუენ ზედა. რამეთუ იწყეს მიერთგან რბევად. ტყუენად და მოოჯრებად, წუად, სრვად და ტყუეობად ჩუენ ქრისტიანეთა“¹.

ნიზან ალ-მულქის „სისაეტ-ნამეში“ დაცული ცნობა იმის შესახებ, რომ თურქ-სელჯუკთა ცენტრალური ხელისუფლება თურქმანთა ბრბოების ირანიდან განსახლებაზე ზრუნავდა და ამ ბრბოებს საქართველოსაკენ ერეებოდა, ქართულ წყაროებშიც პოულობს დადასტურებას. დავით აღმაშენებლის ისტორიკოსის ცნობით, საქართველოში და მის საზღვრებთან თურქთა მოზღვაება იმდენად დიდი იყო, რომ მათი მნახველი იტყოდა: „ყოველი თურქობა ყოვლისა ქუეყანისა იქი არსო“. და არავისაგან მოსაგონებელი იყო ოდესცა მათი გასხმა ანუ ვნება, არცა თუ თვთ სულტანისაგან“².

დავით აღმაშენებლის თანამედროვე და, ალბათ, თურქთა მიერ საქართველოზე თავდატეხილი ბევრი უბედურების თვითმნახველიც, დავითის ისტორიკოსი სიტყვებსაც ვერ პოულობს იმ საშინელებათა წარმოსათქმელად, რაც თურქმანებმა მაშინ საქართველოს მოუტანეს. ერთ-ერთი თავდასხმის დროს, როდესაც „ქორონიკონი იყო სამასი“ (780+300=1080) თურქთა ბრბოები „მოეფინნეს პირსა ყოველსა ქუეყანისასა, ვითარცა მკალი“³.

მძარცველები აღმოსავლეთ და დასავლეთ საქართველოს ყველა კუთხეს მოედნენ. „მოისრა და ტყუე იქმნა ამათ ქუეყანათა (ე. ი. საქართველოს ცალკეულ მხარეთა — ე. კ.) მკვდრი ყოველი“⁴.

¹ დავით აღმაშენებლის ისტორიკოსი, ცხოვრება მეფეთმეფისა დავითისი, ქართლის ცხოვრება, დასახელებული გამოცემა, გვ. 318—319.

² იქვე, გვ. 332.

³ იქვე, გვ. 319.

⁴ იქვე.

მიუხედავად იმისა, რომ მემკვიდრე ქართველთა მიერ გაწეული დიდი წინააღმდეგობის შესახებ ახლა ბევრს არაფერს მოგვითხრობს, თურქმანებმა მაინც გაუითხადეა გაანადგურეს ქვეყანა. „მასვე ერთსა დღესა დაწუეს“ მაშინდელი საქართველოს დედაქალაქი „ქუთათისი“ და ცნობილი სავაჭრო ცენტრი „არტანუჯი და უდაბნონი კლარჯეთისანი“⁵.

თურქთა ბრბოებმა, — განაგრძობს ისტორიკოსი, — „მოჰამეს ქუეყანა და მოსწყუდეს, თუ სადა ვინ დარჩომილ იყო ტყეთა, კლდეთა, ქუაბთა და ჭურელთა ქუეყანისათა... ხოლო თუ ვინმე მთიულეთს ანუ სიმაგრეთა სადამე ვინ დაშთა კაცი, ზამთრისა სიფიცხითა, უსახლობითა და შიმშილითა ეგრეცა მოისრა“⁶.

ისტორიკოსის სიტყვით, საქართველოს არასდროს არ უნახავს ისეთი უბედურება, როგორც ახლა თურქ-სელჯუკებმა მოუტანეს მას. „არა იყო მათ ეამთა შინა თესვა და მკა: მოოჯრდა ქუეყანა და ტყედ გადაიქცა და ნაცვლად კაცთა მჭეცნი და ნადირნი ველისანი დაემკვდრნეს მას შინა. და იყო ჰირი მოუთმენელი ყოველთა ზედა მკვდრთა ქუეყანისათა, შეუსწორებელი და აღმატებული ოდესმე ყოფილთა სმენილთა და გარდასრულთა ოჯრებათასა“⁷.

ეკონომიურ განადგურებასთან ერთად ქვეყანა სისხლიდან იცლებოდა და ფიზიკურადც ნადგურდებოდა. გარდა ფიზიკურად ჯანსაღი ადამიანებისა, რომლებზედაც თურქთა ბრბოები ნადირობდნენ და ტყვეთა სახით მიჰყავდათ, „მოხუცებულნი არა შეწყალებულ იქმნეს, ხოლო ქალწულნი გინებულ, ჰაბუქნი დაკუეეთებულ (დასაჭურისებული — ე. კ.), ხოლო ჩჩვლნი მიმოტაცებულ“⁸ — წერს მემკვიდრე.

ყოველივე ზემოთ აღნიშნულის შემდეგ ძნელი არ არის იმის ახსნა, თუ რატომ შეიცვალა XI საუკუნის 40-ან წლებთან შედარებით XII საუკუნის 20-ანი წლებისათვის თბილისის მაჰმადიანთა და ქართველ ქრისტიანთა შორის ურთიერთდამოკიდებულება.

⁵ იქვე.

⁶ იქვე, გვ. 320.

⁷ იქვე.

⁸ იქვე.

როგორც ნათქვამი იყო, XI საუკუნის 60-ან წლებამდე თბილისელ მაჰმადიანთა და ქართველთა შორის ურთიერთობა გამწვავებული არ ჩანს. სამხრეთის მაჰმადიანურ სამყაროსაგან პოლიტიკურად დიდი ხნით ადრე ჩამოცილებული თბილისელი მაჰმადიანები ეკონომიურად და პოლიტიკურადაც ადგილობრივ ცხოვრებასთან იყვნენ შეზრდილ-დაკავშირებული. თბილისში მცხოვრები ხელოსანი და ვაჭარი, სულ ერთია, ქართველი იყო ის თუ არა, ერთი მიზნისათვის იბრძოდა: ვაჭრობა-ხელოსნობის თავისუფალი წარმოება სურდა და მიზნის მისაღწევად მეფეს თბილისში ეპატრიებოდა. მაგრამ ახალ პოლიტიკურ ვითარებაში მაჰმადიანებსა და ქართველებს შორის ურთიერთობა იცვლებოდა, რაც თბილისელ მაჰმადიანთა ორიენტაციასზეც სათანადო გავლენას ახდენდა.

ურთიერთობის გამწვავება თბილისში მცხოვრებ მაჰმადიანებსა და მკვიდრ ქართველებს შორის XI საუკუნის 60-ანი წლებიდან, ე. ი. თურქ-სელჯუკთა გამანადგურებელ ლაშქრობათა და უხეში ბატონობის დაწყების შემდეგ უნდა მომხდარიყო. ამიერიდან ქართველები ყველა მაჰმადიანში მტერს ხედავდნენ, სულ ერთია, ადრე მოსული იყო ის საქართველოში თუ ახლად, ვაჭარი იყო თუ მეციხოვნე, ან მომთაბარე. ამ გარემოებას დავით აღმაშენებლის ისტორიკოსის ცნობაც გვიდასტურებს. ის წერს, რომ როდესაც დავითმა თურქების წინააღმდეგ შეტევა დაიწყო „ამათ ესევითარათა ჰირთაგან შეიწრებულნი თურქმანნი და კულად ვაჭარნი განძელ-ტფილელ-დმანელნი წარვიდეს სულტანსა წინაშე“¹ და მას შეელა და დახმარება სთხოვესო.

აღნიშნულ ვაჭრებში მემატიანე იმ მაჰმადიან ვაჭრებს გულისხმობს, რომლებიც ადრე უნდა ყოფილიყვნენ დამკვიდრებულნი განძა-თბილის-დმანისში. ახალ პოლიტიკურ ვითარებაში ისინი თურქმან-მაჰმადიანებს უკავშირდებიან და, ამრიგად, ქართველებიც არა მარტო თურქ-სელჯუკებს, არამედ საქართველოში მყოფ ყველა მაჰმადიანს უცხადებენ ომს. ეს ომი მეტად მკაცრი იყო და, გასაგებია, შეშინებული თბილისელი მაჰმადიანები, თბილისზე ქართველების მოსალოდნელი შეტევის შემთხვევაში, თავდასაცავად ეშხადებოდნენ,

¹ „ქართლის ცხოვრება“, დასახელებული გამოცემა, გვ. 342.

თურქთა ბატონს დახმარებას სთხოვდნენ და, ამავე დროს, ქალაქსაც მას სთავაზობდნენ.

XI საუკუნის 80-ან წლებში, როდესაც თურქმანთა გამანადგურებელი თარეშის შედეგად საქართველოს დიდად გაუჭირდა, როგორც ცნობილია, გიორგი II სულთან მალიქ-შაჰის სასარგებლოდ ხარკი იკისრა. საქართველოს მეფე ფიქრობდა, რომ სულთანნი თურქმანების გამანადგურებელ თარეშს საქართველოში ბოლოს მოუღებდა, მაგრამ ამ ღონისძიებას არავითარი დადებითი შედეგი არ მოჰყოლია საქართველოსათვის. პირიქით, საქართველოს მეფემ სულთნის სასარგებლოდ ყოველწლიურად ხარკი იკისრა, ხოლო თურქთა გამანადგურებელი თარეში წინანდებურად გრძელდებოდა.

მემატიანის გადმოცემით „არავე დამშვდნა ქუეყანა, არცა-რა იქმნა ლზინება... რამეთუ ვითარმცა ვინ გამოთქუა თითოეულად, რომელ დღეთა ჩუენთა მოიწია ჰირი“¹.

თურქთა მიერ საქართველოზე თავდატეხილ უბედურებას ლაშა გიორგის დროინდელი მემატიანეც ადასტურებს. ის აღნიშნავს, რომ „ოდეს დიდმან დავით ტფილისი აიღო, ჰერეთი და კახეთი მოირთო, ციხეთა და ქალაქთაგან კიდე კაცი არსადა იყო“².

საკითხის მართებულად გადაჭრისათვის საჭიროა უფრო კარგად გარკვევა, თუ ვინ წარმოადგენდა მაშინდელი თბილისის მცხოვრებთა უმრავლესობას. როგორც აღვნიშნეთ, აკად. ივ. ჯავახიშვილი იმ მოსაზრებისა იყო, რომ მაშინდელი თბილისის „მოქალაქეთა შორის მაჰმადიანნი სჭარბობდნენ“³.

ამ მოსაზრების დასამტკიცებლად მკვლევარი აღნიშნავდა, რომ „ეს იმ სპარსულ და არაბულ სამოქალაქო ყოფა-ცხოვრების აღმნიშვნელ სიტყვებიდანაც მტკიცდება, რომელნიც ქართულ ენას შეუთვისებია“⁴.

თუმცა, ქართულ ენაში შემონახულ სპარსულ და არაბულ სამოქალაქო ყოფა-ცხოვრების აღ-

¹ „ქართლის ცხოვრება“, დასახელებული გამოცემა, გვ. 340.

² ლაშა გიორგის დროინდელი მემატიანე, ცხოვრება დემეტრე მეფისა, ქართლის ცხოვრება, დასახელებული გამოცემა, გვ. 365.

³ საქართველოს ეკონომიური ისტორია, I. 1907, გვ. 29. იქვე.

მნიშვნელოვან ტერმინებზე დაყრდნობით მხელითა მათ შინაგან თბილისში მაჰმადიანთა რიცხოვნობის უზიარებლობა დაედგინათ, მაგრამ წერილობითი წყაროები და სხვა მკვლევარნიც მხარს უჭერენ ივ. ჯავახიშვილის ამ მოსაზრებას და ყოველივე ეს ანგარიშგასაწეველ მიგვაჩნია.

ჯერ კიდევ არაბთა ბატონობის ხანაში გაცხოველებული სავაჭრო ურთიერთობა არსებობდა სამხრეთსა და ჩრდილოეთს შორის. ამ ორი მხარის ურთიერთდამაკავშირებელ მთავარ სავაჭრო გზებზე, რომლებიც დარუბანდისა და დარიალის უღელტეხილებს გადასერავდნენ, მრავალი სავაჭრო პუნქტი იყო. მათ შორის ერთ-ერთ უდიდეს პუნქტს თბილისი წარმოადგენდა და „ეპრობა აღებ-მიცემობას თბილისის მაჰმადიანი მოსახლეობა ეწეოდა ძირითადად“¹.

წყაროები გადმოგვცემენ, რომ თბილისის ეს მაჰმადიანი მოსახლეობა, ალბათ მათი რიცხოვნობის და პოლიტიკური უპირატესობის შედეგად, დიდად მძლავრობდა ქართველი მოსახლეობის მიმართ, რის გამო XII საუკუნის დასაწყისში თბილისელ მაჰმადიანებსა და ქართველებს შორის ძალზე გამწვავებული და მტრული ურთიერთობა ყოფილა.

დავით აღმაშენებლის ისტორიკოსი წერს, რომ როდესაც თბილისი ჯერ კიდევ მაჰმადიანთა ხელში იყო და „არა სრულად შემოყენებული იყო უღელსა ქუეშე მორჩილებისასა, ვითარცა აწ, არამედ სავსე იყო სისხლითა ქრისტიანეთათა: რამეთუ ოდესმე ყვიან ლავაი და თვნიერ მიზეზისაჲა მოსრნიან რაოდენნი პოვნიან ქრისტიანენი, ხოლო ოდესმე ქარავენსა თანა შემოყოლილთა თურქთა ზედა გასცნიან შემომავალ-გამომავალი ქრისტიანენი, და ტყუეობად და სიკუდილად მისცნიან, და ესრეთ ისრეოდა ქუეყანა მრავალყამ, რომელი-ესე ფრთად ეძვნებოდა სულსა დაეითისასა“².

როდესაც სელჯუკთა სახელმწიფოს დამშლელმა მოვლენებმა თავი იჩინა და ამ სახელმწიფოს პოლიტიკური მდგომარეობაც გართულდა, თურქთა მიერ განაწამებმა ქართველებმა რევანში დაიწყეს. ახლა საქართველოსა და მის საზღვრებზე მყოფი შევიწროებული მაჰმადიანები ურთიერთდამარებაში ეძებენ შევლას. არაბი ისტორიკოსის იბნ ალ-

ასირის ცნობის თანახმად, ქართველების მიერ შევიწროებულმა თურქებმა და „ქართველთა მოსაზღვრე მაჰმადიანებმა პირი შეკრეს, რომ მაჰმადიანთ ერთი-ერთმანეთის დახმარებით“ ქართველების წინააღმდეგ იბრძოლონ.

თბილისი მაჰმადიანთა ყველაზე უფრო ძლიერ დასაყრდენ პუნქტს წარმოადგენდა საქართველოში. ქართველი მემატიანე, როდესაც თურქთა ხელში მყოფ ციხე-სიმაგრეებსა და ქალაქებს ჩამოთვლის, პირველ ყოვლისა თბილისს ასახელებს და წერს, რომ „ვიდრე ამა ყამამდე ქალაქი ტფილისი, რუსთავი და სომხითი და ყოველი სამშვილდე და აგარანი თურქთა ჰქონდესო“³.

თბილისი რომ თურქთა ხელში იყო, ეს ცნობილი ფაქტია და მას მტკიცება არ სჭირდება. მაგრამ ზემოთ მოტანილი ცნობით ჩვენ გვინდა იმ მდგომარეობას გავუსვათ ხაზი, რომ თუ შედარებით ნაკლები მნიშვნელობის მქონე ქალაქები საქართველოში (რუსთავი, სამშვილდე და სხვ.) თურქებს გამაგრებული ჰქონიათ, ბუნებრივია, თბილისი ყველაზე უფრო შეუვალი იქნებოდა და ქართველებისათვის ყველაზე მეტი წინააღმდეგობა თბილისელ „თურქთა და მათთა ციხოვანთა“ უნდა გაეწიათ.

ამრიგად, როდესაც 1121 — 1122 წლებში თბილისელთა წინააღმდეგობის შესახებ არის საუბარი, ამ წინააღმდეგობის გამწვევ ძალებს შორის თბილისის თურქი მეციხოვნეებიც არის საგულებელი.

არაბი ისტორიკოსი იბნ ალ-ასირის ერთი ცნობა გვაფიქრებინებს, რომ ქართველები თბილისში თურქთა ძლიერ ძალას ხედავდნენ და ამ ძალისაგან საფრთხესაც მოელოდნენ. დიდგორის ომის ძღვევაჰოსილი გამარჯვებით დამთავრების შემდეგ, იმ ომისა, რომელშიაც მათე ურჩაელის ცნობის თანახმად თურქთა მხარეზე 400 ათასი კაცი იღებდა მონაწილეობას⁴, „ქართველებმა მაჰმადიანთა და-

¹ ივ. ჯავახიშვილი, ქართველი ერის ისტორია, II, 1948, გვ. 202.

² დავით აღმაშენებლის ისტორიკოსი, ცხოვრება მეფეთმეფისა დაეითისი, დასახელებული გამოცემა, გვ. 331.

³ იქვე.

⁴ Chronique de Matthieu d'Édessa (926—1186) avec la continuation de Grégoire le Prêtre, jusqu'en 1162, თარგმანი სომხურიდან ფრანგულად Ed'Dulacrier-ის მიერ, Paris, 1858, გვ. 304.

¹ მ. ლორთქიფანიძე, ფეოდალური საქართველოს გაერთიანების საკითხისათვის, დასახელებული „შრომები“, გვ. 439.

² ქართლის ცხოვრება, დასახელებული გამოცემა, გვ. 349.

მარცხებული და ოტებული ლაშქრის უკან დევნას თავი დაანებეს და ქალაქ თბილისს გარემოერტყნენ¹.

დამარცხებული და გაქცეული მტრის დევნაზე და მის საბოლოო განადგურებაზე თბილისელთა შიშით ხელის აღება იმის შედეგი უნდა იყოს, რომ თბილისში მოწინააღმდეგეთა დიდი ძალა ეგულეზოდა ქართველებს. იქნებ ისინი ქართველებს რაღაც საფრთხეს უშზადებდნენ და ამიტომ ქართველებმა დასწრება ამჯობინეს.

ახლად ომგადახდილმა ქართველებმა თბილისს ალყა შემოარტყეს. ქართველი ისტორიკოსის გადმოცემით „მეორესა წელსა აიღო მეფემან (დავითმა — ვ. კ.) ქალაქი თბილისი... ოთხას წელ ქონებული სპარსთა², და დაუმკვდრა შვილთა თვსთა საჭურჭლედ და სახლად თვსად საუკუნოდ“³.

მემატიანე არაფერს მოგვითხრობს იმის შესახებ, თუ რამდენ ხანს გაგრძელდა ბრძოლა თბილისის ასაღებად. მისი სიტყვით დიდგორის ომის შემდეგ „მეორესა წელსა აიღო მეფემან ქალაქი ტფილისი, პირველსავე ომსა“⁴. უკანასკნელი სიტყვებიდან: „პირველსავე ომსა“, ისე გამოდის, რომ ქართველებმა თითქო ერთი შეტევით აიღეს თბილისი და ხანგრძლივი ბრძოლა არ უწარმოებიათ. მაგრამ თუ იგივე ქართველი ისტორიკოსისა და არაბი ისტორიკოსის იბნ ალ-ასირის ცნობებს ერთად განვიხილავთ, ნათელი გახდება, რომ თბილისის ალყა და ამ ქალაქის აღებისათვის ბრძოლა დიდხანს გაგრძელდებულა.

დავითის ისტორიკოსის ცნობის თანახმად დიდგორის ომი აგვისტოს თვის მეორე ნახევარში მომხდარა, როდესაც „ქორონიკონი იყო სამას ორმოცდაერთი“⁵ (780 + 341 = 1121). იბნ ალ-ასირის ცნობის თანახმად კი ამ ომში გამარჯვებულ ქარ-

თველებს დამარცხებული მტრის დევნა დიდხანს არ გაუგრძელებიათ, სასწრაფოდ დაბრუნებულან და თბილისისათვის ალყა შემოურტყამთ. ხოლო დავითის ისტორიკოსის ცნობით, როდესაც ქართველებმა თბილისი აიღეს „ქორონიკონი იყო სამას ორმოცდაორი“ (780 + 322 = 1122).

ამრიგად, ქართველი და არაბი ისტორიკოსების ეს ცნობები გარკვევით გადმოგვცემენ, რომ თბილისისათვის ბრძოლა დიდხანს გაგრძელებულა. ის 1121 წლის აგვისტოს ახლო ხანს დაწყებულა და 1122 წელს ქართველთა მიერ თბილისის განთავისუფლებით დამთავრებულა. ეს გარემოება, თბილისის განთავისუფლებისათვის ქართველების მიერ ჩატარებული ხანგრძლივი ბრძოლა, იმას მოწმობს, რომ დავით აღმაშენებელი და მისი ლაშქარი თბილისელთა დიდ წინააღმდეგობას წაწყდომიან.

ამ დიდი წინააღმდეგობის შედეგი უნდა ყოფილიყო ისიც, რომ, არაბი ისტორიკოსის შემსუდღინ-იუსუფი, ანუ სიბტ-იბნ-ალ-ჯაუზუს გადმოცემით, როცა დავითმა თბილისი აიღო, გაჯავრებულ გულზე ქალაქი არ დაინდო⁶. დავით აღმაშენებელმა თბილისის აღების პირველ დღეებში „ქალაქი თავის ლაშქარს მიანება საქარცეავად და თვითონ მაჰმადიან მფლობელებს, რაკი მათ ქალაქი უბრძოლველად არ მისცეს, სასტიკად გაუსწორდა“⁷.

მათე ურჰაელის ცნობის თანახმად, როგორც კი აიღო დავით აღმაშენებელმა ქალაქი თბილისი, ის საშინელი სიმკაცრით მოეპყრო მოწინააღმდეგეებს. ხუთასი კაცი მოკლა წამებით და სისხლის მორევი დააყენა⁸.

ქართველთა ასეთი სიმკაცრე თბილისელ თურქ-მაჰმადიანთა მიმართ, ბრძოლის გარკვეულ ეტაპზე, სრულიად ბუნებრივ მოვლენას წარმოადგენდა. მაგრამ როდესაც ქართველთა გამარჯვება უზრუნველყოფილი იყო და მტერი საფრთხეს აღარ ქმნიდა, საქართველოში მყოფ თურქებოსადმი საქართველოს ხელისუფლების დამოკიდებულება უნდა შეცვლილიყო და ეს ასეც მოხდა.

¹ ი. ვ. ჯავახიშვილი, ქართველი ერის ისტორია, II, 1948, გვ. 204.

² საყურადღებოა, რომ ამ მოვლენის მოთხრობის დროს ქართველი ისტორიკოსის მსგავსად სომეხი ისტორიკოსი მათე ურჰაელიც სპარსთა ხელში ქონებულად თვლის თბილისს. ის წერს, რომ „David enleva Deph'khis (თბილისი) aux Perses“ (Chronique de Matthieu d'Edesse, დასახელებული გამოცემა, გვ. 305).

³ ცხოვრება მეფეთ-მეფისა დავითისი, დასახელებული გამოცემა, გვ. 342.

⁴ იქვე.

⁵ იქვე, გვ. 340.

⁶ იქვე, გვ. 342.

⁷ ი. ვ. ჯავახიშვილი, საქართველოს ეკონომიური ისტორია, I, 1907, გვ. 19.

⁸ დ. გვრიტიშვილი, შ. მესხია, თბილისის ისტორია, 1952, გვ. 46.

⁹ Chronique de Matthieu d'Edesse დასახელებული გამოცემა, გვ. 305.

დავით აღმაშენებელმა თბილისელ მაჰმადიანთა მიმართ მკაცრი დამოკიდებულების კურსი მალე შესცვალა და მთელ თავის სიცოცხლეში თბილისსა და მაშინდელი საქართველოს სხვა ქალაქებში მოსაქმე მაჰმადიანთა მიმართ მზრუნველობას იჩენდა. მაჰმადიანებისადმი ასეთ დამოკიდებულებას საქართველოს მეფეს არა თურქთა შეწყალება-სიბრალული, არამედ საკუთარი ინტერესები უქარნახებდა. როდესაც ქართველებმა თბილისი გაანთავისუფლეს, ალებ-მიცემობასა და ხელოსნობას იქ უმთავრესად მაჰმადიანი მოსახლეობა აწარმოებდა. დავით აღმაშენებელი კი, რომელიც ვაჭრობა-ხელოსნობისა და საქალაქო ცხოვრების განვითარებისადმი დიდ მზრუნველობას იჩენდა, ამ დარგის მოსაქმე ხალხსაც ხელს უწყობდა და ამდენად, მაჰმადიან მოსახლეობასაც მფარველობდა.

ზემოთ აღნიშნული გარემოება იმას არ ნიშნავს, რომ XII საუკუნის საქართველოს მთავრობა ქრისტიანი და მაჰმადიანი მოსახლეობისადმი თანაბარ დამოკიდებულებას იჩენდა. ისე როგორც ხშირად მაჰმადიანი მმართველები მათ სამფლობელოში მყოფი ქრისტიანი მოსახლეობის მიმართ, საქართველოს მთავრობაც საქართველოს სახელმწიფოს ფარგლებში მყოფი მაჰმადიანების მიმართ, ჩანს, განსხვავებული დამოკიდების კურსსაც ატარებდა. მაჰმადიან მოსახლეობას ქრისტიანებისაგან ანსხვავებდა.

თუ სომეხ ისტორიკოსს მხითარ გოშს დავუჯერებთ, რომელიც XII — XIII საუკუნეთა მიჯნაზე მოღვაწეობდა, საქართველოს სამეფოში მყოფ, ძალად დამორჩილებული მაჰმადიანებისათვის განსაკუთრებული „უსჯულოთა“ სულადი გადასახადი ყოფილა დაწესებული¹.

¹ С. Еремѣи, დაახელებული შრომა, გვ. 64.


ამრიგად, ზემოთ მოტანილი მოკლე მიმოხილვიდან ჩვენ შემდეგ დასკვნაზე მივდივართ:

1. თურქ-სელჯუქთა აუტანელმა ბატონობამ ქართველებსა და მაჰმადიანებს შორის ურთიერთობის უალრესი გამწვავება გამოიწვია. განმათავისუფლებელ ბრძოლაში ქართველების წარმატებებმა, საკუთარი თვითმმართველობის მქონე და დამოუკიდებლობის შენარჩუნებით დაინტერესებულ თბილისელთა წინაშე ალტერნატივის საკითხი დასვა. თბილისის მაჰმადიანმა მოსახლეობამ გამოსავალი მაჰმადიანთა ძალებთან გაერთიანებაში დაინახა და, როგორც დროებითი ზომა, თურქთა სულტნისათვის თბილისის გადაცემა სცადა.


2. ბრძოლა, რომელსაც 1121 — 1122 წლებში თბილისელები აწარმოებდნენ, ორბუნება იყო. ის გარდა სოციალური შინაარსისა, სხვა ხასიათის პოლიტიკური ბრძოლის შინაარსსაც ატარებდა. ამ ბრძოლის სოციალური მხარე პროგრესული იყო, ხოლო მისი მეორე მხარე საქართველოსათვის პროგრესულობას ვერ დაიჩემებდა და ის რეაქციული იყო.

3. ძლიერი წინააღმდეგობა, რომელიც თბილისის განთავისუფლების დროს ქართველებს შეხვდათ, თბილისის „მოქალაქეებსა“ და მათ თვითმმართველობას მართლ არ შეეძლოთ. უკანასკნელებთან ერთად თბილისში მყოფი თურქ-სელჯუქთა მეციხოვნე თუ სხვა სახის შეიარაღებული ძალებიც იბრძოდნენ. ეს გარემოება და თბილისელთა მიერ ამ ბრძოლაში თურქთა სულთნის გამოყენების ცდა იყო მათი ბრძოლის რეაქციული მხარე.





ფუნქციონირის ზედა სადგური



აპაკი სურბულაძე

განახლებული თბილისი

XIX საუკუნის დამდეგიდან ქართველი ხალხისა და მისი დედაქალაქის თბილისის ისტორიაში ახალი ეპოქა იწყება. გარედან დამლუპველ შემოსევათა და შინაგან ფეოდალურ უთანხმოებათა შედეგად დაუძღურებული საქართველო 1801 წელს რუსეთს შეუერთდა. მიუხედავად იმისა, რომ მაშინ რუსეთს მეფე და მემამულეები ბართავდნენ და რუსეთის იმპერიაში მოსახლე ხალხები მწვავე სოციალურ და კოლონიურ ჩაგვრას განიცდიდნენ, საქართველოს რუსეთთან შეერთებას ქართველი ხალხის ეკონომიურ, პოლიტიკურ და კულტურულ ცხოვრებაში უდიდესი პროგრესული მნიშვნელობა ჰქონდა.

რუსეთთან შეერთებით ქართველმა ხალხმა არა მარტო აიცილინა თავიდან ბატონობა ირან-ოსმალეთისა, რომლებიც მარქსისა და ენგელსის დახასიათებით „...ფეოდალიზმის ყველაზე დაბალ და ბარბაროსულ სტადიაზე იდგნენ“ და საშიშარ ასიმილატორებს წარმოადგენდნენ, არამედ დაიმკვიდრა მშვიდობა და მყუდროება, მოიშუშა ჭრილობები, კაპიტალისტური ურთიერთობის განვითარებისათვის გზები გაიკაფა და ეკონომიურ მოლონიერებასთან ერთად წინ წასწია თავისი კულტურა.

საქართველოს შეერთებით, როგორც ცნობილია, რუსეთმა შექმნა ხელსაყრელი პლაცდარმი, რომელიც მას დიდად უწყობდა ხელს აღეკვეთა ის აგრესიული ღონისძიებანი, რომლებსაც რუსეთისა და ამიერკავკასიის წინააღმდეგ ახორციელებდნენ ირანი, ოსმალეთი და მათ ზურგს უკან მდგომი ინგლისისა და საფრანგეთის რეაქციული მმართველი წრეები.

ირანთან და თურქეთთან ომებში რუსეთის მიერ მოპოვებულმა წარმატებებმა საგრძნობლად დაასუსტეს ეს სახელმწიფოები, ჩაშალეს დასავლეთ ევროპის ბურჟუაზიულ სახელმწიფოთა გეგმები ამიერკავკასიის რუსეთიდან ჩამოცილების და მიტაცებისა და, ამრიგად, თავიდან ააცილეს საქართველოს ის დიდი საფრთხე, რომელიც მას საუკუნეთა მანძილზე ემუქრებოდა და ფიზიკურ გაქრობას უქაღდა. გადაიღვა დიდმნიშვნელოვანი ნაბიჯები საქართველოს ისტორიული საზღვრების აღდგენის გზაზე. თბილისი კავკასიაში გაშლილი სამხედრო ოპერაციების ცენტრს წარმოადგენდა. აქ იყო მთავარმართებლის რეზიდენცია, არმიის შტაბი. თბილისში ხდებოდა ირან-თურქეთის მონობისაგან ამიერკავკასიის საბოლოოდ განმთავისუფლებელ ძალთა კონსოლიდაცია.

რუსეთთან შეერთებას მოჰყვა საქართველოს ეკონომიური ცხოვრების სწრაფი აღმავლობა. რუსეთთან შეერთებამდე აგრესიული გარემოცვის რაკლში მოქცეული საქართველოს ეკონომიკა მსოფლიო მეურნეობიდან განზე იდგა და ირან-ოსმალეთისა და ლეკთა განუწყვეტელი შემოსევებისა და ქართველი თავადაზნაურების თავაშვებული პარტიკულარული მისწრაფებების ვითარებაში მხოლოდ ნგრევას განიცდიდა. განუწყვეტელი ომებისა, შიმშილობისა და ეპიდემიების შედეგად მოსახლეობის რიცხვი მკვეთრად შემცირებული იყო. მარტო 1783—1801 წლებში საქართველოში მოსახლეობის რიცხვი 61 ათასი ოჯახიდან 35 ათას ოჯახამდე შემცირდა, 1803 წლისათვის თბილისის მოსახლეობა 1900 კომლს არ აღემატებოდა.

რუსეთთან შეერთების შემდეგ კი დიდი ქართველი მწერლის ილია ჭავჭავაძის სიტყვებით რომ ვთქვათ „დამშვიდდა დიდი ხნის დაუმშვიდებელი, დაღალული ქვეყანა, დაწყნარდა აკლებისა და აოხრებისაგან, დაცხრა ომისა და ბრძოლებისაგან. დაღუპდა ჯღერა ხმლისა და მახვილისა, მტრისა ხელით მოღერებულისა ჩვენზე და ჩვენს ცოლშვილებზე, გაქრა ცეცხლი, რომელიც სწვავდა და ჰბუგავდა ჩვენს მამაპაპათა ბინას, ჩვენს საცხოვრებელს, გათავდა რბევა და აკლება, მიეცა წარსულს და მარტო საშინელ და შემადრწუნებელ სახსოვრადღა დარჩა“. მშვიდობიანმა პირობებმა შექმნეს ხელსაყრელი ვითარება სამეურნეო ცხოვრების აღმავლობისათვის. საქართველო XIX საუკუნემდეგადან რუსეთის მოწინავე, კაპიტალისტური ურთიერთობის გზით მიმავალი ეკონომიური ცხოვრების ფერხულში ჩაება. „რუსეთის კაპიტალიზმი, — წერდა ვ. ი. ლენინი — კავკასიას ითრევდა საქონლის მსოფლიო ბრუნვაში, ანიველირებდა მის ადგილობრივ თავისებურებებს — ძველებური პატრიარქალური კარჩაკეტილობის ნაშთს, — ჰქმნიდა ბაზარს თავისი ფაბრიკებისათვის“¹.

მშვიდობიანი ცხოვრებისა და აზიური კარჩაკეტილობიდან თავის დაღწევის ვითარებაში თბილისის სამეურნეო-ეკონომიური წინსვლის ფართო გზები დაისახა. ცალკეულ კუთხეთა შორის ფეოდალური პარტიკულარიზმის მოსპობა და ნატურალური კარჩაკეტილობის რღვევა, ქვეყანაში სასა-

ქონლო-ფულადი ურთიერთობის გაჩაღება, ინტენსიურ მეურნეობათა წამოწყება სოფლად, შრომის საზოგადოებრივი დანაწილების ზრდა ამრავლებდა ქალაქის მოსახლეობას, 1851 წელს თბილისში უკვე 56 ათასი კაცი ცხოვრობდა. მომრავლდნენ საეპრო-სახელოსნო დაწესებულებანი, მანუფაქტურული საწარმოები. 1808 — 1809 წლებში თბილისის უკვე 900-ზე მეტი საეპრო დუქანი ჰქონდა ქალაქში ამუშავდა საპნის სახარში, ტყავის, შაქრის ქარხნები, ბამბის, თამბაქოს და აბრეშუმსაქსოვი ფაბრიკები და სხვ.

XIX საუკუნის 50 წლების მიწურულისათვის თბილისში უკვე მოქმედებდა 100-ზე მეტი ფაბრიკა-ქარხანა, რომლებშიც 1 200-მდე კაცი მუშაობდა. 1821 წლიდან უცხოურ საქონელზე ბაყის შემცირებამ და ევროპული საქონლის თავისუფალი ტრანზიტის კანონმა და რუსეთის საეპრო კაპანიების დაარსებამ თბილისში, დიდად შეუწყვეს ხელი ვაჭრობის განვითარებას. თბილისელი ვაჭრები სისტემატურა სტუმრები გახდნენ ნიენინოვგოროდის იარმარკისა, მარსელის, ტრიესტის, ლაიპციგის ბაზრებისა. საფრანგეთის კონსული გამბა XIX საუკუნის 20-ან წლებში თბილისის შესახებ წერდა: „Иногда в Тифлис в один и тот же день приезжают негоцианты из Парижа, вурьеры из Петербурга, вупцы из Константинополя, англичане из Калькутты и Мадрасса, армяне из Смирны и ездцы и узбеки из Бухары, так как этот город может похвастаться главным уяловым пунктом между Европой и Азией“.

1848 წელს მოსკოველი და ივანოველი მეფაბრიკების მიერ თბილისში დაარსებულ იქნა „ამიერკავკასიის საცალო ვაჭრობის საზოგადოება“. 1854 წელს თბილისის მსხვილი ვაჭრები იცნეს „რუსეთის იმპერიის შთამომავლობით საპატიო მოქალაქეებად“.

საქართველოს რუსეთთან შეერთების შემდეგ დაისახა თბილისის კულტურული წინსვლის ფართო გზები. ეკონომიურად დაწინაურებულ დედაქალაქში ეროვნული კულტურის ყლორტებმა კვლავ იწყეს აღმოცენება და გაფურჩქვნა. შეიქმნა სასწავლო ქსელი. 1804 წელს თბილისში გაიხსნა პირველი ორკლასიანი სათავადაზნაურო სასწავლებელი. 1845 წლისათვის კი ქალაქში არსებობდა ვაჟთა გიმნაზია, 2 სასულიერო სემინარია, „ამიერ-

¹ ვ. ი. ლენინი, თხზ., ტ. 3, გვ. 704.

კავკასიის ქალთა ინსტიტუტი“, 8 დაწეებითი სკოლა და 4 კერძო პანსიონი. 1819 წელს თბილისში გამოიცა „ქართული გაზეთი“ 50-ანი წლების მიწურულისათვის კი გამოდიოდა გაზეთები „კავკაზი“, ხოლო შემდეგ „დროება“, „ობზორი“, ჟურნალი „ცისკარი“ და სხვ. მოპრავლდა კულტურულ-საგანმანათლებლო დაწესებულებანი—შეიქმნა რუსული და ქართული თეატრ, გაიხსნა იტალიური ოპერა, დაარსდა საჯარო ბიბლიოთეკა. რუსეთის გეოგრაფიული საზოგადოების კავკასიის განყოფილების, სოფლის მეურნეობის კავკასიის საზოგადოების, სახელმწიფო მუზეუმის, მეტეოროლოგიური ობსერვატორიისა და სხვათა სახით თბილისში შეიქმნა სამეცნიერო-კვლევითი მუშაობის კერაც.

ასეთ პირობებში დედაქალაქში მიმდინარეობდა სწრაფი კონსოლიდაცია ეროვნული ინტელიგენციისა. XIX საუკუნის პირველი ნახევრის ქართული კულტურის უბრწყინვალესმა წარმომადგენლებმა — ალექსანდრე ჭავჭავაძემ, გრიგოლ ორბელიანმა, ნიკოლოზ ბარათაშვილმა, სოლომონ დოდაშვილმა, ვახტანგ ორბელიანმა, გიორგი ერისთავმა და სხვებმა, რომლებიც თბილისში მოღვაწეობდნენ, ახალი მარგალიტები შესძინეს ისტორიულად მდიდარ ქართულ ლიტერატურას. ალექსანდრე ჭავჭავაძისა და მანანა ორბელიანის სალონები XIX საუკ. 30 — 40 წლებში წარმომადგენდნენ შემოქმედებითი დღეილის კერებს, სადაც ხდებოდა ეროვნულ-განმათავისუფლებელი იდეების გაფურჩქვნა.

ცნობილია, რომ მრავალი რუსი მოხელე კავკასიას გადასახლების ადგილად თვლიდა. ბევრიც აქ გამდიდრების მიზნით მოემგზავრებოდა. ეს ყოყოჩი და ეროვნული ტრადიციების შეურაცხმყოფელი ჩინოსნები ქართველი ხალხისაგან განზე იდგნენ და მას ქედმაღლურად, მტრულად ექცეოდნენ. მაგრამ თბილისი გულუხვი და საყვარელი მასპინძელი იყო რუსეთის იმ საუკეთესო შეილებისა, რომელთაც ცარიზმი თავისუფალი აზრებისათვის სდევნიდა. თბილისში გაატარა თავისი ცხოვრების საუკეთესო წლები დიდმა რუსმა პოეტმა ალექსანდრე გრიბოედოვმა, რომლის საფლავს მთაწმინდის პანთეონში ახლაც ამშვენებს მისი მეუღლის ნინო ჭავჭავაძის თბილი წარწერა: „Ум и душа твои бессмертны в памяти русской, но для чего пережила тебя любовь моя“. ცარიზმის ველური კოლონიური რეჟიმისადმი ზიზ-

ლით გამსქვეალული გრიბოედოვი ნამდვილი მეგობარი იყო კავკასიელი ხალხებისა. მისი ტრანტი-ყოველთვის ბრწყინავდა ა. ჭავჭავაძის სალონში. თბილისში დაწერა გრიბოედოვმა თავისი უყვდავი პოემის პირველი აქტები და ქართულ თემებზე შექმნილი რამდენიმე ბრწყინვალე ლექსი და პოემა. თბილისისათვის არაჩვეულებრივ ზეიმად იქცა გენიალური რუსი პოეტის ალექსანდრე პუშკინის სტუმრობა 1829 წელს. ორი კვირა დაჰყო ა. პუშკინმა თბილისში, ახლო გაეცნო თბილისის მოწინავე საზოგადოებას და გულწრფელად შეიყვარა იგი. 1837 წელს თბილისის ეწვია მგზნებარე პოეტი მ. ი. ლერმონტოვი, რომელიც, როგორც ცნობილია, პუშკინის მოკვლის გამო დაწერილი ლექსისათვის, ნიკოლოზ I-მა კავკასიაში გადაასახლა. პოეტი ცხოვრობდა სოლოლაქში მის ნათესავ ახვერდოვებთან და ახლო ურთიერთობა ჰქონდა ქართველ მოღვაწეებთან. თბილისში დასწერა თავისი ცნობილი „ბავშვობა“ გენიალურმა ლექტორსტომ. ლიტერატურულ სალონებში შინაურულად ითვლებოდნენ ცარიზმის მიერ კავკასიაში გადასახლებული დეკაბრისტები: რაევსკი, ოდოევსკი, სუხორუკოვი, ბესტუჟევი-მარლინსკი, ბურცევი და სხვები. მათი მშფოთვარე, თავისუფლების მოყვარე სულისკვეთება ესისხლხორცებოდა პატრიოტ ქართველ მოღვაწეთა ეროვნულ განმათავისუფლებელ იდეალებს. კავკასია ხომ ბევრი რუსი მწერლისათვის, როგორც ბელინსკი აღნიშნავდა, წარმომადგენდა შთაგონების უშრეტ წყაროს. რუსეთის რევოლუციურ-დემოკრატიული კულტურის ამ დიდი წარმომადგენლების სტუმრობა თბილისში ხელს უწყობდა არა მარტო ქართველი ხალხის გათვითცნობიერებას და განვითარებას, არამედ ამტკიცებდა რუსი და ქართველი ხალხების ტრადიციულ მეგობრობას, ჰქმნიდა და აფართოებდა რუსეთის ცარიზმის სოციალური და კოლონიური ჩაგვრისაგან ხალხთა განთავისუფლების საერთო ფრონტს.

თბილისი, როგორც ამიერკავკასიის კულტურული ცენტრი, თავისკენ იზიდავდა საქართველოს მოძმე ხალხთა საუკეთესო შეილებს. თბილისში ცხოვრობდა და მოღვაწეობდა აზერბაიჯანელი ხალხის დიდი განმანათლებელი რევოლუციონერ-დემოკრატი მირზა-ფატალი ახუნდოვი, პოეტი მირზა-შაფი ვაზეხი, ისტორიკოსი ბაკინანოვი, ახალი

სომხური ლიტერატურის ფუძემდებელი განმანათლებელი და რევოლუციონერ-დემოკრატი ხაჩატურ აბოვიანი, ბურჟუაზიული განმანათლებელი სტეფანოს ნაზარიანი, პოეტები და მწერლები გაბრიელ სუნდუკიანი, შირვან ზადე, ოვანეს თუმანიანი და მრავალი სხვ., რომელთაც ახლო მეგობრული ურთიერთობა ჰქონდათ ქართველ მოღვაწეებთან. მათ ერთნაირად აღანთებდათ კავკასიის ხალხების სოციალური და კოლონიური ჩაგვრისაგან გათავისუფლებისათვის ბრძოლა.

თბილისში ამ დროს მრავალი უცხოელი მოდიოდა, რომელთაც უმთავრესად ქალაქის აღმოსავლური ეკოტურობა იზიდავდა. ქალაქი მართლაც აზიური თავისებურობისა და ევროპული ცივილიზაციის ნარევეს წარმოადგენდა. „ქუჩებში საზანდარი თავისუფლად მღეროდა ქალაქურ მუსტაზადებს. ერთ მხარეს ჯამბაზი გადიოდა თოქზე, მეორე მხარეს ცნობილი აბელა იდგა ოჩოფეხებზე და ხალხს აცინებდა. პოლიცია, რომელიც შესდგებოდა ჯარში ნამყოფი ინვალიდებისაგან, ყურსაც არ იბერტყავდა ქალაქში წესრიგის დასაცავად, თვით ერევნის მოედნის შუაგულში კი გამართული იყო ბაზრობა“ (ი. გრიშაშვილი). ადრე დილიდან თბილისის ბაზრებისაკენ მოემართებოდნენ აქლემებისა და ჯორ-სახენდრების ქარავნები. ზელოსნური რიგებით გარშემორტყმულ ბაზრებში ერთდროულად გაისმოდა უროების ცემა, საბერველთა ქმინვა, ქართულ, სომხურ, რუსულ, ირანულ, ევროპულ ენებზე გამართული ხმამაღალი ვაჭრობა, აშუღების გამწვივანი სიმღერა, დოლის ბუბუნი. ღია ცის ქვეშ გამართულ მაყულებზე მწვადი შიშინებდა. ქარვისფერი ყურძნის, მწიფე ნესვების და ატმების სურნელება, ღვინის რუმბებთან თავმოყრილი შეზარხოშებული ჩოხოსნების ლეკურ-ქართული, — ყველაფერი ეს ათრობდა და აბრუებდა ადამიანს. საღამოს ბაზრის ქოთქოთი მიწყნარდებოდა. ახლა სახლის ბანზე გამოეფინებოდნენ ქალიშვილები და რიტმული ქართული ცეკვები გაჩაღდებოდა. ქალაქის ბაღებში კი ქეიფობდნენ ყარაჩოხელები, რომლებიც შემდეგ გგუფ-გგუფად ჩაუვლიდნენ ქუჩებს და თავიანთი გულის მურაზებზე სახელდახელოდ შეთხზულ ლექსებს მღეროდნენ. თბილისის ამ მომხიბვლელ საღამოებზე წერდა მ. ი. ლერმონტოვი:

„Уж за горн дремучю
Погаз вечерний луч.
Едва струей гремячо
Сверкает жарский ключ.
Сады благоуханнем
Наполнились живым,
Тифлис об'ят молчанием.
В ущелье мгла и дым.
Внизу огни дозорного
Лишь на мосту горят
И колокольный чорычо
Как сторожки стоят.
И постульку песмелюю
Из башь со всех сторон
Выходят цепью белою
Чоты грузинских жем“,—

დიდად მიმზიდველ სანახაობას წარმოადგენდა კვირა დღეობით ავლაბარსა და შუა ბაზართან გამართული მუშტი-კრივი, რომელშიც მონაწილეობას იღებდნენ უბნებად დაყოფილი მამაკაცები. ეს იყო ნამდვილი ფიზიკური ვარჯიშობა. გარდა ამისა, ყოველწლიურად, ზაფხულში ეწყობოდა სახალხო გრანდიოზული გასართობი — ყეენობა (კარნავალი).

მაგრამ ქალაქის ახალ, აღმინსტრაციულ ნაწილში სხვაგვარი ცხოვრება მკვიდრდებოდა. აქ უკვე კომუნიობდნენ ბრჭყვიალა ეპოლეტიზმის ოფიცრები, სერთუკიანი მოხელეები, ევროპულ მოდაზე გამოწყობილი მანდილოსნები, დაქროდნენ ექვნიანი ეტლები. რუსულ—ფრანგულ—ქართული ერთმანეთში ირეოდა. საღამოობით, გაიჩრადნებულ დარბაზებში ეღერდა ვალსი და მახურკა. თბილისში ნელნელა იკიდებდა ფეხს ახლებური, ცივილიზაციის ყოფა. 1851 წელს ლევ ტოლსტოი ერთ კერძო წერილში აღნიშნავდა, რომ „Тифлис очень цивилизованный город, очень подражающий Петербургу, и это ему хорошо удается. Общество набранное и довольно многочисленное. Есть русский театр и итальянская опера...“

XIX საუკ. 60 — 70 წლების ბურჟუაზიულმა რეფორმებმა რუსეთში ხელი შეუწყვეს კაპიტალიზმის სწრაფ განვითარებას. იგივე ობიექტური პროცესები, რომლებმაც რუსეთში გამოიწვიეს ბატონყმობის გაუქმების აუცილებლობა, საქართველოშიც მომწიფდნენ. კაპიტალისტური ურთიერთობის გზით საქართველოს ეკონომიური განვითარება და გლეხთა ანტიბატონყმური აჯანყებები

1. Л. Толстой, Письма, 1910, გვ. 18.

ქართველ თავადაზნაურებსა და მის მფარველ ოკოპირებლებსა: აიძულებდნენ საქართველოშიც გაეტარებინათ გლენთა „გათავისუფლების“ კანონი.

რეფორმის შემდეგ კაპიტალიზმის განვითარება საქართველოშიც სწრაფი ტემპებით წავიდა წინ. რუსეთის კაპიტალიზმმა გაიკაფა რა გზა განაპირა ოლქებში, ეს მხარეები ნედლეულის წყარობად და გასაღების ბაზრად გადააქცია. ამიერკავკასიის სწრაფი ეკონომიური ათვისების მიზნით ცარიზმმა, რომელსაც კაპიტალისტური განვითარების აუცილებლობა უკვე თავის სურვილებისამებრ ათამაშებდა, დაიწყო რკინიგზების გაყვანა ამიერკავკასიაში. 1872 წელს გაიხსნა სარკინიგზო მიმოსვლა თბილისსა და ფოთს შორის. 1883 წელს დამთავრდა ამიერკავკასიის რკინიგზების მთავარი მაგისტრალის — ბაქო — თბილის — ბათუმის მშენებლობა. ამიერკავკასიის სამრეწველო ცენტრები ერთმანეთს და რუსეთს მკიდროდ დაუკავშირდნენ.

რეფორმის შემდეგ ამიერკავკასიის სოფლებში მიმდინარე სწრაფმა სოციალურმა დიფერენციაციამ გლენობის დიდი ნაწილი სავსებით უმიწაწყლოდ დასტოვა. მიწისა და ბატონისაგან თავისუფალმა გლენობამ ლუკმა პურის საშოვრად ქალაქებს მიაშურა. მოსახლეობა თბილისში სწრაფად გაიზარდა. 1864 — 1865 წლებში თბილისში 71 ათასი სული ცხოვრობდა, 1901 წლისათვის ეს ციფრი 191,7 ათასამდე გაიზარდა.

ყოველწლიურად შესამჩნევი ხდებოდა თბილისის სამრეწველო განვითარება. 1870 წელს ამუშავდა ბამბის საქსოვი ფაბრიკა, რომლის მუშათა რაოდენობა 1872 წლისათვის 500-ს აღემატებოდა. მსხვილ საწარმოთა რიგს შეემატა ადელხანოვის ტყავის ქარხანა, რომელიც მაშინდელი ტექნიკის უკანასკნელი სიტყვით იყო აგებული. ადელხანოვის ტყავის ქარხანას მალე ფეხსაცმლის ფაბრიკაც დაემატა და მის საწარმოებში მუშათა რაოდენობა 500-მდე ავიდა. ჩითახოვის ბამბის ფაბრიკაში იდგა 300 საფეიქრო დაზგა, რომელთაც მოძრაობაში მოჰყავდათ 11 ათასი თითისტარი. თბილისში 80 — 90 წლებში ამუშავდნენ აგრეთვე თამბაქოს ფაბრიკები, ახალი მექანიკური სახელოსნოები, ფანერის, ხე-ტყის, აგურის, ზეთის სახდელი, საპნის სახარში, მინის, სპირტის, ლუდის, არყის და ღვინის

ქარხნები. 1900 წლისათვის ქალაქში აღრიცხული იყო 60-ზე მეტი საკმაოდ მსხვილი წარმოება.

თბილისის სამრეწველო ზრდისათვის განსაკუთრებული მნიშვნელობა ჰქონდა რკინიგზის მთავარი სახელოსნოების გახსნას, რაც გამოიწვია თბილისის გადაქცევამ ამიერკავკასიის რკინიგზების საკვანძო პუნქტად. რკინიგზის სახელოსნოებმა მუშათა დიდი რაოდენობა მიიზიდა. 1902 წლისათვის აქ უკვე 3000-ზე მეტი კაცი მუშაობდა. თბილისის ეს უმსხვილესი საწარმო მთელს საქართველოსა და ამიერკავკასიაში რევოლუციური მოძრაობის მძლავრ კერად იქცა.

თბილისის სამრეწველო ზრდა მიუხედავად ასეთი წინსვლისა, მნიშვნელოვნად ჩამორჩებოდა რუსეთის სამრეწველო ცენტრების ზრდის ტემპებს. ამასთანავე თბილისის ინდუსტრიული განვითარება უპირატესად ერთი მიმართულებით მიმდინარეობდა. მრეწველობის ისეთი წამყვანი დარგები, როგორცაა ლითონდამამუშავებელი, მანქანათმშენებელი, ელექტროტექნიკური, ქიმიური და სხვ. თბილისში ჩანასახ მდგომარეობაშიც კი არ არსებულა. თბილისის საწარმოები უპირატესად მსუბუქ მრეწველობას განეკუთვნებოდნენ და ამიერკავკასიის მოსახლეობის პირველი მოთხოვნილებების საგნებით ნაწილობრივი დაკმაყოფილებისათვის იყო ნაჯარაუდები. ცარიზმი, თანმიმდევრულად ახორციელებდა რა კოლონიური ჩაგვრის პოლიტიკას და იცავდა რა მეტროპოლისის ბურჟუაზიის ინტერესებს, განაპირა ამიერკავკასიაში მრეწველობის განვითარებას წინ ელოდებოდა.

სამაგიეროდ თბილისი პირდაპირ სავსე იყო წერილხელოსნური დაწესებულებებით. სტატისტიკური მონაცემებით 1900 წელს თბილისის ერთპიროვნულ კერძო მრეწველურ და სავაჭრო დაწესებულებებში დასაქმებული იყო 15.750 კაცი. ქალაქში აღრიცხული იყო 5000-მდე ხელოსანი (ოსტატი, ქარგალი, შეგირდი). მართალია, საფაბრიკო ნაწარმი ხელოსნურ პროდუქციას თანდათან სდევნიდა, მაგრამ X X საუკ. დასაწყისისათვის თბილისელი მკედლების, ხარაზების, მეჩექმეების, ყასბების, ბულების, კალატოზების, ზეინკლების, მკერავების, საბაზების, მკუპრავების, მესანთლეების და სხვ. ხელობას ჯერ კიდევ ფართო მოთხოვნილება ჰქონდა. საერთოდ რევოლუციამდელი თბილისისათვის დამახასიათებელი არ ყოფილა კაპიტალის-

ტური აღმავლობისა და კრიზისების მძლავრი რყევანი, მსხვილი აქციონერებას, ბირჟის მაკლერების აქტიურობა. იგი შედარებით მყუდრო ცხოვრებას ეწეოდა. ეს იყო ჩინოვნიკების, სახლთმფლობელების, წვრილი ხელოსნების, პოლიციელების ქალაქი. თბილისის თავისებურების ამ შტრიხზე მიუთითებდა ი. ბ. სტალინი, როცა წერდა: „მრეწველობის განვითარების მხრივ თბილისი ბაქოს პირდაპირ წინააღმდეგობას წარმოადგენს. თუ ბაქო საინტერესოა როგორც ნავთის მრეწველობის ცენტრი, თბილისი შეიძლება საინტერესო იყოს მხოლოდ როგორც კავკასიის ადმინისტრაციულ-სავაჭრო და „კულტურული“ ცენტრი. თბილისში სულ 20 ათასამდე მუშაა, ე. ი. ნაკლები, ვიდრე ჯარისკაცები და პოლიციელები... რუსეთის მუდამ ცოცხალი და მოუსვენარი ბაზრებისაგან სუსტი დამოკიდებულება თბილისს უძრავობის დაღს ასვამს...“ (ი. ბ. სტალინი, თხზ., ტ. 2, გვ. 200).

• • •

ბურჟუაზიულ ეპოქაში კიდევ უფრო გაიზარდა და თვალსაჩინო გახდა თბილისის, როგორც საქართველოს დედაქალაქის როლი საზოგადოებრივ-პოლიტიკურ ცხოვრებასა და ეროვნული კულტურის აღმავლობაში. თბილისი წარმოადგენდა ცენტრს იმ მძლავრ ეროვნულ-განმათავისუფლებელი მოძრაობისა, რომელმაც საქართველოში XIX საუკუნის 60 — 70-ან წლებში ფართოდ გაშალა ფრთები. ამ დროს თბილისში მოღვაწეობდნენ ქართველი ხალხის სასიქადულო შეილები ილია ჭავჭავაძე, აკაკი წერეთელი, ნიკო ნიკოლაძე, ალექსანდრე ყაზბეგი, იაკობ გოგებაშვილი, გიორგი წერეთელი, სერგი მესხი, ივანე მაჩაბელი და ეროვნულ-განმათავისუფლებელი მოძრაობის სხვა გამოჩენილი მესვეურები. თბილისის ხშირი სტუმარი იყო და აქ დაასრულა თავისი სიცოცხლე გენიალურმა ქართველმა პოეტმა ვაჟა-ფშაველამ. თბილისში მუშაობდა ქართული თეატრი, რომლის გარშემო შემოკრებილი იყვნენ სცენის სახელმძღვანელო ოსტატები: ლადო მესხიშვილი, ი. ზარდალიშვილი, ნ. გვარამია, ვ. გუნია, ტ. აბაშიძე, არადელი-იშხნელი, მ. საფაროვა, ა. ყალბაგეიშვილი და სხვები. თბილისის მუსიკალურ სასწავლებელში გაიზარდნენ ქართული ეროვნული მუსიკის კორიფეები: ზ. ფალიაშვილი, დ. არაყიშვილი, ნ. სულხანიშვილი,

ი. კარგარეთელი, ვანო სარაჯიშვილი. რევოლუციამდელ თბილისში ბრწყინვალე ტილოები შექმნეს თბილისელმა მხატვრებმა: ა. მრეველიშვილმა, გ. გაბაშვილმა, მ. თოიძემ, ნ. ფიროსმანიშვილმა, ლ. გუდიაშვილმა და სხვებმა.

თბილისს ხშირად ჩამოდიოდნენ სტუმრად რუსეთის ლიტერატურისა და ხელოვნების დიდი წარმომადგენლები. თბილისში დაიწყო დიდი რუსი მწერლის მ. გორკის შემოქმედება. თბილისში იზრდებოდა რუსული ოპერის გამოჩენილი მოღვაწე შალიაპინი, თბილისში გატარებულ დღეებს ყოველთვის სიამოვნებით იგონებდნენ: პ. ჩაიკოვსკი, ა. ოსტროვსკი, ა. ჩეხოვი, ი. რეპინი, ა. რუბინშტეინი, მ. ბალაქირევი, ვ. ვასნეცოვი, სუმბათაშვილი-იუჟინი, ნემიროვიჩ-დანჩენკო და სხვა. თბილისში ცხოვრობდა და მოღვაწეობდა გამოჩენილი უკრაინელი მწერალი რევოლუციონერ-დემოკრატი ლესია უკრაინკა. ბურჟუაზიულ ეპოქაში კიდევ უფრო განმტკიცდა ამიერკავკასიის შემოქმედებითი ძალების საბრძოლო თანამეგობრობა. ამ მეგობრობის ცენტრს თბილისი წარმოადგენდა. აქ მოღვაწეობდნენ გაბრიელ სუნდუკიანი, ოვანეს თუმანიანი, აკოვ აკოფიანი, ავეტიკ ისააკიანი, შირვან ზადე და სხვები.

თბილისი წარმოადგენდა საქართველოსა და ამიერკავკასიის ხალხოსნური მოძრაობის ცენტრს, ხოლო XIX საუკუნის 80 — 90-ანი წლებიდან, როცა საზოგადოებრივ ასპარეზზე გამოვიდა პროლეტარიატი, თბილისი კერა გახდა ამიერკავკასიის მარქსისტული ორგანიზაციებისა და ამიერკავკასიის მშრომელთა რევოლუციური მოძრაობის უმნიშვნელოვანეს ცენტრს წარმოადგენდა.

• • •

თბილისის პროლეტარიატის სუსტი, სტიქიური გაფიციები XIX საუკ. 70-ან წლებში რომ დაიწყო, 90-ანი წლების მიწურულისათვის მძლავრ ორგანიზებულ პროლეტარულ გაფიციებად იქცა, ხოლო XX საუკუნის დასაწყისიდან გასცილდა რა ფაბრიკა-ქარხნების კედლებს, ფართო პოლიტიკურ დემონსტრაციებად გადაიზარდა.

თბილისის პროლეტარიატის ეს მაღალი საბრძოლო აქტიობა პირდაპირი შედეგი იყო იმ დამარაზმელი მუშაობისა, რომელსაც ეწეოდა ბოლშევიკური პარტია, ლენინის პარტია, რომლის ერთ-

ერთი ძლიერი ეჯრედი აქ, თბილისში სწორედ XX საუკუნის დასაწყისში ჩამოყალიბდა და მთელი ამიერკავკასიის მასშტაბით ქალაქებსა და სოფლებში გაჩაღებული და დაუცხრომელი რევოლუციური მუშაობის ორგანიზატორი გახდა.

XX საუკუნის დამდეგს — 1900 წლის პირველი იანვარს რუსეთის ბურჟუაზია განსაკუთრებული ზეიმით შეხვდა. გაჩირალდებული ქალაქები საზეიმოდ იყო მორთული. მდიდარ ოჯახებში გამართულ მეჯლისებზე ისმებოდა სადღეგრძელო ახალი, კაპიტალისტური ეპოქისა. რუსეთის ბურჟუაზიას XX საუკუნე თავისი დიდების საუკუნედ ესახებოდა. ბურჟუაზიული გაზეთები წინასწარმეტყველებდნენ რუსეთის ბურჟუაზიის ბრწყინვალე მომავალზე, მაგრამ სდუმდნენ იმის შესახებ, რომ 1900 წლის პირველი იანვარი რუსეთში დაიწყო ერთის მხრივ მძლავრი ეკონომიური კრიზისით, მეორეს მხრივ პროლეტარიატის რევოლუციური მოძრაობის სწრაფი აღმავლობით. ეს მოვლენა დამახასიათებელი იყო რუსეთის ყველა სამრეწველო ქალაქისათვის. მათ არც თბილისი ჩამორჩა. 1900 წლის პირველი იანვარი აქაც „კონკის“ მუშათა მძლავრი გაფიცვით აღინიშნა, ხოლო ამავე წლის 22 აპრილს (ძველი სტილით) მლაშე ტბის რაიონში გამართულ მისიობაზე, რომელსაც უკვე 500-მდე რკინიგზელი და სხვა საწარმოს მუშა ესწრებოდა, გაისმა მძლავრი მომწოდებელი ხმა: „ძირს თვითმპყრობელობა, გაუმარჯოს დემოკრატიულ რესპუბლიკას, გაუმარჯოს სოციალიზმს!“ 1900 წლის მთელ ზაფხულში თბილისის წარმოებებში ხან აქ, ხან იქ იფეთქებდა მუშათა გაფიცვა. მათ შორის ყველაზე გრანდიოზული იყო რკინიგზელ მუშათა გაფიცვა აგვისტოში. ამ გაფიცვამ ახალი საფეხურით აამაღლა მუშათა მოძრაობა საქართველოში, გადაიტანა რა იგი თვითმპყრობელობისა და ბურჟუაზიის წინააღმდეგ პოლიტიკური ბრძოლის სფეროში. 1901 წლის იანვარ-თებერვალში თბილისში 15 გაფიცვა მოხდა. ამავე დროს, ლენინურ-ისკრული მიმართულების სოციალ-დემოკრატიულმა ორგანიზაციამ მუშათა შორის მოამზადა მძლავრი პოლიტიკური დემონსტრაცია, რომელიც გაიმართა ყოფ. სალდათის ბაზართან საპირველმისო დღესასწაულთან დაკავშირებით. დემონსტრაციაში 3 პათასზე მეტი მუშა მონაწილეობდა. ეს გრან-

დიოზული პოლიტიკური გამოსვლა, როგორც ლენინური „ისკრა“ აღნიშნავდა, იყო „ისტორიულად ღირსშესანიშნავე მთელი კავკასიისათვის. ამ დღიდან კავკასიაში იწყება აშკარა რევოლუციური მოძრაობა“.

საქართველოსა და მთელი ამიერკავკასიის ლენინურ-ისკრული ორგანიზაციების ცხოვრებაში უდიდესი მნიშვნელობის მოვლენებს წარმოადგენდა რსდმპ კავკასიის კავშირის შექმნა თბილისში 1903 წლის მარტში. კავკასიის კავშირის არსებობა დადასტურება იყო იმისა, რომ რევოლუციური სოციალ-დემოკრატიული ორგანიზაციების მშენებლობის ინტერნაციონალური პრინციპი, რომელიც ამიერკავკასიაში თავიდანვე იქნა არჩეული, იყო ერთადერთი სწორი პრინციპი და სავესებით უზასუხებდა პროლეტარიატის საბრძოლო დარაზმულობის ლენინურ გეგმას.

რსდმპ კავკასიის კავშირის კომიტეტის შემადგენლობაში შევიდნენ: ი. ბ. სტალინი, მ. ცხაკაია, ა. წულუკიძე, ფ. მახარაძე, ბ. კუნიაცი, მ. ბოქორიძე და სხვები. მალე კომიტეტმა გააჩაღა დაუცხრომელი მუშაობა ამიერკავკასიის პროლეტარიატისა და გლეხობის რიგებში. აპრილში კომიტეტმა მოახერხა ქართულ და სომხურ ენებზე თბილისში გამოცემა გაზეთი „პროლეტარიატის ბრძოლა“, რომელიც აგრძელებდა რა გაზეთ „ბრძოლის“ სახელწოდან ტრადიციებს, ლენინური იდეების პროპაგანდას ეწეოდა.

1903 წელი თბილისის პროლეტარიატის ცხოვრებაში საგაფიცვო მოძრაობის ახალი მძლავრი აღმავლობით აღინიშნა. ყველაზე გრანდიოზული იყო მუშათა გაფიცვა ივლისში, რომელმაც მალე ფეხზე მთელი საქართველოს პროლეტარიატი დააყენა.

რუსეთის პირველ რევოლუციაში თბილისის პროლეტარიატი თავის სიმალეზე აღმოჩნდა. ბოლშევიკური ორგანიზაციები თბილისელ მუშებს აღრევე აზნადებდნენ თვითმპყრობელობაზე იერიშებისათვის. 1905 წლის 18 იანვარს თბილისში დაიწყო რკინიგზელთა მუშების გაფიცვა, ეს იყო მკაცრი პროტესტი ცარიზმის მიერ პეტერბურგში მუშათა მშვიდობიანი დემონსტრაციის დახვრეტის გამო. რკინიგზელებს მხარი დაუჭირეს სხვა საწარმოებმაც და ქალაქში საყოველთაო გაფიცვა მოხდა.

რუსეთის პირველი რევოლუციის აღმავლობის დროს ცარიზმის ბნელ საქმიანობას — გაეჩაღებინა ძმათამკვლელი ომი ამიერკავკასიის ხალხთა შორის — მტკიცედ აღუდგა წინ თბილისის პროლეტარიატი. ინტერნაციონალური სოლიდარობის თვალსაჩინო გამოხატულებად გადაიქცა ის მიტინგები, რომელნიც თებერვლის შუა რიცხვებში თბილისში ჩატარდა. 13 თებერვალს თბილისში ყოფილ ვანქის საყდრის გალავანში თავი მოიყარა მრავალათასმა ქართველმა, სომეხმა, აზერბაიჯანელმა და რუსმა და ერთმანეთს მეგობრობა შეფიცა. უფრო ხალხმრავალი შეკრება მოხდა მეორე დღეს, იმავე ადგილზე. მოწინავე მუშების მეთაურობით ინტერნაციონალური დემონსტრაცია სასახლის ქუჩაზე გაემართა და იქ წითელი დროშა ააფრიალა.

თბილისში გაფიცვის ახალ-ახალი ტალღები ზვირთდებოდა აპრილში, მაისში, ივნისში. ივნისის 23 — 25 რიცხვებში თბილისის სხვადასხვა უბნებში მუშა-რაზმელებს შეტაკება მოუხდათ პოლიციასთან. გაბოროტებულმა თვითმპყრობელობამ თბილისში 1905 წლის 29 აგვისტოს სისხლიანი ამბები დაატრიალა. ქალაქის თვითმმართველობის (ამჟამად თბილისის საბჭოს) შენობაში და მოედანზე მან კაზაკები მიუხსია მშრომელთა მშვიდობიან მიტინგს და დახვრიტა.

1905 წლის ოქტომბერში მოსკოვსა და პეტერბურგში დაიწყო მუშათა მძლავრი საყოველთაო პოლიტიკური გაფიცვები, რაც დეკემბერში შეიარაღებულ აჯანყებად გადაიზარდა. სარუსეთო პოლიტიკურ გაფიცვაში და დეკემბრის საბარაკადო ბრძოლებში თბილისის პროლეტარიატმა აქტიური მონაწილეობა მიიღო. 14 ოქტომბერს საყვირის სასიგნალო ხმაზე მუშებმა მიატოვეს მუშაობა და დემონსტრაციული სვლით გაემართნენ დიდუბისაკენ, სადაც გრანდიოზული მიტინგი მოაწყვეს. გაფიცული აღმოჩნდა ქალაქის ყველა წარმოება. შეწყდა ტრანსპორტის მოძრაობა. გაზეთები აღარ გამოდიოდა. ქალაქში თითქმის სიცოცხლე ჩაქრა.

9 დეკემბერს რსდმპ თბილისის კომიტეტის მიერ გამოტანილ იქნა გადაწყვეტილება მხარი დაეჭირათ მოსკოვისა და პეტერბურგის მუშათა პოლიტიკური გაფიცვისათვის. 13 დეკემბრიდან გაფიცვამ სთვე საყოველთაო ხასიათი მიიღო. დაიწყო წითელარმიელების თავმოყრა ნაძალადევში, დი-


დუბეში, აჯანყების შტაბიკ აქ დაბანაკდა. მოაწოდდა თბილისის პოლიციაზე გამამწყვეტი შეტევა.

მთავრობამ ქალაქში სამხედრო წესები გამოაცხადა და შეიარაღებული მუშების წინააღმდეგ რეგულარული ჯარი გამოიყვანა. 17 დეკემბერს ნაძალადევზე დაიწყო შეტევა. მუშათა უბანს 500-მდე რაზმელი იცავდა. უთანასწორო ბრძოლაში მუშები დამარცხდნენ. მრავალი გამირულად დაეცა. რაზმელები შემდეგ პარტიზანული ბრძოლის ტაქტიკაზე გადავიდნენ. აჯანყების ძირითად პუნქტად შემდეგ დიდუბე ითვლებოდა. 23 დეკემბერს მეფის არმიამ აქაც განახორციელა შეტევა და ბრძოლით აიღო ეს უბანი. არანაკლებ ცხარე შეტაკებებს ჰქონდა ადგილი სალდათის ბაზართან, სადგურის რაიონში, თხინვალის ქუჩაზე და ქალაქის სხვა რაიონებში.

ასე გამირულად იბრძოდნენ თბილისელი პროლეტარები და ამით მხარში ედგნენ მოსკოვის მუშებს, რომელთაც დეკემბერში აღმართეს ბარიკადები და გამირულად უტევდნენ თვითმპყრობელობას. მაგრამ რუსეთის პირველი რევოლუცია დამარცხდა. მიუხედავად ამისა მუშათა რევოლუციური გამოსვლები ერთბაშად არ ჩამქრალა. თბილისის პროლეტარიატი ბრძოლით, ორგანიზებულად იხევდა უკან.

რეაქციის სუსხი თბილისსაც სუნთქვას უძნელებდა. ქალაქის ციხეები გადატვირთული იყო პოლიტიკური პატიმრებით. შეუსვენებლად მუშობდნენ სამხედრო-საველე სასამართლოები. ყოველდღე საპატიმროებიდან გაჰყავდათ ათეულობით ადამიანები და ციმბირში გზავნიდნენ. დანადგოლიანებული გამოიყურებოდა ქალაქის ის განაპირა უბნები, სადაც 1905 — 1906 წლებში საბრძოლო ყოვინა გაჩნდოდა. ახლა აქ პოლიციის გაძლიერებული პატრულები დადიოდნენ დღისით და ღამით. ფაბრიკა-ქარხნებში სამუშაო პირობები გაუარესდა.

რევოლუციის დამარცხების შემდეგ წვრილბურჯუაზიული პარტიები გაიხარწნენ და გადაგვარდნენ. მენშევიკებმა უღალატეს მუშათა მოძრაობას და პარტიის ლიკვიდაციის ლოზუნგი წამოაყენეს. ერთადერთი პარტია, რომელიც რეაქციის წლებში არ შემდრკალა, ბოლშევიკური პარტია იყო. 1909 წლის ნოემბერში თბილისში (ნავთლულში) ბოლშევიკებმა არალეგალურად ჩაატარეს საქალაქო პარტიული კონფერენცია, რომელზედაც მიღე-



ზ. ფალაშვილის სახელობის ოპერისა და ბალეტის თეატრი

ბული გადაწყვეტილებანი ლეხიხური სულისკვეთებით იყო განსჯვალული და პარტიას მომწიფებულ ამოცანების წარმატებით განხორციელებისათვის რაზმავდა.

თბილისის პროლეტარიატი მხურვალედ გამოეხმაურა რუსეთის იმპერიაში დაწყებულ რევოლუციურ აღმავლობას. მიუხედავად იმისა, რომ 1910 წელს თბილისის ბოლშევიკურმა ორგანიზაციამ ქანდარმების თავდასხმა და დიდი დანაკლისი განიცადა, იგი კვლავ დაუღალავად ეწეოდა მუშაობას პროლეტარიატის რიგებში და წარმართავდა რევოლუციურ აღმავლობას. თბილისის ბოლშევიკური ორგანიზაციების აღდგენა-განმტკიცებას სათავეში ედგნენ: ს. ორჯონიკიძე, მ. კვარაცხელია, პ. არველაძე, ვ. ძნელაძე, ს. სპანდარიანი, ს. კასიანი, ა. აკოფიანი, ვ. სტასოვა და სხვები. იმპერიალისტური ომის წლებში თბილისის ბოლშევიკები დაუღალავ მუშაობას ეწეოდნენ მშრომელთა შორის: ისინი განუმარტავდნენ მუშებს, ჯარისკაცებს ობორცული პარტიების ღალატს პროლეტარიატის ინტერესებისადმი, მოუწოდებდნენ მასებს შემკიდრობულიყვნენ თვითმპყრობელობისა და ბურჟუაზიის წინააღმდეგ ბრძოლაში. ომისა და რევოლუციის საკითხებში ლენინური ტაქტიკის განუხრელი დაცვა და პროპაგანდა თბილისის ბოლშევიკური ორგანიზაციის მუშაობის ძირითად ღერძს წარმოადგენდა.

თვითმპყრობელობის დამხობამ 1917 წლის თებერვალში თბილისის მშრომელთა საყოველთაო ზეიმი გამოიწვია. რუსეთიდან ამ სასიხარულო ცნობის მიღების დღესვე ქალაქში გაიმართა მშრომელთა მიტინგები, დემონსტრაციები. მუშები ერთმანეთს ულოცავდნენ ცარზმის საზიზღარი რეჟიმის დამხობას. თბილისში თებერვლის რევოლუციის შემდეგ ჩამოყალიბდა მუშათა და ჯარისკაცთა დეპუტატების საბჭოები, მაგრამ ამ ორგანოებში უმრავლესობა შემთანხმებლურმა პარტიებმა (მენშევიკებმა და ესერებმა) მოიპოვეს, რომელთაც ბურჟუაზიასთან სოლიდარობის ლოზუნგი წამოაყენეს. 18 მარტს თბილისში ჩამოვიდა დროებითი ბურჟუაზიული მთავრობის მიერ შექმნილი „ამიერკავკასიის განსაკუთრებული კომიტეტი“ და იგი მენშევიკებთან შეხმატბილებულად შეუდგა ამიერკავკასიის მართვა-გამგეობას.

თებერვლის ბურჟუაზიულმა დემოკრატიულმა რევოლუციამ ვერ გადაწყვიტა ნშრომელი მასების სასიცოცხლო საკითხები. მუშათა და გლეხთა ეკონომიური მდგომარეობა არსებითად არ შეცვლილა. სახლისმღვრელი ომი ისევ გრძელდებოდა. საჭირო იყო რევოლუციის გაღრმავება, მისი ბოლომდე მიყვანა, სოციალისტურად გადაზრდა. რუსეთის მუშათა კლასს სოციალისტური რევოლუციის გამარჯვების გენიალური გეგმა დაუსახა დიდმა ლენინმა. ამ გეგმის განხორციელებისათვის ბრძოლაში მთელი რუსეთის მუშათა კლასთან ერთად გმირულად იბრძოდა თბილისის პროლეტარიატი.

დიდი ოქტომბრის სოციალისტური რევოლუციის გამარჯვების შემდეგ ამიერკავკასიის კონტრრევოლუციურმა პარტიებმა (მენშევიკებმა, დაშნაკებმა, მუსავატელებმა) კაპიტალისტებისა და მემამულეების ინტერესების დაცვის მიზნით ამიერკავკასია საბჭოთა რუსეთს მოსწყვიტეს. იგი ჯერ თურქეთ-გერმანიას, ხოლო შემდეგ ინგლის-ამერიკის ინტერვენტთა პლაცდარმად გადააქციეს სოციალისტური რევოლუციის წინააღმდეგ. კონტრრევოლუციური პარტიების ამ ბოროტ საქმიანობის წინააღმდეგ თბილისის პროლეტარიატი ამიერკავკასიის მშრომელებთან ერთად შეუპოვრად იბრძოდა. თბილისის პროლეტარიატი აღშფოთებით შეხვდა შამქორში ჯარისკაცთა ვერაგულ დახვრეტას, წინ აღუდგა კონტრრევოლუციური სეიმის მოწვევას. მუშათა მკაცრი პროტესტის გამოხატულება იყო ხალხმრავალი მიტინგი ყოფილ ალექსანდრეს (ახლა 26 კომისრის სახელობის) ბაღში. ეს მიტინგი მენშევიკმა გვარდიელებმა დახვრეტეს.

მას შემდეგ, როცა შინაგანი წინააღმდეგობით აღსაჯვე კონტრრევოლუციური სეიმი დაიშალა, ქართველმა მენშევიკებმა შექმნეს თავიანთი მთავრობა და საქართველო დემოკრატიულ რესპუბლიკად გამოაცხადეს. მაგრამ სწორედ ამ დროიდან დაიწყეს თბილისსა და მთელ საქართველოში პარპაში უცხოელმა დამპყრობლებმა, რომელსაც ფეხი მხოლოდ საბჭოთა ხელისუფლების გამარჯვებამ ამოუქვეთა.

სოციალისტური რევოლუციის გამარჯვებისათვის საქართველოს მშრომელებს ბრძოლაში თბილისის წამყვანი ადგილი ეკავა. აქ მუშაობდა რსდმპ (ბ) კავკასიის საქალაქო კომიტეტი, რომელიც 1917 წლის ოქტომბერში კავკასიის ბოლშე-

ვიკერი ორგანიზაციების პირველ ყრილობაზე იქნა არჩეული. კომიტეტის შემადგენლობაში შედიოდნენ: ფ. მახარაძე, მ. ცხაკაია, ს. შაუმიანი, ა. მიქოიანი, ა. ჯაფარიძე, ი. ფაოლეთოვი, ნაზარეთიანი, ს. ქავთარაძე და სხვები. თბილისში 1917 წ. გამოდიოდა ბოლშევიკური გაზეთები „კავკასკი რაბოჩი“ და „ბრძოლა“. ხოლო 1920 წლიდან გაზეთები „კომუნისტი“ და „ახალგაზრდა კომუნისტი“. თბილისის პროლეტარიატი პოლიტიკურ გაფიცებებში, საპირველმასისო დემონსტრაციებში გამოხატავდა თავის გულსწყრომას მენშევიკური ხელისუფლებისადმი, რომელიც საკუთარი მუშებისა და გლეხების წინააღმდეგ იმპერიალისტთა ხიშტებს იშველიებდა. დიდი პოლიტიკურა აქტიობით ხასიათდებოდა თბილისის პროლეტარიატის გაფიცვა 1919 წელს. ამ წელს მზადდებოდა საყოველთაო აჯანყება მენშევიკური მთავრობის წინააღმდეგ აჯანყების შესიგნალე თბილისი უნდა ყოფილიყო აჯანყება დამარცხდა იმიტომ, რომ მისი ხელმძღვანელი შტაბი 1919 წლის 22 ოქტომბერს დააპატიმრეს.

საქართველოს მშრომელთა ბრძოლა საბჭოთა ხელისუფლებისათვის წარმატებით წარიმართა მას შემდეგ, რაც დენიკინის თეთრგვარიელი არმიის დამარცხებით წითელმა არმიამ აზერბაიჯანისა და სომხეთის მშრომელებს ძმური დახმარება გაუწია საბჭოთა ხელისუფლების დამყარებაში. საქართველოს კომუნისტებმა მოამზადეს ახალი აჯანყება მენშევიკების წინააღმდეგ, აჯანყება ქვემო ქართლში დაიწყო. თბილისში შეიქმნა რევოლუციური კომიტეტი. საქართველოს მშრომელთა სამწლიანი ბრძოლა გამარჯვებით დაგვირგვინდა. 1921 წლის 25 თებერვალს თბილისში აფრიალდა წითელი დროშა. მენშევიკურმა მთავრობამ თავს გაქცევით უშველა.

ამ დღიდან დაიწყო თბილისის მშრომელებისა და მთელი ქართველი ხალხის ცხოვრებაში ახალი ეპოქა. თბილისი სოციალისტური საქართველოს დედაქალაქი განახლება-აყვავებლს გზაზე შედგა.

საბჭოთა ხელისუფლების დამყარებიდან იწყება თბილისის სწრაფი ზრდა, გამშენიერება, სოციალისტური საქართველოს კეთილმოწყობილ დედაქალაქად გადაქცევა.

საბჭოთა ხელისუფლების გამარჯვების პირველ დღესვე საქართველოსა და თბილისის პარტიული ორგანიზაციის, თბილისის საბჭოსა და ყველა მშრომელის წინაშე დაისახა თბილისის მრეწველობისა და კომუნალური მეურნეობის ნგრევისა და ჩამორჩენილობის სწრაფი ლიკვიდაციის, სოციალისტურ ყაიდაზე ქალაქის გარდაქმნის უმნიშვნელოვანესი ამოცანა. ეს იყო მეტად რთული, დიდი სიძნელებით აღსაყვს საქმე, რადგან 1921 — 22 წლებში ჩვენი ქალაქი სავალალო მდგომარეობაში იმყოფებოდა. აქა-იქ თუ ბუტყავდა ხანგრძლივი ნგრევის შედეგად ჩამქრალი მრეწველობის კერები. აღრიცხვაზე მყოფი 304 საწარმოდან მხოლოდ 222 მუშაობდა, ისიც მცირე დატვირთვით. თბილისის პროლეტარიატის რიცხვი დიდად იყო შემცირებული, მძინვარებდა სპეკულაცია, შიმშილობა. საქალაქო მეურნეობა მთლიანად მოშლილი იყო. მოსახლეობა ზრდის ნაცვლად მცირდებოდა, რადგან შიმშილობა და ყოფაცხოვრების მინიმალური პირობების უქონლობა მშრომელებს აიძულებდა თბილისიდან გაქცეულიყო და სოფლებისთვის თავი შეეფარებინა.

ამ სიძნელების ლიკვიდაციას სათავეში ჩაუდგა თბილისის პარტიული ორგანიზაცია, რომელმაც შესძლო მშობლიური დედაქალაქის სოციალისტური გარდაქმნისათვის ბრძოლაში აქტიურად ჩაება თბილისის ყველა პატიოსანი მშრომელი.

1921 წლის მიწურულში თბილისში ჩატარდა საბჭოების პირველი არჩევნები. შედეგები ბრწყინვალე აღმოჩნდა. მშრომელებმა თავიანთი ხელისუფლების ორგანოში აირჩიეს კომუნისტები, — ხალხის თავდადებული ადამიანები. ს. ორჯონიკიძე არჩევნების შედეგებს აცნობებდა რა ვ. ი. ლენინსა და ი. ბ. სტალინს, აღნიშნავდა, რომ თბილისის მშრომელები უსაზღვროდ ერთგულნი არიან კომუნისტური პარტიისა, მასების პოლიტიკურმა აქტიობამ ყოველგვარ მოლოდინს გადააჭარბა და ამიერკავკასიის ფედერაციის იდეა აქ საყოველთაო მხარდაჭერით სარგებლობს.

თბილისის საბჭო — ეს იყო თბილისის მშრომელთა პირველი არჩევითი ორგანო, რომელიც სარგებლობდა მშრომელთა ნდობითა და მხარდაჭერით; იგი ენერგიულად ჩაუდგა სათავეში ქალაქის ნგრევის ლიკვიდაციის, მისი კეთილმოწყობა-გამშენიერების გრანდიოზულ საქმეს.

ამიერკავკასიის კომუნისტებმა ნაციონალ-უკლიონისტების წინააღმდეგ შეუპოვარ ბრძოლაში წარმატებით განახორციელეს ამიერკავკასიის ფედერაციის შექმნის ლენინური იდეა. თბილისის მშრომელები ამ ბრძოლაში მხარში ედგნენ საქართველოს პარტიულ ორგანიზაციას. ფედერაცია მათ მიაჩნდათ საქართველოში სოციალიზმის მშენებლობის წარმატების უმნიშვნელოვანეს ფაქტორად. 1922 წელს ამიერკავკასიის ფედერაციის მოწეობა დასრულდა. ამიერკავკასიის საბჭოების პირველ ყრილობაზე 1922 წლის 10 დეკემბერს არჩეულ იქნა ფედერაციული სახელმწიფოს უმაღლესი ორგანოები, რომელთა რეზიდენციად შეიქმნა თბილისი. ამ ვითარებაში თბილისის როლი კიდევ უფრო გაიზარდა. სამხარეო დედაქალაქის კეთილმოწყობისათვის ახალი გზები და საშუალებები დაისახა.

დედაქალაქის აღდგენისა და სოციალისტური ყაიდაზე გარდაქმნის დიდ საქმეში თბილისის მშრომელებს დახმარებასა და მზრუნველობას არ აკლებდა კომუნისტური პარტიის ცენტრალური კომიტეტი, საბჭოთა მთავრობა, პირადად ვ. ი. ლენინი.

1921 წლის 7 ივლისს ვ. ი. ლენინი სასურსათო კომისიის რწმუნებულისადმი გამოგზავნილ დეპეშაში აღნიშნავდა: „Учитывая тяжелое продовольственное положение Грузии вам предлагается отправить в телеграмме июля в Тифлис, в адрес Наркомтруда Грузии 100 тыс. пуд. хлеба. Получение и исполнение подтвердить“.

ამიერკავკასიაში სახალხო მეურნეობის ნგრევის ლიკვიდაციისა და სოციალისტური გარდაქმნის, საბჭოთა ხელისუფლების პოზიციების განმტკიცების, ინტერნაციონალური სოლიდარობის გაღრმავებისა და ამიერკავკასიის ქალაქების კეთილმოწყობის საქმეში უდიდესი მნიშვნელობა ჰქონდა ვ. ი. ლენინის წერილს აზერბაიჯანის, საქართველოს, სომხეთის, დაღესტნისა და მთიულთა რესპუბლიკის ამხანაგ კომუნისტებისადმი (1921 წ. 14 აპრილი). წერილში ვ. ი. ლენინი ადგილობრივ პარტიულ ორგანიზაციებს ავალებდა ანგარიში გაეწიათ იმ თავისებურებებისათვის, რომელიც წვრილბურჟუაზიულ, აგარაულ ამიერკავკასიაში თან ახლდა სოციალიზმის მშენებლობის საქმეს. ამასთანავე ლენინი კონკრეტულად მიუთითებდა

იმ გზებზე და რესურსებზე, რომელთა უნარბიან გამოყენება ამიერკავკასიის მრეწველობას და სოფლის მეურნეობას გამოიყენებდა სოციალისტური რეალბრძოლა და სოციალისტურ რელსებზე დააყენებდა. ვ. ი. ლენინს ამიერკავკასიის ბუნებრივი პირობები მიაჩნდა ელექტროფიკაციის განვითარების ხელსაყრელ პირობად და კომუნისტებს მიუთითებდა დაუყოვნებლივ შესდგომოდნენ სოციალიზმის განარჯვებისათვის ამ უმნიშვნელოვანესი დარგის დანერგვა-განვითარებას ამიერკავკასიაში. ვ. ი. ლენინის მიითითებით 1922 წელს თბილისის მახლობლად, ზემო ავჭალაში საფუძველი ჩაეყარა მტკვარზე ჰიდროელექტროსადგურის მშენებლობას. საბჭოთა მთავრობამ ამ საქმისათვის გაიღო 700 ათასი მანეთი ოქროთი. 1927 წელს ზაქესის ჰიდროელექტროსადგური, რომელიც მაშინ საბჭოთა კავშირში სიმძლავრით მეორე ადგილზე იდგა, ექსპლოატაციაში შევიდა. ეს იყო თბილისის მშრომელთა პირველი ინდუსტრიული გამარჯვება, მთელი ქართველი ხალხის ზეიმი; ზაქესმა არა მარტო გააჩირაღდა თბილისის ჩაბნელებული ქუჩები, არამედ მძლავრი ბიძგი მისცა აქ მრეწველობის სწრაფ განვითარებას.

კომუნისტური პარტიის ხელმძღვანელობით და დიდი რუსი ხალხის დახმარებით თბილისის ინდუსტრიული განვითარება სწრაფად წარიმართა. 1924 წელს თბილისის სამრეწველო წარმოებებმა 38%-ით გადააქარბეს პროდუქციის გამოშვების 1921 წლის დონეს. ათი წლის განმავლობაში (1921 — 1931 წწ.) აღდგენილ იქნა და ახალი ტექნიკით გადახალისდა 30-ზე მეტი რევოლუციამდელი საწარმო. მწეობრში ჩადგა მრავალი ახალი მსხვილი ფაბრიკა-ქარხანა, რომელთა შორის განსაკუთრებით აღსანიშნავია: კამეოლის კომბინატი, აბრეშუმსაქსოვი ფაბრიკა, მექანიკური ქარხანა, ლითონკონსტრუქციების ქარხანა, მაკარონის ფაბრიკა, პურის ქარხანა, საკონდიტრო ფაბრიკა, ლუდის ქარხანა, მარგარინის ქარხანა და სხვ. პირველ ხუთწლეულში თბილისის მრეწველობის პროდუქცია დაახლოებით სამჯერ გაიზარდა.

თბილისის მრეწველობის განვითარების ტემპები კიდევ უფრო სწრაფი იყო მეორე და მესამე ხუთწლეულში. განსაკუთრებული ყურადღება მიექცა მძიმე მრეწველობის ახალ საწარმოთა მშენებლობასა და არსებულის ტექნიკურ რეკონ-

სტრუქციას. 26 კომისიის და კალინინის სახელობის მანქანათმშენებელმა ქარხნებმა მიიღეს სრულიად ახალი ტექნიკური შეიარაღება, მათ ახალი საამქროები შეემატა. აშენდა ისეთი მსხვილი საწარმოები, როგორცაა კიროვის სახელობის ჩარხთმშენებელი, ფოლად-თუჯსასხმელი, ავტოსარემონტო ქარხნები, სართავ-სატრიკოტაჟო კომბინატი, ფესხაცმლისა და მუსიკალური ინსტრუმენტების ფაბრიკები, პურის მექანიზებული ქარხნები, ლუდის, შამპანური ღვინოებისა და თამბაქოს საფერმენტაციო ქარხნები, საშენ მასალათა საწარმოები და მრავალი სხვ.

თბილისის მანქანათმშენებელი მრეწველობის პროდუქციამ ამიერკავკასიის რესპუბლიკების გარეთაც სახელი გაითქვა. მისი მომხმარებელი გახდნენ საბჭოთა კავშირის, სახალხო დემოკრატიის, საზღვარგარეთის ქვეყნები. თბილისის მრეწველობის საერთო პროდუქციაში მნიშვნელოვნად ამაღლდა ლითონდამუშავების დარგების ხვედრითი წონა. 1932 წ. 8,6%-დან 1944 წელს იგი 33,6 პროცენტამდე გაიზარდა.

თბილისის ახალმა მძლავრმა მრეწველობამ დიდი სამამულო ომის წლებში ღირსეულად გაართვა თავი მის წინაშე დაკისრებულ ამოცანებს. გამსხვილდა კვებისა და საფეიქრო მრეწველობის რიგი საწარმოები, მოკლე დროში ათვისებულ იქნა ომისათვის საჭირო ნაირსახეობის საჭურვლის წარმოება. ომის პერიოდში (1944 წ.) თბილისში მოქმედებდა 364 მსხვილი და 663 წვრილი სამრეწველო საწარმო, რომელთა პროდუქცია 1926—27 წწ. ფასებში 567,4 მილიონ მანეთს შეადგენდა.

ომის შემდგომ წლებში თბილისის მრეწველობამ ახალი, მძლავრი აღმავლობა განიცადა. აშენდა ლოკომოტივმეკეთებელი ქარხანა, პლასტმასის, კონიაკის, რძის ნაწარმის და პურის ქარხნები, შოკოლადის ფაბრიკა, მაცივარკომბინატი, გაფართოვდა მანქანათმშენებლობის, საფეიქრო, კვების მრეწველობის საწარმონი. ახლა თბილისში 1228 მსხვილი და წვრილი საწარმოა. 1957 წელს თბილისის წარმოების დონე 50-ჯერ აღემატებოდა 1913 წლის წარმოების დონეს. ამ წელს თბილისის მრეწველობამ გეგმა 110,9 პროცენტით შეასრულა და სამშობლოს მისცა 8,2-ჯერ მეტი პროდუქცია, ვიდრე ომამდელ 1940 წელს და ერთიორად მეტი, ვიდრე 1950 წელს.

თბილისის მრეწველობის წინაშე ახალი, ფართო პერსპექტივებია დასახული. გათვალისწინებულია მთელი რიგი ახალი საწარმოების მშენებლობა, არსებულის გაფართოება. განსაკუთრებული ყურადღება ექცევა ქიმიური და ელექტროტექნიკური დარგების საწარმოთა მშენებლობას.

თბილისის ინდუსტრიული განვითარების მძლავრ ფაქტორს ყოველთვის წარმოადგენდა რკინიგზის ტრანსპორტი, რამაც საბჭოთა ხელისუფლების წლებში განუწყვეტელი წინსვლა განიცადა და თბილისს სსრ კავშირის მსხვილი სარკინიგზო ცენტრის ადგილი დაუმკვიდრა. ხუთწლიანი გეგმების განხორციელების შედეგად გაყვანილ იქნა რკინიგზის ახალი ხაზები, გადიდა და გაფართოვდა ტვირთბრუნვა, ქალაქის სატრანსპორტო კვანძმა განიცადა საფუძვლიანი ტექნიკური გადახალისება — გატარდა მისი ელექტროფიკაცია და ავტობლოკირება. გაფართოვდა და ახალი ტექნიკის მიხედვით მოეწყო დეპო და ორთქლმავალ-ვაგონშემკეთებელი ქარხანა. ღირსეულ ტრადიციების მქონე ეს ქარხანა მთელს რესპუბლიკაში ამჟამად ერთერთი უდიდესი და უმნიშვნელოვანესი საწარმოა, თბილისის კვანძს ყოველწლიურად 40 ათასზე მეტი მგზავრი გადაჰყავს.

ქალაქის ინდუსტრიულ განვითარებასთან ერთად იცვლებოდა მისი სოციალური სახე, მისი ელფერი. რევოლუციამდელი თბილისი, უმთავრესად პოლიციელებისა და ვაჭრების ქალაქი, გარდამიქმნა დიდ ინდუსტრიულ ცენტრად, რომელსაც ახლა 70 ათასიანი მუშათა კლასი ჰყავს. ამასთანავე მუშათა კლასმა არა მარტო რაოდენობრივი, არამედ თვისობრივი ზრდაც განიცადა, იგი დაეუფლა ახალ, სოციალისტურ ტექნიკას. თბილისელი მუშები გაბედულად ეხმარებიან საბჭოთა ინდუსტრიული ცენტრების მუშათა პატრიოტულ წამოწყებებს, ხშირად თვით იჩენენ მისაბამ თაოსნობას ახალი ტექნიკის ათვისების, მოწინავე ტექნოლოგიისა და შრომის ახალი მეთოდების დანერგვის საქმეში.

* * *

საბჭოთა ხელისუფლების გამარჯვებისთანავე თბილისის მშრომელებმა კომუნისტური პარტიის საქალაქო კომიტეტისა და თბილისის საქალაქო

საბჭოს აღმასკომის ხელმძღვანელობით ენერგიულად მოპყიდეს ხელი თბილისის საქალაქო მეურნეობის ჩამორჩენის უსწრაფესი ლიკვიდაციისა და სოციალისტური ეპოქისათვის შესადაო კეთილმოწყობილ ქალაქად გადაქცევის საქმეს.

იმპერიალისტურ და სამოქალაქო ომის წლების სამეურნეო სიძნელეთა ვითარებაში ნახევრადანგრეული ქალაქი, სადაც მოშლილი იყო კომუნალური მეურნეობის ყველა უბანი, გაბატონებული იყო სპეკულაცია და შიმშილობა — ასეთი იყო მემკვიდრეობა, რომელიც აქ საბჭოთა ხელისუფლებას დახვდა. მაგრამ სოციალისტური წყობილების ვითარებაში მოხერხდა არა მარტო აღდგენა ომამდელი მდგომარეობისა, არამედ თბილისის სრული გარდაქმნა ჩვენი ქვეყნის მძლავრ ინდუსტრიულ, კეთილმოწყობილ, ლამაზ სოციალისტურ ქალაქად. საბჭოთა ეპოქაში თბილისის ზრდის ტემპები გრანდიოზული იყო, ყოველწლიურად იგი ფართოდებოდა იმაზე უფრო მეტად, ვიდრე წინა დროის მთელ საუკუნეებში.

თბილისის ვერც კი იცნობს ის, ვისაც იგი არ უნახავს 1918 — 21 წლების შემდეგ. ძველი ქალაქი მხოლოდ მის მოხუც მკვიდრთა მახსოვრობასა და კომუნალური მუზეუმის ექსპონატებში დარჩა. სულ სხვაა ახალი თბილისი — გრანდიოზული და მომხიბვლელი სილამაზისა. მას ყოველწლიურად ათასობით უცხოელი ათვალეირებს. თბილისი ახლა ყველა მნახველს აოცებს არა აღმოსავლური ეგზოტიკის მრავალფეროვნებით, არამედ სოციალისტური ეპოქისათვის დამახასიათებელი სიდიადითა და გრანდიოზულობით.

ძველი თბილისი ახლა ქალაქის ერთ პატარა უბანსა წარმოადგენს. ქალაქი გაიზარდა და გაფართოვდა; გაშენდა ცენტრი, თუ რევოლუციამდელი თბილისის განაშენიანებული ტერიტორია 700 ჰექტარს არ აღემატებოდა, 1932 წელს მან 3.710 ჰექტარს, ხოლო 1955 წელს 6.320 ჰექტარს მიაღწია. აღმოცენდა ახალი ცენტრი და ისეთი კეთილმოწყობილი რაიონები, როგორცაა ვაკე და საბურთალო, ნაძალადევი და ნავთლული.

არაჩვეულებრივი სისწრაფით გაიზარდა ქალაქის მოსახლეობა. თუ 1921 წელს თბილისში მცხოვრებთა რიცხვი 233 ათას სულს არ აღემატებოდა 1939 წელს მან 519,2 ათასს მიაღწია. 1956 წლ. 1 აპრილის აღწერით თბილისის მოსახ-

ლეობა უკვე 635 ათას სულს შეადგენდა. (აქვე მიუთითებთ, რომ თბილისი ტრადიციულად ინტერნაციონალური სოლიდარობის ქალაქს წარმოადგენს). მისი მოსახლეობის ეროვნული შემადგენლობა ასეთია: ქართველები — 44 პროც., სომხები — 26,4 პროც., რუსები — 18 პროც., ყველა სხვა ეროვნებანი 11,6 პროც.). თბილისში მოსახლე ყველა ერის შეილებს აქვთ ეროვნული განვითარების ფართო შესაძლებლობა. თავიანთ ენაზე ისინი ასწავლიან შეილებს, სცემენ გაზეთებსა და ჟურნალებს, ისვენენ რადიო-გადაცემებს. ბექდავენ პოლიტიკურ და მხატვრულ ლიტერატურას და სხვ. თბილისში მოსახლე სხვადასხვა ეროვნების შეილთა თანამეგობრობა, სოციალიზმის გამარჯვების შედეგად გაიზარდა და განმტკიცდა. თბილისის ყველა მშრომელი, განურჩევლად ეროვნებისა, თავდადებით, ერთუზიანებით, მონაწილეობდა და მონაწილეობს მშობლიური ქალაქის მშენებლობაში, მის შემოქმედებით, მჩქეფარე ცხოვრებაში.

როგორია ის ძირფესვიანი ცვლილებები, რომელიც საბჭოთა ხელისუფლების წლებში ქალაქმა განიცადა?

საბჭოთა ხელისუფლების გამარჯვების პირველ წელს თბილისში მოქმედებდა 20 მცირეძალიანი ელექტროსადგური, რომელთა საერთო სიმძლავრე 4.080 ცხენისძალას არ აღემატებოდა. ქალაქის მოსახლეობის 30 პროც. თუ ჰქონდა ელექტროგანათება. ქუჩები სიბნელით იყო მოცული. ზაპესის ამუშავებამ 1927 წელს ერთის დაკვრით გიგანტურად წასწია წინ თბილისის ელექტროფიკაციის საქმე. 1935 წელს ელექტროენერჯის მოხმარება ქალაქის ერთ მცხოვრებზე წელიწადში საშუალოდ უკვე 199,2 კილოვატსათს უდრიდა. მაგრამ ქალაქის მეურნეობის სწრაფი ზრდის პირობებში ელექტროენერჯის ნაკლებობამ ისევ იჩინა თავი. მდგომარეობა გაუმჯობესდა იმით, რომ შეიქმნა საქართველოს ელექტროსადგურების ერთიანი სისტემა, რომლითაც შესაძლებელი გახდა თბილისისათვის საქართველოს სხვა მძლავრი ჰიდროელექტროსადგურების მიერ გამომუშავებული ელექტროენერჯის მიწოდება. ამასთან, 1939 წელს ამუშავდა თბილისის ელექტროცენტრალის პირველი რიგი. 1941 წ. — მეორე რიგი. ამჟამად თბილისში ელექტროენერჯის მოხმარება 400-ჯერ და უფრო მეტად აღემატება რევოლუციამდელ პე-

რიოდს. 30-ჯერ გაიზარდა ქალაქის მაღალი ძაბვის ქსელის სიგრძე. თბილისის ელექტროენერჯით მომარაგების საქმე წინ წასწია აგრეთვე ორთაქალაქის აგებამ, საქენერჯოს სისტემაში ახალი ჰიდროელსადგურების ჩართვამ და მოძმე აზერბაიჯანის ტერიტორიაზე მინგეჩაურჰესის ამუშავებამ, რომელიც ახლა ენერჯიას თბილისსაც აწვდის.

რევოლუციამდე თბილისს განსაკუთრებით აწუხებდა წყლის ნაკლებობა, მოსახლეობა სასმელად ხმარობდა მტკვრის მღვრიე წყალს. ავქალის მცი-რეძალოვანი ერთადერთი წყალსადენი მცირე პროცენტს აკმაყოფილებდა. უბნებში თითო-ოროლა ონკანი იდგა. „მეთულხეჩენი“ მტკვრის წყალს ჰყიდდნენ ქუჩებში. ქალაქის საბჭომ პირველ რიგში, გადაახალისა და გააუმჯობესა არსებული წყალსაქაჩავები. 1929 წელს დაიწყო ნატახტარის წყალსადენის მშენებლობა და 1933 წლის აგვისტოში თბილისში მიღებულ იქნა ნატახტარის ანკარა წყაროების წყალი. ქალაქისათვის ეს წამდელი ზეგმი იყო. მაგრამ გიგანტურად მზარდი თბილისი მალე ნატახტარმაც ვერ დააკმაყოფილა. 1941 წელს დაშთავრდა ნატახტარის მეორე რიგის მშენებლობა. რამაც წყლის მიწოდება ქალაქისათვის სექუნდში 180 ლიტრით გაადიდა. 1952 წელს რიგში ჩადგა ბულაჩაურის წყალსადენი. თბილისმა და მისმა პირმშომ რუსთავემა დამატებით ბულაჩაურის წყაროს წყალი მიიღო. თბილისის წყლით მომარაგების შემდგომი გაუმჯობესებისათვის ისევ მიმდინარეობს მუშაობა. მიმდინარე წელს ექსპლოატაციაში შევა საგურამოს წყალსადენის პირველი რიგი და სამგორის წყალსადენის მეორე რიგი. ახლა წყლის მიღების სულადობრივი ნორმა დღე-ღამეში 300 ლიტრაზე მეტს შეადგენს, მაშინ როცა 1921 წელს იგი 40 ლიტრს არ აღემატებოდა.

1883 წელს თბილისში რკინიგზის სადგურიდან ვორონცოვის მოედნამდე გაყვანილ იქნა ცხენის რკინიგზა (კონკა). იგი შემდეგ პუშკინის ქუჩამდე გაგრძელდა. ვიწროლიანდაგიანი ელექტროტრამვები თბილისში პირველად 1904 წელს ამუშავდა. 1921 წელს ხაზზე მუშაობდა სულ 33 ვაგონი, რომელმაც 22 ათასი მგზავრი გადაიყვანა. ტრანსპორტის მეურნეობა მოშლილი იყო. ტრამვაი ცენტრს ემსახურებოდა. გარეუბნებში გასასვლელი ქუჩები ვიწრო და მოუკირწყლავი იყო. წვიმიან დღეებში იქ გავლა შეუძლებელი ხდებოდა.

ქალაქის საბჭომ პირველ რიგში გადაახალისა ტრამეის მეურნეობა. შეიცვალა გაცვეთილი რელსები და შპალები, მოძრაობა ფართოლიანდაგზე იქნა გადაყვანილი, გაიზარდა ქსელი, გადიდა ვაგონების რიცხვი. 1927 წ. თბილისის ხაზზე უკვე მუშაობდა 134 ვაგონი, ხოლო 1940 წელს 259 ვაგონი, რომელსაც წლიურად 194.320,8 ათასი მგზავრი გადაჰყავდა.

მალე თბილისში ტრამეის გვერდში ამოუდგა ტრანსპორტის ახალი და მოხერხებული სახე — ტროლეიბუსი. ტროლეიბუსების საპაერო ხაზებმა მოკლე ხანში გადასერეს ქალაქის პროსპექტები და ქუჩები. ამჟამად თბილისის მოსახლეობას ყოველ-ღლიურად მომსახურებს უწევს ტრამეის 289 ვაგონი, 108 ტროლეიბუსი, 240 აეტობუსი და 490 მსუბუქი აეტომანქანა. თბილისიდან სარეისო აეტობუსები სისტემატურად დადიან ამიერკავკასიის მოძმე რესპუბლიკათა დედაქალაქებში (ბაქო, ერევანი), აღმოსავლეთ საქართველოს რაიონულ ცენტრებში, თბილისის საგარეუბნო კურორტებზე, საქართველოს სამხედრო გზაზე ჩრდილოეთ კავკასიაში. ტრამვაი-ტროლეიბუსების და აეტომანქანების ქსელი და რიცხვი უახლოეს წლებში მნიშვნელოვნად გაიზარდება.

თბილისი იმთავითვე საბინაო ფონდის სიმცი-რით ხასიათდებოდა. საბჭოთა ხელისუფლების დამყარებამდე ნათელ, ფართო და კეთილმოწყობილ ბინებში მხოლოდ შეძლებული პირები ცხოვრობდნენ. თბილისის პროლეტარიატი უმთავრესად მოსახლეობდა გარეუბნებში, სადაც ვიწრო, ფარლალა ქოხმანები იყო აგებული.

თბილისის მშრომელთა საბინაო პირობების გასაუმჯობესებლად საბჭოთა ხელისუფლებამ ერთის დაკვრით გაატარა მნიშვნელოვანი ღონისძიებანი. სახლმშენებლებს ჩამოართვა ბინები და მათში მუშები და მოსამსახურეები ჩაასახლა, დააწესა ბინათსარგებლობის და კომუნალური მომსახურების ნორმალური და მტკიცე საფასური.

მაგრამ ეს საქმეს ვერ შევლოდა. თბილისის მრავალი ძველი შენობა მწყობრიდან გამოდიოდა. მოსახლეობის რიცხვი სწრაფად იზრდებოდა. 1927 წელს ერთ სულ მოსახლეზე საშუალოდ 5,6 კვ. მეტრი მოდიოდა. ეს ფონდიც არათანაბრად იყო განაწილებული.

1924 წლიდან ქალაქში დაიწყო სწრაფი საბინაო მშენებლობა. 1924 — 27 წლებში ქალაქში აგებულ

იქნა 115 საცხოვრებელი სახლი 9.971 კვ. მეტრის ფართობით. 1940 წელს თბილისის საცხოვრებელ-მა ფართობმა 4609 ათას კვ. მეტრს მიაღწია. საბინაო მშენებლობის ტემპები განსაკუთრებით გაიზარდა ომის შემდგომ წლებში. მოკლე ხანში წამოიჭიმა მრავალსართულიანი საცხოვრებელი სახლები მტკვრის მარცხენა სანაპიროზე, მარქსისა და მარჯანიშვილის მოედანზე, პლენხანოვის პროსპექტზე. ვაკესა და საბურთალოში შეიქმნა ახალი საცხოვრებელი კვარტალები. 1956 წლის დასაწყისისათვის საცხოვრებელი ფართობი ქალაქში 5 400 ათას კვ. მეტრს შეადგენდა. მარტო 1956 და 1957 წლებში სახელმწიფო ხაზით აშენდა და საექსპლოატაციოდ გადაეცა 3,5 ათასი კვ. მეტრით მეტი საცხოვრებელი, ვიდრე მთელ მეხუთე ხუთწლეულში. 1958 წლის ბოლომდე საექსპლოატაციოდ გადაეცემა 100 ათასი კვ. მეტრი ფართობი. მომავალში თბილისელები ყოველწლიურად 200 ათას კვ. მეტრ ფართობს მიიღებენ. ახალი სახლები კეთილმოწყობილია. მოსახლეობის საყოფაცხოვრებო პირობებს დიდად გააუმჯობესებს ქალაქის გაზიფიკაცია, რომელიც მომავალი წლიდან დაიწყება.

შორეულ წარსულში თბილისის ტერიტორია და მისი გარეუბანი ტყით იყო დაფარული. შემდეგ ტყე გაიჩნა, ნიადაგი მწირი გახდა და თბილისი მოტიტვლებული გორებით გარემოცული აღმოჩნდა. მწვანე ნარგავების სიმცირე ქალაქში ზაფხულის ცხელ დღეებს აუტანელს ხდიდა. რევოლუციამდე საერთო სარგებლობის მწვანე ნარგავების ფართობი ქალაქში მხოლოდ 24 ჰექტარს შეადგენდა. საბჭოთა ხელისუფლების წლებში თბილისის გამწვანებას მიექცა სერიოზული ყურადღება. გაშენდა ახალი პარკები და სკვერები, ქუჩების ორთავე მხარეს ჩამწკრივდა ფოთლოვანი ხეების რიგი. ამჟამად თბილისში მწვანე ნარგავების საერთო რაოდენობა 365 ჰექტარს შეადგენს. თბილისის მშრომელები ზაფხულის ცხელ საღამოებს ატარებენ სტალინის, ორჯონიკიძის, კიროვის სახელობის, ვაკის და სხვ. კეთილმოწყობილ პარკებში. მტკვრის სანაპიროს ხეივანებში, დეკორატიულ სკვერებში და მწვანით გარემოილ სხვა ადგილებში, სადაც მათ აღარ აწუხებთ ზაფხულის პაპანაქება.

საბჭოთა ხელისუფლების წლებში მნიშვნელოვნად გაიზარდა თბილისის საეკპრო ქსელი. აშენდა

მრავალი საკომუნალური ბაზარი, გაიხსნა მსხვილი სპეციალიზებული საეკპრო მაღაზიები. 1957 წელს თბილისში საეკპრო მაღაზიებისა და საზოგადოებრივი კვების ქსელი 2137 ერთეულს შეადგენდა.

საბჭოთა ხელისუფლების წლებში თბილისის კეთილმოწყობაზე აუარებელი თანხები დაიხარჯა. იმის ნათელ ილუსტრაციას, თუ როგორ იზრდებოდა თბილისის სოციალისტური რეკონსტრუქციისათვის გაღებული თანხები, იძლევა თბილისის ბიუჯეტის ზრდა. თუ 1924 წელს ქალაქის ბიუჯეტი შეადგენდა 2181 მანეთს, 1933 წელს მან 60.422 ათას მანეთს მიაღწია. 1937 წლისათვის ბიუჯეტი 151.175 ათას მანეთს, ხოლო 1939 წელს 166 მილიონ მანეთს შეადგენდა. თბილისის მშრომელთა დაუღალავმა მარჯვენამ კომუნისტური პარტიის ხელმძღვანელობითა და საბჭოთა მთავრობის დახმარებით თბილისი კეთილმოწყობილ, საცხოვრებლად მოხერხებულ და მიმზიდველ ქალაქად გადააქცია.

1930 წლამდე მტკვრის ორთავე სანაპირო უსწორმასწორო ქუჩუიან, დაკაობებულ, წვრილი სახელოსნოებითა და ფიცრული სახლებით დახერგილ ზოლს წარმოადგენდა. განსაკუთრებით ანტი-სანიტარულ მდგომარეობაში იყო მადათოვის კუნძულის ტერიტორია, სადაც აშშორებული წყალი და ნაგვის გორები ჰაერს წამლავდნენ. 1933 წლიდან თბილისში ინტენსიურად გაიშალა მტკვრის სანაპირო ქუჩების მშენებლობა. 1935 წელს თბილისის მშრომელებმა მიიღეს შესანიშნავი საჩუქარი — გრანიტოვანი სანაპირო ვ. ი. ლენინის სახელობის ხიდიდან კ. მარქსის სახელობის ხიდამდე მტკვრის მარცხენა ნაპირზე. შემდგომ წლებში სანაპიროს მშენებლობა გრძელდებოდა და ახლა დასასრულს უახლოვდება. ახლა მტკვარი თბილისის მთელ სიგრძეზე გრანიტოვან არტახებშია მოქცეული. მის ორთავე მხარეს გასდევს ფართო მაგისტრალები, რომლებიც ხეივანებით, პარკებით, სკვერებითა და მრავალსართულიანი საცხოვრებელი სახლებით არის დამშვენებული.

სანაპიროს აგებასთან დაკავშირებით გადაიჭრა მეორე უმნიშვნელოვანესი პრობლემა — ელბაქიძის სახ. დაღმართის გადატვირთვის და საბურთალოსა და ვაკის რაიონების რკინიგზის სადგურთან დაკავშირების პრობლემა. მდ. ვერასა და მტკვარს შორის აღმართული გორაკის გავტრამ და იქ ფართო,

მოასფალტებული ქუჩის გაყვანამ, მტკვარზე ერთ-ერთი ულამაზესი ხიდის აგებამ, ამ უბანს საყვარელი შეუქცვალა სახე. იქ, სადაც რევოლუციამდე ქალაქის დასასრული იყო, გაკეთდა გმირთა სახელობის ერთ-ერთი ულამაზესი მოედანი, რომლის ერთ მხარეზე მრავალსართულიანი საცხოვრებელი სახლი, ხოლო მეორე მხარეს, მაღლობზე, სახელმწიფო ცირკის ულამაზესი შენობაა წამოჭიმული. წლების მანძილზე მიმდინარეობდა ვარაზის ხევის ამოცნობა და 1957 წლის მაისში გმირთა მოედანი ფართო, კეთილმოწყობილ ხეივანი ადმართით დაუკავშირდა ვაკეს. ამ გრანდიოზულმა სამუშაომ ვაკისა და საბურთალოს რაიონები ქვემარტად დაამშვენა, ამავე დროს, რეგულაცია შეიტანა ქალაქის ტვირთთა ნაკადის მარშრუტების განაწილებაში.

1935 წელს დამთავრდა კალიევის სახ. ადმართის გასწორება, გაფართოება და კეთილმოწყობა, გაიხსნა კომკავშირის ხეივანი — თბილისის მშრომელთა ერთ-ერთი საუკეთესო დასასვენებელი ადგილი.

თბილისის დასავლეთიდან დაპყურებს მალღობი — თრიალეთის ქედის ტოტები. 1900 წელს ბელგიელთა ერთ-ერთმა ანონიმურმა საზოგადოებამ აქ ააგო ტრამვაის საბაგირო ხაზი — ფუნიკულიორი, მაგრამ რევოლუციამდე კეთილმოწყობლობის გამო ფუნიკულიორს თბილისისათვის რაიმე არსებითი მნიშვნელობა არ ჰქონია. ფუნიკულიორის ზედა პლატო ჯაგებით იყო დაფარული. მეორე ხუთწლედის მანძილზე აქ გრანდიოზული სამუშაო განხორციელდა. აიგო ტრამვაის ქვედა სადგური, გადახალისდა ხაზი, ხოლო ფუნიკულიორის ზემოსადგური დამშვენდა მარმარილოსა და გრანიტისაგან ნაგები სამსართულიანი შენობით. გაშენდა ფართო პარკი, აიგო კინო-თეატრისა და ესტრადის შენობები, მოეწყო მრავალი გასართობი. ფუნიკულიორამდე მიყვანილ იქნა ფართო მოასფალტებული გზა. ფუნიკულიორი, რომელსაც ახლა სტალინის სახელობის კულტურისა და დასვენების პარკი ეწოდება, თბილისის მშრომელთა ერთ-ერთი უსაყვარლესი დასასვენებელი და გასართობი ადგილია, იგი დიდძალ ხალხს იზიდავს და ყველას ხიბლავს სილამაზითა და გრანდიოზულობით.

ძირფესვიანად გარდაიქმნა ავლაბრის და ორთაქალის რაიონები. ვიწრო დაკლაკნილი ქუჩები და ასანთის კოლოფებივით მოწყობილი ერთსართუ-


ლიანი სახლები წარსულს ჩაბარდა. ეს რაიონები ფართო, მოასფალტებული ქუჩებით დაისერა და მრავალსართულიანი სახლებით დამშვენდა. თბილისის ულამაზეს რაიონებად იქცა აგრეთვე ვაკე, საბურთალო, ნავთლული და ნაძალადევი, რომლებიც წინათ ან საყვარელი დაუსახლებელ ან კუჭყიან, უყურადღებოდ მიტოვებულ და უგზობის გამო მიუღვამელ გარეუბნებს წარმოადგენდნენ.

თბილისის დამშვენდა ახალი მოედნებით, ფართო პროსპექტებით. ქალაქის მარჯვენა ნაწილი მარცხენას მჭიდროდ დაუკავშირდა ახალი ხიდებით, თვალსაჩინო ადგილებზე აიგო ჩვენი ქვეყნის გამოჩენილ შვილთა მონუმენტები და ძეგლები. თბილისს აქვს ორი სტადიონი, საცურაო აუზი და მრავალი სპორტული მოედანი, აშენდა ახალი სასტუმროები, გარდაიქმნა და გაფართოვდა ვაგზლის რაიონი და რკინიგზის სადგურის შენობა.

თბილისის შემდგომი კეთილმოწყობისათვის მიმდინარე წელს გრანდიოზული სამუშაოები მიმდინარეობს. ქალაქის 1500 წლისთავისათვის დამთავრდება ერთ-ერთი ულამაზესი 1800 მეტრის სიგრძისა და 50 მეტრის სიგანის მაგისტრალის მშენებლობა, იგი ვაკეს საბურთალოს საცხოვრებელ მასივთან დააკავშირებს. აიგება დიდი საცურაო აუზი, სრულად დამთავრდება მტკვრის სანაპიროს მშენებლობა, გაიხსნება ახალი სასტუმრო „საქართველო“. მოხდება ელბაქიძის დაღმართისა და რუსთაველის პროსპექტის რეკონსტრუქცია.

თბილისის უახლოეს ათეულ წლებში კიდევ უფრო დამშვენდება, მისი ზრდა-განვითარების ტემპი მთელი ჩვენი ქვეყნის წინსვლის ტემპს ეთანაბრება.

რევოლუციამდელ თბილისში ოთხი საავადმყოფო, 6 ამბულატორია და ორი სამშობიარო სახლი არსებობდა. მთელ ქალაქს მომსახურებას უწევდა სულ 53 ექიმი. საბჭოთა ხელისუფლების დამყარების შემდეგ სახალხო მეურნეობის ყველა დარგში წინსვლასთან ერთად მიმდინარეობდა ჯანმრთელობის დაცვის ქსელის გაშლა-გაფართოება. იხსნებოდა ახალი, კეთილმოწყობილი საავადმყოფოები, პოლიკლინიკები, დისპანსერები, სამშობიარო სახლები, საბავშვო ბაგები, სამკურნალო,



საქართველო სახლი მბეჭდის ჯარსტენა სანაპირზე

სამეცნიერო-კვლევითი დაწესებულებანი. ამჟამად თბილისის მოსახლეობას მომსახურებას უწევს 45 სტაციონარული სამკურნალო დაწესებულება 6582 საწოლით. საავადმყოფოს გარეშე ამბულატორიული დახმარებისათვის მუშაობს 34 პოლიკლინიკა, 30 საბავშვო კონსულტაცია, 9 სტომატოლოგიური პოლიკლინიკა, 20 დისპანსერი. ქალაქის ჯანმრთელობას 4731 ექიმი ემსახურება. თუ რევოლუციამდე თბილისში ერთი ექიმი 1400 სულ მაცხოვრებელზე მოდიოდა, ახლა საშუალოდ ერთი ექიმი 130 სულ მოსახლეზე მოდის.

საბჭოთა ხელისუფლების წლებში თბილისში შეიქმნა 18 სამედიცინო სამეცნიერო-კვლევითი დაწესებულება. საავადმყოფოები და ამბულატორიები უმაღლესი სამედიცინო ტექნიკითაა აღჭურვილი. თბილისში მოღვაწეობენ სხვადასხვა დაავადებათა სახელგანთქმული მკურნალი სპეციალისტები. განსაკუთრებული მზრუნველობითაა გარემოცული ბავშვთა ჯანმრთელობა. თუ წინათ ქალაქში სრულიად არ არსებობდა საბავშვო ბაგები, ახლა 53 საბავშვო ბაგაა 2929 საწოლით; გახსნილია 8 საბავშვო სანატორიუმი, სპეციალური საბავშვო საავადმყოფოები. საგანგებო ყურადღება ექცევა ეპიდემიურ დაავადებათა წინააღმდეგ ბრძოლას. მუშაობს მრავალი სანიტარულ-ჰიგიენური დაწესებულება. ქალაქის 22 აბანო ერთდროულად 1464 კაცს ატარებს.

თბილისი მდიდარია საგარეუბნო კურორტებით. წყნეთი, კოჯორი, კიკეთი, მანგლისი, მცხეთა, გლდანი, ოქროყანა, მარტყოფი, ბეთანია და სხვ. თბილისის მშრომელთა საუკეთესო დასვენების ადგილებს წარმოადგენენ.

საბჭოთა ხელისუფლების მზრუნველობა სახალხო განათლების საქმისადმი თბილისს 1921 წელსვე დაეტყო. მენშევიკური მთავრობის პირობებში განათლებისათვის შექმნილი სიძნელეების მიუხედავად, 1921 — 22 სასწავლო წლისათვის უკვე მოსახერხებელი გახდა მოსწავლეთა კონტინგენტის მნიშვნელოვანი გადიდება. სოციალისტური ხუთწლიელების მანძილზე თბილისის სკოლების რიცხვი და მოსწავლეთა რაოდენობა განუწყვეტლივ იზრდებოდა. ამავე დროს სწრაფად მიმდინარეობდა წერა-კითხვის უცოდინარობისა და მცირემცოდნეობის ლიკვიდაცია. ამჟამად თბილისში 173 ზოგადსაგანმანათლებლო სკოლაა 105.500-ზე მეტი მოსწავლით.

ასე რომ ყოველ ათას სულ მოსახლეზე 160-ზე მეტი მოსწავლე მოდის. თბილისის ზოგადსაგანმანათლებლო სკოლებს 7100 მასწავლებელი ემსახურება. გარდა ამისა, თბილისში არსებობს მუშა-ახალგაზრდობის 23 და სოფლის ახალგაზრდობის 6 სკოლა. თბილისის ტექნიკუმები ყოველწლიურად 2000-მდე სპეციალისტს ამზადებენ.

უმაღლესი განათლების ისტორია თბილისში ფაქტიურად საბჭოთა ხელისუფლების გამარჯვებიდან იწყება. 1918 წელს დაარსებული თბილისის სახელმწიფო უნივერსიტეტი, რომელიც კერძო შემოწირულებაზე იყო დაყრდნობილი, 1921 წლისათვის მხოლოდ 3 ფაკულტეტს ითვლიდა.

საბჭოთა მთავრობამ უმაღლესი განათლების საქმე საქართველოში წინ წასწია გიგანტური ნაბიჯებით. თბილისის სახელმწიფო უნივერსიტეტის ბაზა, შემადგენლობა, კადრები 1928 — 30 წლისათვის იმდენად გაიზარდა, რომ შესაძლებელი შეიქმნა მისგან ცალკეული ფაკულტეტების გამოყოფა დამოუკიდებელი ინსტიტუტების სახით. ასე შეიქმნა საქართველოს პოლიტექნიკური ინსტიტუტი, რომელსაც ახლა 8 ფაკულტეტი გააჩნია და 37 სპეციალობის ინჟინრებს ამზადებს. 1930 წელს დამოუკიდებლად დაარსდა აგრეთვე სასოფლო-სამეურნეო ინსტიტუტი, რომლის 12 ფაკულტეტზე ყოველწლიურად საშუალოდ 2700-ზე მეტი სპეციალისტი მზადდებდა. რესპუბლიკის ერთ-ერთი მსხვილი სასწავლო და სამეცნიერო დაწესებულებაა სამედიცინო ინსტიტუტი, რომელიც ჩვენი ქვეყნისათვის ყოველწლიურად ასობით მაღალკვალიფიციურ ექიმს ამზადებს. რაც შეეხება თბილისის ი. ბ. სტალინის სახელობის სახელმწიფო უნივერსიტეტს, იგი ამჟამადაც რესპუბლიკაში ყველაზე მძლავრ კულტურულ კერას და კადრების უმნიშვნელოვანეს სამჭედლოს წარმოადგენს. აქ 5 ათასამდე სტუდენტი ეუფლება მეცნიერების სხვადასხვა დარგს. ახალგაზრდობის აღზრდას ემსახურება 450-მდე პროფესორ-მასწავლებელი. ჩვენს რესპუბლიკაში და მის ფარგლებს გარეთაა განთქმული უნივერსიტეტში აღმოცენებული ქართული სკოლები მათემატიკისა, ფიზიოლოგიისა, გეოლოგიისა, ფილოსოფიისა, ფსიქოლოგიისა, გეოგრაფიისა, საქართველოს ისტორიისა, ძველი ქართული ენისა, ლიტერატურისა და სხვ. სამეცნიერო დისციპლინებისა.

თბილისში ახლა 12 უმაღლესი სასწავლებელია 73 ფაკულტეტით და 32.400 სტუდენტით. 7 დაუსწრებელ უმაღლეს სასწავლებელში 10 ათასი სტუდენტი ირიცხება.

საბჭოთა ხელისუფლების გამარჯვებიდან იწყება საქართველოსა და მის დედაქალაქში მეცნიერების ნამდვილი ზრდა-განვითარება, რომლის კერას თბილისის უნივერსიტეტი და მის ბაზაზე შექმნილი ინსტიტუტები წარმოადგენენ. ქართული მეცნიერების განვითარებაში ახალი ეტაპის მუწევრები იყო საქართველოს სსრ მეცნიერებათა აკადემიის დაარსება თბილისში. 1935 წელს შეიქმნა სსრ კავშირის მეცნიერებათა აკადემიის საქართველოს ფილიალი, ხოლო 1941 წ. მეცნიერებათა აკადემია, რომლის შემადგენლობაში მამინ 14 სამეცნიერო-კვლევითი დაწესებულება შევიდა. ამ 10 — 15 წლის მანძილზე საქართველოს მეცნიერებათა აკადემია სწრაფად გაიზარდა. თუ დაარსებისას საქართველოს მეცნიერებათა აკადემია აკადემიის 16 ნამდვილ წევრს ითვლიდა, ახლა მას ჰყავს 1 საპატიო წევრი, 47 აკადემიკოსი და 32 წევრ-კორესპონდენტი. აკადემიის შემადგენლობაში შედის 31 ინსტიტუტი, რომლებშიც 500-ზე მეტი მეცნიერებათა დოქტორი და კანდიდატი.

საქართველოს მეცნიერებათა აკადემიის და უმაღლესი სასწავლებლების პროფესორ-მასწავლებელთა დაუცხრომელი მუშაობის შედეგად მეცნიერულმა აზრმა დიდად წაიწია წინ. ქართველმა მეცნიერებმა გამოაქვეყნეს საბჭოთა კავშირში და საზღვარგარეთ ცნობილი და დიდ მიღწევად აღიარებული გამოკვლევანი მათემატიკის, ფიზიკის, გეოლოგიის, ქიმიის, მედიცინის, სოფლის მეურნეობის, ტექნიკის, გეოგრაფიის, საზოგადოებრივ მეცნიერებათა დისციპლინებში. მეცნიერებათა აკადემიას შეემატა ელექტროტექნიკის, აეტომეტიკისა და ტელემექანიკის ინსტიტუტები, გამოყენებითი ქიმიისა და ელექტროქიმიის ინსტიტუტები, გამოთვლითი ცენტრი. განზრახულია სამთო საქმის, ექსპერიმენტულ და კლინიკური ნერვოლოგიის, პალეოგრაფიისა და სხვ. ინსტიტუტების შექმნა.

თბილისის მოსახლეობის კულტურული დონის ზრდასთან ერთად ფართოვდებოდა ჟურნალ-გაზეთების, მხატვრული, პოლიტიკური, მეცნიერული, საბავშვო ლიტერატურის გამომცემლობის საქმე. თბილისში ამჟამად გამოდის 15 რესპუბლიკური

გაზეთი და 15 ჟურნალი. თბილისის ქართულ, რუსულ, სომხურ სკოლებს აქვთ სახელმძღვანელოები მშობლიურ ენაზე. ქართველი მკითხველი მშობლიურ ენაზე ეცნობა რუსეთის, სსრ კავშირის მოძვე ერების, მსოფლიო კლასიკოს და თანამედროვე მწერალთა საუკეთესო ქმნილებებს. ქალაქში ამჟამად მოქმედობს 54 საკლუბო დაწესებულება, მრავალი რაიონული ბიბლიოთეკა, კ. მარქსის სახელობის საჯარო ბიბლიოთეკა, რომლის წიგნადი ფონდი 2 მილიონს აღემატება, 12 მუზეუმი, 8 მუდმივი კინოთეატრი, ოთხი დრამატული თეატრი, ოპერა, რადიოს და ტელეხედვის ცენტრები.

საბჭოთა ხელისუფლების წლებში წინათ არახული განვითარება და აყვავება განიცადა ქართულმა ლიტერატურამ, რომლის ცენტრს ყოველთვის წარმოადგენდა და წარმოადგენს თბილისი.

სოციალისტური წყობილების გამარჯვებამ ქართველ მწერლებს შეუქმნა შემოქმედებითი მუშაობის გაჩაღების შესანიშნავი პირობები. პარტიისა და მთავრობის ყოველდღიური დახმარებისა და მზრუნველობის ვითარებაში ქართულმა საბჭოთა მწერლობამ შესძლო მხატვრულად აესახა საბჭოთა ადამიანების გმირული რევოლუციური ტრადიციები, ახალი ეპოქის დაბადება, ხალხის შემოქმედებითი შრომა დიდი მომავლისათვის ბრძოლაში. სოციალისტური რეალიზმის დამკვიდრებამ ახალ საფეხურზე აიყვანა ის. რეალისტური და რევოლუციური-დემოკრატიული ტრადიციები, რომელიც XIX საუკუნეში ქართულ ლიტერატურას ახასიათებდა. სოციალიზმის გამარჯვება, ძველი და დრომოკმული ჩვევების წინააღმდეგ შეურიგებელი ბრძოლა, ხალხთა მეგობრობა და მგზნებარე პატრიოტიზმი, სამშობლოსათვის მამაცური ბრძოლისა და თავდადების ჩვევები, ახალი ეპოქის ადამიანები, მათი დიადი საბრძოლო და შრომითი პათოსი ქართული პოეზიისა და პროზის წამყვან თემებს წარმოადგენენ. ქართველი მწერლებსათვის ყოველთვის კეთილშობილურ თემას წარმოადგენდა მშობლიური თბილისი, მისი გმირული წარსული და აწმყო, მისი ადამიანების ფიქრები და ოცნებანი. მთელ ჩვენს ქვეყანაში სახელმძღვანელო მწერლებს და პოეტებს — გ. ტაბიძეს, მ. ჯავახიშვილს, ტ. ტაბიძეს, პ. იაშვილს, გ. ლეონიძეს, კ. გასსახურდიას, ი. გრიშაშვილს, ლ. ქიაჩელს, შ. დადიანს, ი. აბაშიძეს, ს. ჩიქოვანს, გ. აბაშიძეს,

კ. კალაძეს, რ. მარგანს, ი. ნონეშვილს და სხვ. შესანიშნავად აქეთ ნაჩვენები საქართველოს დედაქალაქის ისტორიული წარსული, მისი გარეგანი მომხიბვლელობა და დიდი აზრებით, შემოქმედებითი დუღილით აღსაყვებ თანამედროვე ცხოვრება.

ქართული ლიტერატურის ზრდისა და აყვავების ნათელ დემონსტრაციას წარმოადგენდა ქართული ლიტერატურისა და ხელოვნების დეკადა ქალაქ მოსკოვში მიმდინარე წლის გაზაფხულზე. მოსკოვისა და მთელი საბჭოთა კავშირის მკითხველებმა ქართული ლიტერატურის მიღწევები ნათლად დაინახეს იმ 150-ზე მეტი წიგნით, რომელიც დეკადის წინა დღეებში გამოიცა მოსკოვში. დეკადის დღეებში მიმდინარე შემოქმედებით დისკუსიებზე მოსკოველი თანამოკალმენი გულწრფელად აღიარებდნენ იმ მაღალ ოსტატობას, იდეურ დახვეწილობას, სიღრმესა და სილამაზეს, რომლითაც ხასიათდება ქართველი მწერლების ნამუშევარი, ამავე დროს მიუთითებდნენ იმ ცალკეულ ხარვეზებზე, რომელთა დაძლევა მთელ საბჭოთა მწერლობასთან ერთად ქართველი მწერლების საბრძოლო ამოცანას წარმოადგენს.

თბილისი თეატრების ქალაქია. სახელოვანი ტრადიციები გააჩნია თბილისის ოპერისა და ბალეტის თეატრს, რომელსაც ასზე მეტი წლის ისტორია აქვს. თბილისის ოპერისა და ბალეტის თეატრის უკანასკნელმა დადგმებმა მთელ მსოფლიოში გაითქვეს სახელი. ბალეტი „ოტელო“, ერთხმად არის აღიარებული არა მარტო ქართულ, არამედ მთელი საბჭოთა საბალეტო ხელოვნების სიამაყედ და გვირგვინად; ხოლო ბალეტის დამდგმელი და ოტელოს როლის შემსრულებელი ვახტანგ ქაბუკიანი — საბჭოთა საბალეტო ხელოვნების ფენომენად. დეკადაზე მოსკოვის მაყურებელი მოზიბლა არა მარტო „ოტელომ“, არამედ თეატრის ისეთმა დადგმებმა, როგორცაა „გორდა“, „დაისი“ და სხვ.

შეტად მრავალფეროვანი და მიმზიდველია თბილისის დრამატიული თეატრების რეპერტუარი. რუსთაველისა და მარჯანიშვილის სახელობის თეატრები, რომელთაც ასი წლის წინათ შექმნილი ქართული თეატრის დიდი ტრადიციები გააჩნიათ, წარმატებით უჩვენებენ თავიანთ სცენაზე ქართულ, რუსულ და მსოფლიო კლასიკოსთა დრამატიულ ნაწარმოებებს, თანამედროვე ყოფის ამსახველ სპექტაკლებს. რუსთაველის სახელობის თეატრის

სპექტაკლებმა „ოიდიპოს მეფემ“ და „ესპანელმა მლედელმა“, მარჯანიშვილის სახ. თეატრის „რიჩარდ მესამემ“, „ესკადრის დაღუპვამ“, „მარინემ“, გრიბოედოვის სახ. რუსული თეატრის „ეკვიძემ“, „ხვეისბერმა გოჩამ“ და სხვებმა დეკადაზე მოზიბულეს მოსკოვის მაყურებელი.

რევოლუციამდელ თბილისში კინოხელოვნება არსებობდა არ არსებობდა. 1912 წელს კინოოპერატორმა ამაშუელმა გადაიღო პირველი ქართული მოგზაურობა. 1916 წელს რეჟისორმა ა. წუწუნავამ დადგა მხატვრული ფილმი „ქრისტინე“. ეს იყო და ეს. საბჭოთა ხელისუფლების გამარჯვების შემდეგ შესაძლებელი გახდა ზედიზედ მრავალი მაღალმხატვრული ფილმის გამოშვება. თბილისის კინოსტუდიაში შექმნილი პირველი ხმოვანი ფილმი იყო მ. ქიაურელის „უკანასკნელი მასკარადი“, რომელსაც მოჰყვა მაღალი გემოვნებით გაკეთებული კინოფილმების მთელი სერია. უკანასკნელ წლებში თბილისის კინოსტუდია გამოუშვა ისეთი მაღალმხატვრული სურათები, როგორცაა „მაგდანას ლურჯა“, „ისინი ჩამოვიდნენ მთიდან“, „ბაში-აჩუკი“, „ჩვენი ეზო“, „საბუღარელი ქაბუკი“, „ოთარაანთ ქვრივი“, „აბეზარა“, „სხვისი შვილები“ და მრ. სხვ.

თბილისი მაღალი მუსიკალური კულტურის, სახეითი ხელოვნების, არქიტექტურის ქალაქია. გამოჩენილმა ქართველმა კომპოზიტორებმა ზ. ფალიაშვილმა, დ. არაყიშვილმა, მ. ბალანჩივაძემ და მათმა მომდევნო ნიჭიერმა თაობამ — ა. მაჭავარიანი, ა. კერესელიძემ, ი. გოკიელმა, დ. თორაძემ, ო. თაქთაქიშვილმა, რ. ლალიძემ და სხვებმა შექმნეს ისეთი ბრწყინვალე ქართული ოპერები და ბალეტები, სიმფონიური და ლირიკული ნაწარმოებნი, რომელთაც საყოველთაო აღიარება დაიმსახურეს. ტრადიციულად იქცა თბილისში ყოველწლიურად ხალხური შემოქმედების ოლიმპიადების მოწყობა. რესპუბლიკის მხატვრულ კოლექტივებს თბილისში ოლიმპიადაზე ჩამოაქვთ ძველი ხალხური სიმღერების და ცეკვების, სოციალიზმის ეპოქაში შექმნილი სიმღერებისა და ცეკვების საუკეთესო ნიმუშები. თბილისში პერიოდულად ეწყობა აგრეთვე სამხრეთ ოსეთის, აფხაზეთის, აჭარის ლიტერატურისა და ხელოვნების დეკადები.

ქართული სახეითი ხელოვნების საუკეთესო ნიმუშები დაცულია საქართველოს ხელოვნების მუზეუმში, სამხატვრო აკადემიაში, სურათების გალერე-

რეიასა და ქართველი მხატვრების სალონში. საქართველოს სახვითი ხელოვნება, რომელმაც საბჭოთა ხელისუფლების წლებში ნამდვილი გაფურჩქვნა განიცადა, თავის ტილოებზე ასახავს ქართველი ხალხის დიდ ისტორიულ ტრადიციებს, სოციალიზმის მშენებლობის პათოსს, ინდუსტრიულ-აგრარული საქართველოს თვალწარმტაც პეიზაჟებს. ახალი ყოფის ადამიანთა დიად განცდებსა და ჩანაფიქრს, სოციალისტური სამშობლოს ძალასა და უძლეველობას. საყოველთაოდ სახელმწიფოებრივ ქართველი ოსტატების ლ. გუდიაშვილის, უ. ჯაფარიძის, მ. თოიძის, ი. თოიძის, ა. ვეფხვაძის, ი. ციმაკურიძის, ქობულაძის, ვირსალაძის, ქ. მაღალაშვილის, თ. აბაკელიას, მოქანდაკეების ნ. ნიკოლაძის, თოფურიძის, ს. კაკაბაძის, შ. მიქაძის და სხვ. ნამუშევრები ამკობს საქართველოსა და საბჭოთა კავშირის მრავალ სურათების გალერეიას, მუზეუმებს, სცენას, დარბაზებს, ბალებსა და სკვერებს, ქართული საბჭოთა არქიტექტურის შემოქმედებით ცენტრს თბილისი წარმოადგენს. თბილისელმა არქიტექტორებმა მ. შავიშვილმა, ა. ქურდიანმა, ნ. ქურდიანმა, გ. ლეჟავამ, ა. ნიკოლაიშვილმა, კ. ჩხეიძემ, ა. მიმინოშვილმა, მ. მელიამ და სხვებმა შექმნეს სოციალისტური ეპოქის შესატყვისი გრანდიოზული ნაგებობანი — ფაბრი-

კა-ქარხნები, ადმინისტრაციული შენობები, თეატრები და კლუბები, ხიდები და სტადიონები, რომლებიც ახლა ამშვენებს თბილისს და ინდუსტრიული საქართველოს სხვა სამრეწველო ქალაქებსა და რაიონულ ცენტრებს.


• • •

ასეთია ერთი თვალისგადავლებით სოციალისტური თბილისი, მისი ყოველდღიური ნათელი ცხოვრება, მისი წარსული ტრადიციები...

თბილისი მთელი საქართველოს გულისა, მისი სისხლი და ხორცია საქართველოს მრავალსაუკუნოვან და ქართველებგამოვლილ ისტორიულ ცხოვრებაში თბილისს ყოველთვის ეკავა წამყვანი ადგილი. თუ თბილისს უღბინდა, უღბინდა ქართველ ერსაც, თუ მას უჭირდა, ყველა ჭეშმარიტი ქართველი უპირველეს მოვალეობად თვლიდა იარაღით დაეცვა იგი მომხდური მტრისაგან.

სოციალისტური თბილისი ჩვენი ეპოქის მშენებანა, იგი შრომის, ხალხთა ძმობის ქალაქია. მისი ნიჭიერი, პატრიოტი და გარჯაში დაუდალავი მშრომელები თავდადებით იბრძვიან კომუნიზმის მშენებლობისათვის.

• • •



გრიბოედოვის საფლავი მთაწმინდაზე (XIX ს.)



შალვა ამირანაშვილი

**არმაზისხევეში გათხრების დროს ნაპოვნი
ქრონოსის ხანის მონეტის ვერცხლის თასი**

არმაზისხევეში გათხრების დროს ნაპოვნ ვერცხლის თასს, რომელიც ინახება აკად. ს. ჯანაშიას სახელობის საქართველოს სახელმწიფო მუზეუმში, დიდი მეცნიერული მნიშვნელობა აქვს აღმოსავლეთის ქვეყნებთან, კერძოდ არამეულ კულტურულ სამყაროსთან და ირანთან საქართველოს კულტურული კავშირის გარკვევისათვის ჩვენი წელთაღრიცხვის პირველ საუკუნეებში. იგი იპოვნეს არმაზის ნეკროპოლის № 2 სამარხში, რომლის მდიდარი ინვენტარი დათარიღებულია ჩვენი წელთაღრიცხვის მესამე საუკუნის პირველი ნახევრით¹.

თასი ეკუთვნის ძველი დროის იმ საგანთა რიცხვს, რომლებიც გამოიყენებოდა არა როგორც პრაქტიკული დანიშნულების ნივთი, არამედ როგორც საპატიო საჩუქარი. თასის შესახებ გამოქვეყნებულ შრომაში დაწერილებითაა აღწერილი ეს ძეგლი, მაგრამ არ არის მოცემული მისი ისტორიულ-მხატვრული ანალიზი, არაფერია ნათქვამი ამ თასის, როგორც სახვითი ხელოვნების ქმნილების შესახებ.

¹ მცხეთა. არქეოლოგიურ გამოკვლევათა შედეგები. ტ. I, ა. შ. აფაქიძე, გ. თ. გუდუვალიშვილი, ა. ნ. კალანდაძე, გ. ა. ლომთაძე, არმაზისხევის არქეოლოგიური ძეგლები 1937-1949 წწ. გათხრების მიხედვით, 1955, გვ. 45, 46, ტაბ. XLVII, 1, 2.

თასს გარედან შერჩენილი აქვს წარწერა ჩვეულებრივ ფასულ (სასანურ-ფალაურ) ენაზე, რომლის პირველი წაკითხვა მოცემულია გ. ვ. წერეთლის მიერ წერილში მცხეთის ეპიგრაფიულ ნაპოვნთა შესახებ¹.

თასი წარმოადგენს მრგვალ, არაღრმა კურკულს. მისი დიამეტრია 230 მმ, სიმაღლე — 35 მმ, სიღრმე — 25 მმ. მას აქვს 5 მმ სიმაღლის მირჩილული მრგვალი ფეხი. თასი გაკეთებულია ვერცხლის ორმაგი ფურცლისაგან; თასის შიგნითა პირზე შემოვლებულია მოქრული ლილეაკი, რომელიც წარმოადგენს შიგნით ჩაზნექილ და შემდეგ მირჩილულ-ამოქოლვილ ლითონის ფურცლის ბოლოს. თასი 850 გრამს იწონის.

თასის შიდა პირზე ცენტრში შენახულია მამაკაცის ფიგურის მეკრდზევითა გამოსახულება პროფილში, რომელიც კონტურულ ჭურათს წარმოადგენს და ოსტატურად არის ჩახატული წრეში. მამაკაცს თავი მარჯვნივ აქვს მიბრუნებული, მარჯვენა ხელში მას უჭირავს ყვავილი, რომელიც სახესთან ახლოს აქვს მიტანილი; კულულებად დაყოფილი ხშირი თმა უკან გადაჰყრია, თავს ადგას

¹ Г. В. Церетели, Эпиграфические находки в Мцхета, ВДН, 1948, № 2, გვ. 49—57.

გ. ბ. ბ. ბ. ბ. ბ.

ძველებური გვირგვინი, ისე, როგორც სახელოვან წინაპარსა და სამეფო გვარის ფუძემდებელს ანტიოქ I ნინიტუდ-დალის რელიეფებზე¹. მთელი გვირგვინი ვარსკვლავების და ნახევარმთვარის გამოსახულებით არის მოფენილი. გვირგვინს უკან ლენტია გაშლილი. ძველი ტრადიციის თანახმად ბიუსტი გამოსახულია პირდაპირ, ხოლო თავი — პროფილში; კისერს ამშვენებს ყელსაბამი. ტანსაცმლის აბრეშუმის ქსოვილის ფაქტურა განსაკუთრებული ხელოვნებით არის შესრულებული. ამ თასზე მოთავსებულ პორტრეტულ გამოსახულებას უძველესად ახასიათებს რეალიზმის ელემენტები. გამოზნექილი წარბის რკალი, დიდი და სწორი ცხვირი, დიდი, მკაფიოდ გამოსახული თვალი, დიდი ბაგე, სქემატურად გამოსახული მალა მდებარე დიდი ყური, ხშირი, ხუტუქი წვერი, სქელი სწორი კისერი მთელ გამოსახულებას პორტრეტულ ელფერს აძლევს, რომელშიც გამოსკვივის დამბულობა და ნებისყოფა, ხოლო თავისებური გვირგვინი ამ სურათში გამოხატულ პირს ძლიერამოსილებასა და ოფიციალურობას ანიჭებს.

მთელი გამოსახულების სტილი უძველესად მიგვიჩვენებს, რომ ოსტატი ცდილა ინდივიდუალური ნიშნების მქონე ეს პორტრეტი ქვეყნის გამგებლის გარკვეული პორტრეტისათვის დაემსგავსებინა.

ბიუსტი ისეა მოთავსებული, თითქოს იგი მცენარე აქანთოს ორი ფართოდ გაშლილი სტილიზებული ფოთლისაგან გამოდიოდეს, რაც მოგვაგონებს თაღ-ი-ბუსტანის მცენარეულ დეკორს ქვაზე². წარსეს ძეგლის რეკონსტრუქციაში ე. პერცველდს მოჰყავს სასანური ბიუსტების ნიმუშები, რომლებიც ორი სტილიზებული ფოთლიდან გამოდის³. მოტივი ადამიანის ფიგურის გამოსახულებისა ყვავილთან ერთად გვხვდება აგრეთვე აქემენიდური ეპოქის ხელოვნების ძეგლებზე, პერსეპოლის რელიეფებზე, სადაც სამეფო კარის თანამდებობის პირები, ხანდახან თვით მეფეც ლოტოსის მსგავსი ბუ-

ტონით არიან გამოსახულნი⁴. ეს მოტივი გვხვდება მნიშვნელოვნად უფრო გვიანაც გამოყენებითი ხელოვნების საგნებზე⁵ და მონეტებზე⁶. ცნობილია, რომ ძველი ირანის ღმერთებს თავისი განსაზღვრული ყვავილი მიეკუთვნებოდათ, რასაც სიმბოლური მნიშვნელობა ჰქონდა⁷. მაგალითად, აპურამაზდის ყვავილად წითელი ყვამინი ითვლებოდა, ბაჰმანისა — თეთრი შროშანა და სხვ. ამრიგად, იკონოგრაფიული ნიშნების მიხედვით არმაზის თასის გამოსახულებას ანალოგები მოეპოვება სასანურ ხელოვნებაში.

როგორც აღვნიშნეთ, გამოსახულება წარმოადგენს ხაზოვან სურათს, რომელიც შესრულებულია კედლის წესით და არა ამოკვეთით; ლილეაქის პირები მოოქრულია, არა მოსევალებული. გამოსახულება საერთოდ მალა მხატვრულ-ტექნიკურ დონეზეა შესრულებული. სურათის მკაფიობა, სახისა და წვერის გამოსახულებიზ სინატიფე, აქანთოს დეკორატიულად გაშლილი ფოთლების მოხდენილი სურათი, ოსტატის განსაკვიფრებელი უნარი, რომ პორტრეტი წრეში მოაქციოს და არ გადალახოს იგი, ლაპარაკობს მაღალი ოსტატობის შესახებ, რაც დამახასიათებელი იყო სწორედ არდაშირის და შაპურ I-ის პერიოდის სასანური ხელოვნებისათვის.

რაცა ამ გამოსახულებას ვაღარებთ სასანურ მონეტებზე მოთავსებულ გამოსახულებებს, რომლებიც თავისთავად ძვირფას მასალას წარმოადგენს ხელოვნების შესახებ მსჯელობისათვის⁸, უწინარეს ყოვლისა უნდა აღვნიშნოთ, შემდეგი: ე. პერცველდმა პირველმა შეამჩნია⁹, რომ თავის მდებარეობა პართული და სასანური პერიოდების

¹ O. M. Dalton, *The Threasure of the Oxus with other Examples of early oriental Metal-work*, London, 1926, p. XXVII, fig. 10.

² O. M. Dalton, *Op. cit.*, pl. XIII, fig. 38; pl. XV, fig. 71, 74, 80, 88.

³ E. Herzfeld, *Archaeologische History of Iran*, London, 1935, p. 72, fig. 9.

⁴ O. M. Dalton, *Op. cit.*, p. XXVII.

⁵ K. B. Тревер, *Художественное значение сасанидских монет*, Гос. Эрмитаж, Труды отд. Востока, т. 1, Ленинград, 1939, გვ. 255—285. E. Herzfeld, Paikuli, p. 48, 141, T. Sarre, *Die Kunst des alten Persien*, Berlin, 1923, S. 55.

⁶ E. Herzfeld, *Kushano-Sasanian coins*, *Memoirs of the Archaeological Survey of India*, № 38, Calcutta, 1930, p. 4, *op. cit.*

¹ Fr. Sarre, *Die Kunst des alten Persien*, B. 1923, Taf. 57.

² E. Herzfeld, *Am Tor von Asien*, Berlin, 1920, Taf. XXXIX, XL.

³ E. Herzfeld, *Paikuli, Monuments and Inscriptions of the Early History of the Sasanian Empire*, I—II, Berlin, 1924, p. 9.

მონეტებზე მოთავსებულ გამოსახულებებში განსაზღვრავს მმართველის პოლიტიკურ წონას. მარცხნივ მიბრუნებული თავით გამოსახულია ისეთი ვასალური მეფე, რომელსაც უფლება არ აქვს საკუთარი მონეტის მოჭრისა, მარჯვნივ მიბრუნებული თავი კი აღნიშნავს გამგებლის სრულ დამოუკიდებლობას.

კიდევ უფრო მეტი მნიშვნელობა აქვს გვირგვინის ფორმას ძეგლის დათარიღებისა და თასზე გამოსახული უცნობი პირის ვინაობის გარკვევისათვის. შევეცადოთ განვსაზღვროთ არა მარტო ეპოქა არამედ თასისა, არამედ ამ უკანასკნელზე გამოხატული პირის ვინაობაც და ამ მიზნით გამოვიყენოთ ირანულ ხელოვნებათმცოდნეობაში ხმარებული ჩვეულებრივი მეთოდი ძეგლთა დათარიღებისა მათზე გამოსახულ მეფეთა გვირგვინის ფორმის მიხედვით.

სასანულ მეფეთა გვირგვინები კარგად არის ცნობილი კლდეში ნაკვეთი რელიეფებით, ძველი ირანული ტორეტიკის ძეგლებით და ქვებზე ამოჭრილი გამოსახულებებით, მაგრამ ძირითად მასალას ამ მხრივ სასანური მონეტები წარმოადგენს. მონეტებზე ამოჭრილია მეფის სახელი, დაწყებული პეროზიდან (459 — 484), თარიღი და ინდივიდუალური ფორმის გვირგვინი, რომელიც სხვა მეფეთა მონეტებზე სიზუსტით არ მეორდება. ამ მასალის შედარებითმა შესწავლამ საშუალება მისცა ი. ე. სპირნოვს¹ სხვებზე ადრე დაეთარიღებინა სასანური ლანგრები მის მიერ გამოცემულ მონუმენტურ პუბლიკაციაში „აღმოსავლური ვერცხლი“, ხოლო ზარესა და ჰერცფელდს — განესაზღვრათ და დაეთარიღებინათ მთელი რიგი რელიეფები ირანის კლდეებზე: არდაშირ I-ისა, შაპურ I-ისა ვალერიანთან ერთად ნაყში-ირუსთემში, ვარაპრან I-ისა შაპურში, ვარაპრან II-ისა ცოლთან და შვილთან, ვარაპრან IV-ისა ნაყში-ირუსთემში². მონეტების შესწავლამ საშუალება მისცა ი. ა. ორბელს³ გამოერკვია, რომ კუნგურის რაი-

ონში ნაპოვნ ერმიტაჟის ლანგარზე გამოსახულია ხორაო I და მისი შვილი პორმიზ IV, ხოლო ტურიშეულ⁴ ლანგარზე — შაპურ II. მონეტებმა საშუალება მისცა გ. ნ. ჩუბინაშვილს⁵ გამოერკვია, რომ სარგვეშის შესანიშნავ თასზე გამოხატული არიან: ვარაპრან II, მისი ცოლი და შვილი, რომელთა გამოსახულებები კარგადაა ცნობილი მონეტებით. ამ მეთოდის გამოყენებით კ. ვ. ტრევერმა⁶ შეძლო განესაზღვრა, რომ ერმიტაჟის კრილ ამეთვისტოზე გამოსახულია ვარაპრან I და სხვ.

თუმცა უხვი ნუმისმატიკური მასალა სრული სიზუსტით გამოხატავს უკლებლივ ყველა შაჰინ-შაჰის გვირგვინთა ინდივიდუალურ ნიშნებს, მაინც მთელ რიგ გვირგვინთა კუთვნილების განსაზღვრაში სხვადასხვა აზრია გამოთქმული ლიტერატურაში; ეს განსაკუთრებით ეხება გვიან ეპოქებს. ამ მხრივ მხედველობაში უნდა გვქონდეს, როგორც ეს სწორად შენიშნა კ. ვ. ტრევერმა⁷, რომ „პორტრეტული მსგავსების შესახებ მონეტებზე შეიძლება დარწმუნებით ვილაპარაკოთ მხოლოდ III — IV საუკუნეების ფარგლებში; დანარჩენ მონეტებზე გამოსახულებები იმდენად სქემატურად და პირობითად არის ნაკეთები, რომ პორტრეტული მსგავსების შესახებ ლაპარაკი შეუძლებელია“.

სასანულ მეფეთა გვირგვინი, როგორც ცნობილია, მკვეთრად განსხვავდება ძველი აქემენიდური ტიარისაგან, რაც ასე კარგად არის ცნობილი პერსეპოლის რელიეფებით. სასანიდები თუმცა თავს თვლიდნენ ალექსანდრე მაკედონელის მიერ დამზობილი უძველესი სახელმწიფოებრიობის აღმდგენლებად, მაგრამ მათი გვირგვინი თავისი ფორმით არ იყო დაკავშირებული დარიოსისა და ქსერქსის ტიარასთან, არც არშაქიანთა გვირგვინებთან, რამდენადაც ამის შესახებ შეგვიძლია ვიმსჯელოთ ნუმისმატიკური მასალის მიხედვით. სასანური გვირგვინის წარმოშობის საკითხის გადასაჭრელად

¹ И. А. Орбели и К. В. Тревер, Сасанидский металл, М.—Л., 1935, табл. 6.

² G. Tschubinaschwill, Der Fund von Sargwezi, Известия Казанского историко-археологического института, т. II, Тбилиси, 1925.

³ Сообщения ГАНМК, 1931, № 2, с. 19.

⁴ К. В. Тревер, Художественное значение сасанидских монет, Труды отдела культуры и искусства Востока. I. Ленинград, 1939, с. 265, 266.

¹ В. И. Смирнов, Восточное серебро, СПб, 1909, с. 6.

² Fr. Sarre und E. Herzfeld, Iranische Felsreliefs, Aufnahmen und Untersuchungen von Denkmälern aus alt. und mittelpersischer Zeit, Berlin, 1910, Taf. V, VII, XIII, VI, VIII, IX.

³ К. В. Тревер, Op. cit., с. 264.

აუცილებელია შესწავლილ იქნეს ფარსის პროვინციის დედაქალაქ ისტაქრის გამგებელთა თავსამკაული; ფარსი ის ოლქია, საიდანაც, როგორც ცნობილია, გამოვიდა არდაშირის დინასტია.

ჩვეულებრივ, თითოეული მეფობისათვის დამახასიათებელია განსაზღვრული ტიპის გვირგვინის გამოსახულება მონეტაზე. ამ მხრივ გამოჩაყლისს წარმოადგენს არდაშირ I მონეტები, რომლებიც ძირითადად ხუთი ტიპის ავერსებად იყოფა: მარტო არდაშირი პართულ კულახში, იგივე სფეროსებრი თავსამკაულით, იგივე კბილანებიანი გვირგვინით, არდაშირი და ფაფაი, არდაშირი და შაჟური. არდაშირ I-ის, მისი მამის ფაფაის და უფროსი ძმის შაპურის (რომლის შემკვიდრედ დატოვებაც სურდა ფაფაის თავისი სიკვდილის შემდეგ) მონეტების შედარებითი ანალიზი გვიჩვენებს, რომ სასანური გვირგვინი წარმოადგენს ძველი ფარსის დინასტიის თავსაბურავის შემდგომ განვითარებას. გვირგვინის ერთ მხარეზე გამოსახულია თვით არდაშირი პართულ თიარში, ხოლო მეორე მხარეზე — მისი მამა ფაფაი, ხირის მეფე. ამ უკანასკნელს თავს ადგას ოდნავ წაგრძელებული სფეროსებრი გვირგვინი, როგორითაც შემკულია თვით არდაშირ I-ის თავი უფრო გვიანდელ მის მონეტებზე. არდაშირ I-ის უფრო ადრინდელ მონეტებზე, სადაც ის თავის მამა ფაფაკთან ერთადაა გამოსახული, მამის პროფილი, როგორც ეს მოსალოდნელი იყო, მარცხნივია მიმართული, როგორც უკანასკნელი არშაკიდის — არტავანის ვასალისა, არდაშირი კი, რომელიც აუჯანყდა თავის სუზერენს, ამ მონეტაზე გამოსახულია en face¹. ორივეს თავს ადგას ფარსის გამგებელთა გვირგვინი, რომელიც თავისი ფორმით არშაკიდების გვირგვინს მოგვაგონებს: მათ გვირგვინზე გამოხატულია ნახევარმთვარე და ვარსკვლავი. მხოლოდ არტავან V-ზე გამარჯვების შემდეგ გამოაცხადა თვით არდაშირმა ირანის შაჰინშაჰად და იწყო ისეთი მონეტების მოჭრა, რომლებზეც მეფის პროფილი მარჯვნივია მიმართული. გვირგვინზე ჩნდება არწივის გამოსახულება², ჩნდება კბილანებიანი გვირგვინიც, მაგრამ უპირატესობა მაინც მზის გამოსახულებიან გვირგვინს ეძლევა³.

¹ K. B. Trever, Op. cit., табл. II, рис. 1.

² K. B. Trever, Op. cit., табл. II, 1.

³ K. B. Trever, Op. cit., табл. II, рис. 3.

⁴ И. А. Орбели и К. В. Тревер, Сасанидский металл, Москва-Ленинград, 1935, табл. I, 2 ряд, рис. 8.

არდაშირ ფაფაკანმა პირველმა დაიდგა თავს მზის გამოსახულებით შემკული გვირგვინი. ამ უკანასკნელი სახის გვირგვინი გადაიქცა მისაბამ ნიმუშად სასანიდთა დინასტიის დანარჩენი წარმომადგენლებისათვის⁴.

ირანის ახალი დინასტიის დამაარსებლის არდაშირ I-ის გვირგვინის ფორმის აღნიშნული ცვლილებები მკვიდროდ არის დაკავშირებული მის მიერ ხელისუფლების დაპყრობასთან, რაც დაწერილებით აღწერეს ე. პერცელდმა⁵ და ა. ქრისტენსენმა⁶.

გადავიდეთ რა არმანის თასის პერსონაჟის გვირგვინის აღწერაზე, პირველ ყოვლისა უნდა აღვნიშნოთ, რომ მისი ზედა ნაწილი წინ არის წაზნექილი. ამ ფორმის გვირგვინი გვხვდება ნიმრუდ დალის⁷ იმ რელიეფებზე, რომლებზეც გამოხატულია ღმერთი მითრა და ანტიოქ I-ის ირანელი წინაპარი ვარსკვლავებით მოჭედილი ანალოგიური გვირგვინით. ირანის სასანელ მეფეთა მონეტებზე ამ ფორმის გვირგვინები არ არის გამოსახული. გამოჩაყლისს წარმოადგენს ვარაპრან II-ის (276 — 293) მონეტები, რომლებზეც დედოფალს თავს უმშვენებს ტახის თავის გამოსახულებიანი გვირგვინი, ხოლო მეფის ძეს — თალფაქისებრი გვირგვინი, რომლის წვერიც წინ არის დახრილი და არწივის თავის გამოსახულებით არის შემკული⁸.

მოთხრობაში ამიღის ალყის შესახებ, რომელიც ამიან მარცვლინმა აღწერა, შაპურ II (309—379) „წინ მიუძღოდა თავის ლაშქარს; მას თავს უმშვენებდა ცხერის თავის ფორმის ოქროს დიადემა, რომელიც ძვირფასი ქვებით იყო შემკული (წ. XIX, თ. 1, 3).

¹ დაწერილებითი ცნობები სასანელ მეფეთა გვირგვინების შესახებ მოცემულია შრომაში: E. Herzfeld, Am Tor von Asien, B., 1920, S. 60. А. Я. Борисов, К истокам и изображению на Виллаш манекных осеуариях, Труды отдела Востока, т. I, Л., 1940, гл. 33—38, К. В. Тревер, Художественное значение сасанидских монет, Труды отдела Востока, т. I, Л., 1939, гл. 260.

² E. Herzfeld, Paikuli, p. 40—41.

³ A. Christensen, L' Iran sous les Sasanides, deuxième édition, Copenhagen, 1944, p. 85—90.

⁴ Fr. Sarre, Die Kunst des alten Persien, Berlin, 1922, Fof. 56, 57.

⁵ И. А. Орбели и К. В. Тревер, Op. cit., табл. I, ряд 4, № 4, таб. 2, ряд 1, № 2 და სხვ.



არმაზისხევის ვერცხლის თასი. ფალაღრი წარწერა

მხატვრულად აღწერა ქართველი მეფის ვახტანგ გორგასალის გვირგვინი მისმა ისტორიკოსმა ჯუჯანშერმა: „ხოლო ვახტანგ მეფესა შეექმნა ჩაბაღანი ოქროსი, და გამოესუა წინათ მგელი და უჯანათ ლომი; და რომელსა კერძა იძლეოდიან ქართველნი, მუნითცა მიმართის და მასრის სპისა მისგან სპარსთასა, ვითარცა ლომიან კანჯარნი, მიერთგან ვერლარა შეუძლებდეს სპარსნი წყობად მისა, რამეთუ დაისწავლეს იგი, რომელსა ეწერა მგელი და ლომი, და ვითარცა იხილიან ვახტანგ, თქვან: „ღურ აზ გორგასალ“ ესე: „მირიღეთ თავსა მგლისასა“, და მის მიერ სახელ-ედვა ვახტანგ მეფესა გორგასალ“. მემპტიანის თქმით აქედან წარმოდგა ვახტანგის სახელწოდება გორგასარი (გორგასალი)¹.

ამ მოთხრობიდან ჩანს, რომ ვახტანგ მეფის გვირგვინზე წინიდან გამოსახული იყო სწორედ მგელი — ქართველი ხალხის ტომობრივი ტოტემი, რაც არქეოლოგიური და ეთნოგრაფიული მონაცემებით მეტად ძველი წარმოშობისაა². მას უპირატესობა აქვს ლომის გამოსახულებასთან შედარებით, თუმცა ეს უკანასკნელი ასე პოპულარულია თითქმის ყველა ხალხში. საკითხი ცხოველთა გამოსახულების წარმოშობისა სასანელ მეფეთა გვირგვინებზე ჯერ კიდევ არ არის სათანადოდ შესწავლილი. შეიძლება აღინიშნოს, რომ არდაშირ I-ის გვირგვინზე პირველად გვხვდება არწივის გამოსახულება ჰერალდიკურ სტილში³, შემდეგ კი არწივის თავი ამშვენებს გვირგვინებს ვარაპრან II-ის (276 — 293) მემკვიდრის⁴, ჰორმიზდის (302—309)⁵ და შაპურის (241 — 272)⁶ მონეტებზე.

ამ შედარებითი მასალიდან ჩანს, რომ არმაზის თასზე გამოსახული პერსონაჟის გვირგვინის ფორმას პირდაპირი ანალოგია აქვს ერმიტაჟის ჭრილ სარდიონზე მოთავსებულ ფაფაკ მოგუპატის (ქუჩუმთა მეთაურის) გამოსახულებასთან ქალაქ ზუსრავე-შატ-ჰორმიზდიდან, რაც ჰერცფელდის მიერ არის გამოქვეყნებული⁷.

¹ ქართლის ცხოვრება, ტ. I, თბილისი, 1955, გვ. 180.

² შ. ა მ ი რ ა ნ ა შ ვ ი ლ ი, ქართული ხელოვნების ისტორია, შ., 1950.

³ И. А. Орбели и К. В. Тревер, Сасанидский металл, М.-Л., 1935, таб. 1, ряд 1. № 2.

⁴ იგივე, ტაბ. 1, მწკრივი 4, № 3.

⁵ იგივე, ტაბ. 2, მწკრივი 2, № 2.

⁶ E. Herzfeld, Paikuli, v. I, p. 97, fig. 14.

⁷ E. Herzfeld, Paikuli, t. I, p. 79, t. II, pl. 140; № 4. ჰერცფელდი ათარიღებს ამ გემას ჩ. წ. 273—4 წლით.

ამრიგად, თვით გვირგვინის ფორმა, თუ მის წარმოშობას მივიღებთ მხედველობაში, გარკვევით მიგვითითებს, რომ იგი ეკუთვნის ზოროასტრის მოგვთა შორის მაღალი სასულიერო რანგის მქონე პირს.

მაგრამ ამ სასულიერო რანგის ადამიანები ატარებდნენ სხვა თავსაბურავს არშაკიანთა გვირგვინის სახით წინ დახრილი წვეტის გარეშე, როგორც ეს ჩანს პარსიზის ნაციონალური ბიბლიოთეკის სარდიონის გემაზე, სადაც გამოხატულია ქალაქ არდაშირ-ქურაქის მოგუპატი, ე. ი. ფარუზაბადის ვედშაპურა და სხე.⁸

არმაზის თასის პერსონაჟის გვირგვინზე გამოხატულია ვარსკვლავი და ნახევარმთვარე; ასეთი ნახევარმთვარე ხშირად არის გამოსახული არშაკიანთა და სასანიანთა მონეტებზე, მაგრამ იგი, როგორც სიმბოლიური ნიშანი გვირგვინზე, გვხვდება ადრესასანურ მონეტებზე არდაშირ I-ის გამოსახულებით en face⁹ და მისი მამის ფაფაკის გვირგვინზე, რაც იმავე მონეტის უკანა მხარეზეა მოთავსებული.

ცხადია, ეს სიმბოლიური ნიშანი უნდა ჩაითვალოს სასანიანთა საგვარეულო ნიშნად. სასანურ ირანში მიღებული იყო თავსაბურავზე განსაზღვრული ნიშნის ტარება, რაც ცალკეულ სამხედრო ქვეგანაყოფს აღნიშნავდა უმაღლესი სამხედრო თანამდებობის პირებისათვის¹⁰.

ამრიგად, არმაზის თასზე ჩვენ გვაქვს ისეთი პირის გამოსახულება, რომელსაც სასანიანთა სახელმწიფოში უმაღლესი პოსტი ეჭირა და უეჭველად დიდებულთა წრეს, როგორც ჩანს, მართველ დინასტიურ გვარეულობას ეკუთვნოდა.

ამ საკითხის დასაზუსტებლად განსაკუთრებული მნიშვნელობა აქვს თასის სასანურ-ფალაურ

F. Lajard-ის მიერ გამოცემულ (Introduction à l'étude du culte public et des mystères de Mithra en Orient et en Occident, Paris, 1847) ორ გემაზე არის ანალოგიური გვირგვინი. სანწებაროდ, მთი წარწერები სწორად წაკითხული არ არის.

⁸ E. Herzfeld, Paikuli, v. I, p. 79, № 6, v. II, ტაბ. 140, № 6. ასეთია გემებზე გამოსახული ქურუმების, მოხედებისა და მოგუპატების გვირგვინები (იხ. Herzfeld E., Op. cit., p. 80, № 8, 9, 10. p. Si № 13, № 15, და სხვ.).

⁹ К. В. Тревер, Художественное значение сасанидских монет, Труды отдела Востока, Л., 1939, табл. II, рис. 1 и 2.

¹⁰ E. Herzfeld, Archaelogische Mitteilungen aus Iran, IX.

წარწერას, რომელიც მის გარეთა პირზეა მოთავსებული ერთ სტრიქონად.

წარწერა ადგილ-ადგილ მეტად დაზიანებულია, განსაკუთრებით მისი შუა ნაწილი, მაგრამ მიუხედავად ამისა, ვულდასმითი გასინჯვით იგი თითქმის მთლიანად იკითხება. წარწერა პირველად წაიკითხა

გ. ვ. წერეთელმა, რომელმაც შემდეგი ამოიკითხა: „...პიტიახში ღვთაებრივი არდაშირისა შვილი ღვთაებრივი (ფაფაქისა?) პიტიახში ქვეყნისა, (გ) rgu|vrnu“. წარწერის ბოლოს ნაჩვენებია თასის წონა—53 ზუზნა (დრახმა).

211515 2 1515 1515
[1515] 1515 1515 1515
1515 1515 1515 1515

Papake btxše bage Aptxšatr harh bago Papako i btxše (ma)t Grzn.
Arsnes d(a d šz z(u)zn

წარწერის ვულდასმითი გამოკვლევა საშუალებას იძლევა მისი მნიშვნელოვნად შეესებოსა და შინაარსის დაზუსტებისათვის.

თარგმანი: „ფაფაქ პიტიახში ღვთაებრივი არდაშირისა ღვთაებრივ ფაფაქის ძისა გურზან ქვეყნის პიტიახსს არზამესს უძღვის“.

ამ წარწერის თანახმად ფაფაქის შვილის არდაშირ I-ის (226 — 241) პიტიახშმა ფაფაქმა თასი უბოძა საქართველოს (ამ შემთხვევაში აღმოსავლეთ საქართველოს) პიტიახსს. თასზე გამოსახულია არა ირანის მფლობელი არდაშირ I, არამედ თვით ფაფაქი, რომელიც უთუოდ დიდგვაროვანთა წრეს ეკუთვნოდა, შესაძლოა ნათესაურ კავშირშიც

იმყოფებოდა ირანის ახალი დინასტიის დამაარსებელთან. აღმოსავლეთ საქართველოს სახელწოდება „გურზანი“ წარმოადგენს პირველ ყველაზე უფრო აღრინდელ ცნობას, რაც ჩვენი წელთაღრიცხვის III საუკუნის პირველ ნახევარს მიეკუთვნება. აქამდე ცნობილი იყო, რომ ზაქარია რიტორი, რომელიც ჩ. წ. დაახლოებით 518 წლის მახლობელ პერიოდში წერდა, თავის „ქრონიკაში“, პტოლომეს მიხედვით სომხეთის აღწერის. შემდეგ ახსენებს საქართველოს და უწოდებს მას „გურზანს“, როგორც სპარსეთის მეფის ქვეშევრდომ ქვეყანას¹.

ბუნებრივად ისმის კითხვა, თუ ვინ იყო არდაშირ I-ის პიტიახში ფაფაქი და რა დამოკიდებულება ჰქონდა მას საქართველოსთან. პირველ ყოვლისა უნდა აღინიშნოს, რომ პიტიახშთა — მოსაზღვრე ოლქების გამგებელთა — ინსტიტუტი ცნობილი იყო საქართველოში, სომხეთსა და ირანში ჯერ კიდევ არშაკიანთა ეპოქაში. სამეცნიერო ლიტერატურაში ამ საკითხის შესახებ გარკვეულია, რომ სახელმწიფოს ამ უმაღლეს თანამდებობაზე ინიშნებოდადნენ უმაღლესი არისტოკრატის წარმომად-

¹ წარწერის პირველი ორი ასო დაზიანებულია, მაგრამ გარკვევით იკითხება.


² ამ შემთხვევაში იკითხება როგორც 1, რაც იხმარება მაცემთი ბრუნვის ნაჩვენებელი პრეფიქსის სახით, როგორც სავროდ სემიტურ ენებში. E. Herzfeld, Paikuli, vol. 1, Glossary, p. 211—212. W. Gesenius, Hebräisches und Chaldäisches Handwörterbuch, L, 1834, col. 936.

³ საკუთარი სახელი შეიძლება წავიკითხოთ როგორც Arsamas და როგორც Asames; პირველ შემთხვევაში გვექნება ბგერების ისეთივე გამოერება, როგორც სახელ Artxšatr-ის პირველი ორი ასო; მეორე შემთხვევაში გვექნებოდა ორი ასოს ლიგატურა. საკუთარ სახელის პირველი ფორმა გავრცელებული იყო ირანში ჯერ კიდევ აქემენიდების ეპოქიდან F. Justi Iranisches Namenbuch, Marburg, 1885, S 29).

⁴ ე. ჰერცფელდის სწორი განმარტებით ნიშნავს შეროკლებულ d(a)d. იხ. Paikuli, Glossary, p. 162.

⁵ თასი იწონის 850 გრამს; წარწერის მიხედვით მისი წონა 53 ზუზნას უდრის. ამით სავსებით გადაჭრილია დავა — რას უდრიდა ზომის ერთეული zazu (ასურული zuzu).

¹ Л. М. Меликсет-Бекоев, Введение в историю государственных образований Юго-Кавказа, Тб., 1924, გვ. 70. В. В. Болотов, Лекции по истории древней церкви, т. I, СПб, 1907, გვ. 195—196. В. Р а н т, Краткий очерк истории сирийской литературы, СПб, 1802, გვ. 74.



არმაზისხევის ვერცხლის თასი.

გენლები, რომლებიც ხანდახან ნათესაურ კავშირში იმყოფებოდნენ სამეფო სახლთან¹.

ქართული წერილობითი წყაროები, აგრეთვე იმ მხატვრულ ნაკეთობათა წარწერები, რომლებიც ქართული კულტურის უძველესი ცენტრების არქეოლოგიური გათხრების დროს აღმოჩნდა, ადასტურებს, რომ ძველი საქართველოს სამეფო კარზე იმყოფებოდნენ სხვადასხვა რანგის (დიდი და მცირე) პიტიახშები, რომლებიც ემორჩილებოდნენ ქართველთა მეფეს. ის პიტიახშები, რომლებიც უშუალოდ ემორჩილებოდნენ ქართლის მეფეს, თავისი რანგით გათანაბრებული იყვნენ „ერისთავებთან“ ანუ „ერისმთავრებთან“. გარდა ადგილობრივი პიტიახშების ამ ინსტიტუტისა, იმ პერიოდში, როცა გაძლიერდა ირანის პოლიტიკური ზეგავლენა ქართლზე და ეს უკანასკნელი ვასალურ დამოკიდებულებაში მოექცა, სასანიდებმა თავისი პიტიახში დანიშნეს ქართლში, რომელსაც „ქართლის პიტიახშს“² უწოდებდნენ.

ფაფაკი Paikui ს წარწერებში ატარებს ხსკეტიტულს (ბითანში — პიტიახში). ერმიტაჟის გემაზე, როგორც ზევით იყო აღნიშნული, გამოსახულია ქალაქ ხოსრაჟ-შატ-პორმიზდის მოგუპატი. არმაზის თასის და ერმიტაჟის გემის გამოსახულებათა შედარებითი ანალიზი გვეუბნება, რომ ცალკეული მსგავსი ნიშნების, — მაგალითად, ცხვირის, თვალის ფორმის მსგავსების, — მიუხედავად, ჩვენ სხვადასხვა პირის გამოსახულებასთან გვაქვს საქმე.

ე. ჰერცფელდის ვარაუდით, ფაფაკ პიტიახში შეიძლება ყოფილიყო სასანიელი პრინცი, საქართველოს ტახტზე დასმული ქართლის ვასალური მეფის და ირანის პიტიახშის (მირზპანის) სახით. მისი ვარაუდით ფაფაკი Paikuli-ს წარწერაში და Mihrau—Mirian ქართული და სომხური ისტორიული

¹ E. Herzfeld, Paikuli, v. I, p. 155—156. ამ საკითხის ლიტერატურის სრული შეჯამება კრიტიკული შენიშვნებით და ქართულ-სომხური წყაროების გამოყენებით მოცემულია ნ. ვ. წერეთლის მონოგრაფიაში არმაზის ბილინგვის შესახებ. აკად. ნ. ი. მარის სახელობის ენის, ისტორიის და მატერიალური კულტურის ინსტიტუტის უწყებები, XIII, 1943, ქართულ და ინგლისურ ენებზე; ცალკე მონოგრაფია რუსულ ენაზე.

² პარიზის ნაციონალურ ბიბლიოთეკაში დაცულია იბერთა პიტიახშ აშუმის და გუგარკის (V ს.) ბეჭედი ბერძნული წარწერით. (E. Herzfeld, Paikuli, v. I, p. 78, № 9).

წყაროების მიხედვით, ერთი და იგივე პირია. მიჰრანი ე. ჰერცფელდის სწორი შენიშვნის თანახმად არ არის საკუთარი სახელი, არამედ ძველი არშაკიდული შტოს გვარია. ეს გვარი პატრიონი იმყოფებოდა ირანში სასანიანთა ეპოქაშიც. ფაფაკ-მიჰრანს — საქართველოს პიტიახშს, შაპურ I-ის (241 — 272) შეიღს ცოლად ჰყავდა ძველი დინასტიის უკანასკნელი წარმომადგენლის ქართლის მეფის ასფაგურის ქალი.

მ. ბროსეს ქრონოლოგიაზე დაყრდნობით, რომელმაც გაიმეორა ვახუშტის ქრონოლოგია, ე. ჰერცფელდი აღნიშნავს, რომ იგი (ასფაგური) დიდხანს მეფობდა ქართლში (265 — 342). ქართლის ცხოვრება გვამცნობს, რომ ასფაგურის სიკვდილს შემდეგ შეწყდა უძველესი გვარის მამაკაცთა ხაზი. გარდაცვლილი მეფის მემკვიდრე იყო ქალი აბეშურა. მაშინ ქართლის ერისთავებმა და სპასპეტმა (ჯარის სარდალმა) შეეცანმა თხოვნით მიმართეს ირანის შაჰინ-შაჰს არდაშირი ქასრს, რათა ქართველთა მეფის ქალი თავის ვაჟზე დაექორწინებინა და დაესვა ეს უკანასკნელი საქართველოს ტახტზე იმ პირობით, თუ ის ქართველთა სარწმუნოებას აღიარებდა. არდაშირი დათანხმდა ამ პირობაზე, თან ჩამოიყვანა თავისი შვილი წლის ვაჟი, რომელიც ნაშობი იყო მხევლისაგან. ვაჟს სპარსულად ერქვა მიჰრანი, ხოლო ქართველები უწოდებდნენ მირანს. მემატიანის სიტყვით, მირიანმა მოხუცებაში ქრისტიანობა მიიღო. არდაშირმა თავისი მცირეწლოვანი შვილი უღედოდ დატოვა, რადგან ცოლი ძალიან უყვარდა, ხოლო ვაჟთან განაწესა აღმზრდელი და გამგებელი მირვანოზი.

ქართული მატიაზე არდაშირ ქასრს არდაშირი I-ად (226 — 241) თვლის. თუ დავუშვებთ, რომ ამ უკანასკნელმა თავისი სიკვდილის წინ ირანიდან ჩამოიყვანა შვილი მიჰრანი (მირიანი), რომლის დროსაც (IV საუკუნის ორმოციან წლებში) საქართველომ თფიციანულად აღიარა ქრისტიანობა, მაშინ გამოდის, რომ მირიანს თითქოს მთელი საუკუნე უცხოვრია. აქედან გამომდინარე, ფ. იუსტი და ე. ჰერცფელდი მიჰრანს სთვლიან შაპურ I-ის

(241 — 272) შვილად, როგორც ეს ზემოთაც აღვნიშნეთ. თავისთავად იხსნება ე. პერტველდის პიპოთეზი იმის შესახებ, რომ მიპრანი და ფაფაკ პიტიაში ერთი და იგივე პირია. მით უმეტეს, რომ ფაფაკი იყო პიტიაში „ღვთაებრივი ფაფაკის შვილის ღვთაებრივი არაღმირისა“, როგორც ეს არმანის თასის წარწერიდან ჩანს.

როგორც აღვნიშნეთ, პერტველდი და იუსტი სრულიად სწორად სთვლიან, რომ მიპრანი არის ირანის ერთ-ერთი ძველი დიდგვაროვანი შტოს გვარი და არა საკუთარი სახელი; შაპურ I-ის უკანონო შვილი ატარებდა თავისი დედის გვარს. ისმის კითხვა, რა იყო ნამდვილი სახელი ქართველთა მეფის მიპრან-მირიანისა, რომლის დროსაც საქართველოში ოფიციალურ რელიგიად გამოცხადდა ქრისტიანობა.

ცნობილია, რომ ქართულ ლიტერატურაში არსებობს ორი დიაბეტრულად მოპირდაპირე შეხედულება საქართველოში ქრისტიანობის გავრცელების შესახებ. არსებობს ტრადიციული შეხედულება, ქართულ და სომხურ წერილობით წყაროთა თანახმად, რომ ქართლის პირველი ქრისტიანი მეფე იყო მირიანი. არა მარტო ქართული და სომხური წერილობითი წყაროები, არამედ საეკლესიო ისტორიული ტრადიციაც ატყობს იცავს ამ შეხედულებას. თავის შესანიშნავ გამოკვლევებაში საქართველოს გაქრისტიანების შესახებ, რომელიც ეკუთვნის ამ საკითხის ავტორიტეტულ მკვლევს კ. კეკელიძეს, დამტკიცებულია ამ ტრადიციული შეხედულების სისწორე¹.

ქართული და სომხური წყაროების, აგრეთვე ამ საკითხის შესახებ გამოთქმული ყველა ძირითადი შეხედულების კრიტიკული ანალიზი, რაც გულდასმით მოახდინა ი. ა. ჯავახიშვილმა², გვიჩვენებს, რომ ქართველთა გაქრისტიანების საკითხზე ყველაზე უფრო სარწმუნო ცნობებს შეიცავს პეტრე ქართველის ცხობა, რაც მისი მოწაფისა და თანა-

¹ კ. კეკელიძე, ქართველთა მოქცევის მთავარი ისტორიულ-ქრონოლოგიური საკითხები, მიმომხილველი, საქართველოს საისტორიო და საეთნოგრაფიო საზოგადოების ორგანო, I, თბილისი, 1926, გვ. 1—53.

² საქართველოს გაქრისტიანების საკითხზე არსებული სამეცნიერო ლიტერატურის დეტალური კრიტიკული განხილვა მოცემულია ი. ა. ჯავახიშვილის მიერ წიგნში „ქართული ერის ისტორია“, ტ. I, თბილისი, 1928, გ. 162—215.

მოღვაწის ზაქარია ქართველის მიერ არის დაწერილი სირიულ ენაზე³. პეტრე ივერი იყო დედის მხრივ შვილიშვილი მეფე ბაკურ დიდისა, რომლის დროსაც მიიღო ქრისტიანობა საქართველოში.

ი. ჯავახიშვილი დიდ მნიშვნელობას ანიჭებდა საეკლესიო ისტორიკოსის გელასი კესარიელის ცნობას იმ საკითხის გასარკვევად, თუ როდის, რომელი მეფის დროს მიიღეს ქართველებმა ქრისტიანობა⁴.

როგორც ა. გლასმა გამოარკვია, ცნობა ივერიელთა გაქრისტიანების შესახებ გელასი კესარიელის ბერძნული ტექსტიდან ლათინურად თარგმნა ცნობილმა საეკლესიო ისტორიკოსმა რუფინმა (+ 410 წ.)⁵. გელასი კესარიელის ბერძნული ტექსტი შენახულია გელასი კიზიკიელის შრომაში და დათარიღებულია 395 წლით. გელასი კესარიელის ბერძნული ტექსტის დასკვნითი ნაწილიდან ჩანს, რომ ივერიელთა მოქცევის შესახებ მას ცნობა მიაწოდა ბაკურმა, რომელიც იყო სამეფო გვარიდან⁶, ეპირა მნიშვნელოვანი სამხედრო თანამდებობა რომაელებთან და დაიღუპა ბრძოლაში 394 წელს.

როგორც პეტრე ქართველის ცხობებში არის ნათქვამი, ქართლის მეფე, რომლის დროსაც ქართველები გაქრისტიანდნენ, იყო „დიდი ბაკური“. გელასი კესარიელის ცნობების შედარება პეტრე ქართველის ცხობების მონაცემებთან, რაც ი. ჯავახიშვილმა მოახდინა, გვიჩვენებს, რომ ორივე შემთხვევაში ჩვენ საქმე გვაქვს სხვადასხვა პირთან, რომლებიც ერთსა და იმავე სახელს ატარებენ. ამასთან, ბაკური, რომელმაც უამბო გელასი კე-

³ ამ ცხობების ქართული ტექსტი, რაც ნ. ი. მარის მიერ არის გამოკვლევებული (Православная Палеонтология, т. XVI, в. 2, 1898), წარმოადგენს თარგმანს სირიულიდან, რომელიც XIII საუკუნეშია შესრულებული, მაგრამ სხვა ორიგინალიდან. ქართულ ტექსტში არის მითითება იმის შესახებ, რომ მაიუმის ეპისკოპოსის პეტრე ივერის ცხობების აღწერილობა შედგენილია მისი მოწაფისა და თანამოღვაწის ზაქარია ქართველის მიერ (იხ. ჯავახიშვილი, *Op. cit.*, გვ. 198—200).

⁴ ს. ყაუხჩიშვილი, გელასი კესარიელი ქართლის მოქცევის შესახებ, მიმომხილველი, I, თბილისი, 1926, გვ. 54—68.

⁵ ვ. გ. ლატიშვილი, *Scythia et Caucasia*, t. II, v. I, გვ. 362—385.

⁶ რუფინუსი ბაკურს უწოდებს „მეფეს“. იხ. ვ. გ. ლატიშვილი, *Op. cit.*, 365, ხოლო გელასი კესარიელი სთვლის მას ივერთა სამეფო გვარის წევრად, მაგრამ მეფედ არ იხსენიებს.



არმაზისხევის ვერცხლის თასი. ფაფაკ პიტიაზშის გამოსახულება

სარიელს ივერთა გაქრისტიანების შესახებ, ლაპარაკობს სხვა პირზე და არა თავის თავზე. ამავე დროს ორივე პირი ერთმანეთისაგან საკმაოდ მნიშვნელოვანი ქრონოლოგიური მონაკვეთით არის დაშორებული.

პეტრე ქართველის ცხორებაში ნათქვამია, რომ როცა ბაკური (იგულისხმება პირველი) გამოცხადდა ირანის შაპთან, როგორც თავის სუზერენთან, მან თავყვანი არ სცა მზეს, ვინაიდან აშკარად აღიარებდა ქრისტიანობას და ამ თავისი საქციელით აღშფოთება გამოიწვია სასახლეში. მაშინ შაპი მიუბრუნდა თავისიანებს და საიდუმლოდ უთხრა: „ნუთუ ეს ბაკურია, რა უნდა ეუყოთ მას“. თუმცა მოთხრობა აქ წყდება, მაგრამ ავტორის შემდეგი სიტყვებიდან ჩანს, რომ იგი დაისაჯა.

უნდა ჩავთვალოთ, რომ ბაკური, რომლის დროსაც ქართლმა ქრისტიანობა მიიღო, დაკავშირებული იყო ირანთან ნათესაური კავშირით, ეკუთვნოდა ძველი ირანის მიჰრანთა სახელოვან გვარს; პეტრე ქართველის ცხორების პერსონაჟი ბაკური და ქართული შატიანეს მიჰრან-მირიანი ერთი და იგივე პირია. ამრიგად, საკითხი იმის შესახებ, თუ ვინ იყო ქართლის პირველი ქრისტიანი მეფე — ბაკური თუ მირიანი, დამაჯერებლად არის გადაჭრილი.


• • •

თუ სად გაკეთდა თასი სასანიანთა დინასტიის დამაარსებელ არდაშირ I-ის (226 — 241) პიტიახშის ფაფაკის გამოსახულებით, ძნელი სათქმელია

დოკუმენტალურ-შედარებითი მასალის უქონლობის გამო. ნიეთის მხატვრული ღირსებები, შესრულების მაღალი ოსტატობა, დეკორაციული ამოზნექილი ბიორთეები თასის ზედაპირის დეკორში, რასაც მხოლოდ რომის ტორევეტიკაში აქვს ანალოგიები და ჯერჯერობით უცნობია აღმოსავლური წარმოშობის ნაწარმისათვის, მეტად მნიშვნელოვანია ამ საკითხის გადასაჭრელად. თასი შეიძლება გაკეთდა ადგილობრივი ვერცხლის ოსტატების მიერ, რომლებიც ქვეყნის უმაღლესი არისტოკრატიის უშუალო შეკვეთით მუშაობდნენ. ის შეიძლება გაკეთებულყო არდაშირ I გამგებლობის პერიოდში ფაფაკ პიტიახშის შეკვეთით თვით ირანში, სადაც ახალი დინასტიის დამაარსებლის მეფობის პირველ წლებში უცხოელი ოსტატები, უმეტესად ბერძნები, მუშაობდნენ სამეფო კარის სხვადასხვა შეკვეთაზე, ხოლო შემდეგში გაძევებულ იქნენ სასანიანთა სამეფოს საზღვრებიდან. ირანული ხელოვნების მხატვრული დონის ერთგვარ დაქვეითებას, რასაც არდაშირ I-ისა და მისი შვილის შაპურის შემდეგ ჰქონდა ადგილი, მრავალი მკვლევარი სწორედ ამ გარემოებით ხსნის.

მაღალი ოსტატობა, შესრულებაში ინდივიდუალური ნიშნების მქონე პორტრეტული გამოსახულება მკაფიოდ მიგვითითებს სახვითი ხელოვნების აყვავებაზე, რასაც ადგილი ჰქონდა ახალ სოციალურ-ეკონომიურ ურთიერთობათა წარმოქმნის პერიოდში არა მარტო ირანში, არამედ მასთან კულტურულ ურთიერთობაში მყოფ ქვეყნებშიც.





ზაპარია შებლიძე

**რემოლუსიური ბრძოლა თბილისში
XIX საუკუნის 60—80-ან წლებში**

თბილისი თავისი ხუთმეტსაუკუნოვანი ისტორიის მანძილზე ყოველთვის იყო საქართველოს პოლიტიკური, ეკონომიური და კულტურის ცენტრი.

ქართველი ხალხისათვის თბილისის მნიშვნელობა განსაკუთრებით გაიზარდა მე-19 საუკუნეში, როდესაც სოციალური და ეროვნულ-განმათავისუფლებელი მოძრაობა ახალი ძალით აზვირთდა.

მართალია, რუსეთთან საქართველოს შეერთებამ ქვეყანას მშვიდობა მოუპოვა, ქართველობა ფიზიკურ განადგურებას გადაარჩა, მაგრამ მშრომელი ხალხის ეკონომიური მდგომარეობა არ გაუმჯობესებულა. პირიქით, იმ სოციალურ ჩაგვრას, რომელსაც მშრომელები მანამდეც არანაკლებ განიცდიდნენ, ახლა ცარიზმის კოლონიური ჩაგვრის უღელიც დაემატა.

ორმაგი ჩაგვრის უღელში მოქცეული ქართველი მშრომელები XIX საუკუნის განმავლობაში აქტიურად იბრძოდნენ უსამართლობის წინააღმდეგ. საქართველოში საზოგადოებრივ-რევოლუციურმა ბრძოლამ განსაკუთრებით ფართო ხასიათი მიიღო რეფორმის შემდგომ პერიოდში, როდესაც ქართველი ხალხის სოციალ-ეკონომიურ ცხოვრებაში მთელი რიგი ცვლილებები მოხდა. ამ პერიოდში, თბილისი ქართული ეროვნული და სოცია-

ლური მოძრაობის ცენტრს წარმოადგენდა; როდესაც გალატაკებულმა ქართველმა გლეხებმა ლუკმაპურის საშოენელად ქალაქებს მიაშურეს, მათ, პირველ რიგში, თბილისის კაპიტალისტურ წამოწყებებში მოიყარეს თავი. ამის შედეგად თბილისში თანდათან იქმნება ახალი კლასი—პროლეტარიატი, რომელსაც ისტორიამ საქართველოში მჩაგვრელთა წინააღმდეგ მშრომელთა ბრძოლის ჰეგემონის როლი მიაკუთვნა.

მე-19 საუკუნის მეორე ნახევარში, კერძოდ რეფორმის შემდგომ პერიოდში, სწორედ თბილისში იყრიან თავს და აქ აჩაღებენ საზოგადოებრივ რევოლუციურ ბრძოლას რუსეთის უმაღლეს სასწავლებლებში აღზრდილი ქართველი ინტელიგენციის ის ბრწყინვალე წარმომადგენლები, რომლებიც თავის დროზე რუსულ დემოკრატიულ აზრს ეზიარნენ. ი. ჭავჭავაძემ, ა. წერეთელმა, ნ. ნიკოლაძემ, გ. წერეთელმა და სხვ., რომლებიც ახლოს იცნობდნენ ნ. ჩერნიშევსკის და უშუალოდ თანამშრომლობდნენ ჟურნალ „სოცრემენიკში“, დიდი რუსი რევოლუციონერი დემოკრატების იდეები საქართველოშიც შემოიტანეს. ადგილობრივ თავისებურებათა გათვალისწინებით იგი ახალი შინაარსით შეაგეს და თავიანთი ბრძოლის დროშად გაიხადეს.

I. საზოგადოებრივი მოძრაობა და მასობრივი ბრძოლა თბილისში 60-ან წლებში

თბილისში ჯერ კიდევ 50-ან წლებში გაჩაღდა მოწინავე ქართველი საზოგადოებრიობის ბრძოლა ქვეყნად არსებული სოციალური და ეროვნული უსამართლობის წინააღმდეგ. ქართველი მწერლები, საზოგადო მოღვაწეები და პუბლიცისტები თავიანთ მოთხოვნებში, ლექსებსა და წერილებში პროტესტს გამოთქვამდნენ ბატონყმური რეჟიმის წინააღმდეგ და მის გაუქმებას მოითხოვდნენ. ამ მხრივ თვალსაჩინო მოვლენა იყო ჟურნალ „ცისკარის“ 1859 წლის დეკემბრისა და 1860 წლის იანვრის ნომრებში დანიელ კონჭაძის მოთხოვნის — „სურამის ციხის“ დაბეჭდვა. ავტორმა ნათლად დაგვიხატა ბატონყმური რეჟიმის მხეტვარი ბუნება და მისი დაუყოვნებლივ მოსპობა მოითხოვა.

„სურამის ციხის“ გამოსვლას თბილისის დემოკრატიული ინტელიგენცია მოწონებით შეხვდა: ცნობილმა ქართველმა საზოგადო მოღვაწემ და პუბლიცისტმა ანტონ ფურცელაძემ „სურამის ციხისადმი“ მიძღვნილი რეცენზია გამოაქვეყნა, რომელშიც განავითარა დანიელ კონჭაძის მოთხოვნა ბატონყმობის დაუყოვნებლივ მოსპობის შესახებ.

ბატონყმობისაგან გლეხთა განთავისუფლების იდეებით იყო გაჟღერებული ჟურნალი „საქართველოს მოამბე“, რომელიც ი. ჭავჭავაძის რედაქტორობით 1863 წელს გამოდიოდა. თბილისში ერთ თავის სტატიისში ჟურნალი პირდაპირ წერდა, რომ ბატონყმური ურთიერთობის „ფორმამ განვლო თავისი საუკუნე, დაძველდა და ამის გამო ან სულ უნდა მოსპოს, ან გადაკეთდეს ახლად შემოსულ მოთხოვნებისამებრ“¹.

არსებული უსამართლო წყობილების წინააღმდეგ ბრძოლა „საქართველოს მოამბის“ დახურვის შემდეგაც არ შეწყვეტილა. 1864 წელს თბილისში გამოვიდა ჟურნალი „ლიტერატურული ფურცელი“, რომელშიც დაიბეჭდა ა. ფურცელაძის რეცენზია ი. ჭავჭავაძის მოთხოვნაზე „კაცია ადამიანი“. მასში გაბედულად იყო დაყენებული ბატონყმური რეჟიმის მოსპობის მოთხოვნა. იმავე წელს ჟურნალ „ცისკარის“ მეოთხე ნომერში დაიბეჭდა ა. სავანელის წერილი, რომელშიც ავტორი პირდა-

პირ ამბობდა, რომ „აუცილებელი საჭიროება დროებისა არის განთავისუფლება გლეხკაცისა ბატონყმობისაგან“¹.

ქართული პროგრესული აზრის განვითარებისათვის უდიდესი მნიშვნელობა ჰქონდა „მამებსა“ და „შვილებს“. შორის თბილისში გაჩაღებულ ბრძოლასაც, რომელმაც მთელ საქართველოში პირობა გამოძახილი. ეს ბრძოლა გარეგნულად ლიტერატურული კამათის სახეს ატარებდა და ქართული ენის სიწმინდის დაცვის გარშემო ტრიალებდა, მაგრამ, სინამდვილეში, ეს იყო ღრმა კლასობრივი შინაარსის პოლიტიკური ბრძოლა, რომელიც მიმდინარეობდა გაბატონებული საზოგადოებრივი ურთიერთობის დამხობის მომხრე ახალი თაობის „შვილებსა“ და ბატონყმობის დამცველი კონსერვატორული არისტოკრატიის წარმომადგენელ „მამებს“ შორის. რუსეთის მოწინავე აზრის გავლენის ქვეშ აღზრდილი „შვილების“ გალაშქრებამ კონსერვატორი „მამების“ წინააღმდეგ ქართველი ხალხის ისტორიაში ისეთივე პროგრესული როლი შეასრულა, როგორც რუსეთში დიდი რუსი რევოლუციონერი დემოკრატების ბრძოლამ ცარიზმისა და მისი პოზიციების დამცველი რეაქციული იდეოლოგიის სხვადასხვა მიმდინარეობათა წინააღმდეგ.

თბილისის დემოკრატიული ინტელიგენციის მიერ საქართველოში ბატონყმობის მოსპობისათვის დაწყებულმა ბრძოლამ, რომელმაც მალე ქვეყნის მთელი მოწინავე საზოგადოება მოიცვა, სხვა მიზეზებთან ერთად მნიშვნელოვნად დააჩქარა ჩვენში საგლეხო რეფორმის გატარება.

ბატონყმობის გაუქმების შემდეგ საქართველოს დემოკრატიული ძალების ბრძოლა ქვეყნად გაბატონებული სოციალ-ეკონომიური სიღუპისა და ეროვნული უსამართლობის მოსპობისათვის ახალი ძალით გაჩაღდა, რაც იმ პერიოდში შექმნილი კონკრეტული ისტორიული ვითარებით იყო განპირობებული.

როგორც ცნობილია, საგლეხო რეფორმის გატარების შემდეგ, რუსეთში სამოღვაწეო ასპარეზზე გამოდის განმათავისუფლებელი მოძრაობის ახალი — რაზნოჩინული თაობა. „ბატონყმობის გადავარდნამ, — გვასწავლიდა ვ. ი. ლენინი, — წარმოშვა რაზნოჩინეცი, როგორც მთავარი, მასობრივი

¹ „საქართველოს მოამბე“, 1863, № 5, გვ. 46 — 47.

¹ „ცისკარი“, 1864, № 4, გვ. 169.



ვახტანგ გორგასალი

მოღვაწე საერთოდ განმათავისუფლებელი მოძრაობისაც და, კერძოდ, ცენზურაგაუქმებული დემოკრატიული სიტყვისაც. რაზნოჩინეცის შესატყვისი გაბატონებული მიმართულება ნაროდნიკობა გახდა“.

ცარიზმისა და არსებული სოციალური უსამართლობის წინააღმდეგ რუს რაზნოჩინელთა მიერ გაჩაღებულ ბრძოლებში თავიდანვე ჩაება პეტერბურგსა და მოსკოვში სასწავლებლად მყოფი ქართველი ახალგაზრდობა. პეტერბურგის უმაღლეს სასწავლებელთა სტუდენტობის 1861 და 1868—69 წლების გრანდიოზულ მღელვარებებში, იშუტინისა და ნეჩაევის საიდუმლო რევოლუციური წრეების საქმიანობაში, აქტიურად მონაწილეობდნენ თბილისის გიმნაზიაში აღზრდილი ქართველი და სხვა ეროვნების ახალგაზრდები — ნ. ნიკოლაძე, ბ. ლობჯინძე, გ. წერეთელი, ვ. ჩერქეზიშვილი, გ. ჩერქეზიშვილი, ი. ისარლიშვილი, ი. თარხნიშვილი, ი. შანავეცი, თ. რიჰმანი, ბ. ჯაფარიძე, ჯ. იშხანოვი და სხვ.

60-ან წლებში რუსეთის რევოლუციურ მოძრაობაში ქართველების მონაწილეობამ მნიშვნელოვნად განაპირობა ჩვენში რაზნოჩინელი იდეების გავრცელება. ქართველ რაზნოჩინელთა მოძრაობის ცენტრი თბილისი იყო. სწორედ აქ, თბილისში მოიყარეს თავი რუსეთიდან ჩამოსულმა ქართველი ინტელიგენციის მოწინავე ძალებმა, რომლებმაც აქტიური თანამშრომლობა იწყეს ქართულ ეურნალ-გაზეთებში.

თუ ქართველი განმანათლებლების — „თერგდალეულების“ პროგრამის სოციალური მოთხოვნა ძირითადად დაკმაყოფილდა საგლეხო რეფორმის გატარებით, ახლა მის ძირითად პუნქტად ეროვნულ-განმათავისუფლებელი ბრძოლის გაფართოებასთან დაკავშირებული საკითხებიღა დარჩა, ქართველი რევოლუციონერი რაზნოჩინელების — ხალხოსნების საპროგრამო შეხედულების მთავარ მოთხოვნად გლეხობის ინტერესთა დაცვა იქცა. ეროვნული საკითხი კი მათ დაუქვემდებარეს გლეხთა სოციალური განთავისუფლების მოთხოვნას. ამიტომ ქართველ ხალხოსნებს ჩვენს ლიტერატურაში სამართლიანად უწოდეს „ტეტიათა მოტრფილენი“.

მართალია, ქართველ ხალხოსანთა პირველი საიდუმლო ორგანიზაცია ქალაქ გორში ჩამოყალიბდა, მაგრამ ხალხოსნური იდეების პროპაგანდის ცენტრს თავიდანვე თბილისი წარმოადგენდა. თბილისის პერიოდული პრესის ფურცლებზე 60-ანი წლების მეორე ნახევარშივე იწყება ხალხოსნებისათვის დამახასიათებელი უტოპიური აზრებით გაუღვინილი წერილების ბეჭდვა. აღსანიშნავია, რომ თბილისის რაზნოჩინელი ახალგაზრდობა ამ პერიოდში არ კმაყოფილდება მხოლოდ პრესაში გამოსვლით, არამედ საქართველოს ხალხოსნური მოძრაობის მომავალი ლიდერის — ეგნატე იოსელიანის ხელმძღვანელობით 1866 წელს საიდუმლო ბიბლიოთეკასაც კი აარსებს. ამ ბიბლიოთეკას თბილისის მოსწავლე ახალგაზრდობა უნდა მოემარაგებია აკრძალული ლიტერატურით.

სავესებით შესაძლებელია ისიც, რომ რუსეთის მოწინავე იდეებზე აღზრდილი ქართველი, სომეხი, აზერბაიჯანელი და სხვა ეროვნების ახალგაზრდები დაკავშირებული ყოფილიყვნენ არსებული წყობილებით უკმაყოფილო თბილისის მშრომელ მასებთანაც. მით უმეტეს, რომ თბილისისათვის ტრადიციულად იყო დამახასიათებელი განათლებულ ადამიანებსა და მუშა-ხელოსნებს შორის ახლო ურთიერთობის არსებობა. ჩვენ ვფიქრობთ, რომ ყოველად შეუძლებელია 60-ან წლებში თბილისში მომხდარ მასობრივ მოძრაობას აქაურ რაზნოჩინელთა ჩარევის გარეშე ჩაველო. მართალია, ამის დამადასტურებელი უტყუარი საბუთი არ მოგვეპოვება, მაგრამ ჩვენ ხელთ არის მასალა, რომელიც არაპირდაპირ მიუთითებს თბილისის რევოლუციური ინტელიგენციის კავშირზე „მოქალაქეთა“ 1865 წლის აჯანყებასთან.

60-ან წლებში თბილისში გაჩაღებული საზოგადოებრივ-რევოლუციური ბრძოლის შესწავლისას შეუძლებელია არ შევეხოთ 1865 წლის ივნისში თბილისში მომხდარ აჯანყებას. თუნდაც იმიტომ, რომ მკვლევართა ერთი ნაწილი ამ გამოსვლას „ამქართა ჯანყად“ თვლის და არა მშრომელთა მასობრივ მოძრაობად. ზოგიერთის მოსაზრებით, რაც მხოლოდ ოფიციალური დოკუმენტების გავლენითაა ნაკარნახევი, 1865 წლის 26 — 28 ივნისს თბილისის „მოქალაქეთა“ აჯანყების მიზეზი, თითქოს, ის იყო, რომ ხელისუფლებამ თბილისის ვა-

¹ ვ. ი. ლენინი, თხზ., ტ. 20, გვ. 293.

¹ „ქალაქის მცხოვრებთა“ ქვეშ ძირითადად ქალაქის ხელოსნურ-ვაჭრული მოსახლეობა იგულისხმება.

ქართა ამქარს 25%-ით გადიდებული საქალაქო გადასახადი შეაწერა. რა თქმა უნდა, გადასახადის გადიდებამ დააჩქარა „მოქალაქეთა“ გამოსვლა, მაგრამ აჯანყების მიზეზი ეს კი არ იყო, არამედ ის სოციალ-ევროპოეული წინააღმდეგობანი, რომლებიც საგლეხო რეფორმის გატარების შემდგომ პერიოდში უპარესად გამწვავდა, როგორც საერთოდ საქართველოში, ასევე თბილისშიც. საქმე იმაშია, რომ რეფორმით გაძარცვული გლეხები ლუქმაურის სამოვწინააღმდეგო მასობრივად აწყდებიან თბილისს, სადაც ქალაქის ბურჟუაზიული ელემენტების უღელში ცვივიან. ყოველმხრივ შევიწროვებულ მშრომლებში, რომლებსაც ხელისუფლება „შავ მასას“ უწოდებდა, იზრდება უკმაყოფილება ცარიზმისა და არსებული სოციალური უსამართლობის მიმართ. თბილისის ვაჭართა ამქრებზე გაწერილი გადიდებული საქალაქო გადასახადის სიმძიმეც, პირველ რიგში, ამ „შავ მასას“ დააწვა, რადგანაც გადასახადის გადიდების გამო ვაჭრებმა სასმელები და კვების პროდუქტები გააძვირეს, რაც „შავი მასის“ სამართლიან უკმაყოფილებას იწვევდა. ამასთანავე, თვით თბილისის ამქარიც ღელავდა, რადგანაც ხელისუფლებამ მის შუასაუკუნოებრივ კარჩაეტილობაზე იერიში მიიტანა. ვაჭართა ამქარი რუსული კაპიტალის შემოსვლას ხელს უშლიდა, ამიტომ მთავრობამ მისი გაუქმება გადაწყვიტა.

თბილისის ამქარმა, როგორც ეს შუასაუკუნეების ქალაქთა მოძრაობებისათვის იყო დამახასიათებელი, სცადა თავისი ინტერესებისათვის გამოეყენებინა არსებული სოციალური და ეროვნული უსამართლობის წინააღმდეგ მშრომელთა გამოსვლა. ივნისის ამბების დროს თბილისელი ჩარჩ-ვაჭრებიც ალბათ იმიტომ გამოვიდნენ ქუჩებში, რომ „შავი მასის“ მოქმედებისათვის ხელისუფლების მიერ ამქრების მიმართ გატარებულ ღონისძიებათა საწინააღმდეგო მიმართულება მიეცათ, ხოლო მათი მონაწილეობა აჯანყებულთა მიერ მდიდარ მოქალაქეთა დარბევაში, ამ უკანასკნელთა ხელისუფლების მხარეს გადასვლით უნდა აიხსნას; მდიდარი მოქალაქენი მთავრობის ღონისძიებებს მხარს უჭერდნენ, რადგანაც ამქართა შუასაუკუნოებრივი ინსტიტუტის გაუქმების საწინააღმდეგო მათაც არაფერი ჰქონდათ.

სწორედ იმის გამო, რომ თბილისის „მოქალაქეთა“ ივნისის აჯანყება, წერილობრივად

ელემენტებთან ერთად, მშრომელთა ფართო ფენების გამოსვლა იყო, კავკასიის ხელისუფლებამ იგი საშიშ პოლიტიკურ მოვლენად მიიჩნია და მისი სწრაფად ლიკვიდაციისათვის ენერგიული ზომები მიიღო. აჯანყების ჩაქრობის შემდეგ ყველაზე მკაცრად მშრომელთა წარმომადგენლები დასაჯეს. აჯანყების თაობაზე პასუხისგებაში მიცემული 80 კაციდან 37 კაცი, რომლებიც შეძლებულ ვაჭართა წრეს ეკუთვნოდნენ, გამოძიების პერიოდშივე გაანთავისუფლეს, ხოლო 43 ბრალდებული, რომელთა შორისაც 29 სახაზინო და 2 „დროებით ვალდებული“ გლეხი იყო, მკაცრად დასაჯეს¹.

თბილისის „მოქალაქეთა“ აღნიშნული გამოსვლა რომ „ამქართა აჯანყი“ კი არა, არამედ არსებული წყობილებისათვის პოლიტიკურად საშიში, მშრომელთა კლასობრივი ბრძოლა იყო, ამას ადასტურებს ის ფაქტიც, რომ კავკასიის ხელისუფლებას ამ აჯანყების მომზადება და წარმართვა რუსეთის რევოლუციურ-დემოკრატიულ იდეებზე აღზრდილი კავკასიელი ახალგაზრდების საქმედ მიაჩნდა. ეს მოსაზრება, როგორც ზემოთაც აღვნიშნეთ, სინამდვილიდან შორს არ უნდა იყოს.

ჩვენს ხელთაა კავკასიის მეფისნაცვლის მიხეილ ნიკოლოზის ძისა და მისი მოადგილის გრიგოლ ორბელიანის პირადი წერილები, რომლებშიც 1865 წლის აჯანყებასთან რევოლუციურად განწყობილი კავკასიელი ახალგაზრდების ურთიერთობაზეა ლაპარაკი². მეფისნაცვალი ერთ წერილში, რომელშიც მითითებულია რუსეთში არსებულ რევოლუციურ მოძრაობაში ქართველების მონაწილეობის შესახებ, გრიგოლ ორბელიანს წერდა: „უნდა ვიფიქროთ, რომ გადასახადის მომატების წინააღმდეგ გამოსვლა აჯანყების მხოლოდ საბაბი იყო, ნამდვილად კი მას სულ სხვა მიზანი ექნებოდა; საფიქრებელია, რომ აჯანყებაში შავი მასა მხოლოდ იარაღს წარმოადგენდა საექვო პირებისა ხელში“. ასეთ საექვო პირებად მას მიაჩნდა ის რუსი და ქართველი რაზნოჩინელები, რომლებიც 60-ან წლებში რევოლუციურ მუშაობას ეწეოდნენ მეტროპოლისა და განაპირა მხარეებში. როგორც ჩანს, დიდი მთავარი კარგად ყოფილა ინფორმირებული ამ პერიოდში არსებული რევო-

¹ იხ. საარქივო დოკუმენტები. საქართველოს მთავრობის, 1947, ტ. 3, გვ. 106—130.

² იხ. ზუბინის ისტორიულ-ეთნოგრაფიული მუზეუმის არქივის ფონდი 5, საქმე 786, ოთხ ფურცლად.

ლუციური მოძრაობის შესახებ; მას ხელთ ჰქონია ცნობები პოტანინ-იადრიცევის საიდუმლო ორგანიზაცია „ციმბირის დამოუკიდებლობის“ შესახებ, რომლის საქმიანობაში ქართველი ახალგაზრდა მიხეილ ფავლენიშვილიც მონაწილეობდა. დიდი მთავარი იცნობს აგრეთვე კავკასიელთა მონაწილეობით რუსეთში არსებულ სხვა ფარულ საზოგადოებებსაც. იგი, არცთუ უსაბუთოდ ფიქრობდა, რომ კავკასიელები სამშობლოში დაბრუნების შემდეგ გაერთიანებული იქნებოდნენ საიდუმლო წრეებში და რევოლუციურ პროპაგანდას ეწეოდნენ. ამ თვალსაზრისით საინტერესოა დიდი მთავრის წერილის შემდეგი ადგილი: „მე დარწმუნებული ვარ იმაში, რომ ისე, როგორც ყველა სახელმწიფოში და სამწუხაროდ თვით რუსეთშიც, ამიერკავკასიის მხარეში არსებობს პარტია, მართალია, შეიძლება მცირერიცხოვანი, მაგრამ რომელსაც არ ძინავს. ეს პარტია სარგებლობს მისთვის ყველა ხელსაყრელი შემთხვევით, რათა გაატაროს თავისი მანქანა სოციალური იდეები (კურსივი ავტორისაა — ზ. შ.) და ამით ავნოს მთავრობის კეთილ მიზნებს. რუსეთში ამ პარტიის წარმოშობის წყაროს უნივერსიტეტები, სამედიცინო-ქირურგიული აკადემია და ნაწილობრივ სამხედრო აკადემიაც წარმოადგენს.

1861 წელს, როდესაც ადგილი ჰქონდა არეულობას პეტერბურგისა და მოსკოვის უნივერსიტეტებში, მაშინ კავკასიელი სტუდენტებიდან ბევრი დააპატიმრეს და სამშობლოში გადმოასახლეს. სავსებით სამართლიანი იქნება ვიფიქროთ, რომ ეს ახალგაზრდობა ახლაც აგრძელებს დანაშაულებრივ კავშირ-ურთიერთობას თავიანთ ყოფილ ამხანაგებთან. თბილისის ამბებამდე და ამ ამბების დროსაც, ისინი ავრცელებდნენ ცრუ ხმებს და ცდილობდნენ მთავრობის წინააღმდეგ ხალხის აჯანყებას. ეს ხმები შორს ვავრცელდა, რაც ჩვენთვის სარწმუნოდაა ცნობილი... ყველა ესენი წარმოადგენენ უეჭველ ფაქტებს იმის დასადასტურებლად, რომ კავკასიაშიც არსებობს მთავრობის საწინააღმდეგო ტენდენცია, ამიტომ ჩვენც ფრთხილად უნდა ვიყოთ, თვალყური ვადევნოთ ყველა საეჭვო პირს“.

დიდი მთავრის მიერ მოხსენებულ უმაღლეს სასწავლებელთა სტუდენტების ყველა მოძრაობაში ქართველები მართლაც მონაწილეობდნენ და ბევრი მათგანი რუსეთში დაწყებულ რევოლუციურ საქმიანობას სამშობლოში გადმოსახლების ან დაბრუნების შემდეგაც აგრძელებდა; დიდი მთავრის სიტყვით რომ ვთქვათ, ისინი აქაც ავრცელებდნენ „სოციალურ იდეებს“.

დიდი მთავრის აღნიშნული წერილების შინაარსი გვაფიქრებინებს, რომ თბილისის დემოკრატიულ ახალგაზრდებსა და 1865 წლის აჯანყებას შორის კავშირურთიერთობა იქნებოდა. მომავალი კვლევა-ძიების შედეგად შეიძლება მეტი ნათელი მოეფინოს ამ მოსაზრებას; ჯერჯერობით კი მოტანილი მასალების საფუძველზე თბილისის „მოქალაქეთა“ აჯანყების შეფასებაში აღნიშნული სიახლის შეტანაც წინადადებულ ნაბიჯად მიგვაჩნია.

ამრიგად, 60-ან წლებში თბილისში ადგილი ჰქონდა რუსეთის პროგრესულ იდეებზე აღზრდილი ქართველი მოწინავე ინტელიგენციის ბრძოლას არსებული სოციალური და ეროვნული უსამართლობის წინააღმდეგ. იმდროინდელი ქართული პრესის ფურცლებზე ისინი ახერხებდნენ რუსი რევოლუციონერი რაზნოჩინელების შეხედულებათა პროპაგანდას. ამავე პერიოდში თბილისში მოხდა დაბალი ფენების აჯანყება, რომელთანაც მათი კავშირურთიერთობის კვალიც შეიმჩნევა.

II. საიდუმლო რევოლუციური წრეები თბილისში 70-ან წლებში

1. თბილისის გიმნაზიისა და სასულიერო სასწავლებლის მოსწავლეთა წრეები

70-ანი წლების დამდეგიდან თბილისის რაზნოჩინული ახალგაზრდობა პრაქტიკულ რევოლუციურ მუშაობაზე გადასვლას იწყებს. ისინი პირველ რიგში მიზნად ისახავდნენ მოსწავლე ახალგაზრდობის მომავალ რევოლუციონერებად აღზრდას. თბილისის გიმნაზიასა და სასულიერო სასწავლებლებში უფროსი თაობის დემოკრატიული ინტელიგენციის ხელის შეწყობით, 60 — 70-ან წლების მიჯნაზე ფარული წრეები იქმნება, რომლის წევრები ხელისუფლების მიერ აკრძალულ ლიტერატურას

პკითხულობენ. მოსწავლეებს შორის ყველაზე პოპულარობით სარგებლობდა დიდი რუსი რევოლუციონერი დემოკრატების — ჩერნიშევსკის, გერცენის, ბელინსკის, დობროლიუბოვის თხზულებები, აგრეთვე სხვა დემოკრატიული მწერლებისა და რანსონინელი რევოლუციონერების შრომები.

თბილისის მოსწავლე ახალგაზრდობაში მოწინავე იდეების დანერგვას ხელს უწყობდნენ, ერთი მხრივ, პროგრესული შეხედულების რუსი და ქართველი მასწავლებლები, რომლებიც თბილისის საშუალო სასწავლებლებში მუშაობდნენ, ხოლო მეორე მხრივ არდადეგების პერიოდში სამშობლოში ჩამოსული ქართველი სტუდენტები, აგრეთვე ის პირებიც, რომლებსაც სხვადასხვა გზით აღრევე ჰქონდათ შეთვისებული რუსეთის პროგრესული იდეები.

ამასთანავე, მოსწავლე ახალგაზრდობაში რევოლუციური სულისკვეთების გაღვივებას დიდად შეუწყობდა ხელი ქართული პროგრესული განათების „დროების“ მიერ მასალების გამოქვეყნებამ პარიზის კომუნისა და ნეჩაეველთა პროცესის შესახებ, ეგნატე იოსელიანის ინიციატივით თბილისში დაარსებულმა ბიბლიოთეკამ და დემოკრატიული ინტელიგენციის იმ შეკრებებმა, რომლებიც გამოჩენილი საზოგადო მოღვაწის, ქართველ ხალხოსანთა იდეოლოგის — ანტონ ფურცელაძის ბინაზე იმართებოდა. ამ უკანასკნელის შესახებ ხალხოსანი მწერალი სოფრომ მგალობლიშვილი წერს: „ანტონის სახლი 1869 წლიდან წარმოადგენდა სტანკევიჩის სალონს, სადაც იკრიბებოდნენ „მნათობის“ თანამშრომლები, განსაკუთრებით სემინარიის მოსწავლენი... ანტონს დიდი გავლენა ჰქონდა ახალგაზრდებზე“¹.

თბილისის გიმნაზიის მოსწავლეთა წრეს ჯერ კიდევ 70-ანი წლების მიწურულში ჩაეყარა საფუძველი. თავდაპირველად მასში შედიოდნენ — გ. თუმანიშვილი, კ. თუმანიშვილი, ვ. თუმანიშვილი, ა. ტერ-მერკუშოვი, ზ. ხმალაძე, ბუზოვი, მგელაძე და სხვები. 1868 — 69 წლებში ეს წრე უშვებდა ხელნაწერ ეურნალ „კოკორს“, რომლის 12 ნომერი აკადემიკოს ს. ჯანაშიას სახელობის საქართველოს ცენტრალურ მუზეუმშია დაცული. ამ ეურნალის გაცნობიდან ჩანს, რომ გიმნაზიელები ამ პერიოდში ძირითადად ეროვნულ-განმათავი-

სუფლებლურ პოზიციებზე იდგნენ, თუმცა სოციალური უსამართლობის მოსპობასაც ემხრობოდნენ. ეურნ. „კოკორსი“ დაწერილი სტატიების ავტორები დასცინდნენ რუსეთის ბიუროკრატ მოხელეებს, ქართველი თავადაზნაურობის გაუნათლებლობას და ა. შ.²

1870 — 1872 წლებში გიმნაზიელთა აღნიშნული წრის მიერ გამოშვებულ „ქნა ახალი ხელნაწერი ეურნალები — „შრომა“ და „გადასაქრელი საკითხები“. მათი შესწავლიდან ჩანს, რომ წრის წევრთა მსოფლმხედველობაში სოციალურ პრობლემებს უკვე პირველი ადგილი დაუკავებია. წერილების ავტორები ლაპარაკობდნენ ქალთა ემანსიპაციის, მშრომელთა სიღარიბის, სამღვდლოების პარაზიტობის, ნეჩაეველთა პროცესის და სხვა სოციალ-ეკონომიურ და პოლიტიკურ საკითხებზე. საერთოდ კი ნათლად ჩანს რუს რევოლუციონერთა მიმართ სტატიათა ავტორების სიმპათია.

თბილისის გიმნაზიის მოსწავლე ახალგაზრდებს შორის 1870-ანი წლების დამდეგიდან ჩვენ ვხვდებით მეორე ჯგუფს, რომელთა საიდუმლო წრე თავისი შინაარსით თითქმის რუსეთის მოსწავლე ახალგაზრდობის ხალხოსნური წრეების ანალოგიურია. გიმნაზიელთა ამ წრის ხელმძღვანელი იყო მოსწავლე ივანე ჯაბადაძე. მისივე გადმოცემით წრის წევრები აწყობდნენ საიდუმლო შეკრებებს, კითხულობდნენ ბელინსკის, ჩერნიშევსკის, პისარევის, გერცენის თხზულებებს; მსჯელობდნენ ისეთ პოლიტიკურ საკითხებზე, როგორც იყო პარიზის კომუნა, ნეჩაეველთა პროცესი და ა. შ. წრეს ჰქონდა საკუთარი საიდუმლო ბიბლიოთეკა, აღსანიშნავია, რომ გიმნაზიელებს სხვა აკრძალულ წიგნებთან ერთად კარლ მარქსის „კაპიტალიტი“ კი მიუღიათ რუსეთიდან³.

1872 წლის დამდეგიდან გიმნაზიელთა აღნიშნული წრე ფართოვდება. მასში შევიდნენ სხვა სასწავლებელთა მოსწავლენი და ოფიცრებიც კი. მაგრამ იმავე წლის ზაფხულზე ეს წრე იშლება, რადგანაც სასწავლებლის დამთავრების გამო მისი წევრების უმრავლესობა რუსეთის უმაღლეს სასწავლებლებში მიდის სწავლის გასაგრძელებლად.

გიმნაზიელთა აღნიშნულმა წრემ ქართველი ხალხის რევოლუციური მოძრაობის ისტორიაში სა-

¹ ს. მგალობლიშვილი, მოგონებანი, გვ. 206.

² იხ. Q ფონდი, კატალოგი № 446.

³ იხ. ამ საკითხზე ეურნალი „ბილოე“, 1907, № 8.

ხელოვანი ფურცელი ჩაწერა. ამ წრეში აღიზარდნენ რუსეთისა და საქართველოს რევოლუციურ-ხალხოსნური მოძრაობის ისეთი გამოჩენილი მოღვაწენი, როგორც იყვნენ: ივ. ჯაბადარი, ალ. ციციშვილი, მიხ. ჩიკოძე და სხვები.

70-ანი წლების პირველ ნახევარში თბილისის მოსწავლე ახალგაზრდობის საიდუმლო წრეებიდან თავისი შინაარსითა და სოციალური შემადგენლობით ყველაზე მნიშვნელოვანი იყო სემინარიელთა წრე.

თბილისის სასულიერო სემინარიაში, ჯერ კიდევ სამოციან წლებში, მრავლად მოიყარა თავი რანონოჩინულმა ახალგაზრდობამ. სემინარიაში ჩარიცხულნი მაშინვე ექცეოდნენ იქ გაბატონებული იეზუიტური რეჟიმის ქვეშ. მონარქისტი მასწავლებლები, რეაქციონერი რექტორი და ინსპექცია შეუწელებლივ უთვალთვლებდნენ აღსაზრდელებს, არ აძლევდნენ მათ გარეშე წიგნების წაკითხვის, საიდუმლო კრებების გამართვის საშუალებებს და სხვა¹. სემინარიის იეზუიტი ხელმძღვანელების მთავარი მეთოდი იყო თვალყურის დევნება, ჯაშუშობა, აბუჩად აგდება; ისინი ხშირად ჩუმად ჩხრეკდნენ მოსწავლეთა პირად ნივთებს. ასეთი მოპყრობის შედეგად აღსაზრდელებში კიდევ უფრო ძლიერდებოდა არსებული წყობილებისადმი სიძულვილი. ისინი რევოლუციურ გზაზე დგებოდნენ. ი. ბ. სტალინმა გერმანელ მწერალ ემილ ლუდვიგთან საუბარში ამ საკითხზე აღნიშნა: „სემინარიაში გამეფებული დამამკირებელი რეჟიმისა და იეზუიტური მეთოდების წინააღმდეგ პროტესტის ნიშნად, მე მზად ვიყავი გაემხდარიყავი და მართლაც გავხდი რევოლუციონერი, მარქსიზმის, როგორც ნამდვილად რევოლუციური მოძღვრების მომხრე“².

მართლაც, 70-ანი წლების დამდეგიდან სემინარიელებს შორის რევოლუციური მოძრაობა ფართოდება, რაც, პირველ ხანებში, თვითგანვითარების წრეების ჩამოყალიბებაში გამოიხატა. მოსწავლეების ფარულ საქმიანობას თანაუგრძნობდნენ პროგრესულად მოაზროვნე მასწავლებლები—ნიკო ცხვედაძე, იაკობ გოგებაშვილი, ტურიშვილი და სხვ.

სემინარიელთა წრე უშვებდა ხელნაწერ ეურნალ „შრომას“. ამის შესახებ სოფრომ მგალობლიშვილი მოგვითხრობს: „ამ ხელნაწერი ეურნალის გამოცემაში მონაწილეობას იღებდნენ: გ. უთურგაული, რომელიც რედაქტორობდა ეურნალს, ნ. ლომოური, ი. ბაქრაძე, მ. სანებლიძე, ვკონებ ი. მეუნარგიაც, მე, ამ სტრიქონების დამწერიც, შ. შიუკაშვილი და სხვ. ეურნალი გამოდიოდა 1871 წლის მარტამდე“³.

სემინარიის წრემ საკუთარი საიდუმლო ბიბლიოთეკაც დაარსა, სადაც ხელისუფლების მიერ აკრძალული მრავალი წიგნი ინახებოდა. სოფრომ მგალობლიშვილის სიტყვით, აქ იყო „თითქმის მთლად „სოვრემენიის“... ნომრები, ბელინსკის, დობროლიუბოვისა და პისარევის კრიტიკული თხზულებანი, ნეკრასოვის ლექსები, გერცენის „კოლოკოლის“ ზოგიერთი ნომრები და სხვა ამგვარები“⁴.

მოსწავლეებში თანდათან იზრდებოდა აკრძალული წიგნების შესწავლის სურვილი. საკუთარი ბიბლიოთეკის ლიტერატურა მათ უკვე აღარ აკმაყოფილებდათ; ამიტომ ასეთი წიგნებით სარგებლობა იწყეს თბილისში ივანოვის სახელზე არსებული ბიბლიოთეკიდან. ამ საკითხზე ცნობილი ხალხოსანი შიო დავითაშვილი თავის მოგონებაში წერს: „ბიბლიოთეკა ივანოვის სახელზე იყო დაარსებული, აქ მრავალი მეცნიერული, პოლიტიკური და ლიტერატურული წიგნები იყო მოგროვილი. ეს ბიბლიოთეკა და სამკითხველო შეიქმნა სწავლაცოდნას მოწყურებული ახალგაზრდობის თავყრილობის ადგილი. გარდა ამისა, აქვე შეხვედებოდი ცნობილ ლიტერატორებსა და საზოგადო მოღვაწეებს. აქ არ იყო ეროვნული გარჩევა. ქართველი, რუსი, სომეხი და ზოგი სხვა ეროვნების ხალხსაც შეხვედებოდი აქ, ამ სამკითხველოსა და ბიბლიოთეკაში. ტფილისის სასწავლებლების მოწაფეები ძალზე დაეწაფნენ წიგნების კითხვას, უმთავრესად სემინარიელები. ისინი პირველობდნენ ამ საქმეში“⁵.

1873 წლის დსასრულს სემინარიელთა წრე ეანდარმერიამ გაანადგურა, ამასთან ერთად ივანოვის ბიბლიოთეკამაც შეწყვიტა არსებობა.

¹ ა. კიკვიძე, თბილისის სასულიერო სემინარია და ეროვნულ-განმათავისუფლებელი ბრძოლა, თსუ შრომები, 1948, ტ. 34, გვ. 402.

² ი. ბ. სტალინი, თხზ., ტ. 13, გვ. 119.

³ ს. მგალობლიშვილი, მოგონებანი, გვ. 47—48.

⁴ იქვე, გვ. 46.

⁵ შ. დავითაშვილი, ხალხოსნური მოძრაობა საქართველოში, გვ. 13.

სემინარიის წრის განადგურების საბაბი გახდა შემდეგი ფაქტი: 1873 წლის 6 დეკემბერს დიდ მთავარ ნიკოლოზ მიხეილის ძეს, ალექსანდროვის ბაღში სეირნობის დროს აქ მიესალმენ სემინარიის მოსწავლენი; ერთმა მათგანმა შეხვედრისას ეშმაკურად ჩაიცინა კიდეც. ესენი იყვნენ: დავით კეზელი, სტეფანე ჰრელაშვილი და ალექსანდრე მაქარაშვილი, რომლებიც დიდმა მთავარმა იქვე დააპატიმრებინა. დაუყოვნებლივ გაჩხრიკეს მათი საცხოვრებელი ოთახები, სადაც რევოლუციური შინაარსის წერილები იპოვეს. მათი ავტორები დიდ სიმპათიას გამოთქვამდნენ ჩერნიშევსკისა და სხვა რუსი რევოლუციონერების მიმართ, დასცინოდნენ იმპერატორ ალექსანდრე მეორეს, ოცნებობდნენ რუსეთში არსებული რეჟიმის დამხობაზე, აბუჩად იგდებდნენ სემინარიის იეზუიტ ხელმძღვანელებს, ჭაბარაკობდნენ ახალგაზრდების წრიდან რევოლუციონერთა აღზრდაზე, მათ მომავალ მიზნებზე და ა. შ.¹

გამოძიებამ დაადასტურა, რომ სემინარიელთა წრეში შედიოდნენ: დ. კეზელი, ს. ჰრელაშვილი, ალ. მაქარაშვილი, ივ. მახვილაძე, დ. სარმენტოვი, ს. ცამციშვილი, დ. ქართველიშვილი, პ. კვიციანიძე, მ. კობიძე, გ. ასათიანი, გ. უთურგაული, ნ. ლომოური, ს. მგალობლიშვილი, ი. ბაქრაძე. ამასთანავე, როგორც ს. მგალობლიშვილი თავის მოგონებაში წერს, ამ წრესთან დაკავშირებულნი იყვნენ: ვ. იოსებაძე, ნ. ხუციშვილი, რ. გულბანი, ნ. ყიფიანი, ი. მანსვეტაშვილი, გ. ნასყიდაშვილი, გ. ელიავა და სხვ.

მასალებიდან ჩანს, რომ დ. კეზელს პეტერბურგიდან მიუღია შიო შიუკაშვილის მიერ გადმოგზავნილი პროკლამაცია „ახალგაზრდა რუსეთი“, რომლის ავტორი პ. გ. ზაიჩნევსკი იყო, და ამხანაგებში გაუვრცელებია. გარდა შიო შიუკაშვილისა, რომელიც პეტერბურგის სასულიერო აკადემიაში სწავლობდა, სემინარიელებს კავშირი ჰქონდათ მოსკოვის სასულიერო აკადემიის სტუდენტთან ამბროსი ხელაშვილთან, რომელიც რუს რევოლუციონერებს თანაუგრძნობდა.

სემინარიის წრის თაობაზე უანდარმერიამ გაჩხრიკა ივანოვის ბიბლიოთეკა, რომელიც მათი სიტყვით ახალგაზრდობაში „არაკანონიერი და

¹ საქ. ცსა, ფონდი 7^ე, საქმე 10.

აღმამფოთებელი შინაარსის თხზულებათა გავრცელების წყაროს წარმოადგენდა“. გაჩხრეკილ იქნა ბიბლიოთეკის შენობაშივე მოთავსებული ნ. ნიკოლაძის ოთახიც. უანდარმებმა ეპოვეს მხოლოდ რამდენიმე ცალი ჩერნიშევსკის რომანისა „რა ვაქეთოთ?“ და „სოვრემენიკის“ 1863 წლის ნომრები. ექვს გარეშეა, რომ იქ სხვა რევოლუციური წიგნებიც იქნებოდა, მაგრამ ბიბლიოთეკის გამგეობა მათ გადამაღვას მოასწრებდა.

1864 წლის იანვარში დამთავრდა გამოძიება სემინარიელთა ირგვლივ. საგამომძიებლო კომისიამ მხოლოდ 6 მოსწავლის მიმართ შეძლო ხელშეხება მასალათა შეგროვება. ესენი იყვნენ: დ. კეზელი, ს. ჰრელაშვილი, ი. მახვილაძე, დ. სარმენტოვი, ს. ცამციშვილი და სასულიერო აკადემიის სტუდენტი შიო შიუკაშვილი. იუსტიციის მინისტრის 1874 წლის 6 მარტის ბრძანებით მათ პატიმრობა მიუსაჯეს სხვადასხვა ვადით².

თბილისის სასულიერო სემინარიის წრის დანარჩენი წევრების მიმართ უანდარმერიამ, მართალია, საკმაო რაოდენობით ბრალდასადები მასალების შეგროვება ვერ შესძლო და ისინი პატიმრობას გადაურჩნენ, მაგრამ, როგორც სემინარიის წრის ერთ-ერთი წევრი იაკობ მანსვეტაშვილი გადმოგვცემს, ბევრი მათგანი სასწავლებლიდან გარიცხეს; მოხსნეს აგრეთვე სემინარიის მასწავლებლები — „იაკობ გოგებაშვილი და ნ. ცხველაძე, გამოჩენილი ქართველი პედაგოგები და საქვეყნო მოღვაწენი“³.

სემინარიელთა მიმართ მკაცრი ზომების მიღებას მთავრობა შემდეგშიც არათუ ანელებდა, არამედ კიდევ უფრო აძლიერებდა. მაგრამ, ამასთან ერთად, სემინარიაში მოსწავლე რაზნოჩინელი ახალგაზრდობის ოპოზიციური განწყობილებაც ძლიერდებოდა. აღსანიშნავია, რომ 1870-ანი წლების ქართველი ხალხოსნები ძირითადად სემინარიის კედლებიდან გამოვიდნენ. გიმნაზიისა და სემინარიის წრეების დაშლის შემდეგ, თბილისის მოსწავლე ახალგაზრდობაში რევოლუციური განწყობილების ზრდის მაჩვენებელია, თუნდაც ის ფაქტი, რომ „მარტო თბილისის სემინარიიდან როგორც

¹ ЛЦГИА, фонд 1405, 1874, отд. 72, дело 7103, лл. 5—8.

² იაკობ მანსვეტაშვილი, მოგონებანი, გვ. 5.

არაკეთილსაიმედონი, 1874 წლიდან 1878 წლამდე სულ რაღაც ოთხი წლის განმავლობაში 83 საუკეთესო მოსწავლე გარიცხეს“¹.

2. თბილისის რევოლუციური-ხალხოსნური წრე

გიმნაზიისა და სემინარიის საიდუმლო წრეებში მომზადდა ახალგაზრდობა, რომელმაც შემდეგ საქართველოში ხალხოსნურ პროპაგანდას მოჰკიდა ხელი. რუსეთში „ხალხში სიარული“ 1873 — 74 წლებში დაიწყო, საქართველოში კი მხოლოდ 1875 — 76 წლებში მიიღო მან ფართო ხასიათი. ამ პერიოდში საქართველოს ყველა კუთხეში იქმნება ხალხოსნური წრეები, რომელთა შორისაც თვალსაჩინო ადგილი თბილისის წრეს ეკავა.

თბილისის ხალხოსნური წრის ჩამოყალიბება საქართველოსა და ამიერკავკასიის ხალხოსნური მოძრაობის ლიდერის — ეგნატე იონისიმეს ძე იოსელიანის სახელთანაა დაკავშირებული. მან 1874 წ. დაამთავრა პეტერბურგის სამიწათმოქმედო ინსტიტუტი და სამშობლოში დაბრუნდა. თბილისში თავის გარშემო შემოიკრიბა რაზნოჩინული ახალგაზრდობა და მუშაობას შეუდგა. ამის შესახებ სოფრომ მგალობლიშვილი გადმოგვცემს: „სამშობლოში დაბრუნებისთანავე (ეგნატე იოსელიანმა — ზ. შ.) ...გარს შემოიხვია მოსწავლე ახალგაზრდობა სასწავლებლიდან გამორიცხულნი, უპატრონოდ და უსწავლელად დარჩენილნი, რომელთა განვითარებას ეგნატე ბეჯითად შეუდგა. შესდგა ახალგაზრდათა რევოლუციური რაზმი“².

თბილისის წრის წევრები აწყობდნენ საიდუმლო კრებებს და კითხულობდნენ აკრძალულ წიგნებს, რომლებსაც ეგნატე იოსელიანის ბიბლიოთეკაში შოულობდნენ. ამ წრეში მამაკაცებს გარდა ქალებიც შედებოდნენ. შიო დავითაშვილის გადმოცემით: „ეგნატე იოსელიანთან იმ დროს ქალებიც დაიარებოდნენ: მახსოვს ანა დომბროვსკაია (შემდეგ ექიმი ზუღადოვის მეუღლე), პოლონელი ქალიშვილი ვიხტნერსკაია, ელიკო ბროძელი-ანტონოვსკაია და სხვ. ეგნატემ გამაცნო შვეიცარიაში ნამყოფი მარია ალექსანდროვნა ნადეჟინა, რომელიც მანსკეტაშვილი, მოგონებანი, გვ. 5.

² ს. მგალობლიშვილი, მოგონებანი, გვ. 73.

მელსაც საგაზეთო კოსკი ჰქონდა გოლოვინის პროსპექტზე“¹.

1875 წლიდან თბილისის წრე გაფართოვდა: ოფიციალური ცნობებით მის წევრებად ითვლებოდნენ: ეგნატე იოსელიანი, შიო დავითაშვილი, იოსებ ბაქრაძე, ლევან ჩერქეზიშვილი, ოლა ყიფიანი, აქესენტი კალანდაძე, ვიქტორ მელენჩუკი, იოსებ და ლადო გულისაშვილები, გიორგი უთურგაული, ვლადიმერ ნაცელიშვილი, ნიკო კეცხოველი, მარია და ვარვარა ნადეჟინები, თევდორე გოლიევი და სხვა; სულ 30 კაცზე მეტი.

თბილისის წრესთან დაკავშირებული იყვნენ ის თბილისელი ახალგაზრდებიც, რომლებიც პეტერბურგში სწავლობდნენ და იქაურ რევოლუციურ მოძრაობაში მონაწილეობდნენ. ესენი იყვნენ: კონსტანტინე ბაქრაძე, ოლა, არშაკ და ვარვარა საფაროვეები, სტეფანე კრელაშვილი, ალექსანდრე ნანიშვილი, სტუდენტი ზედგენიძე და სხვები.

თბილისის წრესთან და პირადად ეგნატე იოსელიანთან მჭიდრო კავშირ-ურთიერთობა ჰქონდა რუს რევოლუციონერ სერგეი შვეცოვს, რომელიც საქართველოში პროპაგანდისტული მუშაობისათვის იყო ჩამოსული. იგი ბინადაც ეგნატე იოსელიანთან ცხოვრობდა.

თბილისში მყოფი სერგეი შვეცოვი ეგნატე იოსელიანთან, არსენა კალანდაძესთან და სხვა ქართველ ხალხოსნებთან ერთად ეწეოდა რევოლუციურ მუშაობას. ამ უკანასკნელთან შეთანხმებით კი იგი თბილისელ მუშებსაც უკავშირდებოდა. ამ მიზნით ქალაქის ერთ-ერთ სტამბაში შავ მუშად მოეწყო. თბილისში ყოფნის პერიოდში შვეცოვს მიმოწერა ჰქონდა რუსეთის ხალხოსნურ ორგანიზაციებთან.

კონსპირაციულობის მიუხედავად, შვეცოვი დიდხანს არ დარჩენილა შეუმჩნეველი. ჟანდარმერიამ მის მიმართ საიდუმლო თვალთვალი დააწესა, ხოლო 1876 წლის ოქტომბერში, როდესაც ქართველი ხალხოსნების მასობრივად დაპატიმრება დაიწყო, შვეცოვიც დაპატიმრეს ეგნატე იოსელიანის ბინაზე და პასუხისგებაში მისცეს „თბილისისა და ქუთაისის გუბერნიაში კანონის საწინააღმდეგო პროპაგანდის საქმეზე“. რადგანაც შვეცოვის რევოლუციური წარსულის გამო პეტერბურგში ძიება უკვე მიმდინარეობდა, ამიტომ მესამე განყოფილე-

¹ შიო დავითაშვილი, მოგონება, გვ. 20.

ბის უფროსის განკარგულებით იგი პეტერბურგში გადაგზავნეს და იქაურ ხალხოსნებთან ერთად დასაჯეს.

თბილისის წრის პროპაგანდისტები მხოლოდ ქალაქში მუშაობით არ იფარგლებოდნენ, ისინი სოფლებშიც მიდიოდნენ. ამ მიზნით შიო დავითაშვილი გორის მაზრაში წავიდა. ამის შესახებ იგი გადმოგვცემს: „ხალხში გასვლა გადაწყვეტილი მქონდა, მხოლოდ დროს ვუცდიდი, სანამ საზღვრულად სასწავლებლებს დახურავდნენ. ეს დროც დადგა და მეც გავემგზავრე გორს.“

აუარებელი აკრძალული წიგნები წავიღე თან და ვესტუმრე სოფრომ მგალობლიშვილს... აქედან ქართლის სოფლებსავე დავიკავე გეზი და მოვიარე ის სოფლები, სადაც ნაცნობ-ნათესაეები მეგულებოდა. სამყოფი ბინა კი ს. ტყვიავში მქონდა¹.

თბილისის წრის მეორე აქტიური წევრი ოლღა ყიფიანი კი 1876 წლის ივნისის ბოლოს გურიაში წავიდა. იგი სოფელ გორაში (დღევანდელი ჩოხატაურის რაიონი) ჩავიდა და ადგილობრივ მცხოვრებლებს დაუახლოვდა.

თბილისელი ხალხოსნები, როგორც ზემოთაც მივუთითეთ, ხელოსნებსა და მუშებს შორისაც ეწეოდნენ რევოლუციური აზრების პროპაგანდას. ამის შესახებ ცნობები დაცულია როგორც ქართველი ხალხოსნების მოგონებებში, ასევე საარქივო მასალებშიც. თბილისელ მუშებთან დაახლოების მიზნით შიო დავითაშვილი შავ მუშად იწყებს მუშაობას ჯერ მირზოევის საქსოვ ფაბრიკაში, ხოლო შემდეგ სამხედრო უწყების სამკერვალოში. ამასთანავე, ხალხოსნებმა შიო დავითაშვილის სახელზე გახსნეს წიგნების ამკინძავი სახელოსნო. აქ მომუშავე ოსტატებსა და შევირდებს შორის შიო დავითაშვილი და მისი ამხანაგები რევოლუციური აზრებს ავრცელებდნენ². თბილისელ მუშებში რევოლუციურ პროპაგანდას არსენ კალანდაძესთან ერთად სერგეი შვეცოვიც ეწეოდა.

თბილისის ხალხოსნური წრე დაკავშირებული იყო საქართველოს სხვა მაზრებში არსებულ საიდუმლო წრებთან. თვით ეგნატე იოსელიანი, როგორც კავკასიელ ხალხოსანთა ლიდერი, დიდი ავტორიტეტით სარგებლობდა ქართველ ხალხოსნებს

შორის. მასთან შეუთანხმებლად რაიმე მნიშვნელოვანი საკითხი არსად არ გადაწყდებოდა.

1876 წლის ოქტომბერში, საქართველოში მომხდარი დიდი დაპატიმრების შემდეგ, თბილისის ხალხოსნური წრის საქმიანობა ძლიერ შესუსტდა. ეგნატე იოსელიანის ციხიბრში გადასახლებისა და სხვების სხვადასხვა ზომით დასჯის შემდეგ დაპატიმრებას გადარჩენილმა თბილისელმა ხალხოსნებმა თითქმის აიღეს ხელი რევოლუციურ მოღვაწეობაზე. სოფრომ მგალობლიშვილის სიტყვით მათ „ფრონტი შეიცვალეს“, ე. ი. გალიბერალების გზას დაადგინეს.

ეგნატე იოსელიანის დაპატიმრების შემდეგ თბილისის წრეს სათავეში შიო დავითაშვილი ჩაუდგა, რომელიც დაპატიმრებას შემთხვევით გადაურჩა, მაგრამ ჟანდარმერიის მხრივ მკაცრი მეთვალყურეობის გამო მალე ისიც იძულებული გახდა თბილისი მიეტოვებინა და გორში გადასულიყო. ამრიგად, თბილისის რევოლუციურმა ხალხოსნურმა წრემ არსებობა შეწყვიტა.

III. ნაროდოვოლცური წრეები თბილისში 80-ან წლებში

1. თბილისის ნაროდოვოლცური ჯგუფი 70 — 80-ან წლების მიჯნაზე

70-ანი წლების მიწურულსათვის, რუსეთის მსგავსად საქართველოს ხალხოსნურ მოძრაობაშიც შეიმჩნევა ორი მიმართულების გაჩენა. ხალხოსნების პირველ ნაკადში შევიდნენ ისინი, რომლებმაც „ფრონტი შეიცვალეს“ და რევოლუციური პროპაგანდის მაგივრად კულტურულ საქმიანობაზე გადავიდნენ. ისინი თავიანთი მუშაობის ძირითად ობიექტად მოსწავლე ახალგაზრდობას ირჩევდნენ, ხოლო გლეხობაში მათი მოღვაწეობა სადამოებისა და წარმოდგენების გამართვით შემოიფარგლებოდა და, როგორც ეს ზემოთაღნიშნულთაათვისაც იყო დამახასიათებელი, ლეგალური ფორმებითაც ცდილობდნენ გლეხთა დაცვას მემამულეებისა და ჩინოვნიკურ-ბიუროკრატიული აპარატის მხრივ ძალმომრეობისაგან. ამ ნაკადის ხალხოსნები აღარ იყვნენ გამსჭვალულნი იმ რევოლუციური სულისკვეთებით, რომელიც 70-ანი წლების ხალხოსნებისათვის იყო დამახასიათებელი.

¹ შიო დავითაშვილი, მოგონება, გვ. 29.

² იქვე, გვ. 22, 26—27, 67—68.



კროტკინის ქუჩაზე მდებარე № 9 სახლი, სადაც 1901 წლის 24 ნოემბერს
შედგა რსდმპ თბილისის ორგანიზაციის პირველი კონფერენცია

ქართველი ხალხოსნების ამ მიმდინარეობას სხვებთან ერთად ეკუთვნოდნენ უურნალ „იმედისა“ და გაზ. „შრომის“ ირგვლივ შემოკრებილი ქართველი ინტელიგენციის წარმომადგენლები. პირველი თბილისში გამოდიოდა 1881 — 1883 წლებში მ. გურგენიძის რედაქტორობით, ხოლო მეორე, ქ. ქუთაისში — დ. დადიანის რედაქტორობით. გაზეთ „შრომაში“ მონაწილეობდნენ: ბოსლეველი, უმწიფარიძე, დ. კეზელი და სხვები. უურნალ „იმედში“ — ნ. ხიზანიშვილი, ა. ფურცელაძე, ს. მგალობლიშვილი და სხვები. საერთოდ, „შრომისა“ და „იმედის“ გარშემო შემოკრებილ იყვნენ ხალხოსნურად განწყობილი ის ქართველი მოღვაწენი, რომლებიც „ივერიისა“ და „დროების“ მიმართულებას არ ეთანხმებოდნენ.

70-ანი წლების მიწურულიდან საქართველოს ხალხოსნური მოძრაობის მეორე ნაკადს წარმოადგენდა ნაროდოვოლცური მიმართულება, რომელიც რუსი ნაროდოვოლცელების გმირული ბრძოლის უშუალო გამოძახილი იყო. ჩვენ ამჯერად მხოლოდ თბილისში მომუშავე ნაროდოვოლცელებზე შევჩერდებით.

საარქივო მასალები მიუთითებენ, რომ 70-ანი წლების მიწურულში თბილისში შემდგარა საიდუმლო წრე „ხელისუფლების საწინააღმდეგო იდეების გავრცელების მიზნით“. მასში შედიოდნენ ცოლ-ქმარი შავერდაშვილები, „სტატსკი სოვეტნიკი“ ცეზარ მატვეის ძე ბუტკევიჩი, მაიორი ფერდინანდ იულონის ძე ბარკოვსკი, ლიუდვიგა ვასილის ასული მიცენკო¹.

წრეს ჰქონია საკუთარი ბიბლიოთეკა გოლოვინის გაშიზირზე, თავად მუხრანსკის სახლში. ბიბლიოთეკას განაგებდნენ ნადეჟდა ანდრიას ასული კონსტანტინოვა და მარიამ ანდრიას ასული იაკიმოვა. ბიბლიოთეკაში სხვა არალეგარულ ლიტერატურასთან ერთად დატული ყოფილა ისეთი გამოცემები, როგორიცაა უურნ. „ეპერიოდი“ და გაზ. „ნაროდნაია ვოლია“. მასალებში ნათქვამია აგრეთვე, რომ თბილისის წრეს საიდუმლო სტამბა დუშეთის მაზრაში აქვს გამართული².

ჩვენი აზრით, აქ საქმე უნდა გვეკონდეს იმ გარემოებასთან, რომ პოლიციის ყურამდე მისულა

ცნობა გორელი ხალხოსნების მიერ სტამბის გამართვის შესახებ; რადგანაც აგენტურა საქმის კურსში არ იყო, ამიტომ მათ ცნობებში მაზრების სახელწოდება არეულია.

პოლიციის ცნობების მიხედვით ჟანდარმერიამ დაგვიანებით მოახდინა ჩხრეკა, ამიტომ შენიშნულ პირებს ბრალდასაღები საბუთი ვერ უპოვეს და მათზე საიდუმლო მეთვალყურეობის დაწესებით დაკმაყოფილდნენ.

ჩვენი მოსაზრებით, ამჯერად თბილისელი რევოლუციონერები დაპატიმრებას გადაარჩინა შემდეგმა გარემოებამ: ზემოთ მოტანილი ცნობები თბილისის პოლიცემისტერის სამმართველომ შეაგროვა და წარუდგინა სასამართლო პალატის პროკურორს და არა ჟანდარმერიას, რასაც ჟანდარმების უკმაყოფილება გამოუწვევია. ამის გამო, პროკურორის მითითების შემდეგ ისინი დაუყოვნებლივ კი არ შეუდგნენ რევოლუციონერთა ძებნას, არამედ შეგნებულად დაყოვნდნენ. უფრო მეტიც, ჟანდარმები უმტკიცებდნენ პროკურორს, რომ თბილისში არავითარი საიდუმლო ორგანიზაცია არაა, ხოლო ეს ცნობები განგებაა შეთხზული პოლიცემისტერის მიერ, რათა ჩვენ დაგვაპიროს, თვითონ კი სამსახურში დაწინაურება მიიღოს³. საფიქრებელია, რომ თვითმპყრობელობის ქოფაკებს შორის ეს დავა არც რევოლუციონერებს გამორჩებოდათ მხედველობიდან; მით უმეტეს, რომ მათ შორის მაღალი სამხედრო და სამოქალაქო ჩინის ადამიანები მოიხსენიებიან. ყოველივე ამის შედეგად, ისინი მთავრობისთვის მიუღებელი ლიტერატურისა და სხვა საექვო მასალების გადაძალვას მოასწრებდნენ, ამიტომ ჟანდარმერიამ ჩხრეკის შედეგად საექვო ვერაფერი ნახა. ამრიგად თბილისელი რევოლუციონერები ამჯერად დაპატიმრებას გადაურჩნენ.

2. 20-16 „მინგრელსკი პოლიცემისტერი“ არსაბუნალი ნაროდოვოლცური წრე თბილისში

80-ანი წლების დამდეგიდან საქართველოში ორი ნაროდოვოლცური წრე იქმნება. ერთი იყო თბილისის წრე, რომელშიც შედიოდნენ მე-16 „მინგრელსკი პოლიცემისტერი“ ოფიცრები: ნემოლოვსკი, შეპელოვი, ანტონოვი, ვაჩნაძე, ციციშვილი და

¹ МЦГА, фонд III, отд. 8, экзопд. 1880 г., дело 81, лл. 14—15.

² იქვე, ფურცელი 42—43, 44.

³ იქვე, ფურცელი 46.

სხვები; აგრეთვე სამოქალაქო პირები: მარიამ შერვაშიძე, ვიქტორ მელენჩუკი, ალექსანდრე ნა-
ნეიშვილი, გ. ტერ-გრიგორიანცი, სტეფანე ჭრელა-
შვილი, ალექსანდრე ელიოზიშვილი და სხვ. მეორე
იყო გორის წრე ანუ „საიდუმლო კომიტეტი“.

საგამომძიებლო კომისიის მასალებში თბილისის
წრე ნაროდოვოლტური სამხედრო წრის სახელით
მოიხსენიება, მაგრამ, იმავე მასალებიდან ჩანს,
რომ მასში ბევრი სამოქალაქო პირიც მონაწილე-
ობდა. ამიტომ უმჯობესი იქნება ჩვენს ლიტერა-
ტურაში მას თბილისის ნაროდოვოლტური წრე
ეწოდოს.

თბილისის წრის ჩამოყალიბება უშუალოდ და-
კავშირებულია 1881 წლის ზაფხულზე პეტერბურ-
გიდან „ნაროდნაია ვოლიას“ აღმასრულებელი კო-
მიტეტის წევრის ანა პრიბილევა-კორბას ჩამოსვ-
ლასთან. კორბა თბილისში ჩამოსვლისთანავე და-
კავშირებია 70-ანი წლების საქართველოს ხალ-
ხოსნური მოძრაობის აქტიურ მონაწილეს სტეფანე
ჭრელაშვილს, რომლის საშუალებითაც გაცნობია
პორუჩიკ ალექსანდრე ანტონოვს და მისთვის გაზ.
„ნაროდნაია ვოლიას“ ფურცლები მიუცია. ანტონ-
ოვს კი იგი წასაკითხად დაურიგებია თავისი ამზა-
ნავი ოფიცრებისათვის.

კორბას მიერ თბილისში ჩამოსვლისთანავე სტე-
ფანე ჭრელაშვილის მონახულება გვაფიქრებინებს,
რომ მათ შორის ნაცნობობა ადრეც იქნებოდა.
ყოველ შემთხვევაში, ის მაინც სარწმუნოა, რომ
კორბა ჭრელაშვილის რევოლუციური წარსულის
შესახებ კარგად უნდა ყოფილიყო ინფორმირებუ-
ლი, წინააღმდეგ შემთხვევაში, მისთვის უცნობ
პირს იგი არ ენდობოდა.

კორბას წინადადებით „მინგრელსკი პოლკის“
ოფიცრებისაგან შემდგარა საიდუმლო წრე, რო-
მელშიც სამოქალაქო პირებიც შესულან. ამ წრეს
თავისი მოქმედება უნდა შეეფარდებია ნაროდნაია
ვოლიას „აღმასრულებელი კომიტეტის“ საერთო
სამოქმედო პროგრამასთან, შეეკრიბა ფული ორ-
განიზაციის საქმიანობისათვის და ა. შ.

თბილისის ნაროდოვოლტურ წრეში შემავალი
სამოქალაქო პირებიდან თვალსაჩინო ფიგურა იყო
ქართველი ქალი მარიამ შერვაშიძე. მისი ბინა რე-
ვოლუციონერების ერთ-ერთი შესაკრები ადგილი
იყო. რუსეთიდან ჩამოსული თიანეთის ყველა რევო-
ლუციონერი პირველად მას მოინახულებდა ხოლმე

და სხვებს მისი საშუალებით უკავშირდებოდა. სა-
გამომძიებლო კომისიის მასალებში ნათქვამია, რომ
მარიამ შერვაშიძე „ასრულებდა შუამავლის როლს
თბილისში ჩამოსულ რევოლუციონერ აგიტატორ-
ებსა და „მინგრელსკი პოლკის“ ოფიცრებს
შორის“¹.

1881 წლის ბოლოს ანა პრიბილევა-კორბა და-
ბრუნდა პეტერბურგში, სადაც მალე დააპატიმრეს
და 20 წლით კატორღაში გაგზავნეს. მის შემცვლე-
ლად კი „აღმასრულებელი კომიტეტის“ სახელით
საქართველოში ჩამოდის სერგეი პეტრეს ძე დეგა-
ვეი, რომელიც შემდეგში პროვოკატორი გახდა.
დეგავეი თბილისში ცხოვრობდა „სერგეი პეტრეს
ძე პეტროვის“ გვარით და კორბას მიერ დაწყებულ
მუშაობას აგრძელებდა. თბილისში ყოფნის პერი-
ოდში იგი პერიოდულად მოგზაურობდა ბაქოსა და
ამიერკავკასიის სხვა ქალაქებში.

1882 წლის სექტემბერში დეგავეი საქართვე-
ლოდან დაბრუნდა რუსეთში. მალე თბილისის ნა-
როდოვოლტური წრეც ჩაეარდა. 1883 წლის ზამ-
თარსა და ზაფხულზე თბილისელი რევოლუციონ-
ერების უმრავლესობა ეანდარმერამ დააპატიმრა.
პასუხისგებაში 28 კაცი იქნა მიცემული (მათ შო-
რის იყვნენ გორელი ხალხოსნებიც), რომლებიც
ადმინისტრაციული წესით დასაჯეს.

შინაგან საქმეთა მინისტრის 1884 წლის 31 იან-
ვრის განკარგულებით მარიამ შერვაშიძე, სტეფანე
ჭრელაშვილი, მიხეილ ყიფიანი, ვიქტორ მელენ-
ჩუკი, ალექსანდრე ელიოზიშვილი, ალექსანდრე
ნანეიშვილი და სერგეი შეპელოვი გადაასახლეს
სამ-სამი წლით დასავლეთ ციმბირში, პოლიციის
მკაცრი მეთვალყურეობის ქვეშ დატოვებით; პე-
ლე იაკიმოვს, ნიკოლოზ ალიხანოვს, არჩილ ციცი-
შვილს, იოსებ ლიპომანს, ალექსანდრე მაკუხინს,
ელადიმერ დერჟანოვსკის, ლევან ვაჩნაძეს და იაკობ
მიტკინს ჩაეთვალათ სასჯელში წინასწარი პატიმ-
რობა და პოლიციის მკაცრ ზედამხედველობას და-
უქვემდებარეს, პირველი ოთხი — სამ-სამი წლით
თვითეული, მაკუხინი და დერჟანოვსკი კი ორ-ორი
წლით, ხოლო ვაჩნაძე და მიტკინი თითო წლით.
დანარჩენებიც სხვადასხვა ზომით იქნენ დას-
ჯილნი².

¹ ЛЦГИА, фонд 1405, 1883 г., опись 69, дело 11812,
л. 20.

² იქვე, лл. 40—41.

3. თბილისის სასულიერო სემინარიის
მოსწავლეთა ნაროდოვოლცური წრეები

როგორც ზემოთ აღვნიშნეთ, თბილისის სასულიერო სემინარია რევოლუციონერთა სამკედლოს წარმოადგენდა. არსებული წყობილებისადმი მტრული განწყობილება სემინარიის მოსწავლეთა შორის ყოველთვის ძლიერი იყო. ხოლო როდესაც 70-ანი წლების მიწურულსა და 80-ანი წლების დამდეგს, რუსმა ნაროდოვოლცებმა გააფთვებული ტერორისტული ბრძოლა გააჩაღეს ცარიზმის წინააღმდეგ, მას თბილისის სასულიერო სემინარიის მოსწავლე ახალგაზრდობაც გამოეხმაურა. 80-ანი წლების დამდეგიდან სემინარიელთა შორის იქმნება საიდუმლო წრეები, რომლებშიც შედიოდნენ: გ. ჩიტაძე, ბ. მოსეშვილი, ი. რამიშვილი, ზ. ჩიქვილაძე, ილარიონ და ნიკოლოზ ხახუტაშვილები, ი. შამათავა, ი. ლალიაშვილი, გ. მატაფიევი, ი. ლომკაციშვილი, ს. ჯიბლაძე, ი. გულისაშვილი, ი. ბარნაბიშვილი, ნ. სიღამონიძე, კ. კუხიანიძე, ზ. უზნაძე და სხვ.

სემინარიელთა წრეებიდან ყველაზე რადიკალური იყო გოლა ჩიტაძის ჯგუფი, რომლის წევრებიც უშუალოდ „ნაროდნაია ვოლიას“ თვალსაზრისზე იდგნენ. გოლა ჩიტაძე ცარიზმის წინააღმდეგ ინდივიდუალური ტერორის გზით ბრძოლის მხურვალე მომხრე იყო. მას ღრმად სწამდა ცალკეული მკვლელობების საშუალებით მეფის ხელისუფლების დამხობის შესაძლებლობა. გოლა ჩიტაძემ ქართველი ნაროდოვოლცების ბრძოლის ძირითად საშუალებად ინდივიდუალური ტერორის ტაქტიკა აღიარა და თავიდანვე მტკიცედ დაადგინდა ინდივიდუალური ტერორის გზით ცარიზმთან ბრძოლის ხაზს.

გოლა ჩიტაძემ და მიხა ჩოდრიშვილმა მოახერხეს არალეგალური სტამბის გამართვა ქალაქის ცენტრში გოლოვინის პროსპექტზე, მაგრამ შემდეგ გოლა ჩიტაძემ იგი გადაიტანა უფრო საიმედო ადგილას, თავის ბინაზე.

გოლა ჩიტაძის სტამბაში იბეჭდებოდა რევოლუციური ხასიათის ბროშურები და პროკლამაციები. მაგალითად, ამ სტამბაში ქართულ ენაზე დაუბეჭდიათ ხელისუფლების მიერ აკრძალული ბროშურა „ოთხი ძმის ზღაპარი“, ორასი ეგზემპლარის რაოდენობით.

გოლა ჩიტაძის ჯგუფმა ლუდხანაც გახსნა გოლოვინის გამზირზე. იგი რევოლუციონერების შესაკრები ადგილი იყო, ხოლო ლუდხანა, ჟანდარმერიის თვალის ასახვევად ერქვა. მიხა ჩოდრიშვილის გადმოცემით მოსწავლე ახალგაზრდათა წრის წევრები აქ არალეგალურად იკრიბებოდნენ და სხვადასხვა საჭირობო საკითხზე მსჯელობდნენ.

გოლა ჩიტაძე სემინარიიდან გარიცხვის შემდეგაც ხელმძღვანელობდა საიდუმლო წრეების საქმიანობას. მასალებიდან ჩანს, რომ იგი, სემინარიის წრის გადაწყვეტილებით, რექტორ ჩუდეცის მოკვლის ერთ-ერთი ორგანიზატორი ყოფილა.

როგორც ირკვევა, სემინარიელთა საიდუმლო წრეს, რომელშიც იმ დროს შედიოდნენ: ი. ლალიაშვილი, ზ. ჩიქვილაძე, ი. ხახუტაშვილი, ნ. ხახუტაშვილი, ი. ბარნაბიშვილი, ი. შამათავა, ზ. მატაფიევი, ი. ლომკაციშვილი, ნ. სიღამონიძე, ზ. უზნაძე, ბ. მოსეშვილი, თ. ბერიძე, კ. კუხიანიძე და სხვები, კუჩიის სასაფლაოზე ჩატარებული ერთ-ერთი შეკრების დროს საძულველი რექტორის ჩუდეცის მოკვლა გადაუწყვეტია. ამ ტერორისტული აქტის სისრულეში მოყვანა იოსებ ლალიაშვილს უქისრია, რაც მან განახორციელა კიდეც 1886 წლის 24 მაისს. ჩუდეცის მოკვლის სამზადისში, ი. ლალიაშვილი მჭიდრო კონტაქტში ყოფილა გოლა ჩიტაძესთან და საჭირო იარაღიც მისი დახმარებით შეუქმნია¹.

იოსებ ლალიაშვილის საქმე სამხედრო სასამართლომ განიხილა და მას სასიკვდილო განაჩენი მოელოდა, მაგრამ არასრულწლოვანობის გამო 20 წლის კატორღა მიუსაჯეს.

რექტორ ჩუდეცის მოკვლის შემდეგ თბილისის სასულიერო სემინარიაში უკიდურესად სულის შემხუთველი რეაქცია გაბატონდა. თბილისის ჟანდარმთა სამმართველოს უფროსის განკარგულებით გაჩხრიკეს სემინარიელთა წრის წევრების — ივანე ბარნაბიშვილის, ზოტაყე ჩიქვილაძის, ზაქარია უზნაძის, კონსტანტინე კუხიანიძის, იოსებ ჭირაქაძისა და სხვების საცხოვრებელი ოთახები. მართალია, მათ საეჭვო ვერაფერი უპოვეს, მაგრამ ისინი მაინც დააპატიმრეს.

¹ ამ საკითხს ჩვენ ფართოდ ვიხილავთ მონოგრაფიაში „რევოლუციურ-ხალხოსნური მოძრაობა საქართველოში“.


უნდა ვიფიქროთ, რომ სემინარიის აღნიშნული მოსწავლეები წინასწარვე შეთანხმებული იქნებოდნენ იმის შესახებ, თუ როგორი ჩვენება მიეცათ ეანდარმებისათვის. ამიტომ გამოძიებამ მათ მიმართ სათანადო ბრალდასაღები მასალების შეგროვება ვერ შეძლო. ისინი საპატიმროდან გაათავისუფლეს, მაგრამ სემინარიიდან მაინც გარიცხეს და თავიანთ სოფლებში გადაასახლეს, სადაც პოლიციის შკაცრ მეთვალყურეობას დაუქვემდებარეს.

• • •


იოსებ ლალიაშვილის მიერ ჩადენილი ტერორისტული აქტისა და სემინარიელთა საიდუმლო წრეების დაშლის შემდეგ ჩვენში სასტიკი რეაქცია გაბატონდა. ამასთან, ქართველი ხალხოსნების ნაროდოვოლცური ნაკადის არსებობაც წყდება. ეს, რა თქმა უნდა, იმითაც იყო განპირობებული, რომ ამავე პერიოდში თვით რუსეთშიც სრული კრაზნი განიცადა ნაროდოვოლცელთა საქმიანობამ. 1887 წ. ალექსანდრე ულიანოვის ინიციატივით, იმპერატორ

ალექსანდრე მესამის მოკვლის ცდის შემდეგ, რუს ნაროდოვოლცებს აღარც კი უფიქრიათ ტერორისტული აქტის ჩადენაზე.

XIX საუკუნის 80-ან წლებში, რუსეთში სერიოზულად ძლიერდება მუშათა მოძრაობა, იქმნება მარქსისტული წრეები; ხოლო 90-ან წლებში დიდი ლენინის ხელმძღვანელობით რევოლუციური ბრძოლის ასპარეზზე გამოდის რუსეთის განმათავისუფლებელი მოძრაობის ახალი თაობა — რევოლუციური სოციალ-დემოკრატია, რომელმაც მემკვიდრეობით მიიღო წინა თაობათა მოწინავე რევოლუციური ტრადიციები, ხოლო მათი მცდარი თეორიული დოქტრინები საბოლოოდ გაანადგურა. ასევე მოხდა საქართველოშიც. ქართველმა რევოლუციონერმა სოციალ-დემოკრატებმა ი. ბ. სტალინისა და მისი თანამებრძოლების — კეცხოველის, წულუყიძის, ცხაკაიას, მახარაძის და სხვათა მეთაურობით მალლა აღმართეს რევოლუციური მარქსიზმის დიადი დროშა. ამით ჩვენშიც მთავრდება რაზნოჩინული მოძრაობის პერიოდი და იწყება რევოლუციური მარქსიზმის ეპოქა.



თბილისის ძველი ნაწილის საერთო ხედი



ჩიბო ბუბუშვილი

**რევოლუციური მოძრაობა
თბილისში (1900—1921 წწ.)**

თბილისის 1 500 წლის ბრწყინვალე ისტორიაში განსაკუთრებული ადგილი უჭირავს შედარებით მოკლე, მაგრამ მოვლენათა სიმრავლითა და მნიშვნელობით მდიდარ პერიოდს XIX საუკუნის 90-ანი წლებიდან 1921 წლამდე, როცა თბილისის პროლეტარიატმა თავისი რევოლუციური ბრძოლის მაგალითებით, ცარიზმის წინააღმდეგ ბრძოლისათვის აღაფრთოვანა, პოლიტიკური ცხოვრებისა და ბრძოლისათვის გამოაღვიძა მილიონობით დაბეჩავებული საქართველოს მშრომელი მასები, ჩააბნინა მჩაგვრელთა წინააღმდეგ დაწყებულ საერთო მოძრაობაში და მოგვცა რევოლუციური ბრძოლის გმირული ნიმუშები.

მეფის თვითმპყრობელობისა და ბურჟუაზიის წინააღმდეგ აშკარა რევოლუციური ბრძოლის ახალ ეპოქაში, თბილისის პროლეტარიატი სწრაფად გაიზარდა და მომწიფდა მძლავრ რევოლუციურ ძალად, რომელიც ხელმძღვანელობდა და ტონს აძლევდა საქართველოს მუშათა და გლეხთა რევოლუციურ მოძრაობას.

რუსეთის პროლეტარიატის რევოლუციური ბრძოლის გავლენითა და ხელმძღვანელობით, თბილისის პროლეტარიატმა რევოლუციური აღზრდის დიდი სკოლა გაიარა და იწყობრძოლა თავისი ეკო-

ნომიური მდგომარეობის გაუმჯობესებისათვის. თბილისის მუშათა პირველი გაფიცვები სტიქიურად იფეთქებდა ხოლმე ჯარიმების, სამუშაო დღის გადიდების, ხელფასების შემცირებისა და სხვათა გამო, რომელიც მალე გადაიზარდა შეგნებულ და ორგანიზებულ ბრძოლად ცარიზმის წინააღმდეგ.

1899 წლის 19 აპრილს თბილისის მუშებმა რევოლუციური სოციალ-დემოკრატიული ორგანიზაციების ხელმძღვანელობით იღლესასწაულეს პირველი მაისი. ეს იყო მუშათა შეგნებული და ორგანიზებული ბრძოლის ნიმუში; ამ დღესასწაულმა უდიდესი გამარეოლუციურბელი გავლენა იქონია როგორც თბილისის, ისე საქართველოს მუშათა მოძრაობის შემდგომ განვითარებაზე. იგი მასობრივი აგიტაციის დასაბამი გახდა.

1900 წლის იანვარს მომზადდა და ჩატარდა თბილისის ცხენის რკინიგზის („კონკის“) მუშათა დიდი გაფიცვა. გაფიცვა მოაშზადა ლ. კეცხოველმა; მისი უშუალო ხელმძღვანელობით ჩამოყალიბდა ადმინისტრაციისადმი წარსადგენი მუშათა მოთხოვნები. გაფიცვა მუშების მნიშვნელოვანი გამარჯვებით დამთავრდა.

1900 წლის 23 აპრილს თბილისის მუშებმა მეორედ იღლესასწაულეს მაისობა თბილისიდან

8 კმ. დაშორებით, მლაშე ტბის რაიონში. გაზეთი „ბრძოლა“ აღარებდა 1899 წლისა და 1900 წლის მაისობას და მიუთითებდა მუშათა მოძრაობის მნიშვნელოვან ზრდაზე, იმაზე, რომ იგი სულ უფრო და უფრო შეგნებული და ინტერნაციონალური ხდებოდა, ხოლო მუშათა კლასი იზრდებოდა როგორც იდეურად, ისე ორგანიზაციულად.

თბილისის მუშების რევოლუციური ბრძოლის ისტორიაში განსაკუთრებული და თვალსაჩინო ადგილი უჭირავს რკინიგზისა და დეპოს სახელოსნოების მუშათა გრანდიოზულ გაფიცვას, რომელიც 1900 წლის პირველ აგვისტოს დაიწყო. გაფიცვას სათავეში ედგა რსდმპ თბილისის კომიტეტი. გაფიცვის მომზადებასა და მიმდინარეობაში აქტიური მონაწილეობა მიიღო მ. ი. კალინინმა; იგი მეფის თვითმპყრობელობამ კავკასიაში გადმოსახლა რევოლუციურ მოძრაობაში მონაწილეობის გამო. კალინინი თბილისში ჩამოვიდა 1900 წლის გაზაფხულზე და მუშაობა დაიწყო რკინიგზის სახელოსნოებში.

მუშები მოითხოვდნენ ღამით მუშაობის აკრძალვას და საღამოს სამუშაოებისათვის ცვლების დაწესებას, სამუშაო დღის შემცირებას, ხელფასის გადიდებას, ჯარიმების გაუქმებას, სანიტარულ-ჰიგიენური პირობების გაუმჯობესებას და სხვ.

შემფრთხილებელი ადმინისტრაცია სასწრაფოდ დაუკავშირდა პოლიციასა და ეანდარმერიას. 31 ივლისს ღამით პოლიციამ დააპატიმრა სახელოსნოს 63 მუშა, რასაც სახელოსნოების მუშათა ერთსულოვანი გაფიცვა მოყვა. მუშებმა თავიანთ მოთხოვნებს დაუმატეს დაპატიმრებული ამხანაგების განთავისუფლება.

ადმინისტრაციამ გაფიცვას პირველი დღეებიდანვე პოლიტიკური ხასიათი მისცა და პასუხისმგებლობა მოიხსნა მისი შედეგებისათვის, ხოლო რკინიგზის უფროსმა განგაში ასტეხა, გაფიცვა დაანასიათა როგორც ამბოხება და მოითხოვა ქვეითი და ცხენოსანი სამხედრო ნაწილების მზადყოფნა. მაგრამ გაფიცულთა წინააღმდეგ მიღებულმა რეპრესიულმა ზომებმა გაფიცვა უფრო შეუპოვარი და ხანგრძლივი გახადა. 2 აგვისტოს სოლიდარობის ნიშნად გაიფიცნენ იარაღოვის თუჯის ჩამომსხმელი ქარხნებისა და ბოზარჯიანის თამბაქოს ფაბრიკების მუშები. შეშინებულმა ადმინისტრაციამ „შეკეთების“ საბაბით დაკეტა სახელოსნოები.

რევოლუციური სოციალ-დემოკრატიული ორგანიზაცია დაუცხრომელ აგიტაციას ეწეოდა გაფიცულ მუშებში. იგი თითქმის ყოველდღე უშვებდა ფურცლებს, განმარტავდა გაფიცვის მნიშვნელობასა და მტკიცე სოლიდარობის დაცვის საჭიროებას. ერთ-ერთ ფურცელში ვკითხულობთ: „ძვირფასო მეგობრებო! მთელი ქალაქი განციფრებულია თქვენი საქციელით და გოცებულია თქვენის მხნეობით. გაფაციცებით ადევნებენ თვალყურს თქვენს განმათავისუფლებელ ბრძოლას. თქვენი შეუღრეკელი ძალა შიშის ზარსა ჰგერის თქვენს მტრებს და უბაღებს გულში თქვენდამი უნებლიე პატივისცემას...“

არ დაივიწყოთ, რომ თქვენ მარტონი არა ხართ. თქვენ უკან მოგყვებათ ფარული, უძლეველი ძალა მილიონ მუშათა, რომელნიც მზად არიან დასახმარებლად გამოგიწოდონ თავისი ღონიერი მკლავები.

მეგობრებო, ჩაჰკიდეთ ხელი ხელს ერთმანეთს და განაგრძეთ ბრძოლა საერთო ინტერესებისათვის! ¹ გაფიცვის სიძლიერისა და სოციალ-დემოკრატების სწორი ხელმძღვანელობის შედეგად, გაფიცვას ფართოდ გამოეხმაურნენ თბილისის ფაბრიკა-ქარხნების მუშები, რამაც მას ძალა შემატა. ცალკეულ საწარმოთა მუშები იხილავდნენ გაფიცვასთან შეერთების საკითხს და გაფიცვას აცხადებდნენ. ადგილობრივმა ხელისუფლებამ დააპატიმრა 1500-ზე მეტი კაცი, 6 აგვისტოს კი თბილისში სააღყო წესები გამოაცხადა. ამის საპასუხოდ 9 აგვისტოს თბილისის კომიტეტმა მოწოდებით მიმართა მუშებს და მთავრობის მიმართ პროტესტი გამოთქვა უსამართლო დაპატიმრებათა გამო. მოწოდება ამხნეებდა მუშებს და მტკიცედ ურჩევდა არ შეეწყვიტათ გაფიცვა ყველა მოთხოვნის დაკმაყოფილებამდე. „ერთსულოვნად ვიდგეთ ჩვენს მოთხოვნებზე და ვუჩვენოთ ჩვენს სისხლისმსმელებსა და მთავრობის დამქაშებს, რომ მათ საქმე აქვთ არა უბადრუკ მონებთან და უსიტყვო პირუტყვებთან, არამედ ადამიანებთან, რომელთაც უნარი შესწევთ მოითხოვონ, უნარი შესწევთ იბრძოლონ და თუ საჭირო იქნება, ეწამონ კიდევ წმინდა საქმისათვის!“ ²

გაფიცვა 15 აგვისტომდე გაგრძელდა. მასში მონაწილეობა მიიღო 4000-ზე მეტმა მუშამ. თვით

¹ მარქსიზმ-ლენინიზმის ინსტიტუტის საქართველოს ფილიალის არქივი, ფონდი № 31, საქმე 171, გვ. 51.

² იქვე, გვ. 50.

ქანდარმთა სამმართველო იძულებული იყო ელიზრებინა, რომ გაფიცვას პოლიტიკური ხასიათი ჰქონდა და მას მთლიანად სოციალ-დემოკრატიული ორგანიზაცია ხელმძღვანელობდა.

მიუხედავად გაფიცვის დამარცხებით დამთავრებისა, მას უდიდესი ისტორიული მნიშვნელობა ჰქონდა. ამ გაფიცვით მუშათა კლასმა ცარიზმს პირველად აჩვენა თავისი ძალა და ორგანიზებულობა. ეს გაფიცვა საქართველოსა და ამიერკავკასიის მუშათა მოძრაობის ისტორიაში ახალი ხანის დასაწყისის მომასწავებელი იყო, რადგან ამ დროიდან მუშათა მოძრაობა ჩვენში მტკიცედ დაადგა პოლიტიკური ბრძოლის გზას.

მარქსიზმი მუშათა მოძრაობას დაუკავშირდა. ამიერკავკასიის რევოლუციური მოძრაობის განვითარებაში უდიდესი გარდატეხა მოხდა. აგვისტოს გაფიცვას ლენინურმა „ისკრამ“ და ლენინურ-ისკრულმა „ბრძოლამ“ მაღალი შეფასება მისცეს. აგვისტოს გაფიცვა თავისი მნიშვნელობითა და შედეგებით ბევრ გამარჯვებას აღემატებოდა, რადგან იგი იყო გამარჯვების მოახლოების მომასწავებელი. „დამარცხდნენ რა მუშები გუშინ, ამით მათ გამარჯვება მოიპოვადეს დღეისათვისო“, — წერდა გაზეთი „ბრძოლა“.

1900 წლის აგვისტოს გაფიცვების შემდეგ, 1901 წლის საპირველმართო დემონსტრაცია მეორე უდიდესი მნიშვნელობის მოვლენაა, როგორც თბილისის, ისე საქართველოსა და მთელი ამიერკავკასიის მუშათა მოძრაობის ისტორიაში. დემონსტრაციებმა წითელი დროშა ააფრიალეს ქალაქის ცენტრში, სალდათის ბაზართან. უიარაღო დემონსტრაციას მალე შეუტიეს პოლიციისა და კაზაკების რაზმებმა. მოხდა სისხლისმღვრელი შეტაკება, დაიჭრა 14, დააპატიმრეს 50-ზე მეტი მუშა.

ხელისუფლებამ სასტიკად იძია შური. სამი დღის განმავლობაში გრძელდებოდა დაპატიმრება. ქალაქში საძებნოდო წესები გამოცხადდა. მაგრამ ის ფაქტი, რომ მუშებმა ქალაქის ცენტრში, შეიარაღებული პოლიციელებისა და ქანდარმების წინაშე თბილისის ქუჩებში უშიშრად და გაბედულად ააფრიალეს წითელი დროშა შეძახილებით: „ძირს თვითმპყრობელობა, გაუმარჯოს პოლიტიკური თავისუფლებასო!“, დიდმნიშვნელოვანი ისტორიული მოვლენა იყო, რომლის დამალვა უკვე თვით მთავრობასაც აღარ შეეძლო. ეს იყო მუშათა

კლასის პირველი აშკარა პოლიტიკური გამოსვლა მთავრობის წინააღმდეგ, რომელსაც წინ უძღოდა დიდი სააგიტაციო და ორგანიზაციული მუშაობა.

22 აპრილმა ბევრი რამ ასწავლა თბილისის მუშებს. ისინი საბოლოოდ დაწმენდნენ, რომ საჭიროა მთავრობის საწინააღმდეგო ბრძოლის გაჩაღება, უწინარეს ყოვლისა, პოლიტიკური თავისუფლების მოსაპოვებლად. მაგრამ 22 აპრილმა ბევრი რამ ასწავლა მთავრობასაც. ეს უკანასკნელი დარწმუნდა, რომ მუშათა მოძრაობა ისევე ფართო ხასიათს იღებს კავკასიაში, როგორც რუსეთში, და რომ მის წინააღმდეგ აქაც ისეთივე განსაკუთრებული ზომების მიღებაა საჭირო.

მთავრობას არ დაუყოვნებია და გააძლიერა რეპრესიები. იგი აპატიმრებდა და სჯიდა ყველას განურჩევლად. როგორც ლენინური „ისკრა“ აღნიშნავდა, მოსახლეობის იმ ფენებს, რომლებთანაც სოციალ-დემოკრატთა ჯგუფს ამა თუ იმ მიზეზით კავშირი ვერ დაემყარებინა, თვითონ ქანდარმთა სამმართველო არევოლუციურებდა დაპატიმრებებით.

თბილისში მუშათა გაფიცვები არ შეწყვეტილა მთელი წლის განმავლობაში, იგი ახალი ძალით გაჩაღდა 1902 წელს, ხოლო 1903 წლის ზაფხულს მთელს ამიერკავკასიაში ჩატარდა საყოველთაო პოლიტიკური გაფიცვები, რომელსაც დასაწყისი ბაქოს პროლეტარიატმა მისცა.

ბაქოს გაფიცვას მხურვალედ გამოეხმაურნენ თბილისის მუშები. კავკასიის კავშირის კომიტეტმა სპეციალური პროკლამაცია გამოუშვა, რომელშიც თბილისის მუშებს მოუწოდა საყოველთაო პოლიტიკური გაფიცვებისაკენ. 12 ივლისს გაიფიცნენ სტამბის მუშები, ხოლო 14 ივლისს ამიერკავკასიის რკინიგზის სახელოსნოების საამქროთა მუშები. ეს იყო იმ დროში თბილისის მუშების ყველაზე დიდი გაფიცვა. გაფიცვაში მონაწილეობდა 15.000 კაცი.

16 ივლისს თბილისის კომიტეტმა გამოუშვა პროკლამაცია, რომელშიც შემუშავებული იყო საერთო მოთხოვნები თბილისის ყველა მუშისათვის. ეს მოთხოვნები შემუშავდა სხვადასხვა საწარმოებისა და ფაბრიკა-ქარხნების მუშათა წარმომადგენლებთან ერთად. თავიანთ მოთხოვნებს თბილისელმა მუშებმა მიუმატეს ბაქოელი მუშების ყველა მოთხოვნის დაუყოვნებლივ დაკმაყოფილება.

ბაქოსა და თბილისის მუშებისადმი თანაგრძობის ნიშნად გაიფიქრენ საქართველოს მთელი რიგი ქალაქების — ბათუმის, კიათურის, ხაშურის და სხვ. მუშებიც. ეს კარგად ორგანიზებული გაფიცვა ვრცელდებოდა არაჩვეულებრივი სისწრაფით. ლენინური „ისკრა“ მიესალმებოდა რა ამ გაფიცვას, წერდა: „მუშათა მოძრაობა კავკასიაში ჯერ კიდევ ძალიან ახალი რამაა, მაგრამ მას უკვე აქვს პროლეტარიატის მთელი რიგი ბრწყინვალე გამოსვლების ისტორია. მოკლე ხანში კავკასიის მუშებმა გაუსწრეს ბევრი ადგილის ამხანაგებს, რომელნიც მათზე ადრე იყვნენ ჩაბმულნი მოძრაობაში“¹.

ივლისის საყოველთაო გაფიცებიდან მუშებმა ბევრი მნიშვნელოვანი დასკვნები გამოიტანეს. უპირველეს ყოვლისა, მათ შეიგნეს, რომ მათი ეკონომიური უმწეობა მკიდროდ იყო დაკავშირებული პოლიტიკურ უუფლებობასთან.

ივლისის საყოველთაო პოლიტიკური გაფიცები დამარცხებით დამთავრდა. მუშების მოთხოვნები დაუკმაყოფილებელი დარჩა. თვითმპყრობელობამ სასტიკად იძია შური გაფიცულებზე — რამდენიმე ასეული მუშა ციხეებში გამოამწყვდია და შორეულ ციმბირში გადაასახლა. მიუხედავად ამისა, ამ გაფიცებმა უდიდესი გამარეგოლუციურებელი როლი შეასრულა. მუშათა კლასმა შეიგნო, რომ მას მოეპოვება თვითმპყრობელობის წინააღმდეგ ბრძოლის უდიდესი იარაღი — კლასობრივი, შეგნებული, სოლიდარული ბრძოლა. ამ გაფიცებმა კავკასიის მუშათა კლასი დააყენა რსდმპ დროშის ქვეშ. კავკასიის კავშირის კომიტეტი ივლისის გაფიცების მნიშვნელობის შესახებ თავის პროკლამაციაში წერდა:

„ჩვენი კავშირი რკინის რგოლივით გარს შემოველო მთელ რუსეთს. კასპიის ზღვის კიდებებზე ივლისის დღეებში ატეხილმა კორიანტელმა აახმაურა ადესა, კიევი, ეკატერინოსლავი... აამოძრავა პეტერბურგა და მოსკოვი“².

1901 — 1904 წლების გაფიცებისა და დემონსტრაციის საერთო მნიშვნელობა იმაში მდგომარეობდა, რომ ისინი წარმოადგენდნენ 1905 წლის ოქტომბრის საყოველთაო გაფიცვის უშუალო მომზადებას. როგორც დიდი ლენინი აღნიშნავდა, რუ-

სეთის მუშებმა 1901 — 1904 წლების მთელი რიგი წარუმატებელი, და ზოგჯერ განსაკუთრებით წარუმატებელი პოლიტიკური გაფიცვებით, ისწავლეს 1905 წლის ოქტომბრის წარმატებითი გაფიცვა.

• • •

როგორც ცნობილია, ვ. ი. ლენინს მარქსისტული პარტიის შექმნისათვის აუცილებლად მიაჩნდა არალეგალური მებრძოლი პოლიტიკური გაზეთის დაარსება. ვ. ი. ლენინი თვლიდა, რომ მხოლოდ ასეთი პოლიტიკური გაზეთის საშუალებით შეიძლებოდა შექმნილიყო ახალი ტიპის მარქსისტული პარტია, რომელსაც შეეძლო მუშათა კლასი წაეყვანა ცარიზმისა და ბურჟუაზიის წინააღმდეგ გადამწყვეტი ბრძოლებისაკენ.

საქართველოს რევოლუციურ-მარქსისტული ჯგუფი, რომელიც მთელ თავის ძალებს ლენინის იდეების გატარებას ახმარდა, მებრძოლ არალეგალურ გაზეთს უდიდეს მნიშვნელობას ანიჭებდა. ამ ჯგუფმა გადაჭრით წამოაყენა მუშათა კლასის პოლიტიკური ბრძოლის ორგანიზაციისა და პროლეტარიატის ნამდვილი პოლიტიკური პარტიის შექმნისათვის არალეგალური პრესის აუცილებლობის საკითხი.

ოპორტუნისტული ჯგუფი ქორდანისა მეთაურობით უარყოფდა არალეგალური პრესის აუცილებელ საჭიროებას, ყოველნაირად ცდილობდა ჩაეშალა არალეგალური ორგანოს შექმნის საქმე.

მიუხედავად თბილისის ორგანიზაციის ხელმძღვანელ ჯგუფსა და ქორდანისა ოპორტუნისტულ ჯგუფს შორის არალეგალური მარქსისტული გაზეთის გამოცემის თაობაზე არსებული უთანხმოებისა, თბილისის პარტიული ხელმძღვანელი ჯგუფის დავალებით ლ. კეცხოველი გაემგზავრა ბაქოში. 1901 წლის ზაფხულში ლ. კეცხოველმა ბაქოელ-ლენინელებთან ერთად ხანგრძლივი და შეუპოვარი მუშაობის შემდეგ მოაწყო არალეგალური სტამბა, რომელმაც სექტემბრის პირველ რიცხვებში გამოუშვა პირველი არალეგალური სოციალ-დემოკრატიული, ისკრული მიმართულების გაზეთი „ბრძოლა“.

გაზეთმა „ბრძოლამ“ პირველი დღეებიდანვე მთავარ სახელმძღვანელო პრინციპად ლენინური „ისკრის“ იდეები გაიხადა. ლ. კეცხოველმა მკიდრო კავშირი დაამყარა ლენინთან და მისი დავალებ-

¹ გახ. „ისკრა“, № 44, 1903.

² მარქსიზმ-ლენინიზმის ინსტიტუტის საქართველოს ფილიალის არქივი, ფონდი № 33, საქმე 38.

ბით შეუდგა „ისკრის“ გადმობეჭდვას და მისი გავრცელების საქმის ორგანიზაციას.

თავისთავად ცხადია, რომ საქართველოს მუშათა მოძრაობის ძირითადი მიზანი იგივე იყო, რაც მთელი რუსეთის მუშათა მოძრაობისა. აქედან გამომდინარე, ი. ბ. სტალინი გაზეთ „ბრძოლის“ მოწინავე სტატიის — „რედაციისაგან“ — წერდა: „ქართული სოციალ-დემოკრატიული მოძრაობა არ წარმოადგენს კერძო, მარტო ქართველ მუშათა მოძრაობას საკუთარი პროგრამით. ის ხელისხელ გადახვეულია მთელი რუსეთის მოძრაობასთან და, მაშასადამე, ექვემდებარება რუსეთის სოციალ-დემოკრატიულ პარტიას“¹.

გაზეთი „ბრძოლა“ თავის სტატიებში, ლეგალური მარქსისტების ორგანო „კვალისაგან“ განსხვავებით, მიუთითებდა მუშათა კლასის ისტორიულ როლზე. იგი თავისი ყველა ნომრის მრავალრიცხოვან სტატიებსა და კორესპონდენციებში დაწვრილებით აღწერდა როგორც საქართველოსა და ამიერკავკასიის, ისე საერთოდ რუსეთის მუშათა მოძრაობის მნიშვნელოვან მოვლენებს, ქადაგებდა ლენინის იმ ცნობილ დებულებას, რომ ცარიზმზე საბოლოო გამარჯვებისათვის პროლეტარიატის საიმედო მოკავშირე შეიძლება იყოს მხოლოდ მრავალტანჯული გლეხობა.

1901 წლის 11 ნოემბერს მოწვეულ იქნა თბილისის სოციალ-დემოკრატიული ორგანიზაციების პირველი არალეგალური კონფერენცია, რომელმაც აირჩია რსდმპ ლენინურ-ისკრული მიმართულების თბილისის კომიტეტი.

თბილისის კომიტეტმა მკიდრო კავშირი დაამყარა „ისკრასთან“ და დაიწყო „ისკრის“ პრინციპების დანერგვა საქართველოში. მან უდიდესი მუშაობა ჩაატარა, რათა მუშათა კლასის ეკონომიური მდგომარეობის გაუმჯობესებისათვის გაჩაღებული საგაფიცო მოძრაობა გადაეყვანა ცარიზმისა და ბურჟუაზიის წინააღმდეგ. აშკარა პოლიტიკურ ბრძოლაზე.

მაგრამ მუშათა მოძრაობის შემდგომმა ზრდამ დღის წესრიგში დააყენა ერთიანი ხელმძღვანელი ცენტრის შექმნის აუცილებლობის საკითხი.

1903 წლის მარტს თბილისში მოწვეულ იქნა კავკასიის სოციალ-დემოკრატიული ორგანიზაციების პირველი ყრილობა, რომელსაც 15 დელეგატი

ესწრებოდა. ყრილობამ მოიწონა და სახელმძღვანელოდ მიიღო „ისკრის“ და „ზარიას“ პროგრამის პროექტი, დაამტკიცა კავკასიის სოციალ-დემოკრატიული ორგანიზაციების წესდების პროექტი, აირჩია დელეგატები რსდმპ მეორე ყრილობისათვის. ყრილობამ ისკრული გაზეთები — ქართული „ბრძოლა“ და სომხური „პროლეტარი“ შეაერთა „პროლეტარიატის ბრძოლის“ სახელწოდებით და აღიარა ის თავის ორგანოდ.

დაგმო რა ოპორტუნისტების გალაშქრება ერთიანი პარტიის შექმნის წინააღმდეგ, ყრილობა მტკიცედ დადგა ლენინურ პოზიციებზე.

ყრილობამ აირჩია რსდმპ კავკასიის კავშირის კომიტეტი 9 კაცის შემადგენლობით და ორგანიზაციების აგების ინტერნაციონალური პრინციპი კვლავ აღიარა ერთადერთ სწორ პრინციპად.

* * *

XX საუკუნის დამდეგს მუშათა და გლეხთა რევოლუციურმა გამოსვლებმა, რომელმაც მთელი უზარმაზარი ქვეყანა შეარყია, ხელი შეუწყო რევოლუციური მოძრაობის გაფართოებას რუსეთის განაპირა მხარეებში და მოახლოვა სახალხო რევოლუცია.

1905 წლის 9 იანვარს პეტერბურგში მშვიდობიანი, უიარაღო მუშების უხვად დაღვრილმა სისხლმა აღაშფოთა მთელი რუსეთის მშრომელი მასები.

თბილისში გაფიცვები დაიწყო 18 იანვარს. ამ დღეს გაიფიცნენ რკინიგზის მთავარი სახელოსნოების, მექანიკური ქარხნებისა და ყველა კერძო სტამბის მუშები. მეორე დღეს გაფიცულებს შეუერთდა ადელხანოვის ტყავისა და თამბაქოს ფაბრიკა „მირის“ ყველა მუშა. ამრიგად, გაფიცვა მოედო თბილისის ყველა ფაბრიკასა და ქარხანას, იგი საყოველთაო გახდა.

19 იანვარს დიღუბეში, ბათუმის მოედანზე, 9 იანვრის ამბების საპროტესტოდ, შეიკრიბა თბილისის მუშათა მრავალათასიანი მიტინგი, რომლის დაშლა მხოლოდ კაზაკებითა და პოლიციით გახდა შესაძლებელი. შეშინებულმა თბილისის გუბერნატორმა სალამოს ბრძანება გამოსცა, რომლითაც ქალაქის მცხოვრებლებს, განსაკუთრებით მუშებს, ეკრძალებოდათ შეკრება¹.

¹ იხ. მარქსიზმ-ლენინიზმის ინსტიტუტის საქართველოს ფილიალის არქივი, ფონდი № 2, საქმე 62.

¹ ი. სტალინი, ტ. I, გვ. 6.

მიუხედავად ამისა, 23 იანვარს გოლოვინის (ამჟამად რუსთაველი) პროსპექტზე მუშებმა გრანდიოზული დემონსტრაცია მოაწყვეს, აღმართეს დროშები რევოლუციური წარწერებით. მშვიდობიან დემონსტრაციას თავს დაესხნენ პოლიცია და შეიარაღებული კაზაკები. მოკლული და დაჭრილი იქნა 20-ზე მეტი კაცი, მათ შორის გიმნაზიის 3 მოსწავლე, დაპატიმრებულ იქნა 40-ზე მეტი კაცი.

გაფიცვებში ახალ-ახალი ძალები ებმებოდნენ. 25 იანვარს გაიფიცნენ აფთიაქის თანამშრომლები და მოსწავლეები, ხოლო 26 და 27 იანვარს თბილისში ხორცი არ გაყიდულა სასაქალოს მუშების გაფიცვის გამო.

მოდრაობას შეუერთდნენ გლეხები და მოსწავლეები, ხოლო მუშებისა და გლეხების რევოლუციურმა ბრძოლამ დიდი გავლენა მოახდინა ჯარის ნაწილებზე.

მზარდი რევოლუციური მოძრაობისაგან ფართო მასების ჩამოშორების მიზნით მეფის ხელისუფლებამ 6 — 9 თებერვალს ბაქოში მოაწყო სომეხთათართა ხელოვნური ხოცვა-ჟლეტა.

ბაქოში მომხდარი ხოცვა-ჟლეტის საპროტესტოდ რსდმპ კავკასიის კავშირის კომიტეტის ხელმძღვანელობით 13 და 14 თებერვალს თბილისში მოეწყო ხალხმრავალი დემონსტრაციები. ფართოდ გავრცელდა ი. სტალინის მიერ ძმათა სისხლისღვრის წინააღმდეგ დაწერილი პროკლამაციები: „გაუმარჯოს საერთაშორისო ძმობას!“, და „მოქალაქეებს. გაუმარჯოს წითელ დროშას!“.

რსდმპ კავკასიის კავშირის კომიტეტის მიერ მიღებული ზომების შედეგად თბილისში ძმათა სისხლისღვრა აცილებულ იქნა.

აღვიწიებრივ ხელისუფალთ არ გაუმართლად იმედები, რადგან ბაქოს სისხლიანი ამბების შემდეგ რევოლუციური მოძრაობა არათუ შენედა, არამედ კიდევ უფრო მეტად, ახალი ძალით გაიშალა. თუ რამდენად რთული იყო მდგომარეობა, ჩანს ევრონეკოვ-დაშკოვის დეპეშიდან, რომელიც მან 25 მარტს პეტერბურგს გაგზავნა:

„თბილისში მღელვარებანი არ წყდება. ამჟამად გაფიცვა დაიწყო ყველა ნოქარმა. მუშების გაფიცვების გამო თბილის-ერევნის ხაზს ჯარის ნაწილები იტყვენ. არის საფუძველი ველოდოთ საერთო გა-

ფიცვას რკინიგზაზე და თბილისში 18 აპრილისათვის (პირველი მაისი ახალი სტილით) მდგომარეობა საგანგაშო ხასიათს ლებულობს“¹.

შეუპოვარი და ერთსულოვანი იყო თბილისის რკინიგზის სახელოსნოებში მომხდარი გაფიცვა, რომელიც 4 აპრილს დაიწყო. გაიფიცა ყველა შემანქანე, შემანქანის თანამშემწე, მეთარე და სხვ. შეწყდა მოძრაობა გზაზე, რის გამოც 5 და 6 აპრილს თბილისიდან არ გასულა არცერთი მატარებელი.

მუშათა კლასის გაძლიერებული რევოლუციური მოძრაობის საპასუხოდ მეფის მთავრობის აგენტები შეეცადნენ თბილისის მუშებში უთანხმოება ჩამოეგდოთ. ამ მიზნით ქალაქში ევრონეკოვ-დაშკოვის მითითებით შექმნეს შავრაზმელ-პოლიციური ორგანიზაცია, რომელსაც „პატრიოტული ორგანიზაცია“ უწოდეს. მისი წევრები უთვალთვალდნენ რევოლუციონერებს, იჭერდნენ შეგნებულ მუშებს, სცემდნენ და აპატიმრებდნენ.

რეაქციული ძალების ამ აღვირახსნილმა მოქმედებამ მშრომელების საყოველთაო აღშფოთება გამოიწვია. შეგნებულმა პროლეტარიატმა ცარიზმის ამ აღვირახსნილ ძალმომრეობას საერთო გაფიცვებით უპასუხა. გაფიცვა დაიწყო 20 ივნისს და გაგრძელდა 28 ივნისამდე. გაფიცულებმა მთავარ მოთხოვნად წამოაყენეს რეაქციული ძალებისათვის იარაღის აყრა და მოქალაქეთა დასაცავად სახალხო მილიციის ჩამოყალიბება. გაფიცვის ორგანიზებულმა და სოლიდარულმა ხასიათმა ევრონეკოვ-დაშკოვი იძულებული გახდა ნიკოლოზ მეორისათვის ეთხოვა თბილისსა და მის გუბერნიისში სამხედრო წესების გამოცხადების ნებართვა.

ივნისის გაფიცვა მიმდინარეობდა რსდმპ კავკასიის კავშირის კომიტეტის ხელმძღვანელობით. მიტინგებზე, კრებებზე, რომლებიც მასობრივად ტარდებოდა მთელ ქალაქში მოითხოვდნენ სიტყვის, კრების, ბეჭდვის თავისუფლებას, დამფუძნებელი კრების მოწვევას, სამხედრო წესების მოხსნას და ა. შ.

მზარდი რევოლუციური მოძრაობის წინააღმდეგ მარტო რეპრესიული ზომები არ აღმოჩნდა საკმარისი, რამაც აიძულა მეფის ხელისუფლება

¹ მარკსიზმ-ლენინიზმის ინსტიტუტის საქ. ფილიალის არქივი, ფონდი № 2, საქმე 81, გვ. 71.

გამომეშვეებიანა მისთვის უჩვეულო ახალი ტაქტიკა — ხალხს შეპირდა სახელმწიფო სათათბიროს მოწვევას.

ლიბერალური ბურჟუაზია, ოპორტუნისტები დაებლაუქნენ დამფრთხალი მეფის ამ „საჩუქარს“, ხოლო რუსეთის რევოლუციურმა სოციალ-დემოკრატიამ კარგად გაიგო ამ რეფორმის არსი და არ დააყოვნა გადმოესროლა ლოზუნგი სათათბიროს წინააღმდეგ.

საქართველოს ბოლშევიკები თანმიმდევრულად ახორციელებდნენ სათათბიროს აქტიური ბოიკოტის ლენინურ ტაქტიკას. ისინი წათავეში ექცეოდნენ ხალხის დაწყებულ რევოლუციას, განუმარტავდნენ მასებს, რომ სათათბიროს ნამდვილ მიზანს რევოლუციის შეფერხება და თვითმპყრობელობის გამაგრება შეადგენდა, აწყობდნენ გაფიცვებს, მიტინგებს, კრებებს, რითაც ფუშავდნენ მთავრობის მიერ მოწვეულ საარჩევნო კრებებს და აქტიურად ემზადებოდნენ შეიარაღებული აჯანყებისათვის.

რევოლუციური სოციალ-დემოკრატები ამხელდნენ და ებრძოდნენ ქართველ მენშევიკებს ლიბერალებთან ერთად იმის გამო, რომ ისინი ხალხში კონსტიტუციურ ილუზიებს ნერგავდნენ და მასების ყურადღებას აშორებდნენ რევოლუციური ბრძოლისაგან.

მენშევიკების ასეთ გამცემლურ პოლიტიკას მოყვა უიარაღო მუშების დახვრეტა თბილისში 1905 წლის 29 აგვისტოს.

ამ დღეს მენშევიკების ინიციატივით ქალაქის თვითმმართველობის დარბაზში მოწვეული იყო კრება. ასეთი კრებები 22 აგვისტოდან ამ დარბაზში თითქმის ყოველდღე იმართებოდა. 29 აგვისტოს შეიკრიბა 2500-ზე მეტი კაცი. კრებაზე ირჩეოდა კავკასიაში ერობების შემოღების საკითხი. ხალხმა არ მოისურვა ამ საკითხის მოსმენა და მოითხოვა რევოლუციის მიმდინარე ამბებსა და ბაქოს ხოცვა-ჟლეტის მიზეზებზე ელაპარაკნათ. შეშინებულმა ქალაქის თავმა ხალხს მიმართა დაშლილიყო, მაგრამ ხალხი არ დაიშალა. მალე შენობას შემოერთდა 500 შეიარაღებული კაზაკი. შენობის კარები გარედან იყო დაკეტილი, ხალხი ფანჯრებიდან ხტებოდა, მაგრამ მათ ქუჩაში ესროდნენ. შენობაში და შენობის ირგვლივ უდანაშაულო ადამიანთა სისხლის გუბე დააყენეს. მოკლულ იქნა 60 და დაჭრეს 200-ზე მეტი კაცი.

29 აგვისტოს ამბების გამო გამოვიდა „პროლეტარიატის ბრძოლა“ მე-11 ნომრის სპეციალური დამატება, რომელიც აღწერდა ამ გაუგებარ სისხლისღვრას და მიუთითებდა, რომ იგი წინასწარ მომზადებული ანგარიშის გასწორება იყო მუშათა კლასთან. „უნდა სამწუხაროდ აღვნიშნოთ, — წერდა გაზეთი, — რომ ორგანიზაციის მოუზადებლობამ ყოველგვარ მოლოდინს გადააქარბა; არაერთი მომზადების ნიშან-წყალი არ ეტყობოდა დაწყებულ საქმეს. სამაგიეროდ მთავრობა სამაგალითოდ იყო მომზადებული; როგორც ჩანს, დიდ წინააღმდეგობას ელოდა, მაგრამ პატარაც არავის გაუწყვია, რის გამოც ასე დაუსჯელად შერჩა თავისი მხეცობა“.

31 აგვისტოს მენშევიკებმაც გამოუშვეს ფურცელი — „29 აგვისტოს თავდასხმა“, რომელშიც სისხლისღვრის ძირითად დამნაშავედ დასახელებული იყო ქალაქისთავი ვერპიშევი. ფურცელი მთავრდებოდა მოწოდებით: „ძირს ვერპიშევი“

როგორც ვხედავთ, იმ დროს, როდესაც თბილისში პროლეტარიატი სისხლს ღვრიდა და ემზადებოდა შეიარაღებული აჯანყებისათვის, მენშევიკებს არ აღმოაჩნდათ სხვა ლოზუნგი მასებისათვის, გარდა ვერპიშევის ჩამოგდებისა.

მაგრამ სულ სხვა იყო უმრავლესობის — მასების განწყობილება. 29 აგვისტოს სისხლისღვრის წინააღმდეგ პროტესტის ნიშნად პირველ სექტემბერს თბილისის მუშებმა საყოველთაო გაფიცვა გამოაცხადეს. გაფიცვამ შესანიშნავად ჩაიარა. ამ დღეს მთელი ქალაქის მაჯისცემა შეჩერებული იყო. საქართველოს ყველა მშრომელი აღსდგა საპროტესტოდ და ზიზღი და ბოიკოტი გამოუცხადა მთავრობას, უდანაშაულო სისხლისღვრის გამო.

29 აგვისტოს შემდეგ ბოლშევიკები უკვე მკვეთრად აყენებდნენ შეიარაღებული აჯანყების აუცილებლობის საკითხს. შეიარაღებული აჯანყება და შურისძიება — აი რას მოითხოვდა უდანაშაულოდ დაღვრილი სისხლი. საქართველოს ბოლშევიკები რევოლუციის ლენინური სტრატეგიითა და პროგრამით შეიარაღებულნი, შეუურიგებელ ბრძოლას აწარმოებდნენ ქართველი მენშევიკების, ესერების და სხვ. ოპორტუნისტების წინააღმდეგ, რაც გადამწყვეტი პირობა გახდა რევოლუციაში ბოლშევიკების უდიდესი წარმატებისა.

¹ გაზ. „პროლეტარიატის ბრძოლა“, № 11, დამატება, 1905.

რუსეთის ოქტომბრის საყოველთაო პოლიტიკურმა გაფიცებმა დიდი გამონახურება ჰპოვა საქართველოში. 10 ოქტომბერს თბილისის რკინიგზის სახელოსნოებში მიმდინარეობდა კრება, სადაც განიხილავდნენ სრულიად რუსეთის პოლიტიკურ გაფიცებებში მონაწილეობის საკითხს. 13 ოქტომბერს კი ნაძვალდევში სარაიონთაშორისო კრებამ მიიღო გადაწყვეტილება გაფიცვისადმი შეერთების შესახებ.

14 ოქტომბერს თბილისის რკინიგზის სახელოსნოებში დაწყებული გაფიცვა მეორე დღესვე მოედო ყველა ფაბრიკა-ქარხანას, სამრეწველო და სავაჭრო ორგანიზაციას. გაფიცვას ფოსტა-ტელეგრაფის მუშები, ქალაქში შეწყდა ყოველგვარი სიცოცხლე, თბილისს ჯერ არ ახსოვდა ასეთი ძლიერი და ერთსულოვანი გაფიცვა. შეჩერდა სამგზავრო და საბარგო მატარებლების მიმოსვლა, არ მუშაობდა ფოსტა-ტელეგრაფი. გზაზე მოძრაობდნენ ე. წ. „დელეგატთა მატარებლები“, რომლებიც გაფიცულების ინტერესებს ემსახურებოდნენ.

არსდამ კავკასიის კავშირის კომიტეტი გაფიცვის დღეებში უდიდეს რევოლუციურ მუშაობას ეწეოდა. იგი მასობრივად უშვებდა პროკლამაციებს, გზავნიდა საუკეთესო მუშაკებს ფაბრიკებსა და ქარხნებში, სოფლებში; აგროვებდა სახსრებს იარაღის შესაძენად და ფართოდ ეწეოდა შეიარაღებულ აჯანყების იდეის პოპულარიზაციას.

ოქტომბრის საყოველთაო გაფიცვამ გამოამქლავა პროლეტარიატის ძალა და ძლიერება, თავზარი დასცა ნიკოლოზ მეორეს და აიძულა გამოეცა 17 ოქტომბრის მანიფესტი.

ცნობა მანიფესტის გამოსვლის შესახებ თბილისში მიღებულ იქნა 18 ოქტომბერს. იმავე დღეს გაზეთებში გამოქვეყნდა მანიფესტის ტექსტი. მანიფესტის გამოქვეყნების დღეს თბილისში გრანდიოზული დემონსტრაცია გაიმართა. 19 — 20 და 21 ოქტომბერს გრძელდებოდა დემონსტრაციები, რომლებშიც ათეული ათასობით კაცი მონაწილეობდა.

ვ. ი. ლენინი, იძლეოდა რა 17 ოქტომბრის მანიფესტის შეფასებას, აღნიშნავდა, რომ მოხდა ცარიზმისა და რევოლუციის ძალების ერთგვარი გაწონასწორება, როცა პროლეტარიატსა და გლეხობას ჯერ კიდევ არ შესწევდათ ძალა დაემხოთ ცარიზმი, ხოლო ცარიზმს არ შეეძლო ძველებურად

მართვა და იძულებული იყო მიემართა ცრუ დაპირებებისათვის. „არა, ცარიზმს ჯერ სრულიადაც არ დაუყრია იარაღი. თვითმპყრობელობა ჯერ სრულიადაც არ დამხოვია. რევოლუციურ პროლეტარიატს ჯერ კიდევ მთელი რიგი ბრძოლები მოელის, და პირველი გამარჯვება დაეხმარება მას დარაზმის ძალები და ახალი მოკავშირეები მიიზიდოს ბრძოლაში“, — წერდა ლენინი.

მანიფესტის ეს ლენინისეული შეფასება სახელმძღვანელო დებულებას წარმოადგენდა საქართველოს ბოლშევიკებისათვის მათ შემდგომ მუშაობაში. ისინი მშრომელებს აცნობდნენ მანიფესტის ნამდვილ მიზანს, ამხელდნენ მენშევიკებს, რომლებიც რევოლუციას დამთავრებულად თვლიდნენ და მოითხოვდნენ თვითმპყრობელობის წინააღმდეგ შეიარაღებული ბრძოლის შეწყვეტას. ამრიგად, ბოლშევიკები არ აძლევდნენ საშუალებას მეფის მთავრობას მუშათა კლასი გადაეცინა რევოლუციური გზიდან.

საპასუხოდ ვორონცოვ-დაშკოვის მთავრობამ გააძლიერა შეგრაზმული ორგანიზაციების მოქმედება.

22 ოქტომბერს შეგრაზმელებმა თბილისში ხატებითა და მეფის სურათებით მანიფესტაცია მოაწყვეს. ისინი სცემდნენ და შეურაცხყოფდნენ ქუჩაში გამეღელთ. ამ დღეს თბილისში განმეორდა 29 აგვისტოს ამბები. უხვად დაიღვარა უდანაშაულო ადამიანთა სისხლი — მოკლეს 38 და დაჭრეს 66 კაცი.

ამჟამად იყო, რომ 22 ოქტომბრის სისხლისღვრა თვით მთავრობის მიერ იყო მოწყობილი. ეს იყო მისი შურისძიება რევოლუციის წინააღმდეგ, რასაც მუშათა კლასმა მძლავრი პროტესტით უპასუხა. 22 ოქტომბერს უდანაშაულოდ დაღუპულ ადამიანთა ხსოვნა მშრომელებმა გაფიცვით აღნიშნეს. საღამოს 5 საათზე დაიკეტა ყველა მაღაზია, შეწყდა ყოველგვარი ტრანსპორტის მოძრაობა. მეორე დღეს ქალაქის სხვადასხვა ადგილას სამგლოვიარო დროშები იყო გამოფენილი.

მუშათა კლასის შეიარაღება, შექმნილი მებრძოლი რაზმების გაძლიერება, ჯარის გადმოყვანა მუშათა კლასის მხარეზე, მთელი რუსეთის სახალხო შეიარაღებული აჯანყების ორგანიზაციული

¹ ვ. ი. ლენინი, თხზ., ტ. 9, გვ. 529:

მომზადება — ასეთი იყო ამოცანები, რომლებიც პროლეტარიატს და მის პარტიას ცხოვრებამ დაუსახა.

1905 წლის ნოემბრის უკანასკნელ რიცხვებში თბილისში მოწვეულ იქნა რსდმპ კავკასიის კავშირის II კონფერენცია, რომლის მუშაობაში ცენტრალური ადგილი ეჭირა შეიარაღებული აჯანყებისათვის მზადების საკითხს. კონფერენციამ ერთხელ კიდევ გაუსვა ხაზი შეიარაღებული აჯანყების, როგორც მშრომელთა განთავისუფლების ერთადერთი საშუალების მნიშვნელობას, მიიღო დადგენილება შეიარაღებული აჯანყებისათვის ბრძოლის გაძლიერების შესახებ, ხაზი გაუსვა „ქუჩაში შეჯახების“, როგორც ხალხის განთავისუფლების ერთადერთი საშუალების მოახლოებას და მოუწოდა მუშათა კლასს დარაზმულიყო პარტიის გარშემო. „ამხანაგო მუშებო! — ნათქვამი იყო რეზოლუციაში, — ახლოვდება „ქუჩაში შეჯახების“ მომენტი! კრიზისის გაღრმავება ქალაქად, შიმშილობის გაძლიერება სოფლად, „დალატი“ ფლოტში, „დალატი“ არმიაში, — ყოველივე ეს გარდუვალს ხდის სწორედ ასეთ შეჯახებას. ეშვადეთ ამხანაგებო! კონტრრევოლუციის ძალები ირანმებთან ხალხის თავისუფლების ჯალათთა გარშემო, — მათ დაირაზმეთ სოციალ-დემოკრატიის, თქვენი მოწინავე ამხანაგების გარშემო!.. ხალხის განთავისუფლება მომავალშიაც მხოლოდ თვით ხალხისავე საქმეს უნდა წარმოადგენდეს, რომელსაც სოციალ-დემოკრატია ხელმძღვანელობს“¹.

7 დეკემბერს მოსკოვის მუშების საყოველთაო პოლიტიკურმა გაფიცვამ მხურვალე გამონმარება პოვა თბილისში. 9 დეკემბერს თბილისის ბოლშევიკურმა საბჭომ გამოიტანა დადგენილება საერთო პოლიტიკური გაფიცვისადმი მხარდაჭერის შესახებ.

12 დეკემბერს თბილისის რკინიგზის სახელოსნოებში საყვირის ხმაზე მუშებმა დატოვეს სამუშაო. გაფიცვა გავრცელდა მთელ ხაზზე. 13 დეკემბერს რკინიგზის ტელეგრაფმა არ მიიღო გზის უფროსისა და მისი მოადგილის დეპეშები, რადგან ის მხოლოდ გაფიცვის ბიუროს ემორჩილებოდა. მალე გაფიცვა თბილისში საყოველთაო გახდა. გაიფიცნენ ფოსტა-ტელეგრაფის მუშა-მოსამსახურ-

რეები, ფაბრიკები, ქარხნები, სავაჭრო და სამრეწველო დაწესებულებანი, სტამბები და ა. შ. თბილისის სადგურის უფროსი გადაყენებულ იქნა. სადგურის დაცვა მიენდო შეიარაღებულ მილიციას, რომელიც რსდმპ თბილისის ორგანიზაციამ შექმნა.

მთელი ძალაუფლება გადავიდა გაფიცვის ცენტრალური საგაფიცო ბიუროს ხელში, რომელიც შეიქმნა რსდმპ ბოლშევიკებისა და მენშევიკების გაერთიანებულ კრებაზე. მასში შევიდნენ: ს. შალუმიანი, მ. ცხაკაია, ფ. მახარაძე, ი. კორა და სხვები.

მაგრამ ენერგიულად მოქმედებდა ადგილობრივი ხელისუფლებაც. 12 დეკემბერს პოლიციელები შეიჭრნენ გაზეთ „კავკასიის რაზოჩი ლისტოკის“ სტამბაში, დააკავეს გაზეთის მთელი ტირაჟი და გაზეთი დახურეს არსებული წყობილების წინააღმდეგ სახალხო შეიარაღებული აჯანყებისაკენ მოწოდებისათვის. მეორე დღეს გაზეთი გამოვიდა „ელიზავეტპოლსკი ვესტნიკის“ სახელწოდებით. ორი ნომრის (16 — 17) გამოსვლის შემდეგ იმავე მიზეზით ეს გაზეთიც დახურულ იქნა. 14 დეკემბერს გამოვიდა მეფისნაცვლის ბრძანება, რის საფუძველზე 15 დეკემბრიდან თბილისში, თბილისის გუბერნიასა და ამიერკავკასიის რკინიგზაზე სამხედრო წესები ცხადდებოდა. მაგრამ ბრძანებას სამხედრო წესების გამოცხადების შესახებ გაფიცულებმა დაუპირისპირეს თავიანთი მოთხოვნები: რეაქციის განიარაღება, სახალხო მილიციის შემოღება, სამხედრო წესების მოხსნა, პოლიტიკური პარტიების განთავისუფლება, ხალხის შეიარაღება და ა. შ.

სამხედრო მდგომარეობის გამოცხადება არ აღმოჩნდა საკმარისი. ამიტომ ადგილობრივმა ხელისუფლებამ 16 დეკემბერს სპეციალური განცხადება გამოაქვეყნა და მოსახლეობას წესიერებისაკენ მოუწოდა, წინააღმდეგ შემთხვევაში, იმუქრებოდა, ძალას მიემართავთ. და მართლაც, მთავრობამ შეასრულა თავისი „დაპირება“. 18 დეკემბერს კახაკთა მრავალრიცხოვანმა ჯარმა ალყა შემოარტყა ნაძალადევს, სადაც კავკასიის კავშირის კომიტეტის ხელმძღვანელობით შექმნილი შეიარაღებული აჯანყების შტაბი იმყოფებოდა. მიუხედავად ენერგიული წინააღმდეგობისა, ეს მცირერიცხოვანი მუშათა რაზმი უთანასწორო ბრძოლის მსხვერპლი გახდა.

¹ გაზ. „კავკასიის რაზოჩი ლისტოკი“, № 8, 1905.

კაზაკებმა უმოწყალოდ დაარბიეს და ააწიოკეს მწვიდობიანი მოსახლეობაც. ეს ამბავი მალე მთელ ქალაქს მოედო და მშრომელებში უდიდესი მღელვარება გამოიწვია. თბილისის მშრომელებმა ამ უსამართლო დარბევას გაძლიერებული გაფიცვებით უპასუხეს.

ნაძალადევის განადგურების შემდეგ მთავრობამ მთავარი ყურადღება მიაპყრო დიდუბეს, სადაც ნაძალადევის განადგურების შემდეგ მებრძოლი რაზმების შტაბი იქნა გადატანილი. 23 დეკემბერს ტყვიამფრქვევებითა და არტილერიით შეიარაღებული კაზაკთა რაზმები თავს დაესხნენ დიდუბეს. მუშების მედგარმა წინააღმდეგობამ კაზაკებს უკან დაახევინა. მაგრამ მალე მათ იერიში მიიტანეს სახლებზე, სადაც მებრძოლი რაზმები იმყოფებოდნენ. შეტევა მუშების დამარცხებით დამთავრდა. კაზაკებმა აქაც „ისახელეს“ თავი. მათ დიდუბეც ადამიანთა სასაკლაოდ გადააქციეს; დაარბიეს მოსახლეობა, დაწვეს რამდენიმე სახლი და დააბატიმრეს დიდძალი ხალხი. თბილისის პროლეტარიატის შეიარაღებულ გამოსვლას მეფის ხელისუფლება სასტიკად გაუსწორდა — დაარბია მუშათა უბნები და შეუღდა მეთაურების დააბატიმრებას.

დეკემბრის შეიარაღებული აჯანყების დამარცხების შემდეგ მეფის ხელისუფლებამ კიდევ უფრო გააძლიერა რეპრესიები, რასაც მუშათა კლასის უკიდურესი მღელვარებანი მოყვა. ვ. ი. ლენინი ამ დღეებში წინააწარმეტყველურად წერდა, რომ მთავრობის რეპრესიები, დახვერტა, რეაქცია და სხვ., მოძრაობას კი არ ჩააქრობდა, არამედ გააღვივებდა. აქედან გამომდინარე, ლენინი მოითხოვდა არა აჯანყების საკითხის მოხსნას, არამედ პარტიული ტაქტიკის გარდაქმნას შეცვლილი პირობების გათვალისწინებით. იგი მტკიცე რწმენას გამოთქვამდა, რომ ბოლოს და ბოლოს მოხერხდებოდა აჯანყების სამი დაქსაქსული ნაქადის — მუშათა, გლეხთა და სამხედრო აჯანყებათა — ერთ ძლევამოსილ აჯანყებად შეერთება.

ითვალისწინებდნენ რა ვ. ი. ლენინის ამ სახელმძღვანელო მითითებებს, საქართველოს ბოლშევიკებს მთელი რუსეთის მუშათა კლასთან კავშირში, დეკემბრის აჯანყების შემდეგ ერთი წუთითაც არ მოუხსნიათ შეიარაღებული აჯანყების საკითხი.

ლენინთან ერთად ი. სტალინი ხაზს უსვამდა რევოლუციის უკანდახვეის დროებით ხასიათს და

მიუთითებდა, რომ პროლეტარიატის დროებითი უკანდახვეა მის დამარცხებას როდი ნიშნავდა, რომ იგი გადააწყვეტი შეტევისათვის ემზადებოდა. „რუსეთის პროლეტარიატი არ დამარცხებულა, მან მხოლოდ უკან დაიხია და დღეს ის ახალი სახელოვანი ბრძოლისათვის ემზადება. რუსეთის პროლეტარიატი ძირს არ დახრის სისხლით შეღებულ დროშას, ის არაეის დაანებებს აჯანყების ხელმძღვანელობას, ის ერთადერთი ღირსეული ბეღადი იქნება რუსეთის რევოლუციისა“¹, — წერდა ი. ბ. სტალინი.

1906 წლის დასაწყისიდანვე თბილისის გაფიცვების ახალი ტალღა მოედო. საქმე ის იყო, რომ რევოლუციის უკანდახვეით გათამამებული ხელისუფლება არაეითარ ზომებს არ ერიდებოდა, რითაც კიდევ უფრო შეუშოვარს ხდიდა მოძრაობას. 23 იანვარს გამოქვეყნდა რკინიგზის სამხედრო უფროსის ბრძანება სამუშაოდან იმ მუშების დათხოვნის შესახებ, რომლებიც მონაწილეობდნენ დეკემბრის შეიარაღებულ აჯანყებაში. ბრძანებას დართული ჰქონდა 123 კაცის სია. ანალოგიური ბრძანება გამოქვეყნდა 30 იანვარს 124 მუშა-მოსამსახურისა და 8 თებერვალს 140 მუშა-მოსამსახურის სამუშაოდან დათხოვნის შესახებ, რასაც მუშათა მასობრივი გაფიცვები მოყვა.

1906 წლის მარტში თბილისში ადგილი ჰქონდა „მინგრელსკი პოლკის“ ამბოხებას, რომლის ჩაქრობა დიდი ძალის დაძაბვით მოხერხდა. ამბოხების გამო დააბატიმრეს და სამხედრო სასამართლოს გადასცეს 27 ჯარისკაცი.

რევოლუციურმა სოციალ-დემოკრატიულმა ორგანიზაციებმა და თბილისის მუშებმა მიიღეს გადაწყვეტილება გამოეცხადებინათ საერთო პოლიტიკური გაფიცვა, როგორც პროტესტი 27 ჯარისკაცის სამხედრო სამართალში მიცემისა და საერთოდ სიკვდილით დასჯის წინააღმდეგ. 14 ივნისს რსდმპ თბილისის კომიტეტმა მშრომელებს მიმართა მოწოდებით — გამოსულიყვნენ სიკვდილმისჯილი ჯარისკაცების დასაცავად. თბილისის მშრომელები მხურვალედ გამოეხმაურნენ ამ მოწოდებას და „მინგრელსკი პოლკის“ გასამართლების დღეს — 22 ივნისს თბილისში საყოველთაო გაფიცვები გამოეცხადდა. მუშების ასეთი ერთსულოვანი პროტესტის შედეგად, რაც ვ. ი. ლენინის

¹ ი. ბ. სტალინი, თხზ., ტ. 1, გვ. 195.

სიტყვებით იყო ცდა „შეეჩერებინათ რევოლუციის უკანდახევა და მოემზადებინათ ახალი შეტევა“, მ ჯარისკაცი პატიმრობიდან გაანთავისუფლეს, ხოლო დანარჩენებს სასჯელი შეუმსუბუქეს.

იმ ფაქტმა, რომ რეაქციით წათამამებულმა ბურჟუაზიამ მოინდომა წაერთმია მუშებისათვის დიდი ხნის ბრძოლით მოპოვებული მცირე უფლებები, ერთხელ კიდევ დაარწმუნა მუშები, რომ აღვირახსნილი ხელისუფლების წინააღმდეგ საჭიროა მკიდრო კავშირების შექმნა და საერთო იერიშის მიტანა.

1906 წლის ოქტომბერს თბილისში შედგა მუშათა კავშირების წარმომადგენელთა საერთო კრება, რომელმაც მიიღო გადაწყვეტილება ცალკე კავშირების შეერთებისა და ადგილობრივი ცენტრის დაარსების შესახებ. საორგანიზაციო კომისიის ენერგიული მუშაობის შედეგად იმავე წლის დეკემბერს თბილისში მოწვეულ იქნა პროფესიული მუშა დეპუტატების დამფუძნებელი კრება, რომელმაც აირჩია ცენტრალური საბჭო, რომელსაც დაევალა არსებული კავშირების ერთმანეთთან დაახლოება, ახალი კავშირების შექმნა და მათთვის დახმარების გაწევა.

თბილისში მუშათა გაფიცვები არ შეწყვეტილა არც 1907 წლის განმავლობაში. მარტში ამიერკავკასიის რკინიგზაზე სამუშაოდან დაითხოვეს 63 საგუშაგოს მუშა. ამის გამო სადგურის მუშებმა კრება მოიწვიეს და მოსთხოვეს აღმინისტრაციას დათხოვნილი მუშების სამუშაოზე დაბრუნება. მუშების მოთხოვნები არ დააკმაყოფილეს. მაშინ მუშებმა გაფიცვა გამოაცხადეს, რაც ერთ კვირაზე მეტხანს გაგრძელდა და მუშების სრული გამარჯვებით დამთავრდა.

ოქტომბერში გაძლიერდა მღელვარება მოსწავლეებს შორის იმის გამო, რომ მათ ნება არ მისცეს გადაეხადათ სამოქალაქო პანაშვიდი 1905 წლის 22 ოქტომბერს უდანაშაულოდ დაღუპული ამხანაგების ხსოვნის პატივსაცემად.

მაგრამ ადგილობრივი ხელისუფლება რევოლუციის უკანდახევით გათამამებული, მთელი რუსეთის მაგალითისამებრ, შეუდგა მუშათა ორგანიზაციების განადგურებას. კატორღა, სიკვდილით დასჯა და გადასახლება ჩვეულებრივი მოვლენა გახდა. განსაკუთრებული სიმძიმით დაატყდა თავს

რეპრესიები რევოლუციურ პროლეტარიატს და მის მოწინავე რაზმს — თბილისის ბოლშევიკურ ორგანიზაციას.

• • •

რუსეთის პირველი ბურჟუაზიულ-დემოკრატიული რევოლუცია მარცხით დამთავრდა. დადგა სტოლიპინის რეაქციის მძიმე წლები. ახასიათებდა რა ამ შავბნელ პერიოდს, ი. სტალინი წერდა: „დამსჯელი ექსპედიციები, ავანაკური თავდასხმები მუშათა ორგანიზაციებზე, გლეხების მასობრივად გამათრახება და, როგორც ყოველივე ამის საფარი, — შავრაზმულ-კადეტური სათათბირო. საზოგადოებრივი აზრის შებოჭილობა, საერთო დაღლილობა და აპათია, გაკირვება და სასოწარკვეთილება მუშებს შორის, გლეხთა დაბეჩავეულობა და დამინებულობა პოლიციურ-მემამულურ-კაპიტალისტური ხროვის საერთო თარეშის პირობები — ასეთია სტოლიპინური „დამშვიდების“ დამახასიათებელი ნიშნები... სავსებით ზეიმობდა მათრახი და სიბნელე. „სისაძაგლე აოხრებისა“ — ასე ხასიათდებოდა მაშინ რუსეთის პოლიტიკური ცხოვრება“¹.

რევოლუციის დამარცხების შემდეგ საქართველოს ბოლშევიკები არ შეუშინდნენ გაზრდილ სიძნელეებს. სტოლიპინის რეაქციის მძიმე წლებში ბოლშევიკური პარტია განამტკიცებდა თავის რიგებს, უნარიანად იყენებდა ბრძოლის ლეგალურ და არალეგალურ შესაძლებლობებს მასებთან კავშირის შენარჩუნებისა და გაძლიერებისათვის. ისინი შეუპოვრად ამხელდნენ მენშევიკებს, რომლებიც სულ უფრო და უფრო შორდებოდნენ რევოლუციას და საქმე მიყავდათ არალეგალური პროლეტარული პარტიის ლიკვიდაციისაკენ.

როგორც ზემოთ იყო აღნიშნული, ცარიზმმა თავისი რეპრესიები განსაკუთრებით ბოლშევიკების წინააღმდეგ მიმართა. მეტისმეტად მძიმე მდგომარეობა შეიქმნა თბილისში, რომელიც რევოლუციური მოძრაობის ცენტრს წარმოადგენდა. აქ რეაქციის მთელი პერიოდის განმავლობაში გრძელდებოდა სამხედრო წესები და რეპრესიები, რაც უწინარეს ყოვლისა მუშათა კლასისა და მისი მოწინავე რაზმის — ბოლშევიკების წინააღმდეგ იყო მიმართული.

¹ ი. ბ. სტალინი, თბ., ტ. 5, გვ. 141—142.

რეპრესიებსა და მასობრივ ჩხრეკა-დაპატიმრებებს ემატებოდა მუშათა კლასის მძიმე ეკონომიური მდგომარეობაც. მუშებს წაართვეს ის მცირეოდენი დათმობებიც, რაც მათ ხანგრძლივი და შეუპოვარი ბრძოლებით მოიპოვეს. საწარმოებში გაზარდეს საშუალოდ 12 — 15 საათამდე, კვლავ შემოიღეს ორცვლიანი და უქმე დღეებში მუშაობა, აღდგენილ იქნა ჯარიმების სისტემა და მუშების მასობრივი დათხოვნა საშუალოდ.

მაგრამ მძიმე რეპრესიებმა ვერ ჩაკლა მშრომლებში მისწრაფება რევოლუციური ბრძოლისაკენ. 1907 — 1910 წლებში თბილისში ადგილი ჰქონდა მრავალ გაფიცვას, რაც იმისი მაჩვენებელი იყო, რომ მუშათა კლასი არ იღებდა ხელს ბრძოლის გაგრძელებაზე და სწამდა მომავალი გამარჯვებისა.

საქართველოს მუშათა კლასის პოლიტიკურ აღზრდასა და მათ ბოლშევიკურად გათვითცნობიერებას დიდად შეუწყო ხელი გაზეთმა „ბრძოლამ“, რომელიც 1908 წლის ივნისში გამოვიდა.

გაზეთი დაენებრა მუშათა კლასს გარკვეულიყო სოციალ-დემოკრატიული ორგანიზაციის არსებულ მდგომარეობაში და შეგნებულად შემჭიდროვებულიყო ბოლშევიკური პარტიის გარშემო.

ბოლშევიკებმა მოახერხეს არალეგალური სტამბის მოწყობაც. აქ 1910 წლის დასაწყისში დაიბეჭდა გაზეთ „თბილისის პროლეტარის“ პირველი ნომერი. გაზეთი თავის მოწინავე წერილში „მკითხველებისადმი“ მშრომლებს ახალი რევოლუციონისაკენ მოუწოდებდა, ხოლო ამისათვის ერთიანი ძლიერი პარტიის აუცილებლობაზე მიუთითებდა.

რევოლუციური ტალღის შენელებისა და დაწყებული რეაქციის პერიოდში, როდესაც კონტრ-რევოლუციამ იდეოლოგიურ ფრონტზედაც გააძლიერა შეტევა, ვ. ი. ლენინმა თავის გენიალურ შრომაში „მატერიალიზმი და ემპირიოკრიტიციზმი“ დაიცვა და განაუთარა მარქსისტული პარტიის თეორიული საფუძვლები.

საქართველოს ბოლშევიკებმა, რომლებიც ხელმძღვანელობდნენ ვ. ი. ლენინის წიგნით, გააჩაღეს ბრძოლა მენშევიკებისა და ბურჟუაზიულ ნაციონალისტური პარტიების — ფედერალისტებისა და ანარქისტების წინააღმდეგ, რომლებიც განსაკუთრებით გააქტიურდნენ მაშინ, როდესაც „კონტრ-რევოლუციის გამარჯვებამ გული გაუტეხა სო-

ციალ-დემოკრატიულ ინტელიგენციას და პარტიას ჩამოაშორა იგი...“, როდესაც „ინტელიგენტები გაექცნენ პარტიას“¹.

მარქსისტული პარტიის თეორიული სიწმინდის დასაცავად შესანიშნავი შრომით „ანარქიზმი თუ სოციალიზმი?“ გამოვიდა ი. სტალინი, რომელმაც ამხილა ქართველი ანარქისტების, ფედერალისტების, ლიკვიდატორებისა და ყოველგვარი ნაციონალისტების გამცემლობა.

რეაქციის პერიოდში მენშევიკებმა გააძლიერეს ფრაქციული მუშაობაც, დაუკავშირდნენ რა რეაქციის საერთო ლაშქრობას რევოლუციის წინააღმდეგ.

საქართველოს ბოლშევიკებმა და განსაკუთრებით ი. სტალინმა, თავის „წერილებში კავკასიიდან“ დაუნდობლად ამხილა და გააკრიტიკა მენშევიკების პროგრამული და ტაქტიკური ლიკვიდატორობა.


საქართველოს ბოლშევიკების სასიქადულოდ უნდა ითქვას, რომ მათ რეაქციის მძიმე, სასტიკი რეპრესიების პირობებში მოახერხეს ორგანიზებული უკანდახევა, შეინარჩუნეს არალეგალური ორგანიზაცია, უნარიანად გამოიყენეს ლეგალური შესაძლებლობანი და მედგარი წინააღმდეგობა გაუწიეს რეაქციასთან გაერთიანებულ მენშევიკ-ლიკვიდატორებსა და პროლეტარულნი პარტიის მტრებს.

* * *

კონტრრევოლუციის სამი წლის ყოველად უსზღვრო თარეშმა ვერ ჩაკლა ხალხის მასებში რევოლუციური სულისკვეთება, ხოლო ის ფაქტი, რომ მუშათა კლასს მანამდე არასოდეს არ განეცადა ასეთი აშკარა კლასთა ბრძოლა ყველაზე საგულისხმო გაკვეთილი: გამოდგა მისთვის. 1910 წლის ზაფხულიდან კვლავ დაიწყო რევოლუციური აღმავლობა, გაიზარდა გაფიცვებისა და დემონსტრანტების რიცხვი.

ვ. ი. ლენინი 1910 წლის დეკემბერში წერდა: „შევრახული რეაქციის სრული ბატონობის ხანა გათავდა. იწყება ახალი აღმავლობის ხანა. პროლეტარიატი, რომელიც უკან იხევდა —

¹ გახ. „ბრძოლა“, № 1, 1908.



Մանկապարտեզի շենքը

თუმცა დროის დიდი შუალედებით — 1905—1909 წლებში, ძალღონეს იკრებს და შეტევაზე გადასვლას იწყებს¹.

ძალადობისა და უფლებობის მძევნარების სამი წლის შემდეგ, მუშათა კლასი კვლავ წელში გაიმართა და დაიწყო ბრძოლა დემოკრატიული თავისუფლების მოპოვებისათვის. გაზეთი „ტიფლისკი პროლეტარი“ 1910 წელს მთელ ქვეყანაში მომხდარი ცვლილებების შესაბამისად, უხსნიდა მუშათა კლასს, რომ ქვეყანა მეფის ხელისუფლების დამხობის ძველი ამოცანების წინაშე იდგა და მოუწოდებდა ღირსეულად შეხვედროდა მომავალ სახელოვან ბრძოლებს პროლეტარიატის უფლებებისათვის.

რუსეთის პროლეტარიატის მათგან განდიოხულმა გაფიცვამ და მასთან დაკავშირებულმა ქუჩის დემონსტრაციებმა ცხადი გახადეს, რომ რუსეთი რევოლუციური აღმავლობის ხანაში შევიდა. ეს აღმავლობა მომზადებული იყო რუსეთის ცხოვრების მთელი პირობებით, ხოლო 1912 წლის აპრლ-მაისში ლენის გაფიცული მუშების დახვერტამ საბოლოოდ განსაზღვრა მისი დადგომა. ლენაზე მომხდარი ტრაგედია გახდა იმის საბაზი, რომ მასების რევოლუციური განწყობილება გადაიქცა რევოლუციურ აღმავლობად.

მეტად ფართო ხასიათი ჰქონდა 1914 წლის საპირველმაისო დემონსტრაციებსა და ერთდღიან გაფიცვას, რაც მათობასთან დაკავშირებით მოეწყო მთელ საქართველოში. თბილისის ბოლშევიკებმა ამ დღეებში უდიდესი მუშაობა ჩაატარეს — გამოუშვეს პროკლამაციები, მოაწყვეს მასობრივი მიტინგები ნაძალადევში, ბოტანიკურ ბაღში და სხვ. ბოლშევიკების მოწოდების საპასუხოდ თბილისში ერთდღიანი გაფიცვა გამოაცხადეს ტრამვაის, სტამბის, მინერალური წყლების, პურის საცხოვრების და სხვა საწარმოს მუშებმა. საპირველმაისო გაფიცვებში მარტო თბილისში 22-ზე მეტი სხვადასხვა საწარმო მონაწილეობდა.

1914 წლის 9 ივლისს კვლავ იფეთქა ტრამვაის მუშათა დიდმა გაფიცვამ. გაფიცულებმა შეადგინეს 26 მუხლისაგან შემდგარი მოთხოვნები და წარუდგინეს აღმინისტრაციას. მუშები მოითხოვდნენ ხელფასების მომატებას, შეზღუდვების მოსაპოვებას ტრამვაის უფასო ბილეთებით სარგებლო-

ბის დროს, ზრდილობიან მოპყრობას აღმინისტრაციის მხრივ, ერთი თვის შევებულებას წელიწადში ხელფასის შენარჩუნებით და ა. შ. 20 ივლისს დირექტორი იძულებული გახდა მუშების მოთხოვნების ნაწილი დაეკმაყოფილებინა, მაგრამ მუშები იცავდნენ მათი მოთხოვნების მთლიანად დაკმაყოფილებას და შეუპოვრად განაგრძობდნენ გაფიცვას. გაფიცვა გაგრძელდა 24 ივლისამდე და დამთავრდა მუშების მნიშვნელოვანი გამარჯვებით.

მუშათა რევოლუციური მოძრაობის აღმავლობამ აუცილებელი გახდა პარტიის რიგების აღდგენა და შემქმედრობა.

ვ. ი. ლენინის მითითების საფუძველზე ამ დიდ-მნიშვნელოვანი ამოცანის შესრულებას სათავეში ჩაუდგნენ თბილისელი ბოლშევიკები და მალე არჩეულ იქნა რსდმპ თბილისის ჯგუფის ხელმძღვანელი წრე, რომლის შემადგენლობაში შევიდნენ ს. სპანდარიანი, მ. კვარაცხელია, ე. სტასოვა, ვ. ძნელაძე, ო. გაბუნია, ა. აკობიანი და სხვები. ხელმძღვანელი წრე სათავეში ჩაუდგა რსდმპ პარტიის თბილისის ორგანიზაციის მუშაობას და ხელმძღვანელობდა სოციალ-დემოკრატიული ორგანიზაციების აღდგენის საქმეს მთელ საქართველოში.

პრალის კონფერენციის გადაწყვეტილებებს ქვეყანაში არსებული მდგომარეობის, მიმდინარე მომენტისა და პარტიის ამოცანების შესახებ, ფასდაუდებელი მნიშვნელობა ჰქონდათ საქართველოს ბოლშევიკებისათვის მათს შემდგომ მუშაობაში. ისინი აქტიურად გამოეხმაურნენ კონფერენციის გადაწყვეტილებებს და გააჩაღეს ბრძოლა მათი განხორციელებისათვის. თბილისის ბოლშევიკები წმენდნენ თავიანთ რიგებს მენშევიკებისაგან, იმალელებდნენ ავტორიტეტს, იზრდებოდნენ რიცხობრივად და ქმნიდნენ არალეგალურ ბოლშევიკურ ორგანიზაციებს.

საქართველოს ბოლშევიკებს ყველა მათ წინაშე დასახული ამოცანების წარმატებით გადაწყვეტაში და მათ გარშემო მშრომელი მასების დარაზმვაში დიდი დახმარება გაუწია ბოლშევიკურმა გაზეთმა „პრავდამ“. ისინი ხელმძღვანელობდნენ „პრავდის“ მითითებებით, ფართოდ ავრცელებდნენ გაზეთს მშრომელებში, მის ფურცლებზე ბეჭდავდნენ კორესპონდენციებსა და ცნობებს თბილისისა და საქართველოს სხვა ქალაქების მუშათა ბრძოლების შესახებ.

¹ ვ. ი. ლენინი, თხზ., ტ. 14, გვ. 445.

ასევე წარმატებით იყენებდნენ ბოლშევიკები მეორე ლეგალურ ორგანოს — IV სახელმწიფო სა-
თათბიროს. ისინი სათათბიროს არჩევნებში გამო-
ვიდნენ დამოუკიდებელი ლოზუნგებით და იგი
ფართოდ გამოიყენეს რევოლუციური აგიტაციისა
და პროპაგანდის ტრიბუნად. ბოლშევიკური აგი-
ტაციის წარმატებას ის მოყვა, რომ თბილისსა და
საქართველოს ბევრ სხვა ქალაქში საარჩევნო კამ-
პანია ბოლშევიკური ლოზუნგებით მიმდინარე-
ობდა.

ბოლშევიკებმა პრალის კონფერენციის გადა-
წყვეტილებათა საფუძველზე ასევე წარმატებით
გამოიყენეს სხვა ლეგალური ორგანიზაციებიც —
სახალხო უნივერსიტეტები, სახალხო სახლები, მუ-
შათა თეატრები და ა. შ. უდიდესი ყურადღება
მიექცა პროფესიული ორგანიზაციების შექმნასა და
განმტკიცებას. აღდგენილ იქნა პროფესიული კავ-
შირების ბევრი ორგანიზაცია, რომელიც განადგუ-
რებულ იქნა რეაქციის პერიოდში. ამრიგად, არა-
ლეგალური და ლეგალური მუშაობის მონერხებუ-
ლად შერწყმამ ბოლშევიკებს, რევოლუციური აღ-
მავლობის პერიოდში, შესაძლებლობა მისცა აღე-
დგინათ და განემტკიცებინათ პარტიული ორგანი-
ზაციები, მტკიცედ დაეცა პარტიული მშენებ-
ლობის ლენინური პრინციპები და უზრუნველყოთ
მათი ორგანიზაციების გავლენის ზრდა მუშათა
ფართო მასებში.



მასობრივი პოლიტიკური გაფიცვები, მლეკა-
რებანი და შეტაკებანი პოლიციასთან მოწმობდა
რევოლუციური მოძრაობის ზრდას, რომელიც რე-
ვოლუციური სიტუაციაში გადადიოდა. მაგრამ რე-
ვოლუციური განვითარება შეაჩერა დაწყებულმა
იშპერიალისტურმა ომმა, რომელიც მეფის ხელი-
სუფლებამ მზარდი მუშათა მოძრაობის წინააღ-
მდეგ გამოიყენა.

მუშათა კლასის სასტიკ ექსპლოატაციას, მრე-
წელობის განვითარების შეფერხებას რუსეთის
ბურჟუაზიის ინტერესებისათვის, ქვეყნის ბუნებ-
რივი სიმდიდრეების ყაჩაღურ ძარცვას, სოფლის
მეურნეობაში ნახევრად ფეოდალური ურთიერთო-
ბის ბატონობას და საერთოდ რუსეთისა და ადგი-
ლობრივი კაპიტალის სწრაფვას მაქსიმალური მო-

გების მიღებისადმი უნდა მოჰყოლოდა და მოჰყვა
კიდევ მრეწველობისა და სოფლის მეურნეობის
მკვეთრი დაქვეითება. ომმა მოშალა საქართველოს
იხედაც სუსტად განვითარებული მრეწველობა,
ხოლო სოფელი მუშახელისა და მუშაპირუტყვის
გარეშე დატოვა.

მძიმე ეკონომიური მდგომარეობისა და ომის
წინააღმდეგ პირველად საქართველოს პროლეტა-
რიატის ავანგარდმა — თბილისის რკინიგზის სახე-
ლოსნოების მუშებმა აღიმადღეს ხმა. 1914 წლის
ოქტომბერს რკინიგზის სახელოსნოებში მასობრი-
ვად გავრცელდა პროკლამაციები, რევოლუციური
ფურცლები, რომლებიც მუშებს საყოველთაო გა-
ფიცვისაკენ მოუწოდებდნენ. რკინიგზის სახელოს-
ნოების მუშების მღელვარებამ გამოხმაურება პოვა
მთელ თბილისში, რის გამოც შეშინებულმა რკი-
ნიგზის ჟანდარმთა სამმართველოს უფროსმა მე-
ფისნაცვალს მუშების წინააღმდეგ საბრძოლველად
სპეციალური რაზმების შექმნის ნებართვა თხოვა.¹
დეკემბერში მოძრაობამ უფრო ფართო ხასიათი
მიიღო იმის გამო, რომ რკინიგზის ადმინისტრაცია
შეეცადა მუშებისათვის ხელფასიდან დაეკავებინა
განსაზღვრული თანხა კავკასიის ფრონტის საჭირო-
ებისათვის.²

1915 წლის იანვარ-თებერვალში რევოლუციუ-
რი მოძრაობა აღმავლობით წარიმართა. მოეწყო
მასობრივი გაფიცვები 9 იანვრის 10 წლისთავთან
დაკავშირებით.

მუშათა საგაფიცვო ბრძოლებისა და ომის შე-
დეგად საყოველთაო ნგრევის გავლენით გაიზარდა
რევოლუციური მოძრაობა საქართველოს სოფ-
ლებში. მოძრაობაში სულ უფრო და უფრო ფარ-
თოდ ჩაება მოსწავლე ახალგაზრდობა, რომელთა
შორის ფართოდ ვრცელდებოდა ბოლშევიკური
პროკლამაციები.

რევოლუციური მოძრაობა სწრაფად იზრდებო-
და ფრონტის ჯარისკაცთა მასაში. მიუხედავად
შინაგან საქმეთა მინისტრის სასტიკი გაფრთხილე-
ბისა, აღუკვეთათ ყრველგვარი აგიტაცია და მღელ-
ვარებანი ჯარში, ბოლშევიკების ენერგიული მოქ-
მედების შედეგად ჯარის ნაწილებში ვრცელდე-
ბოდა რევოლუციური პროკლამაციები და ჯარის-
კაცთა შეგნებული ნაწილი ბოლშევიკების მხარეზე
გადმოდიოდა.

¹ საქართველოს სსრ ცსია, ფონდი № 13, საქმე 192.

² საქართველოს სსრ ცსია, ფონდი № 2, საქმე 3321.

ჯარისკაცებს არ სურდათ უფროსების ბრმა იარაღი ყოფილიყვნენ. სურსათის ნაკლებობისა და სიძვირის გამო დაწყებული მასობრივი მღელვარების დროს ჯარისკაცები ხალხს თანაუგრძნობდნენ, ხშირად კი თვითონაც მონაწილეობდნენ სახალსო მღელვარებაში, ეხმარებოდნენ მათ და ანთავისუფლებდნენ პატიმრებს. თბილისის პოლიცემისტერი თბილისის გუბერნატორისადმი მოხსენება-ბარათში იუწყებოდა, რომ „სამხედრო ნაწილების იმედი ნაკლებად უნდა ვიქონიოთ, ამას ვასკენი პატრულების მოქმედებიდან, რომლებიც უხვოდ, ზოგჯერ ღიმილით ადევნებენ თვალყურს მომხდარ ამბებს“¹.

თბილისის ბოლშევიკები ომის წლებში შეუბრალებლად ამხელდნენ გაბატონებული კლასებისა და მენშევიკების პოლიტიკას; ისინი ომის დასაწყისიდანვე სოციალ-შოვინისტებს მიემხრნენ. ბოლშევიკები თანმიმდევრულად იცავდნენ პროლეტარულ-ინტერნაციონალურ პოზიციებს და ამ პოზიციებიდან ებრძოდნენ ყველა იმათ, ვინც ცდილობდა ნაციონალიზმისა და შოვინიზმის შესამით მოეწამლა მშრომელთა შეგნება და ჩამოეშორებინა იგი რევოლუციური მოძრაობისაგან.

* * *

1917 წლის იანვარ-თებერვალში სურსათის, ნედლეულისა და სათბობი მასალის დარგში დიდმა კრიზისმა უმაღლეს წერტილს მიაღწია. უკვე ყველა საათის ამჟამად გახდა მეფის თვითმპყრობელობის დამხობის აუცილებლობა. ბურჟუაზია შეეცადა ამ კრიზისის გადაჭრას სასახლის ფარგლებში გადატრიალების მოწყობით, მაგრამ იგი ხალხმა ქუჩაში გადაჭრა რევოლუციის გზით.

1917 წლის თებერვალში მეფის თვითმპყრობელობა წალეკა ბურჟუაზიულ-დემოკრატიულმა რევოლუციამ.

ადგილობრივმა ხელისუფლებამ დაუმალა მშრომელებს ცნობა რევოლუციის შესახებ, რათა არ დარღვეულიყო „წესრიგი და სიმშვიდე“ და მოქმედ არმიებს შეენარჩუნებინათ ერთგულება და ფიცი სამხედრო ვალდებულებებისადმი.

¹ საქართველოს სსრ ცსია, ფონდი № 2, საქმე 4375.

მაგრამ ხელოვნურად შექმნილი ეს „სიწყნარე“, რომელიც ძალით მოახვიეს თავს თბილისს, არ შეიძლებოდა დიდხანს გაგრძელებულიყო.

3 მარტს თბილისში რკინიგზის მთავარ სახელოსნოებში მოეწყო მიტინგი, რომელსაც სამი ათასზე მეტი კაცი დაესწრო. მიტინგმა აღტაცება გამოთქვა საძულელი ხელისუფლების დამხობის გამო და ერთხმად მიიღო მისალმება პეტროგრადის მუშათა და ჯარისკაცთა დეპუტატების საბჭოებისადმი. მისალმება სრულ თანაგრძნობას უცხადებდა საბჭოებს ძველი ხელისუფლების წინააღმდეგ ბრძოლაში. „განაგრძეთ თქვენ მიერ დაწყებული მუშაობა მთელი ქვეყნისა და ჩვენი კლასის საერთო კეთილდღეობისათვის. ჩვენ თქვენთან ვართ“¹ — ნათქვამი იყო მისალმებაში.

მეფის თვითმპყრობელობის დამხობის აღსანიშნავ მიტინგებსა და მანიფესტაციებში მუშათა კლასთან ერთად აქტიურ მონაწილეობას იღებდნენ გლეხები, მოსწავლე ახალგაზრდობა და ჯარისკაცები.

10 მარტს თბილისში მოეწყო ყველა სასწავლებლის მოსწავლეთა და მასწავლებელთა დემონსტრაცია წითელი დროშებით. იმავე დღეს თავისუფლების მოედანზე გაიმართა დიდი მიტინგი.

რევოლუციის მხურვალედ გამოეხმაურნენ კავკასიის ფრონტის ჯარები. თბილისში 8 მარტს გაიმართა 218-ე პოლკის ჯარისკაცების მანიფესტაცია, მოეწყო მიტინგი, რომელსაც ჯარისკაცებს გარდა შეუერთდნენ სხვა მოქალაქეები.

თანდათანობით შეიცვალა მდგომარეობა თბილისში. გაიწვიეს მეფისნაცვალის, ხოლო ხალხი სულ უფრო და უფრო არ ემორჩილებოდა ადგილობრივ ხელისუფლებას. ქალაქის აღმასრულებელი კომიტეტის დადგენილებით მეტეხის ციხიდან გაათავისუფლეს პოლიტიკური პატიმრები, რამაც ცარიზმის მკაცრი რეპრესიებით დასუსტებულ ბოლშევიკურ ორგანიზაციებს შესაძლებლობა მისცა ძალა მოეკრიბა და მოლონიერებულყო.

პეტერბურგის საბჭოების მაგალითით საქართველოს ბოლშევიკებმა მცირერიცხოვნებისა და ორგანიზაციული სისუსტის მიუხედავად, ხელთ აიღეს საბჭოების შექმნის ინიციატივა. ბოლშევიკების წინადადება მუშათა დეპუტატების საბჭოების არჩევის შესახებ მუშებმა დიდი აღტაცებით მიი-

¹ გახ. „ტიფლისკი ლისტოკ“, № 52, 1917.

ლეს. მაგრამ მენშევიკებმა, რომლებიც ამ დროს თბილისში უმრავლესობას წარმოადგენდნენ, მოახერხეს ბოლშევიკებისათვის ხელიდან გამოეცალათ საბჭოების შექმნის ინიციატივა.

4 მარტს არჩეული თბილისის მუშათა დეპუტატების საბჭო მენშევიკებისა და ესერების უმრავლესობისაგან შესდგებოდა. ასევე 6 მარტს თბილისის გარნიზონის დელეგატთა კრებაზე არჩეულ ჯარისკაცთა საბჭოში უმრავლესობა მენშევიკებს ერგოთ.

საბჭოებში გაბატონებულმა მენშევიკებმა, მიუხედავად ბოლშევიკების დაჟინებითი მოთხოვნისა, უარი განაცხადეს საბჭოებისათვის აღმასრულებელი ფუნქცია მიეცათ. საბჭოებს რჩებოდათ ახალი ხელისუფლების ორგანიზაციის „თვალყურის დევნისა“ და „ზეგავლენის“ მოხდენის და არა მმართველი და კანონმდებელი ორგანოს როლი.

1917 წლის 9 მარტს დროებითმა მთავრობამ შექმნა განსაკუთრებული კომიტეტი („ოზაკომი“), რომელსაც დაევალა დაემყარებინა ახალი, მყარი წესრიგი და „მოეწყო“ ამიერკავკასიის მხარე. მენშევიკებმა პირველ ხანებში მთავრობის ასეთი კონტრრევოლუციური შემადგენლობის გამო უწყინარი პროტესტი გამოთქვეს: ზემოდან დანიშნული კომიტეტი „ადგილობრივი დემოკრატიისათვის მიუღებელია“, მაგრამ მალე მიყუჩდნენ. კიდევ მეტი, მათ პატივისცემით გაისტუმრეს მეფისნაცვლი, ხოლო 18 მარტს თბილისის სადგურზე ამიერკავკასიის განსაკუთრებული კომიტეტის შემადგენლობას საპატიო ყარაულებით შეხვდნენ.

როგორც ზემოთ იყო აღნიშნული, რეაქციას არ მოჰყოლია მენშევიკების ორგანიზაციების შესუსტება, ამის გამო მათ შერჩათ ძლიერი ორგანიზაცია და საკუთარი გაზეთები, ხოლო თებერვლის რევოლუციამ მათ გაუმრავლა თანამგრძნობთა რიცხვი. ეს მოხდა იმიტომ, რომ „უზარმაზარმა წვრილბურჟუაზიულმა ტალღამ წალეკა ყველაფერი, ჩაახშო შეგნებულნი პროლეტარიატი არა მარტო თავისი სიმრავლით, არამედ იდეურადაც, ე. ი. მოიცვა მუშათა ფრიად ფართო წრეები და გადასდო მათ წვრილბურჟუაზიული შეხედულებანი პოლიტიკაზე“¹.

ასეთ პირობებში ბოლშევიკების წინაშე ბუნებრივი აუცილებლობით ისმებოდა საკითხი — გაეძ-

ლიერებინათ თავიანთი ორგანიზაციები და ეწარმოებინათ ბრძოლა რევოლუციის შემდგომი განვითარებისათვის. აუცილებელი ხდებოდა თებერვლის რევოლუციით შექმნილი შედარებით თავისუფალი მუშაობის შესაძლებლობის მაქსიმალური გამოყენება. და მართლაც, ბოლშევიკები ენერგიულად შეუდგნენ პარტიული მუშაობის გამოცოცხლებას, პარტიული უჯრედების აღდგენასა და მათი ქსელის გაფართოებას.

მაგრამ ესოდენ დიდი სიძნელეების გადალახვა და პარტიული ორგანიზაციების მუშაობის წარმატებით გაჩაღება, მასებში იდეური პროპაგანდის გაშლა და ბრძოლა რევოლუციის შემდგომი განვითარებისათვის, შეუძლებელი იყო საკუთარი გაზეთის გამოცემის გარეშე.

1917 წლის 11 მარტს თბილისში გამოსვლა იწყო ყოველდღიურმა ბოლშევიკურმა გაზეთმა „კავკასკი რაბოჩიმ“, რომელიც დაეხმარა ბოლშევიკებს ემხილებინათ დროებითი მთავრობა, როგორც ბურჟუაზიისა და მემამულეების მთავრობა და აქტიური ბრძოლა გაეჩაღებინათ წვრილბურჟუაზიული პარტიების ბურჟუაზიული შეხედულებების წინააღმდეგ.

1917 წლის 26 მარტს არჩეულ იქნა თბილისის გაერთიანებული კომიტეტი. მ. ორახელაშვილი ამ გაერთიანების შესახებ წერს: „რადგან ცენტრთან კავშირი ჯერ კიდევ არ იყო გაბმული და ამიტომ იქედან დირექტივები და სწორი ინფორმაცია არ მოგვდიოდა, მენშევიკებთან საერთო ორგანიზაციაში შესვლის საკითხი ყველგან დადებითად წყდებოდა“. იგი იქვე დასძენს, რომ ამ დროს მეტად ძლიერი იყო ასეთი გაერთიანებისაკენ სწრაფვა თუმცა „ფაქტიურად ეს „გაერთიანება“ მხოლოდ მოკლე, გარდამავალი საფეხური იყო ბოლშევიკების არა მარტო იდეურ-პოლიტიკურად, არამედ ორგანიზაციულად გამოყოფის წინა“¹.

ამ გაერთიანებით, ცხადია, შეცდომა იქნა დაშვებული, მაგრამ აქვე უნდა აღინიშნოს, რომ ეს გაერთიანება ხანმოკლე აღმოჩნდა. ამას გარდა, თვითონ ბოლშევიკებმა გაერთიანებულ ორგანიზაციაში შესვლისას, შეინარჩუნეს საკუთარი ხელმძღვანელი ორგანოების დაარსების, საკუთარი

¹ ვ. ი. დენინი, თხ., ტ. 24, გვ. 53.

¹ მ. ორახელაშვილი, ამიერკავკასიის ბოლშევიკური ორგანიზაციები 1917 წელს, გვ. 39.

ბექდვითი ორგანოს გამოცემისა და კრებების ცალკე მოწყობის უფლება.

ვ. ი. ლენინის აპრილის სახელგანთქმულმა თეზისებმა და პარტიის VII (აპრილის) კონფერენციამ საქართველოს ბოლშევიკებს მისცა სწორი ორიენტაცია რევოლუციის ყველა ძირითად საკითხში და გადაწყვეტი როლი ითამაშა მენშევიკებთან კავშირის საბოლოო გაწყვეტის საქმეში.

28 აპრილს თბილისის ბოლშევიკების საერთო კრებამ, რომელსაც ესწრებოდნენ კავკასიის არმიის სამხარეო ყრილობის ბოლშევიკი დელეგატებიც, მისასალმებელი დეპეშა გაუგზავნა ბოლშევიკების აპრილის კონფერენციას. „ჩვენ დარწმუნებული ვართ, რომ კონფერენციის გადაწყვეტილებანი საიმედო სახელმძღვანელო იქნება რევოლუციური პროლეტარიატის ბრძოლაში თავისი იდეალების განხორციელებისათვის“ — ნათქვამი იყო მისალმებაში.

1917 წლის 14 მაისს ბოლშევიკების საერთო საქალაქო პარტიულმა კრებამ, მოისმინა ფ. მახარაძისა და მ. ცხაკაიას მოხსენებები სრულიად რუსეთის VII (აპრილის) კონფერენციის შესახებ. მომხსენებლებმა კრებას დაწვრილებით გააცნეს კონფერენციის გადაწყვეტილებანი და დააყენეს საკითხი მენშევიკებთან კავშირის გაწყვეტის აუცილებლობის შესახებ. ივნისში კი თბილისში მიმდინარეობდა ბოლშევიკების რაიონული კრებები, მოხდა რაიონული ბოლშევიკური ორგანიზაციების გაფორმება, ხოლო 5 ივლისს ბოლშევიკების საერთო საქალაქო კონფერენციაზე არჩეულ იქნა რსდმპ(ბ) თბილისის კომიტეტი.

მალე ამის შემდეგ მოხდა კავშირის სრული გაწყვეტა მენშევიკებთან და დამოუკიდებელ ორგანიზაციებად გამოყოფა საქართველოს სხვა ადგილებშიც.

თბილისის ბოლშევიკებმა გააჩაღეს ბრძოლა აპრილის კონფერენციის გადაწყვეტილებათა განხორციელებისათვის. მათ წინაშე პრაქტიკულად დაისვა საკითხი ქართულ ენაზე გაზეთის გამოცემის შესახებ. ეს მით უფრო აუცილებელი იყო, რომ მენშევიკური გაზეთები ფაქტებსა და მოვლენებს ფრაქციების შესახებ ცალმხრივად აშუქებდნენ.

1917 წლის 4 ივნისს გამოვიდა რსდმპ(ბ) თბილისის კომიტეტის ყოველკვირეული ორგანო —

¹ გაზ. „კავკასიი რაბოჩი“, № 39, 1917.

გაზეთ „ბრძოლის“ პირველი ნომერი. გაზეთმა თავი კეცხოველის მიერ დაარსებული „ბრძოლის“ პოლიტიკურ მემკვიდრედ გამოაცხადა, რაზედაც მენშევიკურმა გაზეთებმა — „ალიონი“, „ერთობა“ და სხვ. — პროტესტი გამოთქვეს. საპასუხოდ „ბრძოლამ“ განაცხადა, რომ მემკვიდრეობა არაფის დაეშლებოდა, მხოლოდ საჭირო იყო ძველი „ბრძოლის“ იდეებთან ახალი რწმენისა და პროგრამის შეთანხმება.

გაზეთმა „ბრძოლამ“ მის პირველ ნომრებშივე მშრომელების ყურადღება მიაპყრო რუსეთის საერთო პოლიტიკურ ვითარებას და მიუთითებდა, რომ საქართველოს პოლიტიკური ვითარება უშუალოდ იყო დამოკიდებული რუსეთის საერთო პოლიტიკურ მდგომარეობაზე.

საკუთარი ორგანოს შექმნამ და მენშევიკებთან გათიშვამ გაზარდა ბოლშევიკების გავლენა მასებში. ისინი უდიდეს მუშაობას აწარმოებდნენ ჯარის ნაწილებში, იპყრობდნენ გლეხთა მასებს, გააძლიერეს მუშაობა პროფკავშირებში, რის შედეგადაც ცენტრალურ საბჭოში გაიზარდა ბოლშევიკების რაოდენობა.

ბოლშევიკების მუშაობა ახალგაზრდობას შორის დაგვირგვინდა ახალგაზრდა სოციალისტ-ინტერნაციონალისტების ორგანიზაციის „სპარტაკის“ — ახლანდელი ახალგაზრდობის ლენინური კომუნისტური კავშირის დაარსებით.

ივნისის კრიზისის გამომწვევი რევოლუციური ძალები სულ უფრო და უფრო იზრდებოდნენ და განაგრძობდნენ მოქმედებას. არ იყო გადაჭრილი რევოლუციის არც ერთი ამოცანა. ამ ღრმა პოლიტიკური კრიზისის აშკარა გამოხატულება გახდა 3---4 ივლისის გრანდიოზული დემონსტრაცია პეტროგრადში, რომელიც დროებითმა ბურჟუაზიულმა მთავრობამ მენშევიკებისა და ესერების დახმარებით სისხლში ჩაახშო.

ამიერიდან დასრულდა კლასობრივი და პარტიული ბრძოლის განვითარების პერიოდი, დაიწყო ბრძოლის ახალი პერიოდი სოციალისტური რევოლუციისათვის.

პარტიის VI ყრილობამ შეცვლილი ვითარების შესაბამისად დააყენა შიკარაღებული აჯანყების აუცილებლობის საკითხი.

1917 წლის 2 ოქტომბერს თბილისში რსდმპ(ბ) თბილისის კომიტეტისა და ბაქოს ბოლშევიკური

ორგანიზაციების წარმომადგენლების გადაწყვეტილებით გაიხსნა კავკასიის ბოლშევიკური ორგანიზაციების პირველი სამხარეო ყრილობა, რომელიც მიზნად ისახავდა პარტიის VI ყრილობის გადაწყვეტილების საფუძველზე ჩამოეყალიბებინა კავკასიის ბოლშევიკების ტაქტიკა სოციალისტური რევოლუციისათვის ბრძოლაში.

ყრილობაზე გამოქვეყნდა, რომ ბოლშევიკური ორგანიზაციების გავლენა ძლიერდებოდა, იგი ერთ-ერთი დეუტატის სიტყვებით „საათობით იზრდებოდა“.

ყრილობამ აირჩია რსდმ(ბ) სამხარეო კომიტეტი, რომელიც კავკასიის პარტიული ორგანიზაციების ხელმძღვანელ ორგანოს წარმოადგენდა.

მის შემადგენლობაში შევიდნენ: ს. შაუმიანი, პ. ჯაფარიძე, ი. ფილიტოვი, ფ. მახარაძე, მ. ცხაკაია, მ. ზარხელაშვილი, ს. ქავთარაძე, გ. ყორღანოვი, ნაზარეტიანი და სხვ.

კავკასიის ბოლშევიკების სამხარეო ყრილობამ სამხარეო კომიტეტის შექმნით მტკიცე პირობები მოაშადა პარტიის VI ყრილობის გადაწყვეტილებათა ცხოვრებაში გატარებისა და, მასმასაღამე, სოციალისტური რევოლუციის გამარჯვებისათვის.

ოქტომბრის რევოლუციის გამარჯვებას საქართველოს მშრომელები უდიდესი თანაგრძნობითა და სიზარულთ შეხვდნენ. ცნობაში, გაზეთ „ბრძოლის“ ფურცლებზე, პეტროგრადის შეიარაღებული აჯანყების შესახებ, ვკითხულობთ: „პეტროგრადის აჯანყების დროსა ააფრიალა მოსკოვმა, მათ მიყვება და უნდა მიყვეს მთელი პროლეტარული რუსეთი ბოლშევიზმის მეთაურობით. რევოლუციის ცეცხლი ანთებული პროლეტარულ ცენტრებში მოედება და უნდა მოედოს მთელ რუსეთს... წითელ პეტერბურგსა და მოსკოვს შეუძლიათ თქვან — ვინც ჩვენთან არ არის, ის ჩვენი წინააღმდეგია“¹.

28—29—30 ოქტომბერს თბილისში მასობრივად ეწყობოდა კრებები. თბილისის მშრომელები თავიანთ რეზოლუციებში მხურვალე სალამს უთვლიდნენ პეტროგრადის გმირ პროლეტარიატს და თანაგრძნობას უცხადებდნენ მას.

რევოლუციის გამარჯვებამ მხურვალე გამოხმაურება პოვა ჯარის ნაწილებში. 29 ოქტომბერს „კავკასიის რაზმის“ გამოაქვეყნა რსდმ(ბ) კავკა-

სიის სამხარეო კომიტეტის, სამხედრო ორგანიზაციების ბიუროსა და თბილისის კომიტეტის მიმართვა — „კავკასიის არმიის ყველა ამხანაგ ჯარისკაცებისადმი“ — პეტროგრადის პროლეტარიატისათვის მხარდაჭერისა და შეიარაღებული მზადყოფნის შესახებ.

მაგრამ ბოლშევიკების რიგების შემქმნელებისა და მასებში მათი გავლენის ზრდასთან ერთად ხდებოდა მოწინააღმდეგე კონტრრევოლუციური ძალების — პირველ რიგში, მენშევიკების შემქმნელობაც რევოლუციის წინააღმდეგ. 14 ნოემბერს ჩამოყალიბდა ამიერკავკასიის კომისარიატი — გეგეკორის მეთაურობით, გადაიღვა პირველი ნაბიჯი ამიერკავკასიის რუსეთისაგან ჩამოშორების გზაზე.

პარტიის სამხარეო კომიტეტმა თავისი დამოკიდებულება ამიერკავკასიის კომისარიატისადმი მაშინ განსაზღვრა, როცა თათბირი დატოვა, ხოლო 17 ნოემბერს „ბრძოლაში“ ამხილა ხალხის ნებასურვილის წინააღმდეგ შექმნილი კონტრრევოლუციური მთავრობის ნამდვილი სახე.

„არავითარი ნდობა მენშევიკ-დამნაჯცაკან-ესერკადეტების მიერ ხალხის ზურგს უკან შექმნილ მთავრობას, — წერდა გაზეთი, — მუშებო, გლეხებო, ჯარისკაცებო, ყველა მშრომელნო, მხარი დაუჭირეთ მუშებისა და გლეხების მთავრობას; შეუერთდით რუსეთის მებრძოლ პროლეტარიატს, სრული ნდობა გამოუცხადეთ მის მთავრობას, გვერდში ამოუდევით და ენერგიულად დაეხმარეთ მის გამირულ ბრძოლას“¹.

მენშევიკებმა კვლავ შეუტიეს ბოლშევიკებს, რომელთა გავლენა მასებში ყოველდღიურად იზრდებოდა. მათ 29 ნოემბერს შეიარაღებული თავდასხმა მოაწყვეს არსენალზე, რომელსაც ბოლშევიკური ნაწილები იცავდა და სადაც დიდძალი იარაღი და ყუმბარები ინახებოდა.

კონტრრევოლუციის ამ შეტევამ თბილისის მშრომელების მძლავრი პროტესტები გამოიწვია. 1 დეკემბერს მთავარი სახელოსნოების მუშათა კრებამ დამნაშავეთა პასუხისგებაში მიცემა, ზარალის ანაზღაურება და დარბევაში მონაწილე გვარდიელების განიარაღება მოითხოვა.

თბილისის ბოლშევიკების სასარგებლოდ უნდა ითქვას, რომ მათ ამ პირველი წარუმატებლობი

¹ გაზ. „ბრძოლა“, № 23, 1917.

¹ გაზ. „ბრძოლა“, № 37, 1917.

გამო არ დაუყრიათ იარაღი. ბოლშევიკების დიდ გამარჯვებას მოასწავებდა კავკასიის არმიის მეორე სამხარეო ყრილობა, რომელიც თბილისში 10 დეკემბერს გაიხსნა. ყრილობამ მიიღო ბოლშევიკური რეზოლუციები დღის წესრიგის ყველა ძირითად საკითხებზე, დაგმო ამიერკავკასიის კომისარიატი და არმიის ძველი საბჭო.

ვ. ი. ლენინი შეუნდებელ ყურადღებით ადევნებდა თვალყურს ამიერკავკასიაში შექმნილ მდგომარეობას. თავის მხრივ კი საქართველოს პარტიული ორგანიზაციები სისტემატურად აწვდიდნენ ცნობებს პარტიის ცენტრალურ კომიტეტსა და ვ. ი. ლენინს და იღებდნენ მათგან სახელმძღვანელო მითითებებსა და მატერიალურ დახმარებას.

* * *

1917 წლის 16 დეკემბერს რსფსრ სახკომსაბჭომ თავის სხდომაზე მოისმინა ი. სტალინის მოხსენება კავკასიის შესახებ. 18 დეკემბერს რუსეთის სახალხო კომისართა საბჭომ გაითვალისწინა კავკასიაში სოციალისტური რევოლუციისათვის ბრძოლის განსაკუთრებული პირობები და გამოსცა დეკრეტი კავკასიის საქმეთა დროებით საგანგებო კომისრად სტ. შაუმიანის დანიშვნის შესახებ. შაუმიანი თავისი მოვალეობის შესრულებას შეუდგა 22 იანვრიდან. 31 იანვარს მისი რედაქტორობით გამოვიდა „კავკასკი ვესტნიკ სოვეტა ნაროდნიხ კომისაროვ“, რომელმაც დაბეჭდა შაუმიანის მიმართ „კავკასიის მუშათა, ჯარისკაცთა და გლეხობისადმი“. მიმართვა მოუწოდებდა მათ შეექმნათ ინტერნაციონალური მუშურ-გლეხური მთავრობა, რომელიც რუსეთის საბჭოთა ცენტრებთან და სახკომსაბჭოსთან მჭიდრო ურთიერთობით, ბოლოს მოუღებდა კონტრრევოლუციას კავკასიაში და კავკასიის მოსახლეობას წაიყვანდა სოციალიზმისაკენ.

ამ დროიდან იწყება ამიერკავკასიაში ბოლშევიკების ხანგრძლივი და შეუპოვარი ბრძოლის ახალი პერიოდი საბჭოთა ხელისუფლების დამყარებისათვის.

მაგრამ ბოლშევიკების მიერ საბჭოთა წყობილების დამყარებისათვის გადადგმულმა პრაქტიკულმა ნაბიჯებმა და მათი აგიტაციის წარმატებამ მშრომელთა მასებში, რომელთა უკმაყოფილება სულ უფრო და უფრო იზრდებოდა მენშევი-

კების პოლიტიკის წინააღმდეგ, გააძლიერა მენშევიკების კონტრშეტევა. მენშევიკების გამცემლობა იქამდეც მივიდა, რომ 1918 წლის 10 თებერვალს თბილისში მოიწვიეს ამიერკავკასიის სეიმი, შექმნეს ახალი მთავრობა — ბურჟუაზიულ-მემამულური სახელმწიფო ხელისუფლების ორგანო, რითაც იურიდიულად გაათორმეს რუსეთისაგან ამიერკავკასიის მოწყვეტა და მოამზადეს პირობები რევოლუციური მოძრაობის წინააღმდეგ ბრძოლის გასაძლიერებლად.

ამიერკავკასიის სეიმის გახსნას წინ უძღოდა მენშევიკების მიერ იანვარში შამქორთან ფრონტიდან დაბრუნებული ჯარისკაცების განიარაღება და დახვერვა, ხოლო თებერვალში განკარგულება სტ. შაუმიანის დაპატიმრებისა და ბოლშევიკური გაზეთების დახურვის შესახებ. თვითონ სეიმის გახსნის დღეს მენშევიკების მიერ თბილისში მოწყობილ ტრადედიას ხალხმა „სისხლით შეღებილი შაბათი“ უწოდა. ამ დღეს ალექსანდრეს ბაღში შეიკრიბა მუშებისა და ჯარისკაცების მშვიდობიანი მიტინგი, რათა პროტესტი გამოეთქვა როგორც ამიერკავკასიის სეიმის მოწვევის, ისე რევოლუციური ორგანიზაციებისა და ბოლშევიკური გაზეთების აკრძალვის წინააღმდეგ. ამიერკავკასიის კომისარიატის განკარგულებით მიტინგი დახვერტლ იქნა.

ასე ფიქრობდნენ მენშევიკები მყუდროების დამყარებას თბილისში, ასე ჩაიგდეს მათ ხელში ძალაუფლება. ი. სტალინი, ახალიათებდა რა მენშევიკების გამცემლობას, წერდა: „უკანასკნელმა ამბებმა საბოლოოდ მოკლავს სოციალიზმის ნიღაბი მენშევიკ სოციალ-კონტრრევოლუციონერებს, და ახლა მთელ რევოლუციურ სამყაროს შესაძლებლობა აქვს თვალნათლივ დარწმუნდეს, რომ ამიერკავკასიის კომისარიატისა და მის „სეიმურ-ნაციონალურ“ დანაშაუტთა სახით საქმე გვაქვს ყველაზე ბოროტ კონტრრევოლუციურ ბლოკთან, რომელიც ამიერკავკასიის მუშებისა და გლეხების წინააღმდეგ არის მიმართული“¹.

მენშევიკებს არ გაუმართლდათ იმედები, რადგან მეტისმეტად თვალსაჩინოდ და თანაც უხეშად გამოაშვარავეს თავი როგორც კონტრრევოლუციონერებმა და დაჩქარეს მათგან მშრომელი მასის ჩამოშორება. ამან ხელი შეუწყო მუშათა კლასში

¹ ი. ბ. სტალინი, თხზ., ტ. 4, გვ. 70—71.

ბოლშევიკების გავლენის კიდევ უფრო ზრდასა და მთელ საქართველოში მუშათა და გლეხთა მოძრაობის გაფართოებას. მდგომარეობა იმანაც გაართულა, რომ ამიერკავკასიის სეიმმა არ ცნო ბრესტის ზავი და გერმანელი და თურქი იმპერიალისტების წაქეზებით 22 აპრილს ამიერკავკასია „დამოუკიდებელ ფედერაციულ რესპუბლიკად“ გამოაცხადა.

რ. სტალინი, ითვალისწინებდა რა ასეთი მოქმედების შედეგს, წერდა: „თბილისის მენშევიკებისა და მათი მთავრობის დამოუკიდებლობა რუსეთის რევოლუციისაგან გარდუვალად გადაიქცევა მათ მონურ დამოკიდებულებად თურქ-გერმანულ „ცივილიზებულ“ მტაცებელთაგან. ეს იქნება ხელისუფლების სათავეში მოქცეული თბილისელი მენშევიკების კავშირი თურქ-გერმანულ იმპერიალისტებთან რუსეთის რევოლუციის წინააღმდეგ“.

სეიმის გადაწყვეტილების საპროტესტოდ თბილისსა და საქართველოს სხვა ადგილებში დემონსტრაციები და მიტინგები გაიმართა, ხოლო პირველ მაისს თბილისის მშრომელთა დიდმა მიტინგმა ძმური სალაში გაუგზავნა რუსეთის გმირ პროლეტარიატს და თავის რეზოლუციაში აღშფოთებული პროტესტი გამოთქვა საბჭოთა რუსეთისაგან ამიერკავკასიის მოწყვეტის გამო.

როგორც მოსალოდნელი იყო, ამიერკავკასიის „დამოუკიდებელი ფედერაციული რესპუბლიკა“ იმპერიალისტ ინტერვენტებზე დამოკიდებული აღმოჩნდა. გარდა ამისა, მის შიგნით გაიშალა ბრძოლა ამიერკავკასიის ნაციონალისტურ პარტიებს შორის, რის გამოც 26 მაისს სეიმმა იგი დაშალა და იმავე დღეს საქართველოს ეროვნულმა საბჭომ საქართველო „დამოუკიდებელ“ რესპუბლიკად გამოაცხადა.

მალე საქართველოს მენშევიკურმა მთავრობამ, საქართველოს დამოუკიდებლობის დაცვის საზღვრით, კავშირი შეკრა გერმანულ იმპერიალისტებთან და იენისის პირველ რიცხვებში თბილისში გერმანელთა ჯარის ნაწილები ჩაშვიდა. ვ. ი. ლენინმა საქართველოს ეს „დამოუკიდებლობა“ შეათასა, როგორც ყოვლად აშკარა მოტყუება და მიუთითა, რომ სინაძეძეძეში ეს იყო „საქართველოს ოკუპაცია და სრული დაპყრობა გერმანელი იმპერია-

ლისტების მიერ, გერმანული ხიშტების კავშირი მენშევიკურ მთავრობასთან ბოლშევიკი მუშებისა და გლეხების წინააღმდეგ“.

მენშევიკების გაძლიერებული რეპრესიების შედეგად, განსაკუთრებით მძიმე მდგომარეობაში ჩავარდნილი თბილისის ხელმძღვანელი პარტიული ჯგუფი ჩრდილოეთ კავკასიაში გადავიდა, თბილისში კი დარჩა სამხარეო კომიტეტის თბილისის ბიურო მ. ცხაკაიას ხელმძღვანელობით.

მენშევიკური მთავრობის ბურჟუაზიულ პოლიტიკას უნდა მოყოლოდა და მოყვა კიდევ მრეწველობის დაცემა, ხოლო ამ უკანასკნელის ბუნებრივი შედეგი გახდა მუშათა კლასის მდგომარეობის გაუარესება და საგაფიცო მოძრაობის ზრდა. ჩვეულებრივი მოკლენა გახდა კონფლიქტები მუშებსა და მეწარმეებს შორის იმის გამო, რომ სამუშაო დღე ხშირად 10 — 12 საათს აღწევდა, განუწყვეტლივ ხდებოდა ხელფასების შემცირება. 1920 წელს ის 15-ჯერ ნაკლები იყო 1913 წელთან შედარებით.

1919 წელი თბილისში მუშათა მიტინგებით, გაფიცებებითა და დემონსტრაციებით დაიწყო, რაც შეეხება ქვეყნის ეკონომიურ რღვევას, იგი მთელი წლის განმავლობაში გრძელდებოდა.

მიუხედავად იმისა, რომ მენშევიკურმა მთავრობამ კანონი გამოსცა, რომლითაც მუშებს ეკრძალებოდათ გაფიცების მოწყობა, 1919 წლის 24 მარტს თბილისის თვითმმართველობის მოსამსახურეებმა გაფიცვა გამოაცხადეს; რომელიც ამ პერიოდის გაფიცვათა შორის ყველაზე დიდი იყო. მასში მონაწილეობდნენ ქალაქის საწარმოების და ტრამვაის მუშები, ქალაქის გამგეობისა და მისი სხვა დაწესებულებების მოსამსახურეები.


მენშევიკების სასტიკი რეპრესიების მიუხედავად, გაფიცვა ფართოდ გავრცელდა და სოლიდარობის გამოძახილს იწვევდა მთელ ამიერკავკასიაში. თბილისის ბოლშევიკებმა მოწოდებით მიმართეს საწარმოთა მუშებს, რათა დახმარებოდნენ გაფიცულებს როგორც მატერიალურად, ისე მორალურად. თბილისის მუშათა კლასი მხურვალედ გამოეხმაურა ამ მოწოდებას და მალე მეღვინეთა, მეტყუვეთა, მბეჭდავთა, ფარმაცევტთა და სხვა კავშირებმა მიიღეს დადგენილება გაფიცულებისადმი

¹ ვ. ი. ლენინი, თხზ., ტ. 28, გვ. 7—8.

² იხ. სოციალისტური რევოლუციის გამარჯვება საქართველოში, სტატიების კრებული, გვ. 98.



უნივერსიტეტის მეორე კორპუსი



ტყსთაველის პროსპექტი

მხარდაჭერისა და ფელადი დახმარების შესახებ. გაფიცვამ განსაკუთრებით დიდი მხარდაჭერა ჰპოვა ბაქოს პროლეტარიატის მხრივ; მას გამოეხმაურა და თანაგრძნობა გამოუცხადა თითქმის ყველა პროფესიის მუშამ. ასე მიიღო ეკონომიურ ნიადაგზე დაწყებულმა გაფიცვამ პოლიტიკური ხასიათი და გადაიქცა მენშევიკური მთავრობის საშინაო და საგარეო პოლიტიკის გაკოტრების მძლავრ დემონსტრაციად.

საქართველოს ბოლშევიკურმა ორგანიზაციამ, რომელსაც სამხარეო კომიტეტის თბილისის ბიურო ხელმძღვანელობდა, გამოაცოცხლა მუშაობა. თბილისში ჩამოვიდა რსდმპ (ბ) კავკასიის სამხარეო კომიტეტი, არჩეულ იქნა თბილისის კომიტეტის ახალი შემადგენლობა და ფართო ბრძოლა გაიშალა შეიარაღებული აჯანყების მოსამზადებლად.

1919 წლის მაისის დამდეგს თბილისში ჩამოსულმა ს. ორჯონიკიძემ, ადგილობრივ ორგანიზაციებს გააცნო ცენტრალური ორგანოების მითითებანი საქართველოში შეიარაღებული აჯანყების მომზადებისა და ჩატარების შესახებ.

ამის შესაბამისად შემოდგომაზე სამხარეო კომიტეტის პლენუმმა მიიღო გადაწყვეტილება სოციალისტური რევოლუციის მეორე წლისთავთან დაკავშირებით შეიარაღებული აჯანყების მოწყობის შესახებ. ბოლშევიკებმა ჩაატარეს უდიდესი მოსამზადებელი მუშაობა — შეიქმნა სამხედრო-რევოლუციური შტაბი, დიდი მუშაობა იქნა გაწეული სამხედრო ნაწილებთან, გაიგზავნა რწმუნებულები ყველა მაზრაში, მიღებულ იქნა ზომები ხალხის შესაიარაღებლად და ა. შ. მაგრამ იმის გამო, რომ დაპატიმრებულ იქნა სამხედრო-რევოლუციური შტაბი, ამან საყოველთაო ხასიათი ვერ მიიღო და იგი მარცხით დამთავრდა. მიუხედავად ამისა, აჯანყება მაინც უდიდესი მნიშვნელობის მოვლენა იყო. აჯანყების არაადამიანური სისასტიკით ჩახშობამ ნიღაბი ჩამოხადა მენშევიკებს, ხოლო მშრომელები ერთხელ კიდევ დაარწმუნა, რომ მენშევიკების რეჟიმისა და უცხოელი ინტერვენტებისაგან განთავისუფლება მხოლოდ საბჭოთა რუსეთთან კავშირითა და მათი დახმარებით შეიძლებოდა.

მიუხედავად დამარცხებისა, ბოლშევიკებს არ მოუხსნიათ ახალი აჯანყებისათვის მზადების საკითხი. მათ 1920 წელს მოამზადეს და ჩაატარეს

საპირველმაისო დემონსტრაცია, როგორც ერთ-ერთი უმნიშვნელოვანესი ღონისძიება აჯანყების წარმატებისათვის. იგი ჩატარდა ბოლშევიკური ლოზუნგებით „მთელი ძალაუფლება საბჭოებს!“, „გაუმარჯოს საბჭოთა რუსეთს!“, „ძირს მენშევიკები!“ და ა. შ.

მენშევიკებმა გაცოფებით შეუტიეს დემონსტრანტებს, იარაღით ჩაახშვეს იგი და დააპატიმრეს 100-ზე მეტი ბოლშევიკი, მაგრამ ვერ შესძლეს შეეჩერებინათ მზადება აჯანყებისათვის.

საბჭოთა რუსეთის სიძლიერემ, მის მიერ კონტრ-რევოლუციის ძალების განადგურებამ და სამოქალაქო ომის ბრწყინვალე გამარჯვებით დამთავრებამ, მეორე მხრით კი საქართველოში ღრმა სოციალ-ეკონომიურმა კრიზისმა, მენშევიკები იძულებული გახადა ეცნო საბჭოთა რუსეთი და დაეწყო მასთან მოლაპარაკება სამშვიდობო ხელშეკრულების დადების შესახებ.

1920 წლის 7 მაისს დაიღო ეს ხელშეკრულება, რომლითაც მენშევიკებმა იკისრეს ვალდებულება განედევნათ საქართველოს ტერიტორიიდან ყველა უცხო ჯარი და სამხედრო რაზმები, გაეთავისუფლებინათ ბოლშევიკი პატიმრები და მიეცათ ლეგალური არსებობის უფლება ბოლშევიკური ორგანიზაციებისათვის.

20 ივნისს თბილისში ჩამოვიდა ს. მ. კიროვი, რომელიც დაინიშნა საბჭოთა ხელისუფლების სრულუფლებიან წარმომადგენლად საქართველოში. კიროვმა უდიდესი დახმარება გაუწია საქართველოს ბოლშევიკებს პარტიული ორგანიზაციების განმტკიცებისა და საბჭოთა ხელისუფლების დამყარებისათვის ბრძოლაში.

საქართველოს ბოლშევიკები შეეცადნენ განემტკიცებინათ პარტიული ორგანიზაციები. მაისში არჩეულ იქნა საქართველოს კომუნისტური პარტიის (ბ) დროებითი ცენტრალური კომიტეტი, რომელმაც მოიწვია პარტიული თათბირები და შეუდგა ახალი პირობების შესაბამისად ტაქტიკის საკითხების შემუშავებას. ისინი აქტიურად იბრძოდნენ, რათა უნარიანად შეეხამებინათ ლეგალური და არალეგალური მუშაობა. 1920 წლის 20 ივნისს გამოუშვეს საქართველოს კომუნისტური პარტიის (ბ) ცენტრალური კომიტეტის ორგანო — გაზეთი „კომუნისტი“ ქართულ ენაზე, ხოლო პირველი ივლისიდან რუსულ ენაზე. გაზეთებმა ხელი შეუწყვეს

მშრომელი მასების გათვითცნობიერებას, უფრო ნათლად გაარკვიეს ისინი მოვლენებში და დაეხმარნენ ბოლშევიკებს პარტიული ორგანიზაციების განმტკიცებაში.

მენშევიკებმა არ შეასრულეს ხელშეკრულებით გათვალისწინებული არც ერთი პირობა — ამარაგებდნენ ვრანგელის არმიას იარაღით და ნედლეულით, დაიწყეს ბოლშევიკური ორგანიზაციების განადგურება და ბოლშევიკების დაპატიმრება, დახურეს მათი გაზეთები და ა. შ. მენშევიკების ამ მხეტარ რეპრესიებს მუშათა კლასმა და მისმა პარტიამ მძლავრი პროტესტით უპასუხეს. საქართველოს კომუნისტური პარტიის (ბ) თბილისის კომიტეტმა ყველა პარტიული ორგანიზაციისა და მუშის სახელით განაცხადა, რომ „მტრების ვერავითარი ძალადობა, რეპრესიები და თვითნებობა ვერ დაანგრევს კომუნისტების მტკიცე ორგანიზაციებსო“¹.

1920 წლის ბოლოსათვის ქვეყნის ეკონომიურმა რღვევამ უკიდურეს წერტილს მიაღწია, დაიხურა ფაბრიკა-ქარხნების უმრავლესობა, მოიშალა სავაჭრო ბალანსი, წარმოუდგენლად გაძვირდა პირველი მოხმარების საგნების ფასი, კატასტროფიულად დაეცა ქალაქის ფულის ღირებულება.

მძიმე ეკონომიურ მდგომარეობას რევოლუციური მოძრაობის გაფართოება მოყვა. სულ უფრო და უფრო იზრდებოდა გაფიცვები და მასში მონაწილეთა რიცხვი. მენშევიკების საქართველოში ბატონობის სამმა წელმა ქვეყანა აუცილებელ კატასტროფამდე მიიყვანა.

ქართველმა ბოლშევიკებმა კარგად გამოიყენეს შექმნილი მდგომარეობა და პრაქტიკულად შეუდგ-

ნენ აჯანყების ორგანიზაციას. 15 დეკემბერს კავკასიის ბიურომ, რომელსაც გ. ორჯონიკიძე ხელმძღვანელობდა, მიიღო გადაწყვეტილება შეიარაღებული აჯანყების შესახებ, შეიმუშავა აჯანყების გეგმა და დანიშნა მისი ვადა.

ამ გეგმით 11 თებერვალს ლორის რაიონში დაიწყო აჯანყება, რომელიც სწრაფად გავრცელდა მეზობელ მაზრებსა და რაიონებში. 16 თებერვალს შულავერში შეიქმნა რევოლუციური კომიტეტი შეიარაღებული აჯანყების ხელმძღვანელობისათვის — ა. გეგეჭკორის, ფ. მახარაძის, მ. ორახელაშვილის, ბ. კვიციანიას, შ. ელიავას და სხვ. შემადგენლობით.

რევოლუციურმა კომიტეტმა 18 თებერვალს საქართველოს მშრომელებს მიმართა მოწოდებით: „დამხეთ ყველგან მენშევიკების ხელისუფლება! ხელთ აიღეთ ადგილებზე მთელი ძალაუფლება! შექმენით ადგილობრივი რევოლუციური კომიტეტები! ხელი მოკიდეთ იარაღს, ამხანაგო მშრომელებო! წინ, საბჭოთა ხელისუფლებისათვის!“


მენშევიკებმა უკანასკნელი ძალები დაძაბეს აჯანყების წინააღმდეგ. მათ საგანგებო ზომები მიიღეს, რათა შეენარჩუნებინათ ძალაუფლება, მაგრამ მათი არსებობის დღეები დათვლილი იყო. 25 თებერვალს აჯანყებულთა რაზმები და წითელი არმიის ნაწილები თბილისში შევიდნენ.

ამის შემდეგ, სულ მოკლე დროში, საბჭოთა ხელისუფლება დამყარდა მთელ საქართველოში, რითაც დასრულდა ბრძოლა სოციალისტური რევოლუციისათვის ამიერკავკასიაში.

¹ გაზ. „კომუნისტი“, № 2, 1920.

¹ მარქსიზმ-ლენინიზმის ინსტიტუტის საქართველოს ფილიალის არქივი, ფონდი № 54, საქმე 64.





ლევან მანაბლა

თბილისი—ცენტრი ძველი ქართული
მწერლობისა

საქართველოს სახელოვანი დედაქალაქი საუკუნეთა მანძილზე დიდ როლს ასრულებდა ქართველი ხალხის ცხოვრებაში და ხშირად წარმართავდა მის ისტორიულ მსვლელობას; არსებითად ის იყო ცენტრი ქართველთა პოლიტიკურ-ეკონომიური ცხოვრებისა. თბილისივე იყო ცენტრი ქართველთა საზოგადოებრივი ცხოვრებისა, ქართველთა კულტურულ-ლიტერატურული შემოქმედებითი მუშაობისა.

თბილისში აყვავდა და განვითარდა ქართული სასულიერო-საეკლესიო მწერლობა და საერო-მხატვრული ლიტერატურა, აქ მიაღწია განვითარების უმაღლეს მწვერვალს ქართულმა სულიერმა კულტურამ. აქაურ კულტურულ-ლიტერატურულ გარემოში გაიფურჩქნა პოეტური გენია მრავალი ქართველი კალმისოსტატისა. თბილისელი მწერლები ახლო კავშირსა და ცხოველ ურთიერთობაში იყვნენ საქართველოს სხვა პუნქტებში მოღვაწე მწიგნობრებთან, მწერლებთან და მეცნიერებთან, კულტურულ-შემოქმედებით მუშაობას ეწეოდნენ მოწინავე ერთა კულტურულ-ლიტერატურული ურთიერთშემოქმედების სფეროში და ენერ-

გიულად იღვწოდნენ ქართული ლიტერატურის ზრდა-განვითარებისათვის. ამდენად თბილისი ძველი ქართული მწერლობის მძლავრ ცენტრს წარმოადგენდა და მასთან იყო დაკავშირებული განვითარება მრავალსაუკუნოვანი ქართული ლიტერატურისა, რომელიც ადრეულ ხანაში, მეტწილად, მეფე-დიდებულთა სასახლეებსა და ეკლესია-მონასტრებში იყო თავშეფარებული.

საგულისხმოა, რომ ძველი ქართული მწერლობის ადრინდელი ძეგლების დიდი უმრავლესობა თბილისს გარეთაა შეთხზული. ასე, მაგალითად, ჩვენამდე მოღწეულ ორიგინალურ ნაწარმოებთა შორის უპირველესი თხზულება, იაკობ ხუცესის „წამებაჲ წმიდისა შუშანიკისი დედოფლისაჲ“, ქვემო ქართლში, ცურტავეშია დაწერილი 476—483 წლებში; მომდევნო ნაწარმოები: „მარტულობაჲ და მოთმინებაჲ წმიდისა ევსტათი მცხეთელი-საჲ“ — მცხეთაში; შემდეგი ხანის თხზულებანი დაწერილია დასავლეთ საქართველოსა თუ საბერძნეთში (ცხოვრებაჲ და წამებაჲ წმიდისა მოწამისა კოსტანტისი ქართველისაჲ, რომელი იწამა ბაბილონელთა მეფისა ჯაფარის მიერ¹⁾),

ტბეთში (წამებად წმიდისა მოწამისა გობრონისი, რომელი განიყვანეს ყუელის ციხით¹), ზარზმამში (ცხოვრება და მოქალაქობა ლმერთ-შემოსილისა ნეტარისა მამისა ჩუენისა სერაპიონისი²), ხანძთასა (შრომა და მოლუაწებად ლირსად-ცხოვრებისა წმიდისა და ნეტარისა მამისა ჩუენისა გრიგოლისი არქიმანდრიტისა ხანძთისა და შატბერდისა აღნაშენებელისა და მის თანა კსენებად მრავალთა მამათა ნეტართად³) და სხვ.

ადრინდელი ხანის ქართული ლიტერატურიდან ამ მხრივ ბედნიერ გამონაკლისს წარმოადგენს გამოჩენილი ქართველი მწერლისა და მოაზროვნის იოანე საბანისძის ფრიად საყურადღებო აგიოგრაფიული თხზულება, რომლის სრული სათაური ასე იკითხება: „წამებად წმიდისა და ნეტარისა მოწამისა ქრისტესისა ჰაბოაისი, რომელი იწამა ქართლს შინა, ქალაქსა ტფილისს, ჳელითა სარკინოზთათა, გამოთქმული იოვანე, ძისა საბანისი, ბრძანებითა ქრისტეს მიერ სამოელ ქართლისა კათალიკოზისაჲთა“¹. ესაა ჩვენთვის ცნობილი პირველი ქართული ნაწარმოები, რომელიც თბილისშია დაწერილი. არსებითად ის გვაცნობს ჩვენ ძველი თბილისის ლიტერატურულ ინტერესებს, მისი მიხედვით შეგვიძლია შევიქმნათ წარმოდგენა ძველი თბილისის ლიტერატურულ ცხოვრებაზე.

იოანე საბანისძე² ადრინდელი ფეოდალური ხანის ქართული ლიტერატურის თვალსაჩინო

ნო წარმომადგენელია. მისი სახელით ჩვენამდე მოღწეულია ქართული მხატვრული პროზის შესანიშნავი ნიმუში. მართალია, მისი იდეოლოგია და მსოფლგაგება ჩვენთვის ყოველთვის მისაღები არაა, მაგრამ, საყურადღებოა, რომ მასაც აინტერესებდა ის აქტუალური პრობლემები, რომელთაც დღემდე არ დაუკარგავთ მნიშვნელობა.

ი. საბანისძე ძირითადად აგიოგრაფიის საბიბლიოგრაფიულ მოღვაწეობდა, მაგრამ, მიუხედავად მისი იდეური მიზანდასახულებისა და ენარობრივი სპეციფიკით გამოწვეული შეზღუდულობისა, შედარებით, კარგად და სრულად ასახავდა სინამდვილეს. ის ვერ მოთავსდა სასულიერო-საეკლესიო მწერლობის მიერ შემუშავებულ ჩარჩოებში, თავი აარიდა დამკვიდრებულ ტრადიციებს და შაბლონს, გასცილდა ქრისტიანული რელიგიის საწმუნოებრივი დოგმების ახსნა-განმარტებას; მან დასძლია ფორმალური და შინაარსობრივი ჩარჩოები და დაგვიტოვა მაღალმხატვრული ნაწარმოები, რომელშიც გვანავითარა პატრიოტული იდეები, ცხოვრება ასახა ღრმად, გმირის სახე დაგვიხატა ცოცხლად და დამაჯერებლად, პერსონაჟები წარმოგვიდგინა ადამიანური განცდებითა და მისწრაფებებით.

ი. საბანისძე კარგად გვაცნობს ჩვენი ხალხის ისტორიული ცხოვრების ერთ მონაკვეთს, მე-8 საუკუნის მეორე ნახევრის ქართლის პოლიტიკურსა და ეკონომიურ მდგომარეობას, საეკლესიო ორგანიზაციას. აღნიშნული ხანის შესწავლისას ი. საბანისძის თხზულებას პირველხარისხოვანი საისტორიო წყაროს მნიშვნელობა ენიჭება¹.

აბოს მარტვილობა ორიგინალურად მოფიქრებული და გეგმაშეწონილად გააზრებული ნაწარ-

¹ დაუთია მრავალ ხელნაწერში (A №№ 19, 70, 95, 130, 170, 176, 1109; II № 2077; Sin. № 11 — აკად. ი. ჯავახიშვილის აღწერილობით; Ath. № 57 — აკად. ნ. მარის აღწერილობით და სხვ.). გამოცემები: 1. მ. საბანისი, საქართველოს სამოთხე, სპბ., 1882, გვ. 333—356; 2. შმიდა მოწამე აბო ტფილელი, ქ. კარბელაშვილის გამოცემა, თბილისი, 1899; 3. ადრინდელი ფეოდალური ქართული ლიტერატურა, I. იოანე საბანისძე, II. ბასილ ზარზმელი, პროფ. კ. ქეკელიძის რედაქციითა და გამოკვლევით, თბილისი, 1935, გვ. 7—96; 4. ძველი ქართული ლიტერატურის ქრესტომათია, I, შედგენილი ს. ყუბანეიშვილის მიერ, თბილისი, 1947, გვ. 55—71; 5. ქართული ენის ისტორიული ქრესტომათია, ტ. I (V—X საუკუნეების ძეგლები), გამოსცა და ტაბულები და ლექსიკონი დაურთო ი. იმნაიშვილმა, თბილისი, 1949, გვ. 177—204; მეორე გამოცემა, შეესებულ და შესწორებულ, თბილისი, 1953, გვ. 176—202.

² სინას მთის ერთ ქართულ ხელნაწერში ის იოანე საბანეანდაა მოხსენიებული (ი. ჯავახიშვილი, სინის მთის ქართულ ხელნაწერთა აღწერილობა, თბილისი, 1947, გვ. 29).

¹ ი. ჯავახიშვილი, ისტორიის მიზანი, წყაროები და მეთოდები წინათ და ახლა, წიგნი I, ძველი ქართული საისტორიო მწერლობა (V—XVIII სს.), მეორე-მესამე შეკრებული გამოცემა, თბილისი, 1945, გვ. 67—76; ს. ჯანაშია, არაბობა საქართველოში, შრომები, II, თბილისი, 1952, გვ. 393—398. თარგმნილია ის რუსულსა (М. Сабанія, Полное жизнеописание святых грузинской церкви ч. I СПб., 1871, გვ. 166—176, Памятник древнегрузинской литературы, грузинский текст перевел, исследован и примечаниями снабдил академик АН СССР проф. К. С. Кекелидзе, Т., 1956, гв. 29—60) და გერმანულ (K. Schultze, Das Martyrium des heiligen Abo von Tiflis, Texte und Untersuchungen, N. Folge XII, 4, Leipzig, 1905) ენებზე.

მოგზაობა. ამ დიდი მხატვრული ტილოს ავტორი, მართალია, გაქრისტიანებული არაბის თავგადასავალს გვაცნობს. მაგრამ ეს მისთვის არც მთავარია და არც არსებითი, ის მეტწილად ამ ფაქტის ისტორიული მნიშვნელობითაა დაინტერესებული. ი. საბანისძე უშუალო გულწრფელობითა და მარჯვე ოსტატობით მახვილგონიერულად წარმოგვიდგენს ქართლის პოლიტიკურ ვითარებასა თუ სარწმუნოებრივ მდგომარეობას. მგზნებარე პატრიოტს გულს უკლავს დამონებულ თანამოძმეთა ხილვა, უფლებააყრილ თანამემამულეთა ჩაგვრა და მშობელი ხალხის ეროვნულ-სარწმუნოებრივი კატასტროფის მოახლოება. ღრმა გულსტიკივლითა და მწარე განცდით აღწერს ის თანამედროვეთა მდგომარეობას: „ნაშობნი ქრისტიანეთანი გარდაგულარძნეს: რომელნიმე მძლავრებით, რომელნიმე შეტყუვლით, რომელნიმე სიყრმესა შინა უმეტრებით, რომელნიმე მზაკუვარებით“, ხოლო სხვანი „მძლავრებასა ქუეშე დამონებულნი და ნაკლულევანებითა და სიგლახაკითა შეკრულნი, ვითარცა რკინითა, ხარკსა ქუეშე მათსა გუემულნი და ქენჯნილნი, ძვრ-ძვრად ზღვეულნი, შიშითა განილევინ და ირყევიან, ვითარცა ლერწამნი ქართავან ძლიერთა“¹.

ქართველთა მძიმე და აუტანელი მდგომარეობით აღვლევებული და გულდასერილი მამულიშვილი ენერგიულად შეუდგა ქართველთა შორის შენელებული და მიყუჩებული ეროვნული თვითშეგნების გაღვივებასა და განმტკიცებას. ეროვნული ფიზიონომიის შენარჩუნებისათვის მან საჭიროდ მიიჩნია ქართველთა დარაზმვა ქრისტიანული დროშის ქვეშ, ქართველთა გაერთიანება ეროვნული ეკლესიის საშუალებით. არსებითად ი. საბანისძე არის პირველი ქართველი მწერალი, რომელიც მკვეთრი ეროვნული ლოზუნგებით გამოვიდა ძველ ქართულ ლიტერატურაში და მთელი არსებით შეუდგა ეროვნული თვითშემეცნების გაღვივებას².

ი. საბანისძე საკმაოდ დახელოვნებული მხატვარი და ცხოვრებაში ღრმად ჩახედული მოაზროვნეა. ის მომხიბლავ ძალას ანიჭებს ოსტატურად

¹ ადრინდელი ფეოდალური ქართული ლიტერატურა, გვ. 58.

² იქვე, გვ. 39—45; შდრ. ს. ყუბანეიშვილი, სამშობლოსათვის ბრძოლისა და თავდადების მოტივები ძველ ქართულ ლიტერატურაში (V—XII სს.), თბილისი, 1942, გვ. 9—14.

დახატულ სურათებს; მისი სტილი დარბაისლურია, ენა—გამართული და ჩამოყალიბებული, სიტყვიერი მარაგი—საკმაოდ მდიდარი. ყოველივე აღნიშნული ი. საბანისძეს საპატიო ადგილს ანიჭებს ძველი ქართული ლიტერატურის ისტორიაში¹. ამის გათვალისწინების შემდეგ ჩვენთვის აღარაა გაუგებარი თუ რატომ შეჩერდა სამოელ კათოლიკოსის (780—790) არჩევანი ი. საბანისძეზე, რად დაავალა ქართველმა მღვდელმთავარმა აბოს თავგადასავლის აღწერა მას და არა სხვა ვინმეს. მართალია, ი. საბანისძე აბოს თანამედროვე და თვითმხილველი იყო, ის ახლო იცნობდა აბოს და მეგობრობდა კიდევ მასთან, მაგრამ ეს არ კმარა და იმისთვის, რომ სამოელის არჩევანი მასზე შეჩერებულიყო. როგორც ჩანს, მას უკვე ჰქონდა სათანადო სახელი მოხვეჭილი, მისი „წადიერებად ღმრთისმსახურებისათვის და ღმრთიემიმადლებული მეცნიერებად საღმრთოთა წიგნთა და გულსმოდგინებად კეთილთა საქმეთა მოლუაწებისათვის“ ცნობილი ყოფილა სამოელისათვის². ეს გარეგნობა საფიქრებელს ხდის, რომ ი. საბანისძეს, ალბათ, სხვა თხზულებანიც ექნებოდა დაწერილი³. თუ ეს ვარაუდი სწორია, მაშინ ისიც შეიძლება დავუშვათ, რომ ი. საბანისძე სხვა თხზულებებსაც თბილისში დაწერდა, რადგან ის აქაურ მკვიდრად, აქაური მოვლენების კურსში მყოფ პირად გვევლინება.

საინტერესოა ქართული ეკლესიის საკეთმპყრობლის მოქმედებაც. როგორც მისი წერილიდან ჩანს, მას აღძვრია სურვილი: „რამათა დაიწეროს სანატრელისა (აბოსი — ლ. მ.) მარტლობად, ვითარცა პირველთა მათ ქრისტეს მოწამეთა, და დაიდვას იგიცა წმიდასა, კათოლიკე ეკლესიასა შინა მოსაქსენებლად ყოველთა, ვინ იყვნენ შემდგომად ჩუენსა“⁴.

¹ კ. ქიქელიძე, ძველი ქართული მწერლობის ისტორია, ტ. I, მესამე, გადამუშავებული და შევსებული გამოცემა, თბილისი, 1951, გვ. 113—116; ქართული ლიტერატურის ისტორია, ტ. I, კ. ქიქელიძე, ა. ბარამიძე, ძველი ქართული ლიტერატურა (V—XVII სს.), თბილისი, 1954, გვ. 65—90. საყურადღებოა აგრეთვე აკად. ვ. ვასილიცკის, J. Martens-ის, P. Peeters-ისა და სხვ. შრომები.

² ადრინდელი ფეოდალური ქართული ლიტერატურა, გვ. 55.

³ ი. ჯავახიშვილი, ძველი ქართული საისტორიო მწერლობა, გვ. 67, შენ. 1.

⁴ ადრინდელი ფეოდალური ქართული ლიტერატურა, გვ. 55.

აღნიშნული გარემოება უფლებას გვაძლევს დავასკვნათ, რომ მე-8 საუკუნის მეორე ნახევარში ქართული ეკლესიის წიგნსაცავში არა ერთი აგიოგრაფიული თხზულება ინახებოდა. საგულისხმოა ის ფაქტიც, რომ ქართველ მღვდელმთავარს აღძვრია სურვილი ქართული ეკლესიის მოწამის თავგადასავლის აღწერისა და სათანადო ლიტერატურული დოკუმენტის შესაქმნელად თბილისელი მოღვაწის, იოანე საბანისძისათვის მიუმართავს. თავისთავად ეს ფაქტი უკვე მოწმობს თბილისში ლიტერატურული ტრადიციების არსებობას და აქაურ მოღვაწეთა დაინტერესებას სასულიეროსავეკლესიო მწერლობით, კერძოდ—აგიოგრაფიით.

სამეცნიერო ლიტერატურაში გამოთქმულია მოსაზრება, რომ აბოს საგალობელი („ქებაჲ წმიდისა აბოჲსი“), რომელიც ჭილ-ეტრატის „იადგარში“ (H № 2123) გვხვდება, შეიძლება ეკუთვნოდეს ი. საბანისძეს. თუ ეს სწორია, მაშინ აღნიშნული თხზულება თბილისში დაწერილად უნდა მივიჩნიოთ¹.

ი. საბანისძის შემდეგდროინდელი თბილისის ლიტერატურულ ცხოვრებაზე ჩვენ კარგა ხანს აღარაფერი ვიცით. საფიქრებელია, არაბთა ხანგრძლივმა ბატონობამ აქაური ლიტერატურული ძალები დაასუსტა, მწიგნობრულ-საგანმანათლებლო მუშაობა შეაფერხა, დასცა და დააქვეითა. თბილისი როგორც მძლავრი ცენტრი ქართული კულტურულ-ლიტერატურული ცხოვრებისა აღდგა და მთელი სიდიადით გამოჩნდა მე-12 საუკუნეში.

დიდად ზრუნავდა ქართული მწერლობის ზრდა-განვითარებისათვის გამოჩენილი ქართველი მეფე დავით აღმაშენებელი (1089—1125), რომელმაც ჯერ კიდევ ახალგაზრდობაში გამოავლინა თავისი ცხოველი ინტერესი კულტურულ-ლიტერატურული საქმიანობისადმი.

ძნელ ხანაში მოუხდა დავითს სახელმწიფოებრივი მოღვაწეობის დაწყება. სამეფო დაუძღვრებელი იყო და თურქთა თავაშვებულობას საზღვა-

რი არ უჩანდა: „მოაჯრებულ იყო ქართლი და თუნიერ ციხეთა სადამე არა სადა იყო კაცი სოფელსა შინა; არცა არა შენებულობა“². მრავალმხრივი და უალრესად ნაყოფიერი საქმიანობით, ბუნებრივი ნიჭისა და გამპერიახობის წყალობითა და თავდადებული მოღვაწეობით დავითმა თავისი სამეფო გაჭირვებისაგან გამოიყვანა და წინ ნათელი პერსპექტივა გადაუშალა. „მოგშენა ქუეყანა ქართლისა“, „ღლითი-დღე შეემატებოდა საზღვართა სამეფოსათა“. სახელოვანი, ძლევამოსილი ბრძოლების შედეგად „ყოველი სამეფო აღივსო ოქროთა და ვეცხლითა“³. მემატიანის ცნობით, დავითმა თავისი სამეფო გააძლიერა და გაამდიდრა, „განავსო და აღაშენა ყოველი ოჯერ-ქმნილი“⁴. მართლაც, საქართველომ არნახულ წარმატებას მიაღწია; ის გაფართოვდა ტერიტორიულად, გაძლიერდა პოლიტიკურად, მოღონიერდა ეკონომიურად. შეიქმნა და განმტკიცდა ზღვიდან ზღვამდე გადაჭიმული მძლავრი ფეოდალური მონარქია, რომლის ცენტრს მაჰმადიან მპყრობელთაგან განთავისუფლებული თბილისი წარმოადგენდა. ქართველთა ძველი დედაქალაქი მრავალეროვანი სახელმწიფოს პოლიტიკურ-ეკონომიური და კულტურულ-ლიტერატურული ცხოვრების ცენტრად იქცა. თბილისში ქართული ლიტერატურის ზრდა-განვითარებას ხელს უწყობდა ქართველ მეფეთა (დავით აღმაშენებლის, დიმიტრი პირველის, განსაკუთრებით—თამარის) მეცენატობა. განსაკუთრებით აღსანიშნავია ის გარემოება, რომ ქართველი მეფეები არა მარტო ხელს უწყობდნენ მეცნიერებისა და ლიტერატურის უჩვეულო წინსვლასა და განვითარებას, არამედ, შეძლებისდაგვარად, თვითონაც შეჰქონდათ წვლილი ამ დიდ საქმეში. აქ პირველ რიგში დავით აღმაშენებელი უნდა მოვიხსენიოთ.

დავითი, მემატიანის ცნობით, თავის თავს „უსწავლელსა“ და „სწავლულებისა და მეცნიერებისაგან დაშორებულს“ უწოდებდა⁵, მაგრამ ეს მხოლოდ მისი თავმდაბლობის გამოხატულება იყო და სინამდვილეს, რასაკვირველია, არ ასახავდა.

¹ ქ. გვიქელიძე, ახალი საგალობლები აბო თბილელისა, „მწიგნოსი“, 1905, № 13—14, გვ. 3—6; К. Кеке-л я д з е, Литургические грузинские памятники в отечественных книгохранилищах и их научное значение, Т., 1903, გვ. 357—358, შენ. 1; პ. ინგოროყვა, ძველი ქართული სასულიერო პოეზია, წიგნი I, ტექსტები (VIII—X საუკუნეები), თბილისი, 1913, გვ. ზ—ი; ძველი ქართული ლიტერატურის კრეოსტოზთა, I, გვ. 325—326.

² ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, I, თბილისი, 1955, გვ. 324.

³ იქვე, გვ. 342.

⁴ იქვე, გვ. 346.

⁵ იქვე, გვ. 357.

დავითი იყო უალრესად განსწავლული და ფრიად განათლებული პიროვნება, გულუბვი მეცენატი და ნაყოფიერი შემოქმედი. მან ადრევე ღრმად შეისწავლა ღვთისმეტყველება, სასულიერო-საეკლესიო მწერლობა, ისტორია, ვარსკვლავთმრიცხველობა და მეცნიერების სხვა დარგები. ძირითად წყაროს ცოდნის შესაძენად დავითისათვის მშობლიურ ენაზე არსებული ლიტერატურა წარმოადგენდა¹, მაგრამ ის საკმაოდ გაწაფულა მაჰმადიანურ ლიტერატურაშიც, კერძოდ, კარგად, საფუძვლიანად შეუსწავლია ყურანიც (მუჰამედ ალ-ჰამაის ცნობა)².

დავითი უალრესად მნიშვნელოვანი სახელმწიფოებრივი ამოცანების გადაჭრისას თუ სამხედრო ოპერაციების ჩატარების დროსაც არ იფიწყებდა წიგნებს და თან დაჰქონდა ისინი ლაშქრობაში, მგზავრობასა თუ ნადირობაში. ასეთ პირობებშიც კი ახერხებდა ის დრო გამოენახა კითხვისათვის, ადღე და ღამე მიმოსვლათა შინა მიმდგმთა, ლაშქრობათა მოუწყენელთა, შრომათა განუსუენებელთა წიგნები ეტურთა სიმრავლესა ჯორთა და აქლემთასა; და სადა გარდაჯდის ჰუნესა, პირველ ყოვლისა წიგნი მოაქუნდიან ჯელითა, და არა დააცადის კითხვა, ვიდრე არა დაშურის³. განსაკუთრებით აღსანიშნავია, რომ ნადირობის გამს ის წიგნების კითხვით იყო გართული, „წიგნი აქუნდიან ჯელთა და, რაემს ეამი იყვის, მისცნის ვისმე მსახურსა და ესრეთ დევნა უყვის⁴. საბრძოლო ოპერაციის ჩატარებისას წიგნის კითხვამ დაღუპვის პირას მიიყვანა სახელოვანი მამულიშვილი და მხოლოდ საოცარმა ვაეკაცობამ იხსნა ის მარცხისგან⁵.

დღენიადაგ კითხვამ და მეცადინეობამ სავსებით განსაზღვრა დავით აღმაშენებლის კულტურ-

¹ ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩი შვილის მიერ, I, თბილისი, 1955, გვ. 347; შდრ. ნ. ბერძენი შვილი, საქართველოს რუსეთთან შეერთების ისტორიული მნიშვნელობისათვის, „მნათობი“, 1954, № 6, გვ. 122. დავითისათვის უნდა იყოს გადაწერილი საკითხავთა კრებული S № 384 (თ. ყორღანია, კრონიკები, I, თბილისი, 1892, გვ. 19, 221, 236; შდრ. ენიშის მოაზრებ, XI V, 1944, გვ. 363).

² M. Brosset, Additions et Eclaircissements à L'Histoire de la géorgie, St.-P. 1851, p. 237.

³ ქართლის ცხოვრება, I, გვ. 348.

⁴ იქვე.

⁵ იქვე, გვ. 349—350.

რულ-ლიტერატურული საქმიანობა, როგორც შემოქმედისა და მეცენატისა, და მას დიდი მეცნიერისა და მოაზროვნის სახელი მოუპოვა. საინტერესოა მემბტიანის მიერ შემონახული სიტყვები არაქართველი მოღვაწეებისა, რომლებიც აღუფრთვანებია და გაუოცებია დავითის განსწავლულობას ქართველ-სომეხთა სარწმუნოებრივი პაექრობის დროს: „ჩუენ, მეფეო, მოწაფე გუეგონე ამათ მოძღუართა თქუენთა, ვარნა, ვითარ ვხედავთ, შენ სამე ხარ მოძღუარი მოძღუართა, რომლისა ბრქალსა ვერ მიწუუთარ არიან ევე მოძღუარ საგონებელნი თქუენნი“¹.

დავით აღმაშენებელი დიდ ყურადღებას უთმობდა საქართველოს ეკლესიის მდგომარეობას. მის პოლიტიკურ ღონისძიებათა სფეროში ფრიად მნიშვნელოვანი ადგილი ეკუთვნის ქართული ეკლესიის დემოკრატიზაციის საქმეს. მისი ენერგიული ღონისძიებების შედეგად რუის-ურბნისის კრებამ (1103 წ.) მოსპო წოდებრივი უპირატესობა ქართულ ეკლესიაში და განსაკუთრებული მნიშვნელობა პირად ღირსებას მიანიჭა.

დავითი სხვა დროსაც არ აკლებდა ყურადღებას ქართულ ეკლესიას და შეუნელებელი ინტერესით ადევნებდა თვალს მის საქმიანობას ძალზე გულუბვად ეხმარებოდა საზღვარგარეთ არსებულ ქართულ ეკლესია-მონასტრებსა და კულტურულ-საგანმანათლებლო კერებს. მემბტიანის ცნობით, მან „ლაერანი და საკრებულონი და მონასტერნი არა თვსთა ოდენ სამეფოთა, არამედ საბერძნეთისნიცა, მთაწმიდისა და ბორღალეთისანი, მერმეკა ასურეთისა და კჰპრისა, შავისა მთისა, პალესტინისანი, აღავსნა კეთილითა, უფროსლა საფლავი უფლისა ჩუენისა იესო ქრისტესი, და მყოფნი იერუსალემისანი თუთოფერთა მიერ შესაწირავთა განამდიდრნა. მთასა სინასა აღაშენა მონასტერი, და წარსცა ოქრო მრავალათასეული, და მოსაკიდელნი ოქსინონი, და წიგნები საეკლესიო სრულებით...“²

საქართველოში არსებულ ეკლესია-მონასტერთაგან საგანგებოდ უნდა დავასახელოთ შიომღვიმე, რომელიც დავითის ზედამხედველობის ქვეშ

¹ ქართლის ცხოვრება, I, გვ. 357.

² იქვე, გვ. 352—353; შდრ. ქართლის ცხოვრების ძველი სომხური თარგმანი, ქართული ტექსტი და ძველი სომხური თარგმანი გამოკვლევითა და ლექსიკონით გამოსცა ი. ლ. აბუღაძე, თბილისი, 1953, გვ. 253.

იყო და მისი მხარდაჭერითა და დახმარებით სარგებლობდა¹.

დავითი არ კმაყოფილდებოდა არსებულით: მან „მოიგონა აღშენება“ ახალი მონასტრისა და 1106 წელს გელათის ტაძრის მშენებლობას შეუდგა. მალე ის თვალსაჩინო სასწავლო-სამეცნიერო ცენტრად იქცა. დავითმა იქ შეკრიბა „კაცნი პატროსანნი ცხოვრებითა და შემკულნი ყოვლითა სათნოებითა, არა თუსთა ოდენ სამეფოთა შინა პოენილნი, არამედ ქუეყანასა კიდეთათ სადათცა ესმა ვიეთმე სიწმიდე, სიკეთე, სისრულიე, სულიერითა და ჯორციელითა სათნოებითა აღსავესება, იძინა და გამოიძინა, მოიყვანა და დაამკვდრნა მას შინა“. საეკლესიო, რომ დავითი ახალგაზრდებს საბერძნეთში აგზავნიდა სასწავლებლად და განათლების მისაღებად (ვარდან დიდი)², ხოლო იქიდან და მახლობელი აღმოსავლეთიდან იწვევდა ქართველ მეცნიერებს და სამშობლოში მოღვაწეობისაკენ მოუწოდებდა. ჩვენ მოგვეპოვება პირდაპირი ცნობა იმის შესახებ, რომ დავითის დროს, 1114 წელს, საქართველოში დაბრუნებულან არსენ იყალთოელი, იოვანე ტარიქისძე და სხვა ქართველი სწავლულნი³.

დავითი თავგამოდებით ზრუნავდა ქართველ მეცნიერებსა და მწერლებზე, მხარში უდგა, ეხმარებოდა მათ. ცნობილი ფილოსოფოსი იოანე პეტრიწი საგანგებოდ აღნიშნავს, რომ ის „დავითის გამგონეობისა და წყალობათა და თანადგომისა

მინდობილი“ მოღვაწეობდა⁴. დავითთან ახლო იყო არსენ იყალთოელიც.

დავითის ენერგიული ზომებითა და ქართველ მეცნიერთა მრავალმხრივი საქმიანობის შედეგად გელათის აკადემია იქცა „მეორედ იერუსალემად, სასწავლოდ ყოვლისა კეთილისად, მოძღურად სწავლულებსად, სხუად ათინად, ფრიად უაღრეს მისსა“⁵. ე. ი. ის მიჩნეულ იქნა როგორც საერო-ფილოსოფიური, ისე სასულიერო-საეკლესიო განათლების თვალსაჩინო ცენტრად⁶.

დავითი განსაკუთრებულ ყურადღებას აქცევდა თბილისში დასახლებულ მოღვაწეებს: მწერლებს, მეცნიერებს, მწიგნობრებს. არაბი ისტორიკოსის იბნ ალ-ჯაუზის ცნობით, დავითმა თბილისში პოეტებისათვის თავშესაფარი ააგო, მათ ხშირად მატერიალურად ეხმარებოდა და სადღესასწაულო მეჯლისებსაც უმართავდა⁷.

დავით აღმაშენებელი არა მარტო ხელს უწყობდა და ეხმარებოდა მწერლობას, არა მარტო სხვებს მოუწოდებდა კულტურულ-საგანმანათლებლო საქმიანობისაკენ, არამედ თვით თხზავდა ჰიმნებს და, შეძლებისდაგვარად, წვლილი შექონდა ქართული ჰიმნოგრაფიის განვითარებაში. მისი სახელით მოღწეული თხზულება „გალობანი სინანულისანი“ ყურადღებას იქცევს სიტყვაკაზმულობით, აზრის სიღრმით, გრძნობის უშუალოებითა და განცდის გულწრფელობით⁸. ის კარგად გვიჩვენებს

¹ იოანე პეტრიწი, შრომები, II, ტექსტი გამოსცეს და გამოკლფვა დაურთეს შ. ნუცუბიძემ და ს. ყაუხჩიშვილი, თბილისი, 1937, გვ. 222.

² ქართლის ცხოვრება, I, გვ. 330—331.

³ გელათის აკადემიაზე იბ. ე. თაყაიშვილი, კლემფიფის კარის გარეგება, თბილისი, 1920, გვ. XXXII; გ. ჩუბინაშვილი, საქართველოს საერო ზეოთმომღვრების რამდენიმე ნიმუში, თბილისის უნივერსიტეტის მოამბე, III, 1923, გვ. 108—112; ს. ყაუხჩიშვილი, გელათის აკადემია, თბილისი, 1947.

⁴ M. Brosset, Addit., p. 241; ი. ჯავახიშვილი, ქართველი ერის ისტორია, II, თბილისი, 1948, გვ. 217; შდრ. მ. ჯანაშვილი, პოეტთა აკადემია საქართველოში, თბილისი, 1932, გვ. 14, 26. დავითის მეფობაში, საფიქრებელია, განვითარდა საერო-მატერიალური ლიტერატურა, მაგრამ, სამწუხაროდ, სათანადო მასალას ჩვენამდე არ მოუღწევია.

⁵ შემონახულია რამდენიმე ხელნაწერი (A № 85, 290, 518, 1290; K № 22, 94 და სხვ.). გამოცემები: „საქართველოს სასულიერო მახარებელი“, 1865, № 2, ივლისი, გვ. 1—12; საქ. სამოთხე, გვ. 513—518; ქრონიკები, II, გვ. 104—107; ძვ. ქართული ლიტერატურის ქრესტომათია, I,

¹ Грузинские церковные гуджари (грамоты), составил Д. Пурцеладзе, Т., 1881, гв. 94—96; Ф. Жордания, Звешчание царя Давида Возобновителя, данное Шло-Мгвнмской лавре в 1123 г., Т., 1895; მისივე, ისტორიული საბუთები შიომღვიმის მონასტრისა და „ძველი“ ვახანის ქვაბთა, თბილისი, 1896, გვ. 14—19; შდრ. მისივე, ქრონიკები, I, გვ. 243; II, თბილისი, 1897, გვ. 94—96; ანდრეი დავით აღმაშენებლისა შიომღვიმისთვის დაწერილი, ტექსტი გამოსცა კ. კახაბაძემ, თბილისი, 1912, დავით აღმაშენებელი შიომღვიმის ეკლესიის მშენებლად იხსენიება გიორგი ხუცეს-მონაზვნის მიერ გადაწერილ ტიბიკონშიც (H № 1349, 116 r).

² Вардан великий, Всеобщая история, М., 1861, гв. 147.

³ ქართლის ცხოვრება, I, გვ. 334; შდრ. თ. გორდანი, ქრონიკები, I, გვ. 225, 241. აღნიშნული ცნობა შემოუნახავს „ქართლის ცხოვრების“ რამდენიმე ხელნაწერს (S № 25, 30, 4770; A № 131; H № 2080).

აეტიორის საღვთისმეტყველო განათლებასა და ლიტერატურულ გემოვნებას, ნათლად გვაცნობს მისი ცხოვრების ინტიმურ მხარეს და რელიგიურ-ფსიქოლოგიურ განწყობილებას. გამოთქმულია მოსახრება, რომ გარდა დასახელებულისა, დავითს დაუწერია სხვა თხზულებანიც¹. სამწუხაროდ, სათანადო მასალა ჯერ არაა მიკვლეული და გამოზიარებული, მაგრამ, თავისთავად, ძნელი დასაჯერებელი არაა, რომ დავითს სხვა თხზულებანიც დაეწერა. ასე წარმოგვიდგება ჩვენ დავითის კულტურულ-ლიტერატურული მოღვაწეობა².

დავითის ხანის ლიტერატურული წრის თვალსაჩინო წარმომადგენელია არსენ საღვთისძე, ძმა ცნობილი ქართველი მოღვაწეების ანტონ ქუთათელი მთავარეპისკოპოსისა და იოანე ანჩელიისა³. ის დავითის ახლო მეგობარი და მესაიდუმლე ყოფილა. თავის ნაწერებში არსენი წარმოგვიდგება როგორც დავით აღმაშენებლის პოლიტიკის მომხრე და ერთგული ქომაგი, ამ პოლიტიკის დამცველი და გამტარებელი. თავის მრავალმხრივ საყურადღებო ისტორიულ თხზულებაში: „ცხოვრება მეფეთ-მეფისა დავითისი“⁴, რომელიც ჩვენ უკვე დავიმოწმეთ ზემოთ, ის გვევლინება როგორც მეფის პირადი ღირსებითა და სახელმწიფოებრივი საქმიანობით აღტაცებული მწერალი და თანამემამულეთა სასახელო გამარჯვებებით აღფრთოვანებული მგზნებარე პატრიოტი, ის, ჩანს, ყველგან და ყოველთვის თან ახლდა დავითს,

გვ. 374—376; პ. ი ნ გ ო რ ო ყ ვ ა, გიორგი მერჩულე, თბილისი, 1954, გვ. 600—606, 652. დავითის ზოგიერთი გამონათქვამი დაიბეჭდა ი. კ ა ვ კ ა ვ ა ძ ი ს „ივერიაში“ 1898 წელს (№№ 70, 103, 105, 111, 126).

¹ პ. ი ნ გ ო რ ო ყ ვ ა, თაბარ მეფის იამბიკონნი, „მნათობი“, 1941, № 3, გვ. 119, 121, 122, 133—135.

² დავითის კულტურულ-ლიტერატურულ მოღვაწეობაზე იხ. კ. კ ე კ ე ლ ი ძ ე, ძველი ქართული მწერლობის ისტორია, I, გვ. 251—253; ი. ჯ ა ვ ა ხ ი შ ვ ი ლ ი, ქართველი ერის ისტორია, II, გვ. 210—222.

³ პ. ც ხ ე ლ ო ე ლ ი, ტბეთის ტაძრის სახარება ტყავზე დაწერილი, „ივერია“, 1890, № 229; Е. Т а х а й ш и л и, Тбетское четвероевангелие XII века, МАК, XII, 1908, გვ. 158.

⁴ უკანასკნელი გამოცემა იხ. ქართლის ცხოვრება, I, გვ. 318—368. ამ ნაწარმოებზე იხ. ს. კ ა კ ა ბ ა ძ ე, დავით აღმაშენებლის მემკვიდრის ვინაობა, თბილისი, 1913, ი. ჯ ა ვ ა ხ ი შ ვ ი ლ ი, ძველი ქართული საისტორიო მწერლობა, გვ. 208—219; ქართული ლიტერატურის ისტორია, I, გვ. 143—148.

იციობდა მის ინტიმურ ცხოვრებას. არ სცილდებოდა მას ნადირობასა და ლაშქრობაშიც კი; იცოდა მისი აზრი, სულიკვეთება, გულისნადები და მისწრაფებანი. არსენი საკმაოდ სრულად გვაცნობს დავითის სამხედრო-პოლიტიკურ, სამოქალაქო-საეკლესიოსა და კულტურულ საქმიანობას. ის ღრმად განათლებული ისტორიკოსი და მეფის პიროვნებით აღტაცებული მეზობეა. მეფესთან მის ახლო ყოფნას ამოწმებს ის გარემოებაც. რომ დავითი მას, „სასოს და განნათლებელს“ უწოდებდა. გარდა დასახელებული თხზულებისა დავითის მოძღვრის— არსენ საღვთისძის კალამს მიეწერება დავითის ანდერძი შიომღვიმისადმი ბოძებული¹, მისივე ანდერძი გარდაცვალების წინ², დავითის შესხმა³, საყურადღებო იურიდიული ძეგლი—რუის-ურბნისის საეკლესიო კრების ძეგლის-წერა⁴ და ისტორიულ-აგიოგრაფიული თხზულება: „ცხოვრება და მოქალაქობა და ღუაწლი წმიდისა და ღირსისა დედისა ჩუენისა ნინოასი, რომელმაც კადაგა კრისტე ღმერთი ჩუენი ქუეყანასა ჩრდილოეთისასა და განანათლა ნათესავი ქართველთა“⁵. ის ეწეოდა მთარგმნელობით მუშაობასაც: დავით აღმაშენებლის ბრძანებით თარგმნა ანდრია კრიტელის „დიდი კანონი“, რომელიც ქართულ კილოზე იოანე კათოლიკოსმა გააწყო⁶; უთარგმნია მას სხვა თხზულებანიც⁷. არსენ საღვთისძე ძველი ქართული

¹ იხ. ზემოთ გვ. 136, შენ. 1; ანდერძში მოხსენიებული არსენი არის არსენ ბერი, საღვთისძე და არა იყალთოელი, როგორც თ. ჟორდანიას ვგონა (ქრონიკები, I, გვ. 243). ზოგიერთ მკვლევარს ეს ანდერძი დავითის დედობილად მიაჩნია (ს. ბ ა რ ნ ა ვ ე ლ ი, საბა ტუსიშვილის ანდერძისებრნი ღუაწანი, „ქართული ხელოვნება“, III, თბილისი, 1950, გვ. 218).

² A № 1448, H № 1196, H № 2854; K № 189; საქ სამოთხე, გვ. 512—513; ქრონიკები, II, გვ. 51—52.

³ A №№ 76, 1102, 1114; K № 17, K № 25; Q № 205; საქ სამოთხე, გვ. 528—529; ქრონიკები, II, გვ. 68—69; ძველი ქართული ლიტერატურის ქრესტომათია, I, გვ. 380.

⁴ საქ სამოთხე, გვ. 518—530; ქრონიკები, II, გვ. 56—72.

⁵ ა რ ს ე ნ ი, ცხოვრება წმიდა ნინოსი, თბილისი, 1902; ამ ძეგლზე იხ. ს. ჯ ა ნ ა შ ი ა, ფსევდო-არსენი, სსრკ მეცნ. აკადემიის საქ. ფილიალის შობაზე, ტ. I, № 6, 1940, გვ. 475—482.

⁶ გ. თ ა ყ ა ი შ ვ ი ლ ი, პარზის ნაციონალური ბიბლიოთეკის ქართული ხელნაწერები და ოცი ქართული საიდუმლო დამწერლობის ნიშანი, პარიზი, 1933, გვ. 37—38; Н. М а р р, Описание грузинских рукописей синайского монастыря, М.—П., 1940, გვ. 203—204.

⁷ К. К е х е ш и д а е, Литургические памятники, გვ. XII.

სასულიერო-საეკლესიო მწერლობის საყურადღებო წარმომადგენელია¹.

დავით აღმაშენებლის ღირსეული თანამედროვე და თანამოღვაწე იყო გიორგი კყონდიდე-მწიგნობართ-უხუცესი, მემკვიდრის დახასიათებით, „კაცი სრული ყოვლითა სიკეთითა სულისა და ჯორცთასა, საესე სიბრძნითა და გონიერებითა, განმზრახი, სჯანი და ფრთხილი, თანა-აღზრდილი აღმზრდელი პატრონისა და თანაგან-მაფელი ყოველთა გზათა, საქმეთა და ღუაწლთა მისთა“². ის დავითის აღმზრდელი და ერთგული მოკავშირე, ხელისშემწყობი და მიმდევარი იყო. 1103 წელს გიორგი მწიგნობართ-უხუცესად იყო და ამ სახელს მფლობელად იხსენიება რუის-ურბნის კრების დადგენილებაში („ღირსისა მეუფისა ჩუენისა და თულად წმიდისა ამის კრებისა ცნობილისა გიორგი მონაზონისა და მწიგნობართ-უხუცესისა...“)³. 1103--1110 წლებში მან კყონდიდლობა მიიღო⁴. ის იყო პირველი მოღვაწე, რომელმაც მწიგნობართ-უხუცესისა და კყონდიდლის თანამდებობანი გააერთიანა და შეათავსა. ადრე ეს ორი სახელო ცალ-ცალკე არსებობდა. მე-12 საუკუნეში, როდესაც საქართველოს სახელმწიფოს ყოველი ხელისუფლის უფლება-მოვალეობა გართულდა და გაიზარდა, მწიგნობართ-უხუცესის ხელმაც განსაკუთრებული ცვლილება განიცადა. მწიგნობართ-უხუცესი მეფეს ერთგულობდა, მას ემხრობოდა, მის მოწინააღმდეგეებს ებრძოდა. დავითმაც, თავის მხრივ, ხელი შეუწყო მწიგნობართ-უხუცესის განდიდებასა და გაძლიერებას. მას კყონდიდლობა უბოძა და უწარჩინებულეს მღვდელმთავრად განაჩინა. განსწავლულმა მეფემ უღირსი მღვდელმთავრები ჩამოიცილა, ეკლესიის მართვა-გამგეობა მის მესვეურთ ჩააბარა, მაგრამ მათზე უშუალო ზეგავლენის მიზნით კყონდიდლის ინსტიტუტი დააქანონა, კყონდიდე-მწიგნობართ-უხუცესად თავისი ერთგული გიორგი განაწესა და საერო და საეკლესიო ხელისუფლება გააერთიანა.

¹ არსენ საღირსისძის შესახებ იხ. კ. ქიქელიძე, ძველი ქართული მწერლობის ისტორია, I, გვ. 289—294.

² ქართლის ცხოვრება, I, გვ. 336.

³ საქ. სამოთხე, გვ. 530; ქრონიკები, II, გვ. 71.

⁴ ი. ჯავახიშვილი, ქართველი ერის ისტორია, II, გვ. 197.

ნა¹. მის მიერ გიორგისათვის ესოდენ დიდი პატივის მიგება ცხადყოფს, თუ როგორ აფასებდა თავის ერთგულ აღამიანს ქართველთა სახელოვანი მეფე.

საფიქრებელია, კყონდიდე-მწიგნობართ-უხუცესი ახლო ურთიერთობაში იყო კულტურული-ლიტერატურული ფრონტის მუშაკებთან. მართალია, მისი სახელით ლიტერატურულ პროდუქციას ჩვენამდე არ მოუღწევია², მაგრამ მისი საპატიო თანამდებობა, რამდენადმე, გვაძლევს უფლებას ის განათლებულ პირად, მეცნიერად და მწიგნობრად მივიჩნიოთ. ჩვენთვის ცნობილი მასალებით აქ მხოლოდ ის შეიძლება აღვნიშნოთ, რომ გიორგი სხვებს ავალებდა ხელნაწერთა გამრავლებასა და ახალი ნუსხების დამზადებას. ასე, მაგალითად, მისი დაკვეთით სვიმონ მწერალს გადაუწესებდა მათეს სახარების თარგმანება (A № 1114).

დავით აღმაშენებელი არა მარტო თვით თხზავდა ორიგინალურ ნაწარმოებებს ან სხვებს უწევდა დახმარებასა და მფარველობას, არამედ საკუთარ ოჯახშიც ნერგავდა ლიტერატურულ ტრადიციებს. ჩვენამდე მოღწეული მასალებიდან საესებით ნათლად ჩანს, რომ კულტურულ-საგანმანათლებლო მუშაობითა და ლიტერატურული საქმიანობით დაინტერესებული ყოფილა დავითის ვაჟი დიმიტრი პირველიც (1125—1154). ის იოანე ბაგრატიონის დახასიათებით, „იყო მშვენიერი რიტორი, პიტიკოსი და შემთხვეული უცხოლ

¹ კყონდიდე იხ. ი. ჯავახიშვილი, ქართული სამართლის ისტორია, წიგნი II, ნაკვეთი I, თბილისი, 1928, გვ. 124—140; კყონდიდე-მწიგნობართ-უხუცესის ინსტიტუტის აღმოცენების, ისტორიისა და უფლება-მოვალეობის შესახებ იხ. ნ. ბერძენიშვილი, სავახირო ფეოდალურ საქართველოში, კყონდიდე-მწიგნობართ-უხუცესი, ენციკლის მოამბე, V—VI, 1940, გვ. 391—412; X, 1941, გვ. 281—302 (იხ. აგრეთვე მასალები საქ. და კავ. ისტ., ნაკვ. 29, თბილისი, 1951, გვ. 325—329).

² ხ. ბიჭინაძე მას მიაწერდა ზოგიერთ თხზულებას („ალაბი“, „სიმონ კანანელისა და ანდრია მოციქულის ცხოვრება“), მაგრამ მისი განცხადება უსაფუძვლო და მცდარი იყო (ხ. ბიჭინაძე, ქართული მწერლობა მეთორმეტე საუკუნეში, თბილისი, 1887, გვ. 29). საგულისხმოა, რომ სხვა შრომაში შეკლევარი ერთი ზემოდასახელებული ძეგლის ავტორად ბასილ მთავარეპისკოპოსს ასახელებდა (ხ. ბიჭინაძე, ქართული მწერლობა მეცამეტე საუკუნიდამ მეთექვსმეტე საუკუნემდე, თბილისი, 1885, გვ. 23). ამ საკითხზე იხ. კ. ქიქელიძე, ძველ ქართული მწერლობის ისტორია, I, გვ. 56, შენ. 2; გვ. 313, შენ.

შპირთა, რომელმანც მრავალნი სწავლანი გამო-
თქვა¹. ღრმად განსწავლული და მწიგნობრობას
დაწაფებული დიმიტრი ახლო ურთიერთობაში ყო-
ფილა მწერლებთან და მეცნიერებთან. არაბი ის-
ტორიკოსის ალ-აზრაქ ალ-ფარაჟის ცნო-
ბით, დიმიტრის დამოკიდებულება „მეცნიერებისა
და კეთილსათნობის ხალხთან მოკრძალებული და
გულუბვი ყოფილა“². მეამბოხე და ურჩი შვილის
მიერ ტახტმიხილი დიმიტრი, ზოგიერთი ცნო-
ბით, ბერად შექმდგარა და გარეჯის უდაბნოში
აღკვეცილა დანიილისა (A № 186) თუ დამიანეს
(პლ. იოსელიანი) სახელით. ანტონ პირველისა და
პლ. იოსელიანის ცნობით, იქ დიმიტრის ფრეს-
კაც კი იყო შემონახული³. გარეჯის მონასტერში
დღესაცაა დაცული დიმიტრი II თავდადებულის
პორტრეტული გამოსახულება⁴. ეს მიიჩნეეს დი-
მიტრი პირველის სურათად, თუ არსებობდა მეო-
რე ფრესკაც, ამემამდ ძნელი გასარკვევია. სხვა
მასალა დიმიტრის გარეჯაში მოღვაწეობის შესა-
ხებ არ გაგვაჩინა.

დიმიტრის სახელით მოღწეულია მცირე, მაგ-
რამ საყურადღებო ლიტერატურული მემკვიდრეო-
ბა—იამბიკოები. მათ შორისაა უკანასკნელ ხანამ-
დგე გავრცელებული სიმღერის ტექსტიც („შენ
ხარ ვენანჯი, ახლად აღყვავებული“)⁵. საფიქრებე-
ლია, დიმიტრის კარზე განვითარებული იყო სა-
ხოტბო პოეზიაც⁶.

¹ იოანე ბატონიშვილი, კალმასობა, ტ. II, კ. 333 მდიძისა და ა. ბარამიძის რედაქციით, თბი-
ლისი, 1948, გვ. 180. დიმიტრი კარგად ფლობდა აღმო-
სავლურ ენებს (ТРА-ГФ, IV, СПб., 1902, გვ. 25, შენ. 1).

² ვ. ფუთურაძე, არაბი ისტორიკოსი XII ს. თბილი-
სის შესახებ, ენიშკის მოამბე, XIV, 1943, გვ. 141. შდრ.
გ. წერეთელი, სემიტური ენები და მათი მნიშვნელობა
ქართული კულტურის ისტორიის შესწავლისათვის, სტალინის
სახელმწიფოს თსუ სამეცნიერო სესიების მოხსენებათა კრებუ-
ლი, თბილისი, 1947, გვ. 40.

³ ანტონ I, წყობილიტიყვაობა, თბილისი, 1853, გვ. 273.

⁴ Г. Губинашвили, Пещерные монастыри Аб-
хазии-Гареджии, Т., 1948, გვ. 73—74, ტახ. 14.

⁵ A № 342; H № 1283; K № 564; არკ. № 258; მ. ჯანა-
შვილი, საისტორიო და საზიხნოგრაფიო წერილები, წერი-
ლი მ. „ივერია“, 1898, № 128; თურნ. „ჯუარი ვახისა“, 1906,
№ 8, გვ. 10; ქართული ლიტერატურული მწერლობის ანთო-
ლოგია, I, თბილისი—ქუთაისი, 1928, გვ. 25; ძველი ქარ-
თული ლიტერატურის კრესტომათია, I, გვ. 381; კ. კეკელიძე,
ძველი ქართული მწერლობის ისტორია, I, გვ. 295—296.

⁶ დიმიტრის კარზე არსებული სახოტბო პოეზიის შესა-
ხებ ჩვენ, სამწუხაროდ, ნათელი წარმოდგენა არა გვაქვს

ქართული ფეოდალური მონარქია კიდევ უფ-
რო განმტკიცდა და ძლიერების მწვერვალს მიაღ-
წია თამარის მეფობაში (1184—1213). ფართოდ
გაიშალა კულტურულ-მემკვიდრეობითი მუშაობაც.

თამარი დიდი გულუბვივით ეზმარებოდა ეკ-
ლესია-მონასტრებს. ეს გარემოება იმდენად შე-
სამჩნევი და მნიშვნელოვანი ყოფილა, რომ მისი
აღნიშვნა საჭიროდ დაუნაბავს თამარის სამივე
ისტორიკოსს. „ისტორიანი და აზნანი შარავან-
დედთან“ საგანგებოდ აღნიშნავს, რომ თამარმა
„არა ოდენ საქართველოსა მონასტერნი ააშენნა,
არამედ პალესტინეს და იერუსალემს ააშენნა პირ-
ველად მონასტერნი და კუალად კპარეს და ლა-
ლიას, უყიდნა შესავალნი და შეამკო ყოველითა
წესითა პათიონისა მონასტრისაჲთა, და კუალად
კონსტანტინოპოლისი ალაშენა მათ თანა“¹.

თამარის მეორე ისტორიკოსის ცნობით, მე-
ფემ დახმარება აღმოუჩინა „კერძოთა ელადისათა
და მთაწმიდას, ეგრეთვე მაკედონისათა და პეტ-
რიწონს, კერძოთა თრაკიისათა და კონსტანტინე-
პოლის მონასტრებთა, რომანას და ყოველგან,
კუალად ისაფრიას, კურუსეთს და ყოველთა მათ
სანახებთა შავისა მთისათა...“² ანალოგიური ცნო-
ბები შემოუნახავს ლაშა-გიორგის დროინდელ მე-
მატიანესაც³.

როგორც ჩანს, ფეოდალური მონარქიის ძლი-
ერების ხანაში მოღვაწე ქართველ მეფეებს კარ-
გად ჰქონდათ შეგნებული, რომ საქართველოში
თუ მის საზღვრებს გარეთ არსებული ქართული
ეკლესია-მონასტრები წარმოდგენდნენ არა მხო-
ლოდ საკულტო, არამედ, აგრეთვე, სამეცნიერო-
საგანმანათლებლოსა და მწიგნობრულ დაწესებუ-
ლებებს, რომლებიც ღირსნი იყვნენ ქართველ ბაგ-
რატიონთა ყურადღებისა და მფარველობისა. თა-

(პ. ინგოროყვა, რუსთაველის გოქიას სალიტერატურო
მემკვიდრეობა, რუსთაველის კრებული, თბილისი, 1938, გვ. 71—
72). კარის პოეტები ყოფილან გიორგი მესამის დროსაც (ის-
ტორიანი და აზნანი შარავანდედთან) (ცდა ტექსტის დადგე-
ნისა), აკად. კ. კეკელიძის რედაქციითა და გამოკვლევით,
თბილისი, 1941, გვ. 55—56).

¹ ისტორიანი და აზნანი შარავანდედთან ი. გვ. 123—124.

² ბასილი ეზოსმთქვარო, ცხობება მეფეთ-მე-
ფისა თამარისი, გამოსცა ი. ჯაფარიშვილმა, ენიშკის
მოამბე, XIV, 1944, გვ. 19.

³ ქართლის ცხოვრება, I, გვ. 368.

მარის შეუნელებელნი ინტერესი ქართული ეკლესია-მონასტრებისადმი ნაწილობრივ შიშის მისი კულტურულ-საგანმანათლებლო ინტერესებით უნდა აიხსნას. აქვე უნდა აღვნიშნოთ, რომ თამარი ყოველთვის ენერგიულად ზრუნავდა ქართულ ეკლესიაზე. მის აწმყოსა და მონაწილეობაზე. მრავალმხრივი სახელმწიფოებრივი საქმიანობით გატაცებული მეფე განსაკუთრებულ ყურადღებას აქცევდა საეკლესიო-სარწმუნოებრივი საკითხების დაზუსტებასა და გარკვევას, თვალს ადევნებდა ქართული ეკლესიის ცხოვრებას, აქტიურ მონაწილეობას იღებდა მის ყოველდღიურ საქმიანობაში, ახლო იყო ქართველ მღვდელმთავრებთან (ნიკოლოზ გულაბერისძე, ანტონ გლონისთავისძე და სხვ.). მისი გამუდმებული ზრუნვისა და რუდუნების შედეგად ქართული ეკლესია აღმავლობის გზას დაადგა და განმტკიცდა („სარწმუნოება განმტკიცებოდა, წმიდანი ეკლესიანი შეიმკობოდეს მრავალფერთა მიერ სამკაულითა“), ქართულმა სასულიერო-საეკლესიო მწერლობამ ახალ წარმატებებს მიაღწია.

როდესაც თვალს ვადევნებთ თამარის კულტურულ-საგანმანათლებლო საქმიანობას, ძალაუნებრივ იბადება აზრი თამარის ორიგინალური შემოქმედების შესახებ. საფიქრებელია, დიდებული ქართველი ქალი თვითონაც იღებდა მონაწილეობას ლიტერატურულ საქმიანობაში და, შეძლებისდაგვარად, ქმნიდა ორიგინალურ ნაწარმოებებს.

მკვლევარმა პ. ინგოროსმა ქარგა ხანია გამოთქვა მოსაზრება ამ საკითხზე. მან თამარს მიაკუთვნა ნ იამბიკო, მათგან ორი ადრეც კარგად იყო ცნობილი (ხახულის ხატის წარწერა და შამქორის გამარჯვების აღსანიშნავი ლექსი), ხოლო 4 (მარიამ მეგვიპეტელის, გიორგისი, თევდორესი და თამარისი)—ხელნაწერებში იქნა მიკვლეული¹. პატივცემული მეცნიერის ინტერესი თამარის პოეტური მემკვიდრეობისადმი სავსებით გასაგებია, მისი ცდა თამარის პოეტურ ქმნილებათა გამოვლენისა მისასაღებელია და მოწონებას იმსახურებს, მაგრამ, სამწუხაროდ, კვლევა-ძიების შედეგად მოპოვებული მასალა არ გადალევს საფუძველს, რომ აღნიშნულ იამბიკოები თამარის კუთვნილებად მივიჩნიოთ. ამრიგად, თამარის ლი-

ტერატურული მემკვიდრეობა ახლაც ისეთივე ბურუსითაა მოსილი, როგორც წინა წლებში. ამ საკითხის ღრმა და საფუძვლიანი შესწავლა ჩვენი ლიტერატურათმცოდნეობის საპატიო ამოცანას წარმოადგენს.

განსაკუთრებით აღსანიშნავია თამარის მეცნიერება, რაზეც ნათლად მიგვითითებს თუნდაც ის გარემოება, რომ მისი სასახლე გადაიქცა მწერლებისა და მეცნიერების ნამდვილ საერთო საცხოვრებლად, როგორც ამას მართებულად შენიშნავს აკად. ქ. ქეკელიძე².

ძველ მემკვიდრეობაში არა ერთი ცნობაა შემონახული ამ საკითხზე. თამარის კარის ისტორიკოსებს საგანგებოდ აქვთ აღნიშნული სამეფო კარზე გამართულ მეჯლისებსა და დღესასწაულებში მგოსანთა მონაწილეობა. მემკვიდრის ცნობით, ერთგვის „იქმნა სიხარული გამოუთქმული, ვითა მართებს ნადიმსა და წყლიანობასა ამის სახლისა დიდებულთა და მოყმეთასა, უკლებობასა მრავალგუარათა სახეობათა მუტრიბთა და მოთამაშეთასა...“³.

სხვა დღესასწაულის დროს „იყო ზმად მგოსანთა და მუშაითთა სახეობათა ქურეტიანი და რაზმთა სიმრავლე და სრულქმნად ამასა შინა“⁴. ან კიდევ: „იყო სიკეთე, სიტურფე გამოუთქმული, სიხარული და ზმად მგოსანთა და მოშაითთა“⁵. ეს უკანასკნელი გვაცნობს პოეტთა შეჯიბრს თბილისში, თამარის კარზე აღსართან II შირვან-შაჰის ყოფნისას. საყოველთაოდ ცნობილია, რომ აღსართანი მოყვარული და მეცნიერი იყო პოეზიისა; მის კარზე, აგრეთვე ამაღაში, მრავლად იყვნენ მგოსნები. საფიქრებელია, საქართველოში ჩამოსულს თან ახლდნენ კარის პოეტები, რომლებიც ადგილობრივ ოსტატებთან ცდიდნენ თავისი მხატვრული სიტყვის ძალას. გამოთქმულია მოსაზრება, რომ აღსართანს საქართველოში ახლდა გამოჩენილი აზერბაიჯანელი პოეტი ნიზამი განჯელი⁶. აქვე უნდა მოვიგონოთ

¹ ქ. ქეკელიძე, ძველი ქართული მწერლობის ისტორია, II, თბილისი, 1952, გვ. 31.

² ისტორიანი და ახმანი შარავანდედთან, გვ. 86.

³ იქვე, გვ. 89.

⁴ იქვე, გვ. 104.

⁵ ქ. ქეკელიძე, საქართველო და ნიზამი განჯელი, ეტიუდები ძველი ქართული ლიტერატურის ისტორიიდან, IV, თბილისი, 1937, გვ. 83 (საქართველოში გამოგზავრებაზე ოცნებოდა შირვანის შაჰის კარზე მოღვაწე მეორე დიდი პოეტი ხაკანო).

¹ პ. ინგოროსმა, თამარ მეფის იამბიკონი, „მნათობი“, 1941, № 3, გვ. 115—153.

მემატიანის შემდეგი სიტყვები: „სახლთა ზედა აკროსტიხორად თამარის შესხმათა დასწერდეს, ბეკელთა ზედა და დანათა და არგანთა შეამკობდეს და ზედა თამარის ქებასა დასწერდეს. და ყოველთა პირნი ერთბამად მზა იყუნეს, რათა ღირსი რამე თამარის საქებულობისა სიტყუა აღმოთქუან: ყრმანი მემროწლენი, განპეძასა შინა ორნატოსასა, თამარის ქებათა მეღეკსეობდიან. ერაცს მყოფნი მეგბენნი, გინა მეჩანგენი თამარის შესხმათა მუსიკობდიან: ფრანგნი და ბერძენნი, ზღუასა შინა ზენავენი, ნიავ-კეთილობათა შინა, თამარის ქებათა იტყოდიან, ესრეთ ყოველნი სოფელნი სავსე იყო მის მიერთა ქებითა, და ყოველი ენა ადიდებდა, რომელსაცა ოდენ სახელი მისი ისმოიდეს“¹.

მართალია, აქ გარკვეულ გადაჭარბებასთან გვაქვს საქმე, მაგრამ მემატიანის ჩვენება მაინც საგულისხმოა, რადგან აქ შემორჩენილია ცნობა თამარის დიდებით აღფრთოვანებულ მებოტბეთა შესახებ. ეს გარემოება სხვა წყაროებითაც დასტურდება.

თამარის ხანაში არნახულ წარმატებას მიაღწია ქართულმა ლიტერატურამ. დაიწერა თუ ითარგმნა უაღრესად მნიშვნელოვანი მალაღმბატურული თხზულებანი: „ვეფხისტყაოსანი“, „აბდულმესიანი“, „თამარიანი“, „ვისრამიანი“, „ამირანდარეჯანიანი“ და სხვ. მართალია, ჩვენ არ გავაჩნია პირდაპირი ხასიათის ცნობები დასახელებული ძეგლების თბილისში დაწერიისა თუ ჩამოყალიბების შესახებ, მაგრამ მათში ისე სრულადაა გამოვლენილი ქართული სამეფოს ცენტრის ინტერესები და მისწრაფებანი, აზრები და ზრახვები, სურვილები და იდეალები, რომ ძნელია მათი თბილისის კულტურულ-ლიტერატურული გარემოდან გამოთიშვა. ყველა ზემოდასახელებული ძეგლი, საფიქრებელია, თბილისშია ჩამოყალიბებული.

თამარის ხანის ლიტერატურული ძეგლებიდან პირველ რიგში უნდა დავასახელოთ ქართველი ხალხის უდიდესი სულიერი კულტურის დიდებულად გამომხატველი ნაწარმოები, ჩვენი მდიდარი და ღრმამინაარსიანი სიტყუაკაზმული მწერლობის უქკნობი გვირგვინი „ვეფხისტყაოსანი“. ქართული მხატვრული სიტყვის ჯადოქარი შოთა რუსთა-

ველი უცილობლად თამარ მეფის აბლობელი თანამოღვაწე იყო. არაა ინტერესმოკლებული ის ფაქტიც, რომ პოემის ავტორი თავის უკვდავ ქმნილებას უძღვნის თამარს, რომელსაც გვისახელებს თავის შთამავანებლად. თამარის დიდებუნი-ბოვანებითა და დავით სოსლანის ძღვევამოსილებით ალტაცებული მგოსანი სიყვარულით აღსავსე ქებათა-ქებას უძღვნის მათ. რუსთაველი ბრწყინვალედ გვიხატავს რთულსა და მრავალფეროვან საზოგადოებრივ ცხოვრებას, კარგად ახასიათებს პატრონყმობის ინსტიტუტს, შესანიშნავად უმღერის ადამიანის გამაკეთილშობილებელი გრძნობების თავისუფლებას, სიყვარულის ამამალღებელ ძალას, თავგამოდებით ქადაგებს სამშობლოს სიყვარულს; ჰუმანიზმის, ხალხთა ძმობა-მეგობრობის დიად იდეებს და თავისი სოციალურ-პოლიტიკური შეხედულებებით წინ უსწრებს თავის ეპოქას. დიდი შემოქმედის დამუხჯებული გონებით შექმნილი პოემა დღესაც გვაჯადოებს თავისი ჩანაფიქრით, გვიბლავს მხატვრული სამოსის ელვარებით. გვიტაცებს და გვაფრთოვანებს მაღალი იდეებით, რომელიც მას ზოგად საკაცობრიო მნიშვნელობას ანიჭებს და მსოფლიო კულტურის საგანძურში ფრიალ საპატიო ადგილს უმკვიდრებს.

თამარის ხანაში განსაკუთრებული ძალით განვითარდა საქარო-სახობტო პოეზია. როგორც აღვნიშნეთ, საქართველოს სამეფო კარზე ადრეც მოღვაწეობდნენ პოეტები და ისტორიკოსები, რომლებიც მეფეთა ქება-დიდებით იყვნენ გატაცებულნი და თავიანთ ნაწერებში მათ ხოტბას იძლეოდნენ. სახობტო პოეზია და კარის ისტორიოგრაფია კიდევ უფრო მაღალ საფეხურს აღწევს თამარის მეფობაში, როდესაც ქართულმა ფეოდალურმა მონარქიამ ძლიერების მწვერვალს მიაღწია. მეფეთა სამსახურში მყოფი კალმისოსტატები მეფის იდეალიზაციას ახდენდნენ. რასაკვირველია, აქ მნიშვნელოვან როლს ასრულებდა ის გარემოება, რომ ისინი უფლებრივად თუ მატერიალურად თავიანთ ქების ობიექტებზე იყვნენ დამოკიდებულნი, მაგრამ, მიუხედავად გარკვეული შეზღუდულობისა, ისინი მაინც ახერხებდნენ მაღალი დეური და მაღალმხატვრული ნაწარმოებების შექმნას. ასეთი რიგის ნაწარმოებებიდან ჩვენამდე მოღწეულია „აბდულმესიანი“ და „თამარიანი“.

„აბდულმესიანი“ ვრცელი და შინაარსიანი საყურადღებო სახობტო ძეგლია. ის არსებითად თა-

¹ ბასილი ვოსნოდვარი, ცხორება მეფეთ-მეფისა თამარისი, გვ. 34.

მარისა და დავითის ქებათა-ქებას წარმოადგენს. თხზულების ავტორი,—თამართან ძალზე დაახლოებული მწერალი იოანე შავთელი,—თამარის თაყვანისმცემელი, მისი პოლიტიკის დამცველი და მისი საქმიანობის აპოლოგეტია. ის თავის ქების ობიექტებს წარმოგვიდგენს ძალზე იდეალურად, მიაწერს მათ ყოველგვარ დადებით თვისებას, მიჩნევს მათ სიბრძნისა და გონიერების, სიწმინდისა და სიფაქიზის განსახიერებად; აქებს მათ განსწავლულობასა და მართლმსაჯულობას, მეუღლეობრივ სისპეტაკეს. აღტაცებულია ქართველთა გამარჯვებებითა და დაწინაურებით. მას გულს უხარებს თამარის დროის საქართველოს ძლიერება და სიმტკიცე. აღნიშნული გარემოება არანაკლებ ალაფრთოვანებს იმ ხანის მეორე მოღვაწეს, სახობო პოეზიის თვალსაჩინო წარმომადგენელს ჩახრუხაძეს, რომელმაც კიდევ უფრო ნათლად წარმოგვიდგინა თავისი ეროვნულ-სახელმწიფოებრივი იდეალი „თამარიანში“. მძაფრი პოლიტიკური განწყობილებების ამსახველ ნაწარმოებში ავტორმა დიდების ჰიმნი უძღვნა თამარის სიბრძნესა და ზნეფაქიზობას, ჰუმანურობასა და სწორუპოვრობას. პოეტს გულწრფელად უყვარს თავისი სამშობლო, მის გულს ახარებს თანამემამულეთა მიერ სამხედრო ოპერაციების სახელოვნად დამთავრება და ბრწყინვალე გამარჯვებათა მოპოვება; მას ალაფრთოვანებს ქართველთა დიდებული აწმყო და იმედის თვალთ შესტკერის მომავალს, რომელსაც აცისკროვნებს და სხივს ჰტენს ტახტის მემკვიდრე გიორგი ლაშა.

შავთელი და ჩახრუხაძე ქართულ სახობო პოეზიის ბრწყინვალე წარმომადგენლები არიან. ისინი კარგად გვაცნობენ თამარის კარზე მოღვაწე მწერლების განწყობილებას და გარკვეულ წარმოდგენას გვიქმნიან ქართულ სახობო პოეზიაზე, რომელიც განსაკუთრებული ძალისა სწორედ მათ ხანაში იყო.

საფიქრბელთა, თამარის კარზე ჩამოყალიბდა საგმირო-საფალავნო მოთხრობათა კრებული „ამირანდარეჯანიანი“, რომელსაც ტრადიცია მოსიხონელს მიაწერს. ის ნათლად ასახავს სამხედრო-ფეოდალური საზოგადოების ყოფა-ცხოვრებას, იცავს პატრონყმობის საფუძვლებს, აღიღებს მეფეთა ღირსებას, ვაჟკაცთა გულოვნებასა და რაინდთა შემმართველობას და წარმოგვიდგენს რაინდის

იდეალს. „ამირანდარეჯანიანი“ გვიჩვენებს ფეოდალური საზოგადოების სოციალურ-პოლიტიკური ცხოვრების იმ სურათს, რომელიც მისი დროის საქართველოსათვის იყო დამახასიათებელი. მას ეხმაურება სარგის თმოგველის მიერ სპარსულიდან თარგმნილი „ვისრამიანი“, რომელიც ასახავს ე. წ. მაღალი საზოგადოების ცხოვრების ინტიმურ მხარეს და დაუცბრომელი სიყვარულის აპოლოგიას წარმოადგენს. სატრფიალო-სამიჯნურო თხზულების ქართველი მთარგმნელი საკმაოდ თავისუფლად ეკიდება დედანს, შეაქვს მასში რედაქციული ცვლილებანი, აძლიერებს პატრიოტულ მოტივს, აცხოველებს მშობლიური მამულის სიყვარულის დიად გრძნობას.

საქართველოს სამეფო კარზე მოღვაწეობდა მე-12 საუკუნის ქართული სასულიერო-საეკლესიო მწერლობის თვალსაჩინო წარმომადგენელი იოანე ჭიჭიშვილი. ის ძალზე განსწავლული და მომზადებული პირი ყოფილა. მართალია, ის ძირითადად ეგზეგეტიკური მწერლობის დარგში მოღვაწეობდა, მაგრამ ფილოსოფიისადმიც დიდ ინტერესს იჩენდა და თანამემამულეებსაც აჩვენდა ფილოსოფიურ-რელიგიურ მსჯელობას. მისი სახელითაა მოღწეული თარგმანები მიტროფანე სმირნელის, ოლიმპიოდორე ალექსანდრიელისა და სხვათა შრომებისა.

მემატიანის ცნობით, ი. ჭიჭიშვილი საისტორიო მწერლობის ასპარეზზეც მოღვაწეობდა, კერძოდ, აღუწერია დიმიტრი პირველის მეფობა. მატიანეში საგანგებოდაა აღნიშნული: დიმიტრის „დიდებითა, სიმწნითა და გუარითა ცხოვრებასა აღმოაჩენს იოვანე ფილოსოფოსისა ჭიჭიშვილისა შესხმა-მოთხრობაჲ“¹. სამწუხაროდ, აღნიშნულ ძეგლს ჩვენამდე არ მოუღწევია. არაა შემონახული იოანე ჭიჭიშვილის სიტყვა, რომელიც მას წარმოუთქვამს თამარ მეფის დაქრძალვაზე. მისგან მხოლოდ ფრაგმენტია გადაარჩენილი².

¹ ისტორიანი და ახმანი შარავანდედთანი, გვ. 54.

² იქვე, გვ. 140; მსჯელობა თამარისა და დავით სოსლანის მეზობტე პოეტის მილისეველის შესახებ (პ. ინგოროძე, რუსთაველის ეპოქის სალიტერატურო მემკვიდრეობა, რუსთაველის კრებული, გვ. 56, 70-71) არადამაჯერებელია. ამ საკითხზე იხ. ი. ლოლაშვილი, იყალთოელისა და ჭიჭიშვილის იამბიკებისათვის, „ლიტერატურა და ხელოვნება“, 27. VIII. 1950, № 35 (332).

ი. კიმიშვილის სამეფო კარის ხელმძღვანელებთან ახლოს ყოფნა გვაძლევს უფლებას, ის მივიჩნიოთ თბილისელ მოღვაწედ¹.

თამარის დროის გამოჩენილი მოღვაწეა ანტონ გლონისთავისძე, მემბტიანის განცხადებით, „ბრძენი და გონიერი, პატრონთათვის სუიანი და ერთგული“. ის აღრევე ცყონდიდელი იყო, მაგრამ მიქაელ კათოლიკოსმა წაართვა ეს სახელო და თვით მიიტაცა. ანტონი ერთ ხანს გარეჯაში მოღვაწეობდა.

მიქელის გარდაცვალების შემდეგ თამარმა ანტონ გლონისთავისძე დაამტკიცა „ცყონდიდლად, მწიგნობართა-უხუცესად და (ვაზირთა) ვაზირად“. ანტონი აქტიურ მონაწილეობას იღებდა საზოგადოებრივ საქმიანობაში, ის ხშირად იხსენიება საისტორიო წყაროებსა და სიგელ-გუჯარებში². როგორც ირკვევა, ის თვალს ადევნებდა კულტურულ-ლიტერატურული ფრონტის მუშაების საქმიანობას და თვითონაც ცდილობდა წვლილი შეეტანა ამ საქმეში. მისი ინიციატივითაა თარგმნილი სპარსულიდან (აკად. ნ. მარი) თუ არაბულიდან (აკად. ე. თაყაიშვილი, პროფ. ალ. ხახანაშვილი) „წიგნი სააქიმოა“. ამ ძვირფასი და უაღრესად მნიშვნელოვანი ძეგლის შემცველ ხელნაწერს დაუთავს საინტერესო მინაწერი: „ესე წიგნი სააქიმოა, ოდეს რუქანდან სულტანი კარნუ ქალაქისა კართა ზედა გააკციეს, მუნით ალაფად მოიღეს. ქრისტეს მიერ პატრონმან ცყონდიდელმან, მისმან მწიგნობართ-უხუცესობამან, პროტოაჟუერტიმოსმან და ვაზირთა ყოველთა უპირველესმან, კაცმან გონება მოზავმან და საღმრთოთა მსჯავრითა მართლმსაჯულმან და ჯელის-მპყრობელმან უღონოთა ქურცივამან, ქართულად მათარგმანინა მე, მიწასა მათსა ხოჯა ყოფილსა“³. საკამათო არ უნდა იყოს, რომ აქ საუბარია 1204 წლის ბრძოლაზე, როდესაც ქართველებმა ბრწყინვალე გამარ-

ჯგება მოიპოვეს რუმის სულტანის რუქანდინის მრავალრიცხოვან ლაშქარზე.

როგორც ციტირებული მინაწერი ცხადყოფს ანტონ გლონისთავისძის ინიციატივით შეეძინა ქართულ სამედიცინო ლიტერატურას „წიგნი სააქიმოა“.

აქვე უნდა მოვიხსენიოთ თამარის კიდევ ერთი სახელოვანი თანამოღვაწე ნიკოლოზ გულაბერიისძე. ის ჯერ კიდევ გიორგი მესამის დროს იყო კათოლიკოსად, „შემდეგ სინდაბლისა ძალითა ეგმნა ქართლისა კათოლიკოზობისაგან“ და იერუსალიმს წავიდა; თამარის მეფობაში დაბრუნდა და მხარში ამოუდგა გვირგვინოსან ქალს¹. საყვარელი მეფის დაცვისა და გამართლების მიზნით დაწერა მან „საკითხავნი სუეტისა ცხოველისანი, კუართისა საუფლოჲსა და კათოლიკე ეკლესიისაჲ“². აღნიშნული ტრაქტატი დაწერილია ნინოზე, მაგრამ მასში დასმულია და განხილულია ის მტკივნეული საკითხი, რომელიც თამარის თანამედროვეებს ძალზე ალღევებდა. ნ. გულაბერიძემ თამარის სახელისა და ავტორიტეტის განსამტკიცებლად, ტახტზე ქალის ასვლის გასამართლებლად, ხაზი გაუსვა ქალის (ნინოს) მოღვაწეობას, მის პატივსა და ღირსებას. ღრმად განსწავლული და ესთეტიკური გრძნობით უხვად დაჯილდოვებული მწერალი თამარ მეფის ერთგული ქომაგი და თავდადებული დამცველია³.

კლასიკური ხანის ქართულ ლიტერატურულ ძეგლთა შორის განსაკუთრებული ადგილი უჭირავს თამარის პირველ ისტორიას, რომლის სრული სათაურია: „რომელმან წყლისა მოაბადნი რიტორთა მძლედ გამოაჩინე ყოველთა, ენა-უტყუი მეტყუელ ჰყავ ანგელოზთა მთავრისა მიერ, აწცა განმარტე ენაჲ ბრგუნილი ისტორიათა და აზმათა მეტყუელებასა შინა შარავანდღედთასა“. სამეცნიერო ლიტერატურაში ის მოკლე სახელწოდებით

¹ კ. კეკელიძე, ძვ. ქართ. მწერლობის ისტორია, I, გვ. 296—298.

² ისტ. და აზმანი შარავანდღედანი, გვ. 72, 78, 105, 107; ბასილი ეზოსმოდგარი, ცხოვრება მეფეთ-მეფისა თამარისი, გვ. 18, 20, 24; ქრონიკები, I, გვ. 278—279; II, გვ. 79—82. დადებითად ახასიათებს ანტონს ვახუშტი ბაგრატიონი (ვახუშტი, საქართველოს ისტორია, თბილისი, 1884, გვ. 203).

³ Е. Такалшвили, Ошвейиня рукописей „ОРГСН“, т. I, Т., 1902—1904, გვ. 641.

¹ ბასილი ეზოსმოდგარი, ცხოვრება მეფეთ-მეფისა თამარისი, გვ. 15—16; ქრონიკები, I, გვ. 269—271.

² საქ. სამოთხე, გვ. 69—118; საკითხავი სუეტის ცხოველისა კუართისა საუფლოჲსა და კათოლიკე ეკლესიისა, გ. ქარბელაშვილის გამოცემა, თბილისი, 1908, ნაწყუტები ი. ძველი ქართული ლიტერატურის ქრესტომათია, I, გვ. 231—233, 386—388.

³ კ. კეკელიძე, ძველი ქართული მწერლობის ისტორია, I, გვ. 298—302; ი. ჯავახიშვილი, ნიკოლოზ კათოლიკოსი, წიგნი: ქართული ენისა და მწერლობის ისტორიის საკითხები, თბილისი, 1956, გვ. 97—109.

თა ცნობილი: „ისტორიანი და აზმანი შარავან-დედთანი“¹.

ამ თხზულების ავტორი უცნობია. რამდენ-ჯერმე იყო ცდა მისი ავტორის ვინაობის დადგენისა და დაწერის დროის დაზუსტებისა. ძეგლის ავტორად ასახელებდნენ ანტონ გლონისთავისძეს (თ. გორდანი), სარგის თმოგველს (პ. ინგოროყვა), მანდატურთ-უსუტეს ქიაბერსა (ს. კაკაბაძე) და არსენ იზნენელს (კ. კეკელიძე), მაგრამ დღემდე არათფერი არ გაირკვა. ჩვენ ისიც კი არ ვიცით, დანამდვილებით ის საერო პირი იყო, თუ სასულიერო. უკანასკნელ ხანს განმტკიცებული აზრით, „ისტორიანი და აზმანი“ 1222 წლით თარიღდება.

უცნობი მემბტიანე თამარის თანამედროვე და თვითმხილველია, ის სამეფო კარზე კარგად მიღებული და სახელმწიფოებრივ საქმიანობაში ჯეროვნად გარკვეული პირი ჩანს. ის ძალზე ვრცლად და ზედწიწვევითი სისრულით აღწერს თამარის სამხედრო-პოლიტიკურ, სამოქალაქო-სახელმწიფოებრივსა და საეკლესიო-სარწმუნოებრივს საქმიანობას. ის აღტაცებულია თამარის დიდებულ-ბოვანებითა და ჰაეროვნებით, აღფრთოვანებულია მისი ჰუმანიზმითა და გონიერებით. ის ერთიანი, ცენტრალიზებული სახელმწიფოს მომხრე და ერთგულია, გადაკრით ილაშქრებს გამთიშველთა წინააღმდეგ, გმობს პარტიკულარიზმს. თავისი სამშობლოს ძლიერება და წინსვლა მას კანონიერი სიამაყის გრძნობით ალავესბს.

ჩვენი ავტორი დაუტყბრომელი პანეგირისტია, ის ძალზე მაღალი შეხედულებისაა ქების ობიექტებზე და ერთობ გაზვიადებულად წარმოგვიდგენს მათ, დიდების შარავანდედით მოსავს და აიდეალებს. ყურადღებას იპყრობს მისი უაღრესად დიდი განათლება და ნაკითხობა. თხზულებაში გამოყენებულია დასავლური თუ აღმოსავლური ლიტერატურის მრავალი თვალსაჩინო ძეგლი. საქმიანობა გამოყენებული ქართული მწერლობაც. ავ-

ტორის ენა ხელოვნურია, კარბობს რიტორიკა და ენაწყლიანობა.

„ისტორიანი და აზმანი“ ღრმაშინაარსიანი ნაწარმოებია და ძვირფასი წყაროა ჩვენი ისტორიისათვის. ის რამდენადმე სცილდება ისტორიული მწერლობის სფეროს და წმინდა მხატვრული ლიტერატურის თვალსაჩინო ძეგლს წარმოადგენს².

მე-13 საუკუნის თბილისელი მოღვაწე უნდა იყოს თამარის მეორე ისტორიკოსი, ავტორი თხზულებისა „ცხოვრება მეფეთ-მეფისა თამარისა“³. თხზულება აღმოაჩინა აკად. ი. ჯავახიშვილმა 1923 წელს. მანვე ძეგლის ავტორად მიიჩნია ბასილი ეზოს მოძღვარი და თხზულება 1210—1213 წლებით დაათარილა⁴. ეს მოსაზრება ძირითადად გაზიარებული იქნა ჩვენ სამეცნიერო წრეებში. არსებითად განსხვავებული პოზიცია უჭირავს აკად. კ. კეკელიძეს. მას აეჭვებს ბასილის ავტორობა და ძეგლის თარიღიც გვიან ხანაში (მე-13 საუკუნის ოცდაათიან წლებში) გადმოაქვს⁵. როგორც არ უნდა იყოს, ერთი ცხადია, ჩვენი ავტორი სამეფო კარზე მოღვაწეობდა და თამართანაც ახლო ურთიერთობაში იმყოფებოდა. ის კარგად იცნობდა თამარის ცხოვრებას, მის მრავალმხრივ მოღვაწეობას, მაგრამ, შედარებით, მოკლედ აღწერს ისტორიულ ამბებს; ნაკლებ ყურად-

¹ ი. ჯავახიშვილი, ძველი ქართული საისტორიო მწერლობა, გვ. 220—241; კ. კეკელიძე, „ისტორიანი და აზმანი შარავანდედთანი“, როგორც ლიტერატურული წყარო, რუსთაველის კრებული, გვ. 121—158; ქართული ლიტერატურის ისტორია, I, გვ. 148—158.

² ბასილი ეზოს მოძღვარი, ცხოვრება მეფეთ-მეფისა თამარისი, გამოსცა ი. ჯავახიშვილმა, ენიშის მოამბე, XIV, 1944, გვ. 317—357+V; ცალკე წიგნად გამოვიდა იმავე წელს (გვ. IV+41). რუსულად ადრევე თარგმნა პროფ. ვ. დონდუაშვილი (Василии, историк ц. Тамары, «С. Памятники эпохи Руствели», II, 1938, გვ. 33—76).

³ ი. ჯავახიშვილი, ახლად აღმოჩენილი ქართლის ცხოვრება და თამარ მეფის მეორე აქამდე უცნობი ისტორიკოსის თხზულება (წინასწარი მოხსენება), თბილისის უნივერსიტეტის მოამბე, III, 1923, გვ. 186—216.

⁴ კ. კეკელიძე, ძველი ქართული მწერლობის ისტორია, II, თბილისი, 1952, გვ. 120—122; ქართული ლიტერატურის ისტორია, I, გვ. 158—160; კ. კეკელიძე, რუსთაველის ოგორი შტუდიები, იტყულები ძველი ქართული ლიტერატურის ისტორიიდან, IV, თბილისი, 1957, გვ. 4. შენ. 1 (იხ. აგრეთვე რუსთაველის კრებული, გვ. 134, შენ. 1 და „ისტორიანი და აზმანი“, გვ. 33—36).

¹ ქართლის ცხოვრება, მარიამ დედოფლისეული ნუსხა, ე. თაყაიშვილის რედაქციით, თბილისი, 1906, გვ. 362—365; ისტორიანი და აზმანი შარავანდედთანი (ცდა ტექსტის აღდგენისა), აკად. კ. კეკელიძის რედაქციით და გამოკვლევით, თბილისი, 1941; История и воєхнажные ценности, Груз. текст перевода, предисловие и примечаниями спод. К. Кекелидзе, Т., 1954.

ლებას უთმობს სამხედრო-პოლიტიკურ საქმეებს, არ იჩენს ინტერესს საქართველოს ბრწყინვალე კარის სადღესასწაულო ცერემონიალისადმი და მეტწილად თამარის სასულიერო-საეკლესიო საქმეთა შესახებ გვაწვდის კარბ ნასალას. მემბტიანე დიდი თაყვანისმცემელია თამარისა, მეტისმეტ ღია და ნათელ ფერებში წარმოგვიდგენს მის პიროვნებას. მას სწავლად დაკვირვებული თვალი ჰქონია. ფრიად განსწავლული ჩანს სასულიერო-საეკლესიო მწერლობაში. მისი ნაწარმოები საეკლესიო სვინაქსარული საკითხავის შთაბეჭდილებას ტოვებს, მაგრამ არც მხატვრულობასაა მოკლებული.

აქვე უნდა მოვიხსენიოთ ლაშა-გიორგის დროინდელი უცნობი მემბტიანე, რომელიც მოკლედ აღწერს დიმიტრი პირველის, გიორგი მესამის, თამარისა და მისი ძის — გიორგი ლაშას მეფობას¹. მართალია, მის ნაწარმოებში თხრობა ხშირადაა დარღვეული, მაგრამ მას არა ერთი ძვირფასი ქრონოლოგიური თუ შინაარსობლივი ცნობა შემოუნახავს (განსაკუთრებით საყურადღებოა დიმიტრი პირველის მეფობის შესახები ცნობები). მემბტიანე სხარტად აღწერს ისტორიულ ამბებს, უხვად გვაწვდის ქრონოლოგიურ ცნობებს, ზუსტად ასახელებს გეოგრაფიულ პუნქტებს. მისი თხზულება 1222 — 1223 წწ. უნდა იყოს დაწერილი².

ქართული მწერლობის აღორძინების ხანაში ლიტერატურული ტრადიცია ადრევე გაღვივდა ქართლის სამეფო კარზე. ფეოდალური საზოგადოების ინტერესებისა და სულისკვეთების შესაბამისად იწყება საგმირო-სარაინდო თხზულებების ჩამოყალიბება, კერძოდ ფირდოუსის უკვდავი პოეტური ქენილების „შაჰნამეს“ თარგმნა და გალექსვა. ამ რთულსა და ხანგრძლივ პროცესში მონაწილეობა მიუღია რამდენიმე პირს, მათ შორის ხოსროთურმანიძეს, რომელიც გვევლინება სერაპიონ სოგრატის ძე საბაშვილის საქმის გამგრობად. მას დაუსრულებია „როსტომიანის“ გალექსვა. საინტერესოა მისი განცხადება:

¹ ლაშა-გიორგის-დროინდელი მემბტიანე, გამოსცა ი. ჯავახიშვილი, თბილისი, 1927; ქართლის ცხოვრება, ანა დედოფლისეული ნუსხა, თბილისი, 1942, გვ. 237—245; ქართლის ცხოვრება, I, გვ. 365—371.

² ი. ჯავახიშვილი, ძველი ქართული საისტორიო მწერლობა გვ. 244—245.

მე. ხოსროთურმანიის ძეჰან, აშბავი ვაოვე ესია, უცხო, ტურფა და ლაშაზი, სპარსულად იყო ესია; პატრონაჰნ ჩემან მიბრძანა: „ქართულად წერე ესია“!

ის ერთის მხრივ გვაუწყებს მის მიერ „როსტომიანის“ ერთი ნაწილის გადმოთარგმნასა და გალექსვას, ხოლო მეორეს მხრივ გვისახელებს „პატრონს“, რომლის დაეალებითაც მან შეასრულა აღნიშნული სამუშაო („პატრონი ჩემი სვიმონ სვიანმცა არის სულთაგან!“). ჩანს, ხოსროს დამკვეთი ყოფილა ქართლის მეფე სვიმონ I (1558 — 1600), რომელიც, როგორც ჩანს, მიუხედავად გამთათა სიავისა და დღენიადავ ბრძოლისა, მაინც პოულობდა დროს ლიტერატურულ-საგანმანათლებლო საქმიანობისადმი თვალის მიდევნებისათვის. მისი ინტერესი ლიტერატურისადმი ცნობილია სხვა წყაროებითაც. ერთი ცნობით, სპარსეთში ტყვედ ყოფნისას სვიმონმა მეღექსეობით გამოიჩინა ფაეი და შაჰ-ისმაილის წყალობაც დაიმსახურა³.

სვიმონის მეფობის ხანა საქმოდ რთული და მშფოთვარე იყო.

მისი დროის ლიტერატურული ცხოვრების გასათვალისწინებლად არაა ინტერესმოკლებული არჩილის სიტყვები: „როსტომიანი უთქვამსო თურმანიძესა ხოსროსა, სხვა წიგნი მაშინ ძვირობდა, დაუწერია მას როსა“⁴.

მიუხედავად ამისა, ლიტერატურულ ცხოვრებას ძერა და წინსვლა დაეტყო⁵.

ქართლის დედაქალაქში ლიტერატურული მუშაობა შემდგომ ხანაში კიდევ უფრო გაიშალა და შესამჩნევი გახდა. აქ კვლავ გაგრძელდა ძველი ლიტერატურული ტრადიცია. ამას ამოწმებს ის ფაქტიც, რომ 1623 — 1632 წლებში, როდესაც დროებით ქართლ-კახეთის სამეფო გაერთიანდა და ტახტზე თეიმურაზ პირველი ავიდა, მან ხელი მიჰყო ლიტერატურულ მუშაობასაც, კერ-

³ შაჰ-ნამეს ქართული ვრსიები, ტ. II, თბილისი, 1934, გვ. 366.

⁴ იალიგარ დაუდი, ლ. კოტეტიშვილის გამოცემა, თბილისი, 1938, გვ. 24.

⁵ არჩილი, თხზულებათა სრული კრებული ორ ტომად, ალ. ბარამიძისა და ნ. ბერძენიშვილის რედაქციით, ტ. II, თბილისი, 1937, გვ. 3.

⁶ ხოსროთურმანიძე იხ. კ. ქეკელიძე, ძველი ქართული მწერლობის ისტორია, II, გვ. 233—236; ალ. ბარამიძე, ნარკვევები ქართული ლიტ. ისტორიიდან, II, თბილისი, 1940, გვ. 75—78.

ძოდ, „ლეილმაჯუნნიანისა“ და „იოსებზილიხანიანისა“ ახალი რედაქციების შექმნას (სპარსულიდან თარგმნა-გადმოკეთებას). არჩილის ცნობილ საისტორიო პოემაში: „გაბაასება თეიმურაზისა და რუსთველისა“ თეიმურაზი აღნიშნავს მის მეფობას ქართლ-კახეთში და დასძენს:

ამ დროს ვთქვი „ლეილმაჯუნნი“,

„ზილიხანიოსებისა“,

ქება, შეენება, სიტურფე,

მიჯნურთა ცეცხლებრ დებისა,

გაპრა შინდორად, ხელობა,

გულთა ლახვრულად სობისა.

და ტბილად რამ აღემომეტყველე

ლექსები სხივ-შუქებისა,

გამოვარჩინე ნათქვამი

მე ჩემის მუსიკობისა,

არ დაშვრა ენა მეტყველი

ტბილად მათხედა მკობისა,

განმარტეთა ვთქვი ქართულად.

და თქმული სპარსთ არაკობისა,

არ დაშორხილდა მეძაჟსა

იოსებ იაკობისა¹.

როსტომი (1632 — 1658) საკმაოდ თავისებურად მართავდა ქართლს. ის სპარსულ-მაჰმადიანური წესებით იყო აღზრდილი და ჩვენშიც აღმოსავლური ცხოვრების დაკანონებას შეუდგა. შაჰ-სეფის (1629 — 1642) დაუკითხავად თითქმის არას აკეთებდა, ამიტომაც აქვენდა ძალი ყიზილბაშთა და ქართველნი მკირეთაგან კიდე, ყოველნი ერთგულობდნენ². მისი მოხერხებული პოლიტიკის შედეგად, სამეფოში, შედარებით, მშვიდობიანობა დამყარდა. თავისი საქმიანობით ქართლის მაჰმადიანმა მეფემ „მოიართო ქართველნი და ყიზილბაშნი მონებდენ, ვითარცა ყენისა“³.

დიდებულთა წრეში განსაკუთრებით იჩინა თავი აღმოსავლურმა ტენდენციამ. ამ პერიოდში სამეფო კარზე გაჩნდნენ მეჩანგენი და მგოსნები, რომელთაც ხელი შეუწყვეს სახოტბო პოეზიის ტრადიციების განვითარებას⁴. იმ დროის მოღვაწეებს ესმოდათ, რომ „ჩამს დიდება პატრონისა, ვის

¹ არჩილი, თხზულებათა სრული კრებული, II, გვ. 82.

² ქართლის ცხოვრება, II, გვ. 48.

³ იქვე, გვ. 46; გვანატრაშვილი ბერი, ახალი ქართლის ცხოვრება, XVIII ს. დამდ., I, ტექსტი, ი. ჯავახიშვილის წინასიტყვაობითა და რედაქციით, თბილისი, 1940, გვ. 182.

აქვს ლექსთა თქმის შეძლება“⁵, და, შეძლებისდაგვარად, ცდილობდნენ როსტომისა და მისი მეუღლის დედოფალ მარიამის შემკობას. ასე; მაგალითად, ზოგიერთი ცნობით, არსებულა როსტომის ქება ლექსად⁶; შემონახულია ფრაგმენტები მარიამის ქებისა⁷; მარიამს აქებდა ცნობილი პოეტი ნ. ციციშვილიც⁸. გამოთქმულია მოსაზრება, რომ ნოდარმა თავისი „ბარამგურიანი“ დედოფალს უძღვნა⁹. საგულისხმოა, რომ როსტომი ზოგჯერ თვით მოუწოდებდა თავის კარის მწიგნობრებს ლიტერატურული საქმიანობისაკენ. სხვათა შორის, გრემის ნაქალაქარის ხილვისას ზან ფ. გორგიჯანიძეს „მუნასიბი ლექსის“ თქმა დაავალა¹⁰.

სამეფო კარზე და დედაქალაქში ლიტერატურული ტრადიციების გალვივებას განსაკუთრებით უწყობდა ხელს დედოფალი მარიამი, ასული მანუჩარ დადიანისა. ეს უკანასკნელი დიდად განათლებული და მწიგნობრობით ფრიად დაინტერესებული პირი ჩანს. მისი მოღვაწეობის დასახასიათებლად საკმარისია მოვიგონოთ „ქართლის ცხოვრების“ ძვირფასი ნუსხა (S № 30), რომელიც მარიამის ბრძანებითაა დამზადებული 1633 — 1646 წლებში¹¹. მისი მნიშვნელობა საქართველოს ისტორიის შესწავლისათვის განუზომელია. მარიამსავე მიეწერება ერთი ძვირფასი ხელნაწერის (A № 95), — პარხლის მრავალთავის (X ს.), — ოსმალთაგან დახსნა და განახლებაც. სათანადო მინაწერში აღნიშნულია: „ჩვენ, ხელმწიფემა პატრონმა დადიანის ასულმა დედოფალთ-დედოფალმა მარიამ ესე წიგნი ურუმთ ქვეყნიდამ გამოვიხსენ და გავაახლე დაშლილი და წამხდარი“¹².

¹ ნოდარ ციციშვილი, შვიდი მთიები, პროფ. კ. ქეკელიძის რედაქციით, გამოკლექითა და ლექსიკონით, თბილისი, 1930, გვ. 1.

² ხ. ქიქინაძე, ქართული მწერლობა და ქართველი მწერლები მეჩვიდმეტე და მეთვრამეტე საუკუნეებში, თბილისი, 1888, გვ. 40.

³ ქრონიკები, II, გვ. 452.

⁴ ნ. ციციშვილი, შვიდი მთიები, გვ. 1.

⁵ იქვე, გვ. XII.

⁶ ს. კაკაბაძე, ფარსადან გორგიჯანიძის ისტორია, თბილისი, 1925, გვ. 53.

⁷ ქ. გრიგოლია, ნარკვევები საქართველოს ისტორიის წყაროთმცოდნეობიდან, I, ახალი ქართლის ცხოვრება, თბილისი, 1954, გვ. 114—116.

⁸ Ф. Жордания, Описание рукописей Тифлисского церк. музея, кн. I, Т., 1808, гв. 114.

საკარო-სახობო პოეზია კიდევ უფრო განვითარდა ვახტანგ მეხუთის (1658 — 1675) მეფობაში.

ვახტანგ V ენერგიულად მართავდა თავის სამეფოს, თავგამოდებით ებრძოდა მოწინააღმდეგეებს, ძალზე ცდილობდა ერთგულთა შემოკრებას. თავისი მრავალმხრივი საქმიანობით, მეფემ „მოიწყო ქართლი და კახეთი. იმერნი ჟამად ეპყრნეს, ჟამად მსახურებდნენ და უსძენდნენ, მესხნი მორჩილებდნენ“ (ვახუშტი). გაძლიერდა და განმტკიცდა სამეფო კარი, რომლის დიდებასა და ბრწყინვალეობას აღტაცებაში მოჰყავდა უცხოელი მოგზაურებიც კი. სამეფო კარზე მომრავლდნენ მგოსნები და მომღერლები¹, არაჩვეულებრივად განვითარდა სახობო პოეზია, რომლის ტიპური წარმომადგენელია ფეშანგი ამირას ძე ხითარაშვილი. ამ უკანასკნელს 1664 — 1665 წწ. დაუწერია საქმოდ მოზრდილი საისტორიო პოემა, რომელშიც მიზნად დაუსახავს ქართლის მეფის ვახტანგ მეხუთისა და მისი შვილის არჩილის განდიდება. პოეტი დეტალურად აღწერს ვახტანგის სახელმწიფოებრივ მოღვაწეობას, ქართლ-კახეთის პოლიტიკურ მდგომარეობას, ზედმიწევნითი სისრულით გვიხატავს ფეოდალური საზოგადოების ყოველდღიური ცხოვრების დამახასიათებელ სურათებს, უხვ ცნობებს გვაწვდის ქართლის სამეფო კარის შესახებ და ნათლად გვაძლავს თავის პატრიოტულ განწყობილებას. მძუხვდავად იმისა, რომ „შაჰნავაზიანის“ ავტორი რიტორიკითაა გატაცებული და ყალბ პათოსს თავს ვერ აღწევს, მისი თხზულება საყურადღებო საისტორიო წყაროსა და მნიშვნელოვან ლიტერატურულ ძეგლს წარმოადგენს².

ვახტანგ მეხუთის კარზე, დროის შესაფერად, კარგად იყო დაყენებული სწავლა-აღზრდის საქმე, მემბტიანის ცნობით, ვახტანგმა თავისი შვილები აღზარდა „საველმწიფოსა სწავლითა და სიბრძნე-მეცნიერებითა. პირველად განსწავლნა სამლოთოა წერილთა სწავლა-თარგმანებათა და განმარტებათა მიერ, ხოლო უმეტესად საეროთა და სავეიქაცოთა მკედრობითა გამოცდილობითა ყოვლი-

თურთ, სამამაკაცო ზნეობითა ესრედ სახედ, რო-მე არაოდეს არ აღზრდილ არს საქართველოსა შინა მათებრივ არცა ძენი მეფეთანი და არცა დიდებულთანი“¹.

საკამათო არაა, რომ, უთუოდ, კარგი სწავლა-აღზრდის შედეგი იყო ვახტანგის ძეთა (არჩილი, გიორგი, ლევანი) ჩინებული განსწავლულობა, ბრწყინვალე განათლება და ლიტერატურული მოღვაწეობის მრავალმხრივობა.

ქართლის სამეფო კარზე აღიზარდა და არსებითად მის დედაქალაქში დაეაყვავა არჩილი (1647 — 1713), რომელსაც ფიზიკურ სიძლიერესა და მოხდენილ ვეეკაცობასთან ერთად დიდი ლიტერატურული ნიჭი და მაღალმსატერული გემოვნება გააჩნდა. თბილისში შეისწავლა და გაიცნო მან ძველი ქართული კულტურა, აქ შეითვისა და შეიყვარა ძველი ქართული ლიტერატურის სახელწოდანი ტრადიციები. მშობლიური ლიტერატურის ღრმა და საფუძვლიანი ცოდნა აშკარად გამოსკვევის არჩილის პოეტური შემოქმედებებიდან, რომელსაც, თავის მხრივ, უაღრესად დიდი მნიშვნელობა გააჩნია ქართული კულტურის ისტორიაში.

არჩილს ქართული სიტყვაკაზმული მწერლობის ისტორიაში უაღრესად თვალსაჩინო ადგილი უჭირავს. ის იყო ახალი ლიტერატურული მოძრაობის სახელოვანი მეთაური, ისტორიულ-ნაციონალური თემატიკის ბრწყინვალედ დამუშავებელი, მშობლიური ენის სიწმინდისათვის თავგამოდებული მებრძოლი, გამორჩენილი პოეტი და დიდაქტიკოს-მორალისტი. მართალია, ჩვენ სათანადოდ არ ვიცნობთ არჩილის კულტურულ-ლიტერატურული მოღვაწეობის თბილისის პერიოდს, მაგრამ ვფიქრობთ, მისი პოეტური გენია თბილისის კულტურულ გარემოში აყვავდა.

საფიქრებელია, არჩილის თბილისში ყოფნისას ჰქონდა ადგილი ლიტერატურულ პაექრობას მასა და სულხან-საბა ორბელიანს შორის². ძველი ქართული ლიტერატურის სახელოვან ტრადიციებზე აღზრდილი პოეტი ცნობილია თავისი მეცნატობით. მისი დაეალებით ფეშანგი ხითარაშვილმა გა-

¹ ფეშანგი, შაჰნავაზიანი, გ. ლეონიძისა და ს. იორდანიშვილის რედაქციით, თბილისი, 1936, გვ. 32—33, 38, 45, 59.

² იხ. „შაჰნავაზიანის“ წინასიტყვაობა და კ. კეკელიძე, ძველი ქართული მწერლობის ისტორია, II, გვ. 391—406.

¹ ეგნატაშვილი ბერი, ახალი ქართლის ცხოვრება, გვ. 207.

² არჩილი, თხზულებათა სრული კრებული, I, აღ. ბა-რამიძისა და ნ. ბერძენიშვილის რედაქციით, თბი-ლისი, 1936, გვ. 273.

ლექსა „ფირმალიანი“ 1681 წლის ახლო ხანაში. არჩილი თვით შენიშნავს:

ფეშანგი ფაშიბერტყაძემ ახლა თქვა „ფირმალიანი“,
მე ვათქმევინე, მარამე ვერა თქვა მარილიანი¹.

როგორც ჩანს, ფეშანგის არა სპარსულიდან უთარგმნია „ფირმალიანი“, როგორც ზ. ქიქინაძეს ეგონა², არამედ აუღია პროზაული თხრობა: „მორკმადიდებით ცხოვრება და მოქალაქობა ხელმწიფისა ფირმალისა და ძისა მისისა აბულ ისაყისა“ ანუ „ამბავი დიფნის ქალაქისა“³ და ლექსად გაუწყვია ის. სამწუხაროდ, ამ ლექსით რედაქციას ჩვენამდე არ მოუღწევია და მის „მარილიანობაზე“ ჩვენ ვერას ვიტყვი.

საკმაო ინტერესს იჩენდა კულტურულ-საგანმანათლებლო საქმისადმი არჩილის ძმა, ქართლის მეფე გიორგი XI (1676 — 1688, 1703 — 1709). მემპრიანენი მას საკმაოდ კარგი გარეგნობისა და ვაჟაკური ბუნების ადამიანად წარმოგვიდგენენ:

„ძლიერი გოლიათებრ, სამგვდროთა საქმეთა სრული და გელგამომავალი. ასეთი სიტყუა ჰქონდა, მტერნი მოყურად შეცვალის“ (ბერი ეგნატა-შეილი); მის „ხუმრობასა და სიტყვის მარჯობას არა გაეწყობოდა რა“ (სენხია ჩხეიძე) და სხვ.

გიორგი XI ლიტერატურით საკმაოდ დაინტერესებული იყო, ის თვით იღებდა მონაწილეობას ქართული მწერლობის განვითარების საქმეში. მას უნდა ეკუთვნოდეს ერთი საინტერესო თხზულება: „თხრობანი სულთა და ქორცთანი ურთიერთას, თქმული საქართველოს მეფის გიორგის მიერ“ (S № 1508, S № 2363), რომელიც ლექსნარევ პროზაულ თხრობას წარმოადგენს, საკმაოდ ვრცლად გვაცნობს ავტორის ნაფიქრ-ნააზრევს, მის რელიგიურ განწყობილებას⁴.

გიორგი XI ცნობილი მეცენატი იყო. მის კარზე მრავლად იყვნენ მწიგნობრები, პოეტები, მეხობენი. ზოგიერთი მათგანი მეფის დავალებითა და მითითებით მუშაობდა. მაგ., გიორგის დავალებით საეკლესიო მოღვაწეს იაკობ დუმბაძეს გაუღებდას ბაგრატი მუხრან-ბატონის პოლემიკუ-

რი თხზულება („უსჯულოს მაჰმადიანთა და ქრისტიანთა გაბაასება, ნათქვამი შემოქმედელის იაკობისაგან ბრძანებითა მეფის გიორგისათა, ძისა შანაოზისათა“)⁵.

გიორგი XI ზრუნავდა ქართულ ხელნაწერთა გამრავლებაზე, თხზულებათა პოპულარიზაციაზე. მისი დაკვეთით დამზადებული ერთი ძვირფასი ხელნაწერის (S № 2785) მინაწერში საგანგებოდაა აღნიშნული, რომ მას „სუროდა მრავალთა საღთოთა და სამეცნიეროთა წერილთა კითხვა და თარგმანება“⁶. აღნიშნული კრებულის შესწავლა უცილობლად ადასტურებს გადამწერის გამონათქვამის კემშარიტებას. ცალკე უნდა მოვიხსენიოთ „ვეფხისტყაოსნის“ დიდებული ხელნაწერი (H № 54), რომელიც გიორგის დავალებითაა დამზადებული 1680 წელს. ის შესრულებულია მაღალმხატვრულად და კალიგრაფიული ხელოვნების შესანიშნავ ნიმუშს წარმოადგენს⁷. მისი შემსრულებელი მდივანი ბეგთაბეგი აღნიშნავს: „მრავალნი მეფენი გარდაცვალებულან და არავის შეუმკია წიგნი ივეფხისტყაოსანი“ მსგავსად გიორგისა, რომელმაც „წარაგო მრავალი წარსაგებელი“ მისი დამზადების მიზნით.

გიორგი XI ახლო ურთიერთობაში იყო სულხან-საბა ორბელიანთან. უებრო იგავთმწერალი „ქილილა და დამანას“ წინასიტყვაობაში საგანგებოდ აღნიშნავდა, რომ ის „გიორგი მეფის დედის ძმისწული იყო და მისგანვე შეიღურად გაზრდილი და გასწავლებული“⁸. როგორც ჩანს, გიორგიმ ადრევე შენიშნა სულხან-საბას ნიჭი, გამოარჩია ის და შეუწელებელი ინტერესით თვალს ადევნებდა მის საქმიანობას. მანვე დაავალდა თავის აღზრდილს ლექსიკონის შედგენა (იხ. ქვემოთ).

გიორგი XI ყურადღება მწერლობისადმი გარკვეულ იერს აძლევდა თბილისის ლიტერატურულ ცხოვრებას. განსწავლულ მეფეს მხარს უმშენებდა

¹ ვხვდებოდა მრავალ ხელნაწერში (S №№ 342, 395, 656, 951-გ, 1103, 1508, 1512, 1516, 2775; H №№ 38, 394, 2101; A № 860).

² E. Такашвили, Описание рукописей „ОРГНИ“, т. II, Т., 1906—1912 гг., გვ. 653.

³ შ. ამირანაშვილი, შოთა რუსთაველის პოემა „ვეფხისტყაოსანი“ ძველ ქართულ ხელოვნებაში, ენიშნის მოამბე, III, 1938, გვ. 155.

⁴ ქილილა და დამანა; ალ. ბარამიძისა და პ. ინგოროვას რედაქციით, თბილისი, 1949, გვ. 4.

¹ არჩილი, თხზ. სრული კრებული, II, გვ. 4.

² ზ. ქიქინაძე, ქართული მწერლობა და ქართველი მწერლები მეხვიდმეტე და მეთვრამეტე საუკუნეებში, გვ. 14.

³ S № 1145; „მოამბე“, 1904, № 6, დამატება, გვ. 1—58.

⁴ ბ. ქიქოძე, გაბაასება ძველ ქართულ ლიტერატურაში, ბათუმი, 1952, გვ. 175—179.

უპროსი ძმა ლევანი „ბრძენი და მეცნიერი, შორ-
დამნახავი საქმისა და განსწავლული სამეცნიერო
წიგნითა“ (ბერი ეგნატაშვილი)¹. გარკვეული ლი-
ტერატურული ინტერესები ჰქონდა დედოფალ თა-
მარსაც². კარზე თავი მოიყარეს მეხოტბე პოე-
ტებმა, რომელთა თვალსაჩინო წარმომადგენელია
მდივანი ბეგთაბეგთანი აშვილი. მას დაუ-
წერია გიორგის საკმაოდ მოზრდილი პროზაული
ქება, რომელიც ანდერძის სახით ახლავს მის მიერ
გადაწერილ „ვეფხისტყაოსანს“ (H № 54, 262 r—
263 r). მასვე დაუწერია გიორგის ქება ლექსის
სახით, ოღადა, რომელშიც პათეტიკურად აღწერს
მეფის გარეგნობას და ახასიათებს მის სულიერ
სამყაროს³. ბეგთაბეგს განუგრძია მისი ძმის სულ-
ხანის მიერ წამოწყებული საქმე და 1681 წლის-
თვის დაუსრულებია გალექსვა „ამირანდარეჯა-
ნიანისა“⁴.

გიორგი მეთერთმეტის კარზე მოღვაწეობდა და
მასთან ახლო ურთიერთობაში იყო ისტორიკოსი
სეხნია ჩხეიძე, რომელმაც თავის ნაწარმოებ-
ში „ცხოვრება მეფეთა“⁵, აღწერა 1653—1739
წლების ამბები და სათანადო ადგილი მიუჩინა
გიორგისაც⁶.

გიორგის კარზე მოღვაწე მწიგნობართაგან გან-
საკუთრებით აღსანიშნავია დიდი ქართველი მწე-
რალი და გამოჩენილი საზოგადო მოღვაწე სულ-
ხან-საბა ორბელიანი (1658—1725). ის ახ-
ლო ნათესაურ კავშირში იყო სამეფო კართან და
აქტიურად მონაწილეობდა ქართლის პოლიტიკურ-
ეკონომიურ ცხოვრებასა თუ კულტურულ-ლიტე-
რატურულ საქმიანობაში. მისი, როგორც მომე-
ვალნი დიდი მწერლის ჩამოყალიბებაზე, მის სუ-

ლიერ თვისებათა წრთობასა და სასიათის გამო-
კვეთაზე ძალზე დიდი გავლენა შობდინა ქართ-
ლის პოლიტიკურ-ეკონომიურმა და კულტურულმა
მდგომარეობამ, ქართლის სამეფო კარმა. არჩილი,
გიორგი და ლევანი დიდად ეხმარებოდნენ მას,
აქტიურად მონაწილეობდნენ მის გონებრივსა თუ
ფიზიკურ აღზრდაში. ღრმად განსწავლული და
ფრიად განათლებული სულხან-საბა მათ დახმარე-
ბასა და მფარველობას ერთგულებით უპასუხებდა.
მან მთელი თავისი შემდგომი საქმიანობა, პოლი-
ტიკური თუ დიპლომატიური მოღვაწეობა ვახტანგ
მეხუთის შთამომავლობის კეთილდღეობისა და
ქართლის ტახტზე დამკვიდრებისათვის ბრძოლას
დაუკავშირა.

განათლებულსა და წარჩინებულ სულხან-საბას
ლევან ბატონიშვილის ვაჟის ვახტანგის აღზრდა
დაევალა. მან სერიოზულად მოჰკიდა ამ საქმეს
ხელი და არა მარტო ასწავლიდა ვახტანგს, არა-
მედ საერთოდ ხელმძღვანელობდა მის აღზრდა-
განათლებას და, შეძლებისდაგვარად, მეცნიერების
ყოველი დარგის შესწავლას თვალს ადევნებდა. ამ
დროს მუშაობდა ის „სიბრძნე სიცრუეზე“ (1678—
1688)¹. როგორც ცნობილია, ამ კრებულის პრაქ-
ტიკულ-აღმზრდელობითი მნიშვნელობა ძალზე დი-
დია. მის ავტორს კონკრეტული პირის — ვახტან-
გის სასწავლო-აღმზრდელობითი ამოცანები ამოქ-
მედებდა. უბადლო იგავთმწერალი თავის პრაქ-
ტიკულ საქმიანობას წიგნში თეორიულად ასაბუ-
თებდა და ამართლებდა².

ქართლის სამეფო კარზე ყოფნისას დაუწყია
სულხან-საბას მუშაობა ლექსიკონზეც. საინტერე-
სოა მისი ცნობა: „მე, სულხან-საბა ორბელიანსა,
ქაბუკობისა ეამსა და სიყრმესა, ფრიადი შრომა
დამიქს ამა წიგნსა ზედა. რამეთუ ქართულთა ენა-
თა ლექსიკონი აღარ იპოვებოდა, რამეთუ ესმთა
ვითარებითა უჩინო ქმნილიყო. ეინადგან ბატიო-
სანი ესე წიგნი დაჰკარგოდათ, ენა ქართული
თუსთა ნებაზედ გაერყუნათ. ვახტანგ მეფის ბიძამ,
გიორგი მეფემ, მიბრძანა ამისი კვლეყოფა. კელი

¹ მწიგნობრობით დანტერესებული პირი უნდა ყოფი-
ლიყო მისი ასული ხვარაშხუცე (I № 151).

² მისი კუთვნილი წიგნებიდან ცნობილია „შაჰნავაზიანი“
(ფეშანგი, შაჰნავაზიანი, გვ. VIII—IX), სეინაქსარი
(ფ. თაყაიშვილი, სომხეთ-საორბელის ძეგლების წარწე-
რები, I, „რეკლამიონი“, პარიზი, 1929, გვ. 93—94; ქრონი-
კები, II, გვ. 497) და სხვ.

³ E. Такашвили, Описание рукописей, II,
გვ. 574—578.

⁴ ს. თანი აშვილი, ამირანდარეჯანიანი, გ. ჯაკო-
ბიას რედაქციით, წინასიტყვაობით, ლექსიკონით და შე-
ნიშვნებით, თბილისი, 1941.

⁵ ქართლის ცხოვრება, II, გვ. 307—342.

⁶ ი. ჯავახიშვილი, ძველი ქართული საისტორიო
მწერლობა, გვ. 362—368.

¹ ლ. მენაბდე, სულხან-საბა ორბელიანი, თბილისი,
1953, გვ. 103.

² ლ. მენაბდე, სულხან-საბა ორბელიანისა და ვახტანგ
მეექვსის ურთიერთობისათვის, სტალინის სახელობის თსუ
შრომები, ტ. 71, 1958.

მეყავ და, რაოდენ ძალ მეღვა, აღეწერე“¹. დიდი ლექსიკოლოგი სხვა შემთხვევაში გვაუწყებს, რომ „მეფის არჩილისა და მეფის გიორგისა და ბატონის ლეონის... ბრძანებით აღიწერა“ ლექსიკონი².

აღნიშნული ცნობებიდან ნათლად ჩანს, რომ სულხან-საბა უკვე ჰაბუკობისას (1678—1688) დაიწყო ლექსიკონზე მუშაობა. საგულისხმოა მისი ჩვენება ქართული ენის სიწმინდებზე გიორგისა და მისი ძმების ზრუნვის შესახებ. როგორც ჩანს, მშობლიური ენის კატასტროფის მოახლოების შეგნებამ ჩააფიქრა ისინი და გარკვეული ნაბიჯიც გადაადგმევინა.

მე-17 საუკუნის მეორე ნახევრის გამოჩენილი მოღვაწეა გიორგი მეფის ერთგული მოკავშირე თბილისის მიტროპოლიტი იოსებ სააკაძე, რომელიც 1661—1668 წლებში ჩანს ამ პოსტზე. ის აქტიურად იღვწოდა სასულიერო-საეკლესიო მწერლობის არენაზე. მის კალამს ეკუთვნის ალექსის ცხოვრებისა³ და მარინას წამების⁴ გალექსილი რედაქციები, ანბანთქება (S №№ 1512, 1547, 3704; H №№ 489, 771, 1193); ცნობილია მისი პაექრობა იაკობ დუმბაძესთან⁵. განსაკუთრებით აღსანიშნავია მისი ვრცელი საისტორიო პოემა „ღიდმოურავიანი“, რომელიც 1684—1687 წლებით თარიღდება⁶. ავტორი, მიუხედავად მისი მღვდელმთავრობისა, არ ერიდება თანამოდასეთაგან კიცხვას და ხელს ჰკიდებს საერო თემის დამუშავებას და სახელოვანი მამულიშვილის გიორგი სააკაძის რეაბილიტაციას. თავის საკმაოდ მხატვრულ თხზულებაში ის კარგად წარმოგვიდგენს

ქართლ-კახეთის პოლიტიკურ მდგომარეობას მე-17 საუკუნის დამდეგისას. ი. სააკაძეს რამდენიმე ათეული სტროფი დაუმატებია „ვეფხისტყაოსნისთვის“⁷.

ი. სააკაძეს ჰქონია მდიდარი წიგნსაცავი. ჩვენთვის ცნობილია რამდენიმე ხელნაწერი წიგნი მისი ბიბლიოთეკიდან (H №№ 43, 936, 1346, 2074; A №№ 140, 1339 და სხვ.). როგორც ჩანს, იოსები სხვებს ავალბდა ნუსხების დამზადებას (H № 43, H № 1112). სხვათა შორის, ის არჩილსაც ეხმარებოდა სასულიერო-საეკლესიო წიგნების შესწავლაში (H № 1346, 206 v). ცნობილია იოსების მიერ დაწერილი სიგლები⁸.

ცალკე უნდა აღენიშნოთ ის კულტურულ-საგანმანათლებლო მუშაობა, რომელიც ვახტანგ ლევანის ძე ბაგრატიონის სახელთანაა დაკავშირებული.

ვახტანგი იყო დიდად განათლებული მწიგნობარი, უაღრესად გონიერი და გამჭირაბი მმართველი, მართლმსაჯული გამგებელი, ნიჭიერი პოეტი და დახელოვებული მთარგმნელი, მახვილგონიერი კომენტატორი და საყოველთაოდ ცნობილი მეცენატი. მისი ჯანიშინობისა (1703—1711) თუ მეფობის (1716—1724) ხანა მრავალმხრივ საყურადღებო და მნიშვნელოვანია. მან „დაამდამლნა თათარნი და აღამდამლნა ქართველნი“, აღადგინა დარღვეული საეკლესიო სამართალი და, ქართლის კათოლიკოსად თავისი ძმის დომენტის არჩევით, ეკლესია შემოიმტკიცა; კახეთში აპყარა ქართულ გლეხთა დიდი ნაწილი და ქართლს ჩამოასახლა; აავო და აღადგინა ხიდები და სასახლეები, სარწყავი არხები და ეკლესია-მონასტრები, დააარსა და აამუშავა პირველი სტამბა თბილისში (1709 წ.); გაშალა ფართო სასტამბო-საგამომცემლო საქმიანობა; მოაწესრიგა სახელმწიფო სამართალი და დაადგინა კანონთა კრებული; „სწაველულ კაცთა“ კომისიის გაამართვინა საქართველოს ისტორია და ა. შ. მისი ასეთი ღრმაშინაარსიანი სახელმწიფოებრივი საქმიანობა და კულტურულ-ლიტერატურული მოღვაწეობა სულხან-საბა ორბელიანის დი-

¹ სულხან-საბა ორბელიანი, სიტყვის კონა ქართული, რომელ არს ლექსიკონი, ს. ორბელიანის შვილის რედაქციითა და წინასიტყვაობით, თბილისი, 1949, გვ. 10.

² იქვე, გვ. 571.

³ S №№ 1203, 1512, 2694; არქ. № 396; ძველი ქართული ლიტერატურის ქრესტომათია, I, გვ. 395—406.

⁴ S №№ 1203, 1512, 2694.

⁵ გვებდება მრავალ ხელნაწერში (A №№ 1076, 1221, 1272, 1278, 1541, 1575-გ, 1735; S №№ 1508, 1512, 3704; H №№ 660, 771, 1132-ა, 1193, 2781; არქ. № 204), გამოცემულია რამდენჯერმე („ივერია“, 1879, № 7—8, გვ. 95; „სახალხო გახეთი“, 1912, № 572 და სხვა).

⁶ H №№ 123, 124, 612, 1757, 2555; S № 15; A №№ 1125, 1378. 1851 წ. დაბეჭდა კლ. ოსტოიანიძე, 1897 წ. — ს. კილაძემ და ი. იმედაშვილმა. უკანასკნელი, მესამე, გამოცემა იუზუფის გ. ლეონიძეს (თბილისი, 1939).

⁷ კ. კეკელიძე, რუსთველოლოგიური შტუდიები, იტიუდეები ძველი ქართული ლიტერატურის ისტორიიდან, IV, თბილისი, 1958, გვ. 13—15; გ. ლეონიძე, ძიებანი ქართული ლიტერატურის ისტორიიდან, I, თბილისი, 1949, გვ. 304—323.

⁸ საქართველოს სიმეფლენი, ე. თაყაიშვილის რედაქტორობით, ტ. II, თბილისი, 1909, გვ. 97—102.

დი აღმზრდელობითი მუშაობის ბრწყინვალე შედეგია. ეს უკანასკნელია ვახტანგის პოლიტიკური მრჩეველი და მესაიდუმლე, ისაა ვახტანგის ეკონომიური და კულტურული რეფორმების სულსახამდგმელი. გადაუქარბებლად შეიძლება ითქვას, რომ ვახტანგის ყველა კულტურული წამოწყება მეტ-ნაკლებად მისი დიდებული აღმზრდელის სახელთანაა დაკავშირებული. მიუხედავად აღნიშნულისა, მაინც უნდა დავსძინოთ, რომ ეპოქის მთელი ინტელექტუალური საქმიანობის მეთაური იყო ვახტანგი.

ვახტანგი თვით იყო შესანიშნავი პოეტი და ღრმადგანათლებული მეცნიერი. ის თავისი პირადი მაგალითით, დაულალავი შრომითა და უშრეტო ენერჯით აღაფრთოვანებდა თანამოღვაწეებს და მათ კიდევ უფრო აქტიური საქმიანობისაკენ მოუწოდებდა. მართალია, მისი ორიგინალური თხზულებების, ლირიკული ლექსების დიდი უმრავლესობა სამშობლოს გარეთ, უცხო მხარეში, დაიწერა, მაგრამ ის არსებითად თბილისის კულტურას ნაზიარები მგოსანი და აქაურ ტრადიციებზე აღზრდილი მოაზროვნეა. ვახტანგი უაღრესად მრავალფეროვანსა და ნაყოფიერ კულტურულ-ლიტერატურულ საქმიანობას ეწეოდა; თხზავდა შესანიშნავ ლირიკულ ლექსებს, თარგმნიდა სპარსულიდან დიდაქტიკურ-აღმზრდელობითი ხასიათის ნაწარმოებსა („ამირნასარიანი, თქმული სპარსთა. ენისაგან ქართულად ბატონიშვილის განმგებლის ვახტანგისაგან“) თუ იგავ-არაკთა სახელგანთქმულ კრებულს („ქილილა და დამანა“), ათარგმნიებდა ლიტერატურულ ძეგლებს სპარსულიდან („ბახთიარნამე“), ამრავლებინებდა ხელნაწერებს (A № 628, 629, 856, 910; H № 1032; არქ. № 242), ეხმარებოდა კულტურულ-საგანმანათლებლო დაწესებულებებს და ა. შ. აღნიშნულის შედეგად ქართლის გული—თბილისი იქცა ფართოდ გაშლილი კულტურულ-შემოქმედებითი მუშაობის დიდ ცენტრად. ერთი მეცნიერის მართებული შენიშვნით, ვახტანგის სასახლე წარმოადგენდა ერთგვარ პატარა აკადემიას, სადაც თავს იყრიდა საქართველოს იმდროინდელი საზოგადოებრიობის მთელი ინტელექტუალური აქტივი. ვახტანგის ენერჯიული ხელმძღვანელობით ეს აკადემია შესაფერისად ეხმაურებოდა ეპოქის კულტურულ მაჯისცემას¹. ვახ-

ტანგის კარზე თავი მოიყარეს მეცნიერებმა და მწერლებმა, მთარგმნელებმა და კალიგრაფებმა, მეხოტბეებმა და კარის მენატრიანებმა, მომღერლებმა და დამკვრელებმა¹. ქართველი მეფის სასახლეში სხვა ქვეყნიდან მოსული მგოსნებიც კი მოღვაწეობდნენ (სომეხი იონათანი)².

არსებითად თბილისში მოღვაწეობდნენ სულხან-საბა ორბელიანი, ონანა ქობულაშვილი, გივი თუმანიშვილი, დომენტი ბაგრატიონი და სხვანი. თბილისის კულტურულ გარემოში აღიზარდა და მომწიფდა ქართველ მეცნიერთა და მწერალთა ის სახელოვანი თაობა, რომელმაც შემდეგში რუსეთში არსებულ ქართულ კოლონიებში გაშალა თავისი მრავალმხრივი საქმიანობა (ვახუშტი, ბაქარი, ერასტი თურქისტანიშვილი, დიმიტრი ორბელიანი, მამუკა ბარათაშვილი, ფაულენიშვილი და სხვა მრავალი)³.

ფრიად ნაყოფიერ კულტურულ-ლიტერატურულ მუშაობას ეწეოდა ამ პერიოდში სულხან-საბა ორბელიანი. ის შეუწინაღობელი ინტერესითა და ენერჯიის დაუზოგავად განაგრძობდა მუშაობას ლექსიკონზე, ავსებდა და ავრცობდა, ხვეწდა და ახუსტებდა მას. ამის შედეგად მივიღეთ საკმაოდ დასრულებული ნაშრომი, რომელიც ხანგრძლივი და ინტენსიური საქმიანობის ფრიად სასახლო ნაყოფს წარმოადგენს და კარგად წარმოაჩენს ქართული სიტყვიერი საუნჯის ულევ არსენალს. ამავე პერიოდში იგავთმწერალი განაგრძობდა „სიბრძნე სიცრუეზე“ მუშაობას და ამ უკვდავ ნაწარმოებს საბოლოო რედაქციას უკეთებდა. რასაკვირველია, სულხან-საბას საქმიანობა არ შემოიფარგლებოდა მხოლოდ ადრე წამოწყებული სამუშაოების გაგრძელებითა და დასრულებით. ის თხზავდა ახალ ძეგლებსაც: ევროპიდან დაბრუნების (1716 წ.) შემდეგ დაწერა „მოგზაურობა ევროპაში“, რომელიც ქართული სამოგზაურო-მემუარული მწერლობის უებრო ძეგლს, ქართული დოკუმენტური პროზის ბრწყინვალე ნიმუშს

¹ დასტურდამალი, პ. უმიკაშვილის რედაქტორობით, თბილისი, 1886, გვ. 68.

² ლ. მელიქსეთ-ბეგი, იონათანი, „მნათობი“, 1933, № 5, გვ. 181—187.

³ ლიტერატურული მუშაობით დანტერესებული ყოფილა და თავისი კალამი უცდია ვახტანგის ასულს ანჯა ბატონიშვილსაც (A № 1453, 238 v).

¹ ა. ბარათაშვილი, ნარკვევები ქართული ლიტერატურის ისტორიიდან, II, თბილისი, 1940, გვ. 441.

წარმოადგენს¹. მომდევნო ხანაში მან მიიღო ვახტანგის საპატიო და საპასუხისმგებლო დავალება და ბრწყინვალედ შეასრულა იგი: იგავ-არაკთა ცნობილი კრებულის „ქილილა და დამანას“ ვახტანგისეული თარგმანი გადაამუშავა რედაქციულად, შეასწორა და სათანადო ადგილები გალექსა, სპარსიზმები წაშალა და რელიგიური ეპიზოდები გადააკეთა, რის შედეგად მას კანონიკური რედაქციის მნიშვნელობა მისცა².

აქვე შევნიშნავთ, რომ სულხან-საბასა და ვახტანგ შორის ცხოველი ლიტერატურული ურთიერთობა და მკიდრო თანამშრომლობა შეინიშნება. სათანადო ხელნაწერების („ქილილა და დამანას“, „ქართული ლექსიკონი“, „ქართლის ცხოვრება“...) შესწავლა საკმაოდ სრულიად ააშკარავებს მათი კულტურულ-ლიტერატურული თანამოღვაწეობის საინტერესოსა და საყურადღებო მომენტებს, გვაცნობს მათ ინტერესთა სიახლოვესა და სულიერ ნათესაობას. დასახელებული ძეგლების შემკველ ზოგიერთ ხელნაწერს კარგად აღუბეჭდავს აღმზრდელ-აღზრდილის ერთობლივი მუშაობის კვალი. უკანასკნელად მიკვლეული მასალებით ირკვევა, რომ მათ შორის ლიტერატურულ გაბაეკრებასაც კჭონდა ადგილი (S № 5234).

ვახტანგის კარის მოღვაწეებად ჩანან წლივნიები ონანა ქობულაშვილი და გივი თუმანიშვილი.

ონანა მდივანი ქართული მწერლობის ისტორიაში საკმაოდ ცნობილი პირია³. მისი სახელით რამდენიმე საინტერესო ნაწარმოებია მოღწეული. ის ვახტანგთან დაახლოებული პირი, მისი თანამოღვაწე და თანამშრომელი ყოფილა და ზოგიერთ სამუშაოს მისი დავალებით ასრულებდა, კერ-

ძოდ, სამშობლოში ყოფნის დროს ვახტანგის დაკვეთით უმუშავებდა „ქილილა და დამანას“ ქართულ რედაქციაზე. როგორც ონანას ანდერძი ცხადყოფს, ვახტანგს „ქილილა და დამანას“ საეკუთარი თარგმანი მისთვის გამოუგზავნია „გასახალხად“ და ლექსებით შესაესებად.⁴ ონანამ პროზით თარგმანს ხელი არ ახლო, არ შეცვალა. მან მხოლოდ სათანადო ადგილები გალექსა და, ამასთანავე, უცვლელად გაიმეორა ვახტანგის მიერ ლექსად გაწყობილი მასალა. ამრიგად, მას ეკუთვნის ვახტანგის მიერ პროზად თარგმნილი სპარსული ლექსების ლექსად გაწყობა. ონანა საკმაოდ ნიჭიერი პოეტი იყო და დავალებაც კარგად შეასრულა, მაგრამ მისი ნამუშავეები სულხან-საბას მიერ რედაქტირებულმა „ქილილა და დამანამ“ დაჩრდილა.

გივი თუმანიშვილს ზოგჯერ მიიჩნევენ მოსკოვის ქართული კოლონიის წევრად⁵, რაც, რასაკვირველია, სწორი არაა. ის ძალზე ხშირად იხენიება მე-17 საუკუნის უკანასკნელი მეოთხედისა და მე-18 საუკუნის პირველი მეოთხედის დოკუმენტებში⁶. როგორც ჩანს, გივი მდივან-მწიგნობრის თანამდებობას ასრულებდა რამდენიმე მეფის კარზე (გიორგი XI, ერეკლე I, ვახტანგ VI, იესე, ბაქარი) და მრავალ დოკუმენტს ადგენდა თუ წერდა. ნაყოფიერად მოღვაწეობდა გ. თუმანიშვილი ლიტერატურულ ასპარეზზეც. მის კალამს მიეწერება ანბანთქება⁷, შაირი მაღალაშვილის ცოლზე (S № 1512), არჩილ მეფის ქება⁸, ვახტანგის ეპი-

¹ ძველი ქართული ლიტერატურის კრესტომათია, II, შედგენილი ს. ყუბანეიშვილის მიერ, თბილისი, 1949, გვ. 341.

² გ. ლეონიძე, ქაშვიკი, თბილისი, 1920, გვ. 41; ა. ბალახაშვილი, ქართველი მხედრები 1812 წ. სამამულო ომში, თბილისი, 1942, გვ. 8.

³ საქ. სიმეონი, I, თბილისი, 1899, გვ. 79, 82, 136, 390, 440, 444, 490; II, თბილისი, 1909, გვ. 105, 107, 114, 153, 185, 189, 202, 225, 245, 246, 265, 301, 445, 448, 509; III, თბილისი, 1910, გვ. 406—408; ს. კაკაბაძე, ისტორიული საბუთები, V, თბილისი, 1913, გვ. 5, 8, 15; დოკუმენტები საქართველოს სოციალური ისტორიიდან, I, ბატონყმური ურთიერთობა (XV—XVIII სს.), ნ. ბერძენიშვილის რედაქციით, თბილისი, 1940, გვ. 73, 84, 85, 104, 108, 109, 126, 127, 146, 169, 173, 175.

⁴ S № 390, S № 424; Е. Такайшвили, Опис. рукописей, II, გვ. 187.

⁵ S № 424; Е. Такайшвили, Опис. рукописей, II, გვ. 196—197.

¹ სულხან-საბა ორბელიანი, მოგზაურობა ევროპაში, ს. იორდანიშვილის რედაქციით, წინასიტყვაობით, შენიშვნებით და ლექსიკონით, თბილისი, 1940.

² ქილილა და დამანას, იგავ-არაკები, ქართულად გადმოღებული ვახტანგ VI-ისა და სულხან-საბა ორბელიანის მიერ, აღ. ბარამიძის და პ. ინგოროყვას რედაქციით, თბილისი, 1949.

³ გ. ჯაკობია, ონანა მდივანსათვის, საქართველოს სახ. მუზეუმის შობაზე, X-B, 1940, გვ. 133—140; დ. ბრეგვაძე, ქართველი პოეტები რუსეთში, ონანა მდივანის ვინაობისათვის, ა. წულუკიძის სახელობის კუთაისის სახ. პედაგოგიური ინსტიტუტის შრომები, XI, 1952—1953 წწ., გვ. 269—283.

ტაფია¹; გივის მონაწილეობა მიუღია ლიტერატურულ პაექრობაში სულხან-საბა ორბელიანსა და ვასტანგ მეექვსესთან², ვახუშტი ბაგრატიონთან ერთად აღუწერია მეწინავე სადროში³, 1701 წლისთვის შეუდგენია არჩილის თხზულებათა კრებული (S № 424), რომელსაც შემდეგ ხანაშიც ავრცობდა და აესებდა⁴. მგონი მასვე გადაუწერია „ვეფხისტყაოსნის“ ერთი ნუსხა (H № 3061) და ვახტანგის სამართალი (Q № 164).

ვახტანგის თანამოღვაწე მისი ძმა დომენტი, რომელიც ქართლის კათოლიკოსად ჩანს 1705—1741 წლებში⁵. 1725—1738 წლებში ის სამშობლოს მოაშორეს და კონსტანტინოპოლსა და ტენედოს ჰყავდათ გადასახლებული, მაგრამ ყველგან აქტიურად იღვწოდა და ლიტერატურული საქმიანობისადმი ინტერესს ტყვეობაშიც იჩენდა (A № 66)⁶. როგორც მემატინეთა და სიგელ-გუჯართა ჩვენებიდან ჩანს, დომენტი კათოლიკოსს უწარმოებია ნაყოფიერი აღმშენებლობითი საქმიანობა (H № 2513). ის იერუსალიმსაც კი სწევია და ჯვრის მონასტრისათვისაც დახმარება აღმოუჩენია 1699 წელს⁷. განსაკუთრებით აღსანიშნავია მისი

¹ გვხვდება მრავალ ხელნაწერში (S № 6, 536, 1203, 1508, 1512, 1516; A №№ 1164, 1163, 1221, 1541, 1735; H №№ 394, 1193; არქ. №№ 396, 495). დაბეჭდილია მეტწილად ვახტანგის სახელით („ციცკარი“, 1852, № 3, გვ. 5; 1857, № 11, გვ. 6—7; „ივერია“, 1879, № 7—8, გვ. 104; 1882, № 2, გვ. 146—147; 1894, № 74; „მწყემსი“, 1886, № 31, გვ. 7; „სახალხო ფურცელი“, 1916, № 677; „ლიტერატურა და ხელოვნება“, 1947, № 14; სტალინის სახელობის თსუ შრომები, ტ. 43, 1951, გვ. 152 და სხვ.). დაბეჭდილია ვახტანგის თხზულებათა კრებულშიც (გვ. 64).

² ვ. მეტრეველი, ვახტანგ VI-ის ეპიტაფიის ავტორი, სტალინის სახელობის თსუ შრომები, ტ. 43, 1951, გვ. 141—152.

³ მასალანი საქართველოს სტატისტიკური აღწერილობის მეთორამეტე საუკუნეში, I, აღწერა მეწინავე დროისა სხვაბართაშვილსა და სომხითისა შედგენილი მეფის ვახტანგ VI-ის ბრძანებით ვახუშტი ბატონიშვილისა და გივი თუმანიშვილის მიერ 1721 წელს, გამოც. ე. თაყაიშვილისა, თბილისი, 1907.

⁴ ლ. მენაბდე, არჩილის ერთი თხზულების თარიღისათვის, გახ. „ახალგაზრდა სტალინელი“, 18. III. 58, № 8(220).

⁵ ბ. ლომინაძე, მასალები საქართველოს XVII—XVIII ს-თა ისტორიის ქრონოლოგიისათვის, მასალები საქ. და კავკასიის ისტორიისათვის, ნაკვ. 29, 1951, გვ. 69—70.

⁶ მ. ჯანაშვილი, საისტორიო და საბიბლიოგრაფიო წერილები, წერილი ოდ, „ივერია“, 1900, № 190, 191, 195, 198.

⁷ ამას ამოწმებს ჩვენება დერეთისა (R № 181) და ჯვრის მონასტრების (ნ. მარის აღწერილობით № 1, № 17, № 19; რ. ბლეკით—№№ 1, 8, 18, 51) ხელნაწერებისა. იხ. აგრეთვე ქრონიკები, I, გვ. 209, 289.

ზრუნვა ქართული სასულიერო-საეკლესიო მწერლობის გამდიდრებასა და ძველ ნუსხათა გამრავლებასზე. მისი ინიციატივითა და დაკვეთითაა გადაწერილი ოთხთავი (H № 1097), სადღესასწაულო (A № 425), პარაკლიტონი (A № 452), ასკეტკონი (A № 63), ეფრემ სირინის (A № 62), იოანე ოქროპირის (A № 56), იოანე დამასკელის (H № 97) თხზულებანი და სხვ. მისი მითითებების თანახმად მთარგმნელობით მუშაობას ეწეოდა კვიპრიანი სამთაენელი, რომელმაც დომენტის დავალებით თარგმნა ბერძნულიდან კურთხევანი და „განმარტება ეკლესიისა და კურთხევა მისი“. როგორც უკანასკნელ ხანს გაირკვა, დომენტის სახელთანაა დაკავშირებული ქართული აგიოგრაფიული კრებულის შექმნა-ჩამოყალიბებაც¹. მის წრეში ტრიალებდა და მასთან ახლო ურთიერთობაში იყო პოეტი იესე ტლაშაძე, რომელმაც შემდეგში მისი თავგადასავალი აღწერა „ქათალიკოზ-ბაქარიანში“².

ვახტანგის ხანის კულტურულ წამოწყებათაგან განსაკუთრებით აღსანიშნავია თბილისში პირველი სტამბის დაარსება (1709 წ.) და საგამომცემლო საქმიანობის გაჩაღება. ვახტანგის ზრუნვითა და რუღუნებით, აგრეთვე სტამბის მუშაკების (მიხაილ უნგროვლახელი, ნიკოლოზ ორბელიანი, გერმანე მღვდელმონაზონი) ენერგიული შრომის შედეგად პირველმა სტამბამ, მიუხედავად მცირე ხანს არსებობისა (1709—1722), ფრიად საყურადღებო ძეგლები გამოაქვეყნა (განსაკუთრებით აღსანიშნავია „ვეფხისტყაოსანი“) და უდიდესი როლი ითამაშა ქართული კულტურის ისტორიაში³.

ნაყოფიერი კულტურულ-საგანმანათლებლო მუშაობა გაიშალა თბილისში მას შემდეგ, რაც ქართლის ტახტზე ავიდა ბაგრატიონთა კახეთის შტოს წარმომადგენელი თეიმურაზ II (1700—1762). თითქმის საუკუნის განმავლობაში ქართლის ტახ-

¹ ვ. მეტრეველი, ქართული აგიოგრაფიის კრებული და მისი შემდგენელი, აღ. პუშკინის სახელობის თბილისის სახელმწიფო პედაგოგიური ინსტიტუტის შრომები, VIII, 1950, გვ. 417—420.

² თ. ყორანიას ბრალდება დომენტის მიმართ არაფრით დასტურდება (თ. ყორანია, მოკლე ისტორიული გამოკლევა ქართული სტამბის დაარსებისა და მოქმედებისა მე-XVIII საუკუნეში და მე-XIX საუკუნის პირველ წელთ განმავლობაში, „ივერია“, 1885, № 10, გვ. 110).

³ ქ. შარაშიძე, პირველი სტამბა საქართველოში, თბილისი, 1955.

ტი სპარსეთიდან მოსულ მაჰმადიან ხანებსა თუ გამაჰმადიანებულ ბაგრატიონებს ეპყრათ. 1744 წელს ქართლის ტახტზე ქრისტიანი ბაგრატიონი, თავდადებული მამულიშვილი თეიმურაზ II ავიდა და ენერგიულად შეუდგა სახელმწიფოებრივ მოღვაწეობას. ამ პერიოდში კახეთის ტახტზე მისი ვაჟი ერეკლე II იჯდა და მამასთან თანამშრომლობით სამშობლოს კეთილდღეობისათვის ენერგიის დაუზოგავად იღვწოდა. აღმოსავლეთ საქართველო არსებითად გაერთიანდა მამა-შვილის ხელში.

ქართლში თეიმურაზისა და ერეკლეს მეფობაში (1762—1798) მდგომარეობა არსებითად შეიცვალა. ქვეყნის თავდაცვისუნარიანობის გაზრდამ და მოძალდებული მტრის მრავალჯინსმა დამარცხებამ ქართლს, ნაწილობრივ, აღუდგინა ძველი სახელი. ქართლის გამგებლების ყურადღების გარეშე საზოგადოებრივი ცხოვრების არც ერთი უბანი არ დარჩენილა. განახლდა და ვაცხოველდა ვახტანგ მეექვსის წასვლის შემდეგ შეწყვეტილი კულტურულ-საგანმანათლებლო საქმიანობა; განსაკუთრებით აღსანიშნავია განათლების საკითხის მოგვარება. 1756 წ. თბილისში გაიხსნა სემინარია, რომელსაც თვალსაჩინო ქართველი მეცნიერები და მწერლები ხელმძღვანელობდნენ (ანტონ I, ფილიპე ყაითმაზაშვილი, იოანე ოსეს ძე)¹. აღნიშნულმა სასწავლო დაწესებულებამ ფრიად დიდი როლი ითამაშა ქართული კულტურის ისტორიაში. თბილისის ეკლესია-მონასტრებში გამრავლდა რიცხვი პირველადწყობითი სკოლებისა (სიონი, მეტეხი, კალოუბანი და სხვ.), სადაც ასწავლიდნენ წერაკითხვას, ვალობას, გრამატიკას, ძველ ისტორიასა და სხვა სამეცნიერო დისციპლინებს². 1749 წელს განახლდა და ამუშავდა ქართული სტამბა („სამეფოსა ქალაქსა ტფილისს, პალატსა საპატრიარქოსა“), გაჩაღდა საგამომცემლო საქმიანობა³.

ამ ფაქტს უდიდესი კულტურულ-ისტორიული მნიშვნელობა ჰქონდა და თეიმურაზი და ერეკლე

მას განსაკუთრებულ ყურადღებას აქცივდნენ¹. ერეკლეს კარზე საფუძველი ჩაეყარა ქართულ თეატრსაც².

კულტურულ-ლიტერატურულ მუშაობაში აქტიურ მონაწილეობას იღებდა თეიმურაზ მეორეც. მართალია, მას საკმაოდ რთულ ხანაში მოუხდა მოღვაწეობა, მაგრამ ლიტერატურული ინტერესი არასოდეს არ შენელებია. თავის ნაწერებში ის მართებულად შენიშნავს: „ესწერდი ცხენს მჯდომი, ვლამქრობდიო“. მართლაც, მას დღენიადაგ ლამქრობა და ბრძოლა უხდებოდა, მაგრამ, მიუხედავად ამისა, მაინც პოულობდა დროს ლიტერატურულ ასპარეზზე მოღვაწეობისათვის.

თეიმურაზი განსაკუთრებულ ყურადღებას აქცივდა თანამემამულეთა მწიგნობრულ მუშაობას, ძველი ხელნაწერი მემკვიდრეობის დაცვასა და პოპულარიზაციას. და ა. შ. ის არა მარტო სხვებს ავალებდა ძველი ხელნაწერების გამრავლებას (მაგ., მისი დავალებით ნიკოლოზ სიონელმა გადაწერა „დოგმატიკონი“ 1746 წელს — H № 601), არამედ თვითონაც არ უკადრისობდა ნუსხების დამზადებას³. უამთა სიავეს გამო თეიმურაზი ხშირად იყო თბილისის გარეთ. ერთგან ის სწორად აღნიშნავს:

ვიცავ ქართლშიგან, მტრისაგან
ერთ ალაგს ვერ დავდგებოდი,
იქით და აქათ მუდამად
ვლამქრობდი, ვიარებოდი⁴.

მართლაც, ის ხშირად იყო სხვა მხარეში. ამის შედეგად თეიმურაზის ბევრი ნაწარმოები უცხოობაშია შეთხზული, ყანდაარს („სარკე თქმულთა“), პეტერბურგსა („გაბაასება რუსთველთან“) და სხვაგან, მაგრამ გარკვეული ნაწილი მისი ლიტერატურული მემკვიდრეობისა თბილისის სასახლეებში ყოფნის ეამსაა დაწერილი („ქება სრისა“, „განზრახვანი და ვედრებანი“ და ა. შ.).

¹ სტამბაში მუშაობა ერეკლეს „საქვეყნიერო და სჯულის სამსახურად“ მიაჩნდა (А. Цагарели, Сводения о памятниквах грузинской письменности, т. I, вкл. III, СПб., 1884, გვ. 5).

² ტ. რუხაძე, ძველი ქართული თეატრი და დრამატურგია, თბილისი, 1949.

³ თ. ყორღანიძე, კრონიკები, I, გვ. 245; II, გვ. 107, შენ.

⁴ თეიმურაზ მეორე, თხზულებათა სრული კრებული, გ. ჯაკობიძის წინასიტყვაობით, რედაქციით, ლექსიკონით და შენიშვნებით, თბილისი, 1939, გვ. 105.

¹ ა. როგავა, სახალხო განათლება ერეკლე მეორის ხანის ქართლ-კახეთში და ანტონ პირველი, თბილისი, 1950.

² ბ. იოსელიანი, ცხოვრება გიორგი მეცამეტისა, ა. გაწერელიას შესავალი წერილებით, რედაქციითა და შენიშვნებით, თბილისი, 1936, გვ. 179, შდრ. შ. ჯანაშვილი, ქართული წიგნი და ქართული ბიბლიოთეკა, კ. მარქსის სახელობის საქართველოს სსრ საჯარო ბიბლიოთეკის შრომები, V, თბილისი, 1940, გვ. 274.

³ ქართული წიგნი, I, თბილისი, 1941, გვ. XI—XII, 51—74.

კულტურულ-საგანმანათლებლო მუშაობას ინტერესით ადევნებდა თვალს ერეკლე მეორეც. ის ენერგიულად ეხმარებოდა ქართველ მწიგნობრებს და არ აკლებდა მათ ზრუნვასა და ყურადღებას. მისი ბრძანებითა და ინიციატივით გაჩაღდა და გაიშალა მთარგმნელობითი მოღვაწეობა: ფილიპე ყაითმაზაშვილმა და დოსითეოს ნეკრესელმა თარგმნეს „შემოკლებითი ახსნა პერიარმენის წიგნთა“ (A № 1301, A № 1415; H № 1012), იოანე ხუცეს-მონაზონმა და ისაკ მცირემ—რუსული სამართლის წიგნები (H № 1426) და სხვ. ერეკლე ზრუნავდა ხელნაწერთა ბედზეც: მან ტყვეობიდანაც დაიხსნა ქართული ხელნაწერები (A № 401). ცნობილია მისი თაოსნობით დამზადებული ნუსხებიც (A № 406). ზოგიერთი ცნობით, ერეკლეს თავისებური მონაწილეობა ლიტერატურულ-შემოქმედებით საქმიანობაშიც მიუღია¹.

თეიმურაზისა და ერეკლეს ოჯახებში დამკვიდრებულ ლიტერატურულ ტრადიციებზე აღიზარდნენ ერეკლეს შვილები და შვილიშვილები. სიბრძნისმოყვარე მამამ შვილებს შესაფერისი განათლება მიაღებინა და მწიგნობრობისადმი ინტერესიც გაუღვია. მის მრავალრიცხოვან ოჯახში თითქმის არ დაიძებნება პირი, რომელსაც, შეძლებისდაგვარად, მონაწილეობა არ მიეღოს კულტურულ-ლიტერატურულ საქმიანობაში.

ლევან ირაკლის ძეს თავისი კალამი პოეზიაში უცდია, მისი ლექსი მრავალ ხელნაწერშია შემონახული (S №№ 1516, 1543, 3686, 3723; H № 610; A № 1164; Q № 318). გიორგი ბატონიშვილი, — შემდეგში ქართლ-კახეთის მეფე გიორგი XII (1798—1800),—ახლო ურთიერთობაში იყო ლიტერატურული ფრონტის მუშაკებთან. მისი ინიციატივით იოანე ოსესძესა და მის თანამოღვაწეებს სომხური ენიდან უწარმოებიათ მთარგმნელობითი მუშაობა (H № 2156; A № 1127; S № 3467; K № 200), მღვდელ-მონაზონ გამალიელს, ნიკოლოზ და ზაქარია (ამბროსი) მიჰაძეებს გაუძრავლებიათ ძველი ნუსხები (A № 284; H №№ 3, 2141, 2239) და ა. შ. ერთი ცნობით, გიორგი თვით იღებდა მონაწილეობას მწერლობაში². მის სამეფო კარ-

ზე მრავლად ყოფილან მგოსნები და მომღერლები¹.

ქართული ლიტერატურის ისტორიაში კიდევ უფრო მეტად არიან ცნობილი მირიან, ფარნაოზ, ვახტანგ, დავით, იოანე, ბაგრატ, თეიმურაზ, ილია და სხვა ბატონიშვილები. ბევრი მათგანის ლიტერატურული მემკვიდრეობის მხატვრული ღირებულება და მეცნიერული მნიშვნელობა ერთობ დიდია. მართალია, მათი მრავალმხრივი კულტურულ-ლიტერატურული საქმიანობა ძირითადად რუსეთის ქართულ კოლონიებში გაიშალა, მაგრამ შეცდომა არაა მათი თბილისთან დაკავშირება. ჯერ ერთი, ისინი თბილისში აღიზარდნენ და გაიწაფნენ, აქ გაიცნეს და შეიყვარეს მშობლიური ლიტერატურის ტრადიციები, მეორე—თბილისთანაა დაკავშირებული მათი შემოქმედებითი მუშაობის პირველი ნაბიჯები. ამდენად ბატონიშვილთა ლიტერატურული მემკვიდრეობის შექმნა-ჩამოყალიბების პროცესში დიდი როლი შეუსრულებია თბილისის კულტურულ-ლიტერატურულ გარემოს, თბილისელ მწიგნობართა, მწერალთა და მეცნიერთა წრეს.

რასაკვირველია, მე-18 საუკუნის მეორე ნახევრის ქართული საერო-მხატვრული ლიტერატურათუ საექლესიო-სასულიერო მწერლობა მხოლოდ ბატონიშვილთა ოჯახებით არ შემოიფარგლებოდა და მათი ნალეწით არ განისაზღვრებოდა.

იმდროინდელ მოღვაწეთაგან აქ პირველად უნდა მოვიხსენიოთ ქართული მხატვრული სიტყვის ბრწყინვალე ოსტატი, რითმის ვირტუოზი ბესარიონ გაბაშვილი (1751—1791), რომლის პოეტური ბიოგრაფია მკიდროდაა დაკავშირებული თბილისთან. არსებითად აქ. — საქართველოს ძველ დედაქალაქში, — დაუნჯდა მისი პოეტური გენია, აქაურ კულტურულ-ლიტერატურულ გარემოში აყვავდა და რელიეფურად გამოვლინდა მისი დიდებული ნიჭი. მგრძნობიარე მგოსანი თბილისის სასახლეებსა და ბალებში აფრქვევდა თავის პოეტურ მარგალიტებს, „რუსთველისებერ ხმატკბილობით“ ამღერებდა თავის ლექსებს. თბილისში ჩანს ბესიკი 1777 წლის დამდეგამდე (ჩათვლით)².

¹ S № 182, გვ. 75—77; S № 1516, 64 v; A № 1631, 2r-v; „ივერია“, 1891, № 94; „ივერია“, 1898, № 7; მ. ჯანაშვილი, უცვდავთა დაღადებანი, თბილისი, 1960, გვ. 164—166.

² П. Носелпани, Путевые записки от Тифлиса до Мцхеты, Т., 1871, гв. 71—73.

¹ კ. იოსელიანი, ცხოვრება გიორგი მეცამეტისა, გვ. 262—265.

² მასალები საქართველოს ცენტრონოლოგიის ისტორიისათვის, წიგნი I (ხელფასი, კირა, ფასები), მასალები შვარჩია და გამოსა ნ. ბერძენიშვილმა, თბილისი, 1938, გვ. 57—58.

ჩანს, აქ ყოფნის დროს დაუწერია მას საპიჯნურო-სატრფიალო ლექსების დიდი უმრავლესობა; აქვე შეუთხზავს გამანადგურებელი ირონიით აღსავსე სატირიკულ-პოლემიკური ლექსები მზეკაბუკ ორბელიანზე და სხვ.¹ აღნიშნული თხზულებებით ბესიკი წარმოგიდგება როგორც მგზნებარე პატრიოტი და თავდაიფიყებული მიჯნური, ნიჭით უხვად დაჯილდოვებული და ფრიად განსწავლული პოეტი, რომელიც მხატვრულ განომსახველობითი ხერხების მრავალფეროვნებითა და ლექსის მუსიკალობით საპატიო ადგილს იმკვიდრებს ქართული სიტყვაკაზმული მწერლობის ისტორიაში.

ბესიკი თავისი გარეგნული მოხდენილობითა და უზადო პოეტური კულტურით ხიბლავდა და აჯადოებდა თანამედროვეებს, მას აღრევე მრავლად გაუჩნდნენ მიმბაძველები და თაყვანისმცემლები; მის „ციურსა მღერას“ შემდეგ ხანაშიც სიამით იგონებდნენ (ვ. ორბელიანი).

ბესიკის თანამედროვეა მისი ახლობელი მეგობარი, ერეკლე მეფის სიძე და ვით ორბელიანი. სახელგანთქმული მეომარი და შესანიშნავი სარდალი ლიტერატურითაც საკმაოდ იყო დაინტერესებული. ეს გარემოება გამოხატულებას პოულობდა არა მხოლოდ დავითის შეგობრობაში მწერლებთან თუ მეცნიერებთან, არამედ წმინდა ლიტერატურული ხასიათის მუშაობაშიც. დავითს სპარსულიდან² უთარგმნია ცნობილი სადევგმირო მოთხრობა „ყარამანიანი“³, დაუწერია ლექსიც („პირზე გაქვს ხალი“...)⁴ და ა. შ. აქვე უნდა მოვიხსენიოთ ერეკლეს კარზე საკმაოდ დაწინაურებული მოხელე მზეკაბუკ ორბელიანი,

¹ ბ. გაბაშვილი, თხზულებათა სრული კრებული, აღ. ბარამიძისა და გ. თოფურიას რედაქციით, თბილისი, 1932, გვ. 3—8, 21, 25—28, 37—47, 80—82 და შმდ.

² და არა თურქულიდან, როგორც შეცდომითაა აღნიშნული ზოგიერთ ხელნაწერში (H №№ 57, 1376; A № 1128; Q №№ 253, 396).

³ დავითია დასახელებული მთარგმნელად „ყარამანიანის“ ხელნაწერთა დიდ უმრავლესობაში (H №№ 57, 290, 331, 1041, 1376, 2118; S № 1641; A №№ 283, 860, 862, 1128, 1129; Q №№ 253, 396); ზოგიერთი ხელნაწერი „ყარამანიანის“ მთარგმნელად ავთანდილ ორბელიანს ასახელებს (S № 4; H №№ 4, 78), ზოგიერთი ამ საკითხზე არაფერს არ გვაუწყებს (H №№ 55, 82, 402, 411, 1017, 1040, 1199, 1211, 1278, 1655, 2193, 2531; Q №№ 162, 480, 481).

⁴ S №№ 1516, 1540, 1543, 3686, 3723; A № 1164; ქართული სიტყვაკაზმული მწერლობის ანთოლოგია, II, თბილისი, 1928, გვ. 267. ამ ლექსს ზოგჯერ შეცდომით ბესიკად მიაწერდნენ (დ. ჩუბინაშვილი, ხ. ბუკინაძე).

„ძველთა ფილოსოფიათა სედმიწეენილი, ღეთის-მეტყველებასა შინა გამოცდილი და პაექრობასა შინა მარჯვე“¹. მას, როგორც განსწავლულ პირსა და ბრძენ ფილოსოფოსს, ერეკლეს კარზე საპატიო ადგილი მოუპოვებია, მაგრამ თავისი ბოროტი და ავი ბუნებით მოწინააღმდეგენი გაუმრავლებია. ამით აიხსნება ის გარემოება, რომ გარდა ბესიკისა, მასზე სატირული ლექსები დაუწერიათ საიათნოვას (S № 3723), დავით რექტორსა (S № 105) და სხვებს. არც მზეკაბუკი რჩებოდა ვალში, მასაც დაუწერია მწვავე პოლემისტური ლექსები ბესიკის საპასუხოდ². მასვე უწერია სხვა ლექსებიც, მაგალითად, „ძეობაში თქმული“³, მიძღვნა თეიმურაზ მეორის ცოლის დის ანასტასიასადმი (S № 1512, S № 1516), კამათი ანახანუმ დედოფალთან⁴ და სხვ. მასვე ეკუთვნის თხრობა: „თუ ვითარ ჯერ არს ლოცვა მამაო ჩუენოსი“ (H № 1228). როგორც ჩანს, მზეკაბუკი მონაწილეობდა ხელნაწერთა გამრავლებაშიც და თვით ამზადებდა ახალ ნუსხებს (A № 1309).

საკმაოდ ნაყოფიერ ლიტერატურულ საქმიანობას ეწეოდა ცნობილი ისტორიული მოღვაწე ერეკლეს მსაჯული სოლომონ ლიონიძე, რომლის სახელით რამდენიმე საინტერესო თხზულებას მოუღწევია ჩვენამდე, მათგან განსაკუთრებულ ყურადღებას იმსახურებს „მოთქმით ტირილი საქართველოს მეფის ღერკულეს ღირსისა“⁵, რომელიც მრავალგზისაა გამოცემული და საკმაოდ აცნობილი სათანადო სამეცნიერო ლიტერატურასა თუ ფართო საზოგადოებრიობაში⁶.

მე-18 საუკუნის მეორე ნახევარში თბილისში მომრავლდნენ მგოსნები და მეხობტენი, კარის ისტორიკოსები და მომღერლები. კარის მგოსნები გარს ერტყნენ თეიმურაზ მეორეს⁷, ხოლო ერეკლეს, — იოანე ბატონიშვილის ცნობით, — საკუთრად

¹ იოანე ბატონიშვილი, კალმასობა, II, გვ. 203.

² S №№ 1612-ბ, 2130. იხ. აგრეთვე ბ. გაბაშვილი, თხზ. სრული კრებული, გვ. 152—156.

³ H №№ 21, 2686; A № 1164; S №№ 1512, 1516, 1543, 1576-ბ, 3723; დ. ჩუბინაშვილი, ქართული ქრისტომათია, II, სპბ., 1863, გვ. 87—88; ანთოლოგია, II, გვ. 247—248.

⁴ S № 3686; ანთოლოგია, II, გვ. 248.

⁵ უკანასკნელი (1957 წ.) გამოცემა ეკუთვნის დოქ. ნ. კანდიდაკს.

⁶ ტ. რუხაძე, სოლომონ მსაჯული, „ლიტერატურული ძიებანი“, III, 1947, გვ. 177—188.

⁷ ქართლის ცხოვრება, II, გვ. 392.

ჰყოლია მგალობელ-მწიგნობრები¹. განვითარება იწყოს სახოტბო პოეზიამ. მეფეთა თუ ბატონიშვილთა ქებაში თავი იჩინა როგორც მემატიანეთა (პაპუნა ორბელიანი, ომან ხერხეულიძე), ისე მწერალთა (ბესიკი, ამბროსი წილკნელი, დავით რექტორი და სხვ.) შემოქმედებაშიც. განსაკუთრებით შესამჩნევი გახდა ერთი გარემოება: არისტოკრატიულ-მწიგნობრული ლიტერატურის გვერდით განვითარდა და გაიფურჩქნა აშუღური პოეზია, რომლის თვალსაჩინო და ტიპიური წარმომადგენელი იყო თბილისის აღზრდილი და ქართულ სამეფო კართან დაახლოებული მგოსანი და მომღერალი სა ი ა თ ნ ო ვ ა. „მეფეთაგან მეჯლისის მიწოდებულნი, თავადებთან პარტიკუმით ქებულნი, აღსიფერის კაბით განმშვენებულნი“ პოეტი თავის ქართულ-სომხურ-აზერბაიჯანულ ლექსებში გამოხატავდა მოქალაქეთა და ხელოსანთა აზრებსა და მისწრაფებებს, მათ ზრახვებსა და ოცნებებს. ის მთელის მგზნებარებით აქლერებდა თავის ჩანგს და კიდევ უფრო ამტკიცებდა ქართველი, სომეხი და აზერბაიჯანელი ხალხების მრავალსაუკუნოვან მეგობრობას.

თეიმურაზისა და ერეკლეს კარზე დამკვიდრებული ლიტერატურული ტრადიცია ერთობ დიდი ძალისა იყო და მისი გავლენა გვიან ხანამდე შეინიშნება. მე-18 საუკუნის მიწურულისა და მე-19 საუკუნის დამდეგის ბევრი ქართველი მწერალი არსებითად ამ სახელოვან ტრადიციებზე აღიზარდა. ვასაგებია, რომ მათ ლიტერატურულ ძეგლებში ასე ძლიერად იჩენს თავს ძველი მწერლობის ცხოველმყოფელი გავლენა². ამ გავლენას ვერც პოეტმა ქალებმა დააღწიეს თავი³.

მე-18 საუკუნის მეორე ნახევარში საკმაოდ გამოცოცხლდა და განვითარდა ქართული საეკლესიო-სასულიერო მწერლობა, რომლის მეთაური იყო კათოლიკოსი ანტონ I (1720—1788). უაღრესად განათლებული ქართველი მღვდელმთავარი აქტიურ მონაწილეობას იღებდა სახელმწიფოებრივ საქმიანობაში, ენერგიულად ხელმძღვანელობდა საეკლესიო ცხოვრებას, განსაკუთრებულ ყურადღებას აქცევდა ახალგაზრდა თაობის სწავ-

ლის საქმეს, პირადად მონაწილეობდა თბილისის სემინარიის მუშაობაში და „თვით წერტილდა ტფილისის სკოლასა შინა მოწაფეთა თვისთა“⁴. ის იყო ინიციატორი ახალი, ორიგინალური, თხზულებების შექმნის, ორიგინალური საეკლესიო-სასულიერო მწერლობის განვითარებისა; ის იყო წამომწეები იმ მთარგმნელობითი მუშაობისა, რომელიც ასე განსაკუთრებული ძალით გაიშალა აღნიშნულ პერიოდში. ამასთანავე ანტონი იყო უაღრესად ნაყოფიერი მწერალი და მეცნიერი. გაოცებას იწვევს მისი კულტურულ-ლიტერატურული მემკვიდრეობის მრავალმხრივობა. როგორც ჩანს, მისი კალამი, მისი გონება თანაბარი ნაყოფიერებით ქმნიდა შრომებს მეცნიერების სხვადასხვა დარგში. ანტონის მოღვაწეობის კულტურულ-ისტორიული მნიშვნელობა ისე დიდია, რომ ზოგჯერ მეთვრამეტე საუკუნის მეორე ნახევრის საეკლესიო-სასულიერო მწერლობას ანტონ კათოლიკოსის ეპოქასაც კი უწოდებენ⁵, მაგრამ ისიც აღსანიშნავია, რომ ანტონ კათოლიკოსის სალიტერატურო მოღვაწეობა, რამდენადმე, ობიექტური გამოხატულება იყო ეკლესიურ-კლერიკალური რეაქციისა საზოგადოებრივ აზროვნებასა და მწერლობაში⁶.

აღნიშნულ პერიოდში ძალზე გაცხოველდა ქართულ-სომხური ლიტერატურული ურთიერთობა. ეს შეეხო როგორც საერო-მხატვრულს⁷, ისე სა-

¹ მასალები საქართველოს ისტორიისათვის, შეკრებილი ბატონიშვილის დავით გიორგის ძისა და მისი ძმებისა, თბილისი, 1906, გვ. 12.

² კ. კეკელიძე, ძველი ქართული მწერლობის ისტორია, I, გვ. 345—358.

³ ქართული ლიტერატურის ისტორია, I, გვ. 468.

⁴ 1798 წ. სომხურიდან ვარდანის „მელის წიგნი“ თარგმნა მდივან-მწიგნობარმა იოანე პეტელაშვილმა, რომელიც გიორგი მეფის კარზე მოღვაწეობდა (A № 549, 1786; S № 2966; H № 59; არქ. № 467). „მელის წიგნი“ 1899 წელს გამოაქვეყნა აკად. ე. თაყაიშვილმა: 1937 წ. ზოგი არაქი დაბეჭდა პროფ. ა. ბარამიძემ (თსუ შრომები, VI, გვ. 161—168). 1949 წ. დაიბეჭდა თხზულების სრული ტექსტი (ძველი ქართული ლიტერატურის კრესტომათია, II, გვ. 290—336). იოანე პეტელაშვილი ამრავლებდა სასულიერო შინაარსის ტექსტებსაც (A № 308). მასვე გადაუწერია საიათნოვას ლექსთა კრებულები 1765 წელს (სადათნოვეთა, თხზ., გვ. 40—41; ლ. მელიქსეთ-ბეგო, საიათნოვას ვინაობა, თბილისი, 1930, გვ. 86—87; მ. ჩიქოვანი, ფოლკლორული ეტიუდები, II, აღ. პუშკინის სახელობის თბილისის სახ. პედაგოგიური ინსტიტუტის შრომები, VI, 1949, გვ. 101—102). ცნობილია მის მიერ გადაწერილი საბუთებიც (პ. კარბელაშვილი, ძველი ანჩისხატის ტაძარი ტფი-

¹ კალმასობა, II, გვ. 212.

² ტ. რუხაძე, ძველი ქართული ლირიკის ისტორიიდან, თბილისი, 1954.

³ ლ. ასათიანი, ძველი საქართველოს პოეტი ქალები, თბილისი, 1936.

ეკლესიო-სასულიერო მწერლობას. ჩვენთვის ცნობილია რამდენიმე მწიგნობარი მწერლობის ამ სფეროდან. განსაკუთრებულ ყურადღებას იმსახურებს „პარმანთა მღვდელი“ ფილიპე ყაითმაზაშვილი, რომელიც ერთ ხანს თბილისის სემინარიის რექტორადაც კი ყოფილა. ის პედაგოგიური მუშაობის გარდა ეწეოდა მთარგმნელობით საქმიანობასაც, თანამშრომლობდა ანტონ პირველთან, დოსითეოს ნეკრესელთან, ანტონ ცაგერელ-კყონდიდელთან და სხვ. ცნობილია მის მიერ სომხურიდან თარგმნილი თხზულებანი „წიგნი საზღვართა“ (H №№ 69, 1325), „ახსნა პორფირისა“ (S №№ 203, 266, 334, 794), „რიტორიკა მხითარ სევასტიელისა“ (H № 256, A № 1181), „ღიღი ლოლიკა“ (S № 250) და სხვ. ფ. ყაითმაზაშვილს საპატიო ადგილი უჭირავს ქართული საფილოსოფიო-საღვთისმეტყველო ლიტერატურის განვითარების ისტორიაში¹. როგორც აღვნიშნეთ, განსაკუთრებით მნიშვნელოვანია მისი წვლილი ქართულ-სომხური ლიტერატურული ურთიერთობის გაცხოველების საქმეში².

ამავე პერიოდის მოღვაწეა „ძველთა ფილოსოფიისა სწავლათა შინა გამოცდილი და ღვთისმეტყველებასაცა მიწვენილი, მშვენიერი რიტორი და უცხო მოქალაქე“³ ზაქარია გაბაშვილი (1707—1783), რომელიც ერთ ხანს თბილისში ცხოვრობდა და ახლო იყო საძეფო კართან. ზაქარია თავის პრაქტიკულ-საეკლესიო მოღვაწეობას კარგად ათავსებდა ლიტერატურულ მუშაობასთან, წერდა ორიგინალურ ნაწარმოებებს, აბრავლებდა ხელნაწერებს და ა. შ.⁴ აქვე უნდა მოვიხსენიოთ

ღისში, თბილისი, 1902, გვ. 52; საქ. სიძველენი, I, გვ. 209; III, გვ. 427; დოკუმენტები საქართველოს სოც. ისტორიიდან, II, გვ. 102, 107).

¹ ფ. ყაითმაზაშვილზე იხ. კ. ქვეცილიძე, ძველი ქართული მწერლობის ისტორია, I, გვ. 337—342; ლ. მელიქსეთ-ბეგი, ნაკვეთი XVIII ს. ქართული ლიტერატურის ისტორიიდან (ფრთხილვით ყაითმაზაშვილი), „ლომისი“, 1922, № 16; მისივე, К биографии священника Филиппа Квнтмашова (XVIII в.). „Христианский Восток“, т. VI, вып. 3, П., 1922, გვ. 281—284.

² ამ მიმართულებით ნაყოფიერ მუშაობას ეწეოდა იოანე ორბელიანიც (H № 260; A №№ 237, 346, 1162, 1312; Q № 17).

³ კალმასობა, II, გვ. 195.

⁴ ზაქარიას თხზულებანი შემონახულია მრავალ ხელნაწერში (S №№ 303, 1512, 1516, 1203, 3723; A №№ 1076, 1164; H №№ 213, 437, 926, 1196, 1283, 1364; არქ.

იმდროინდელი მწერალი, კალიგრაფი (H №№ 2235), მთარგმნელი (H № 1426) და ორიგინალური თხზულების „კატისა და თავგთა ომის“ ავტორი ისაყ მცირე¹.

მე-18 საუკუნის მეორე ნახევარში თბილისში შეიქმნა კალიგრაფთა სკოლები. ძველ ხელნაწერთა გამრავლებისათვის ენერგიულად იღვწოდნენ მესხიშვილები, ჩაჩიკაშვილები და სხვა გვარეულობანი.

აქ პირველ რიგში უნდა მოვიხსენიოთ მესხიშვილთა ოჯახი, რომლის სამოღვაწეო ადგილს მეტწილად ანჩისხატის ტაძარი წარმოადგენდა. როგორც ცნობილია, ერეკლე მეორეს სემინარია ანჩისხატის ტაძრის ეზოში, „საეპისკოპოსო სახლსა შინა“ მოუთავსებია. ეს გარემოება აღნიშნულ ტაძარს უკვე კულტურულ-საგანმანათლებლო კერად აქცევდა, ხოლო იქ მოღვაწე პირთ — საძეფონიერო ლიტერატურული დარგის მუშაკებად. ამას ერთვოდა ისიც, რომ ანჩისხატში თავშეფარებული და დასადგურებული იყო მესხიშვილთა ოჯახი, რომელმაც არა ერთი მწიგნობარი მისცა მშობლიურ კულტურას.

მესხიშვილთა კალიგრაფიული სკოლიდან განსაკუთრებით გამოირჩევა ანჩისხატის დეკანოზი ალექსი, „ძე ტფილურთა მოქალაქე ქმნულის ჯელოანის მხატვრის“ გრიგოლ მესხიშვილისა. ის ანტონის თანამოღვაწე და მასთან დაახლოებული პირი ყოფილა². იოანე ბატონიშვილის შენიშვნით, მან „მრავალნი საღმრთო წერილნი და ისტორიანი გარდასწერა“³. ჩვენ სიძველეთსაცავებში მრავლადაა შემონახული ალექსის მიერ გადაწერილი ნუსხები, მეტწილად, როგორც მოსალოდნელია, საეკლესიო-სასულიერო შინაარსისა (ხრონოგრაფი — H № 1671, ოთხთავი — H №№ 1114, 1666; Q № 264, სჯულის კანონი — A №№ 344, 478, წმიდათა ცხოვრება — H № 2077, ტიბიკონი — A №№ 399, 459 და სხვ.); მაგრამ მას ზოგჯერ საერო-მხატვ.

№ 396 და სხვა). ცნობილია მის მიერ გადაწერილი ნუსხებიც (H №№ 3, 46, 409).

¹ თხზულებას ერთ ხანს შეეცდომით ზაქარია გაბაშვილს მიაწერდნენ, რადგან ზოგიერთი ნუსხა (H № 213, H № 1103) მის სახელსაც იხსენიებდა. ხელნაწერთა უმრავლესობის ჯენებით მისი ავტორი უცილობლად ისაყ მცირეა (H №№ 771, 1214, 1311; S №№ 1512, 3723; A №№ 890, 1164).

² ანტონს მასთან ურთიერთობა ქ. ვლადიმირში ყოფნის დროსაც არ გაუწყვეტია (A № 1448, H № 2510).

³ კალმასობა, II, გვ. 200.

რული ლიტერატურის ძეგლებიც გადაუნუსხავს (ვისრამიანი—H № 716)¹. ალექსი არ დაკმაყოფილებულა მხოლოდ ხელნაწერთა გამრავლებით, მას გარკვეული წვლილი შეუტანია საეკლესიო მწერლობაში, კერძოდ, რუსულის მიხედვით გაუმართავს ქართული თვენი 1758 წელს (A № 1093). მან „კეთილად აღზარდნა შეილნი თვისნი“ (იოანე ბატონიშვილი), გააცნო და შეაყვარა ქართული მწერლობა. მისი შეილებიდან ქართული კულტურის ისტორიაში საკმაოდაა ცნობილი დავით რექტორი (1745—1824), რომელიც თელავის სემინარიას ხელმძღვანელობდა. მეორე ვაჟი სოლომონი (1742—1808) ანჩისხატის ტაძარში დარჩა და იქ განაგრძო მამის საქმე. ცნობილია მის მიერ გადაწერილი თუ გაცხობელებული ნუსხები (A №№ 15, 275, 276, 356, 426, 618, 1106; H № 319; Q №№ 58, 268). დაუწერია მას საყურადღებო ლექსი („ეტრფის მთიებსა“)², დავით ბატონიშვილის შესხმა (A № 355) და სხვა³.

ხელნაწერებს ამრავლებდნენ ალექსი მესხიშვილის სხვა შეილებიც: ნიკოლოზი (H № 2256, S № 3183), გიორგი (A №№ 114, 155, 239; H №№ 158, 1354, 2110; Q №№ 70, 469) და ა. შ.

წინაპართა ტრადიციას არ ღალატობდა მომდევნო თაობაც. გაწაფული და დახელოვებული კალიგრაფი იყო ანჩისხატის დეკანოზი დიმიტრი სოლომონის ძე მესხიშვილი (H №№ 205, 212, 224, 225). ნაყოფიერ მთარგმნელობით მუშაობას ეწეოდა მისი ძმა იერონიმე (S № 201, 209, 214—219, 221—224). საყოველთაოდ ცნობილია მესამე ძმის ტარასი მესხიშვილის კულტურულ-ლიტერატურული საქმიანობა⁴. ხელნაწერებს ამ-

რავლებდა მეოთხე ძმაც — ანდრია მესხიშვილი (A № 1126); შემოკმედებით მუშაობას ეწეოდა ეფრემ ალექსი — მესხიშვილი (H № 1132-ა)¹.

ძველი ხელნაწერების გამრავლებისა და ახალი ნუსხების დამზადების მხრივ ანჩისხატს არ ჩამორჩებოდა სიონი, სადაც სხვადასხვა დროს მრავალი კალიგრაფი მოღვაწეობდა. ჩვენთვის ცნობილია სიონელი გადამწერი ნიკოლოზი (A № 33, H № 154), პავლე (A № 728), თომა (H № 15), გერმანე (A № 169), სოლომონი (H № 319), იოანე (A № 1552) და მრავალი სხვა. ცალკე უნდა მოვიხსენიოთ ისაკ მწიგნობარი — „საღმრთო წერილსა შინა გამოცდილი, მოყამნეთა შორის ჩინებული და ხუტურისა წერასა შინაცა ქებული“². მრავალადაა ცნობილი მის მიერ გადანუსხული ხელნაწერები (A №№ 265, 822, 1385...) და მისი ხელით დაწერილი საბუთებიც³. კიდევ უფრო მეტად ნაყოფიერი იყო კალიგრაფი ნიკოლოზ მიქაძე, სიონის დეკანოზი. იოანე ბატონიშვილი ალტაცებით შენიშნავს: „ჯერეთ არავინ ყოფილა ამისთანა მშვენიერის ხელის მწერალიო“⁴. ჩვენამდე მოღწეულია მის მიერ გადაწერილი რამდენიმე ათეული ხელნაწერი⁵.

აქვე უნდა მოვიხსენიოთ „იკონომოს-დეკანოზი ტფილისის სიონისა“, რექტორი თბილისის სენიწარისა იოანე ოსეს ძე (გარდ. 1801 წ.). ისიც საკმაოდ დაოსტატებული კალიგრაფი იყო (A №№ 64, 122, 292; K № 90), ეწეოდა მთარგმნელობითსა და სარედაქციო მუშაობას თილიპე ყაითმაზაშვილსა (H № 2156, A № 1127, S № 3467, K № 200) და იოანე ქსიფილინოს-პაპუწიშვილთან

¹ დაუწერია მას მრავალი საბუთიც (საქ. სიძველენი, I, გვ. 286—287; II, გვ. 544—546; III, გვ. 453—456; დოკუმენტები საქართველოს სოციალური ისტორიიდან, I, გვ. 239, 261, 263—264, 299, 305—306; ს. კაკაბაძე, ისტ. საბუთები, V, გვ. 45, 74—75).

² ხელნაწერთა ჩვენება ამას უცილობლად ადასტურებს (H № 392; A № 1164; S №№ 1512, 1543, 3723) და არაერთარი საბუთი არა გვაქვს მივაკუთვნოთ ის ბესიკს (ს. გორგაძე) ან ს. ლიონიძეს (დ. ჩუბინაშვილი).

³ სოლომონი წერდა საბუთებსაც (საქ. სიძველენი, I, გვ. 309—311; დოკუმენტები საქართველოს სოციალური ისტორიიდან, II, გვ. 146—147, 216; ს. კაკაბაძე, ისტ. საბუთები, V, გვ. 106—107).

⁴ ტ. რუხაძე, ძველი ქართული ლირიკის ისტორიიდან, თბილისი, 1954, გვ. 52—53.

¹ პ. კარბელაშვილი, ძველი ანჩისხატის ტაძარი ტფილისში, თბილისი, 1902.

² კალმასობა, II, გვ. 199; შდრ. პ. იოსელიანი, ცხოვრება გიორგი მცხაურისა, გვ. 4, 82, 85, 265.

³ საქ. სიძველენი, I, გვ. 99, 101, 150—151; დოკუმენტები საქართველოს სოციალური ისტორიიდან, II, გვ. 67—68, 265; ს. კაკაბაძე, ისტორიული საბუთები, V, გვ. 76—77.

⁴ კალმასობა, II, გვ. 198.

⁵ A №№ 20, 347, 412, 848, 897, 1191, 1399, 1454, 1487, 1702; H №№ 334, 601, 656, 970, 1193, 1369, 2121, 2234, 2239; K №№ 80, 139; Q №№ 57, 78; არქ. №№ 64, 224, 284 და სხვ. წერდა ის საბუთებსაც (დოკუმენტები საქართველოს სოციალური ისტორიიდან, I, გვ. 335—336; II, გვ. 119). ს. კაკაბაძე, ისტ. საბუთები, V, გვ. 73—74, 79, 95.

(A №№ 711, 813, 1296, 1565; H №№ 633, 658, 659, 766, 1296, 1365, 3127; Q №№ 228, 391) ერთად. წერდა ლექსებსაც (A №№ 266, 292, 618, 711; არქ. № 201, 325; H №№ 1365, 2117). კიდევ უფრო ნაყოფიერი შემოქმედი იყო მისი ძმა, ცნობილი პოეტი და მემუარისტი იესე ბარათაშვილი¹.

ხელნაწერების გამრავლებას ადგილი ჰქონდა სხვა ეკლესია-მონასტრებშიც: კალოუბანში (II № 3132), მეტეხში (A №№ 589, 597, 873), განსაკუთრებით ჯვრის მონასტერში („სანახებსა ჯუარის მონასტრისასა“), სადაც მოღვაწეობდა ცნობილი კალიგრაფი იოანე დეკანოზი². არსებითად კალოუბნისა და სიონის მწიგნობრების მეთვალყურეობითა და ხელმძღვანელობით სწავლობ-

¹ იესე ბარათაშვილის ცხოვრება-ანდერძი, ტექსტი გამოსცა შესავლით, შენიშვნებით, ლექსიკონითა და საძიებლებით ა. იოსელიანი, მასალები საქ. და კავკასიის ისტორიისათვის, ნაკვ. 28, თბილისი, 1950. იხ. აგრეთვე ქ. შარაშიძე, იუჩე ოსეს ძის „ქორანიკონი“, ენიშკის შოამბე, XIII, 1943, გვ. 121—137.

² მოღწეულია მის მიერ გადაწერილი მრავალი ნუსხა (H №№ 307, 1373; A №№ 406, 1162, 1474, 1743, 1745; S № 25; R № 76; არქ. № 301). უწერია მას საბუთებიც (საქსიძველენი, II, გვ. 160—161; დოკუმენტები საქართველოს სოც. ისტორიიდან, I, გვ. 404; III, გვ. 426; ს. კაკაბაძე, ისტ. საბუთები, V, გვ. 61).


და ცნობილი ქართველი მემუარისტი იოანე ქართველიშვილი (1772—1816)¹.

ჩვენი მსჯელობა ქართველი კალიგრაფების შესახებ სრული არ იქნება, თუ აქვე არ მოვიხსენიებთ ცნობილი ქართველი მწიგნობარი ნიკოლოზ ჩაჩიკაშვილი და მისი ვაჟები. ნიკოლოზი მღვდელი იყო და მეტწილად სასულიეროსაეკლესიო შინაარსის თხზულებათა ნუსხებს ამრავლებდა (A №№ 465, 657, 1168, 1321, 1354, 1465; H №№ 90, 1198, 1264, 1675, 2270; Q № 290; R №№ 82, 96, 135; არქ. № 412 და სხვ.), მაგრამ საერო მხატვრული ძეგლების ძვირფასი კრებულების შედგენას თუ ცალკე ნუსხების დამზადებასაც დიდი გულისყურით ეკიდებოდა (A №№ 858, 860, 999; S №№ 342, 3698). საერო ნაწარმოებთა ნუსხებს ამზადებდნენ მისი ვაჟებიც, კორნილი და თომა ჩაჩიკაშვილებიც (H №№ 181, 929; S №№ 1145, 3163).²


¹ იოანე ქართველიშვილის მემუარები, ა. იოსელიანის გამოკვლევით, რედაქციითა და შენიშვნებით, თბილისი, 1952.

² ლ. ქუთათელაძე, ვ. ი. ლენინის სახელობის ლენინის ორდენოსანი სსრკ სახელმწიფო ბიბლიოთეკის ქართულ ხელნაწერთა აღწერილობა, აკად. ს. ჯანაშიას სახ. საქართველოს სახელმწიფო მუზეუმის მოამბე, XVII-B, 1953, გვ. 192.

* * *



მთავარმართებლის სასახლე (ახლანდელი პიონერთა სასახლე) XIX საუკუნის I ნახევარში (რეკონსტრუქციამდე)



კორნელი კეკელიძე

თბილისი ძველ ქართულ ლიტერატურაში

თბილისი ერთ-ერთი უძველესი ქალაქია. გაშენებული, მემატრიანეთა ცნობით, თითქოს მეხუთე საუკუნის მეორე ნახევარში, ის, ყოველ შემთხვევაში, მეექვსე საუკუნეში, როდესაც მას ბიზანტიელი ისტორიკოსი იხსენიებს, ქართლის დედაქალაქადაა ქცეული. ამიერიდან ის ხდება ცენტრად ქართველთა პოლიტიკური და კულტურული ცხოვრებისა. როგორც ასეთი, ის თითქმის ყოველ ნაბიჯზე იხსენიება ჩვენი ძველი ისტორიკოსებისა და მემატრიანეთა მიერ. ჩვენ ამ შემთხვევაში გვინტერესებს არა საისტორიო ძეგლების ცნობები თბილისის შესახებ, — ასეთ ცნობებს ალბათ ისტორიკოსები მოუყრიან თავს, — არამედ წმინდა ლიტერატურული: პოვა თუ არა თბილისმა ადგილი ჩვენს ძველს სიტყვა-კაზმულ მწერლობაში, ჰყავს თუ არა მას თავისი საკუთარი აღმწერელი და მებოტბენი? წინასწარ უნდა შევნიშნოთ, რომ ძველს ლიტერატურაში ჩვენ თითქმის არ გვგვლავება არც ერთი სიტყვა-კაზმული ნაწარმოები, რომლის თემატიკას სპეციალურად და უშუალოდ ჩვენი დედაქალაქი შეადგენდეს, მას სხვათა შორის, გაკვრით ეხებიან სხვადასხვა დროის მწერლები და პოეტები, თუმცა ასეთი შემთხვევაც არაა მაინცა და მაინც ხშირი.

თბილისს ჩვენ ვხვდებით, პირველყოვლისა, აგიოგრაფიულ ბელეტრისტიკაში, როგორც ადგილს, სადაც იშლება ტრაგედია ესტატე მცხეთელის (VI ს.) და აბო თბილელის (VIII ს.) ცხოვრებისა. აბოს „მარტილობაში“ ჩვენ გვაქვს რამდენიმე ტოპოგრაფიული ხასიათის მონაცემი თბილისის შესახებ, აქ წარმოდგენილია ძველი ნაწილი თბილისისა, მისი ერთ-ერთი გარეუბანი (დღევანდელი თვალსაზრისით), „რომელსა საგოდებელ ეწოდების, რამეთუ მუნ არს საფლავები კაცთა მის ქალაქისათა“ — და რომელიც მდებარეობს „აღმოსავალით ციხესა მას ქალაქისასა, რომელსა ჰრქვან სადილეგო, პირსა ზედა კლდისასა, რომელ არც კბოდც, კლდც მდინარისა მის დიდისაჲ, რომელი განვლის აღმოსავლეთით ქალაქსა, ესე არს სახელით მტკუარი“¹. აქ, ამ ადგილას, ავტორი გვიბატავს საშინელ სურათს აბოს გვამის დაწვისას, რომლის შედეგს, ფერფლს, ჩამოიტანენ ძირს და, დაახლოებით დღევანდელი ავლაბრის ხიდიდან, დაპყრიან „ფიცხელთა მათ მფოფიანარეთა ღელვათა და სიღრმეთა“ შიგან მტკერისათა.

¹ კ. კეკელიძე, ადრინდელი ქართული ფოთდალური ლიტერატურა, ნაკვ. 1, გვ. 74—75.

საერო მხატვრული ლიტერატურა თბილისს ეხება მხოლოდ ე. წ. ალორძინების ხანიდან, განსაკუთრებით XVII — XVIII საუკუნეში. ამ მხრივ, პირველ ყოვლისა, დასახელებული უნდა იქნას პოემა შაჰნავაზიანი ფეშანგი ფაშევიტერტყაძისა, რომელიც მოგვითხრობს მეფის ვახტანგ V შაჰნავაზის საქმიანობის შესახებ. აქ, პირველ ყოვლისა, ნაჩვენებია, როგორ შეამკო ვახტანგმა თბილისი და როგორ უწყობდა იგი ხელს მის გამდიდრებას ვაჭრობის საშუალებით (ტექსტი მოგვეყავს გ. ლეონიძის გამოცემით).

თბილისს მოვიდა ხელმწიფე,
შეიქმნა დიდი ყრიალი,
სიმხიარულე ვაჭართა,
ჰქონდა ერთობით ზრიალი,
გარდააყრიდენ ოქროსა,
ხმასა მიჰქონდა გრიალი,
უსუსურთ ფეხთ ქვეშ იგებდენ,
თეთრს შოულობდა ძრიალი (113)
თბილის ქალაქი შეამკო,
არ ითქმის კაცთა ენითა,
დუქან-ბაზარი გამართა
ბალახანითა ზენითა;
ყოფილა უცხოთ თემთაგან,
აივსო მუდამ დენითა (179)
რა გიამბო, ძვირ საფასო
იშოების თუ რა ლალი,
ბეერი მოვა სავაჭრებლად,
მათ შექნია თურალალი (180)
სახლი ვაჭართა ვით გიქო,
როგორ მორთვით აქვს თალარი,
მორკმე, სიმდიდრე ზღვისაებრ
უყრია იმათა ლარი,
თვალ-მარგალიტი უზომო,
თუ როგორ განათალარი;
მათ რომე სჭირდა ლართა ყრა,
ვერა ვთქვი ნათალარი. (181)
ამრიგად მორთო ქვეყანა
სიმდიდრით მეტს-მეტითა;
იყო ზათქი და ზეიმი,
თვალნი ვერ გაძლის ქურეტითა.
მინდვრად დადგიან კარეები,
უფროსი ოქროს სვეტითა;
უცხო თემთაგან მოსულთა
ქება თქვეს, ნატრა ნეტითა. (182).

შემდეგ ავტორი აგვიწერს მეფის მიერ აგებულ სასახლეს:

სახლი სალხინოდ ნაგები,
მტკვარს ადგა ტურფა თალარი.
ფრანგ ოსტატთაგან ნაგები,
მათგანვე განათალარი.
ჰკრეს მათნი ხელოვნებანი,
მომართეს ამო თალარი (185)
ხელმწიფე, ლხინთა ჩვეული,
უბოძის მოყმეთა ლარი.

თვალწარმტაცია, ავტორის აღწერილობით, სიმდიდრე და მორთულობა მისი:

ხელმწიფის ტახტი საკადრად
დგას ქალაქს შუაგულოსა,
სრა და ოთახთა სიკეთე
კაცმა ვით განიგულოსა,
ყოღნით მოვიდის მნახველი,
კარი არ დაეგულოსა. (183).
სურა დგას იაგუნდისა,
სხვა ზურმუხტისა თასები,
შირაზულისა ღვინითა
არის უწყვეტლად სავსები.
სხვა თვალ-გვარისა ხონები,
კაცთაგან დაუფასები,
შევლენ, დალევენ ფილას,
იგ დიდებულთა ხასები. (187).
გუარით არის მოცული,
თვალს აღარა აქვს ტევანი,
ხშირად მიუბამს, ჰკილია
მარგალიტისა მტევანი;
ნახნი აქვს იაგუნდისა
და ზურმუხტისა ხევანი,
კარს წინ მოუდგამს საჩრდილად
სრავ ზაბარჯისა სევანი. (188).
მორთო ყოველი სიმდიდრე,
მეფეთ სახლისა წესები,
ოქრო, ვერცხლი და ჩინური,
რაც იყო უკეთესები,
იაგუნდისა სურები,
არვის ჰქონია ესები,
ბროლისა გობა სასმელად
ყვარის დასაკენესები. (193).

ფარდა, ოქსინოთ ნაკერი,
მოვლიან კედელ-ყურესა,
ქვეშ საფენელი სტავრისა,
სხვას ნაქსოვს არ უყურესა,
მარგალიტისა სუზანი
საფენსა გარდაბურესა,
ამას ჰგავს, სახლი სამყოფი
ოქროში გააცურესა. (194).

ვერ დავსთვალე ოქროს კოკა,
დააწვიან მგონი ასი,
მნახველთაგან მოსაწონი
იგი, უცხო დასაფასი,
ჩარა, ძნელად დასაღვეი,
გორად ყრია ოქროს თავი,
თვალი უსხდა გამჭირვალი,
მოსაწონი, არ თუ ნასი. (202).

ამ სასახლის მშენებებს წარმოადგენდა ბალი,
რომელიც მას გარშემო ერთყა:

იგ ბალსა შუა საღხინოდ
მორთვით დგას აინხანები.
მისსა მნახველსა სარჩლა აქვს,
გულო, ნუ ხელობ, ხან ები
ეშყი სურვილთა ბაგეა,
ხან ძალი მოსწევს, ხან ები,
მათ მოსძულდების სამყოფი,
რა შევლენ, ნახვენ ხანები. (186).
წყალი დის, ავზი სავესა,
მეზადე ვარდსა რწყვიდისა,
რა გაზაფხული მოვიდის,
სადენლად არ დასწყვიტისა,
ვარდის წყლით სავსე ყველაი,
მინებსა ვერ დასთვლიდისა,
რა დაქცნის ვარდი, ბულბულმან
იმედი გარდასწყვიტისა. (189).
სრას ავლია ტურფა ბალი,
სულ სურნელობს დღე და ღამე,
ვარდი ყვავის მისებურად,
დავადარო სხვა რაღა მე?
ბულბული სცავს, მისი ხელი,
თქვა: „წავიღე სადაღამე“,
ვპოვო ჩემად სასიცოცხლოდ,
ამად ვიქენ სადაღამე. (200).
სხვა ყვავილთა ფეროვნება

არ ითქმების კაცთა ენით:
ზამბახი და ისამან,
თვით ყაყაჩო ვით ვაქენით?
ნარგიზისა ფერი მოწმობს,
სხვა რა უქო სულთა ღენით?
ვარდი მეფობს ყვავილზედან,
ილაღვიან ცუდად რბენით. (201).

აი, ასეთი სასახლით შეუმკია ვახტანგ V თბილისი, ეს ის სასახლეა, რომლის შესახებ ევროპელი მოგზაური შარდენი (XVII ს.) ამბობდა, რომ მისი მსგავსი მას ევროპაშიაც არ უნახავს.

უფრო მეტია ცნობები თბილისის შესახებ მე-თვრამეტე საუკუნის პოეზიაში. ამ შემთხვევაში პირველყოვლისა დამოწმებულ უნდა იქნეს მეფის ვახტანგ მეექვსის პოეზია (ესარგებლობთ ა. ბარამიძის გამოცემით).

ერთ-ერთ თავის ლირიკულ ნაწარმოებში ვახტანგი აგვიწერს „კეკლუტა ხელმწიფის“ მშენებრებს, მის თვალწარმტაც სილამაზეს და იმ გრძობებს, რომელთაც იწვევს მოტრფიალეთა გულში მისი ჰერეტიკა. ეს „კეკლუტი“ არის მისი სამშობლო ქართლი. მერე კონკრეტულად ახასიათებს ქართლის სხვადასხვა კუთხეს, მათ თვისებებს და მოიგონებს, როგორ ატარებდა ის დროს ამ კუთხეებში. დასახელებულია: დიდგორი, ლილოს ტბა, კოკორი, თრიალეთი, ქცია, შამბიანი, შაენა-ბალი, ტბის ყური, ღრმა ხევი, სომხითი, ხუნანი, ყარაია, ლოკინი, ნაყორულევი, აღრინტალი, და ბოლოს ავტორი მისწვდება თბილისსა და მის აბანოებს, ის ამბობს:

რა გათავდეს ეს შექცევა,
კვლავ მოვიდენ ისევ ტფილისს,
აბანოსა განისვენონ,
ქებაც ითქმის მცირე ძილის;
სანუკვარი მრავალფერი,
სიმრავლეა უცხო ხილის.
იშვებდენ და იხარებდენ,
ვის რა ჰქონდეს თავის წილის?
რა სჯობს მაისში ტფილისსა,
ვარდი ვარსკვლავებრ ესხასა!
მწვანედ ღელავდეს გარემო,
ცვარი ცის მაზედ ესხასა,

¹ გვ. 15, სტრ. 45.

თუ არ უშმაგო, ვინცა ქნას,
მაზედა რითმე ესხასა?
მე ასე მითქვამს, უთუოდ
ის კაცი იყოს, ეს ხასა¹.

უთუოდ მართალი იყო ვახტანგის თანამედროვე
პოეტი გივი თუმანიშვილი, რომელიც მის მიერ
დაწერილ „ეპიტაფიასი“ ათქმევიწინებს ვახტანგს:

ტფილისს სიონი ხელახლა
შევძერწე ქანდაკებულად,
ჩემთვისცა სახლი სარკისა,
შიგ ღზინი მოწონებულად².

ეს „სარკის სახლი“, რომელიც თურმე თბილი-
სის მშვენიერს წარმოადგენდა, თვით ვახტანგს არ
დაუხასიათებია, ის აუწერია მომდევნო პოეტს,
თ ე ი მ უ რ ა ზ მ ე ო რ ე ს, შემდგენაირად:

სრა ერთი მეფის ვახტანგის,
უცხოულობით ნაგები,
საკვირველი და საქები,
მას უხდებოდა სარკები,
შუაზედ შანიშინი და
აუზით შადრევანები,
ფერად-ფერადის ჯამებით
შეხამებული ფანჯრები.
ავჯს უხდებოდა შუაზედ
ბროლისა ხომლის კიდება,
როს მეფე-სპანი ღზინობდენ,
დღეს რომ შექჳონდა ბინდება,
შელამდის, ხომლზედ განწყობილს
კელატრებს მოეკიდება,
შიგ მსხდომნი კედლებს სჳერეტდიან,
ეგონისთ — გარს გვეკიდება.
ერთიცა სახლი უზეშთე
ერანშიც არ ნახულა-და
იმ სრისა ქება, სიკეთე
ქვეყანას ხმა-განთქმულადა,
როგორც მას ჰფერობს ქებანი,
შესხმა არ ძალშიც სრულადა,
სხვეებს სრებსა ყველას ის სჯობდა,
მისებრივ არ დადგმულადა.

სრას უხდებოდა ხელმწიფე
თაჯითურთ ჯიღებიანი,
თვით მეფე ვახტანგ შიგ მჯდომი
ძმებითურთ, შვილებიანი;
გვერდს ახლდენ დარბაისელნი,
მორთულნი, ბილებიანი,
უქეთესს რაღას ნახევდა
თვალითა კაცი ჰკვიანი?
როს დაუკრავდენ მგოსანნი,
ტკბილად დაეწყით თქმანია,
მათ ხმაზე ამღერდებოდენ
ბულბულნი, იადონია,
ის ღზინი და სიხარული
უცხო რომ გასაგონია.
მეც ბევრი ვნახე იმ სრაში
ღზინი და უკუყრანია³.

პოეტი თ ე ი მ უ რ ა ზ მ ე ო რ ე, მართალია, სა-
განგებოდ თბილისს არ ახსენებს, მაგრამ აგვიწერს
იმ ძვირფას „სრას“ ან სასახლეებს, რომელნიც
შეადგენდნენ ამ ქალაქის მშვენიერებასა და სიამაყეს.
ესაა მისი საკუთარი და სამის წინადროის მეფის:
როსტომის, ირაკლი I-ის და ვახტანგ VI-ის სასახ-
ლეები. ვახტანგის სასახლის აღწერილობა უკვე
მოვიყვანეთ, აი, როგორ აგვიწერს ის სხვებს:

როსტომ მეფისგან ნაგები
საწოლი სახელიანი,
ნახატი სურათებითა,
ყვავილი ფერადიანი,
თვით როსტომ ფალავანი და
დევნი ეხატა რქიანი,
შეამკო დიდად, დაედვა
სახელად როსტომიანი:
ერთი სრა მამის ჩემისა,
მეფის ერეკლეს გებული,
ხელმწიფეთ საკადრისი და
ქვეყნისგან მოწონებული,
სარკით და ოქროს ვარაყით
შემთხვევით განათებული,
მეფეთ და დარბაისელთთვის
სალზინოდ დამზადებული⁴.

¹ გვ. 13, სტრ. 27, გვ. 44, სტრ. 11.

² გვ. 64, სტრ. 1.

³ თ ე ი მ უ რ ა ზ მ ე ო რ ე, თხზულებათა სრული კრებუ-
ლი, გამოს. წ. ჯაკობიასი, გვ. 105—106, სტრ. 13—17.

⁴ იქვე, გვ. 105, სტრ. 11—12.

თავის საკუთარ სასახლეზე პოეტი-მეფე ამბობს:

ავაშენებდი სასახლეს,
საწოლსა აივანებით,
შემკულსა ზევით-ქვევითა
ლამაზად ბალახანებით,
შუაზედ აინახანა
დახატვით, მიჰკრიტანებით,
ეს შეეასრულე სალხინოდ,
შიგ ვსვემდი დოსტაქანებით¹.

ეს „სახლი“ აღარებს თავისთავს იმ სამის სასახ-
ლეს და ამბობს:

არ ვარ იმ სრებზე ნასებით,
ავშენდი დიდ დაფასებით...²
ვერა მჯობს ერთი სახლია,
მჰკერეტელთა გულსა სწადია,
ახლოს მაქვს ტურთა ბალია,
მნახველთა დასაქადია;
მიბრძანდით, კარია ღია,
ნახოთ კოკობი ვარდია,
სალი ააესეთ თასია,
უკუ იყაროთ დარდია³.

მეფე უპასუხებს თავის მჭებარე სასახლეს:

აქ კაცი რის გზით მოიწყენს
სადამდის უდგეს სულელები?
აქ რაცა კარგი სახლია,
არ არის შენისთანაო⁴.

მეთვრამეტე საუკუნის პირველი მესამედის
თბილისი და მისი სანახები იხსენიება ორს საის-
ტორიო პოემაში: ერთია „კათოლიკოზ-ბაქარიანი“
იესე ტლაშაძის⁵, მეორე დავით გურა-
მიშვილის „ქირი ქართლისა“⁶. ამ პოემებში
აღწერილია კინკლაობა ვახტანგ მეექვსესა და კახთ
ბატონს კონსტანტინეს შორის, რომლითაც სარ-

გებლობდნენ სპარსელები, ოსმალები და ლეკები
ქვეყნის საზიანოდ. დავით გურამიშვილი, იგონებს
რა ირანის შახს თამაზს, ამბობს:

მით გასახმილდა წინწალი,
გრიგლად გადიქცა სიონი,
მისგან შეირყა მეტეხი,
მისგან დაიქცა სიონი⁷.

კონსტანტინეს მიერ მოციქულად გამოგზავნილი
ბერები ხუმრობენ:

ერთმან იხუმრა: ვიბანებ
თიფლის აბანოს ნურითა,
მეორემ — თევზით გაეძღები,
ზურგიელ-გელაქუნითა,
მესამემ — მივიბრუეები
ღვინითა ატენურითა⁸.

ვახტანგმა ისინი დააპატიმრა, ციხეში ჩასვა;
კახთ ბატონი,

იგ რა ესმა, წამოვიდა,
დაიჭირა ავლაბარი;
ნარიყალა მიმბაშს ეპყრა,
შაის-ტახტი, ციხის კარი;
რა მივიდა, ფიცხლავ მოსცა,
განიკეთა მუნ საფარი⁹.
ქართლ-კახეთსა გარდენადა
მაშინ ღვთისა საფარველნი.
ოდეს გარსა შემოადგენ
თიფლოსს კახნი და ქარელნი¹⁰.
სულ დაიჭირეს კრწანისი,
ციხე და გარ თაბორია...
კრწანისის ბოლოს შეიბნენ,
ომი შეიქნა ძრიალი¹¹.
მტრებმა გატეხეს სიონი,
აიკლეს ბევრ ფართარია,
სიონის ხატი წაიღეს,
არვინ იცის სად არია,
დატყვევდა დეკანოზიცა,

¹ იქვე, გვ. 105, სტრ. 9.

² იქვე, გვ. 106, სტრ. 21.

³ იქვე, გვ. 106, სტრ. 23.

⁴ იქვე, გვ. 107, სტრ. 31-32.

⁵ გამოცემა ე. თაყაიშვილისა.

⁶ გამოცემა 1955 წლისა.

⁷ დავით გურამიშვილი, გვ. 53, სტრ. 188.

⁸ იქვე, გვ. 67, სტრ. 292.

⁹ იქვე, გვ. 68, სტრ. 302.

¹⁰ იქვე, გვ. 69, სტრ. 304.

¹¹ ტლაშაძე, სტრ. 28, 29.

კაცი წმინდათ სადარია
ის ხომ ორ თუმნად დაიხსნეს,
ხატი კი დაიკარგაო;
არ იცით, თბილის ქალაქი
უმისოდ აღარ ვარგია?

შინაგანი აშლილობით ისარგებლეს ოსმალებმა,
ამიტომ

ოსმალთ თიფლისს შევიდა,
კარები დახედათ ღია რა?
იესეს მეფეს მოხსენდა,
გორს აღგას ქართველთ ჯარები,
მან შეიყარა ოსმალთ,
იქმნა თიფლისით მარები?

ჩვენამდე შენახულია ერთი ასეთი „მესტეო-
რული ლექსი“, თუ წმინდა ხალხური არა,
ხალხურის ყაიდაზეა შექმნილი. მართალია, ეს
ლექსი დიდი ხანია წერილობით არის ცნობილი,
მაგრამ იმას ჩვენც შეგვიძლია შევეხეთ. ის ასე
იკითხება:

ნეტარ ქება როგორ ითქმის
ამ თბილის ქალაქისაო?
ზამთარი არის ბროლისა,
ზაფხული ზურმუხტისაო;
გარს ახვევია ბაღები,
ჩარხი უბრუნავს წყლისაო,
შიგ წისქვილები უბრუნავს,
გარშემო უფლის წლისაო,
ქალაქში აბანოები,
ბადალი ხმელეთისაო,
ძირილამ აშენებული,
აუზები არს ქეისაო,
მალლიდამ გადაჰედლილი
წითელი აგურისაო,
გვერდიდამ ფანჯარაები,
სანათურია მზისაო,
ვინც შევა, აგრევე გახდის,
როგორც თოვლია მზისაო,

ქალი და რძალი გამოდის,
ვითა ყვევილი ხისაო.
დუქნები ბევრი დამართეს,
სასხდომი ბაყლებისაო;
ქვეშ ქუჩები დაატანეს,
სარბენი არის გზისაო;
წინ ნათხარი ორმოები,
ნაგები სარდაფისაო,
ხოის ლაინი ბევრია
და, ფარჩა ბეზირგნისაო.
საყდარიც ბევრი ააგეს
ამ თეთრი ქვეთკირისაო,
ხატი და ჯვარი შიგ არის,
სალოცავია ღვთისაო;
ბერი და მღვდელი ამდენი,
როგორც რომ წვიმა წყლისაო,
ხაზინაები აწყვია,
მოკრილი თამაზ-ხნისაო.

აღა-მამად-ხანის მიერ თბილისის აოხრების
გამო, უნდა ვიფიქროთ, ხალხს შეუთხზავს, არა
ერთი ლექსი, რომელშიაც ეს სამახსოვრო ამბავი
ასე თუ ისე ასახულია.

ამ ისტორიულმა უბედურებამ გამოხმაურება
პოვა პოეტის სტეფანე ფერჟანგის შეი-
ლის პოეზიაში. მისი ლექსი „თბილისის აოხრე-
ბაზე 1795 წ.“ იწყება ასე:

ქალაქი, რომელ გენახებათ ყოვლით ქებული,
ხალხით, მორთული, კეკლუც-ნაზი, გალაღებული,
აწ მოდიოთ, ნახეთ, როგორ არის გაოხრებული,
მისნი შევნიერ ქალვაყნი დატყვევებულნი¹.

მერე ლაპარაკია ხოჯახანის შემოსევისა და
ქალაქის აოხრების შესახებ.

დასასრულ, მეტად საინტერესო ცნობები თბი-
ლისის შესახებ შემოუნახავს თავის „კალმასობაში“
იოანე ბატონიშვილს. ნაწილი ამ ცნობე-
ბისა გამოქვეყნებულია „კალმასობის“ პირველ
ტომში (1936 წლის გამოცემა), მოგვყავს იგი.

იოანე გზაზე შეხვდება ოდიშელ ბერს, რომელ-
საც ფუჟურო-სერაფიმე ეწოდება. ის ეუბნება
იოანეს: „შვილო იოანე, მე ამ ქალაქის არა ვიცი
რა და, თუ ინებებთ, მე თან გაიხლებით, ერთად

¹ ტლაშაძე, სტრ. 46—47.

² დავით გურამიშვილი, გვ. 70, სტრ. 312.

³ იქვე, სტრ. 315.

⁴ Д. Чубянов, Грузинская хрестоматия, т. II, Петербург, 1846, гв. 240—241.

⁵ ტრ. რუხაძე, ძველი ქართული ლირიკის ისტორიი-
დან, 1954, გვ. 208.

ვიართ და გამაშინჯე რაღაც ჩირაღდანია“. იოანეს იამა დიად და წარვიდნენ ერთად. მივიდნენ. პირველად დაიწყეს მეიღნიდამ სწავლა, შევიდნენ ხარახანის ბაზარში, იხილეს მუნ ოქროს მკედლები, მსხდომარენი ღუქნებში, მრავალი ვერცხლის იარაღი ეგრეთვე ოქროის დაწყობილი და სხვა სამკაული. თქვა ბერმან: „ამ ცოლ-შვილ მკედართ, ამღენი ოქრო და ვერცხლი ჰქონებიაო!“ დია გაუკვირდა. მერე მივიდნენ მექოშეებთან, იხილეს ყოველი ღუქანი, სავსენი ქოშით და მაშით. თქვა ამ ბერმან: „ბატონო, ამღენი ქოში რად უნდათ? ჰგავს, უქოშო ხალხს მოელიან საიღამე!“ რა წაიარეს მცირე, იხილეს სარაუგები, რომელ სავსე აქვდათ ღუქნები ცხენის იარაღებით მზად. რა იხილა ბერმან, სთქვა: „ბატონო, ბარე ყოველს კაცს გვაქვს თითო ბაჩის იარაღი და ამღენი რად უნდათ? ჰგავს, უბელო ცხენიანს ხალხს მოელიან საიღამე!“ მერე იხილეს ყაზაზები და თქვა ამ ბერმან: „ბატონო, ამღენი ძაფი და ზონარი რად უნდათ, რა უნდა შეეკრონ ამღენი?“ რა გაიარა, იხილა ყაჯარღუზები და განკვირდა ყაჯრებზედ, თქვა: „ნეტამც ერთს მაჩუქებდენო!“ მერე მივიდა მექუდეებში, იხილა გაღმა-გამოღმა მრავალი ქუდი შეეკრილი, დაკიდებული, მიიხედ-მოიხედა ამ ბერმან და თქვა: ბატონო, ბარე ყოველს კაცს თითო ქუდი ხურავს, ამღენი ქუდი რაღად უნდა, მგონია, თავშიშველა კაცებს მოელიან საითმე!“ მერე მივიდა ბაზაზებთან, იხილა მრავალი ფარჩები სხვადასხვა გვარი და თქვა: „ნეტამც ესენი ფილონებად მომცაო?“... რა გაიარეს, იხილა მრავალი მაუდი და სხვა ფარჩები და თქვა: ბარე აუკლიათ ქვეყანა, ამღენი სკალიტი და ჩითი ან ლეინი სად უშოვიათო? მივიდნენ, იხილეს მკერვალეები, განუკვირდა ბერს: „ჰგავს, რომ შიშველთ კაცთ მოელიან საითმე და ამღონი ტანისამოსი მისთვის შეუქერავთო!“ უკანასკნელ მივიდნენ ბაყლებთან, მეთევზეებთან. იხილა ბაყლები, ნახა რომე გარშემო სულ სხვადასხვა ხილი უწყვიათ: თევზი, ხიზილალა, წელა, ბრინჯი, ერბო და სხვა წვრილმანი. უყურა ამ ბერმან, ეგონა, ხილს მითავაზებენო და, რომ ხმა არავინ გასცა, თქვა: „ბატონო ეს, რა ცუდი მასპინძელნი ყოფილან, არცა არა თვითონ სჭამენ, არცა სხვას აკმევენო; ნეტამც ეს თევზი, ხიზილალა და წელა მომცა ჩვენის მონასტრისათვის, რომ ჩვენი ბერები გავაძლო ამითო“...

მერე იხილეს ყასბები და მრავალი ხორცი, დაკიდებული ჩანგლებზედ, და თქვა ამ ბერმან. „ბატონო, რა დაუშავებიათ ამათ, რომ რკინის ჩანგლებზე დაუკიდიათ ეს კაცის ხორცებიო?“ ზურაბამ უთხრა: „არა, ბატონო, ეს გასასყიდელი ხორცია ცხვრისა და ძროხისა“. ბერმან თქვა: „ღმერთმან მაშოროს, რომ მე ჩანგალზედ დაკიდებული ხორცი ვჭამო, ბარე ასე გამოგონია, რომ თათრის ქვეყანაში ჩანგალზე ჩამოაკიდებენ კაცსაო!“ გამოიარა, იხილა მეჩონგურეები და საკრავის მკეთებლები, ღუქნები ნახა საეცე ჩონგურით და დაირით, თქვა: „ბარე ეს ქალაქი ზედმოსაკრავე ყოფილა, თორე ჩვენში ან ორს აქვს, ან სამს, რა არის ამღენი საკრავიო?“ იქიდან მოვიდნენ ალაფფეფშია, სადაც პურს ჰყიდდენ და აცხობდენ. „ბარემ ამღენი პური რად უნდათ? ჰგავს, მშიერ ხალხს მოელიან საითმე?“ მერე მოვიდა მექურჭლეებთან, იხილა ესოდენი ქურჭელი, თქვა: „ბატონო, ამღენი ჯამი, თეფში რად უნდათ, ყოველ კაცს აქვს თავის სახლში ქურჭელი, ჰგავს, რომ უქურჭლო ხალხს მოელიან საითმე!“ იხილა მერე ნალბანდები, განკვირდა და თქო: „ბარე ამღენი ლურსმანი და ნალი სად მოუჭრიათ? ჰგავს, რომ ბევრ ცხენს ელიან საითმე ფეხშიშველებს!“ მივიდა მერე, იხილა სირაჯხანა დიდროანის რუმბებით და ტიკებით, ღვინოები და არაყი, იკითხა: „ამღენი კოლოტი რად უნდათო?“ უთხრეს: „ესე სულ ღვინოებით არის სავსე“. თქვა: „ბარე ყოველ კაცს აქვს მარანი; ჰგავს, რომ ვისაც ღვინო არ მოსდის, მისთვის მოუგროვებიათ ესე ღვინოები!“ მოვიდა მექვებებში, იხილა მრავალი ქვაბი და სპილენძის ქურჭელი და თქვა: „ბარემ ყოველ კაცს აქვს თითო და ოროლი ქვაბი და, ჰგავს, უქვებო ხალხს მოელიან საითმე!“ დაბრუნდნენ მუნით, იხილეს ბარდნეებით ბამბები, თქვა: „ყოველს კაცს თითო ზუბუნი აქვს და ბამბა უძვე, აგრეთვე საბნები, რად უნდათ ამღენი ბამბა? ჰგავს, რომ უზუბუნოს და უსაბნო ხალხს მოელიან საითმე!“ მივიდა მერე ჩილინდრებში, იხილა კლიტეები და გასაღებნი მრავალი და თქვა: „ბარე ამღენი კლიტე რად უნდათ, სად იშოვნიან ამღენ ზანდუქს, რომ დაკვეტონ?“ აგრეთვე სხვა საწვრიმალო გაუკვირდა. მერე მოვიდა ხარაზებთან, ნახა მრავალი წალა, ჩექმა და სხვა ფეხსაცმელი და თქვა: „ბარე ყოველ კაცს აქვს წალეები, ჰგავს, რომ უწალო კაცებს მოე-

ლიან საითმე“. მერე მოვიდა, იხილა ქურქჩები, ბეწვეული და თქო: „ამ ცოლშვილ დახოცილთ რამდენი მელი, მგელი, დათვი, კვერნა, ტურა უნადირნით, ბარე ამათთანა მონადირე ოდიშშიაც არვინ მინახავს!“ ... მივიდნენ. ნახეს ლილახანა, დიდროანის ქვევრებით სავსე, თქვა ამ ბერმან: „ბატონო, აი კარგი მარანი ღვინისა ეს არის!“ ზურაბამ: „ისემც კარგი ხარო“. ბერმან: „რა ვარ?“ ზურაბამ: „ეს სულ ლილა არის!“ განკვირდა ბერი და უთხრა: „ბარე ჩვენში წამლადაც ძლივ ვიშოვით, ეს როგორ იქნებაო?“ მერე აჩვენეს, განუკვირდა და თქვა: „ბარე მთლად შეღებავს ამ ქალაქსო!“ წავიდნენ მუნიდგან, მივიდნენ ისევ მოედანზედ, იხილეს მუნ მეჩახმახეები, მეთოფეები და ხმლის მკეთებელნი; განკვირდა ესე და თქვა: „ყოველს კაცს უკრავს თითო ჩახმახი თოფზე და ყოველს არტყია ლეკური და აქვთ თოფები, ჰგავს, რომ მოელიან საითმე უთოფოს და უხმლოს კაცებს!“ მოვიდნენ მერე შუაბაზარში მეწერიმალეებთან, იხილა ამ ბერმან საწერიმალე, ღია განკვირა იმ განწყობილობას და თქვა: „ამ ცოლშვილ მკვდართ სად მოუგროვებიათ ამდენი დანა, მაკრატელი, ნემსი, სააკე, ქიქები, ამდენი სურნელი და სხვა ნამგლები და ესოდენი შაქარი?“ იოანემ უთხრა: „ასეა რიგი, რომ ქალაქში ყოველივე სავსებით უნდა იყოს, რომ, ერთი — ქალაქის დიდება არის, და მეორე — ქვეყანა გამდიდრდება ვაჭრობით. ვისაც არ ექნება სახლში და ფული ექნება, იყიდის ყოველს და თავის სახლს გაიწყობს!“

როგორც ვხედავთ, ეს იუმორისტული, საკითხავად აღვილი მოთხრობა შეიცავს მდიდარსა და საინტერესო ცნობებს ხელოვნური წარმოების შესახებ თბილისში მე-18 საუკუნის მიწურულში. ისინი ჩვენ გვითვალისწინებენ: რა საამქროები იყო მაშინდელ თბილისში, რა პროდუქციას ამზადებდნენ ისინი და რა რაოდენობით, როგორი იყო იმდროინდელი მომხმარებელთა მოთხოვნილება და როგორ კმაყოფილდება ეს მოთხოვნილება. კეშმარიტად ყურადსაღებია ის სიტყვები, რომელთაც ეუბნება ამ მოთხრობის დასასრულს იოანე ოდიშელ ბერს. ასეთი მდიდარი ცნობების მოპოვება, ისიც სიტყვა-კანშული მწერლობის ძეგლში, მეტად მნიშვნელოვანია. ირკვევა, რომ თბილისის მდგომარეობა მეთვრამეტე საუკუნის გასულს და მე-

ცხრამეტის დამდეგს, როდესაც ის რუსეთს უერთდებოდა, არც თუ ისე უილაჯო ყოფილა, როგორც ამას გვისურათებს ზოგიერთი ოფიციალური ხასიათის დოკუმენტი.


რამდენადაც ქართველ მეფეთა სასახლე თბილისში იყო, ამდენად ამ სასახლის ცხოვრების დეტალები უმნიშვნელო არაა თვით დედაქალაქის სურათის გათვალისწინების მიზნით. ამ მხრივ საინტერესოა იოანე ბატონიშვილის „კალმასობაში“ მოთავსებული „ქართლის ისტორიის“ ერთი ცნობა, რომელსაც, რადგანაც ის ჯერ გამოქვეყნებული არაა, მთლიანად მოვიყვანთ¹.

„აქუნდა მეფესა ორი დიდი პალატი: ერთი სალხინოდ და მეორე საგლოველოდ. სალხინო პალატი იყო წითლისა ფარჩითა ან ხავედითა მოკრული სრულიად ჰერ-გვერდებითა, და შუაზედ ჰერში ეკრა შავი ჯვარი ფარჩისავე, და ესე იონიშანი, რომელ ლხინში მყოფთა შეხედვითა მისითა მოეგონებიათ სიკვდილი და უჯეროდ არ განცხრომილიყვნენ. გარნა მას სალხინო სახლში იყო სამი ქუევირი თითო საპალნიანი შთადგმული, და რომ ესოდენი დარბაზის ერნი დასხდებოდნენ მას შინა, რომელ მათგან დაღუეულის ღვინის თასში დაშობილი ღვინო რა დანაყურიანდის ქვევრებთა მათ შინა, სამივე ქვევრი აღივსებოდის, რომელ ესოდენ ღვინო დაილეოდის, და მერე იმას განყოფდენ მოსამსახურენი მეფისანი. ხოლო საგლოველი პალატი იყო ესრეთვე შავით მოკრული, ხავერდით თუ სადა ფარჩითა, და ჰერის საშუალო ეკერა ჯვარი წითელი ფარჩისა; მომასწავებელ შემხედველთათვის, რომელ მწუხარებასა შეუდგების მხიარულება მოწყალებითა ღვთისაათა, და მით ინუგეშებდნენ მგლოვარენი“.

სულ ბოლოს მოვიყვანთ ერთს 10 სტრიქონიან ლექსს, რომელსაც ეწოდება „ქ. ტფილისი“². მართალია, ეს ლექსი დაწერილია არა უადრეს მეცხრამეტე საუკუნის ნახევრისა ზ ა ა ლ ზ ა ა ლ ი შ ვ ი ლ ის მიერ, მაგრამ მას ჩვენს მიმოხილვაშიაც შეგვიძლია დავუთმოთ ადგილი, რადგანაც ავტორი მისი განწყობილებით, ენით და პოეტური აქსესუარით ე. წ. „გარდამავალი ხანის“ ქართულ პოეზიის ტრადიციების გამაგრძელებლად ჩანს.

¹ ხელნაწ. საქართ. მუხეზმისა, H 2134, ფ. 704^b — 706^b, ბ. კიქელიძის, მტოფეები, 1, 228—229.

² ხელნაწ. საქ. სახელმწიფო მუხეზმის ფონდისა № 1636, ბ. თაყაიშვილი, Описание рукописей, II, გვ. 440.



საქართველოს სსრ მთავრობის სასახლე



მტკვრის მარჯვენა სანაპირო

ტფილისო, დედა ქალაქო,
შემკულო ყოვლის ფერითა,
გარემო ბაღი, ბაღჩანი,
ამალღებულის მთითაო,

უძველეს ყოვლის სოფლისა,
წელობით დიდის ხნისაო,
ვის ძალ-უძს ღირსად შეგამკოს,
გამომეტყველსა თქმისაო.

სხვანი სხვას ალაგს აქებენ,
უღირს არიან ქებისა,
შენს მსგავსსა რასა ჰპოებენ,
რადა აქვსთ ენა თნებისა,

შენსას არ ჰყოფენ ხსენებას
უსმენნი ჩემის ცნებისა,
ვის არ უყვარხარ, გიწყინოს,
იგიმცა დაიმსებისა.

რა შეგედრება სიკეთით,
ხარ ყოვლად განათლებული,
ვითა მზე, ქვეყნის მნათობი,
ეგრეთ შენ ლამპრად ნთებული,

ჩვენს ქვეყანას ვინ გესწორვის,
ხომ შენ ხარ განდიდებული,
რაც ქვეყნისთვის საჭირო არს,
ყოვლითა ხარ აღვსებული.

გარემო შენსა გივიან
ბაღნი, მინდორნი და ველნი,
ზაფხულით მუნ მიილტვიან
ქალნი, ჰაბუკნი მხცოველნი,

მუტრიბთა და ჩანგთა ბარბირთ,
ხმიანობისა მპოველნი,
რას სიამოვნით სტკებებიან
მუნ მსმენნი კაცნი ყოველნი?

პირველ მეფეთა სამყოფი
და სადგური იყო ესა,
შემდგომ მათსა მთავრობამა
მმართველობა აქ აწესა,
მას სხვა ქალაქი არა სჯობს,
ცნობილია აწ ეს დღესა.
ნიჭებით და უნაკლულო
შეუქმნია მისსა სევსა.

მტკვარი მოუდის უმანკო,
სნეულთა სამკურნალები,
ზაფხულით მისსა გარემო
ხშირად ყრილობენ ქალები,

ჩაის სმით, სამხრის შექცევით
მათს მკვრეტელთ ეგზვნის თვალები,
ზედ სმიან წითელ ღვინოსა,
სიტკბოთი არამთვრალეები.

აბანოს მსგავსი რა არის,
არ მოიძვეცის არსადა,
ბუნებით თბილი წყალი სჩქედს,
სნეულთ მკურნალი არსა-და,

მუნ მიილტვიან ქალ-ყმანი
საბანოდ, სასუფთოსა და,
გამოვლენ, ელვა-ჰკრთებიან,
ამშვენებს ცმანი ტანსა და,

ეკლესიანი მშვენიერ
შემკულნი ყოვლის ღირსებით,
აღვსილნი სამღვდელს კრებით,
აღიღებენ ღმერთსა ქებით,

სად შეკრებიან მლოცველნი,
ღმერთსა ესეენ განდიდებით,
შეიმოსვენ საღმრთოს მადლსა,
გამოვლენ ნიჭით აღვსებით.

რაოდენ იქოს ტფილისი,
ყოველნივე ეკადრება,
მას შიგან შენებულუებას
რა ქვეყანა ედარება?

მპყრობელიც ჰყავს დიდი გვამი,
ვითა მასცა ეფერება,
მისი ხსენება მაღლად ხამს,
თუ ძალ-მედოს მოგვარება.

ზოგს უქია სხვა ქვეყანა,
გარანა ტფილისზე არს შორი,
არა ვყბედობ უსათუქლოდ,
და არც არის ცუდი ჰორი,

არა ვმლიქვნელობ ენითა,
არსად არის მისი სწორი,
ლალვით ქვა მკრიბეთ, თუ ვცრუი,
მრავლად მაყარეთ ქვა-ყორი.


აი ყველა ის ცნობა, რომელიც ჩვენ გვაქვს თბილისის შესახებ დღესდღეობით ცნობილს მხატვრული ლიტერატურის ძეგლებში. ზოგადად უნდა შევნიშნოთ, რომ ფეოდალური ეპოქის პოეზიას თბილისი თუ ანტირესუბდა, იმდენად, რამდენადაც მის სახელთან დაკავშირებული იყო მოგონებანი წინაპართა „საქმეთა საგმიროთა“, რამდენადაც ის შემკული იყო ბრწყინვალე სასახლეებით და ლამაზი ბალებით, რომელნიც შექცევისა

და გართობის ადგილად ითვლებოდნენ. მისი სახე და ყოფა-ცხოვრება ამ პოეზიის ყურადღებას, ყოველ შემთხვევაში მეთვრამეტე საუკუნემდე, მაინცა და მაინც არ იპყრობდა, ალბათ, იმიტომ, რომ ძველად საქალაქო ცხოვრება იმდენად განვითარებული არ ყოფილა, რომ მას წამყვანი როლი ეთამაშნა და ამით მწერლობის ცენტრში მოქცულიყო.

* * *



ცხენის რკინიგზა („კონკა“) ყოფ. მიხეილის (აჭყაბად პლეხანოვის) პროსპექტზე



ბრიზონ რუხაძე

თბილისი ძველ ქართულ და რუსულ
ნათარგმნ ლიტერატურაში

თბილისის ისტორია, რომელიც განუყრელად დაკავშირებულია ქართველ ხალხთან, აუსახავთ როგორც ძველ ქართველ, ისე რუს და უცხოელ მწერლებს, რომელთა უმრავლესობა ქართველთა დედაქალაქის თვითმზილველი ყოფილა. ამ მასალების დიდი ნაწილი მკვლევართათვის ცნობილია¹. მაგრამ მათ არ შეუმჩნევიათ, რომ უცხო მოგზაურ-პილიგრიმთა ზოგი მონათხრობი თბილისზე თავს იჩენს ძველსა და XVIII საუკუნის რუსულ მწერლობაში, საიდანაც ის თარგმანის სახით შემოვიდა XVIII საუკუნის ქართულ ლიტერატურაში. ამავე საუკუნეში ქართულიდან რუსულად გადაუღიათ და სტამბურადაც დაუბეჭდიათ (1773 წ. პეტერბურგი) ერთ-ერთი რომანი, რომელშიაც თბილისი და მისი პირველი მეფე ვახტანგ გორგასალი არიან ასახული.

წინამდებარე სტატიაში მოგვეყავს რამდენიმე ასეთი უცნობი ფაქტი. იგი ცოტა რაზმეს შემატებს თბი-

ლისის ისტორიის შესწავლის საქმეს. მთლიანობისათვის ვასახელებთ ცნობილ მასალებსაც. ეს მასალები თავის დროზე გამოაქვეყნეს პროფ. მ. პოლიევქტოვმა, პროფ. გრ. ნათაძემ, პროფ. ლ. მელიქსეთბეგმა და სხვებმა¹.

რუს და უცხოელ მწერალთა მიერ შექმნილი უძველესი ლიტერატურა თბილისზე საერთო რაოდენობით დიდია, მაგრამ ის შინაარსითა და კონკრეტული პოეტური გრძნობადობით ვერ შეედრება ქართველ მწერალთა მონათხრობს თბილისზე—ვახუშტის (საქართველოს გეოგრაფია) ვიგულისხმებთ აქ, იოანე ბატონიშვილს („კალმასობა“), თეიმურაზ II („ქება თბილისის სასახლეთა“), ვახტანგ VI განთქმულ მაკაძეებს თბილისზე თუ ხალხო მოშაირეების დიდებულ ლექსებს.

¹ პროფ. დ. გვრიტიშვილი, პროფ. შ. მესხია, თბილისის ისტორია, 1952; პროფ. ს. კაკაბაძე, თბილისის სახელწოდებათა ისტორიისათვის, საისტორიო კრებული, ტ. II, 1928, გვ. 60—68.

¹ მათ ნაშრომში მითითებულია სათანადო ლიტერატურა: პროფ. М. Полиевктов и проф. Г. Натадзе, Старый Тифлис в известиях современников, 1928, გვ. XVI; проф. Л. Л. Меликсетбеков, Старый Тифлис..., 1918 (см. журн. „Агс“, 1918, II—III); მისივე, Тифлис, его основание и краткий исторический очерк, 1925.

ძუნწი ცნობები ნოვეგეპოვება თბილისის შესახებ ძველი ქართული ლიტერატურის ისტორიაში (აკად. კ. კეკელიძე, თბილისი ძველ ქართულ ლიტერატურაში, ლიტერატურული გაზეთი, 1934 წ., № 23), მაგრამ მათი მიხედვითაც ცხადია, რა ძლიერ ყვარებიათ თბილისი ჩვენს წინაპრებს, დედაქალაქს უწოდებდა ქართველი თბილისის მამიანაკე, როცა ისტორიული ავბედობის ხანაში, ქვეყნის სასიცოცხლო ცენტრი სხვა ქალაქებში (ქუთაისს, არტანუჯს, თელავს, გორს) გადაინაცვლებდა და თბილისი დროებით კარგავდა პოლიტიკური და კულტურული ცენტრის მნიშვნელობას.

ეგსტათი მცხეთელის „ცხოვრება მარტვილობის“ აღმწერი მე-VI საუკუნის მეორე ნახევრის ქართველი ავტორი და თეოფანე ბაზანტიელი (VI ს.) პირველნი ახსენებენ თბილისს, როგორც იბერთა სახელმწიფოს დედაქალაქს, თუმცა, ცნობილია (აკად. ს. ჯანაშია, შრომები, ტ. II, 1948 წ.), რომ თბილისის დასახლება უფრო ადრე იხსენიება. ერთ-ერთ გვიანდელ ქართულ რომანში, რომელიც რუსულად ითარგმნა (XVIII ს.), ვახტანგ გორგასალი იწოდება თბილისის მეფედ. სომეხმა მწერალმა მოსე კალანკატუელმა (VII ს.) იცის, რომ თბილისს ხაზარები შეესივნ. ამის შემდეგ თითქმის ყველა ქართველი მწერალი მოგვითხრობს იმ უბედურებაზე, რომელიც თბილისს დაატყდა თავს არაბების ოთხასწლიანი ბატონობის პერიოდში.

ტფილისი (თბილისი), როგორც ძველი ქართველი მწერლები უწოდებდნენ, პირველად მოიხსენიან ლიტერატურული ნაწარმოების სათაურში და შედარებით სრულად გავაცნო „აბო თბილელის მარტვილობის“ დანწერმა (786—790 წწ.) იოანე საბანიძემ (აკად. კ. კეკელიძის გამოცემა). კონსტანტი-კახის ცხოვრებისა და „წამების“ მომთხრობი უცნობი ქართველი ავტორი (IX ს.), ისე როგორც ერთი იმ დროის ქრონიკა, გვაცნობს ბუღა თურქის მიერ 853 წ. გადაიწვიარ, მაგრამ ქედმოუხრელ თბილისს. მიუხედავად იმისა, რომ მოძალადე არაბთა ბატონობის ხანაში თბილისს მეტად მწარე ხვედრი ხვდა, სომეხი მწერალი უბტანესი და არაბი იბნ ხაუკალი (X ს.) თბილისს უწოდებენ დიდებულ ქალაქს. თბილისის წყლები უცეცხლოდ თბებაო აღნიშნავენ არაბი ისტორიკოსი.

თბილისი მთელი ქართველი ხალხის მოწინავე იდეებისათვის ბრძოლისა და ისტორიული გამარჯვების ცუცხალი მატთანაა. მწერალმა ვასილ ბარნოვმა ყურადღება მიაქცია იმას, რომ IX—X საუკ. ქართულ ქრონიკაში, რომელსაც „მოქცევაი ქართლისაი“ ეწოდება, თბილისი მოწინავე იდეების წარმომადგენელია და უკან იტოვებს წარმართული კერპების კერას, მცხეთას. მემატთანა ამბობს: „მამინ მცხეთა ათხელდებოდა და თბილისი ეშენებოდა“, „მცხეთას მოაკლდებოდა და კალა (თბილისი) აღეშენებოდა. ტფილისი განძლიერდებოდა, არმაზი (მცხეთა) ათხელდებოდა. კალა აშენდებოდა“; „მცხეთა ათხელდებოდა და თბილისი აღეშენებოდა, არმაზი შემციარდებოდა და კალა განდიდდებოდა“¹.

დავით აღმაშენებელს ესმოდა საქართველოსათვის თბილისის მნიშვნელობა, ამიტომ მრავალსაუკუნოვანი ტყვეობისაგან გაათავისუფლა თუ არა ის (1122 წ.) სამეფო ტახტიც ქუთაისიდან აქ გადმოიტანა. მაგრამ ის, რასაც მოგვითხრობდნენ თბილისზე კლასიკური ხანის მწერლები, უკვე არ აკმაყოფილებდათ ძველი ქართული მწერლობის ალორძინების ხანის (XVI—XVIII სს.) პოეტებს.

„რაი იბილეთ ერნო ტფილისისანო, გკითხავ, გკითხარყე უწყება ქეშმარიტი. ოდეს საძაგნი (მტერი) განიგვოდეს თქვენგან რაი იპყრა დავით“—კითხულობს ერთი იმდროინდელი მწერალი.

მაგრამ ვერც თუ ალორძინების ხანის ქართველმა პოეტებმა გაგვაცნეს დიდად საქართველოს გული. რომ არაფერი ვთქვათ პოეტ ფეშანგის (XVII ს.) „შაპნავაზიანზე“, ვახტანგ VI (1675—1737) და თეიმურაზ II (1700—1762) მხოლოდ ქება-დიდების ჰიმნებით გვაცნობენ თბილისს. თუმცა ვახტანგ VI მაჯამები თბილისზე პოეტურ შედეგს წარმოადგენენ:

რა სჯობს მაისში თბილისსა
ვარდი ვარსკვლავებრ ესანას...²

¹ ვასილ ბარნოვი, ქართული სიტყვიერების ისტორიის გაკვეთილები, 1919, რგ. 1, გვ. 64; ქართლის ცხოვრება, მარიამ დედოფლის ვარიანტი, 1906, გვ. 191—194, 338; ქართლის ცხოვრება, პროფ. ყაუხჩიშვილის გამოცემა, 1955, გვ. 223, 373. (იხ. აგრეთვე იქვე. თაყაიშვილის „ოპისანი“, ტ. II, გვ. 724).

² ვახტანგ VI ლექსები. პროფ. ა. ბარამიძის რედ. 1947, გვ. 13, 15, 16, 49, 64.

ამავე ხაზს მიჰყვება იმ დროის უცნობი თბილისელი მესტიერიც:

ნეტარ ქება როგორ ითქმის
ამ თბილის ქალაქისაო;
ზამთარი არის ბროლისა,
ზაფხული ხურმუხტისაო¹.

დ. გურამიშვილმა „ქართლის ჳირში“ („დავითიანი“) დაგვიხატა აოხრებული და ჳერდაქციული თბილისი (1724 წ.), ასეთსავე იერემიადას მიმართავს პოეტი სტეფან ფერშინგიშვილი 1795 წელს „თბილისის გაოხრებაზე“ თქმულ ლექსში:

ვის გახსოვთ ქალაქი
ყოფლით ქებული ..
აწ მიდით, ნახეთ,
როგორ არის აოხრებული².

ამ პოეტებს მიაჩნდათ, რომ „თბილისის გამო-სახსნელად“ გარეშე ძალა იყო საჭირო. ასეთ ძალად მათ ესახებოდათ რუსეთი. 1801 წლის შემდეგ თბილისს მართლაც არ დასხმია მტერი, იწყება მისი ისტორიის მშვიდობიანი პერიოდი, რაც პოეტურად გამოხატა ზაალ ზაალის ძე ბარათაშვილმა³.

მაგრამ საყვედურად ეთქმით ძველ პოეტებს, რომ მათ მაინც ცოტა დაწერეს თბილისზე. ძველს უამრავ თარგმანებსა და სამოგზაურო-მემუარულ ძეგლებს ძვირფასი ცნობები შემოუნახავთ საზღვარგარეთისა და რუსეთის დიდ ქალაქებზე, ხოლო თბილისზე აქ კრინტიც არაა დაძრული. თვით სულხან-საბა ორბელიანსაც კი იმდენად აკვირებებს „უცნობი და უცხო“, რომ მის განთქმულ „მოგზაურობაში“ ყველაზე დიდ ადგილს იტალიის ქალაქ რომის აღწერილობას უთმობს. ქართველმა პოეტებმა ფავლენიშვილმა (პოემა „ვახტანგიანი“), ვახტანგ ორბელიანმა (XVIII ს., „პეტერბოლონი“), თეიმურაზ მეორემ („პეტერბოლონი სასახლის ცხოვრება“), პეტრე ლარაძემ (ლექსი მოსკოვზე), გაბრიელ რატიშვილმა („მცირედი რაიმე მოთხრობა როსიისათვის“) და მრავალრიცხოვანმა ქართველმა მოგზაურ-მწერლებმა თავიანთ ნაწერებში დიდი,

ადგილი დაუთმეს დამასკო-იერუსალიმს, ათენ-კონსტანტინეპოლს, მოსკოვს, პეტერბურგს და სხვა ქალაქებს.

ეს ტრადიცია მხოლოდ აღორძინების ხანიდან არ მოდის. ჯერ კიდევ მცირე გიორგი მწერალი (XI ს.), გრიგოლ ნაძინძელის (სირია) (IV ს.) სიტყვებით, აქებს ბერძნულ ქალაქს—ათენს.

„იტყვის გრიგოლ ათინისათვის ვითარმედ რომელი იგი ოქროს ქალაქი შექნაო (ათონის კრებული, 1901 წ., გვ. 288).

ქართველმა მწერლებმა თითქმის ამოწურეს შუა საუკუნეების ყველა თხზულება, რომელთა ავტორები მოგვეთხრობენ მაშინდელი მეფე ქალაქის (როგორც რუსები ეძახდნენ, „ცარგრად“) და საერთოდ უცხო ქალაქთა ტრაგიკულ და სახეიმო ისტორიას⁴.

ქართული მწერლობის ისტორიის წინათონურ პერიოდში (IX—X სს.) თარგმნილი ყოფილა ანტიოქე სტრატეგის (VI—VII ს.) წიგნი „იერუსალიმის აოხრებაზე“ (აკად. ნ. მარის გამოც., 1909 წ.), რომელსაც ზოგნი იოსებ ფლაბიუსს მიაწერენ; სამი სხვადასხვა რედაქციით სამ სხვადასხვა ავტორს—სტეფანე სანანიოის ძე ჳყონდიდელს (X ს.), გიორგი ათონელ-მთაწმინდელს (1009—1065) და ერთსაც უცნობს გადმოუღიათ მამამთავარ სერგი კონსტანტინეპოლელის (610—638 წწ.) „მოთხრობა სკვითთა და ავართა მიერ კონსტანტინეპოლის მოცვისა“ (626 წ.). რუს მწერალს თეოფანე პროკოპოვიჩს (XVIII ს.) დაუწერია „მატიანე, რომელსა შინა წერილ არს დარღვევა უკანასკნელი წმიდის ქალაქისა იერუსალიმისა“. იგი ქართულად უთარგმნიათ სარიდან ჩოლოყაშვილსა და გრიგოლ წინამძღვარიშვილს (1775 წ.)⁵. პორფირი ბაგრატიონს უთარგმნია „კონსტანტინეპოლის აღება თურქთაგან“.

ამ თარგმანებში ქართველები პოულობდნენ ბევრ საგულისხმოს თავიანთი დედაქალაქის დაცვისა და შენარჩუნებისათვის. მაგრამ ასე მხოლოდ ქართველი მწერლები როდი იქცეოდნენ. უცხოელი და რუსი მწერლები, ეცნობოდნენ რა მოგზაურთა ჩანაწერებს თბილისზე ან საკუთარი თვა-

¹ პროფ. დ. ჩუბინაშვილი, ქართული კრესტომათია. წიგნი II, 1863, გვ. 130. საქართველოს მუზეუმის საისტ. ფონდის ხელნაწერი, № 823.

² ტ. რუხაძე, ძველი ქართული ლირიკის ისტორიიდან, 1934.

³ საქართველოს მუზეუმის საეკლ. სიძე. ხელნაწერი, № 1167 (გვ. 22—24), წერა-კითხვის ფონდისა, № 1635გ.

⁴ აკად. ა. კეკელიძე, იტიუდები, ტ. III, 1955, გვ. 87—95.

⁵ ამ თარგმანს, რომელიც ჩვენ გაქვს ხელნაწერებში, ისტორიკოსი პ. იოსელიანი პროფ. ბაგრატიონს მიაწერს (იხ. ანტონ ბ. წყობილსიტყვაობა, გამოც. 1853, გვ. XII).

ლით ნახულობდნენ მას, აქ ისინი ისეთ რამესაც ხედებოდნენ, რისი გამოყენებაც შეიძლებოდა მათ სამშობლო ქალაქებში. სავაჭრო კაპიტალიზმისაკენ მიდრეკილ გვიანფეოდალური ხანის ევროპელ მწერლებს (XVII--XVIII სს.) აინტერესებთ თბილისი-დან აღმოსავლეთისაკენ, ინდოეთისაკენ მიმავალი გზები და აქაური ნედლეული. პუშკინი პირველი რუსი მწერალი როდი იყო თბილისის აბანოები რომ მოეწონა და აქაური პრაქტიკის რუსეთში გავრცელების საკითხი აღძრა (1829 წ.). თბილისის თემა შეჭრილა რუსული მწერლობის ერთ-ერთ უძველეს ენარში, რომელსაც „წმ. ქალაქ იერუსალიმში მოგზაურობა“ ეწოდება (Хождение во св. Иерусалиме граде).

უცხო და საერთოდ ევროპული ცნობები თბილისზე თავს იჩენს რუსულ ლიტერატურაში, საიდანაც მათი ნაწილი ქართულადაც უთარგმნიათ აღორძინების ხანაში. ამგვარი ძეგლების უშუალო თარგმანს ევროპულიდან აღვილი აქვს XIX--XX საუკუნეებში.

თბილისის უძველესი აღწერილობა დაგვიტოვებს თეოფანე ბიზანტიელმა (VI ს.), სომეხმა მოსე კალაკუტელმა (VII ს.) და არაბმა მწერლებმა (იბნ ხუკალი და XIII საუკ. გეოგრაფი). 571 წლის ამბებთან დაკავშირებით თეოფანე წერს: „იბერთა დედაქალაქი მაშინ იყო თბილისი“. იბნ ხუკალს (X ს.) აოცებს, რომ თბილისის აბანოების „წყალი თბება უცეცხლოდ“¹. თბილისს აგვიწერენ ბტალიელი მარკო პოლო (1254—1324), იოს. ბარბარო (1543 წ.), ამბრ. კონტარინი (1475 წ.), პ. კარლიცი (1668 წ.), დიონიჯი კარლი პიანინელი (1681 წ.), და სხვ. აგრეთვე ფრანგი ავტორები: ეან შარდენი (1672—1673 წწ.), ე. პ. ტურნეფორი (1701 წ.), დე ლა პორტი (1768 წ.) და „სამგზავრო გეოგრაფიის“ ავტორი, რომელსაც ქვემოთ მოვიხსენიებთ. XVIII საუკუნის მეორე ნახევარსა და XIX საუკუნის პირველ ათეულებში² თბილისი აღწერეს იოან-ანტონ გიულდენშტედტმა (1768—1775 წწ.) და ერთ-ერთმა უცნობმა ავტორმა (1797 წ.), კლაპროტმა (1807—1808 წწ.), ნეგრამ (1817 წ.), გამბამ (1820—1824), მინაია მედიჩიმ (1824—1830)

და სხვებმა¹. ერთ-ერთი მათგანი (შვეიცერ ლერხენფელდი) საქართველოს სატახტო ქალაქს „ამიერკავკასიის პარიზს“ უწოდებს. უკვე მარკო პოლო იხსენიებს თბილისს „უმშვენიერეს ქალაქად“.

ისინი აგვიწერენ თბილისის როგორც ღირსშესანიშნაობებს, ისევე იმასაც, თუ რა ვადახდა ამ „უმშვენიერეს ქალაქს“ (მარკო პოლო); ფრანგულ რომანში, რომელიც ქართულ მწერლობაში გიორგი ავალიშვილმა შემოიტანა „წელსა ჩღეც“ (1798 წ.), ფრანგი მწერლის ფლორიანის (1755—1795) თუ „მუსიე ეანდრ ლოსგიზ დუპერონის“ სახელით, ვხვდებით თბილისის 1795 წლის ტრაგედიით გამოწვეულ სიტყვებს:

„სტიროდეთ, სტიროდეთ, ოი ძენო და ასულნო ოქროისა საუჯუნოისა თბილისისანა“².

უკანასკნელი დროის სამეცნიერო ლიტერატურაში გამოითქვა აზრი, რომ სლავთა განმანათლებელნი კირილე-კონსტანტინე და მეთოდე (IX ს.), თითქოს მოწმე იყვნენ იმ ტრაგედიისა, რომელიც თბილისს გადახდომია თავს ბულა თურქისა თუ ხაზართა შემოსევის გამო (853—861 წწ.).

კირილე-კონსტანტინეს „ცხოვრების“ (XII—XIII სს.) მერვე თავში ნახსენებია ბულა თურქი: „Bouga al—Kabiri“ & Тюрха по происхождению“. ნაწარმოების მიხედვით თბილისი უხსნია კირილე-კონსტანტინეს სასწაულებრივ გამოჩენას ქალაქში³.

ჩვენ ვიცით, რომ კირილე-კონსტანტინეს „ცხოვრების“ ავტორს დაუცავს ერთ-ერთი უძველესი ცნობა ქართული აღფავიტის წარმოშობის თაობაზე (აკად. ქ. კიკელიძე, I, 1951 წ., გვ. 33), ახლა ამას ემატება მეორე ცნობა საქართველოსა და თბილისზე, რომელიც მარენ ტადენს გამოუწვლილავს.

უძველეს რუსულ ნათარგმნსა და ორიგინალურ სამწერლო ძეგლებში იხსენიება ქართველობის აღმნიშვნელი ტომობრივი სახელები: „კოლხი“, „იბერობეზი“ (ობეიანინ-ქართველი), „მესხი“, „გურზი“ („გარუზეზი“), „კარდული“ და „საკარდულელი“.

¹ Проф. М. Полевиков и проф. Г. Патадзе, Старый Тифлис, 1928; проф. Л. Л. Меликсетбеков, Старый Тифлис описанием А. Пегри и М. Медичи, 1918.

² საქართველოს მუზეუმის წერა-კითხვის ფონდის ხელნაწერი № 1731 (გვ. 15), საისტორიო ფონდის № 456, რუსული გამოცემა 1795.

³ Марен Таден [Посетили ли в Грузии «словенские апостола» Константин (Кирилл) и Методий?]; Византийский восточник, т. X, 1956, гв. 241.

¹ აკად. ნ. ჯანაშია, შრომები, ტ. I, 1948, გვ. 12; პროფ. ს. ყაუხჩიშვილი, პირველი ბერძნული ცნობა ტფილისის შესახებ, საქართველოს სახ. მუზეუმის მოამბე, ტ. IV, 1928, გვ. 283—284.

მემატიანე (XV ს.) თბილისსაც იხსენიებს (Тед-
ша)¹. ამასთან რუსი საზოგადოების ვიწრო წრე
თბილისს ეცნობოდა პილიგრიმთა ჩანაწერებში და
XVI—XVII საუკუნის დიპლომატიურ მიწერ-მოწე-
რებში, რაც მკითხველთა განსაზღვრულ ჯგუფამ-
დე აღწევდა.

XVI—XVII საუკ. ქართულსა და რუსულ სა-
ელჩო მიწერ-მოწერებში, რომლებიც უმთავრესად
რუსულადაა შემონახული, თბილისი („ტიფლის“,
„ტიფლიზ“, „ტიფული“) ხშირადაა ფიგურირებუ-
ლი. 1639 წლის დიპლომატიურ დოკუმენტში თბი-
ლისს ცალკე ადგილი ეთმობა. არაიშვიათადაა
გადმოცემული მისი ისტორია და გეოგრაფია;
ხშირად მეორდება, რომ თბილისი ააოხრა შაჰ-
აბას პირველმა და მისმა მოადგილეებმა შესძლეს
თბილისის მეფედ დაესვათ გასპარსელებული როს-
ტომ ხანი (1634—1658).

მოსკოვის საგარეო საქმეთა საგანგებო დიაკებს
(მდივნებს) იმის აღნიშვნაც არ გამოპარვიათ, რომ
საფეოდალოები (ერისთავები) ხელს უშლიდნენ
სამეფო სამთავროების თბილისზე შემოერთებას.
რუსთავი ან უკეთ რუსთავის ეკლესია „წერილებ-
ში“ მოიხსენიება იმ მოტივის გამო, რომ ის ახ-
ლოსაა თბილისთან².

XVII საუკუნის რუსი დიპლომატი მწერლები,
ისე როგორც მათი გზის გამგზავლებელნი XVIII
საუკუნეში, დიდის ყურადღებით ეკიდებოდნენ
უცხოელ მოგზაურთა და მისიონერთა წიგნებს
თბილისზე. ისინი მათ შეეძლოთ წაეკითხათ რო-
გორც დედნებში (კონტარინი, 1483 წ. გამოც.;
შარდენი, 1686 წ. გამოც.), ისე რუსულ თარგმა-
ნებში. ამ გზით ზოგი ეს ძეგლი ქართულადაც
ითარგმნებოდა.

უძველესი ევროპული ნაწარმოები, რომელშიაც
ფიგურირებულია თბილისი და რომელიც ქართუ-
ლად ითარგმნა ალორძინების ხანაში, არის „სამ-

გზავრო გეოგრაფია, ესე იგი სამგზავროდ სახმა-
რი ქვეყნის აღწერა“. „უფაიე ეეოგრაფიი“ ფრან-
გულად დაიწერა დაახლოებით XVI—XVII სს-ში.
აქედან ითარგმნა რუსულად, ხოლო 1782 წელს
რუსულიდან თარგმნა თელავის სემინარიის რექ-
ტორმა გაიოზ თაყის ძე ბაჩათაშვილმა¹.

ამ წიგნის პოპულარობას მოწმობს მისი მრავალი
ნუსხა. ის გამოიყენა აგრეთვე იოანე ბა-
ტონიშვილმა თავისი კალმასობის გეოგრაფიულ
ნაწილში. „დოროენაია გეოგრაფიაში“ საქართვე-
ლოს მოკლე, მაგრამ ზუსტი გეოგრაფიული დახა-
სიათებაა მოცემული. ავტორი გეოგრაფიული კო-
ორდინატების ზუსტ გაანგარიშებას გვაძლევს.
აღნიშნავს, თუ რომელ გრძედსა და განედს შო-
რის მდებარეობს თბილისი (გრადუსებში: „სიგრძე
(გრძედი) 63,50, სიგანე 43,0“ და ასკენის „ტფი-
ლისი თვით უკეთესი ქალაქია საქართველოს ში-
ნაო“ (გვ. 84). აქვე მოცემულია დისტანციები
თბილისიდან ასტრახანამდე, თერგამდე, ერევნამ-
დე, კონსტანტინეპოლამდე და პარიზამდე.

თითქმის ყველა რუსი და უცხოელი მწერლის
მონათხრობში „თბილისის“ (ტფილისი—თფილი-
სი) სახელი ამ ქალაქის „თბილი წყლების“ სახელ-
წოდებიდანაა გამოყვანილი (ხაუკალი, შარდენი,
კლაპროტი, გიულდენშტედტი, 1797 წ. გეოგრა-
ფიის ანონიმური ავტორი). ფრანგი კარლო (XVIII
ს.), რომელსაც, ვგონებ, თბილისი არ უნახავს,
წერს: „არაიან ტფილინი წყალნი სასარგებლონი“.
კარლო დე გრადის საქართველოს ისტორია ფრან-
გულიდან რუსულად გადმოიღო ვინმე პრორევეთემ,
ხოლო აქედან თარგმნა 1782 წელს „თავადმა
თარხნიშვილმა“². „თბილისში წყალი უცეცხლოდ
დუღსო“, — ამბობს არაბი ისტორიკოსი ხაუკალი
(X ს.), რომელიც მას ტიბერიის (პალესტინა-გალი-
ლეია) სამკურნალო წყლებს უდარებს.³

თბილისის თბილი წყლების სიტბო უცხოელ
და რუს მწერალ-მოგზაურებს ქართველი ქალების
სილამაზე-ქეთილქმნულებას აგონებს. ჩანს, უბრა-

¹ საამისო მასალა იხ. პროფ. იასე ცინცაძის მონოგრა-
ფიაში: ძიებანი, 1956, გვ. 220—221, აგრეთვე: Полное со-
брание рус. летописей, т. XI, гв. 161, 248.

² თბილისი იხსენიება აკად. შარი ბროსესა და ს. ბე-
ლოკუროვის მიერ გამოცემულ რუსულ და ქართულ ელჩო-
ბის მასალებში. იხ. Проф. М. По л и е в к т о в, Материалы
по истории грузинско-русских взаимоотношений, 1937, гв.
1X, X, 412—413; 33, 34, 259, 284, 289, 293, 332, 333, 412,
414; მისივე, თავადი მიშეცკისა და დიაკი კლუჩარევის ელჩობა
კახეთში, 1928, გვ. 158—161; შუადარე 113, 151, 155, 181.

¹ სამგზავრო გეოგრაფია“ მრავალ ქართულ ხელნაწერს
დაუყავს. იხ. მაგ. საქართველოს მუზეუმის წერა-კითხვის
ფონდის ხელნაწერი. № 141, გვ. 83—85.

² ხელნაწერები: საქართველოს მუზეუმის საეკლ. სიძე.
ხელნაწერი № 1045.

³ Проф. М. Шолневков и прил. Г. Натидзе,
Старый Тифлис, 1929, გვ. 1.

ლოდ არ ამბობდა ინგლისელი ტომას მური (XVIII ს.) („ლალა რუკი“).

„მშვენიერი ქართველი ქალწული ქალები... თბილისის აბანოებიდან გამოდიან“.

ტომას მური თბილისში არ ყოფილა, თუმცა ეს კია, რომ მისი ერთ-ერთი ლექსი, რომელსაც გიორგი ათონელის ნიკის ნაყოფად თვლიდნენ, ქართულად უთარგმნია უცნობ ავტორს (თბილისის უნივერსიტეტის შრომები, ტ. IX, 1940 წ.).

„ქალნი საქართველოსანი, — ამბობს ზემოთ აღნიშნული „სამგზავრო გეოგრაფიის“ ავტორი, — არიან უხომოდ მშვენიერნი“; ფრანგი იოსებ დე ლა პორტი იცნობს დისახელებული „ვუაიაე ეროგრაფიის“ ფრანგულ ვარიანტს და აღნიშნავს: „არაფერი არ არის ქვეყნად იმაზე მშვენიერი, ვიდრე ქართველი ქალები“¹. მაგრამ რაღა შორს წავიდეთ, პუშკინი, რომელმაც თავისი კალმის მთელი სიძლიერით აღწერა თბილისი, მინცაღამინც თბილისის აბანოების ფონზე გვიხატავს „მართლაც მშვენიერ ქართველ ახალგაზრდა ქალებს“ („ერზრუმს მგზავრობა“, 1829 წ.)².

იაზიკოვი ქართველი ქალების კანის სითეთრესა და სისუფთავეს თბილ წყლებს მიაწერს³. პუშკინი არ ყოფილა პირველი რუსი მწერალი, რომელმაც თბილისის ღირსშესანიშნაობანი და თბილი წყლები აგვიწერა. ჯერ კიდევ 1634 წელს თბილისში გამოიარა და საქართველოს აღწერილობა დავეიტოვა რუსმა მწერალმა ვასილ იაკობის ძე გოგარამ. ის ყაზან-ასტრახანის გზით ჩამოვიდა თბილისში და 1634—1637 წლებში, როგორც საეპრო საქმეებზე გულაცრუებულმა პილიგრიმმა მოიარა ქრისტიანული აღმოსავლეთისა და ბიზანტიის თითქმის ყველა ქალაქი. იყო ეგვიპტის ალექსანდრიაში, იერუსალიმს, კონსტანტინე-

პოლს, სირიის სამარიასა, დამასკოში და სხვაგან. სამშობლოში დაბრუნდა ევროპის გზით და ბოლოს კიევის მღვიმის რელიკვიებში პოვა მოსვენება.

ვასილ გოგარას ძლიერ მოწონებია „ქართლის ქვეყანა“ („Грузинская земля“), ჩაუწერია აქ „ამირანდარეჯანიანთან“ და „ალექსანდრიაანთან“ დაკავშირებული რამდენიმე ეპიზოდი და საგანგებო ყურადღება თბილისისათვის მიუქცევია. გოგარას დროს თბილისში ორმოცდაათამდე აბანო ყოფილა, რომლებზედაც პალატები ეშენა: „В граде Тифлиса есть владели горячие, а над ними устроены палаты велма красны“ („ქალაქ თბილისში არის თბილი წყაროები, რომლებზედაც აშენია ლამაზი პალატები“).

მოგზაურობის იმ თავში, რომელსაც „თბილის ქალაქი“ ეწოდება, გოგარა ავრეთვე აღწერს თბილისის ციხე სიმეგრეებს (სულ 4), სამონასტრო კულტურის ძეგლებს, დიდად მოსწონს ძველი თბილისის ერთადერთი ხიდი—მეტეხის ხიდი და ა. შ. უკანასკნელის შესახებ გოგარა წერს: „А через реку мост делан межпарушу велми чуден“. ყოველივე ამასთან, რუსი მოგზაური მწუხარებით დასძენს, რომ თბილისი ამეამად სპარსელების ბატონობას განიცდის¹.

რუსი მწერალი არსენ სუხანოვი ორჯერ იყო თბილისში, 1633 და 1653 წლებში. მან მისი თვლით იხილა სპარსი მოძალადეებისა და სპარსოფილი ქართველი მეფეების მიერ აოხრებული თბილისი, რომელიც ელოდა განთავისუფლებას².

თბილისის მოქალაქენი წინააღმდეგობას უწყენდნენ სპარსელ და თურქ დამპყრობლებს. ამაზე მოგვითხრობს ფრანგი მოგზაური (1672—1673 წწ.) შარდენი. ის წერს: „ტფილისში სრულებით არ არის მეჩეთი... სპარსელები ბევრსა ცდილან, ბევრჯერ კიდევ დაუწყიათ მეჩეთის შენობა, მაგრამ ვერ დაუსრულებიათ. ქართველები მაშინვე ხელში იარაღს აიღებდნენ და არეულობას ახდენდნენ, შენობას ანგრევდნენ და შეურაცხყოფას აყენებდნენ ამშენებლებს. საქართველოს მეფეებს გულში ძლიერ უხაროდათ ხალხის ამგვარი ამბოხება, თუმცა თავს კი ისე აჩვენებდნენ, ვითომ არ მოსწონდათ

¹ М. Д ж а н а ш в и л и н, К материалам по истории п древностям Грузии и России, 1912, გვ. 86; დე ლა პორტის ცნობები საქართველოს შესახებ (იხ. ს. ჯანაშიას გამოკვლევა მასალები საქართველოსა და კავკასიის ისტორიისათვის, III, 1937) ქართულად დადმოიღო იოანე ქართველიშვილმა, საქართველოს მუზეუმის საისტორიო ფონდის ხელნაწერები № 400, 608, 609.

² რომ პუშკინი „ტბილის ქალაქს“ ახსენებს თავის „მოგზაურობაში“ (და არა „ტბილი კალარს“) ამის თაობაზე იხ. პროფ. ნ. კ. გუშის ნაშრომი, ვუზნ. „ნოვი მირში“, 1953, № 3, გვ. 235.

³ პროფ. დ. გვრიტიშვილი, პროფ. შ. მესხია, თბილისის ისტორია, 1952, გვ. 243.

¹ И. Сахаров, Сказания русского народа, т. II, книга VIII, 1849, гл. 111; Падестинский сборник, т. XXX, 1891.

² И. Сахаров, Сказания русского народа, т. II, кн. VIII, 1849, гл. 205, 218, 219, 222.

ხალხის ასეთი საქციელი*. ტფილისელმა მოქალაქეებმა ქვები დაუშინეს ერთ-ერთ მოლას, რომელიც იძულებული გახდა მიეტოვებინა ლოცვა¹.

ეს შარდენის სხვა ცნობები ტფილისის შესახებ, რომლებიც შემდეგ ე. პ. ტურნეფორს (1656—1708 წწ.) გაუმეორებია, ტფილისის ცხოვრების შემდეგ მხარეებს მოიცავს: ქალაქის ადგილმდებარეობა, მოედნები და ბაზარი, ციხე-სიმაგრეები (1576 წ. აგებული ციხე), სალხინო სახლები, ეკლესია-მონასტრები და სხვა. შარდენი საგანგებო ყურადღებას აქცევს ტფილისის მეტეხს. მეტეხი, რომელსაც ალ. გრიბოედოვი ტფილისის ბასტიონს უწოდებდა („ბარათი ქალაქ ტფილისის ახლად შენების უმჯობეს საშუალებათა შესახებ“, 1827 წ.), შარდენის აზრით, „პირის ტეხასთან არის დაკავშირებული (გვ. 93). ნამდვილად კი „მეტეხი“ ეტიმოლოგიურად სიტყვა „მეტოქიდან“ მომდინარეობს ახლაც შენახულა ეს სიტყვა ცოცხალ მეტყველებაში. ქართულსა, ბერძნულსა და რუსულ ხელოვნების ისტორიაში „მეტოქის“ (მეტეხი) სახელით ცნობილია მრავალი ციხე-სიმაგრე. ამ სახელით ჩვენ ვიცნობთ ზოგ ეკლესია-მონასტრსაც.

შარდენის ეს შეცდომა არაა ერთადერთი. ასეთი „ცთომილებანი“ სხვა უცხოელებსაც მოსვლიათ².

იტალიელი ბარბარო (1543 წ. იმოგზაურა საქართველოში), შტეფარს ტიგროსად (სირია-სპარსეთის მდინარე) მიიჩნევს³. დიონიჯო კარლი პიჩინელი თბილისს შეცდომით უწოდებს არტაქსერს, რომელიც დაარსებულია II საუკუნეში (ჩვე. ერანდე). დიონიჯო კარლი თბილისში იყო 1681 წელს. თავისი ცნობები თბილისზე მან მოათავსა „რელაციონში“, რომელიც გამოიცა იტალიაში 1687 წელს. ამ ნაშრომს პირველად ყურადღება ნიქაქია ისტორიკოსმა მიქაელ თამარაშვილმა (1858—1911), ხოლო ქართულად გადმოთარგმნა და შესაფერი კომენტარები დაურთო მკვლევარმა ბეჟან გიორგაძემ⁴.

¹ ტ. შარდენი, მოგზაურობა საქართველოში, ვ. ბარნოვის თარგმანი, 1935, აკაკი გაწერელის რედაქციით, გვ. 93—94.

² შარდენის ცნობებს თბილისზე იმეორებს ფრანგი სწავლული ისტორიკოსი გ. ი. კლაპროტი (1783—1835), რომელმაც აგრეთვე აღწერა თბილისი.

³ ქართველები წარმოსადგენი და ღამაზები არიანო, წერს ბარბარო: Библиотека иностранных писателей о России, т. I, 1836, გვ. 63. იხ. აგრეთვე, გვ. 63—65, 156.

⁴ ბეჟან გიორგაძე, დიონიჯო კარლის რელაციონის ტექსტისა და თარგმანისათვის: დ ი ო ნ ი ჯ ო კ ა რ ლ ი, თბილი-

დიონიჯო კარლი აგეიწერს XVII საუკუნის ბოლო წლების თბილისის ყოფა-ცხოვრებას: ჩაცმადახურვა, ქორწილი, ყაბახი, გლოვის წესი, სარწმუნოებრივი ცხოვრება და სხვა.

თბილისის ვრცელ სამეცნიერო აღწერილობებს ჩვენ ვაოულობთ XVIII საუკუნისა და XIX საუკუნის დამდეგის რუს და უცხოელ ნწერლებთან. რუსეთის მეცნიერებათა აკადემიის წევრი იოან-ანტონ გიულდენშტედტი (1745—1781) საქართველოში მოგზაურობდა 1775 წელს. მას ისე, როგორც ერთ უცნობ გეოგრაფს (1797 წ.), სხვათა შორის, ნათქვამი აქვს, რომ თბილისში მუშაობს ლითონის ჩამომსხმელი და თოფის წამლის ქარხნები¹. გიულდენშტედტის დროს (XVIII ს.) თბილისში 14 ძველი ქართული ეკლესია-მონასტერი ყოფილა. თბილისისადმი ინტერესი დიდად გაუზოგელდა 1801 წლის შემდეგ. პუშკინის ცნობით, თვით დიდ ინგლისელ მწერალს ბაირონს სურდა მისი თვალთ ეხილა საქართველო და თბილისი². 1807—1824 წლებში თბილისის აღწერილობა დავითოვეს კლაპროტმა, ნეგრამ, გამბამ და სხვებმა³. მეცხრამეტე საუკუნეს ეკუთვნის ქართველი ნწერლების თეიმურაზ ბატონიშვილისა (1782—1846) და პლატონ იოსელიანის (1809—1875) ნაშრომები თბილისზე⁴. ზოგ ახალ მასალას გვაწვდის თბილისის შესახებ კაპიტანი იაზიკოვი, რომელმაც შეავსო ფრანგი დე ლა პორტის ცნობები. ეს შრომა ქართულად თარგმნა იოანე ქართველიშვილმა. მასში ჩართული ცნობები თბილისზე გამოყენებული აქვთ თბილისის ისტორიკოსებს⁵.

ის აღწერა (მასალები საქართველოსა და კავკასიის ისტორიისათვის, ნაკვეთი 29, 1951, გვ. 155—182).

¹ გიულდენშტედტის ცნობები გამოცემულია კ. გერმანის მიერ რუსულ ენაზე, 1809, (იხ. აგრეთვე პროფ. შ. პოლივიტოვის და პროფ. ნათაძის დასახ. შრომა, გვ. 39—43, 49—50).

² А. Пушкин, Собрание сочинений, т. 12, 1849, გვ. 55.

³ Проф. Л. Л. Мелнксетбегов, Старый Тифлис, 1918 (ეზრნ. არხ).

⁴ პ. იოსელიანის ნაშრომი გამოცემულია რუსულ ენაზე 1866 წ., ხოლო თ. ბატონიშვილისა დაიბეჭდა 1833 (იხ. აგრეთვე დ. ნუბინაშვილს ქრესტ. I)

⁵ პროფ. დ. გვრიტიშვილი, პროფ. შ. მესხია, თბილისის ისტორია, 1952, გვ. 243. აკად. ს. ჯანაშია, დე ლა პორტის ცნობები (მასალები საქ. და კავკ. ისტორიისათვის, ნაკვ. 3, 1937, გვ. 219), იხ. საქ. მუზეუმის ხელნაწ. საისტორიო ფონდისა, № 400, 608, 609.

ცნობილმა მწერალმა ალ. გრიბოედოვმა შეადგინა „ბარათი ქალაქ თბილისის ახლად შენების უმჯობეს საშუალებათა შესახებ“ (1827 წ.). იგი მოიცავს თბილისის ევროპულ ყაიდაზე გარდაქმნის გეგმას, ქალაქის კეთილმოწყობას, ახალი ქუჩების გაყვანასა და დაუსახლებელი ადგილების განაშენიანებას. გრიბოედოვი აღწერს „ნამდვილ ქალაქს ანუ კალას“. ისწავებს მაშინდელი თბილისის გარესოფლებს - ჩუღურეთს, კუკიას (ესენი ქობახებით მოფენილი სოფლები ყოფილან), სოლოლაქს (აწინდელი კალინინის საა. რაიონი) და აცხადებს: „ჩრდილოეთის ქარი განუწყვეტილვ დაქრის მთელ ამ ფართო სიერცხეო“¹.

ალ. გრიბოედოვის ნაშრომს თბილისზე მოყვა პუშკინის განთქმული ჩანაწერები საქართველოს დედაქალაქზე („ერზერუნს მოგზაურობა“, 1829 წ.). პუშკინმა პირველმა აღწერა თბილისის სალონები და რუს საზოგადოებას გააცნო იმ დროს გავრცელებული ლექსი „ახალ აღნაგო სულოდა“, რომელიც დიმიტრი თუმანიშვილს ეკუთვნის².

იმ თხზულებათა დიდი უმრავლესობა, რომელთა არასრული შინაარსი ჩვენ ზემოთ მოვიტანეთ, არაერთხელ გამოუყენებიათ, წყაროების დასახელებით, თუ დასახელების გარეშე, თბილისის ისტორიკოსებს.

დასასრულ, რამდენიმე სიტყვა ერთი ქართული თხზულების შესახებ, რომელიც ჯერ კიდევ XVIII ს. ითარგმნა რუსულად და თბილისის V საუკუნის ამბებს მოიცავს. 1773 წელს სანკტ-პეტერბურგში (აწუ ლენინგრადი) რუსულ ენაზე დაიბეჭდა რომანი „ბარამგულანდამიანი“. მის სატიტულო ფურცელზე აღნიშნულია: „შეთხზულია თბილისელი მდივნის დილარგეთის მიერ“. „ბარამგულანდამიანი“ აღმოსავლურ ყაიდაზე დამუშავებული ქართული რომანია, რომელიც რუსულად გადაუთარგმნია და ახალი ეპიზოდებით შეუვსია სემიონ ეგორის ძე ეგნატაშვილს. „თბილისელი მდივანი დილარგეთი“, რა თქმა უნდა, სიმონ ეგნატაშვილის ლიტერატურული გამოგონებაა. დი-

ლარგეთის სახელს ამოფარებია თვით სიმონ ეგნატაშვილი. ნაწარმოებში ის პოლიტიკური იდეაა გატარებული, რომ ქალაქი ხალხის სახელმწიფოებრიობას სათავეში უნდა ედგეს თბილისი. ს. ეგნატაშვილს ცხოვრება რუსეთში უხდებოდა და კარგად იცოდა, თუ რა დიდი როლი შეასრულა მოსკოვმა რუსეთის ცენტრალიზებული სახელმწიფოს წარმოქმნის საქმეში. მოსკოვის მეფეებმა ქელი მოახრევიენეს მთავრებს, რომლებიც რუსეთის სახელმწიფოს დაქსაქსვისაყენ მიისწრაჟოუნენ.

„ბარამგულანდამიანის“ რუსული სიუჟეტის ავტორს მიაჩნია, რომ ბარამისა და გულანდამის თავგადასავალს ადგილი ჰქონდა ვახტანგ გორგასალის (გარდ. 502 წ.) დროს. ვახტანგ გორგასალმა დაუმორჩილა „მის უძლეველ იარაღს მთელი აღმოსავლეთი“ („ბარამგულანდამიანის“ რუსული გამოც., გვ. 15—16), დათრგუნა ურჩი მთავარი გურიელი (გვ. 117) და ბევრი სხვანი. მთავრების დამორჩილება ხდებოდა „თბილისის მეფის ვახტანგ გორგასალის სასტიკი ბრძანებით“ (По стро-гому указу Тифлисского Царя Вахтанг Горгасала (გვ. 121, 123), ავტორი ხაზგასმით აღნიშნავს, რომ „ვახტანგ გორგასალი არის თბილისის მეფე“ (გვ. 117, 121), „ბარამგულანდამიანის“ მთავარი პერსონაჟი ბარამი, რომელიც ყველა ვერსიით ურუმეთის (აქ საბერძნეთი) მეფის შვილია, პეკენში ჩასვლისას აცხადებს, რომ არის „ტფულისელი მოხეტიალე აზნაური“ (გვ. 38, 40). თბილისური მოტივები იცის ამ ძეგლის მხოლოდ რუსულმა გამოცემამ (1773 წ.). ის, როგორც ვთქვით, ძეგლში ჩაურთავს ს. ეგნატაშვილს.


იმ ქართველი მწერლების შესახებ, რომლებმაც არა ერთი და ორი სიყვარულით გამთბარი სტრიქონი მიუძღვნეს თავის სათაყვანებელ გმირ დედაქალაქს, გარდათქმით შეიძლება გავიმეოროთ გენიალური პუშკინის წინასწარმეტყველური სიტყვები: „მათ უყვარდათ თბილისი და ფიქრობდნენ, რომ მას, როგორც ქართველ ხალხს, ბრწყინვალე მომავალი აქვს“¹.

¹ რუსი მწერლები საქართველოს შესახებ, შედგენილი გ. შადურის მიერ, 1949, გვ. 65...

² იხ. დასახელებული წიგნი, გვ. 156. ტ. რ უ ხ ა ძ ე, ძველი ქართული ლირიკის ისტორიიდან, 1954, გვ. 172, 178.

¹ ა. პუშკინი, ერზერუნს მოგზაურობა, 1829. (იხ. მისი ქართული თარგმანი გ. შადურის წიგნში: რუსი მწერლები საქართველოს შესახებ, 1949, გვ. 156.





ნიკოლოზ კოიავა

თბილისის სამონეტო გაჯარი
XVIII საუკუნეში

XVIII საუკუნის ქართლ-კახეთი ფართო ვაჭრობას აწარმოებდა სხვადასხვა ქვეყნებთან, განსაკუთრებით მეზობელ ქვეყნებთან — ირანთან, ოსმალეთთან, რუსეთთან და კავკასიის ხალხებთან. ეს ურთიერთობა გულისხმობდა ფულის გადახდას ან მიღებას უცხოეთიდან.

საექსპორტო საქონელს წარმოადგენდა აბრეშუმი, ბამბა, ღვინო, ენდრო და სხვ., ხოლო საიმპორტოს — ფარჩა, ძვირფასი ქვები, შაქარი, ყავა, ქურკლეულობა, მარილი, თევზი, სხვადასხვა ლითონი.

XVIII საუკუნის მეორე ნახევარში გაიხსნა დარიალის ანუ „ოსეთის გზა“, რამაც ხელი შეუწყო ვაჭრობის გაფართოებას რუსეთთან.

1783 წ. ტრაქტატის შეთერთმეტე მუხლში წერია: „ვაჭრობასა ქართლისა და კახეთისასა აქვს თავისუფლებაჲ, რათა განავაჭროს სავაჭრო თჳსი რუსეთსა შინა, და ისარგებლონ მათვე სამართლითა და პატივისცემითა, რომლითაცა მკვდრნი რუსეთისანი სარგებლობენ“¹. სამაგიეროდ, ასეთივე უფ-

ლებებით სარგებლობდნენ რუსი ვაჭრები საქართველოში. მათ სატრანზიტო ვაჭრობის უფლებაჲ ჰქონდათ.

საექსპორტო საქონლის დიდი ნაწილი თავს იყრიდა თბილისში და აქედან გადიოდა უცხოეთში. ასევე, საიმპორტო საქონლის დიდი ნაწილი თბილისიდან მიდიოდა ქართლ-კახეთის ყველა კუთხეში.

საექსპორტო და საიმპორტო საქონლის ყიდვა-გაყიდვა ხდებოდა როგორც ქვეყნის შიგნით, ასევე უცხოეთში. ამას ადასტურებს თუნდაც ხსენებული ტრაქტატი.

ვაჭარი არ გაურბოდა შორეულ ქვეყნებსაც — ინდოეთს, ჩინეთს; საერთაშორისო ვაჭრობა წარმოებდა, როგორც წესი, ნალდზე, მაგრამ იყო ნიშიად ვაჭრობის შემთხვევებიც. მაგ., თბილისელი ვაჭრის ბეჟან გორგოჩანოვის მინდობილობით თბილისში მცხოვრებ კარაპეტ ხათაგოევს ინდოეთის სხვადასხვა ქალაქებში უნდა მიეღო ის თანხები, რომელიც მას ეკუთვნოდა სავაჭრო ოპერაციების შედეგად².

¹ Под ред. А. А. Цагарели, Грамоты и другие исторические документы, относящиеся к Грузии, т. II, выпуск 1. Грузинские тексты с 1768 по 1801 год. СПб, 1898, 83-106.

² Д. Пурцеладзе, Грузинские крестьянские грамоты, Тифлис, 1882, 83-99.

ფულის გასკლას ქვეყნიდან მოითხოვდა უცხოეთში აღებული სესხის დაფარვა. მართალია, ქართველმა მეფეებმა ვერასოდეს ვერ მოახერხეს სესხის მიღება უცხოეთში და, ამრიგად, სახელმწიფო საგარეო სესხებს არ ჰქონია ადგილი, მაგრამ იყო შემთხვევა უცხოეთში კერძო პირების მიერ ფულის სესხებისა. მაგ., კათოლიკოსმა დომენტი III სტამბოლიდან წამოსვლისას სესხი მიიღო ერთ-ერთი ვაჭრისაგან, ძვირფასი ნივთების გირაოს ქვეშ¹. ამ სესხის დაფარვა მოითხოვდა ფულის გადაგზავნას უცხოეთში; თუ გამსესხებელი ჩვენი მოქალაქე იყო, პირიქით, ფული უცხოეთიდან შემოდინდა საქართველოში.

ფულის საერთაშორისო მოძრაობას იწვევდა ელჩების გაცვლა სხვა ქვეყნებთან, სპეციალური მისიების გაგზავნა უცხოეთში ან მათი მიღება საქართველოში, უცხოელ მოგზაურთა სტუმრობა ჩვენს ქვეყანაში ან ქართველ მოგზაურთა წასვლა საზღვარგარეთ.

გარდა ამისა, ფულის მოძრაობას იწვევდა ჩვენი მოქალაქეების გადასახლება სხვა ქვეყანაში ან უცხოელების დასახლება საქართველოში. ამის საუკეთესო მაგალითია ვახტანგ VI-ის გადასახლება თავისი ოჯახით და მრავალრიცხოვანი ამალით რუსეთში, სახელდობრ, მოსკოვში, სადაც დაარსდა დიდი ქართული კოლონია. მეორე მაგალითია კოლონისტების მოწვევა ქართლში ერეკლე II-ის მიერ.

1748 — 1750 წწ. ნახიქევანის, ერევნის და განჯის სახანოები ქართლ-კახეთის სამეფოების ვასალები გახდნენ. ისინი ყოველწლიურად ხარკს უხდიდნენ მეფეს, რაც იწვევდა უცხოეთიდან ფულის შემოტანას. მეორე მხრივ, ზოგჯერ თვითონ ქართლი და კახეთი იხდიდა ხარკს სხვა ქვეყნის (მაგ., ირანის) სასარგებლოდ. ამ შემთხვევაში ფული საზღვარგარეთ გადიოდა.

ფულის მოძრაობას იწვევდა აგრეთვე ტყვეების გამოსყიდვა და ა. შ.

ჩვენთვის, სამწუხაროდ, უცნობია ქართლ-კახეთის საგადასახდელო ბალანსი XVIII საუკუნის რომელიმე პერიოდისათვის (უცხოეთიდან მიღე-

¹ ი. ე. რ. დანი, ქართლ-კახეთის მონასტრების და ეკლესიების ისტორიული საბუთები, ფოთი, 1903, გვ. 203. უფრო დაწერილებით იხ. ნ. ქოიავა, კრედიტი XVIII საუკუნის საქართველოში.

ბული ფულადი შემოსავლის შეფარდება იმ თანხასთან, რომელიც ქართლ-კახეთმა გადაიხადა უცხოეთის სასარგებლოდ). ასევე უცნობია საგადასახდელო ბალანსის მთავარი შემადგენელი ნაწილი — სავაჭრო ბალანსი (განსაზღვრულ პერიოდში შემოტანილი და გატანილი საქონლის ფასების შეფარდება). ორივე ბალანსი უცნობია იმის გამო, რომ იმ დროს არავენ აწარმოებდა ფაქტების ამომწურავ რეგისტრაციას, საჭირო მასალების შეჯამებასა და ფიქსირებას.

საერთაშორისო ურთიერთობაში ფული გამოდის იმ ფუნქციაში, რომელსაც მსოფლიო ფული ეწოდება.

ფული ნაციონალურ სამოსელში წარმოადგენს გადახდის კანონიერ საშუალებას მხოლოდ სახელმწიფოს შიგნით. მსოფლიო ბაზარზე არც ერთი სახელმწიფოს მონეტა არ ღრის გადახდის კანონიერი საშუალება.

მსოფლიო ფულის როლს ასრულებს მხოლოდ ძვირფასი ლითონი ზოდების სახით. ნაციონალური მონეტაც, ე. ი. ფული ნაციონალურ სამოსელში, ასრულებს მსოფლიო ფულის როლს, მაგრამ მსოფლიო ბაზარზე იგი იხდის ნაციონალურ სამოსელს და მიიღება როგორც ძვირფასი ლითონის ნაჭერი, წონისა და სინჯის მიხედვით. ამრიგად, ნაციონალური სამოსელი არ უშლის მონეტას მსოფლიო ფულის ფუნქციის შესრულებას. ქართული მონეტაც, ისე როგორც სხვა ქვეყნის მონეტა, იხდიდა მსოფლიო ბაზარზე ნაციონალურ სამოსელს და ასრულებდა მსოფლიო ფულის ფუნქციას, როგორც ძვირფასი ლითონის ნაჭერი. ქართული მონეტების პოვნა საქართველოს საზღვრებს გარეთ ნათლად ამტკიცებს ამას.

მაგრამ მსოფლიო ბაზარზე ზოგიერთ მონეტებს ყველა ხალისით ღებულობდა იმის გამო, რომ მისი მომჭრელი ქვეყანა დიდი სავაჭრო ქვეყანა იყო და თვითონ მონეტებიც კარგად იყო მოჭრილი ფორმის, წონისა და სინჯის მხრივ. მაგ., XVIII საუკუნეში აღმოსავლეთშიც გავრცელებული იყო პოლანდიური ოქროს მონეტები.

მსოფლიო ფულს აქვს რამდენიმე ფუნქცია.

მსოფლიო ფული, უპირველეს ყოვლისა, ღირებულების საზომია. XVIII საუკუნეში მსოფლიო ბაზარზე ორგვარი ღირებულების საზომი მოქმედებდა — ოქრო და ვერცხლი. საქართველო ამ

მხრივ გამოწვევის არ იყო, იგი იყენებდა ვერცხლს და ოქროსაც როგორც მსოფლიო ფულს. ამის დამადასტურებელია ის, რომ საქართველოში იჭრებოდა ვერცხლის მონეტები და ტრიალებდა უცხოური ოქროს მონეტებიც.

მსოფლიო ფული არის საყოველთაო გაცვლის საშუალება, რომელიც მოქმედებს როგორც ყიდვის, ისე გადახდის საშუალების ფორმით. ძვირფასი ლითონი ყიდვის საშუალების ფუნქციაში გამოდის მაშინ, როდესაც ხდება ყიდვა გაყიდვის გარეშე. ეს ხდება მოუსავლიანობის, ომების დროს. მაგრამ, ჩვეულებრივ, ქვეყანა ყიდულობს საქონელს და კიდევაც ყიდის თავისას. შეიძლება ქვეყანამ მეტი ღირებულების საქონელი შემოიტანოს, ვიდრე გაიტანოს და, პირიქით. ანდა შეიძლება გატანილ და შემოტანილ საქონელთა ღირებულება თანაბარი იყოს.

საერთაშორისო ანგარიშსწორების იარაღი ძვირფასი ლითონია, მაგრამ არსებობს საკრედიტო ურთიერთობა სხვადასხვა ქვეყნების საქონელმწარმოებელთა შორის — ნისიად ვაჭრობა. ამ საფუძველზე არსებობს სხვადასხვაგვარი საკრედიტო დოკუმენტები. ეს დოკუმენტები გამოიყენება ძვირფასი ლითონის მაგიერ იმდენად, რამდენადაც იფარება ურთიერთობისთვის; ამ ფარგლებში ანგარიშის გასწორება შეიძლება ოქროს გადაგზავნის გარეშე, მაგრამ განსხვავება აუცილებლად უნდა დაიფაროს ძვირფასი ლითონით. ამ შემთხვევაში ძვირფასი ლითონი გამოდის როგორც გადახდის საშუალება.

XVIII საუკუნეში ფართოდ იყო განვითარებული ნისიად ვაჭრობა და ამ საფუძველზე საკრედიტო დოკუმენტების, თამასუქების, ტრიალი მსოფლიო ბაზარზე. უკვე არსებობდა საფონდო ბირჟები, სადაც წარმოებდა თამასუქებით ვაჭრობა. ცნობილი იყო თამასუქის კურსი და მისი მოძრაობა მიწოდება-მოთხოვნის საფუძველზე.

როგორი იყო მდგომარეობა საქართველოში ამ მხრივ?

ცხადია, ზოგჯერ, განსაკუთრებით ომის დროს, საქართველოსაც უხდებოდა საქონლის ყიდვა რომელიმე ქვეყანაში გაყიდვის გარეშე. ამ შემთხვევაში მსოფლიო ფული მოქმედებდა როგორც ყიდვის საშუალება.

მარტის აღნიშნავს, რომ პრიმიტიული გაცვლითი ვაჭრობის დროსაც, ისე როგორც დღევანდელ სა-

ერთაშორისო ვაჭრობაში, საჭირო იყო ბალანსის გათანაბრება ფულის გადახდით. ქართლ-კახეთი კი XVIII საუკუნეში საკმაოდ ფართო საერთაშორისო ვაჭრობას აწარმოებდა. იმ შემთხვევაში, როდესაც ბალანსი პასიური იყო, ქვეყანა იყენებდა ოქროსა და ვერცხლს პასიური ხალდოს დასაფარავად.

იბადება კითხვა — იცნობდა თუ არა ქართლ-კახეთი საკრედიტო დოკუმენტებს და ხდებოდა თუ არა ამ დოკუმენტების გამოყენება საერთაშორისო ანგარიშსწორებისას?

XVIII საუკუნეში თბილისელი ვაჭრებიც აწარმოებდნენ საგარეო ვაჭრობას ნისიად. ეს ნათლად ჩანს ზემოთ მოყვანილი მაგალითიდან, მაგრამ, ჩვენ მაინც ვფიქრობთ, რომ ნისიად ვაჭრობა იშვიათი იყო და თამასუქების მიმოქცევას არ ჰქონია შესამჩნევი ადგილი. ამის გამო, მრავალ გამოქვეყნებულ საბუთში არ ჩანს თამასუქების ბაზარი და თამასუქების გამოყენება საერთაშორისო ანგარიშსწორებისას.

მაგრამ, ჩვენს მიერ მოყვანილი მაგალითი გვაფიქრებინებს, რომ ცალკეულ შემთხვევებში ადგილი ჰქონდა ანგარიშის გასწორებას ოქროს გადაგზავნის გარეშე. ჩვენს მაგალითში ექსპორტიორმა ვაჭარმა ფულის მიღება დაუთმო მეორე ვაჭარს. ამ უკანასკნელს შეეძლო ნაღდი ფული მიეღო მოვალე ვაჭრისაგან და საქონელი ეყიდა ნაღდზე ან მინდობილობა გადაეცა საქონლის გამყიდველისათვის, რომელიც, თავის მხრივ, ფულს მიიღებდა მოვალე ვაჭრისაგან.

ამრიგად, ვფიქრობთ, რომ თბილისში არ არსებობდა ბირჟა, მაგრამ იყო შემთხვევები ანგარიშის გასწორებისა ძვირფასი ლითონის გადაგზავნის გარეშე.

დაბოლოს, მსოფლიო ფული მოქმედებს როგორც სიმდიდრის აბსოლუტური საზოგადოებრივი მატერიალიზაცია. მსოფლიო ფული მოქმედებს ამ ფუნქციაში მაშინ, როდესაც სიმდიდრის გადატანა ერთი ქვეყნიდან მეორეში საქონლის ფორმით შეუძლებელია, როდესაც სიმდიდრის გადატანის მიზანი მოითხოვს გადატანას ფულად ფორმაში. მაგ., სესხები, კონტრიბუცია, ფულის გადატანა სხვა ქვეყანაში გადასახლების დროს და სხვ.

¹ Архив Маркса и Энгельса, т. IV, Экономическое рукописи, стр. 59.

მსოფლიო ფული ამ ფუნქციაშიც მოქმედებდა XVIII საუკუნის ქართლ-კახეთში. იგი გამოდიოდა ამ ფუნქციაში მაშინ, როდესაც ჩვენი მეფე ხარკს უხდიდა სხვა სახელმწიფოს ანდა სხვა სახელმწიფო უხდიდა ხარკს ჩვენს ქვეყანას. ამ ფუნქციაში გამოდიოდა ფული მაშინაც, როდესაც ჩვენ მოქალაქეებს სხვა ქვეყნებში გადასახლებისას თავიანთი სიმდიდრე გაქონდათ ფულის ფორმით.

ამრიგად, ქართლ-კახეთში ფული მოქმედებდა როგორც მსოფლიო ფული, მსოფლიო ფული კი მოქმედებდა ყველა თავის ფუნქციაში.

ფულის, როგორც მსოფლიო ფულის, ფუნქციონირება გამოპდინარეობს ფულით ვაჭრობა, მონეტებით ვაჭრობა, სამონეტო ბაზრის წარმოშობა. ფულით მოვაჭრეს ზარაფი ეწოდება. ზარაფი იცნობს ყველა იმ ქვეყნის მონეტებს, რომელთანაც კავშირი აქვს მის ქვეყანას. ზარაფი იცნობს ამ ქვეყნების მონეტების გარეგან სახეს, წონას, სინჯს. საეკონომიკურ შემთხვევაში იგი ადვილად დაადგენს მონეტის წონასა და სინჯს. შემთხვევით არაა ნათქვამი პეტრონის „სატირიკონში“ — „ზარაფი ვერცხლის ქვეშაც დაინახავს სპილენძს“, ე. ი. ზარაფი ადვილად ამოიცნობს, რომ მონეტა სპილენძიდან არის მოჭრილი და მხოლოდ მოვერცხლილია იმისათვის, რომ მას მოეცეს ვერცხლის მონეტის სახე. მონეტების მოვერცხვლა გამოყენებული იყო XII საუკუნის საქართველოშიც.

მოქალაქე, რომელიც მიდიოდა უცხოეთში, ყიდულობდა ზარაფთან საჭირო მონეტებს, ანდა ნიჭონდა საკუთარი ნაციონალური მონეტები, რომელთაც იქ გაყიდდა და მოიხმარდა.

სამონეტო პარიტეტი არის სხვადასხვა ქვეყნების ფულის ერთეულის შეფარდება მათი ოქროსა და ვერცხლის კანონიერი წონითი შინაარსის მიხედვით.

მონეტის „ფასი“ ანუ კურსი ბაზარზე მყარდება მისი მიწოდება-მოთხოვნის საფუძველზე და ტრიბუნებს პარიტეტის გარეშე. მონეტის გაფუჭება, ე. ი. მონეტაში ძვირფასი ლითონის შინაარსის შემცირება, სათანადო გავლენას ახდენს მონეტის კურსზე.

XVIII ს. ქალაქ თბილისშიც წარმოებდა ფულით ვაჭრობა, იყო მონეტების ბაზარი. ერთ საბუთში, რომელიც 1779 წ. ეკუთვნის, წერია:

„ჩ (ერთი მიზალთუნი) ოქროები რომ დავახურდევთ დააკლდა“¹. ცხადია, ლაპარაკია უცხო მონეტებზე და ზარაფზე.

თბილისის სამონეტო ბაზრის შესახებ ჩვენ შინაარსიანი მასალები მოგვეპოვება. XVIII საუკუნის დასაწყისისათვის საუკეთესო წყაროა „სამართალი ბატონიშვილისა ვახტანგისა“ და მოგზაურ პ. ტურნეფორის წიგნი, რომელშიც აღწერილია მისი მოგზაურობა ახლო აღმოსავლეთში. XVIII საუკუნის მეორე ნახევრისათვის შეიძლება გამოყენებულ იქნეს გვილდენშტედტის წიგნი, რომელშიც აღწერილია მისი მოგზაურობა რუსეთსა და კავკასიაში. ზოგ მასალას იძლევა თეიმურაზ ბატონიშვილის წერილი ქართული საფასის შესახებ და ისტორიული დოკუმენტები, გამოქვეყნებული ა. ცაგარელის მიერ. ივ. ჯავახიშვილს თავის შრომაში „ქართული საფას-საზომთა მცოდნეობა ანუ ნუმიზმატიკა-მეტროლოგია“ გამოყენებული აქვს პირველი სამი წყარო. იგი მხოლოდ იმეორებს მათ მიერ მოცემულ ცნობებს მონეტების კურსის შესახებ და არ ჩერდება სპეციალურად სამონეტო ბაზარზე.

ვახტანგ VI სამართლის წიგნი შედგენილი იყო 1703 — 1709 წწ. ამ წიგნის მე-16 მუხლი გვაუწყებს, რომ „ერთი მისხალი ორშაურნახევრის წონა არის, ყიზილბაშნი უზალთუნს ეძახიან, ურუმნი და ფრანგნი გინგირს. ოთხს შაურს აბაზი ქვიან, ფრანგნი თულთს ეძახიან... ოც-და-ათ თუმანს ურუმნი ერთს ქისას ეძახიან. ფრანგულის თეთრის სახელები სხვა არის; მაგრამ აქ ამ თეთრედ, როგორც ეფასების ისე იქნების. სამშაურს ფრანგნი რუბს ეძახიან. ორი შაურის წონა ოქროს, რომ მისი დალი აჯდეს ერთი ფლურის არის. ამ ფლურის ფასი დრო არის შეიდ აბაზად ფასობდეს, დრო არის შეიდ აბაზ უზალთუნად, ხან ერთშაურ ნაკლებადცა იქნების“².

ეს მუხლი ფრიად მნიშვნელოვანია თბილისის სამონეტო ბაზრის გასაგებად. მასში მოცემულია მონეტების უცხოური სახელწოდებანი. იგი გვაუწყებს ზოგიერთი მონეტის პარიტეტს და ნათლად გვიჩვენებს, რომ თბილისში წარმოებდა უცხოური

¹ ნ. ბერძენიშვილი, მასალები საქართველოს ეკონომიური ისტორიისათვის, წიგნი 1, თბილისი, 1938, გვ. 67.

² სამართალი ბატონიშვილისა ვახტანგისა, დ. ჩუბინოვი, ქართული ქრესტომათია ანუ გამოკრებილნი ადგილები ქართულთა წერილთაგან, СИБ, 1846.

მონეტებით ვაჭრობა. აქ ისიც არის ნაჩვენებო, რომ მონეტების „ფასი“ ცვალებადი იყო.

უცხოური მონეტების დასახელების, სავონეტო პარიტეტისა თუ მონეტების „ფასის“ აღნიშვნას პრაქტიკული მნიშვნელობა ჰქონდა. ამას გვაუწყებს მე-15 მუხლი: „ეს თეთრის გარიგება ამისათვის დაეწერეთ, რომელ, თუ კაცმან ეს არ იცის ან შაუ-რი, ან უზალთუნი, ან აბაზი, ან ასლანი, ან მისხალი, ან ფლური, ან ხუთი აბაზი, ან თუმანი რა ერთი არის, სისხლის მიცემაში ვერას გაიგებს, რომ იმ-დენი სისხლად გაუჩინონ“. თეთრის გარიგების სხვა დანიშნულება არ არის ნაჩვენებო, მაგრამ გა-საგებია, რომ თეთრს ამ დანიშნულების გარდა სხვა დანიშნულებაც ჰქონდა, იგი მსოფლიო ფუ-ლის როლშიც გამოდიოდა, რაც ნათლად ჩანს მე-16 მუხლიდან. ამ მუხლიდან ისიც ჩანს, რომ უცხოურ მონეტებს მსვლელობა ჰქონდა შიგ ქვე-ყანაშიც, მაგრამ, ვფიქრობთ, მცირე ზომით, ვინაი-დან მათი მთავარი დანიშნულება იყო საერთაშო-რისო ურთიერთობის მომსახურება.

• 3. ტურნეფორი, რომელიც თბილისში იყო 1701 წელს, თავის წიგნში აღწერს ქართულ სამო-ნეტო სისტემას და გაკვრით აღნიშნავს, რომ თბი-ლისში ტრიალებს „ვენეტიკური სეკინი“ და „პიას-ტრი“ (პიასტრი რატომღაც გამოჩნა ივ. ჯავახი-შვილს, როდესაც მას მოყავს ტურნეფორის მიერ დასახელებული უცხო მონეტები)?

ამრიგად, ხსენებული ორი წყაროს მიხედვით, თბილისის სამონეტო ბაზარზე ტრიალებდა: 1. ას-ლანი, 2. ფლური, 3. ვენეტიკური სეკინი, 4. უზალ-თუნი, 5. პიასტრი.

რა მონეტებია ეს?

იმ ხანაში ჰოლანდია ფართო ვაჭრობას აწარ-მოებდა აღმოსავლეთის ქვეყნებთან. იგი სჭრიდა ოქროს მონეტას. ზოგ მონეტაზე გამოსახული იყო ლომი. ლომს თურქულ ენაზე ჰქვია „ასლანი“, ამიტომ ეს მონეტა აღმოსავლეთში ცნობილი იყო „ასლანის“ სახელწოდებით. როგორც ჩანს, იგი საქართველოშიც იმდენად გავრცელებული იყო,

რომ „სამართლის წიგნშია“ ნახსენებო. ეგვიპტეში მას „აბუყულ“- ეწოდებდნენ. ეს მონეტა დაახ-ლოებით 3,44 გრამს იწონდა.

„ფლური“ წარმოიშვა „ფლორინისაგან“. ფლო-რინი იყო ფლორენციის ოქროს მონეტა, რომელიც XIII — XIV საუკუნეებში იჭრებოდა. შემდეგში ამ სახელწოდებით იჭრებოდა მონეტები ევროპის რიგ ქვეყნებშიც. აღსანიშნავია, რომ „დუკატს“ იტალიაში და „გულდენს“ საფრანგეთში „ფლო-რინს“ უწოდებდნენ. ივ. ჯავახიშვილი აღნიშნავს, რომ საქართველოში ყოველ ოქროს მონეტას „ფლურს“¹ უწოდებდნენ.

რას წარმოადგენდა „ვენეტიკური სეკინი“? „ვენეტიკური სეკინი“ არის „ვენეტიკური ცეხი-ნი“ — იტალიურად „zecechino“. ეს სიტყვა წარ-მოშობილია სიტყვიდან „zece“, რაც „ზარაფხა-ნას“ ნიშნავს. „ცეხინი“ არის ძველებური ოქროს მონეტა, რომლის მოჭრა დაიწყო ვენეციაში ჯერ კიდევ XIII საუკუნეში. მისი წონა დაახლოებით 3,5 გრამი იყო. ეს მონეტა სწრაფად გავრცელდა მთელ ევროპაში. შემდეგში ცეხინები იჭრებოდა ევროპის ზოგ სახელმწიფოში სახელწოდებით „დუკატი“ (იტალიური სიტყვიდან „ducati“, რო-მელიც, თავის მხრივ, წარმოიშვა სიტყვიდან „du-celus“, რაც საპერცოგოს ნიშნავს), დუკატის წონა, დაახლოებით ისეთივე იყო, როგორც ცეხინის².

უზალთუნი სპარსული მონეტაა, თუმცა ასეთი სახელწოდების მონეტა ქართლშიც იყო.

„პიასტრი“ წარმოადგენდა თურქულ მონეტას. მონეტის სახელწოდება წარმოშობილია იტალიური სიტყვიდან „piastro“, რომელიც, თავის მხრივ, წარმოადგენს შემოკლებულ სიტყვას გამოთქმიდან: „piastro d'argento“ ანუ „ვერცხლის ფილა“.

ქართლში XVIII საუკუნის დასაწყისში მოქ-მედებდა ვერცხლის მონომეტალიზმი³. ხურდა ფუ-ლის როლს ასრულებდნენ სპილენძის მონეტები. ძირითადი მონეტა იყო აბაზი. სამ აბაზს ეწოდებო-და „მარჩილი“, ხუთ აბაზს „მინალთუნი“, 50 აბაზს, „თუმანი“. მინალთუნი და თუმანი მხოლოდ საან-

¹ დასახელებული შრომა, გვ. 54.

² Б С З, „Цехини“, „Дукат“.

³ დაწვრილებით ამის შესახებ იხ. ნ. ქოიჯა, საქარ-თ-ველოს ფულის მიმოქცევა XVIII საუკუნეში. სტალინის სახ. თბილისის სახელმწიფო უნივერსიტეტის შრომები, XXVIII 1946, XXIX, 1946 (არის ცალკე ამონაბეჭდი).

¹ Pitton von Tournefort. Beschreibung einer auf königlichen Befehl unternommenen Reise nach der Levante, III B. Nürnberg, 1777.

² ივ. ჯავახიშვილი, ქართული საფას-სახომთა მტროდნობა ანუ ნუმიზმატიკა - მეტროლოგია, ტფილისი, 1925, გვ. 56.

გარიშო, იდეალური მონეტები იყო. ერთი აბაზი შეიცავდა 2 უზალთუნს, 1 უზალთუნი — 2 შაურს. ყველა ეს მონეტა რეალური იყო და იჭრებოდა ვერცხლისაგან. შაური შეიცავდა 2,5 ბისტს, ბისტი ოთხ ფულს. ბისტი და ფული იჭრებოდნენ სპილენძისაგან.

როგორც ვხედავთ, მონეტების სახელწოდებანი ეცხოურია, სახელდობრ, ირანული და შემოვიდა ქართულში შაპ-აბაზის დროიდან. სახელწოდებანი „აბაზი“ და „შაური“ დღემდე დარჩა საქართველოში. დროა ორივე სიტყვა ამოვიღოთ ქართული ენიდან, რადგანაც პირველი წარმოიშვა საქართველოს მოსისხლე მტრის შაპ-აბაზის სახელიდან, ხოლო მეორე — სიტყვა „შაჰიდან“, ე. ი. მისი ტიტულიდან.

როგორი იყო რეალიების წონა ამ პერიოდში? ამას უდიდესი მნიშვნელობა აქვს სამონეტო პარიტეტისა და უცხოური მონეტების ფასის დასადგენად.

რეალიების წონა (გრამებში) ასეთი იყო:

ფული	4,24—4,50	(1707/09);
2 ფული	7,90—9,15	(1708/09);
შაური	1,68	(1707/08);
უზალთუნი	3,20	(1715);
აბაზი	7,10	(1707/08).

მარჩილის რეალიები დაცული არ არის, ხოლო სამართლის წიგნის მიხედვით მისი წონა არის 21,29 გრ.

ასლანის პარიტეტი ან კურსი არ ჩანს ჩვენს წყაროებში, მაგრამ ცნობილია, რომ ეს მონეტა იწონიდა დაახლოებით 3,5 გრამს. ეს წონა ჩვეულებრივი იყო მაშინდელი ოქროს მონეტებისათვის.

ფლურის ოქროს შინაარსის და, მაშასადამე, პარიტეტის დადგენა ადვილად შეიძლება სამართლის წიგნის მე-16 მუხლის საშუალებით. იქ წერია: „ორი შაურის წონა ოქროს რომ მისი დაღი აჯდეს ერთი ფლური არის“. შაურას წონა, სამართლის წიგნის მიხედვით, იყო 1,77 გრ. მაშასადამე, ორი შაურის წონა იყო 3,54. ამ წონის იყო დაახლოებით მაშინდელი ოქროს მონეტები, რომლებიც „ასლანის“, „დუკატის“, „ცეხინისა“ და „ფლორინის“ სახელწოდებით არიან ცნობილი. სამართლის წიგნში მოცემულია ფლურას „ფასი“. ფლურის

„ფასი“ მერყევი იყო. იგი იყო ხან შვიდი აბაზი, ხან შვიდი აბაზი და ერთი უზალთუნი, ხან შვიდი აბაზი და ერთი შაური. ქართული ფული ვერცხლის ფული იყო. 3,54 გრ. ოქროს მონეტაში იძლეოდნენ მაღალსინჯიანი ვერცხლის მონეტებით 49, 56 ან 51,33 ან 53,10 გრამ ვერცხლს.

აქედან ნათლად ჩანს, რომ ოქროსა და ვერცხლის შეფარდებითი ღირებულება იყო 1:14, 1:15, სწორედ ისეთი, როგორც იყო მაშინდელ მსოფლიო ბაზარზე.

ოქრო-ვერცხლის შეფარდებითი ღირებულება ცვალებადი იყო და, ცხადია, ესეც ახდენდა გავლენას ფლურის „ფასზე“.

ვენეტიკური სეკინის (ანუ სხვანაირად დუკატის, ფლურის) შეფარდება ტურნეფორის ცნობით იყო 6 აბაზი და 3 შაური. ტურნეფორი თბილისში იყო უფრო ადრე (1701 წ.), ვიდრე შედგებოდა სამართლის წიგნი (1703—1709 წწ.). ფლური 1701 წელს შედარებით იაფი ყოფილა. ეს განსხვავება კონიუნქტურული ცვლილებების შედეგი იქნებოდა, ვინაიდან მონეტების ლითონურ შინაარსში ცვლილებები ამ პერიოდში არ მომხდარა.

ირანული უზალთუნი, იმავე სამართლის წიგნის მიხედვით, უდრიდა 2,5 შაურს, ანუ 4,92 გრამს.

ტურნეფორს მოცემული აქვს პიასტრის შეფარდება ქართულ ფულთან. პიასტრი ფასობდა 10,5 შაურს. ამრიგად, რეალიების მიხედვით, პიასტრის ვერცხლის შინაარსი იყო $1,68 \times 10,5$, ანუ 17,64 გრ.

ტურნეფორს მოყავს ცნობა იმის შესახებ, თუ როგორია ქართული და ფრანგული მონეტების შეფარდება. იგი არ ლაპარაკობს ფრანგული მონეტების ფასზე თბილისში. უნდა ვიფიქროთ, რომ ტურნეფორს თვითონ გამოყავს ამ მონეტების დაახლოებითი შეფარდება. იგი ამბობს, რომ აბაზი დაახლოებით უდრიდა 22 სოლს ანუ სუსს, რომელიც ფულის ერთეული — „ლივრის“ ნაწილები იყო და, თავის მხრივ, 12 დენიეს შეიცავდა. 1720 წ. შეწყდა ვერცხლის ლივრის მოჭრა საფრანგეთში. აქედან შეიძლება დავასკვნათ, რომ 1 სუ უდრიდა; დამრგვალებით, 2 ფულს. იგი წერილი მონეტა იყო.

ჩვენს მიერ განხილულ წყაროებში არაფერაა ნათქვამი რუსულ მონეტებზე.

ასეთი იყო თბილისის უცხოური მონეტების ბაზარი XVIII საუკუნის დამდეგს.

1723—1735 წწ. თბილისი ოკუპირებული იყო თურქეთის მიერ. ამ პერიოდში თბილისში იჭრე-

ბოდა სულთანის სახელით არა მარტო ვერცხლის, არამედ ოქროს მონეტებიც. ვერცხლის მონეტები იჭრებოდა თურქული ნიშნების მიხედვით, მაგრამ იჭრებოდა ისეთი მონეტებიც, რომელიც უდრიდა მაშინდელ აბაზს, უზალთუნს და შაურს. ოქროს მონეტას, ალთუნს, მაშინდელი ოქროს მონეტების ჩვეულებრივი წონა ჰქონდა — 3,45 გრ.

1735 წ. თურქები შეცვალა ირანელებმა. ირანში გამეფდა ნადირი და ამასთან დაკავშირებით წარმოიშვა მონეტა სახელწოდებით „ნადირი“ (11,5 გრ).

1744 წელს ნადირ-შაჰმა ქართლის მეფედ დანიშნა თეიმურაზი, ხოლო კახეთის მეფედ ერეკლე-ნადირ-შაჰის მკვლელობის შემდეგ (1747 წ.) ირანი კვლავ დასუსტდა. ქართლი და კახეთი განთავისუფლდა ირანის უღლისაგან.

მიუხედავად იმისა, რომ ქართლ-კახეთმა მოიპოვა დამოუკიდებლობა, ქართული მონეტები მაინც ირანული ტიპისაა. მართალია დ. კაპანაძე, როდესაც წერს: „Соввершенно очевидно, что в данном случае, как это случилось и в старину, тбилисской монете придавался облик иранской с той же целью свободного ее обращения на международном рынке. Немаловажное значение имел, повечпо, и политический момент“.¹

ამას ისიც უნდა დაემატოს, რომ გათვალისწინებული იყო მოსახლეობის ჩვევებიც — სამონეტო სისტემის შეცვლა, ისე როგორც წონის სისტემისა, მტივიანულია მოსახლეობისათვის.

თეიმურაზის გარდაცვალების შემდეგ (1762) ქართლ-კახეთი გაერთიანდა ერთ სამეფოდ.

განმტკიცდა და გაღრმავდა სამეურნეო და პოლიტიკური ერთიანობა რუსეთთან. 1783 წ. დაიდვა ხელშეკრულება რუსეთის პროტექტორატის შესახებ. ყოველივე ამან შეცვალა თბილისის სამონეტო ბაზრის სახე.

კაპიტანი იაზიკოვი 1770 წ. წერდა: „Деньги грузины имеют свои, только выше монеты пет как в 30 копеек серебром, и по их называется абаз, а медные копейки и дельги под именем царя Ираклия делают в Тифлисе. Золотая и серебряная разная монета в Грузии есть персидс-

кая и турецкая, которую достают или перекупают медя, масла“.¹

საუკეთესო ცნობებს თბილისის სამონეტო ბაზრის შესახებ წავლად გვაძლევს ი. გვილდენშტედტი, რომელიც 1772 წელს თბილისში იმყოფებოდა.²

გვილდენშტედტი გვაუწყებს, რომ თბილისში ნაციონალური მონეტების გვერდით ტრიალებდნენ თურქული, ირანული და რუსული მონეტები. იგი დუკატის არსებობასაც აღნიშნავს თბილისის სამონეტო ბაზარზე.

როგორია ეს მონეტები?

ამ პერიოდში ოსმალეთში იჭრებოდა ვერცხლისა და ოქროს მონეტები. უკნინესი მონეტა იყო „ფარა“. მის გვერდით იყო „ხუთფარიანი“, „ათფარიანი“ და „ოცფარიანი“. იყო აგრეთვე მონეტა, რომელიც შეიცავდა 39 ფარას (მონეტას ერქვა „კუმში“) და 52 ფარიანი მონეტა, რომლის თურქული სახელწოდება არ ჩანს, მაგრამ ქართველები უწოდებდნენ „მარჩილს“. ოქროს მონეტა, რომელიც 120 ფარას შეიცავდა, ცნობილი იყო სახელწოდებით „თურქული დუკატი“. აღსანიშნავია, რომ „ფარა“, გვილდენშტედტის ცნობით, არ იყო მიღებული ქართლში, მაგრამ ეს იმას არ ნიშნავს, რომ იქ სხვა თურქული მონეტები არ იყო გავრცელებული. თვითონ გვილდენშტედტი აღნიშნავდა ქართლში თურქული მონეტების ბრუნვას.³ იაზიკოვი წერდა, რომ ქართლ-კახეთში ტრიალებდა ირანული და თურქული ვერცხლისა და ოქროს მონეტები. უნდა ვიფიქროთ, რომ ხმარებაში იყო ოქროსა და ვერცხლის მსხვილი თურქული მონეტები.

თბილისის სამონეტო ბაზარზე ამ დროს იშვიათი იყო სპარსული მონეტები. სპარსული მონეტებიდან ბაზარზე მოიპოვებოდა სხვადასხვა ფორმის, წონისა და სხვადასხვა დროს მოჭრილი აბაზიანები და ნადირის დროს მოჭრილი 2,5 აბაზიანები, სხვა-ნაირად „ნადირი“ (1739 წ.), 1,5 აბაზიანები და ნახევარაბაზიანები (1737 წ.).

¹ Под ред. А. Цагарели, Грамоты и другие исторические документы XVIII столетия относящиеся к Грузии, т. I, СПб, 1901, стр. 191.

² J. A. G ü l d e n s t e d t, Reison durch Russland und Caucasischen Gebürge, t. 1, SPB, 1787, стр. 356—359 და 390—393.

³ G ü l d e n s t e d t, დასახ. შრომა, გვ. 356, 359.

¹ Д. Капанадзе, Грузинская нумизматика, Москва, 1955, стр. 121.

თერქული და სპარსული მონეტების გვერდით ტრიალბდა ევროპული დუკატებიც. ე. ი. ოქროს მონეტები. ქართლში მათ „ოქროს“ ეძახდნენ.

რუსეთთან ვაჭრობის გაფართოებისა და 1769 წ. რუსეთის ჯარის შემოსვლასთან დაკავშირებით, საქართველოში გავრცელდა რუსული მონეტები, კერძოდ იმპერიალები.

იმპერიალი იყო ოქროს მონეტა. იგი იჭრებოდა 1755 წლიდან 1897 წლამდე, შეიცავდა 11,61 გრ ოქროს და უდრიდა 10 ვერცხლის მანეთს. საქართველოში ამ მონეტას ერქვა „თუმანი“. იგი, როგორც გვილდენშტედტი აღნიშნავს, ხალხით მიიღებოდა მოსახლეობის მიერ. გასაგებია რატომ ეძახდნენ ქართველები ევროპულ დუკატებს „ოქროს“, ხოლო რუსულ იმპერიალს „თუმანს“ — ევროპული დუკატები გაცილებით უფრო მცირე წონის იყო, დაახლოებით 3,5 გრ.

გვილდენშტედტი იძლევა უცხოური მონეტების შეფარდებას რუსულ მონეტებთან. საჭიროა დავადგინოთ უცხოური მონეტებისა და ქართული მონეტების შეფარდება, რისთვისაც აუცილებელია იმ დროის ქართული ფულადი და სამონეტო სისტემების ცოდნა. ქართლ-კახეთში ამ პერიოდში ისევე ვერცხლის მონომეტალიზში მოქმედებდა, სამონეტო სისტემაც იგივე დარჩა, მაგრამ ცვლილებები მოხდა მონეტის წონაში. წარმოებდა ე. წ. მონეტის გაფუჭება მისი წონის შემცირების სახით. მონეტის გაფუჭება საფინანსო ღონისძიება იყო. ამ გზით დიდდებოდა სახელმწიფოს ნომინალური შემოსავალი¹.

აბაზის წონა შემდეგნაირად მცირდებოდა (გრამებში):

1707/08	7,38;
1721/22	5,38;
1748/49	4,60.

ერეკლე მეორემაც შეამცირა აბაზის წონა. ქართული ვერცხლის მონეტების წონა ერეკლე II გარდაცვალებამდე იყო (გრამებში, უმნიშვნელო დამრგვალებით):

¹ დაწერილებით ამის შესახებ იხ. ნ. ქოიავა, დასახელებული შრომა.

შაური	0,75;
უზალთუნი	1,50;
აბაზი	3,00.

ამრიგად, მონეტების წონა საუკუნის მანძილზე 2,5-ჯერ შემცირდა.

ოქროს მონეტები რუსეთში 1701 წ., პეტრე I დროს მოიჭრა, როგორც დუკატებისა და ცეხინების წაბაძვა. მონეტას „ჩერვონეცი“ ეწოდებოდა და 3 მანეთს უდრიდა.

ოქროს მონეტები, „იმპერიალის“ სახელწოდებით, პირველად მოიჭრა ელისაბედის დროს, 1755 წელს.

ეკატერინე II დროს, 1764 წ. დაწესდა ოქროს იმპერიალის წონა. იგი შეიცავდა 270 წილ ანუ 12 გრამ წმინდა ოქროს. იმპერიალი 10 ვერცხლის მანეთს უდრიდა.

ეკატერინე II დროს უკანასკნელად (1764 წ.) შემცირდა ვერცხლის მანეთის წონა. დაწესდა ის ნორმა, რომელიც შემდეგშიც შეინარჩუნა მანეთმა — 18 გრამი.

მონეტების მოჭრა დამყარებული იყო ოქროსა და ვერცხლის ღირებულების შემდეგ შეფარდებაზე — 1:15. მართლაც, 12 გრამი ოქრო (იმპერიალი) უდრიდა 180 გრამ ვერცხლს (10 ვერცხლის მანეთი გამრავლებული 18-ზე). ოქროს ღირებულება თხუთმეტჯერ აღემატებოდა ვერცხლის ღირებულებას.

როგორც ჩანს, მიმოქცევაში ახალი იმპერიალების გვერდით ტრიალებდნენ ახალი ვერცხლის მონეტები, უფრო მსუბუქი, ვიდრე წინათ.

ჩვენ უკვე ვიცით როგორც ქართული, ისე რუსული მონეტების შინაარსი და ამიტომ უკვე შეგვიძლია მათი პარიტეტის დადგენა.

1769—70 წწ. მოჭრილი აბაზი იწონიდა 3,07 გრამს. გვილდენშტედტის თქმით ეს იყო ყველაზე გავრცელებული მონეტა¹. ამ მონეტის სინჯი იყო 976, რაც დადგინდა 1943 წელს ჩვენი თხოვნით გამოყოფილი სპეციალური კომისიის მიერ². აქედან გამოდის, რომ აბაზში 2,996 ან დამრგვალებით 3,00 გრ წმინდა ვერცხლი იყო. რადგანაც რუსულ

¹ დასახ. შრომა, გვ. 357.

² იხ. ნ. ქოიავა, დასახ. შრომა, გვ. 95 და შემდ.

მანეთიანში 18 გრ ვერცხლი იყო, ამიტომ სამონეტო პარიტეტი იქნება: 1 მანეთი = 6 აბაზა.

რუსულ იმპერიალში იყო 12 გრ წმინდა ოქრო, იგი უდრიდა 10 ვერცხლის მანეთს. მოკრის საფუძვლად აღებული იყო ოქრო-ვერცხლის ღირებულების შეფარდება 1:15. ამ შეფარდების დაცვის პირობებში 1 იმპერიალი უდრიდა 60 აბაზს.

1770 წელს მეფე ერეკლემ გაუგზავნა რუსეთის საქმეთა რწმუნებულს ა. რ. მოურავოვს წერილი, რომელიც ეხება რუსეთის ოქროსა და ვერცხლის მონეტების ფასს ქართლ-კახეთში.

მეფის ამ წერილის შინაარსი მთლიანად მოგვყავს.

„შენს ბრწყ. ჩვენთვის ეკითხა — მ. დიდ-ბის ოქრო და ვერცხლი როგორ იხარჯება გამოძიებად. ჩვენ ასე განვაძებდებთ შენს ბრწყინვალეობისადმი: რომელიც იმპერიალი არის მ. დიდ-ის ერთ თუმნად იხარჯება დაუყოვნებლად, რომელიც ძველი რუბლი არის ის ექვს აბაზად აქაურს თეთრად, და ახალი რუბლი ხუთ აბაზ ერთ შაურად. ჩვენ ჩვენს ქვეყანაში ბძანებით ძალსაც მოვიდომებდით ყოვლად მოწყალის ხელმწიფის სამსახურისათვის, რომ უნამეტნავესადაც გასულიყო ოქროც და ვერცხლიცა, მაგრამ რადგანაც გარშემო მეზობლებში მეტად არ დაიხარჯება, ამისათვის ვაპართ ზიანს გაუფრთხილდით, რომ ქვეყანას სავაჭრო არ მოაკლდეთ“¹.

მეფე ერეკლეს წერილიდან ჩანს, რომ რუსულ მონეტების კურსი ასეთი ყოფილა:

1 ძველი მანეთი	6 აბაზი;
1 ახალი მანეთი	5,25 აბაზი;
1 იმპერიალი	50 აბაზი.

ძველი მანეთის ქვეშ იგულისხმება ანას და ელისაბედის დროს მოკრილი მანეთი, ხოლო ახალი მანეთის ქვეშ — ეკატერინე II დროს მოკრილი მანეთი. განსხვავება ძველი და ახალი მანეთების კურსში გასაგებია, ვინაიდან ეკატერინე II დროს მოკრილი მანეთები უფრო მსუბუქია.

აქვე უნდა აღვნიშნოთ ის გარემოება, რომ ვერცხლის მანეთის კურსი დგას პარიტეტზე ქვევით — ერთი ახალი მანეთი უდრის 6 აბაზს, ხოლო

¹ А. Цагарели, Грамоты и другие исторические документы, относящиеся к Грузии, т. II, вып. 1, стр. 36.

კურსია 5,25 აბაზი ანუ 5 აბაზი და ერთი შაური. ვთქვით, რომ კურსის ჩაოყალიბებაზე გავლენას ახდენდა მანეთების მიწოდება-მოთხოვნა და ის დანაკარგები, რომელიც მოყვებოდა მანეთის გადაქცევას ნაციონალურ მონეტად. 1769 წლის ზაფხულის ბოლოს საქართველოში შემოვიდა რუსეთის ჯარი. მას თან მოჰყვა ბლომად მანეთები, რითაც მანეთების მიწოდება ბაზარზე გაიზარდა.

ასეთივე მდგომარეობა იმპერიალის მიმართაც. იმპერიალის და აბაზების შეფარდება უნდა ყოფილიყო 1 იმპერიალი = 60 აბაზს, სინამდვილეში კი იყო 50 აბაზი ანუ 1 თუმანი. ამრიგად, თბილისში 12 გრამ ოქროში (იმპერიალის წმინდა ოქროს წონა) იძლეოდნენ არა 180 გრამ ვერცხლს, როგორც რუსეთში, არამედ $50 \times 3 = 150$ გრამ ვერცხლს. ამ შეფარდებიდან გამომდინარე, რომ 1 ოქროს იმპერიალის ფასი თბილისის ბაზარზე მყარდებოდა გამომდინარე შეფასებიდან 1:12,5 და არა 1:15.

აქედან გამომდინარეობს, რომ ვერცხლს თბილისში მეტი „ფასი“ ჰქონდა, ვიდრე რუსეთში. ეს გასაგებიც არის, ვინაიდან იმ ეპოქაში საერთოდ საკმაოდ განსხვავებული შეფარდება იყო ოქროსა და ვერცხლის ღირებულებათა შორის. ამის მიზეზი იყო გზებისა და კავშირგაბმულობის სუსტი განვითარება.

ერეკლეს წერილში სხვა რამეც არის საინტერესო, რაც ჩვენს საკითხს ეხება. არსებული კურსი, ალბათ, არ აკმაყოფილებდა რუსეთის მმართველ წრეებს, რომელნიც დაინტერესებულნი იყვნენ იმაში, რომ რუსული მონეტების კურსი უფრო მაღალი ყოფილიყო. მეფე ერეკლე წერს, რომ მას შეეძლო სამსახური გაეწია რუსეთის მეფისათვის და დაეწესებინა იძულებითი და უფრო მაღალი კურსი და ამით აეწია რუსული ოქროსა და ვერცხლის მონეტების „ფასი“, მაგრამ იგი ამას მიუღებლად სთელის იმის გამო, რომ რუსულ ოქროსა და ვერცხლის მონეტებს მეტი ფასი არ ჰქონდათ მეზობელ ქვეყნებში. მეფე ერეკლეს ეშინია, რომ კურსის აწევა ზარალს მოუტანს ვაჭრებს და დააზიანებს ვაჭრობას.

ამ წერილში მოჩანს სახელმწიფო მოღვაწე, რომელსაც ესმის, რომ სავალუტო პოლიტიკას დიდი მნიშვნელობა აქვს სახელმწიფოსათვის, საგარეო ვაჭრობისათვის. მეფე ერეკლე მფარველობდა ვაჭრობას.

რუსული მონეტების კურსი 1772 წ. თბილისის სამონეტო ბაზარზე გვილდენშტედტის ცნობით ასეთი იყო:

1 ძველი მანეთი	6,50 აბაზი;
1 ახალი მანეთი	5,50 აბაზი.

როგორც ჩანს, მანეთის კურსი 1770 წელთან შედარებით რაპდენადმე გაზრდილა. დროის ამ მანძილზე არც რუსული, არც ქართული ვერცხლის მონეტების შინაარსი არ შეცვლილა და კურსის ეს ცვლილება უნდა მიეწეროდეს კონიუნქტურულ ცვლილებებს, მიწოდება-მოთხოვნის ცვლილებას. უნდა გვახსოვდეს, რომ 1772 წლის მაისში რუსეთის ჯარი გაწვეულ იქნა საქართველოდან, რაც შეამცირებდა მონეტების მიწოდებას ბაზარზე.

იმპერიალის კურსს გვილდენშტედტი არ იძლევა, მაგრამ აღნიშნავს, რომ მას ქართველები თუმანს უწოდებენ და ხალხით ღებულბოზენ¹. სხვა ადგილას (გვ. 393) გვილდენშტედტი აღნიშნავს, რომ ქართველები იმპერიალებს ხმარობდნენ სამკაულებისათვის, რაც ადვილად დასაჯერებელია.

გვილდენშტედტი თავის შრომაში იძლევა თურქული მონეტების შედარებას რუსულ მონეტებთან, მაგრამ თავის შრომაში იგი აღნიშნავს, რომ დასავლეთ საქართველოში თბილისის 1 აბაზი უდრიდა 16 ფარას, ხოლო 1 შაური 4 ფარას. ეს გვაძლევს შესაძლებლობას გამოვსახოთ თურქული მონეტები ქართული აბაზებით. მართალია, ეს შეფარდება იყო დასავლეთ საქართველოში, მაგრამ შეიძლება ითქვას, რომ იგი დიდად არ განსხვავდებოდა თბილისის ბაზარზე არსებული შეფარდებისაგან.

გადაანგარიშების შემდეგ ჩვენ ვღებულობთ ასეთ სურათს:

ფარა	0,06 აბაზი;
ხუთფარიანი	0,31 აბაზი;
ათფარიანი	0,62 აბაზი;
ოცფარიანი	1,25 აბაზი;
კუმში	2,44 აბაზი;
52 ფარიანი	3,25 აბაზი.

თურქული ღუკატის შესახებ გვილდენშტედტი წერს, რომ იგი იწონიდა ერთს დრახმს (მოჭრილი

იყო წმინდა ოქროსაგან). მისი შეფარდება არ ჩანს არც რუსულ, არც ქართულ მონეტებთან. გვილდენშტედტი იძლევა მხოლოდ მის წონას — 1 დრახმი. უნდა ვიფიქროთ, რომ გვილდენშტედტი ხელმძღვანელობდა გერმანული წონით. ამ შემთხვევაში დრახმის წონა იქნებოდა 3,50 გრ. ამრიგად, თურქულ ღუკატს ევროპული ოქროს მონეტის ჩვეულებრივი წონა ჰქონდა. რადგანაც იმ დროს თბილისში ოქრო-ვერცხლის ღარებულების შეფარდება იყო 1:12,5, ამიტომ ოქროს ღუკატის ეკვივალენტი იქნებოდა 43,8 გრ ვერცხლი, ანუ 14,8 აბაზი (43,8 გრ : 3,00 გრ). ამავე დროს უნდა გვახსოვდეს, რომ ლაპარაკია ხალასი ოქროს მონეტაზე, რომელიც 1690 წ. იყო მოჭრილი. გვიანდელი მონეტები, როგორც გვაუწყებს თეიმურაზ ბატონიშვილი, დაბალი ხარისხისა იყო.

გვილდენშტედტი გვაუწყებს, რომ 1 თურქული ღუკატი უდრიდა 120 ფარას. 120 ფარა კი, მისივე ცნობით, უდრიდა 7,5 აბაზს. ცხადია, აქ ლაპარაკია გაფუჭებულ ფარაზე. იგი თვითონაც აღნიშნავს, რომ ფარა ცუდი ვერცხლისაგან იყო მოჭრილი. როდესაც იგი ლაპარაკობს, რომ 1 თურქული ღუკატი უდრის 120 ფარას, იგულისხმება არასრულფასოვანი ფარა.

ივ. ჯავახიშვილის გაანგარიშებით თურქული ღუკატის ანუ „ოქროს“ ფასი 10 აბაზი იყო, მაგრამ ივ. ჯავახიშვილს ეს გაანგარიშებული აქვს სულ სხვა დროისათვის.

ჩვენ უნდა გვახსოვდეს, რომ ოქროსა და ვერცხლის ღარებულების შეფარდება ძალიან მოძრავი და ცვალებადი იყო დროისა და ადგილის მიხედვით, განსაკუთრებით ტრანსპორტისა და კავშირგაბმულობის განვითარების მაშინდელი მდგომარეობის გამო. „ფასის“ გარკვევისას მხედველობაში უნდა იქნეს მიღებული აგრეთვე მონეტის წონა, სინჯი და სხვ. მომენტები.

ივ. ჯავახიშვილი ეყრდნობა იმას, რომ 1772 წელს ერთი აბაზი უდრიდა 20 კაპიკს, მაგრამ ეს არ გამომდინარეობს არც პარიტეტიდან (1 ახალი მანეთი = 6 აბაზს) არც კურსიდან (1 ახალი მანეთი = 5,5 აბაზს). ამრიგად, მაშინდელი აბაზი 20 მაშინდელ კაპიკზე ნაკლები იყო, ამიტომ, დასკვნა, რომ აბაზი დასავლეთ საქართველოში მეტს ფასობდა, ვიდრე აღმოსავლეთ საქართველოში მოკლებულია დამაჯერებლობას (გადახვევა პარიტეტისაგან

¹ G l d e n s t e d t, დასახ. შრ., გვ. 359.

ზევით, რომელიმე უცხო მონეტასთან შედარებით, არ არის გამორიცხული აბაზიანებზე მაღალი მოთხოვნის პირობებში)¹.

გვილდენშტედტი ირანული მონეტების შეფარდებას ქართულ მონეტებთან არ იძლევა. იგი გვაძლევს მათ შეფარდებას რუსულ მონეტებთან. სპარსული ძირითადი მონეტა „ნადირი“ ღირებულა 50 კაპიკი. მაგრამ ეს იმას არ ნიშნავს, რომ ქართული ფულით იგი 2,5 აბაზს უდრიდა, ვინაიდან 1 აბაზი, როგორც ვთქვით, არ უდრიდა 20 კაპიკს. მართლაც, „ნადირის“ წონა იყო 3 დრახმი და 6 გრანი სუფთა ვერცხლი, რაც აღემატებოდა 2,5 აბაზში მოცემულ სუფთა ვერცხლის წონას. ამის შესაბამისად ფასობდა სპარსული მონეტების სხვა ნომინალებიც. გვილდენშტედტი აღნიშნავს, რომ ეს სპარსული მონეტები იშვიათი იყო ქართლში.

1783 წ. აღმოსავლეთ საქართველოსა და რუსეთს შორის დადებულ იქნა ხელშეკრულება, „მეგობრობის ტრაქტატი“, ქართლ-კახეთის რუსეთის მფარველობაში შესვლის შესახებ. 1801 წ. მოხდა აღმოსავლეთ საქართველოს შეერთება რუსეთთან. დროის ამ მანძილზე რაიმე ცვლილება არ მომხდარა რუსეთის ფულად და სამონეტო სისტემაში, ასევე ქართულ ფულად სისტემაშიც. შესამჩნევია მხოლოდ ის, რომ 1777 წ. მოქრილი აბაზის წონა

¹ ი. ვ. ჯ ა ვ ა ხ ი შ ვ ი ლ ი, დასახ. შრომა, გვ. 57—58.

არის 2,65 გრ, 1792—93 წწ. — 2,85. ამავე დროს, 1778—79 წწ. აბაზი გვიჩვენებს დაბალ სინჯს — 720-ს. ეს გარემოება, ცხადია, მოახდენდა ერთგვარ გავლენას მონეტების შეფარდებაზე, მაგრამ არსებით ცვლილებებს ადგილი არ ჰქონია.

უცხო მონეტების ბაზრის მოკლე, მაგრამ სწორ დახასიათებას XVIII საუკუნის ბოლოსათვის იძლევა თეიმურაზ ბატონიშვილი: „ოქრო ჩვენში სრულიად გოლანდიისა მუშაობდა, ვენეციისა და ოსმალისადაცა უფრო ცოტა, მაგრამ ოსმალის ოქრო წმინდა არ არის და ამისათვის არ უყვარდა ქართველებსა“¹.

1804 — 1833 წლებში ბრძობდა რუსულ-ქართული ვერცხლის მონეტები, ხოლო 1804 — 1810 წლებში სპილენძის მონეტებიც. ვერცხლის მონეტები მაღალსინჯიანი იყო, თითქმის ისეთივე, როგორც ქართული ვერცხლის მონეტები. რუსულ-ქართული აბაზი იწონიდა 3,15 გრ, ხოლო სპილენძის კაპიკი 7,80 გრ. ამ დროიდან აბაზი მართლაც გახდა 20 კაპიკის თანაბარი.

1834 წლიდან შეწყდა რუსულ-ქართული მონეტების მოქრა. სამონეტო ბაზარი თბილისში დარჩა, მაგრამ უკვე რუსეთის მონეტებთან მყარდებოდა უცხოური მონეტების შეფარდება. ისინი ემსახურებოდნენ უზარმაზარ სახელმწიფოს, რომელშიც უკვე საქართველოც შედიოდა.

¹ თეიმურაზ ბატონიშვილი, წერილი ქართული საფასურის შესახებ, საისტორიო მოამბე, ტფილისი, 1925, 1, გვ. 31.





ნოე უკლაბა და თაბრონე კიკილაშვილი

თბილისის მიდამოების ჰიდროგრაფია

გ ა ნ ს ა ზ ლ ვ რ ა და რ ე ლ ი ე ფ ი. თბილისის მიდამოები მოიცავს მდ. მტკვრის აუზს სოფ. მცხეთისა და სოფ. სოღანლულის მონაკვეთზე. მტკვრის აუზის ეს ნაწილი მდებარეობს აჭარა-თრიალეთის ნაკეცი სტრუქტურის აღმოსავლეთ პერიფერიულ ნაწილში და მორფოლოგიურად წარმოგვიდგება ირგვლივ მეტ-ნაკლები სიმაღლის მქონე ქედებით ჩაკეტილი და მტკვრის ხეობით ორ არათანაბარ ნაწილად გაყოფილი, ამფითეატრისებურად განვითარებული ქვაბურის სახით.

ხსენებული ქვაბური, რომელსაც თბილისის ქვაბურს უწოდებენ, ჩრდილოეთიდან ისაზღვრება დიდგორის, საწკეპელა-სათოვლიასა და საგურამო-იალონის ქედებით. უკანასკნელნი ტექტონიკურად წარმოადგენენ ერთ მთლიან ანტიკლინს, რომელიც მტკვარს თავისი ეროზიული მოქმედებით გაუქვეითია. აღმოსავლეთით საკვლევი მიდამოები მდ. მდ. გლდანის წყლის, ხევძმარას და ორხევის წყალგამყოფამდე ვრცელდება. დასავლეთი და სამხრეთი საზღვარი ემთხვევა მდ. მდ. ვერას და ალგეთის წყალგამყოფს, რომელიც თრიალეთის ქედის სამხრეთ-აღმოსავლეთისაკენ წამოსული განშტოებაა

და თელეთის ქედით, სოფ. სოღანლულთან, მტკვრის მარჯვენა ნაპირზე წყდება.

ამრიგად, საკვლევი ტერიტორია მოიცავს მდ. მტკვრის მარჯვენა შემდინარეების — დიდომისწყლის, ვერას, წაყისის წყლის, ტაბახმელას წყლის, გლდანისწყლის, ხევძმარას და ორხევის აუზებს მთლიანად.

ზემოთ აღნიშნულ საზღვრებში მოქცეული თბილისის მიდამოების ოროგრაფიული სურათის ძირითად ფონს, ტექტონიკური სტრუქტურის შესაბამისად, ქმნიან განედურად განვითარებული ქედები, აგრეთვე მათ შორის მოქცეული ვაკე დაბლობები და ხეობები. წყლის გაძლიერებული ეროზიული და დენუდაციური მოქმედების შედეგად ოროგრაფიული ერთეულების პირვანდელი სახე საკვებით შეცვლილია და ქედები დღეს გადასწორებული თხემებით და ღრმად დასერილი ფერდობებით ხასიათდებიან.

მტკვრის მარჯვენა მხარეზე, რომელიც მარცხენა მხარესთან შედარებით მეტი პიფსომეტრიული განვითარებით ხასიათდება, მთავარ ოროგრაფიულ ერთეულს წარმოადგენს თელეთის ქედი. იგი ქვაბურის სამხრეთ ნაწილში მდებარეობს და ამავე სახელობის ანტიკლინს შეესაბამება. უდიდეს

ჰიფსომეტრიულ განვითარებას თელეთის ქელი იძენს დასავლეთ ნაწილში, სადაც მისი სიმაღლე 1600 მ-ს აღემატება. აღმოსავლეთისაკენ ქელი თანდათანობით დაბლდება; მწვერვალ საყარაულოზე მისი სიმაღლე 1474 მ, ხოლო შავნაბადაზე— 825 მ შეადგენს.

თელეთის ქელის ჩრდილოეთით მდებარეობს თაბორის ქელი, რომელიც თავისი ჩრდილო ფერდობით წავისის წყლის ხეობაში ციცაბოდ ეშვება. განხილულ ორ ქელს შორის მოქცეულია მდ. ტაბახმელას წყლის ხეობა და, პატარა კანის არაჩვეულებრივი გამრობისა და ვაკეკაცობის მოწმე, კრწანისის ველი.

თელეთის ქელს კურორტ კოჯრის ჩრდილო-დასავლეთით გამოეყოფა მთაწმინდის ქელი. უკანასკნელის წავისის წყლის ხეობისაკენ წამოსული განშტოება, ე. წ. სოლოლაკის ქელი, მარცხენა მხრიდან ებჯინება მდ. წავისის წყლის ხეობას და ძლიერ ავიწროებს მდინარეს შუა და ქვემო წელში.

მთაწმინდის ქელიც ყველაზე მეტად ამოზიდულია დასავლეთ ნაწილში, სადაც მისი უმაღლესი მწვერვალი უხო (1418 მ) მდებარეობს; აღმოსავლეთისაკენ შესამჩნევად დაბლდება და თბილისის-ქვაბურის ძირზე წყდება. მისი ჩრდილო კალთები მდ. ვერის ხეობის ძლიერ დანაწევრებულ მარცხენა ფერდობს ქმნის, ხოლო სამხრეთის ფართოდ და დამრეცად განვითარებული კალთები წავისის და ოქროყანის ვაკეებში გადადის.

მთაწმინდის ქელის ჩრდილოეთით, თბილისის ფარგლებში გაშლილია საბურთალოს ვაკე, რომელიც ჩრდილოეთისაკენ თანდათანობით მაღლდება და მის ჩრდილოეთით მდებარე ლისის ქელს ერწყმის.

ლისის ქელის ჩრდილო ფერდობი საკმაოდ ციცაბოდ ეშვება დიღმის წყლის ხეობისაკენ და ხევხეობებით ღრმად დანაწევრებული ადგილ-ადგილ ტერასისებრ საფეხურებს ქმნის.

განხილული ქელის გადასწორებულ თხემზე და საბურთალოს ვაკეზე კარგად არის შენახული მდინარეთა რეგრესიული ეროზიის შედეგები მშრალი ხეობების სახით.

დიღმის წყლის ქვემო წელში მდინარის ორივე მხარეზე მდებარეობს დაცემული ვაკე, ე. წ. დიღმის ველი, რომელიც ბუნებრივად მტკვრის მარცხენა მხარეზედაც ვრცელდება. ვაკე დასავლეთით

საკენ თანდათანობით მაღლდება და გორაკ-ბორცვიან რელიეფში გადადის.

დიღმის ველის ჩრდილოეთით გაწოლილია საწყებელა-სათოვლიას ქელი, რომლის სიმაღლე მცხეთასთან 667 მ აღწევს; დასავლეთ ნაწილში მისი უმაღლესი მწვერვალებია: დიდგორი (1275 მ), სათოვლე (1463 მ), საწყებელა (1467 მ). ქელის სამხრეთი, ღრმად დანაწევრებული კალთები გორაკ-ბორცვებით მთავრდება დიღმის ველზე, ჩრდილო კალთები კი ციცაბოდ ეშვება მტკვრის ხეობისაკენ და მცხეთის ვიწრობის მარჯვენა მალაღ ფერდობს ქმნის.

მტკვრის მარცხენა მხარეზე თბილისის ქვაბურის რელიეფი თავისი შედარებით შერბილებული ხაზებით მარჯვენა მხარისაგან საკმაოდ განსხვავებულია. აქ აჭარა-თრიალეთის ნაკეცი სტრუქტურები იძირებიან და ზევიდან ახალგაზრდა ტერასული ნალექებით იფარებიან. ამიტომ რელიეფის ძირითად ფორმებს ქმნიან მობრტყელებულთემიანი დაბალი სერები, გორაკ-ბორცვები, მცირე სიღრმის ქვაბურები და ვაკეები.

თბილისის ქვაბურის ამ ნაწილში მთავარი ოროგრაფიული ერთეული არის საგურამო-იალონის ქელი, რომლის თხემზე დენუდაციური ზედაპირები იშვიათ მოვლენას არ წარმოადგენს. ქელის სამხრეთ კალთები მდ. გლდანის წყლის აუზის ფარგლებში საკმაოდ მაღალი და დაქანებულია და ქმნის წყალგამყოფს გლდანის წყლის, ხევძმარას და ლოჭინის აუზებს შორის. გლდანის წყლის სათავეებში მისი სიმაღლე 1600 მ-მდეა, კურსიკაანთ-ჩრდილის მთაზე 1408 მ, ქვაკალის მთაზე 1208 მ. განხილული წყალგამყოფი სამხრეთით დამრეცად განვითარებულ და შედარებით მოვაკებული ზედაპირის მქონე მაღლობებში გადადის: რელიეფის ფორმების აბსოლუტური სიმაღლე აქ 1000 მ აღწევს (ქაშვეთის მთა 1099 მ). ამ მაღლობების დასავლეთით, მდ. მტკვრის ხეობის პარალელურად, დაახლოებით 510—535 მ სიმაღლეზე გავრცელებულია მტკვრის ძველი ხეობა, რომელშიც ახლო წარსულში კუკიის, ილგუნიაანის და ავლაბრის მლაშე ტბები მდებარეობდნენ; ახლა ეს ლარტაფი თბილისის წყალსაცავს უჭირავს. ლარტაფი დასავლეთიდან ჩაკეტილია მცირე სიმაღლის მოსწორებული მაღლობებით. მათგან ყველაზე უდიდესია განედური მიმართულების მახათას ქელი, რომელიც თავისი ტექტონიკური და მორფოლოგიური ბუნებით მთაწმინდის

ქედის გაგრძელება. მახათის ჩრდილოეთით მდებარეობს ქეძვის მთა (639 მ), ხოლო თბილისის წყალსაცავის თავში — ყენის მთა.

თბილისის მიდამოების თანამედროვე რელიეფი ხანგრძლივი პერიოდის განმავლობაში ყალიბდებოდა. ძირითადად მესამეული პერიოდის ტუფოგენური ქანებით, ტუფოგენური ქვიშაქვებით, ქვიშაქვებით და ფიქლებით აგებული თავდაპირველი მარტივი შეეცილი სტრუქტურა გაძლიერებული დენუდაციის შედეგად პენეპლენად იქცა, უკანასკნელი კი მტკვრის ეროზიულ-აუშუშლაციური და ახალგაზრდა ეპეიროგენეტული მოძრაობების შეხამებულად მოქმედების შედეგად საფეხურებად დანაწევრდა. ეს საფეხურები, პირველად ა. ჯანელიძის მიერ დადგენილი და დღეს უკვე უველასათვის კარგად ცნობილი, მდ. მტკვრის მარჯვენა და მარცხენა მხარეზე არსებული ტერასებია

საკვლევი ტერიტორიის ჰიდრომეტრიული განვითარების სურათი საკმაოდ თავისებურია. თბილისის მიდამოების თითქმის ნახევარი 390—800 მ სიმაღლეზე მდებარეობს (ზ. დ.) და შეესაბამება ქვაბულის ძირს. 800 მ-ზე ზემოთ ქვაბურის კალთები თანდათანობით მაღლდებიან 1600 მ-დე. 1600 მ მაღლა ტერიტორიის 1,1% მდებარეობს.

ჰიდროგრაფიული ქსელი. შედარებით მცირე ატმოსფერული ნალექები, ინტენსიური აორთქლება და მწირი მცენარეული საფარი ჰიდროგრაფიული ქსელის განვითარებისათვის არახელსაყრელ პირობებს ქმნის. ატმოსფერული ნალექების წლიური რაოდენობა არ უზრუნველყოფს მდინარეთა საზრდოობას მთელი წლის მანძილზე. ამიტომ ჰიდროგრაფიული ქსელი საკვლევ ტერიტორიაზე და განსაკუთრებით თბილისის ქვაბურის ძირში, ტრანზიტული მდინარეების გამოკლებით, ძირითადად მშრალი ხევებით და ხრამებითაა წარმოდგენილი. ქვაბურის ცენტრალურ ნაწილში, სადაც ატმოსფერული ნალექების წლიური რაოდენობა 450 მმ (დილომი) — 510 მმ (თბილისის ბოტანიკური ბაღი) ფარგლებში ცვალებადობს, რელიეფის დახრილობა უმნიშვნელოა (ქვაბურის ძირი) და ქვემო ქართლის მშრალი კლიმატის გავლენა გაძლიერებულია, ჰიდროგრაფიული ქსელი მეტად სუსტად არის განვითარებული. აქ ჩვენს მიერ 1:200000 მასშტაბიანი რუკის მიხედვით გა-

მონგარიშებული მდინარეთა ქსელის სიმპიდროვის კოეფიციენტი 0,0-0,2 ფარგლებში ცვალებადობს. ქვაბურის ძირიდან პერიფერიებისაკენ, ატმოსფერული ნალექების გაზრდასთან დაკავშირებით (წყნეთი 637 მმ, კოჯორი 745 მმ), ქსელის სიმპიდროვის კოეფიციენტი მატულობს, მაგრამ ეს მატება ყველა მიმართულებით ერთნაირი როდია; დასავლეთისაკენ სიმპიდროვის გაზრდა უფრო ეფექტურია, განსაკუთრებით მდ. ვერის აუზის შუა წელში, სადაც აღნიშნული კოეფიციენტი (მცირე ტერიტორიაზე) 1,0-ს აღემატება. 1,0 აღწევს სიმპიდროვის კოეფიციენტი მდ. მტკვრის ხეობის ძირზეც და გლდანის წყლის შესართავის რაიონშიც. დანარჩენ ტერიტორიაზე ქსელის სიმპიდროვის კოეფიციენტი 0,2—0,8 შორის ცვალებადობს.

განვიხილოთ მოკლედ თბილისის მიდამოების მდინარეთა ჰიდროგრაფიული თავისებურებანი.

მდ. მტკვარი თბილისის მიდამოების წყლების ეროზიის ადგილობრივი ბაზისია. იგი იწყება თურქეთის ფარგლებში, მაღალმთიან დაქობებულ გიოლის ქვაბულებში, 2742 მ სიმაღლეზე (ზ. დ.) და ერთვის კასპიის ზღვას — 26 მ სიმაღლეზე. მისი საერთო ვარდნა უდრის: სათავიდან შესართავამდე 2768 მ, ხოლო სათავიდან თბილისამდე — 2350 მ. საშუალო ვარდნა ყოველ ერთ კილომეტრზე თბილისამდე 4,65 მ. (იხ. ცხრილი 1).

მდ. მტკვარი თავისი საშუალო ვარდნის და სხვა ჰიდროგრაფიული და ჰიდროლოგიური ნიშნების მიხედვით მთის მდინარეთა ტიპს მიეკუთვნება. იგი მოედინება მრავალფეროვან ფიზიკურ-გეოგრაფიულ პირობებში, რის გამო მისი ჰიდროგრაფიული ქსელი, ქსელის საზრდოობის პირობები და მასთან დაკავშირებით ჰიდროლოგიური რეჟიმი, აუზის სხვადასხვა ნაწილებში სხვადასხვაგვარია.

თურქეთის ფარგლებში მისი აუზი მკვეთრი კონტინენტური კლიმატით ხასიათდება, მცენარეულობით ღარიბია და ქსელიც ნაკლებად განვითარებული აქვს. აუზის გეოლოგიურ აგებულებასთან დაკავშირებით, მდინარე ხან უფსკრულში ეშვებოდა და კლდოვან კალაპოტში მოქცეული მისი ბროლივით გამჭვირვალე წყალი საფეხურიდან საფეხურზე ჩანჩქერებად იღვრება, ხან გამოდის დაქობებულ ბრტყელ დაბლობზე და ისეთი მდორე დინება აქვს, რომ მოძრაობა არც კი ეტყობა ასეთ

მონაკვეთებზე იგი ტიპიურ ვაკის მდინარის შთაბეჭდილებას ტოვებს.

ჩვენი ქვეყნის ტერიტორიაზე მტკვარი მდ. კოდალას შესართავიდან გამოდის. აქ იგი შეზღუდულია აღმოსავლეთიდან ჯავახეთის ძალი ვულკანური ზეგნით, ხოლო დასავლეთიდან ერუშეთის, აგრეთვე, ვულკანური მთიანეთით. შიდა ქართლის ვაკეზე გამოსვლამდე კვლავ იკვლევს გზას ვიწრო ხეობაში, რომელიც ადგილ-ადგილ კანიონის ხასიათს იძენს. განსაკუთრებით ღრმადია ჩაძირული მდინარე ჩვენი ქვეყნის ხან დუხჭირი და ხან ბედნიერი წარსულის მოწმის თმოგვის ციხის მიდამოებში, სადაც მდინარის კალაპოტის სიგანე სულ რამდენიმე მეტრია, ხოლო სიღრმე ასეული მეტ-

რით ოზომება. თავისსავე გამოკვეთილ, თვალწარმტაც ბუნების მქონე ვიწრობაში ემწყვდება მტკვარი ბორჯომის რაიონში.

სულ სხვაგვარი ხასიათი აქვს მის ხეობას ახალციხის ქვაბურში, სადაც მას მისი უდიდესი შემდინარე (ზემო წელში) მდ. ფოცხოვი ერთვის. აქ იგი ფართო კალაპოტში ზღაზვნით მოედინება და ვრცელ ჰალაში ვეებერთელა მეანდრებს ქმნის. მნიშვნელოვანი მეანდრების წარმოშობის საშუალება ეძლევა მდინარეს ქართლის ვაკეზედაც, სადაც მთები საკმაოდ განზე იხევენ და მდინარე საკუთარ და შემდინარეთა მიერ დაფენილ ალუვიონში მიედინება. მდ. ქსნის შესართავს ქვემოთ მტკვარი კვლავ საკუთარი ძალ-ღონით გამოიშუშებულ

ცხრილი 1

თბილისის მიდამოების მდინარეების მორფომეტრიული ცხრილი

№-ს რიგზე	მდინარის დასახელება	სად ჩაედინება	მდინარის სიგრძე კმ-ით	აუზნის ფართობი კმ ² -ით	სიმაღლე ზღვის დონიდან მ-ით		მდინარის საერთო ვარდნა მ-ით	მდინარის დახრილობა	ქსელის განვითარების არაბანბრობის კოეფიციენტი
					სათავე	შესართავი			
1	მტკვარი (თბილისამდე)		505	21120	2742	394,0	2348	0,00469	—
2	ვერა	მტკვარი (მარჯვ)	45,2	193,8	1670	396,7	1273,3	0,02829	2,4
3	დიღმის წყალი	•	27,5	72,7	1300,5	408,3	892,2	0,03244	1,53
4	წავისის წყალი (ლეღეთა-ხევი)	•	11,5	27,4	1200,0	394,0	806,0	0,07008	2,3
5	ტაბანშელას წყალი	•	8,0	17,9	1000,0	392,0	608,0	0,07600	—
6	გლდანის წყალი	მტკვარი (მარცხ.)	20,0	82,5	1365,5	423,5	942,0	0,04710	0,76
7	ხეშმარა	•	14,4	62,3	1080,0	420,0	660,0	0,04586	3,0
8	ორხევი	•	16,0	46,74	1120,0	365,0	795,5	0,04969	0,92

მცხეთის ვიწრობაში შედის, საიდანაც ჩქარა დიღმის ვრცელ ვაკეზე დაბალ ნაპირებში იშლება. უკანასკნელ ვიწრობას მდინარე თბილისის ფარგლებში, მთაწმინდის და სოლოლაკის ანტიკლინების გარღვევის ადგილზე აჩენს, რომლის შემდეგ ქვემო ქართლის დაცემულ ველზე გაივსება.

მტკვარი ჩქარი მდინარეა. მის კალაპოტში ხშირად გვხვდება ქორომები, ჩქერები, მუხლები; ჩვეულებრივ პირობებში მისი სიჩქარე 1,0 — 1,5 მ/სეკ. შეადგენს, წყალიდობის დროს კი 6 მ/სეკ. აღწევს.

საქართველოს სამხრეთ მთიანეთის ფარგლებში მტკვარი განსაკუთრებით წვიმებით, სეზონური თოვლით და წყაროებით საზრდოობს. ამიტომ მისი რეჟიმი მთლიანად ატმოსფერული ნალექების წლი-

ურ განაწილებასთან არის დაკავშირებული. ცოტად თუ ბევრად მოწესრიგებული ხდება მტკვარი ს. ხერთვისთან, სადაც მდ. ფარაენის ფარაენის ტბის წყალი შეაქვს მასში. შიდა ქართლის ვაკის ფარგლებში მტკვრის საზრდოობაში მონაწილეობს კავკასიონის ყინვარები და მარადი თოვლიც, რომელთა წყალს მას ლიახვი, ქსანი და არაგვი აწვდიან. ამიტომ თბილისთან, შორიდან მოტანილი წყლების ხარჯზე, მტკვარი უკვე საკმაოდ წყალუხვ მდინარეს წარმოადგენს.

მტკვრის ვრცელ აუზში ღვარცოფული მოედინებებიც ხშირია. ღვარცოფული (ტურბულენტური) ხასიათის მდინარეები მას ერთგვიან ვარძიის კლდის ქალაქსა და თმოგვის ციხეს შორის, ბორჯომის ხეობაში, შიდა ქართლის ვაკეზე და

თბილისის მიდამოებშიც. ღვარცოფების მოვარდნა აქ თითქმის ყოველთვის აუზისათვის დამახასიათებელ თავსხმა წვიმებთან არის დაკავშირებული.

მდ. ვერა იწყება სოფ. მოხისის ჩრდილო-აღმოსავლეთით დიდგორის ქედის სამხრეთ კალთებზე.

მისი აუზი საერთოდ წაგრძელებულია და ვიწროდ არის განვითარებული.

საშუალო სიგანის მიხედვით (იხ. ცხრ. 2) იგი მიეკუთვნება წყალგაუმტარ აუზთა ტიპს, რაც მისი წყლიანობის რეჟიმის თავისებურ ხასიათს აპირობებს.

ცხრილი 2

თბილისის მიდამოების მდინარეთა აუზების მორფომეტრიული დახასიათება

მდინარის დასახელება	უდიდესი სიგრძე კმ-ით	აუზის უდიდესი სიგანე კმ-ით	აუზის საშ. სიგანე კმ-ით	აუზის წყალგაუმტარობა	აუზის ასიმეტრიული ხის კოეფიციენტი
მტკვარი					
დიდშის წყალი	19,0	9,0	3,6	გაუმტარი	2,0
ჟირა	30,0	10,0	6,4	"	0,2
წავეისის წყალი	9,0	3,4	3,0	"	2,0
ტაბახმელის წყალი	8,4	3,4	2,1	"	2,0
გლდანის წყალი	16,0	13,0	3,9	"	2,0
ხევძმარა	12,8	7,6	4,8	"	0,5
ორხევი	13,6	5	1,1	"	2,0

აუზის ტერიტორიის უდიდესი ნაწილი მთიანია და შუა და ქვემო წელში ტერასებიანი რელიეფით ხასიათდება, თუმცა ტერასების მთლიანობა ვერას შემდინარეთა ეროზიული მოქმედების შედეგად დარღვეულია და მდინარეთა ღრმა და ვიწრო ხეობებითაა დანაწევრებული.

ზემო და შუა წელში, სადაც აუზის აგებულებაში ფიქლებრივ თიხებთან, ქვიშაქვებთან და მერგლებთან ერთად ტუფოგენური ქანებიც მონაწილეობენ, მდინარის ხეობა წყალგამყოფი ზედაპირებიდან ღრმად და ვიწროდაა ჩაჭრილი და ხეობის გარდიგარდმო კვეთი „V“ ფორმისაა. ხეობის მნიშვნელოვნად დახრილი ფერდობების ძირში, რომელთა სიმაღლე მდინარის დონიდან 350—400 მეტრამდეა, შემდინარეთა შესართავებთან ხშირად გვხვდება გამოზიდვის კონუსები, ხოლო მდინარის კალაპოტში ქორომები. ქვემო წელში, სადაც აუზის აგებულებაში ძირითად ქანებთან ერთად ტბურად ნალექებიც მონაწილეობენ, ხეობის ფსკერი საკმაოდ გაფართოებულია და მდინარეს კარგად გამოუმუშავებული ჰალა და ჰალის ზედა ტერასი აქვს; უქანასკნელი ათვისებულია და ბალებისა და ბოტნებისათვის არის გამოყენებული.

ზემო წელში ვერის ხეობის ფერდობები შემოსილია მუხისა და რცხილის ტყით, ქვემოთ მათ მისდევს ჯაგარცხილა, არიდული თხელი ტყე და ბუჩქნარი.

მდ. ვერა თავისი თვისებებით მთის მდინარეა და საკმაოდ მნიშვნელოვანი ვარდნა და დახრილობა ახასიათებს (იხ. ცხრ. 2).

შენაკადთა სისტემა მდინარეს ასიმეტრიულად აქვს განვითარებული (იხ. ცხრ. 2). მას სულ 49 დიდი და პატარა მდინარე ერთვის, მათგან 57,2% მარცხენა შემდინარეებს წარმოადგენენ. ჩვენ მიერ გამოანგარიშებული ნაქადების სიხშირის კოეფიციენტი აუზში 0,25 შეადგენს, რაც მდინარის ქსელის სუსტი განვითარების მაჩვენებელია.

მდ. ვერას შემდინარეთაგან სიდიდის მიხედვით აღსანიშნავია: კვესეთის წყალი, ბეთანის წყალი, ლასტის ციხის ხევი, ვენახების წყალი, სურდოს-ხევი და იფნარის ხევი.

მდ. დიდშის წყალი იწყება დიდგორის ქედის აღმოსავლეთ კალთებზე (იხ. ცხრ. 1); ერთვის მტკვარს მარჯვნიდან, თბილისის ჩრდილოეთით. მისი აუზი განვითარებულია განედური მი-

მართლებით და, საშუალო სიგანის მიხედვით, წყალგაუმტარ აუზთა ტიპს მიეკუთვნება. ზემო წელში დიდგორისა და საწყებელა-სათოვლიან ტყით შემოსილ ქედებს შორის, სადაც რელიეფის დახრალობა მნიშვნელოვანია, წყლის ეროზიული მუშაობა ძირითადად სიღრმით არის მიმართული და მდინარე ტურფოგენურ ქანებში „V“ ფორმის ღრმა ხეობას გამოკვეთს. დიღმის წყალი ამ ნაწილში მნიშვნელოვნად დახრილ და ვიწრო კალაპოტშია მომწყვდეული. დაახლოებით 800 მ სიმაღლეზე (ზ. დ.) მდინარე ქვიშაქვებში და თაბაშირიან თიხებში გავრის. ხეობის ძირა იწყებს გაფართოებას, მდინარის დახრილობა მცირდება და თბილისის ქვაბურის ძირზე უმნიშვნელო ხდება. აქ მდინარე მოედინება განიერ, დაბალნაპირებიან კალაპოტში და საქმაოდ ფართო, რიყის ქვით უხვად დაფენილ და მცენარეულ საფარს მოკლებულ ქალას აჩენს.

მდ. დიღმის წყალს შენაკადთა სისტემა სუსტად აქვს განვითარებული (ნაკადების სიხშირის კოეფიციენტი 0,15 შეადგენს); შემდინარეები (რაოდენობით დაახლოებით 11) მხოლოდ ზემო და შუა, მთიან ნაწილებში აქვს. ქვემო წელში, რომელიც დიღმის ველის ფარგლებშია მოქცეული, რელიეფის უმნიშვნელო დახრილობის, დიდი აორთქლებისა და მცირე ნალექიანობის გამო, არც ერთი მუდმივი მდინარე არ ერთვის.

მდ. წავკისის წყალი, რომელსაც კიდევ ლეღთა ხევის უწოდებენ, უძოს ქედის სამხრეთ კალთებზე იწყება და ერთვის მტკვარს მარჯვნიდან, თბილისის ფარგლებში.

თბილისის მიდამოების მდინარეებიდან ეს მდინარე თავისი ჰიდროგრაფიული და ჰიდროლოგიური თავისებურებებით განსხვავებულია, ხასიათდება ახალგაზრდა მდინარის ყველა ნიშნებით — გამოუმუშავებელი გასწვრივი პროფილით, დიდი დახრილობით (იხ. ცხრ. 1), მაღალი ჩანჩქერებით და ქოროვებით. ზემო წელში, ფიქლებრივ თიხებში და ქვიშაქვებში გამოუმუშავებული მისი აუზი გაშლილია და ხეობის ფერდობები მდინარისაკენ საფეხურებრივად ეშვება. ხეობის განიერ ძირზე მდინარის კალაპოტი თითქმის გამოუმუშავებელია და, ჩვეულებრივ პირობებში, ლელეს მოგვაგონებს.

შუა წელიდან წავკისის წყალი ტუფოგენურ ქანებში შედის და ხეობის მორფოლოგიური სურათიც იცვლება; იგი ერთბაშად ვიწროვდება და

კოჯრისაკენ მიმავალი გზატკეცილის მარცხენა მხარეზე, ბოტანიკური ბაღის მიდამოებში, ტიპურ ვიწრობად იქცევა. მდინარის კალაპოტის დახრილობა მკვეთრად მატულობს, უჩნდება ქოროვები და ჩანჩქერები. ხეობის ძირი მოფენილია ნაკლებად დამუშავებული ღორღით, რომელიც უმთავრესად ხეობის ფერდობებიდან დაშვებული ღვარების მიერ არის მოტანილი და მათ შესართავებთან გამოზიდვის კონუსებადაა დაფენილი; საქმაო გავრცელება აქვთ გამოფიტვის კონუსებსაც. ხეობაში აქა-იქ შეინიშნება დაკიდული ხრამების შესართავები და სტრუქტურული ტერასების ფრაგმენტები. წავკისის წყლის აუზი სიგრძეზე წაგრძელებულ და სიგანეზე თითქმის თანაბრად განვითარებულ აუზთა ტიპს მიეკუთვნება. აუზი საერთოდ ვიწროა, უდიდესი და საშუალო სიგანე თითქმის თანაბარი აქვს (იხ. ცხრ. 2) და საშუალო სიგანის მიხედვით წყალგაუმტარია.

წავკისის წყლის სისტემა ასიმეტრიულია (იხ. ცხრ. 1), ამასთან შემდინარეები, რაოდენობით სულ ხუთი, მხოლოდ ზემო და შუა წელში აქვს ნაკადების სიხშირის კოეფიციენტი=0,18).

წავკისის წყლის ზემო წელს მარაოსებურად გაშლილი და შევიწროებული ტრანზიტული ნაწილი თბილისის მიდამოების კონტინენტური კლიმატის პირობებში მეტად ხელსაყრელია ჩამონადენის სწრაფი ფორმირებისათვის. ამიტომ თავსხმა წვიმების დროს მისთვის დამახასიათებელია უეცარი წყალმოვარდნა, რომელიც ხშირად ტურბულენტური ტიპის ღვარცოფის ხასიათს ატარებს და ინტენსიური თავსხმების შემთხვევაში კატასტროფულ ხასიათს იძენს.

განხილული აუზი მდიდარია მიწისქვეშა წყლებით, რომელთაც მდინარის საზრდოობაში მნიშვნელოვანი წვლილი შეაქვთ. განსაკუთრებით აღსანიშნავია ქვემო წელში უშუალოდ მდინარის ხეობაში გამომდინარე და საყოველთაოდ განთქმული გოგირდწყალბადიანი თერმული წყაროები, რომელნიც თაბორის ქედის ჩამოკვეთილ ჩრდილო ფერდობიდან გამოედინებიან.

მდ. გლდანის წყალი, ანუ როგორც კიდევ უწოდებენ — ლელუბნის წყალი, მოედინება საგურამო-იალონის ქედის სამხრეთ კალთებიდან კურსიკიანთ-ჩრდილის მთის ჩრდილო-აღმოსავლეთით და ერთვის მდ. მტკვარს მარცხნიდან, ს. ქვემო ავჭალის მიდამოებში.

სათავედან სოფ. ქამკოდამდე გლდანის წყალი სუგურამო-ალონის ქედის სამხრეთ კალთებში, საუცხოო ტყით შემოსილ ვიწრო და ღრმა ხეობაში მოედინება და ტიპური მთის მდინარის თვისებები აქვს. აღნიშნული სოფლის ქვემოთ ხეობა ფართოვდება და მდინარეც ფართო, რიყის ქვით აგებულ დაბალნაპირებიან კალაპოტში ექცევა.

სათავედან დაახლოებით 800 მ (ზ. დ.) სიმაღლის ზონამდე გლდანის წყალი დიდი დახრილობით ხასიათდება და კალაპოტში მცირე სიმაღლის საფეხურებს ქმნის. ქვემო წელში დახრილობა მცირდება, მაგრამ ვერასთან და დიღმის წყალთან შედარებით მაინც მნიშვნელოვანია. აუზის ზემო წელი განვითარებულ აუზთა ტიპს მიეკუთვნება.

გლდანის წყალიც ხასიათდება განუვითარებელი და ასიმეტრული სისტემით, რომელსაც 12 დიდი და პატარა მდინარე ქმნის (ნაკადების სიხშირის კოეფიციენტი=0,19).

ზემოთ აწერილი მდინარეების გარდა, თბილისის მიდამოებში ბევრია მშრალი ხეობები და პერიოდულად მოქმედი მდინარეები. მათ შორის აღსანიშნავია: ხევეძმარა და ორხევი მარცხენა მხარეზე და ტაბახმელის წყალი მარჯვენა მხარეზე. ამ მდინარეების რეჟიმი ძირითადად ატმოსფერულ ნალექებთან არის დაკავშირებული, რის გამო წყლიანობა უმთავრესად გაზაფხულის პერიოდში ახასიათებთ, მშრალ პერიოდში კი ან სრულიად შრებიან ანდა უმნიშვნელო ჩამონადენი აქვთ.

თბილისის მიდამოების მდინარეები, მტკვრის გამოკლებით, ძირითადად წვიმის და მიწისქვეშა წყლებით საზრდოობენ. თოვლის წყლების მონაწილეობა, ისიც მცირე, მათ საზრდოობაში შეინიშნება მხოლოდ ვერას, დიღმის წყლის და გლდანის წყლის რეჟიმში. ასეთი საზრდოობის შესაბამისად ისინი მცირე თუ დიდი წყალუხვობით მხოლოდ გაზაფხულის პერიოდში ხასიათდებიან. მათი რეჟიმი მთლიანად ატმოსფერული ნალექების წლიური განაწილებით და გაზაფხულის პერიოდში ჰაერის ტემპერატურების მსვლელობით არის განსაზღვრული. როგორც ცნობილია, თბილისის მიდამოებში გაზაფხულის პერიოდი მეტად ხანმოკლეა და ხშირად ზამთრის სიციფეები ზაფხულისათვის ჩვეული სიცხეებით იცვლება. ასეთი თერმული რეჟიმი აუზის მთიან ნაწილებში ზამთარში დაგროვილი თოვლის ერთბაშად დნობას იწვევს;

წვიმებ-ც, როგორც ყველა არიდული კლიმატის მქონე ქვეყნებში. აქაც ამ პერიოდშია დასახასიათებელი და უმეტესწილად თავსხმის ხასიათისა. ამიტომ საკვლევი ტერიტორიის მდინარეების რეჟიმი ხასიათდება გაზაფხულის უცარი და მოკლე პერიოდის წყალდიდობით, ზამთრის და ზაფხულის ხანგრძლივი დაცხრომით და შემოდგომის მცირე წყალდიდობით.

თბილისის მიდამოების პიდროგრაფიული ქსელის მნიშვნელოვან ობიექტს წარმოადგენენ პატარა ტბებიც, რომელთა ნაწილი მდინარეული წარმოშობისაა, ხოლო ნაწილიც ტექტონიკური. გარდა ბუნებრივი ტბებისა თბილისის მიდამოებში არსებობს ხელოვნური წყალსაცავი, რომელსაც ხალხმა თბილისის ზღვა უწოდა.

თბილისის მიდამოების ბუნებრივ ტბებს შორის ყველაზე დიდია ლისის ტბა, რომელიც მტკვრის მარჯვენა ნაპირზე ლისის ქედის მობრტყელებულ თხემზე, 640 მ სიმაღლეზე (ზ. დ.) მდებარეობს.

ტბის აუზის ფართობი 15,4 კმ² შეადგენს. იგი ოითქმის მრგვალი ფორმისაა (სიგრძე დაახლოებით 1 კმ, სიგანე 800 მ-დე). ტბა მდინარეული წარმოშობისაა და მდებარეობს მტკვრის მარჯვენა შენაკადის კალაპოტში, რომლის წყალი უფრო მძლავრმა საბურთალოს წყალმა მოიტაცა.

ლისის ტბა საზრდოობს ძირითადად ატმოსფერული ნალექებით და მცირე დებიტის მქონე წყაროებით.

ტბა თხელწყლიანია, მისი უდიდესი სიღრმე 4 მ არ აღემატება, იგი თითქმის სიბერის სტადიაშია შესული და ნაპირების მობალახიანებისა და დიდი აორთქლების გამო მისი სარკის ფართობი წლითიწლოებით მცირდება.

ტბის თანდათანობითი, ნელი დაშრობის ნიშანს წარმოადგენს ჩრდილო სანაპიროს გასწვრივ არსებული ასეული მეტრის სიგანის დაქაობებული ზოლი და დასავლეთ სანაპიროზე განვითარებული ლერწმის ვრცელი რაყა.

ტბიდან გამოდის არხი, რომლის სიღრმე 2—2,5 მ შეადგენს. ამ არხის საშუალებით ლისის ტბის წყალი საბურთალოს მშრალი ველის მოსარწყავად არის გამოყენებული, თუმცა ტბიდან გამონადენი დიდი არ არის. დონეები განიცდის სეზონურ რყევას. გაზაფხულზე წვიმების დროს ის მძალაია, ზამთარში და ზაფხულში კი ძლიერ მცირდება.

გლდანის დიდი ტბა. მდებარეობს მდ. მტკვრის მარჯვენა მხარეზე, სოფ. გლდანის აღმოსავლეთით 505 მ სიმაღლეზე (ზ. დ.). ტბა წაგრძელებულია 900 მ სიგრძეზე. საზრდოობს ატმოსფერული ნალექებით და მლაშე და მწარე წყაროებით, რის გამო იგი დაჟალაშებული და იხტიოფაუნასაც საესებით მოკლებულია. ტბა სიბერის სტადიაშია, მისი სარკის ფართობი თანდათანობით მცირდება. სანაპიროები დიდ სივრცეზე მლაშობის ღარიბი ბალახი მცენარეულობითაა დაფარული.

კუხ ტბა. მდებარეობს დავითის ქედის კალთების ძირში 691 მ სიმაღლეზე (ზ. დ.). მისი სარკის ფართობი 0,02 კმ² შეადგენს. ტბა ტექტონიკური წარმოშობისაა.

საზრდოობს მხოლოდ და მხოლოდ ატმოსფერული ნალექებით, ამიტომ მისი ღონეების რეჟიმი დამოკიდებულია ატმოსფერული ნალექების წლიურ განაწილებაზე. ტბა განიცდის მობალახიანებას.

თ ბ ი ს ი ს ზ ლ ე ა, თბილისელების საყვარელი დასასვენებელი ადგილი, როგორც ჰიდროლოგიური, ასევე ეკონომიური თვალსაზრისით საინტერესო ობიექტს წარმოადგენს. როგორც ცნობილია, ეს „ზღვა“ ქართველმა ხალხმა შექმნა სულ ახლო წარსულში, თბილისის მიდამოების ნახევრად უდაბნო და საესებით გამოუყენებელ ადგილზე, სადაც ადრე მლაშე ტბები მდებარეობდნენ.

ზღვა საზრდოობს მდ. იორის ცივი და მტკნარი წყლით ზედა მაგისტრალური არხის საშუალებით. ქვედა არხის გზით თბილისის ზღვის წყალი აცოცხლებს სამგორის თვალუწვდენელ მშრალ ველს.

თბილისის ზღვის მორფომეტრიული ელემენტები, ღონეების რეჟიმთან დაკავშირებით, ცვალებადია. გაზაფხულზე (მარტი, აპრილი), იორზე წყალდიდობის დადგომასთან დაკავშირებით, ზღვის უდიდესი სიღრმე 42 — 43 მ უდრის. ამის შესაბამისად იზრდება მისი სარკის ფართობი და მოცულობა (მოც. — 322,5 მილ. მ³). ზაფხულში, იორის ჩამონადენის შემცირებასა და რწყვასთან დაკავშირებით, სიღრმეები თანდათანობით მცირდება და მინიმუმს სექტემბერ-ოქტომბერში აღწევს; სიღრმე სექტემბერში შეადგენს 30 მ, მოცულობა — 172,5 მილ. მ³. ზამთარში აორთქლებისა და რწყვის შემცირებასთან დაკავშირებით აღნიშნული ელემენტები კვლავ იზრდებიან; იანვარში სიღრმე 38 მ უდრის, წყლის მოცულობა კი 255 მილ. მ³.

უდიდესი სიღრმეების პერიოდში ზღვის სიგრძე 12 კმ აღწევს, სიგანე 2,5 კმ, ხოლო სარკის ფართობი დაახლოებით 30 კმ².

ტბის წყლის მაქსიმალური გამჭვირვალობა, რაც მას ზამთრის პერიოდში ახასიათებს, შეადგენს 9,4 მ, მინიმალური — 2—3 მ.

თბილისის ზღვას შიდა წყალსატევის თითქმის ყველა დამახასიათებელი ნიშნები აქვს, ოღონდ სუსტად გამოხატული: წყლის შემოსავალ-გასავალთან დაკავშირებით, წლის მანძილზე განიცდის ღონეების მნიშვნელოვან რყევას, გაზაფხულზე ხასიათდება უმაღლესი ღონეებით, ზაფხულისაკენ, ინტენსიური აორთქლებისა და რწყვაზე დანახარჯის გავლენით, ღონეები კლებულობს და მინიმუმს სექტემბერში აღწევს. შემოდგომიდან, აორთქლებაზე და რწყვაზე დანახარჯის შემცირებასთან დაკავშირებით, ღონეები ისევ მატულობს, მაგრამ გაზაფხულის ღონეებზე მაინც დაბალია, რადგან იორის ჩამონადენიც შემცირებულია. ახასიათებს დეღვა და, ქარებთან დაკავშირებით, წყლის მიდენ-მოდენის მოვლენებიც. დროთა განმავლობაში წყლის ეროზიულ-აკუმულაციური მოქმედების შედეგად მას პლაჟიც გამოუმუშავდება და ნამდვილ ზღვად იქცევა.

თბილისის ზღვაში სულ მოკლე პერიოდის განმავლობაში გაჩნდა და გამრავლდა იხტიოფაუნა, რომელსაც ახლო მომავალში სამრეწველო მნიშვნელობა მიეცემა. ამჟამად წყალსაცავში თევზების ათამდე სახეობა ცხოვრობს. მათგან აღსანიშნავია: წყალსაცავის კალმახი, ქაშაყი, მტკვრის წვერა, მურწა, ჭანარი, კობრი, აღმოსავლეთის ჩქარულა, მტკვრის ნაფოტა და სხვ.

მდ. მტკვრისა და ვერას წყლიანობის რეჟიმი თბილისთან

ქ. თბილისთან მდინარეების წყლიანობის რეჟიმის შესასწავლად ჰიდრომეტრიული მასალები მხოლოდ მდ. მტკვარსა და ვერას გააჩნია. მდ. მტკვრის წყლიანობაზე დაკვირვების პერიოდი 47 წელს მოიცავს (1863 — 1865; 1912—1955 წწ.), მდ. ვერასი კი 10 წელს არ აღემატება. ორთავე ჰიდროლოგიური სადგურის ჰიდრომეტრიული მასალები დიდი ხარვეზებით ხასიათდება. ზოგიერთი წლის ხარჯები კი აღდგენილია ჰიდროლოგიაში

ცნობილი სხვადასხვა ხერხებით. აღდგენილი ხარჯები თუშკა მიახლოებითაა, მაგრამ ჩაინც საშუალებას იძლევა აღნიშნული მდინარეების წყლიანობის რეჟიმის დასახასიათებლად.

მდ. მტკვარს საქართველოს ფარგლებში თბილისის ზევით მრავალი შემდინარე ერთეის. ზოგიერთი მათგანის შესახებ ცნობები № 3 ცხრილშია მოყვანილი.

ცხრილი 3

მდ. მტკვარის შემდინარეების მოზოფოგრაფიული მაჩვენებლები

მდინარე	რომელი მხრიდან ერთეის	მდინარის მდინარეების მდინარეების მდინარეების მდინარეების	
		წლიური მინიმუმი კმ ³ -ით	ჩამოსდინების მოცულობა ლ/წ-ში
ფარავნის წყალი	მარჯვნიდან	0,628	8,60
ფოცხოვი	მარცხნიდან	0,713	13,1
ზავი წყალი	მარჯვნიდან	0,082	16,1
დ. ლიახვი	მარცხნიდან	0,823	25,3
ტანა	მარჯვნიდან	0,042	5,10
ქსანი	მარცხნიდან	0,331	22,8
არაგვი	მარცხნიდან	1,409	23,5
ჰრა	მარჯვნიდან	0,025	4,3

როგორც ჩანს, მდ. მტკვარის მარჯვენა მხარის შემდინარეები, რომელნიც სამხრეთ მთიანეთში იღებენ. სათავეებს და მშრალ კლიმატურ ზონაში მიმდინარეობენ, შედარებით მცირე წყლიანობით ხასიათდებიან, ვიდრე მარცხენა მხარის შემდინარეები, რომელნიც კავკასიონის ქედის სამხრეთ კალთებიდან ჩამოედინებიან და საზრდოობის პირობები უკეთესი აქვთ. ამიტომ მათი წყლიანობა დიდად ჰარბობს მარჯვენა მხარის შემდინარეების წყლიანობას.

მდ. მტკვარის მრავალწლიური საშუალო ხარჯი (ნორმა) 204 მ³/წ უდრის, ჩამონადენის მოდული აუზის თითოეულ კვადრატულ კილომეტრზე 9,14 ლ/წ-ს არ აღემატება. წლიური საშუალო ხარჯების რყევადობის მაჩვენებელი—ვარიაციის კოეფიციენტი 0,21-ის ტოლია. მრავალწლიური საშუალო ხარჯიდან (ნორმიდან) კვადრატული გადახრის ცდომილება პროცენტებში 2,91%-ს უდრის.

თბილისთან მდ. მტკვარს 47 წლის მანძილზე ყველაზე მცირე წყლიანობა 1918 და 1947 წწ. ჰქონდა. 1918 წლის საშუალო ხარჯი 108 მ³/წ და 1947 წელს 139 მ³/წ იყო. ყველაზე წყალუხვი

1940 წელი აღმოჩნდა. მტკვარის წლიური საშუალო ხარჯი 325 მ³/წ უდრდა. აღნიშნულ წლებში მდ. მტკვარის მცირე წყლიანობა გამოიწვია მცირე ატმოსფერული ნალექების მოსვლა. 1918 წლის წლიური ატმოსფერული ნალექების ჯამი საშუალოდ აუზში 553 მმ არ აღემატებოდა, რაც ნორმაზე 28%-ით ნაკლები იყო, ხოლო 1947 წლის ნალექების ჯამი ნორმაზე 23%-ით ნაკლები აღმოჩნდა.

1940 წლის წყალუხვობა გამოიწვია უხემა ატმოსფერულმა ნალექებმა. ამ წლის ატმოსფერული ნალექების ჯამი აუზში საშუალოდ 983 მმ უდრიდა, რაც 30%-ით მეტი იყო ნორმაზე. ცივი პერიოდის ატმოსფერული ნალექების რაოდენობა წლიური ჯამის 40% შეადგენდა, თბილი პერიოდისა კი 60%.

ამგვარად, მდ. მტკვარის წლიურ საშუალო წყლიანობას, მის წლიდან წლამდე რყევადობას თბილისთან, აუზის ფიზიკურ-გეოგრაფიული პირობები, კერძოდ კი აუზში მოსული ატმოსფერული ნალექების რაოდენობა, მისი ცივ და თბილ პერიოდებში განაწილება განაპირობებს.

მდ. ვერას წლიურ საშუალო ხარჯების 10-წლიან რიგში მცირეწლიანი 1947 წელი იყო (0,26 მ³/წ), წყალუხვი კი 1952 წელი (1,22 მ³/წ).

1947 წლის წყალმცირობა გამოიწვია მცირე ნალექების (365 მმ) მოსვლამ (ნორმაზე ნაკლები 30%-ით), ხოლო 1952 წლის წყალუხვობა იმავე წლის უხემა ნალექებმა (ნორმაზე მეტი 37%-ით).

ქ. თბილისთან მდ. მტკვარისა და ვერას წყლიანობის განაწილების მკაფიო სურათს აღნიშნული პერიოდისათვის წლიური საშუალო ხარჯების რიგის უზრუნველყოფა იძლევა, რომელიც მოცემულია № 4 ცხრილში.

ცხრილიდან ჩანს, რომ 0,1% უზრუნველყოფის ხარჯი—362 მ³/წ—ათასი წლის განმავლობაში უნდა განმეორდეს ერთხელ, ხოლო 316 მ³/წ ხარჯი კი 100 წელიწადში ერთხელ. ფაქტიურად 1940 წლის საშუალო ხარჯი 325 მ³/წ უდრიდა. 99% უზრუნველყოფის ხარჯი 118 მ³/წ-ის ტოლია, მაგრამ მასზე ნაკლებ ხარჯს ადგილი ჰქონია 1918 წელს

1 მდ. მტკვარის აუზის საშუალო ატმოსფერული ნალექების წლიური ჯამი გამოანგარიშებულია შემდეგი მ/სადგურების მონაცემებით: თბილისის, ბურსაქორის, დუშეთის, გუდაურის, როკას, სტალინის, გორის, ბაკურიანის, ბორჯომის და ორმოის 15-წლიანი პერიოდისათვის.

(108 მ/წ). 50% უზრუნველყოფა მდ. მტკვრისა და ვერასი ქ. თბილისთან უახლოვდება მრავალწლიური საშუალო ხარჯების ოდენობას და მათგან მცირედ გადაიხრება.

თბილისთან მდ. მტკვრისა და ვერასი წლიური საშუალო წყლიანობა წლის ცივ და თბილ (სავეგეტაციო) პერიოდებში არათანაბარი განაწილებით ხასიათდება. ეს უკანასკნელი კარგად ჩანს ქვემოთ მოყვანილი № 5 ცხრილიდან.

მდ. მტკვრის ჩამონადენი თბილისთან წლის ცივ პერიოდში წლიური წყლიანობის მხოლოდ 22% შეადგენს, დანარჩენი 78% თბილ პერიოდში (სავეგეტაციო პერიოდში) ჩამოედინება. მდ. ვერასთვის კი ცივი პერიოდის ჩამონადენი 27% უდრის. თბილი პერიოდისა — 73%. ცივ და თბილ პერიოდებს შორის წლიური წყლიანობის არათანაბარი განაწილება უნდა აიხსნას ამავე პერიოდში

ცხრილი 4

მდ. მტკვრისა და ვერასი წლიური საშუალო ხარჯების უზრუნველყოფა %-ში

მდინარე	ჰ.სადგური	წლიური ხარჯი მ ³ /წ.	ვარიაციის კოეფიციენტი		უზრუნველყოფა პროცენტებში													
			C _r	C _s	0,1%	1%	3%	5%	10%	25%	50%	75%	90%	95%	97%	99%	99,9%	
მტკვარი ვერა	თბილისთან	204 1,79	0,21 0,40	0,42 0,80	362 2,11	316 1,69	292 1,48	279 1,37	261 1,21	231 0,97	201 0,74	171 0,56	155 0,42	139 0,35	132 0,32	118 0,24	93,9 0,15	

აუზში მოსული ატმოსფერული ნალექების არათანაბარი განაწილებით, ჰაერის ტემპერატურების სხვადასხვაობით, აუზის რელიეფის ჰიფსომეტრიული განვითარებით და სხვ.

მტკვრის აუზში საშუალო ატმოსფერული ნალექების წლიური ჯამის 30% ცივ პერიოდში თოვლის სახით მოდის. მისი როლი ამავე პერიოდში მდინარეების საზრდოობაში უმნიშვნე-

ლოა. ამ დროს მდინარეები მხოლოდ და მხოლოდ გრუნტის წყლებით საზრდოობენ, რადგან ჰაერის დაბალი ტემპერატურის გამო, განსაკუთრებით აუზის მაღალმთიან ზონაში, თოვლის დნობა არ მიმდინარეობს და თოვლი თბილ პერიოდამდე რჩება. აუზის დაბლობ ზონაში კი ზოგიერთი წლის ცივ პერიოდში დადებითი ტემპერატურის გამო

ცხრილი 5

ქ. თბილისთან მდ. მტკვრისა და ვერასი წლიური საშუალო წყლიანობისა და წლიური ატმოსფერული ნალექების ჯამის განაწილება ცივი და თბილი პერიოდების მიხედვით

მდინარე	ჰ.სადგური	წლიური საშუალო ნალექი მმ-ით	წლიური ხარჯი მ ³ /წ.	ცივი პერიოდი				თბილი პერიოდი			
				აბსოლუტური	წლიური	% წლიური	ჯამით	აბსოლუტური	წლიური	% წლიური	ჯამით
მტკვარი ვერა	თბილისთან	804	288	250	30%	62	22%	554	76%	226	78%
	"	497	142	145	29%	39	27%	352	71%	103	73%

თოვლი დნება, რაც მდინარის წყლიანობას ოდნავ ზრდის და ცივი პერიოდის წყალმცირობის მდგრადობას არღვევს. ამგვარად, თბილისთან მდ. მტკვრის ცივი პერიოდის წყალმცირობას იმავე პერიოდის ატმოსფერული ნალექების სიმცირე, მისი მყარი სახით მოსვლა და ჰაერის უარყოფითი ტემპერატურა განაპირობებს.

წლის თბილ პერიოდში მტკვრის აუზში საშუალო ატმოსფერული ნალექების წლიური ჯამის 70% მოდის წვიმის სახით, რომელიც მდინარისათვის აქტიურ მასაზრდოველ წყაროს წარმოადგენს. იმავე პერიოდში ჰაერის დადებითი ტემპერატურების გამო ცივ პერიოდში დაგროვილი თოვლის ინტენსიური დნობა წარმოებს. წვიმისა

და თოვლის წყლის ერთობლივი მოქმედება განაპირობებს მდ. მტკვრის უხვ წყლიანობას თბილ პერიოდში.

მდ. ვერას წლიური ჩამონადენიდან 27% მოდის ცივ პერიოდზე. 73% კი თბილ პერიოდზე. ცივ პერიოდში ჩამონადენის ოდნავი ზრდა, მტკვართან შედარებით, აიხსნება არა ატმოსფერული ნალექების სიდიდით, არამედ ვერას აუზის ჰიდრომეტრიული ხასიათით. აუზის დაბალი ჰიდრომეტრიული მდებარეობის გამო ხშირად ცივ პერიოდში ჰაერის დადებითი ტემპერატურების გამო თოვლი დნება, არის შემთხვევები, როდესაც ნოემბერსა და დეკემბერში წვიმებიც მოდის, ეს მოვლენები კი წლიურ ჩამონადენში ადიდებს ცივი პერიოდის ჩამონადენს და ამცირებს თბილი პერიოდის წყლიანობას (იხ. ცხრ. № 5).

თბილისთან მდ. მტკვრის ცივი პერიოდის მრავალწლიური საშუალო ხარჯი (ნორმა) 110 მ³/წ უდრის, თბილი (საევეგეტაციო) პერიოდისა კი 270 მ³/წ. ცივი პერიოდის წლიური საშუალო ხარჯების რყევადობის მაჩვენებელი ვარიაციის კოეფიციენტი 0,28-ის ტოლია, თბილი პერიოდისა

—0,23. როგორც ჩანს, მდ. მტკვრის წყლიანობა წლიდან წლამდე ცივ პერიოდში უფრო დიდი რყევადობით ხასიათდება, ვიდრე თბილ პერიოდში. ცივი პერიოდის წყლიანობის დიდი რყევადობის მიზეზი უნდა იყოს აუზში ასევე პერიოდში ჰაერის ტემპერატურების არათანაბარი ტერიტორიული განაწილება. ცივ პერიოდში აუზის დაბლობ ზონაში გაცილებით მაღალი ტემპერატურებია, ვიდრე მაღალმთიან ზონაში. მდ. მტკვრის აუზის დაბლობ ზონაში ზოგერთი წლის ცივ პერიოდში ადგილი აქვს დათბობას. ამ დროს დადებითი ტემპერატურების გამო თოვლი დნება და ცივი პერიოდის წყალმცირების მდგომარეობას არღვევს, რაც წყლიანობის რყევადობას ზრდის. თბილი პერიოდის წყლიანობის რყევადობის სიმცირე აიხსნება აუზში თოვლის ზონალური დნობით, ზაფხულ-შემოდგომის წყალმცირების მდგომარეობით, მდ. მტკვრისა და მთავარი შემდინარეების წყლების რეგულირებით და მათი სახალხო მეურნეობაში გამოყენებით.

ცხრილი 6

ქ. თბილისთან მდ. მტკვრის ცივი და თბილ პერიოდის წყლიანობის უზრუნველყოფა პროცენტებში ცივი პერიოდის $C_v = 2 C_w$, თბილი პერიოდის $C_w = 2 C_v$ (რიბკინის ცხრილის მიხედვით)

მდინარე	მ სადგური	პერიოდი	საშუალო მდ. მ/წ	C_v	C_w	უზრუნველყოფა პროცენტებში											
						1%	3%	5%	10%	25%	50%	75%	90%	95%	97%	99%	99,9
მტკვარი	თბილისი	ცივი თბილი	110 270	0,28 0,23	0,56 0,46	193 435	174 396	165 379	190 352	128 308	107 264	87,8 225	72,9 194	65,0 177	60,0 166	51,4 147	39,9 118

ქ. თბილისთან მდ. მტკვრის ცივი და თბილი პერიოდის წყლიანობის უზრუნველყოფა პროცენტებში მოცემულია № 6 ცხრილში.

ცხრილში მოცემული ხარჯები ჩამოღებულია თეორიული უზრუნველყოფის მრუდიდან, იმ შემთხვევისათვის როდესაც $C_v = 2 C_w$. თეორიული და ემპირიული უზრუნველყოფის მრუდების ურთიერთდამთხვევამ დაგვარწმუნა, რომ მდ. მტკვრის წყლიანობის ასიმეტრიულობის კოეფიციენტი ტოლია გაორკეცებული ვარიაციის კოეფიციენტისა.

თეორიული მრუდიდან ჩამოღებულ ხარჯებსა და ემპირიულ ხარჯებს შორის გადახრა მცირეა. ასე მაგალითად: თეორიულ მრუდზე 1% უზრუნველყოფის ხარჯი უდრის ცივი პერიოდის 193 მ³/წ, ხოლო გაზომილი ემპირიული ხარჯი — 194 მ³/წ. ასევე მცირეა განსხვავება თბილი პერიოდის 1% უზრუნველყოფის ხარჯებს შორისაც. თეორიული მრუდიდან ჩამოღებული ხარჯი ტოლია 435 მ³/წ, ემპირიული კი 438 მ³/წ. ნაგრამ აქვე უნდა შევნიშნოთ, რომ უზრუნველყოფის ხარჯი, ალბათობის თეორიის თანახმად, უნდა განმეორდეს

100 წელიწადში ერთხელ. მდ. მტკვარს ქ. თბილისთან 1—1,5% უზრუნველყოფის ხარჯი როგორც ცივ, ისე თბილ პერიოდში უკვე ჰქონია 47 წლის მანძილზე და ალბათ შემდგომი 53 წლის პერიოდისათვის ასეთი ხარჯები კიდევ განმეორდება. ამიტომ საკირაა დამპროექტებელმა ორგანიზაციებმა მდ. მტკვარზე სხვადასხვა ჰიდროტექნიკურ ნაგებობათა დაგეგმვის დროს მხედველობაში მიიღონ, რომ 1% უზრუნველყოფა მდ. მტკვარს ქ. თბილისთან უკვე ჰქონდა. უმჯობესია ავიღოთ 0,01 ან 0,1%-ის უზრუნველყოფის ხარჯი. უზრუნველყოფის მრუდის ბოლო მონაკვეთზე, 90%-ის შემდეგ, გადახრა თეორიული მრუდიდან ემპირიულ მრუდს ცივ პერიოდში უფრო მეტი აქვს, ვიდრე თბილ პერიოდში. ცივი პერიოდის ემპირიული უზრუნველყოფის ხარჯების გადახრა თითქმის 10 მ³/წ-ით აღემატება თეორიული მრუდიდან ჩამოღებულ ხარჯებს. თბილი პერიოდის 90% — 95%-ის ემპირიული უზრუნველყოფის ხარჯები თეორიული მრუდიდან გადაიხრება 10—12 მ³/წ-ით, ხოლო 97—99%-ის უზრუნველყოფის ხარჯები ორთავე მრუდისა ერთიმეორეს

უახლოვდება და გადახრა 2—3 მ³/წ არ აღემატება. თბილი პერიოდის თეორიული უზრუნველყოფის მრუდის 99% ხარჯი 147 მ³/წ უდრის, ხოლო ემპირიული 98%-ის ხარჯი კი 144 მ³/წ, ე. ი. მდ. მტკვარს ქ. თბილისთან თბილი პერიოდის მინიმალური ხარჯი (144 მ³/წ) უფრო ადრე ჰქონია, ვიდრე თეორიული უზრუნველყოფის მრუდითა მოცემული. ამიტომ უმჯობესი იქნება თეორიული უზრუნველყოფის მრუდით სარგებლობის შემთხვევაში კოორდინატები გადიდებულ იქნას 1%—99% ნაცვლად 0, 1%—99,9 პროცენტამდე, რაც უპასუხებს 1000-წლიან პერიოდს.

თბილისთან მდ. მტკვარსა და ვერას წლიური საშუალო წყლიანობა, ისე როგორც ცივ და თბილ პერიოდში, სეზონებს შორისაც არათანაბრად არის განაწილებული. წლის მანძილზე წყლიანობის არათანაბარი განაწილების მიზეზია აუზში წლიური ატმოსფერული ნალექების სეზონებს შორის არათანაბარი განაწილება, ჰაერის ტემპერატურების ცვალებადობა, აუზის ფიზიკურ-გეოგრაფიული

ცხრილი 7

თბილისთან მდ. მტკვარსა და ვერას წლიური საშუალო წყლიანობისა და აუზში მოსული საშუალო ატმოსფერული ნალექების წლიური ჯამის სეზონებს შორის განაწილება (%-ში)

მდინარე	ჰ/სადგური	ზამთარი		გაზაფხული		ზაფხული		შემოდგომა	
		აპრილ-ნაღვი	ჩამონაღვი	აპრილ-ნაღვი	ჩამონაღვი	აპრილ-ნაღვი	ჩამონაღვი	აპრილ-ნაღვი	ჩამონაღვი
მტკვარი ვერა	თბილისთან	17,0	10,7	30,0	47,9	30,0	27,6	23,0	13,8
		11,0	12,5	34,0	47,2	32,0	24,9	23,0	15,4

ლანდშაფტის და გეოლოგიური აგებულების მრავალფეროვნება.

მდ. მტკვარსა და ვერას აუზში მოსული ატმოსფერული ნალექების წლიური ჯამიდან ყველაზე მცირე წილი ზამთრის სეზონში (11—17%) მოდის, ისიც თოვლის სახით, რომლის როლიც მდინარეთა საზრდოობაში ამავე სეზონში მცირეა. წლიური ნალექების ჯამის დიდი ნაწილი გაზაფხულის და ზაფხულის სეზონებზე (30—34%) მოდის. შემოდგომის სეზონს კი წილად წლიური ნალექების ჯამის 23% ხვდება. მდ. მტკვარის და ვერას წლიური

ჩამონადენის სეზონური განაწილების ცხრილიდან ჩანს, რომ მდ. მტკვარის ზამთრის ჩამონადენი წლიური ჩამონადენის 10,7%-ია, მდ. ვერასი კი 12,5%. ჩამონადენის ასეთი მცირე სიდიდე ზამთრის სეზონში, როგორც აღვნიშნეთ, ძირითადად ზამთრის მცირე ნალექებით, ისიც თოვლის სახით, არის გამოწვეული.

ზამთრის შემდეგ წლიური საშუალო წყლიანობის მცირე წილი შემოდგომის სეზონზე მოდის (13,8 — 15,4%). შემოდგომის წყალმცირობის მიზეზია სექტემბრისა და ოქტომბრის თვეებში უნალექო დღეთა შედარებით დიდი რაოდენობა და უკანასკნელ, ნოემბრის თვეში კი მალაღმთიან ზო-

ნაში თოვლის მოსვლა. აღნიშნულ სეზონებთან შედარებით უფრო წყალუხვი ზაფხულია, მისი ჩამონადენი წლიური წყლიანობის 24,9—27,6% შეადგენს. ზაფხულის წყალუხვობა გამოწვეულია ივნისის და ივლისის თვეებში აუზის მაღალმთიან ზონაში ნარჩენი თოვლის ინტენსიური დნობით და ზაფხულის ნალექებით (30—32%). წლიური საშუალო წყლიანობის ყველაზე დიდი ჩამონადენით გაზაფხული ხასიათდება (47,2—47,9%). გაზაფხულის წყლიანობა ზამთარში დაგროვილი თოვლის ნაღობი წყლისა და გაზაფხულის უხვი ნალექების ერთობლივი მოქმედების შედეგია.

წყალუხვ წელიწადში გაზაფხულის წყალდიდობის ხანგრძლიობა წყალმცირე წლის წყალდიდობის ხანგრძლიობაზე გაცილებით დიდია.

მდ. მტკვარი თბილისთან ორმოცდაშვიდი წლის მანძილზე ყველაზე უფრო წყალუხვი 1940 წელს იყო. ამ წლის საშუალო წლიური ჩამონადენი 11,8 მილიარდ კუბმეტრს უდრიდა. წყალდიდობა 18 მარტს დაიწყო და 29 ივლისამდე გაგრძელდა (125 დღ.). წყლის მატების პერიოდი 30 დღეს უდრიდა, დაცხრომის პერიოდი კი 95 დღეს. წყალდიდობის პერიოდის ჩამონადენმა 7,2 მილიარდ კუბმეტრამდე მიაღწია, რაც წლიური ჩამონადენის 61% შეადგენდა. 1940 წლის წყალუხვობა გამოიწვია გაზაფხულისა და ზამთრის უხვმა ნალექებმა.

წყალმცირე წელიწადში წყალდიდობის პერიოდი უფრო მცირეა. 1947 წელი წყალმცირე იყო. ამ წლის ჩამონადენი 5,2 მილიარდ კუბმეტრს უდრიდა, აქედან წყალდიდობის პერიოდის ჩამონადენი მხოლოდ 2,0 მილიარდი კუბმეტრი იყო, რაც მთელი წლის ჩამონადენის მხოლოდ 38% შეადგენდა. მცირე ატმოსფერული ნალექების მოსვლამ განაპირობა მდ. მტკვრის 1947 წლის წყალმცირობა.

წყალდიდობის პერიოდი მდ. ვერაზე, მტკვართან შედარებით ადრე, მარტის პირველი დეკადიდან იწყება და ივნისის პირველ რიცხვებში მთავრდება. გაზაფხულის წყალდიდობას აქ განაპირობებს თოვლის დნობა და გაზაფხულის თავსხმა წვიმები.

ამგვარად, მდ. მტკვრის და ვერას წყლების დაგროვება, მისი რეგულირება სახალხო მეურნეობაში გამოყენების მიზნით მრავალწლიურ პერიოდისათვის შესაძლებელია წყალუხვი წლების ჩამონადენის ხარჯზე, ხოლო სეზონური რეგულირება გაზაფხულის წყალდიდობის წყლის დაგროვებით.

თბილისთან მტკვარი შერეული საზრდობის მდინარეთა ტიპს მიეკუთვნება. მდინარის საზრდობაში მონაწილეობს გრუნტის, თოვლის და წვიმის წყლები. თითოეული მათგანის წილი წლიურ ჩამონადენში მოცემულია. ვ. გუხარაძის განგარანებით, ქვემოთ № 8 ცხრილში.

ცხრილი 8

მდ. მტკვრის წლიური ჩამონადენის განაწილება საზრდობის კომპონენტების მიხედვით

დამახასიათებელი წლები	გრუნტის წყალი	თოვლის წყალი	წვიმის წყალი
წყალუხვი	54%	29%	17%
საშუალო წელიწადი	55%	33%	12%
წყალმცირე წელი	41%	41%	18%

როგორც ჩანს, მტკვრის წლიურ ჩამონადენში მთავარი წილი (41—55%) გრუნტის წყალს უჭირავს, შემდეგ თოვლის წყალს (29—41%) და უქანასკნელი ადგილი წვიმის წყალზე მოდის (12—18%). ამგვარად, მდ. მტკვრის წყლიანობაში უპირატესი ადგილი გრუნტის წყალს უკავია.

თბილისთან მდ. მტკვრისა და ვერას წლიური საშუალო ჩამონადენის თვეებს შორის არათანაბარ განაწილებას აუზში მოსული ატმოსფერული ნალექებისა და ჰაერის ტემპერატურების არათანაბარი განაწილება განაპირობებს.

როგორც ცხრილიდან ჩანს, მდ. მტკვარს ქ. თბილისთან წლის განმავლობაში ყველაზე მცირე ჩამონადენი იანვრის თვეში აქვს. მისი წილი წლიურ ჩამონადენში მხოლოდ 3,35% შეადგენს, ასეთივე მცირე ჩამონადენით ხასიათდება თებერვალიც (3,56%) და დეკემბერიც (3,86%). ზამთრის თვეებში ჩამონადენის სიმცირის მიზეზი ჩვენთვის უკვე ცნობილია. ზაფხულ-შემოდგომის თვეებიდან მცირე ჩამონადენი სექტემბრის თვეშია (4,35%), ამ თვის მცირე ჩამონადენის მიზეზია სხვა თვეებთან შედარებით ნალექების სიმცირე და აორთქლების

¹ В. К. Гвахария, Генетический анализ стока р. Куры в ее истоках. Труды Тбилисского научно-исследов. гидрометпнститута, вып. 2, Ленинград, 1957, стр. 234.

ინტენსივობა. სექტემბრის ივის ჩამონადენის კოეფიციენტი 0,22 უდრის და ტოლია თებერვლის თვის ჩამონადენის კოეფიციენტისა. ორთავე თვეების ჩამონადენის კოეფიციენტების სიმცირე უნდა აიხსნას აუზში გრუნტის წყლების მარაგის შემცირებით, რადგან ორივე ზამთრისა და ზაფხულის წყალმცირობის პერიოდის უკანასკნელი თვეებია. წლიური ჩამონადენის ყველაზე დიდი წილი მაისის

თვეზე მოდის (23,2%). მაისის შემდეგ წყალუხვობით აგრეთვე გამოირჩევა აპრილი (17,7%) და ავნისი (14,6%). აღნიშნული თვეების წყალუხვობას, როგორც № 7 ცხრილიდან ჩანს, განაპირობებს ამავე თვეებში მოხუდი ატმოსფერული ნალექების დიდი რაოდენობა და გაზაფხულის დადებითი ტემპერატურების დროს ინტენსიური თოვლის დნობა. მდ. მტკვრის თვიური საშუალო ხარჯების რი-

ცხრილი 9

თბილისთან მდ. მტკვრის და ვერას წლიური ჩამონადენის და აუზის საშუალო ნალექების წლიური ჯამის თვით შორის განაწილება (%-ში)

მდინარე	ჰსადგური	დამახასიათებლები	1	2	3	4	5	6	7	8	9	10	11	12	წლიური
მტკვარი	თბილისთან	ჩამონადენი	3,35	3,56	6,70	17,7	23,2	14,6	8,00	4,90	4,35	4,95	4,81	3,86	100
		ატმოსფერული ნალექები	4,80	5,80	6,70	9,70	14,0	12,5	9,80	7,80	7,50	7,90	7,40	6,10	100
		ჩამონადენის კოეფიციენტი	0,27	0,22	0,38	0,70	0,67	0,45	0,32	0,24	0,22	0,24	0,24	0,27	0,35
ვერა	თბილისი	ჩამონადენი	3,20	3,71	7,87	14,6	23,3	13,7	4,00	2,34	3,02	7,96	11,8	5,00	100
		ატმოსფერული ნალექები	2,70	4,10	5,50	11,2	17,4	14,5	10,0	7,00	8,40	7,66	7,40	4,20	100
		ჩამონადენის კოეფიციენტი	0,30	0,23	0,46	0,36	0,37	0,26	0,11	0,10	0,16	0,30	0,43	0,33	0,27

გების რყევადობა სხვადასხვაგვარია. ი. შაქარაშვილის მიხედვით, „გაზაფხულის თვეებს შორის ყველაზე დიდი რყევა აპრილს ახასიათებს ($C_r=0,46$), ხოლო ყველაზე მცირე — მაისს ($C_r=0,26$). აპრილისათვის წყლიანობის დიდი რყევა დაკავშირებულია ამ თვეში არამდგრად სინოპტიკურ პროცესებთან, კერძოდ, „ზოგ წლებში გაზაფხულის ნაადრევად დაწყებასა და მაღალი ტემპერატურების ნაადრევად დადგომასთან...“ „ზაფხულის თვეებს შორის ივნისი წყლიანობის მცირე რყევით ხასიათდება ($C_r=0,26$), რაც შეეხება ივლისისა და აგვისტოს თვეების ჩამონადენს, მას საკმაოდ დიდი რყევა აქვს ($C_r=0,38-0,36$). მხედველობაში უნდა მივიღოთ ის გარემოება, რომ ამ თვეებში მტკვრის აუზში თავსება წვიმები იცის, და მდინარეებზე წყალმოვარდნის შემთხვევებს აქვს ადგილი, რის გამო წყლიანობა არასტაბილური ხასიათისაა. რაც

შეეხება შემოდგომას, იგი დასაწყისში წყლიანობის დიდი რყევით არ გამოირჩევა, მაგრამ შემდეგში (ოქტომბერი, ნოემბერი) მისი წყლიანობა ძლიერ მერყევია. ცნობილია, რომ აღნიშნული თვეები მტკვრის აუზში არამდგრადი სინოპტიკური მდგომარეობით გამოირჩევიან, რაც მდინარეთა წყლიანობასაც არამდგრად ხასიათს ანიჭებს“.

მდ. ვერას წლიური საშუალო ჩამონადენიდან ყველაზე მცირე წილი აგვისტოზე (2,34%) და სექტემბერზე (3,02%) მოდის, თუმცა ამ თვეების ატმოსფერული ნალექების წილი წლიური ჯამიდან საკმაოდ მნიშვნელოვანია (7—8,4%). აგვისტოსა და სექტემბრის მცირე ჩამონადენის მიზეზია აუზში ინტენსიური აორთქლება და ჩამონადენის ნაწილის მორწყვისათვის გამოყენება. ორივე თვის ჩამონადენის კოეფიციენტი 0,1-ს არ აღემატება. ჩამონადენის სიმცირით აგრეთვე იანვარი (3,20) და თებერვალი (3,71%) გამოირჩევა. ამის მიზეზი ჩვენთვის უკვე ცნობილია. წლიური საშუალო ჩამონადენის ყველაზე დიდი ნაწილი მაისში (22,8%),

¹ ი. შაქარაშვილი, მდ. მტკვრის წყლიანობის რყევის ხასიათი ქ. თბილისთან, საქ. სსრ გეოგრაფიული საზოგადოების შრომები, № 1—2, თბილისი, 1949, გვ. 72—73.

აპრილში (14,6%) და ივნისში (13,7%) ჩამოედინება. ამ თვეების ატმოსფერული ნალექებიც მნიშვნელოვანია (11,2—17,4%), ამავე დროს თოვლის ინტენსიური დნობა წარმოებს, მათი ერთობლივი მოქმედება გაზაფხულის თვეების ჩამონადენის წილს ზრდის წლიურ საშუალო ჩამონადენში. შემოდგომის თვეებიდან ჩამონადენის სიდიდით გამოირჩევა ოქტომბერი (7,96%) და ნოემბერი (11,8%). აღნიშნულ თვეებში ჩამონადენის ზრდა, წლის სხვა თვეებთან შედარებით, ამ თვეებში მოსული თავსხმა წვიმებით უნდა აიხსნას.

თბილისთან მდ. მტკვრის წლიური აბსოლუტური მაქსიმალური ხარჯების რიგის რყევადობის მაჩვენებელი ვარიაციის კოეფიციენტი 0,35 უდრის. მაქსიმალური ხარჯების ამპლიტუდა ორმოცდაშვიდი წლის პერიოდისათვის 1396 მ³/წ-ის ტოლია. აღნიშნულ პერიოდში მდ. მტკვარს თბილისთან ყველაზე დიდი მაქსიმალური ხარჯი (1760 მ³/წ) 1915 წლის მაისს და 1928 წლის 14 აპრილს ჰქონდა. ეს მაქსიმალური ხარჯები თოვლის წყლისა და წვიმის წყლის ერთობლივი მოქმედების შედეგია. მაქსიმალური ხარჯებიდან აგრეთვე აღსანიშნავია 1931 წლის 16 ივლისის (1740 მ³/წ) და 1952 წლის 25 ივნისის (1650 მ³/წ) ხარჯები. ამ ხარჯების წარმოშობაში ძირითადი როლი წვიმის წყლებს ეკუთვნის. ეს უკანასკნელი კარგად ჩანს ქვემოთ მოყვანილი ცნობებიდან. 1952 წლის 24 ივნისს დღიური ატმოსფერული ნალექების ჯამში მდ. მტკვრის აუზში მოთავსებულ მეტ. სადგურ ბურსაჭირთან 128 მმ იყო, გუდაურთან 68,6 მმ, ბაკურიანთან 87 მმ, ქსანთან 108 მმ, თბილისთან 84,0 მმ. მტკვრის აუზში ატმოსფერული ნალექების დიდი რაოდენობა თავსხმა წვიმების სახით მდ. მტკვრის მაქსიმალური წყლიანობის წინა დღეს მოსულა, რომლის წყალმაც თბილისთან მეორე დღეს (25 ივნისს) მოაღწია და კატასტროფული წყალმოვარდნა წარმოშვა.

1952 წ. 25 ივნისის წყალმოვარდნა მტკვრის ზემო წელს და მის ყველა შემდინარეებს არ შეხებია, ის უფრო მეტად განიცადა მდ. მტკვარმა და ვერამ თბილისთან, აგრეთვე მდ. მტკვრის მარცხენა შემდინარეებმა ქსანმა და არაგვმა. მათმა წყალდიდობამ აღნიშნულ დღეს სათანადო ზიანი მიაყენა სახალხო მეურნეობის ზოგიერთ დარგებს. მდ.

მტკვრის 1952 წლის 25 ივნისის წყალმოვარდნის გავრცელების არეალი მოცემულია ქვემოთ (იხ. ცხრ. 10).

როგორც ჩანს, თბილისთან მდ. მტკვრის და მისი შემდინარეების: ქსნის, არაგვის და ვერას 1952 წ. 25 ივნისის წყალმოვარდნის ხარჯს წლიურ საშუალო ხარჯთან შედარებით უდიდესი ოდენობისათვის მიუღწევია. მათი მოდულის კოეფიციენტები 7-დან 27-მდე ირყევა. მდ. მტკვრის 1952 წლის 25 ივნისის მაქსიმალური ხარჯის მოდულის კოეფიციენტი (7,21) თბილისთან ჩამორჩება 1928 წ. 24 აპრილის აბსოლუტური მაქსიმალური ხარჯის (1760 მ³/წ) მოდულის კოეფიციენტს, რაც 8,40-ის ტოლია, ხოლო აღემატება 1915 წლის 7 მაისის აბსოლუტური მაქსიმალური ხარჯის (1760 მ³/წ) მოდულის კოეფიციენტს (6,93).

ქ. თბილისთან მდ. მტკვრის მაქსიმალური ხარჯების უზრუნველყოფა 0,1%-დან 10%-მდე მოცემულია № 9 ცხრილში.

როგორც ჩანს, დაკვირვებით მიღებული აბსოლუტური მაქსიმალური ხარჯი (1760) უახლოვდება 3% უზრუნველყოფას, ხოლო წვიმის წყლით წარმომობილი მაქსიმალური ხარჯი (1650) 5% უზრუნველყოფას.

თბილისთან მდ. მტკვრისა და ვერას წლიური აბსოლუტური მინიმალური ხარჯები წლიდან წლამდე უფრო მეტი რყევადობით ხასიათდება, ვიდრე წლიური საშუალო და წლიური აბსოლუტური მაქსიმალური ხარჯები. მდ. მტკვრის წლიური აბსოლუტური მინიმალური ხარჯების რიგის ვარიაციის კოეფიციენტი 0,36 უდრის. ორმოცდაშვიდი წლის დაკვირვების პერიოდისათვის წლიური მინიმალური ხარჯების ამპლიტუდა 88 მ³/წ-ია, ხოლო აბსოლუტურ მაქსიმალურ და აბსოლუტურ მინიმალურ ხარჯებს შორის ამპლიტუდა 1743 მ³/წ-ის ტოლია.

მდ. ვერას წლიური მინიმალური ხარჯების ვარიაციის კოეფიციენტი 0,97-ს უდრის. ვარიაციის კოეფიციენტის ასეთი სიდიდე უნდა აიხსნას მინიმალური ხარჯების დიდი რყევადობით და დაკვირვების მოკლე და ხარვეზიანი პერიოდით.

მდ. მტკვრის აბსოლუტური მინიმალური ხარჯი ორმოცდაშვიდი წლის პერიოდისათვის უდრის 17,6 მ³/წ. მდ. ვერასი კი თორმეტი წლის პერიოდისათვის 0,003 მ³/წ.

მდ. მტკვრის აუზში 1952 წ. 25 ივნისის წყალმოვარდნის გავრცელება

მდინარე	ჰ/სადგური	1952 წლის საშუალო ხარჯი მ ³ /წ-ით	1952 წლის 25/VI მაქ- სიმლ. ხარ- ჯი მ ³ /წ-ით	მოდულის კოეფიციენტი $K = \frac{Q_{მაქ}}{Q_{საშ}}$
მტკვარი	ხერთვისთან	46,8	52,1	1,12
	მინაძესთან	66,7	110	1,66
	ლიკანთან	92,4	164	1,77
	ძეგეთან	243	1380	5,70
	თბილისთან	229	1650	7,21

მარცხენა შემდინარეები

ფოცხოვი	სოფლის ხიდთან	25,0	81,8	3,27
დიდი ლიახვი	კებუთან	30,2	67,3	2,22
ქსანი	კორინთასთან	14,1	150*	10,6
არაგვი	ჟინვალთან	58,0	811*	14,0
შავი არაგვი	შესართავთან	8,17	110	13,4

მარჯვენა შემდინარეები

ფარაჯანი	ხერთვისთან	20,4	35,6	1,74
შავი წყალი	ბორჯომთან	2,61	15,4	6,00
ჯვრა	თბილისთან		18,5	27,8

* 1952 წ. 25 ივნისის მდ. ქსანზე კორინთასთან და არაგვზე ჰ/სად. ჟინვალთან საკუთარებში წყალმოვარდნის გამო დაზიანდა. აბსოლუტური მაქსიმალური ხარჯების ნაცვლად აღებულა საშუალო დღეღამური ხარჯი.

თბილისთან მდ. მტკვრის მაქსიმალური ხარჯების უზრუნველყოფა
‰-ში, როცა $C_2 = 2 C_1$

დაკვირვებით მიღებუ- ლი მაქს ხარჯი მ ³ /წ	თარიღი	უზრუნველყოფა				
		0,1‰	1‰	3‰	5‰	10‰
1760	1915 წ. 7/5 1928 წ. 24/4	2489	2029	1794	1677	1507

თბილისთან მდ. მტკვრისა და ვერას მინიმალური ხარჯების უზრუნველყოფა ‰-ში, როცა $C_2 = 2C_1$

მდინარე	ჰ/სადგური	C ₁	C ₂	აბს. მინიმ. ხარჯი მ ³ /წ	თარიღი	უზრუნველყოფა ‰-ში						
						75‰	80‰	85‰	90‰	95‰	97‰	99‰
მტკვარი	თბილისთან	0,36	0,72	17,6	1925, 28/12	34,4	32,2	29,7	26,5	22,8	20,3	16,4
		0,97	1,94	0,003	1942, 20/2	0,017	0,015	0,010	0,007	0,003	0,002	0,0007

მდ. მტკვრისა და ვერას მინიმალური ხარჯების განაწილების მკაფიო სურათს ქ. თბილისთან მათი უზრუნველყოფა იძლევა.

თბილისთან მდ. მტკვრის აბს. მინიმალური ხარჯი — 17,6 მ³/წ — უახლოვდება 99% უზრუნველყოფას, ხოლო მდინარე ვერას მინიმალური ხარჯი — 0,003 მ³/წ კი 95% უზრუნველყოფას.

მდ. მტკვარს თბილისთან საშუალოდ წლიურად 10 მილიონ ტონაზე მეტი მყარი მასალა ჩამოაქვს. მყარი მასალის ჩამონადენის მოდული წელიწადში 460 ტონას უდრის აუზის ერთ კვადრატულ კილომეტრზე.

მდ. მტკვრის მყარი ჩამონადენის განაწილება წლის სეზონებს შორის გ. ხმალადის¹ გაანგარიშებით მოცემულია ქვევით ცხრილის სახით.

როგორც ჩანს, მდ. მტკვარს თბილისთან ყველაზე მეტი მყარი მასალა ჩამოაქვს გაზაფხულის და ზაფხულის სეზონში, მცირე ჩამონადენი კი ზამთრის და შემოდგომის სეზონში. გაზაფხულის და ზაფხულის მყარი ჩამონადენის სიდიდე წლიურ ჩამონადენში თანხვედნილია გაზაფხულისა და ზაფხულის წყალდიდობის პერიოდთან, ხოლო ზამთრისა და შემოდგომის მყარი ჩამონადენის სიმცირე კი წყალმცირობის პერიოდთან, როდესაც მდინარეები გრუნტის წყლებით საზრდოობენ და აუზის ზედაპირულ ჩამორეცხვას ადგილი არა აქვს.

მდ. მტკვრის წყალს თბილისელები უძველესი დროიდან იყენებდნენ. მტკვარს ქალაქის მშენებლობასა და მის კეთილმოწყობაში სათანადო როლი აქვს შესრულებული. უკანასკნელ დრომდე

ცხრილი 13

მდ. მტკვრის მყარი ჩამონადენის სეზონური განაწილება თბილისთან (გ. ხმალადის მიხედვით)

მდინარე	მ/სადღური	აუზის ფართობი კვ. კმ ² -ით	წლის სეზონში				
			ზამთარი	გაზაფხული	ზაფხული	შემოდგომა	წლიური
მტკვარი	თბილისთან	21120	1,8%	66,6%	28,3%	3,3%	100%

მტკვრის წყალს სასმელადაც ხმარობდნენ, შემდეგ იგი ნატახტარის, ბულაჩაურის და ავჭალის წყაროების წყლებმა შეცვალა.

მდ. მტკვარი გამოყენებული იყო ნაოსნობისათვის. როგორც ცნობილია, უძველეს დროში დასავლეთის შავი ზღვისპირა ქვეყნები ჯერ რიონით და შემდეგ მტკვრით დაკავშირებულნი იყვნენ აღმოსავლეთის კასპიისპირა ქვეყნებთან და ურთიერთ შორის ვაჭრობას აწარმოებდნენ. ალბათ იმ დროს საქონლის გადასაზიდად და ხალხის გადასაცვანად ძირითადად ტივები და ნავეებით სარგებლობდნენ. ამას მოწმობს შემდეგი ფაქტი: როცა


1038 წელს ბაგრატ IV ჯარით თბილისს გარს შემოერტყა, რათა თბილისიდან გაეძევებინა არაბთა ემირა ჯაფარა თავისი გარნიზონით, არაბებმა გადაწყვიტეს ტივებითა და ნავეებით თბილისიდან დაპით ქ. განძაში გაპარულიყვნენ.

თბილისის მიდამოებში მშრალი კლიმატური პირობების გამო სასოფლო-სამეურნეო კულტურები მორწყვას მოითხოვდნენ, ამ მიზნითაც მდ. მტკვრის წყალი უძველესი დროიდან გამოიყენებოდა.

უკანასკნელ ათეულ წლებში მტკვარზე მოწყობილია ავჭალის, ორთაქალის და ჩითახევის ჰიდროელექტროსადგურები, რომელნიც იაფფასიან ელექტროდენს აწვდიან ჩვენი ქვეყნის სოციალისტური სახალხო მეურნეობის სხვადასხვა დარგებს.

¹ Г. П. Хмалдае, Сезонный сток взвешенных наносов рек Грузии, Труды Тбилисского научно-исслед. Гидрометинститута, вып. 1, Ленинград, 1956, გვ. 63.





არჩილ ჯანაშვილი

თბილისის მიღამოების ფაუნა

მეტად ნაირფეროვანია თბილისისა და მისი მიდამოების ბუნება. ტყეებითა და ბუჩქებით შემოსილი მთები და გორაკები, ველები და კულტურული ლანდშაფტები, ტბები, „თბილისის ზღვა“, მტკვარი და მასში შენაკადი მდინარეები ამშვენებენ დედაქალაქს მისი მისადევრებით.

XVIII საუკუნის გამოჩენილი ისტორიკოსი და გეოგრაფი ვახუშტი ბაგრატიონი მოგვითხრობს, რომ თბილისი „ჰავითა არს მშენი და მხიარული... გარემო ქალაქისა წალკოტნი და სავარდენი მრავალნი, ყოვლის ხილითა და ყვავილითა საესე... ზაფხულ ცხელი და არა გაუძლისი, ზამთარ ცივი, გაზაფხულ-შემოდგომა მშენიერი და სატრფო. სანადირონი მრავალნი ახლოს, ფრინველთა და ნადირთა“¹.

იგივე მკვლევარი აგვიწერს რა ლილოს მიდამოებს, აღნიშნავს, რომ აქ „ტბანი არიან მცირენი და უთევზონი, მყვრითა საესე; სხდების წერო და ბატი მრავალი“². თუმცა ამ მლაშე ტბებში, რო-

მლებიც ვახუშტის აქვს მხედველობაში, ამჟამად მყვარიც არა გვხვდება.

ვახუშტის თქმით „ტფილისი დამ გორამდე მტკვრის კიდე აქა და იქით არს ქალიანი; ნადირნი და ხოხობნი მრავალნი“³. სამწუხაროდ, დასახელებული ადგილის დიდ ნაწილში ხოხობი უთავბოლო ნადირობის შედეგად მოსპობილია და არცაა მისი აღდგენის პერსპექტივა.

ისტორიკოსთა გადმოცემით „მთელი არემარე თბილისისა ტყით მოცული იყო“⁴. ამასთან ამ ტყეებში დიდი რაოდენობით ბინადრობდნენ ფრინველები და ნადირი. ამის დასამტკიცებლად საქმარისია აღინიშნოს, რომ დღევანდელი ავღაბრის ზოგიერთ ადგილს შენარჩუნებული აქვს სახელწოდებანი „მგლის კარი“, „ეკურდღლის ქალა“ და სხვ.

თბილისის მიდამოების ცხოველთა შესახებ ბევრი ცნობაა შემონახული რიგ ნაშრომებში. მაგალითად, „ძველ ქართველ ისტორიკოსთა არაპი-

¹ ვახუშტი, აღწერა სამეფოსა საქართველოსა (საქართველოს გეოგრაფია), თბილისი, 1941.

² იქვე.

³ იქვე.

⁴ მ. ჯანაშვილი, საქართველოს დედაქალაქი თბილისი, თბილისი, 1899.

რდაპირი ცნობები და ქართული თქმულებები გვაჩვენებენ, რომ თბილისის თავდაპირველი ტერიტორია ტყით ყოფილა დაფარული, სადაც უხვად იყო გარეული ფრინველი და ნადირი... მცხეთაში მჯდომ ქართლის მეფეებს აქ ჰყვარებიათ ნადირობა ირმებსა და ხობბებზე¹.

თბილისის ხანდაზმულ მცხოვრებთა მოთხოვნით ყოფ. ვარდისუბნის ქუჩის მიდამოებში, რომელიც მყავლის ბარდებით იყო დაფარული, დიდი რაოდენობით მოიპოვებოდა კურდღელი. და მწყერი².

თბილისი და მისი მისადევრები, როგორც დავინახეთ, ტყით ყოფილა დაფარული. მაგრამ ადამიანის ჩარევით, მეტწილად მტრების გამანადგურებელი შემოსევების შედეგად, ტყის დიდი მასივები გაჩეხილი და განადგურებული იქნა. ამის შედეგად წარმოიშვა ველები. თავის მხრივ ყოველივე ამან განაპირობა ცხოველთა სამყაროს სათანადო ცვალებადობა.

ამჟამად თბილისის მიდამოების გაბატონებული მცენარეული ფორმაცია ველების ტიპისაა, ბუჩქნარები და ტყეები კი ალაგ-ალაგ გვხვდება. აქაიქაა სუბალპური მდელოების ფრაგმენტებიც.

თბილისის მიდამოების დიდი ნაწილი კულტურულ ლანდშაფტებადაა ქცეული. ამ მხრივ გამოიკლასია მხოლოდ სახალხო მეურნეობისათვის გამოუსადეგარი და მიუღდგომელი ადგილები. სწორედ ამ უქანასკნელებშია ცოტად თუ ბევრად დაცული პირველყოფილი ფაუნა. ამასთან ისიც უნდა აღინიშნოს, რომ დიდი მუშაობაა ჩატარებული თბილისისა და მისი მიდამოების გამწვანების მიზნით: მნიშვნელოვანი მასივები ტყეებით იმოსება. ეს კი თავის მხრივ ხელს უწყობს ამ ადგილებში მოსპობილ ან გახიზნულ სახეთა აღდგენას. თუმცა მაინც შეუძლებელია მთლიანი აღდგენა იმ პირველყოფილი ფაუნისა, რომელიც წარსულ საუკუნეებში ბინადრობდა თბილისსა და მის მახლობლად.

ცხოველთა იმ მრავალრიცხოვან სახეებიდან, რომლებიც თბილისსა და მის მიდამოებში გვხვდებოდნენ, შერჩენილია მხოლოდ ნაწილი. მათი უმრავლესობა ადამიანის მიერ ამოწყვეტილია, ხოლო

¹ დ. გვრიტიშვილი, შ. მესხია, თბილისის ისტორია, თბილისი, 1952.

² И. Вадрашвили, Тбилиси, 1957.

ზოგი, საარსებო გარემო პირობათა შეცვლის გამო, გახიზნული. აქ ისიც უნდა აღინიშნოს, რომ ადამიანის პირდაპირი ზეგავლენის შედეგად თბილისის მიდამოებში გამოჩნდნენ ისეთი ფორმები, რომლებიც წარსულში არ მოიპოვებოდნენ. სრულიად ახალი ფაუნა ჩამოყალიბდა „თბილისის ზღვაში“, რომლის ფსკერის მნიშვნელოვანი ნაწილი ეკავა მლაშე ტბებს, რომლებიც ხერხემლიან ცხოველებს მოკლებული იყვნენ. ამ ახალ წყალსატევეში გაჩნდნენ ნაირგვარი თევზები, რომელთაგან ზოგი ხელოვნურადაა აკლიმატიზებული, წყალხმელეთა ცხოველები და სხვ.

ნაწილობრივ ცვლილება განიცადა თბილისის მახლობელ ტბებში (ლისის, ქორქის, ახალდაბისა და სხვ.) მოსახლე ცხოველთა შემადგენლობამ.

შეიცვალა თევზების სახეთა რაოდენობა მდ. მტკვარშიც. აქას ხელი შეუწყო მსხვილი ელექტროსადგურების (ზაჰესი, მინგიჩაური) მშენებლობამ, რის შედეგად ზოგი თევზი აღარ მოიპოვება არა მარტო თბილისის, არამედ საერთოდ საქართველოს ფარგლებში.

ჩვენი მიზანია, მოკლედ მიმოვიხილოთ თბილისსა და მის მიდამოებში გავრცელებულ ცხოველთა ძირითადი სახეები. ამასთან, შევეხებით მხოლოდ ხერხემლიანებს, რადგან უხერხემლო ცხოველთა სიმრავლე თავისთავად მოითხოვს ცალკე ნარკვევის დამუშავებას. ხერხემლიანი ცხოველებიდანაც აღინიშნება მხოლოდ ძირითადი ფორმები, რადგან ყველას აღნუსხვა ასეთ მოკლე ნაშრომში შეუძლებელია.

წარმოდგენილ ნაშრომში ფაუნის შემადგენლობა განხილულია თბილისიდან 20-25 კილომეტრის რადიუსით.

* * *

ძ უ ძ უ მ წ ო ვ რ ე ბ ი. საკმაოდ მრავალფეროვანია თბილისის მიდამოების ძუძუმწოვართა ფაუნა.

ისტორიული წყაროების მიხედვით ქალაქის ტერიტორიაზე არსებულ ტყეებში მრავლად მოიპოვებოდა კავკასიური ირემი (*Cervus elaphus maral*). ამჟამად თბილისთან უახლოესი პუნქტები, სადაც ეს ცხოველი მოიპოვება არის ავქალა-ხედაზნისა და საგურამო იალონის ტყეები და მტკვრის სანაპირო ქალები გარდაბნის მახლობლად. ამავე

ადგილებში გვხვდება შველიც (*Capreolus capreolus*), რომელიც წარსულში ნადირობის ძირითადი ობიექტი იყო. უწესრიგოდ ნადირობის შედეგად მისი საერთო რაოდენობა ყველგან შემცირდა. ხელისუფლების მიერ მიღებული სათანადო ზომების შედეგად შველის საერთო რაოდენობა თანდათანობით მატულობს.

ჯერ კიდევ გასული საუკუნის 90-ან წლებში თბილისის მიდამოების ველების დამამშენებელი იყო ქურციკი (*Gazella subgutturosa*), რომელიც მოიპოვებოდა გარდაბნის, სამგორისა და ვაზიანის ველებზე. ეს ცხოველი უწესრიგოდ და დაუზოგველი ნადირობის შედეგად ამოწყდა არა მარტო თბილისის მიდამოებში, არამედ საერთოდ საქართველოს ფარგლებშიც. ამჟამად ერთეული ეგზემპლარების სახით-ღა გვხვდება.

თბილისიდან უახლოესი ადგილები, სადაც გარეული ღორი (*Sus scrofa attila*) ბინადრობს, არის გარდაბნის, ბორჩალოს, დმანისისა და ბოლნისის რაიონთა ტყეები და ქალები. წარსულში ეს ცხოველი მოიპოვებოდა თბილისის ტერიტორიაზეც, მაგრამ სათანადო სტაციების განადგურების გამო, იგი მოიხსნა.

თბილისის მიდამოებში მტაცებლები შედარებით უფრო მრავლად გვხვდება, თუმცა მათი საერთო რაოდენობა მნიშვნელოვნად შემცირებულია.

ამიერკავკასიური მაჩვი (*Meles meles minor*) მცირე რაოდენობით მოიპოვება კრწანისთან, ბოტანიკური ბაღის ტერიტორიაზე, შინდისის, ოქროყანის, წავეისის, კოჯრის, წყნეთის, ბაგების, ნახშირგორის, ლისის, დიღმის, ავქალის, ზედაზნის, მარტყოფის, ლილოს, ახალი სოფლის, სამგორის, სოღანლულისა და თელეთის მიდამოებში. ყველგან გვხვდება ერთეულების სახით. მცირეოდენი ზიანი მოაქვს სიმინდისა და ბოსტნეულის კულტურებისათვის.

ერთ-ერთ ძვირფასბეწვიან მტაცებელთაგანს წარმოადგენს წავი (*Lutra lutra*), რომელიც იშვიათად გვხვდება არა მარტო თბილისის მიდამოებში, არამედ საერთოდ საქართველოში. თბილისთან ამ ცხოველის გავრცელების უახლოესი პუნქტებია ავქალა-მცხეთის მისადევრები და გარდაბნის მტკვრის სანაპირო ქალები. წავის ერთი ეგზემპლარი, რომელიც გაბმულიყო თევზისთვის დაგებულ ბადეში, მოპოვებულია მტკვარში ყოფ. მუხრანის ხიდის მახლობლად.

შედარებით უფრო ფართო არეალით ხასიათდება კავკასიური თეთრყელა კვერნა (*Martes foina nehringi*). იგი გავრცელებულია ზედაზნის, წიწამურის, ავქალისა და გლდანის ტყეებში, მარტყოფისა და ორხევის მისადევრებში, კუმისის, კოჯრის, წავეისის, ბეთანიის, ახალდაბის, წყნეთის, ბაგების, ნახშირგორის, ლისის, დიღმის, დელისის მიდამოებში. თეთრყელა კვერნა მოპოვებულია აგრეთვე დიღმის ბორანთან (ამჟამად ხიდთან), ყოფ. მუშტაიდის (ამჟამად ორჯონიკიძის სახელობის კულტურისა და დასვენების) პარკში, ბოტანიკურ ბაღში. ამ ცხოველის ერთი ეგზემპლარი, რომელიც დაქერილი იყო სტალინის სახელობის ხიდის მახლობლად, დიდხანს ამშენებდა თბილისის ზოოპარკს.

როგორც ბუჩქნარებსა და ბალებში, ისე ველებზე, ზოგჯერ გარეუბნებში (ვაკე, საბურთალო, ნაძალადევი და ა. შ.) ბინადრობს აღმოსავლეთ-კავკასიური დედოფალა (*Mustela nivalis dinniki*). თბილისის მიდამოებში ერთეულების სახით გვხვდება კავკასიური მურა დათვი (*Ursus arctos caucasicus*), რომელიც ცნობილია გლდანის, მარტყოფის, ქვაკალისა და ნასომხარის ტყეებიდან.

კავკასიური მგელი (*Canis lupus cubanensis*) მოიპოვება ავქალის, ზედაზნის, გლდანის, მარტყოფის ტყეებში, სამგორის ველებზე, ლოქინის ხეობაში, თბილელის ხეებში, სოღანლულ-თელეთის, ნახშირგორა-დიღმის მისადევრებში. ამ მტაცებლის ერთი ეგზემპლარი მოკლულია მდ. ვერის ხეობაში, სასოფლო-სამეურნეო ინსტიტუტის დამხმარე მეურნეობის მახლობლად.

თითქმის ყველგანაა გავრცელებული ტურა (*Tibos aureus*), რომელიც მოიპოვება თბილელის ხეებში, ლოქინისა და საცხენისის ხეობაში, ვაზიანისა და სოღანლულის ველებზე, თელეთის ქედზე, „თბილისის ზღვის“, ნორიოს, ლილოს, ავქალა-ზედაზნის, დიღმისა და ლისის მიდამოებში, ზოგჯერ ქალაქის გარეუბნებშიც კი შეიკრება ხოლმე.

თბილისის მიდამოებში გვხვდება ორი ქვესახის მელა—ამიერკავკასიური მთის მელა (*Vulpes vulpes alticola*) და ამიერკავკასიური ველის მელა (*V. v. alpherakyi*), რომლებიც ბინადრობენ სამგორისა და ვაზიანის ველებზე, სოღანლულის, თელეთის, შინდისის, წავეისის, წყნეთის, ნახშირგორის, დელისის, ლისის, დიღმის, ავქალის, მარტყოფის, ლილოს და ნორიოს მიდამოებში, „თბილისის ზღვის“ მახლობლად.

აქვე აღვნიშნავთ, რომ თეთრყელა კვერნა, ტუ-
რა და მელა თბილისის მიდამოებში მასობრივად
მომრავლდნენ 1924 წელს¹. მომდევნო წლებში
მათი რაოდენობა თანდათანობით შემცირდა.

თბილისის მიდამოებში ენოტისმსგავსი ძალდი
(*Nyctereutes procyonoides*) მოიპოვება ავქალისა
და გლდანის მიდამოებში, ტურნერის სერის კალთე-
ბზე. ეს მტაცებელი სახალხო მეურნეობას მნიშვნე-
ლოვან ზიანს აყენებს. ამჟამად მიღებული ეფექტუ-
რი ზომების შედეგად, ენოტისმსგავსი ძალდის
საერთო რაოდენობა მნიშვნელოვნად კლებულობს.

ჯერ კიდევ ახლო წარსულში თბილისის მიდა-
მოებში ხშირად გვხვდებოდა ზოლებიანი აფთარი
(*Hyaina hyaina*). ცნობილი მკვლევარის კ. სატუნი-
ნის² გადმოცემით ეს ცხოველი ბინადრობდა ყოფ.
მლაშე ტბების (ამჟამად „თბილისის ზღვის“) მიდა-
მოებში, კუქიის სასაფლაოსთან, მახათის მთის
მიდამოში. ერთი ეგზემპლარი მოკლულია ქორქის
ტბასთან. 1935 წელს, სამგორის ველზე (სად. ვა-
ზიანის მახლობლად) მოპოვებულ იქნა ზოლებიანი
აფთარის 3 ლეკვი³. ამის შემდეგ თბილისის მიდა-
მოებში ზოლებიანი აფთარის არსებობის შესახებ
ცნობები არ მოგვეპოვება.

შესამჩნევი რაოდენობითაა გავრცელებული დე-
დაქალაქის მისადევრებში კავკასიური ტყის კატა
(*Felis silvestris caucasicus*), რომელიც ბინა-
დრობს ნასომხრის, ქვაკალას, მარტყოფის, გლდა-
ნის, ავქალის, ზედაზნის, ბეჟანისა და კოჯრის
მიდამოთა ტყეებში.

აღსანიშნავია, რომ თბილისიდან თხუთმეტი-
კილომეტრის დაშორებით, ზედაზნის ტყეში 1954
წელს მოკლეს ამიერკავკასიური ჯიქის (*Pardus
pardus tullianus*) საკმაოდ მოზრდილი ეგზემპლა-
რი⁴. თბილისის მახლობლად ამ მტაცებლის მო-
პოვება უადრესად იშვიათი მოვლენაა.

¹ Н. Чиджавадзе, К появлению хищников в Тифлисе, Спорт и охота в Закавказье, № 6, 1924.

² К. А. Сатунин, Млекопитающие Кавказского края, т. I, Тифлис, 1915.

³ არჩ. ჯანაშვილი, მასალები მტაცებლების (*Fissipedia*) საქართველოში გავრცელების შესწავლისათვის, თბი-
ლისის ზოოპარკის შრომები, ტ. II, 1948 (1958).

⁴ არჩ. ჯანაშვილი, საქართველოში ამიერკავკასიის
ჯიქის (*Pardus pardus tullianus Valens*) გავრცელების სა-
კითხისათვის, სტალინის სახელობის თბილისის სახელმწი-
ფო უნივერსიტეტის შრომები, ტ. 54, 1954.

არანაქლებ შემთხვევითია ის ფაქტი, რომ 1922
წელს თბილისიდან 25 კილომეტრის დაშორებით,
სოფ. ლელობასთან მოკლულია თურანული ვეფხვი
(*Tigris tigris virgata*), რომელიც საერთოდ საქა-
რთველოს ფაუნისათვის უცხო ელემენტს წარმო-
ადგენს.

მტკვრის ხეობის ქალებში მცირე რაოდენობით
გვხვდება ლელიანის კატა (*Chaus chaus*), რომე-
ლიც თბილისის ჩრდილო-დასავლეთით ვრცელ-
დება ავქალა-მცხეთის მიმართულებით.

კავკასიური ფოცხვერი (*Lynx lynx orientalis*)
ბინადრობს ავქალა-ზედაზნის, გლდანისა და მარტ-
ყოფის ტყეებში, თუმცა ყველგან გვხვდება ერთე-
ულების სახით. წარსულში ეს მტაცებელი თბი-
ლისის მიდამოებში იმდენად მრავლად ყოფილა,
რომ ზოგჯერ ქალაქის გარეუბნებშიც კი შეიკრე-
ბოდა ხოლმე. მაგალითად, 1906 წელს კ. სატუ-
ნინმა¹ ფოცხვერი მოკლა თავის სახლის ეზოში,
რომელიც მდებარეობდა იმ ადგილას, სადაც ამ-
ჟამად სამკურნალო კომბინატი (ი. ჭავჭავაძის
პროსპექტზე, უნივერსიტეტის გვერდით).

თბილისის ახლომახლო მინდვრებსა და ბუჩქ-
ნარებში თითქმის ყველგან მოიპოვება ამიერკავკა-
სიური კურდღელი (*Lepus europaeus cyrensis*).
იგი გვხვდება დელისისა და დიღმის მინდვრებზე,
„თბილისის ზღვის“, მარტყოფის, ნორიოს, ლი-
ლოს, ორხევის, ლოქინის, რუსთავის, სოღანლუ-
ლის, შინდისის, წავეისის, ოქროყანის, წყნეთის
მისადევრებში, მთაწმინდის პლატოზე.

წარსულში კურდღელი უფრო ფართოდ ყო-
ფილა გავრცელებული. ზევით უკვე აღვნიშნეთ
ყოფ. ვარდისუბნის ქუჩის მიდამოებში ამ მღრღნე-
ლის მოპოვების შესახებ. 40—45 წლის წინათ თა-
ნამედროვე კავშირის ქუჩიდან დაწყებული დასავ-
ლეთით არსებულ ყანებში ხშირად გვხვდებოდა
კურდღელი. ჯერ კიდევ ოციოდე წლის წინ იგი
ბინადრობდა ახლანდელი ვაკის პარკის ტერიტო-
რიაზე. ასევე ითქმის სამედიცინო ქალაქის ტერი-
ტორიის შესახებაც, ხოლო ხუდადოვის ტყეში
კურდღელი ეხლაც გვხვდება.

მარტყოფის, გლდანის, ავქალა-ზედაზნის ტყე-
ებში ერთეულების სახით მოიპოვება სპარსული
ციყვი (*Sciurus persicus anomalus*). თბილისის

¹ К. А. Сатунин, Млекопитающие Кавказского края, т. I, Тифлис, 1915.

მიდამოთა ტყეებსა და ბუჩქნარებში, ზოგჯერ ბა-
ლებშიც უმნიშვნელო რაოდენობით გვხვდება კავ-
კასიური ძილგუდა (*Glis glis tschetschenicus*), რო-
შელიც ზოგან აზიანებს კულტურულ მცენარეულო-
ბას. მარტყოფის, ლილოს, ნორიოს, გლდანის, აეკა-
ლა-ზედაზნის, ბეთანიის ტყეებსა და ბუჩქნარებში,
ზოგჯერ ბალებსა და ეზოებშიც ერთეულების სა-
ხით ბინადრობს ღნავე (*Dyromis nitedula ticho-
mirovi*). მცხეთა-ზედაზნის მისადევრებში გავრცე-
ლებულია ამ მღრღნელის მეორე ქვესახეც—კავკა-
სიური ღნავე (*D. n. caucasica*).

თბილისის მიდამოებში რიცხვმრავლად გვხვდებ-
ა თავისებური მღრღნელები. „თბილისის ზღვის“
მიდამოებში, ვაზიანისა და სამგორის ველებზე,
რუსთავის, სოღანდულისა და თელეთის მისადევ-
რებში მოიპოვება ამიერკავკასიური ომანა (*Cri-
cetetus auratus brandti*), თანასაზოგადოებრივი მე-
მინდვრია (*Microtus socialis binominatus*), რუხი
ზაზუნა (*Cricetulus migratorius*) და სხვ. რუსთავის
მახლობელ ველებზე ერთეულების სახით გავრცე-
ლებულია წითელკუდა მექვიშია (*Meriones erythro-
urus caucasicus*). ასევე ითქმის სამგორის ველზე
მოსახლე ველის თავის (*Mus musculus tataricus*)
შესახებაც. თბილისის მახლობელ სარწყავ არხებსა
და მის სანაპიროებზე მოიპოვება წყლის მემინდვ-
რია (*Arvicola terrestris*). თბილისის მიდამოების
ტყეებში გვხვდება ტყის ოაგვი (*Sylvimus silva-
ticus*). როგორც ქალაქის ტერიტორიაზე, ისე მის
მიდამოებში ყველგან ბინადრობენ რუხი ვირთაგვა
(*Rattus norvegicus*), შავი ვირთაგვა (*R. rattus*)
და სახლის თავი (*Mus musculus*).

თბილისის მიდამოებში საკმაოდ მრავლად
ხელფრთიანები. მათ შორის შეიძლება აღინი-
შნოს დიდი ცხვირნალა (*Rhinolophus ferrum-equi-
num*), მცირე ცხვირნალა (*Rh. hipposideros*), ყურ-
წვეტა მლამიობი (*Myotis oxygnathus*), ნატერერის
მლამიობი (*M. nattereri*), უღვაშა მლამიობი
(*M. mystacinus*), ყურდიდა ღამურა (*Plecotus au-
ritus*), მაჩქათელა (*Barbastella barbastellus*), ჩი-
ა ღამურა (*Vespertilio pipistrellus*), ნათუზის
ღამურა (*V. nathusii*) ხმელთაშუაზღვისეული ღამურ-
ა (*V. kuhli*), მგვიანე ღამურა (*V. serotinus*),
ღამურა (*V. murinus*) და სხვ. ბინადრობენ სახლის
სხენში, კედლების ნაპრალებში, ძველ შენობათა
ნანგრევებში და სხვა მსგავს ადგილებში.

თბილისის მიდამოებში უმნიშვნელო რაოდე-
ნობის სახეებით არიან წარმოდგენილი მწერიკა-
მიები. მათ შორის შეიძლება დასახელებულ იქნას
ამიერკავკასიური ზღარბი (*Erinaceus rumanicus
transcaucasicus*), რომელიც ბინადრობს ბუჩქნა-
რებსა და ტყიან ადგილებში. მცირე რაოდენობით
გვხვდება კავკასიური თხუნელა (*Talpa caucasica*)
და აღმოსავლური თხუნელა (*T. orientalis*). უმნი-
შვნელო რაოდენობით მოიპოვება კავკასიური მცი-
რე ბიგა (*Sorex minutus volnuchini*), კავკასიური
კბილთეთრა (*Crocidura russula guldenstedti*),
სპარსული კბილთეთრა (*C. leucodon persica*),
მცირე კბილთეთრა (*C. dinniki*), ჩიბილთეთრა
(*Pachyura etrusca*). ბიგისებრთ მანე მწერების გა-
ნადგურებით სახალხო მეურნეობისათვის მნიშვნე-
ლოვანი სარგებლობა მოაქვთ.

ფ რ ი ნ ვ ე ლ ე ბ ი. თბილისის მიდამოსათვის და-
მახასიათებელია საკმაოდ ნაიფეროვან ფრინველ-
თა ფაუნა, რომელიც შეიცავს საქართველოში მო-
ბინადრე სახეთა უმრავლესობას. ზოგი მათგანი
ქალაქის ქუჩებისა და ეზოების ბინადრია, დიდი
ნაწილი კი ქალაქის მისადევრებში ცხოვრობს. თბი-
ლისის ფრინველების სახეთა რაოდენობა საგრძ-
ნობლად იზრდება მიჰოფრენის პერიოდში—გა-
ზაფხულსა და შემოდგომაზე, როდესაც ადგილო-
ბრივ ძირითად სახეებს ემატება მიმომფრენი ფო-
რმებიც. აღენიშნოთ ზოგიერთი დამახასიათებელი
და ფართოდ გავრცელებული სახე.

თბილისის მიდამოთა ყანებსა და ველებზე
გვხვდება მწყერი (*Coturnix coturnix*), რომელიც
ახლო წარსულში მნიშვნელოვანი რაოდენობით
მოიპოვებოდა ვაკის, საბურთალოს და სხვა უბან-
თა ტერიტორიაზე, სადაც ხორბალი და ქერი
ეთესა ხოლმე.

მთაწმინდისა და თაბორის მთის კალთებზე თე-
ლეთის ქედის მამართულებით ყველგან გვხვდება
კავკასიური კაკაბი (*Alectoris graeca caucasica*),
რომლის საერთო რაოდენობა უკანასკნელ წლებში,
უწყსრიგო ნადირობის გამო, საგრძნობლად შე-
მცირდა.

თბილისისა და მისი მიდამოების დამამშვენე-
ბელი იყო ქართული ხოხობი (*Phasianus colchi-
cus lorenzi*), რომელიც აქ დიდი რაოდენობით
მოიპოვებოდა. ამის დასადასტურებლად ისიც სა-
კმარისია აღინიშნოს, რომ თვით დედაქალაქის
დაარსების ლეგენდა ხოხობზე ნადირობასთანაა

დაკავშირებული. ამჟამად თბილისთან ხობხის გა-
ვრცელების უახლოესი ადგილებია მცხეთა წიწა-
მურის მიდამოები. სასურველია ამ ფრინველის
რეკლამატორები მის ძველსძველ საბინადროში.

მცირე რაოდენობით ბინადრობს სამგორის
ველსა და მტკვრის ხეობაში ამიერკავკასიური გნო-
ლი (*Perdix perdix canescens*). თბილისის მიდა-
მოებში ჯერ კიდევ ისმის ღულღუნი გარეული
მტრედის (*Columba livia neglecta*), გულიოსი
(*C. oenas*) და ქედნისა (*C. palumbus*), რომლებიც
თავს აფარებენ ძველ შენობათა ნანგრევებსა და
ტყეებში. თბილისის მიდამოებში ხშირად ვხვდებ-
ით შარაგზების პირას მოგოგმანე ან ტელეფონის
მავთულზე მჯდომ გვრიტს (*Streptopelia turtur*).
ზოგჯერ კი თავზე გადაკვიფრენენ ხოლმე მისი
რიცხვმრავალი გუნდები. სანწუხაროდ ეს სასარგე-
ბლო ფრინველი ხშირად ხდება ბრაკონიერთა სა-
მიზნო.

თბილისის მიდამოებში იშვიათად გვხვდება
მნიშვნელოვანი სანადირო ობიექტი მელოტა (*Fu-
lica atra*), ხონტქრის ქათამი (*Porphyrio porphyrio*)
და, უფრო ხშირად, წყლის ქათამი (*Gallinula
chloropus*). რიგ ადგილებშია ძვირფასი სანადირო
ობიექტი ლალა (*Crex crex*). მიმოფრენისას თბი-
ლისის მიდამოებს ეწვევა ხოლმე წეროტურფა
(*Anthropoides virgo*). ზოგჯერ ზამთრობით მტკვრის
ხეობაში, გარდაბნისა და სამგორის ველებზე
გვხვდება სავათი (*Otis tarda*) და სარსარაკი (*O. te-
tras*). ალაგ-ალაგ თბილისის მიდამოებში მოიპო-
ვება საყულოიანი მეჭვავია (*Charadrius hiaticula*).
უფრო ხშირად წყალსატევთა სანაპირო ტყეებსა
და ქალებში ბინადრობს პრანწია (*Vanellus va-
nellus*). ქაობიან ადგილებსა და ტბათა სანაპი-
როებში, „თბილისის ზღვის“ მიდამოებში იშვია-
თად მოიპოვება ქაობის კოკორინა (*Tringa glare-
ola*), მებორნე (*T. hypoleucos*), შავულა (*T. ochro-
pus*), რუხი კოკორინა (*Terekia cinerea*) და სხვ.

თბილისის მიდამოებში იშვიათადაა ტყის ქა-
თამი (*Scelopax rusticola*). ასევე ითქმის მისი მო-
ნათესავე ჩიბუხას (*Capella gallinago*) შესახებაც.
მიმოფრენის პერიოდში დედაქალაქის მისადევრებ-
ში შესაძლებელია შევხვდეთ გოქას (*C. media*),
კუიშოს (*Lymnocryptes minima*), მდინარის მეთოვ-
ლიას (*Sterna hirundo*).

თბილისის მიდამოებში გვხვდება მიმო-
ფრენისას. სოღანლულთან მოპოვებული ყვითელ-

ნისკარტა გედი (*Cygnus cygnus*) ერთხანს ცხოვ-
რობდა თბილისის ზოოპარკში. შედარებით უფრო
ხშირადაა, მით უმეტეს მიმოფრენის პერიოდში,
რუხი ბატი (*Anser anser*), სხვადასხვა სახის იხვი.
„თბილისის ზღვის“ მიდამოში მიმოფრენისას აღი-
ნიშნება გარეული იხვი (*Anas platyrhynchos*).
ამავე ადგილს ზამთრობით ეწვევა ხოლმე იხინჯა
(*A. querquedula*). იშვიათად შეიძლება შევხვდეთ
ბოლოსადგისას (*A. acuta*). სამგორის ველზე ზოგ-
ჯერ აღინიშნება წითელი იხვი (*Adorna ferru-
ginea*).

ლისის ტბის მიდამოებში მოპოვებულია ვერო
(*Platalea leucorodia*), რაც იშვიათია თბილისის
მიდამოს ფრინველთა ფაუნისათვის. ამავე ადგი-
ლებში ზოგჯერ გვხვდება ივეოსი (*Plegadis fal-
cinellus*).

თბილისის მიდამოს რიგ ადგილებში შეიძლება
შევხვდეთ ყარყატს (*Ciconia ciconia*). სამგორისა
და გარდაბნის ველებზე რიგ შემთხვევაში მოიპო-
ვება რუხი ყანჩა (*Ardea cinerea*). შედარებით
ხშირადაა ქარცი ყანჩა (*A. purpurea*), რომლის
ერთი ეგზემპლარი მოკლულია ვერის ხეობაში,
ზოოპარკის ტერიტორიაზე. მიმოფრენის პერიოდ-
ში ზოგჯერ გვხვდება ლამის ყანჩა (*Nycticorax
nycticorax*). ლისის ტბის სანაპიროებზე იშვიათად
ბინადრობს წყლის ბულა (*Botaurus stellaris*).

თბილისის მიდამოებში მრავალ ადგილას გვხვდებ-
ა შავარდენი (*Falco peregrinus*), რომელიც ტყე-
ბის ბინადარია. მარტყოფის, გლდანის, აქქალა-
ზელაზნის მისადევრებში ხშირად მოიპოვება ალა-
ლი (*F. subbuteo*). თბილისის მიდამოების ტყეებში,
ბუჩქნარებში გვხვდება ჩვეულებრივი კირკიტა
(*F. tinnunculus*), რომელსაც მანე მღრღნელების
მასობრივად განადგურებდა მნიშვნელოვანი სარგე-
ბლობა მოაქვს სახალხო მეურნეობისათვის. ველზე
მოსახლეობს მისი მონათესავე ველის კირკიტა
(*F. naumauni*). თბილისის მიდამოებში ხშირია
კავკასიური ქორი (*Accipiter gentilis caucasicus*),
რომელიც ზოგჯერ გარეუბნის ქუჩებშიც კი და-
ფრინავს ხოლმე. მარტყოფის, ნორიოს, გლდანის
აქქალისა და ზელაზნის მიდამოებში არანაკლებ
ხშირად გვხვდება მიმინო (*A. nisus*).

მიმოფრენის პერიოდში თბილისის მიდამოს
ეწვევა ხოლმე მდელოს ბოლობეკედა (*Cyrcus py-
gargus*), უფრო ხშირად კი — მინდვრის ბოლობე-
კედა (*C. cyaneus*). ფართოდაა გავრცელებული

შავი ძეწა (*Milvus korschun*), რომელიც ხშირად თბილისის გარეუბნებშიც დაფრინავს. ასევე ითქმის წითელი ძეწის (*M. milvus*) შესახებაც.

თბილისის მიდამოებში იშვიათად გვხვდება ფსოვი (*Haliaeetus albicilla*), რომლის ერთი წყვილი ბუდობდა ბოტანიკურ ბაღის პირას, თაბორის მთის კლდეში. იშვიათად შემოფრინდება ხოლმე საკვლევი უბნის ფარგლებში ფასკუნჯი (*Neophron percnopterus*), რომლის რამდენიმე ეგზემპლარი მოპოვებულია დიღმის მისადევრებში. თბილისის მახლობელ ველებზე მცირე რაოდენობით მოიპოვება ეელის არწივი (*Aquila rapax*). ასევე ითქმის კავკასიურ კაკაჩას (*Buteo buteo menetriesi*) შესახებაც.

საკმაოდ მრავალრიცხოვნად გვხვდება ჩვეულებრივი ქაობის ბუ (*Asio flammeus flammeus*), რომელიც ბუდობს ტყიან ადგილებსა და ბუჩქნარით დაფარულ ფერდობებზე. იშვიათია კავკასიური ფეხბანჯგვლიანი ბუ (*Aegolius funereus caucasicus*), რომელიც ძირითადად ქაობებში ბინადრობს. რიგ ადგილებში მოიპოვება ტყის ბუ (*Strix aluco*) და ქოტი (*Bubo bubo*).

თბილისის მიდამოს ტყეებში ყველგან გვხვდება გუგული (*Cuculus canorus*), რომლის მოძახილი ხშირად გვესმის გარეუბნებშიც კი.

თბილისის მიდამოების ტყის პირებსა და ბაღებში ბინადრობს ყაპყაპი (*Coracias garrulus*), რომელსაც ხშირად ვხვდებით ხოლმე გზის პირებზე, ტელეფონის ან სხვა სახის მავთულებზე ჩამოშდარს. საკვების ძებნისას იგი შორს შეიჭრება ხოლმე ველებზე. გარეუბნებისა და ქალაქის ცენტრალური ნაწილის თავზე მრავალრიცხოვანი გუნდების სახით დაფრინავს კვირიონი (*Merops apiaster*). უმნიშვნელო რაოდენობით, ისიც წყალსატევეთა სანაპირო ქალებსა და ბუჩქნარებში, მოიპოვება ალკუნი (*Alcedo atthis*). ტყის პირებში, ბუჩქნარებში, ბაღებში, ზოგჯერ ეზოებშიც კი გვხვდება ოფოფი (*Upupa epops*).

თბილისის ქუჩებსა და მის თავზე დაფრინავენ ნამგალას (*Apus apus*) რიცხვმრავალი გუნდები, მით უმეტეს ეს ითქმის გარეუბნებისა და მიდამოებისათვის.

ტყიან ადგილებში გვხვდება შავი კოდალა (*Dryocopus martius*). საყურადღებოა მწვანე კოდალა (*Picus viridis*), რომელიც ფართოდაა გავრცელებული თბილისის მიდამოს ტყიან ადგი-

ლებში. იგი მოპოვებულია ვერის ხეობაში, ზოოპარკის ტერიტორიაზე, სადაც ბუდობს კრეცე. აქა-თქ ტყეებში გვხვდება დიდი ქრელი კოდალა (*Dendrocopos major*), საშუალო კოდალა (*D. medius*) და, უფრო ხშირად, მცირე ქრელი კოდალა (*D. minor*).

როგორც საერთოდ ყველგან, ისე თბილისის მიდამოებშიც, ბელურასნაირნი წარმოდგენილი არიან რიცხვმრავალი სახეებით. ამასთან, ისინი თითოეული სახის ფარგლებში ინდივიდთა მრავალრიცხოვნობითაც ხასიათდებიან.

თბილისის მიდამოებში იშვიათად გვხვდება ყორანი (*Corvus corax*), რომელიც მეტწილად მოიპოვება მარტყოფის, გლდანის, აეკალა-ზედაზნის მისადევრებში. საკვლევი უბნის ფარგლებში ჩვეულებრივია რუხი ყავი (*C. corone*), რომლის რიცხვმრავალი გუნდები ხშირად ქალაქის თავზე გადაიფრინენ ხოლმე. ბუდობს ახლომახლო ტყეებში ყველგან. თბილისის მიდამოების ხშირი სტუპარია ქილყავი (*C. frugilegus*), რომელიც მრავალრიცხოვნად შეინიშნება ხოლმე შემოდგომაზე მინდვრის ხენისას. კაქკაქი (*Pica pica*) თბილისის მიდამოებში გავრცელებულია მცირე რაოდენობით. მას ვხვდებით ახლომახლო ტყეებში, ზოგჯერ შეიჭრება ხოლმე გარეუბნის ბაღებში. თბილისის მიდამოთა ტყეებში მოიპოვება კავკასიური ჩხიკვი (*Garrulus glandarius krynicki*). მრავალადაა შოშია (*Sturnus vulgaris*), რომლის რიცხვმრავალი გუნდები ქალაქის თავზე ხშირად დაფრინავენ ხოლმე. თბილისის მიდამოების ტყიან ადგილებში, ზოგჯერ ბაღებში გვხვდება მოლალური (*Oriolus oriolus*), კულუმბური (*Coccyzoides coccyzoides*). როგორც თბილისის მიდამოების ტყეებსა და ბუჩქნარებში, ისე ქალაქის გარეუბნების, ზოგჯერ ცენტრალური ნაწილის ბაღებსა და ეზოებში ბინადრობენ მწვანულა (*Chloris chloris*), ჩიტბატონა (*Carduelis carduelis*), კვინტა (*C. cannabina*), ქივქავი (*C. spinus*), მეროლია (*Serinus pusillus*), ნიბლია (*Fringilla coelebs*). ზოგჯერ ამავე ადგილებს ესტუმრება ხოლმე სტევნია (*Pyrrhula pyrrhula*). როგორც თბილისის მიდამოებში, ისე თვით ქალაქში ყველგან გვხვდება სახლის ბელურა (*Passer domesticus*), რომლის რიცხვმრავალი კოლონიები ხშირადაა ქალაქის ცენტრალურ ქუჩებშიც. თბილისის მიდამოებისათვის დამახასიათებელია აგრეთვე მინდვრის ბელურა (*P. montanus*). ესპა-

ნური ბელურის (*P. hispaniolensis*) გუნდები ზოგჯერ შესამჩნევია ხოლმე სამგორისა და რუსთავის მახლობელ ველებზე. თბილისის მიდამოების ტყითა და ბუჩქნარით დაფარულ ადგილებში ხშირად გვხვდება მეფეტვია (*Emberiza calandra*), რომელიც ზოგჯერ ბაღებშიც შეიკრება ხოლმე. რიგ ადგილებში მოიპოვება შავთავა გრატა (*E. melanocephala*), ბაღის გრატა (*E. hortulana*). თბილისის მიდამოების ველებზე ყველგან გვხვდება მინდვრის ტოროლა (*Alauda arvensis*), ქოჩორა ტოროლა (*Galerida cristata*), მცირე ტოროლა (*Calandrella cinerea*), ველის ტოროლა (*Melanocorypha calandra*). თბილისის მიდამოებში განსაკუთრებით კი წყალსატევთა მახლობლად ხშირადაა წყალწყალა (*Motacilla alba*), ბზეწვია (*M. cinerea*), ბოლოქანქალა (*M. flava*) და სხვ. საკვლევ უბანში გავრცელებულია მდელოს მწყერჩიტა (*Anthus pratensis*), მინდვრის მწყერჩიტა (*A. campestris*).

თბილისის მიდამოების ტყეებსა და ბუჩქნარებში, ზოგჯერ გარეუბნის ბაღებშიც, ხშირად გვხვდება დიდი წიფწივა (*Parus major*), წიწკანა (*P. cobrileus*), თობიტარა (*Aegithalus caudatus*) და სხვ. ამავე ადგილებში მოიპოვება კავკასიური ლაეო (*Lanius cristatus kobylini*), რუხი ლაეო (*L. excubitor*), შავთავა ლაეო (*L. minor*), წითელთავა ლაეო (*L. senator*) და სხვ., რომლებსაც მნიშვნელოვანი სარგებლობა მოაქვთ სახალხო მეურნეობისათვის მავნე მწერების მასობრივად განადგურებით.

მცირე ზომის ფრინველთაგან, რომლებიც აგრეთვე მასობრივად ანადგურებენ მავნე მწერებს, თბილისის მიდამოებში გვხვდება ყვითელთავა ნარჩიტა (*Regulus regulus*), ყარანა (*Phylloscopus collybitis*), რომლებიც ძირითადად ტყეებსა და ბუჩქნარებში ბინადრობენ, ზოგჯერ გარეუბნის ბაღებსა და ეზოებშიც შეიკრებიან ხოლმე. ტყეებისა და ქაობიანი ადგილების ბინადარია ბოლოგანიერი მეჩალია (*Celtia celti*), შაშვისებრი მეჩალია (*Acrocephalus arundinaceus*), ქაობის მეჩალია (*A. palustris*).

საკმაოდ ფართოდაა გავრცელებული თბილისის მიდამოების ბუჩქნარებში, ბაღებში, ზოგჯერ ეზოებში მგალობელი ასპუქაკა (*Sylvia hortensis*), ბაღის ასპუქაკა (*S. borin*), შავთავა ასპუქაკა (*S. atricapilla*), რუხი ასპუქაკა (*S. communis*).

თბილისის მიდამოების ტყეებსა და ბუჩქნარებში, ბაღებში, ზოგჯერ ეზოებშიც, გვხვდება შაშვი (*Turdus merula*). ამავე ადგილებში მოიპოვება ჩხართვი (*T. viscivorus*), ბოლოშავი (*T. pilaris*), წრიბა (*T. cricetorum*) და სხვ.

თბილისის მახლობელი ბორცვების ქვიანსა და თიხნარ ფერდობებზე, ხრამებში, გზის პირებში ბინადრობს მელორღია (*Oenanthe oenanthe*), მელორჩიტა (*O. hispanica*), ბოლოთეთრი მელორღია (*O. isabelina*), მდელოს ოვსადი (*Saxicola rubetra*). რიგ ადგილებში მოიპოვება ჩვეულებრივი ბოლოცეცხლა (*Phoenicurus phoenicurus*).

დასახელებული ადგილების ტყეების, ქალების, ბუჩქნარების, ბაღების, ზოგჯერ პარკების დამამშვენებელს წარმოადგენს დასავლური ბულბული (*Luscinia megarhynchos*), მიმოფრენისას გვეწყვეა ხოლმე აღმოსავლური ბულბულიც (*L. luscinia*). ამ ფრინველების მასობრივად გავრცელებასთანაა დაკავშირებული ქორქის ტბის მახლობლად არსებული ტყე-ბუჩქნარის სახელწოდება— „ბულბულეების წალკოტი“, რომელშიც ბულბულებს საამური სტვენა ისმის გაზაფხულიდან შემოდგომამდე. ამავე სტაციების ბინადარია გულწითელა (*Erithacus rubecula*), როგორც ტყეებსა და ბუჩქნარებში, ისე ბაღებსა და გარეუბნების ეზოებში ხშირად გვხვდება კინქრაკა (*Troglodytes troglodytes*).

თითქმის ყველგანაა სოფლის მერცხალი (*Hirundo rustica*), რომლის ბუდეებსაც ხშირად გვხვდებით ქალაქის ცენტრალურ ნაწილშიც. მითუმეტეს ამ ფრინველის გუნდები დაფრინავენ თბილისის თავზე. ამავე ადგილებში ხშირადაა ქალაქის მერცხალი (*Delichon urbica*), რომლის რიცხვმრავალი კოლონია ცხოვრობს დედაქალაქის ცენტრალურ ნაწილში, ბუდეს იკეთებს მაღალი სახლების კედლებზე, ქვითკირის ხიდის ქვეშ და სხვა მსგავს ადგილებში.

ქვეწარმავლები. თბილისის მიდამოებში საკმაოდ მრავლად გვხვდება ქვეწარმავლები. კლდოვან ადგილებში — თელეთის ქედზე, თაბორის მთაზე, სოლოლაკში, მთაწმინდაზე, ვერის ხეობაში, საბურთალოზე, „თბილისის ზღვის“ მიდამოებში მოიპოვება კავკასიური გოგო (*Agama caucasica*). უკანასკნელ სამიოდე წლამდე ამ ქვეწარმავლის რიცხვმრავალი კოლონიები ცხოვრობდნენ ვარაზის ხეებში (უნივერსიტეტის მეტეოროლოგიური სადგურის მახლობლად).



წარკისიზმ-ლენინიზმი: ინსტიტუტი



სასტუმრო „აბილასი“



გამოჩენილი მკვლევარი ა. ნიკოლსკი¹ თბილისის მიდამოებისათვის ასახელებს მრგვალთავას (*Phrynocephalus helioscopus*), რასაც უარყოფს ვ. როსტომბეგოვი².

თბილისის მიდამოებისათვის დამახასიათებელია ზოლებიანი ხელიკი (*Lacerta strigata*), საშუალო ხელიკი (*L. media*), კლდის ხელიკი (*L. saxicola*) და სხვ.

უფრადლებას იპყრობს თბილისის მიდამოებში მობინადრე გველთაფა (*Ophiops elegans*). თითქმის ყველგან გვხვდება გველხოკერა (*Ophisaurus apodius*). იგი ზოგჯერ გარეუბნის ბაღებშიც შეიკრება ხოლმე. საკვლევი რაიონის ხელიკისნაირთა შორის დამახასიათებელია ბოხმეკა (*Anguis fragilis*), რომელიც მოიპოვება ორთაქალაში, კრწანისში, კოჯორთან, ბეთანიასთან, წყნეთთან, ახალდაბასთან, ლისთან, ქორქის ტბასთან, აქვალასთან. თბილისის მიდამოებში იშვიათად გვხვდება მარდი ფსევნი (*Eremias velox*). ხელიკისნაირთა ყველა წარმომადგენელს შაენე მწერების განადგურებით სახალხო მეურნეობისათვის მნიშვნელოვანი სარგებლობა მოაქვს.

თბილისის მიდამოებში თითქმის ყველგანაა გავრცელებული გველბრუცა (*Typhlops vermicularis*). იგი ზოგჯერ თბილისის გარეუბნებშიც გვხვდება. ამ გველის რამდენიმე ეგზემპლარი მოპოვებულია ქალაქის ქუჩებშიც (რუსთაველის პროსპექტისა და სამხედრო ქუჩის შესაყართან, ქაჯუკაძის პროსპექტზე. უნივერსიტეტის მახლობლად, ჩელიუსკინელთა მოედანზე, საბურთალოზე, ხილიანის ქუჩაზე, სტუდენტთა ქალაქში და სხვ.). უვნებელი გველთაგანია. ახლო მიდამოს ველებზე და ზეგნებზე თითქმის ყველგან მოიპოვება ველის მახრჩობელა (*Eryx jaculus*), რომელსაც შაენე მღრღნელების განადგურებით სარგებლობა მოაქვს სახალხო მეურნეობისათვის. წყალსატევების მიდამოებსა და ქაობიან ადგილებში, მდინარეთა სანაპიროებზე ყველგან გვხვდება წყლის ანკარა (*Natrix tessellata*), ჩვეულებრივი ანკარა (*N. natrix*). ათეული წლის წინათ ამ გველის რამდენიმე ეგზემპლარი მოპოვებულია კახეთის მოედნის მახლო-

ბლად. თბილისის მიდამოს ტყიანსა და ბუჩქნარიან ადგილებში, ხშირად ყანებსა და სათიბებში, აგრეთვე ბაღებში, გვხვდება მკველყვითელი მტურაფი (*Coluber jugularis*). იგი მოპოვებულია ზოოპარკის ტერიტორიაზე, უნივერსიტეტის ეზოს მიდამოში. უწხამოთა შორის ეს გველი ყველაზე ადრე და ზოგჯერ თავს ესხმის და კბენს ადამიანსაც, მაგრამ შხამი არა აქვს და ამდენად იგი არაა სახიფათო. გარდა აღნიშნულისა თბილისის მიდამოებში გვხვდება მწვანე მტურაფი (*C. najadum*), ფერადი მტურაფი (*C. ravergieri*), ხალხიანი მტურაფი (*Elaphe situla*), წყნარი კონტია (*Coutia modesta*), ხშირია კატის გველი (*Tarbovlis fallax*), რომელიც ნახევრად შხამიან გველთა რიცხვს ეკუთვნის.

შხამიანი გველებიდან თბილისის მიდამოებში გავრცელებულია გიურბა (*Vipera lebetina*). მოიპოვება ეს გველი სოღანლულის ველებზე, კრწანისიდან შინდისამდე არსებულ კლდოვან ფერდობებზე¹, თაბორის მთასთან. ყველგან გვხვდება იშვიათად. აღნიშნულ სახეზე არანაკლებ შხამიანი ცხვირკოსანი გველგესლა (*V. ammodytes*), რომელიც გვხვდება ქოროლის ციხის ნანგრევებთან, კოჯორსა და პრიუტს შორის არსებულ ტყეებში, ბეთანიასთან, დიღმის მიდამოში.

თბილისის მიდამოებში უმნიშვნელო რაოდენობით მოიპოვება კასპიური კუ (*Clemmys caspica*), რომელიც ცნობილია კუმისის ტბის მიდამოებიდან და ყოფ. მლაშე ტბებიდან (ამგამად „თბილისის ზღვა“). თბილისის მიდამოების ტბებსა და ქაობიან ადგილებში უფრო ხშირად გვხვდება ქაობის კუ (*Emys orbicularis*). ველებზე, ბუჩქნარებსა და ტყეებში, ბაღებში და ზოგჯერ გარეუბნის ეზოებშიც, მოიპოვება ბერძნული კუ (*Tes-tudo graeca*).

ამ ფიზიკი ი. ისე როგორც მთელ საქართველოში, თბილისის მიდამოებში წყალხმელეთა ცხოველების ანუ ამფიბიების სახეთა რაოდენობა არაა დიდი. თუმცა საქართველოში გავრცელებულ ფორმათა უპრავლესობა გვხვდება დედაქალაქსა და მის მისადევრებში. ახალდაბის ტბაში მცირე რაოდენობით მოიპოვება სავარცხლიანი ტრიტონი (*Triturus cristatus*). ეს სახე გვხვდებოდა შთაწმინდაზე, ბულბულების წალკოტის მახლობლად

¹ А. М. Никольский, Пресмыкающиеся, Фауна России и сопредельных стран, Петроград, 1916.

² В. Н. Ростовбеков, К герпетофауне окрестностей Тифлиса, Закавказский Краеведч. сборник, т. I, Тифлис, 1930.

¹ იხ. ვ. როსტომბეგოვის დამოწმებული ნაშრომი.

არსებულ ქობში. აქამდეს ლკანასკნელი მთლიანად ამომშრალია და, პუნებრივია, მასში მცხოვრები ტრიტონები (ასევე სხვა სახის ცხოველებიც) მოსპობილია. ამავე ქობში და აგრეთვე ახალდაბის ტბაში. ვ. როსტომბეგოვი¹ მიუთითებს მცირეაზიური ტრიტონის (*T. vittatus*) არსებობას. ა. ნიკოლსკი² აღნიშნავს ამ სახის ტრიტონის ქორქის ტბაში გავრცელებას, რაც არაა მართებული.

ქორქის ტბაში მოპოვებულია სირიული წყვარი (*Pelobates syriacus*), რომელიც იშვიათია ჩვენს ფაუნაში. ფართოდაა გავრცელებული და თითქმის ყველგან გვხვდება ჩვეულებრივი გომბეშო (*Bufo bufo*) და მწვანე გომბეშო (*B. viridis*). მაგნე მწერების განადგურებით გომბეშოებს მნიშვნელოვანი სარგებლობა მოაქვთ. თბილისის მიდამოების ტყეებსა და ბუჩქნარებში, ბაღებში, ზოგჯერ ეზოებშიც გვხვდება ვასაკა (*Hyla arborea*), რომელიც წყალსატევს ეტანება მხოლოდ გამრავლების პერიოდში, დანარჩენ დროს იგი ხეზე ატარებს. თბილისის მიდამოებში ყველგან, აგრეთვე ქალაქის ფარგლებში მტკვრის სანაპიროების ზოგიერთ ადგილას, მოიპოვება ტბის ბაყაყი (*Rana ridibunda*). ზიანი მოაქვს თევზმურწიფისათვის ნორჩი ლიფსიტების მასობრივად განადგურებით. ახალდაბის ტბაში, ლისის ტბასა და ქორქის ტბაში გავრცელებულია აზიურკავკასიური ბაყაყი (*R. macrolepis*).

თევზები. მდინარე მტკვარი მისი შენაკადებით და აგრეთვე თბილისის მიდამოების რიგი წყალსატევები თევზების მნიშვნელოვანი რაოდენობის სახეებს შეიცავენ.

მტკვარში მოიპოვება კასპიური სალამურა (*Caspiomyzon wagneri*). წარსულში მტკვარში თბილისის დასავლეთით ვრცელდებოდა ზუთხი (*Ac-*


¹ იხ. ვ. როსტომბეგოვის დამოწმებული ნაშრომი.

² А. М. Никольский, Земноводные, Фауна России и сопредельных стран, Петроград, 1918.

peser guldenstedti). მტკვარში თბილისამდე და მის დასავლეთით ფართოდ ვრცელდებოდა კასპიური ორაგული (*Salmo trutta caspius*). ამჟამად, განსაკუთრებით მინვერჩაურის ჰიდროსადგურის მშენებლობასთან დაკავშირებით, შეწყდა ამ თევზის სვლა არა მარტო თბილისისაკენ, არამედ საერთოდ საქართველოსაკენ. მტკვარში ხშირად გვხვდება ქაშაპი (*Leuciscus cephalus tauricus*). იშვიათად, ქვირილობის პერიოდში, მტკვარში მოიპოვება ქერები (*Aspius aspius tenuatus*). აქვე იჭერენ ტობს (*Chondrostoma cyri*). შედარებით უფრო ხშირად გვხვდება მექვიშია ანუ ფეტვია (*Gobio persa*). თბილისის ფარგლებისათვის ჩვეულებრივს წარმოადგენს ხრამული (*Varicorhinus capoeta*). მტკვარში ხშირად მოიპოვება წვერა (*Barbus cyri*), მურწა (*B. murra*); გვხვდებიან მტკვრის შენაკადებშიც. მტკვარში თბილისამდე და მის დასავლეთით არაგვამდე აღწევს კასპიური შამაია (*Chalcalburnus chalcoides*); შედის მტკვრის შენაკადებშიც. თბილისის ფარგლებში ხშირად მოიპოვება შავწარბა ნაფოტა (*Acanthalburnus microlepis*). მტკვარსა და მის შენაკადებში შედარებით ხშირად მოიპოვება კობრი (*Cyprinus carpio*). აღსანიშნავია, რომ ლისის ტბაში აკლიმატიზებულია ამ თევზის მოშინაურებული ფორმა — სარკისებრი კობრი. მტკვარსა და მდ. ვერაში გვხვდება გოქალა (*Nemachilus brandti*). მტკვარში მოიპოვება ლოქო (*Silurus glanis*), ლორჯო (*Gobius platirostris cyrius*). თბილისის მიდამოების ყველა ტბაში აკლიმატიზებულია ამერიკული წარმოშობის გამბუზია (*Gambusia affinis*), რომელიც იკვებება რა კოლოს მატლებით, მნიშვნელოვან ღონისძიებას წარმოადგენს მალარიის წინააღმდეგ ბრძოლის საქმეში.

„თბილისის ზღვაში“ თევზები შესაბამისად მდ. ივრიდან. თუმცა ისიც უნდა ითქვას, რომ აქ აკლიმატიზებულია რიგი ახალი ფორმები.





მინილ საბავშვილი

თბილისის მიდამოების ნიადაგები

ბუნებრივი პირობების მრავალფეროვნებისა და, კერძოდ, ზედაპირის ძლიერი დასერილობის გამო თბილისის მიდამოებს ნიადაგების დიდი სხვადასხვაობა ახასიათებს. თბილისის მიდამოების ტერიტორიის უმეტეს ნაწილში თვალსაჩინოდ არის გამოსახული თანამედროვე სტადიაზე ტყის მცენარეული ფორმაციის შეცვლა ველის მცენარეულობით, რაც აძლევს მას ტყესა და ველს შორის გარდამავალი ლანდშაფტის სახეს. ზოგან ამ პროცესს აქვს უფრო დასრულებული სახე (სამგორის ვაკე, სოლანლულის ველი და სხვ.) და აქ ტიპობრივად გამოსახული ველის ლანდშაფტია წარმოდგენილი; თბილისის მიდამოების შედარებით მალა ნაწილში კი ტყეს უფრო მეტად აქვს შენარჩუნებული თავისი პირვანდელი სახე და იგი ტიპობრივად წარმოდგენილი ტყის ზონას მიეკუთვნება (ლისი, წყნეთი, კოჯორი და სხვ.).

აღნიშნულის შესაბამისად თბილისის მიდამოებში ვხვდებით ჩამოყალიბებული სახის ველის ტიპის, კერძოდ, წაბლა ნიადაგებს, გარდამავალი სახის მდელოს ყავისფერ და რუხ-ყავისფერ ნიადაგებს და მთა-ტყის ზონისათვის დამა-

ხასიათებელ ტყის ყავისფერ, ხოლო უფრო მალა—ტყის ყომრალ ნიადაგებს. ველის ზონაში (სამგორის ველზე) საკმაოდ დიდი ადგილი უკავია ე. წ. გაჯიან ნიადაგებს; აქ და სოლანლულის ველზე გავრცელებულია აგრეთვე სხვადასხვა სახის მლაშობი და ბიცობიანი ნიადაგები.

ახლო წარსულში ტყეების მოსპობამ და ნიადაგის არაწესიერმა გამოყენებამ, ზოგან ფერდობების დიდმა დახრილობამ გამოიწვია თბილისის მიდამოებში ეროზიული პროცესების ძლიერი განვითარება და ამის შედეგად ალაგ-ალაგ ძლიერ ჩამორეცხილი და სუსტად განვითარებული ნიადაგების გავრცელება. მდ. მტკვრისა და მისი შენაკადების ხეობებში საკმაოდ დიდი ფართობი უქირავს სხვადასხვა სისქისა და შედგენილობის ალუვიურ ნიადაგებს.

ამრიგად, თბილისის მიდამოებში გამოიყოფა მშრალი ველის ნიადაგების ზონა—მის აღმოსავლეთ (სამგორის ვაკე) და სამხრეთ-აღმოსავლეთ (სოლანლულის ველი) ნაწილში, ვაკეების (დიდმის ვაკე, ხევძმარის ხეობა) და მთისწინების გარდამავა-

ლი რყეველის ნიადაგების ზონა ჩრდილოეთ და სამხრეთ ნაწილში და მთა-ტყის ნიადაგების ზონა — დასავლეთ, ჩრდილოეთ და ჩრდილო-აღმოსავლეთ ნაწილში. ამ ზონების მიხედვით თბილისის მიდამოებში გვხვდება შემდეგი სახის ნიადაგები:

I. მურალი ველის ნიადაგების ზონა

1. წაბლა ნიადაგები

- 1) წაბლა ნიადაგები, საშუალო და მძიმე თიხნარი, ურწყავი;
- 2) იგივე, სარწყავი;
- 3) იგივე, სუსტად ბიცობიანი და სუსტად დამლაშებული;
- 4) მუქი წაბლა, საშუალო და მძიმე თიხნარი, ურწყავი;
- 5) იგივე, სუსტად ბიცობიანი და სუსტად დამლაშებული.

2. გაჯიანი (ნეშომპალა-სულფატური) ნიადაგები

- 6) გაჯიანი (ნეშომპალა-სულფატური) მცირე სისქის, ალაგ-ალაგ ხირხატიანი;
- 7) იგივე, საშუალო სისქის.

3. დამლაშებული და ბიცობიანი ნიადაგები

- 8) მდელოს, სუსტად ბიცობიანი და სიღრმით დამლაშებული;
- 9) მლაშობი ნიადაგები, მძიმე თიხნარი და თიხიანი;
- 10) ბიცობიანი ნიადაგები, მძიმე თიხნარი და თიხიანი.

II. ვაკეების და მთისწინების გარდაშავალი ნიადაგების ზონა

- 11) მდელოს ყავისფერი საშუალო და დიდი სისქის, მძიმე თიხნარი და თიხიანი, უმეტესად სარწყავი;
- 12) ალუვიური მდელოს თიხნარი, საშუალო და დიდი სისქის კარბონატული, უმეტესად სარწყავი;
- 13) რუხი ყავისფერი, საშუალო და მცირე სისქის თიხნარი;
- 14) იგივე, სუსტად განვითარებული, მცირე სისქის, ალაგ-ალაგ ხირხატიანი და ძლიერ ჩამორეციხილი.

III. მთა-ტყის ნიადაგების ზონა

1. ტყის ყავისფერი ნიადაგები

- 15) ტყის ყავისფერი, საშუალო და დიდი სისქის, მძიმე და საშუალო თიხნარი;
- 16) იგივე, სუსტად განვითარებული, მცირე სისქის, ხირხატიანი.

2. ტყის ყომრალი ნიადაგები

- 17) ტყის ყომრალი, საშუალო და დიდი სისქის, თიხნარი და თიხიანი, უმეტესად ხირხატიანი;
 - 18) იგივე, მცირე სისქის, ხირხატიანი;
 - 19) ტყის ყომრალი ათვისებული (ტყე-მდელოს), მძიმე თიხნარი და თიხიანი;
 - 20) ძლიერ ჩამორეციხილი ნიადაგები და ქანების გაშიშვლებანი.
- თბილისის მიდამოებში გავრცელებული ნიადაგების მაგალითებზე ნოკლედ დავახასიათებთ ზემოთ ჩამოთვლილი ნიადაგების ტიპებს.

წაბლა ნიადაგები

წაბლა ნიადაგებს საკმაოდ დიდი ფართობი უჭირავს თბილისის მიდამოების აღმოსავლეთ ნაწილში—სამგორის ველზე და სამხრეთ-აღმოსავლეთ ნაწილში—სოღანლულის ველზე; განსაკუთრებით დიდი რაოდენობით ეს ნიადაგები გვხვდება უშუალოდ თბილისის ფარგლებში—მტკვრის ორივე მხარეზე.

წაბლა ნიადაგები გავრცელებულია ვაკე რელიეფის პირობებში—მდინარეთა ძველ ტრასებზე და ნაწილობრივ ფერდობების შლეიფებზე ძველ ალუვიურ და ლიოსისებრ ნაფენებზე. ამ ნიადაგებს უმეტეს შემთხვევაში ახასიათებს საშუალო ან მძიმე თიხნარი მექანიკური შედგენილობა და ძლიერი კარბონატულობა.

თბილისის მიდამოების ზემოთ დასახელებული საზღვრების ფარგლებში, განსაკუთრებით სამგორის ველზე, მეტი გავრცელება აქვს საშუალო ტიპის წაბლა ნიადაგებს, რომლებშიც ჰუმუსიანი და გარდამავალი ფენების სისქე 30—40 სმ, ხოლო ჰუმუსის რაოდენობა ზედა ფენაში 2,0—2,5% უდრის. უმეტეს ნაწილში ამ ნიადაგების მორწყვა დაიწყო სამგორის არხის მშენებლობის შემდეგ; მორწყვის გავლენა მათ დიდად არ ემჩნევა. უფრო ხანგრძლივი ისტორია აქვს მორწყვას სოღანლუ-

ლის ველზე, სადაც წაბლა ნიადაგებს შორის მეტი ფართობი უჭირავს მუქ წაბლა ნიადაგებს და განსაკუთრებით კი სუსტად ბიცობიან და სუსტად დამლაშებულ წაბლა ნიადაგებს. მუქ წაბლა ნიადაგებში შედარებით დიდია ჰუმუსიანი ფენების სიღრმე და, მაშასადამე, ჰუმუსის რაოდენობაც (2,5—3,0%/); ნაკლებია ზედა ფენებში კარბონატების შემცველობა.

სუსტად ბიცობიანი წაბლა ნიადაგები გამოირჩევა მეორე ფენის შემკვრივებული აგებულებით, უფრო მძიმე შედგენილობით და ბელტოვანი სტრუქტურით; ქვედა ფენებში ზოგან საკმაოდ დიდია ხსნადი მარილების რაოდენობა.

მოგვეყვას წაბლა (№ 6) და მუქი წაბლა სუსტად ბიცობიანი (№ 13) ნიადაგების დამახასიათებელი კრიტერიუმები ალწერა და ზოგიერთი ანალიზური მონაცემები.

ქრ. № 6. სამგორის ვაკე, ორხევის მიდამოებში.

პორ. A (0—16 სმ)—მუქი მურა ფერის, წვრილი კოშტოვანი სტრუქტურის, ფხვიერი, თიხნარი, მრავალი ფესვით, სუსტად შხუის;

პორ. B (16—38 სმ)—მურა-წაბლისფერი, სუსტად გამოსახული კოშტოვანი სტრუქტურით, მომკვრივო, მძიმე თიხნარი, შხუის;

პორ. C (38—68 სმ)—მურა-მოჩალისფრო, სუსტად გამოსახული სტრუქტურით, მომკვრივო, ლიოსისებრი თიხნარი CaCO_3 მრავალი „თვლებით“, ძლიერ შხუის;

პორ. D (68—107 სმ და ქვევით)—ლიოსისებრი თიხნარი, თაბაშირის კრისტალებით, ძლიერ შხუის.

ქრ. № 13. სოღანლულის ველი, სოფ. კუმისის მიდამოებში.

პორ. A (0—11 სმ)—მუქი მურა ფერის, კოშტოვანი სტრუქტურის საკმაოდ ფხვიერი, მძიმე თიხნარი, მრავალი ფესვით, სუსტად შხუის;

პორ. B (14—32 სმ)—არათანაბარი, წაბლისფერი, კოშტოვან-ბელტოვანი სტრუქტურის, საკმაოდ მკვრივი, მძიმე თიხნარი, საშუალოდ შხუის;

პორ. B/C (32—48 სმ)—არათანაბარი წაბლისფერი, სუსტად გამოსახული კოშტოვანი სტრუქტურის, მომკვრივო, CaCO_3 იშვიათი „თვლებით“, მძიმე თიხნარი, ძლიერ შხუის;

პორ. C (48—62 სმ)—მოჩალისფრო, სუსტად გამოსახული სტრუქტურის, მომკვრივო, CaCO_3 მრავალი „თვლებით“, ძლიერ შხუის;

პორ. D (62—98 სმ—და ქვევით)—მოჩალისფრო, უსტრუქტურო ლიოსისებრი თიხნარი, მომკვრივო, ძლიერ შხუის.

ცხრ. 1

წაბლა ნიადაგებში ჰუმუსის, აზოტის და CaCO_3 შემცველობა (%-ით)

ნიადაგი	ფენა სმ-ში	ჰუმუსი	აზოტი	CaCO_3
№ 6 წაბლა ნიადაგი	0—8	2,16	0,21	4,24
	18—29	1,42	0,14	12,45
	48—57	0,51	0,06	20,31
	80—102	—	—	14,95
№ 13 მუქი წაბლა ნიადაგი	0—10	2,72	0,23	—
	20—31	1,81	0,16	4,70
	50—60	0,80	0,10	16,51
	82—95	—	—	17,38

მოყვანილი ალწერილობა და ანალიზური მონაცემები ადასტურებენ წაბლა ნიადაგების ზემოთ მოცემულ დანახსიათებას. ორივე კრილში ჩვენ ვხედავთ კარბონატების დაგროვებას დიდი რაოდენობით ქვედა ფენებში და მეორე ფენის გამკვრივებას სუსტად ბიცობიან წაბლა ნიადაგში. ქვედა ფენებში კარბონატების დიდი რაოდენობით დაგროვებას მოწმობენ ანალიზური მონაცემებიც; როგორც ირკვევა, კარბონატების მეტი რაოდენობა ახასიათებს წაბლა (საშუალო წაბლა) ნიადაგს, შედარებით მალალია მათი ვაპორაციხილობა მუქ წაბლა ნიადაგში; ამ ნიადაგში, გასაგებია, გაცილებით მეტია ჰუმუსი და შესაბამისად აზოტის რაოდენობაც.

სოღანლულის ველის სუსტად ბიცობიანი ნიადაგის დამლაშებას ქვედა ფენებში ადასტურებენ წყლის გამონაწურის ანალიზის მონაცემები. ქვედა ფენებში მარილების საერთო რაოდენობა (მშრალი ნაშთი) 0,984—1,728% ფარგლებში მერყეობს, რაც დამლაშების სუსტსა და საშუალო ხარისხს მოწმობს. მარილებში ჰარბობს სულფატები (ნატრიუმის სულფატები), ქლორიდები კი მცირეა. ნიადაგის ბიცობიანობას ადასტურებს მეორე და მესამე ფენის გადიღებული საერთო ტუტიანობა. წაბლა ნიადაგების უმეტესი ფართობი გამოყენებულია მარცვლეული კულტურებისათვის, ხოლო სარწყავ პირობებში ბოსტნეული კულტურების, ხეხილისა და ვენახებისათვის. ხეხილი და ვენახი

კულად ხარობს ბიცობიან და დამლაშებულ წაბლა ნიადაგებზე.

ც ხ რ. 2

ხუტად ბიცობიანი წაბლა ნიადაგის წყლის გამოწურვის მონაცემები (%/0-ით)

(დ. გუდუანიშვილის მიხედვით)

ნიადაგი	ფენა სმ ში	მცირე ნაწილი	საერთო ტენიანობა	Cl	SO ₃	CaO
ხუტად ბიცობიანი წაბლა ნიადაგი სოლანდულის ველზე	0-6	0,151	0,032	0,002	ნიშვ.	ნიშვ.
	10-15	0,153	0,075	0,013	"	0,009
	30-40	0,400	0,061	0,133	0,040	0,013
	70-80	0,934	0,012	0,131	0,386	0,014
	100-110	1,726	0,039	0,131	0,814	0,148

ჰავის დიდი სიმშრალის გამო მორწყვა აუცილებელი წინაპირობაა წაბლა ნიადაგებზე მაღალი მოსავლის მისაღებად. ხანგრძლივი რწყვის შედეგად წაბლა ნიადაგებს ზოგან საკმაოდ აქვთ შეცვლილი პირვანდელი სახე და წარმოადგენილი არიან კულტურულ-სარწყავი ვარიანტების სახით.

სარწყავ წაბლა ნიადაგებზე განსაკუთრებით დიდია ორგანული და მინერალური სასუქების ეფექტიანობა; მინერალური სასუქებიდან დიდ ეფექტს იძლევა აზოტის და ფოსფორის სასუქების ერთად შეტანა.

დამლაშებული ნიადაგები

დამლაშების მეტი ხარისხი ახასიათებს მლაშობ ნიადაგებს, რომელთაც, როგორც ადრე ითქვა, საკმაოდ დიდი ფართობი უკავიათ სოლანდულის ველის სამხრეთ ნაწილში კუპისის ტბასთან. ამ ველის აღმოსავლეთ ნაწილში დიდი ფართობი უკავია აგრეთვე ბიცობიან ნიადაგებს. ზემოთ აღწერილ ხუტად ბიცობიან წაბლა ნიადაგებთან შედარებით, ისინი გამოირჩევიან უფრო მძიმე მექანიკური შედგენილობით, საშუალო ფენების დიდი სიმკვრივით და უარყოფითი ფიზიკური და ფიზიკურ-ქიმიური თვისებებით, რაც მკვეთრ გავლენას ახდენს ამ ნიადაგების ნაყოფიერებასა და სასოფლო-სამეურნეო კულტურებისათვის მათ გამოყენებაზე.

ბიცობიანი ნიადაგების გაუმჯობესების საქმეში კარგ შედეგს იძლევა კომპლექსური მეთოდის გა-

მოყენება—ღრმა მელიორაციული მოხენა, მოთაბა-შირება გაჯის გამოყენებით, ბალახების თესვა და სასუქების შეტანა.

გაჯიანი ნიადაგები. თბილისის მიდამოების ველიან ზონაში, კერძოდ სამგორის ვაკეზე და სოლანდულის ველის ჩრდილო-აღმოსავლეთ ნაწილში წაბლა ნიადაგებს შორის დიდი ფართობი უჭირავს ე. წ. ნეშომპალასულფატური ანუ გაჯიანი ნიადაგებს. ამ ნიადაგების თავისებურ სახეს განსაზღვრავს, ჩვეულებრივ, ჰუმუსიანი ფენების მცირე სისქე (5—25 სმ.) და ზედაპირთან ახლოს გაჯის ფენის არსებობა, რომელსაც ახასიათებს თაბაშირის ძალიან დიდი შემცველობა, ხშირად 40—70% და მეტიც. გაჯის ფენის სისქე უმეტესად 1,0—2,5 სმ უდრის. მოგვყავს გ. კ. ახვლედიანის შემდეგი მონაცემები სამგორის გაჯიანი ნიადაგისათვის.

ც ხ რ. 3

გაჯიან ნიადაგში თაბაშირის შემცველობა (%/0-ით)

ფენა სმ-ში	SO ₃	CaSO ₄
0-10	0,23	0,41
30-40	0,23	0,51
60-70	30,75	55,04
90-100	29,21	52,29
140-150	12,18	21,81
180-190	1,84	8,29

ცხრილი გვიჩვენებს თაბაშირის განსაკუთრებით დიდ შემცველობას 60—100 სმ სიღრმეზე.

გაჯიანი ნიადაგების წარმოშობას გ. კ. ახვლედიანი უკავშირებს წინამორბედ მდელის—მლაშობ სტადიაზე ძლიერ მინერალიზებული გრუნტის წყლების გავლენას და აგრეთვე თაბაშირის შემოტანას წყლებით იალონის და სხვა ქედების მოსაზღვრე ფერდობებიდან. დადაბლებულ ადგილებში გაჯიანი ნიადაგები ტბური წარმოშობისაა და მოწმობენ აქ წარსულში სულფატური მლაშობების არსებობას.

მცირე სისქის გაჯიანი ნიადაგების უმეტეს ნაწილი არ იყო გამოყენებული სოფლის მეურნეობაში. მაგრამ ჩატარებული ცდების შედეგად (გ. კ. ახვლედიანი) სამგორის ველზე დადგენილია მათი გამოყენების შესაძლებლობა მორწყვისა და მალალი აგროტექნიკის პირობებში მრავალწლიანი

(ვენახი, ხეხილი) და მარცვლეული კულტურებისათვის. ბევრად უფრო ხელსაყრელი ფიზიკური თვისებები, ჰუმუსის და საკვებ ნივთიერებათა შემცველობა ახასიათებს საშუალო სისქის გაჯიან ნიადაგებს; ჰუმუსიანი ფენების სისქე აქ 25—50 სმ და მეტსაც აღწევს. ყველა მაჩვენებლებით ეს ნიადაგები შექ წაბლა და შავმიწა ნიადაგებს უახლოვდება და უმეტესად გამოსადეგია მარცვლეული და სხვა კულტურებისათვის. თბილისის მიდამოებში საშუალო სისქის გაჯიან ნიადაგებს მეტი ფართობი უკავია, ვიდრე ამავე სახის მცირე სისქის ნიადაგებს.

გაჯიანი ნიადაგების გაუმჯობესების საუკეთესო საშუალებებია ღრმა მოხვნა, ბალახების თესვა, ნაკელის და მინერალური სასუქების (NP) შეტანა.

მდელოს ყავისფერი და რუხი-ყავისფერი ნიადაგების

მდელოს ყავისფერი და რუხი-ყავისფერი ნიადაგების ზონა თავისებურია ნიადაგურ-კლიმატური, გეობოტანიკური და სხვა პირობების მხრივ. მას, როგორც აღრეც ვთქვით, გარდამავალი საფეხური უჭირავს ზემოთ აღწერილი მშრალი ველისა და მთა-ტყის ზონას შორის.

მდელოს ყავისფერი ნიადაგები ჩვენს მიერ განსახილველ რაიონში მდელოს ყავისფერი ნიადაგებს ყველაზე მეტი ფართობი უჭირავს დილმის ვაკეზე, სადაც მათ უფრო ხშირად დიდი სისქე. მძიმე თიხნარი ან თიხიანი შედგენილობა, კარგი სტრუქტურა და კარბონატების მაღალი შემცველობა ახასიათებს. ზოგან (სოფ. აქალა) გვხვდება მდელოს ყავისფერი ნიადაგების უფრო მძიმე შედგენილობა და საკმაო შემცველობა, სუსტი ბიციობიანობასთან დაკავშირებით. დილმის ვაკეზე ფერდობების ძირში დამახასიათებელია ზოგან აგრეთვე ამ ნიადაგების სუსტი სულფატური დამლაშება.

მდელოს ყავისფერი ნიადაგების წარმოშობას ჩვენ ვუკავშირებთ წარსულ სტადიაზე ქალის ტყის არსებობას; შემდეგ საფეხურზე ვითარდებოდა ტყის ყავისფერი ტიპის მსგავსი ნიადაგი, ხოლო ამჟამად, ტყის მოსპობასა და საერთო გამშრალეობასთან დაკავშირებით, მდელოს ყავისფერი ნიადაგი გავლენების პროცესს განიცდის და იღებს წაბლა ნიადაგის მსგავს ნიშნებს.

უმეტეს ნაწილში მდელოს ყავისფერი ნიადაგები სარწყავია.

ცხრ. 4

მდელოს ყავისფერი ნიადაგის ქიმიური და მექანიკური შედგენილობის ზოგიერთი მონაცემები (%/ც-ით)

ნიადაგი	ფენა სმ. ში	ჰუმუსი	აზოტი	CaCO ₃	შთანთქმული ფუძეები მ. გყ.			<0,001	ჯამი < 0,01
					Ca	Mg	ჯამი		
მდელოს ყავისფერი (დილოში)	0—10	3,69	0,24	არ არ.	9,75	4,75	39,50	32,62	51,90
	30—40	1,43	0,18	2,66	27,40	5,33	32,73	31,03	50,10
	75—85	1,21	0,13	5,06	26,70	9,25	29,95	27,31	44,70
	130—140	—	—	3,12	25,05	3,00	28,05	19,13	38,68

ცხრილში მოყვანილი მონაცემები მოწმობენ ზედა ფენაში ჰუმუსის და აზოტის საშუალო რაოდენობას, მაგრამ არც ღრმა ფენებშია (75—85 სმ) მათი შემცველობა დაბალი, რაც მორწყვის გაულებლით არის გამოწვეული და მდელოს ყავისფერი ნიადაგებისთვისაა უფრო ხშირად დამახასიათებელი. ახლო წარსულში ტყის გაულებლით და მორწყვით უნდა იყოს გამოწვეული განხილულ ნიადაგში კარბონატების სიმცირე, რომელთა რაოდენობა, როგორც ვხედავთ, არ აღემატება 5,06%, ხოლო

ზედა ფენაში სულაც არ მოიპოვება. საკმაოდ დიდი ამ ნიადაგში შთანთქმული კათიონების შემცველობა, რაც შეესაბამება ლამისა და კოლოიდური ნაწილაკების (<0,001 მმ) რაოდენობას. მექანიკური შედგენილობით, როგორც გვიჩვენებს <0,01 მმ ნაწილაკების ჯამი, ეს ნიადაგი ზედა ფენებში მძიმე თიხნარს, ხოლო ღრმა ფენებში საშუალო თიხნარს მიეკუთვნება.

მდინარე მტკვრის ქვედა ტერასებზე, აგრეთვე გლდანის, აქალის და სხვა მდინარეთა ხეობებში

მდელოს ყავისფერ ნიადაგებს ცვლიან ალუვიური მდელოს, უფრო ხშირად მცირე სისქის და ხირხატოანი ნიადაგები. ამ ნიადაგებს უმეტესად თიხნარი ან ქვიშნარი შედგენილობა და ზედაპირიდანვე კარბონატულობა ახასიათებს.

დიღმისა და სხვა ვაკეების მდელოს ყავისფერ და ალუვიურ ნიადაგებს დიდი გამოყენება აქვს მარცვლეული და ბოსტნეული კულტურებისათვის, აგრეთვე ხეივანისა და ვენახებისათვის. მაგალითად, ვენახეც ვრცელი ფართობი უჭირავს დიღმის ვაკის დასავლეთ ნაწილში.

მდელოს ყავისფერი ნიადაგების გამოყენების და მასზე მოსავლიანობის გადიდების ძირითად წინაპირობას წარმოადგენს მორწყვა, ორგანული და მინერალური სასუქების შეტანა; დიდი მნიშვნელობა აქვს აგრეთვე ქარსაფარი ზოლების გაშენებას.

რუხი-ყავისფერი ნიადაგები. რუხი-ყავისფერი (რუხი-წაბლა) ნიადაგები გავრცელებულია თელეთის ქედის სამხრეთ ფერდობზე და თბილისის მიდამოების ჩრდილოეთ ნაწილში — თბილისის „ზღვისკენ“, ყეენის, ძეძვისა და სხვა. ფერდობებზე, აგრეთვე ავჯალისაკენ — გლდანის და ხევძმარის ხეობათა წყალგამყოფ მთისწინების ზოლში. ყველა მახეობებში რუხი-ყავისფერი ნიადაგები ტყის ყავისფერ ნიადაგებს უახლოვდება, მაგრამ მათთან შედარებით აქ უფრო მეტად არის გამოსახული ყველების პროცესი, რის გამოც გარეგნული ნიშნებით, კიმიური შედგენილობით და სხვა მონაცემებით მათ წაბლა ნიადაგების მსგავსი სახე ახასიათებს. მაშასადამე, რუხ-ყავისფერ ნიადაგებს კარდანივალი საუბურები უჭირავს ტყის ყავისფერსა და წაბლა ნიადაგებს შორის. ამათ აიხსენება, რომ ადრე (პროფ. ს. ზახაროვი და სხვ.). ასინი „რუხი-წაბლა“ ნიადაგების სახელწოდებით იყენებდნენ ცნობილი.

ამ ნიადაგებს საკმაოდ დიდი სუბადასხვაობა ახასიათებს მექანიკური შედგენილობის, ხირხატოანობის, სისქის და სხვა მხრივ. უფრო ხშირად ისინი თიხნარი შედგენილობისაა, ხირხატოანია და საშუალო ან მცირე სისქის; ისევე როგორც წაბლა ნიადაგებში, დიდა აქ კარბონატების შემცველობა, ჰუმუსის რაოდენობა კი 3—4% იშვიათად აღემატება.

სრული სახის რუხი-ყავისფერი ნიადაგები განვითარებულია შედარებით დაბალი მთისწინების

ზოლში დამრეც ფერდობებზე, ქვიშაქვების გამოფიტვის ლიოსისებრ პროდუქტებზე ან დელუვიურ პროლევიურ ნაფენებზე.

ზოგან ეროზიული პროცესების ძლიერი განვითარების გამო ციკაბო ფერდობებზე, განსაკუთრებით იქ, სადაც მოსპობილია ბუჩქნარი და სხვა მცენარეულობა, რუხი ყავისფერი ნიადაგები ძალზე მცირე სისქისაა, ძლიერ ხირხატოანი და ალაგ-ალაგ ძლიერ ჩამორეცხილი, აქა-იქ ზედაპირზე გაშიშვლებული ქანებით. ასეთია, მაგალითად, თელეთის ქედის აღმოსავლეთი ფერდობის რუხი-ყავისფერი ნიადაგების დიდი ნაწილი.

თავისი შედგენილობით და გამოყენებითი თვისებებით რუხი-ყავისფერი ნიადაგები ემსგავსება, ერთის მხრივ, ტყის ყავისფერ ნიადაგებს, მეორეს მხრივ, ზემოთ აღწერილ წაბლა ნიადაგებს, ამიტომ მათ დახასიათებაზე აქ ალარ შევჩერდებით.

მთა-ტყის ნიადაგები

თავისებური ბუნებრივი პირობების გამო, თბილისის მიდამოების ჩრდილოეთ და ჩრდილო-აღმოსავლეთ ნაწილში მრავალადა მთა-ტყის ნიადაგები. ამ ნიადაგთა შორის უმეტესი გავრცელება ჩრდილოეთ და ჩრდილო-აღმოსავლეთ ნაწილში აქვს მთიანი ტყეების ქვედა სარტყლისათვის დამახასიათებელ ტყის ყავისფერ ნიადაგებს; მხოლოდ დასავლეთ ნაწილში, რომელსაც უფრო მაღალი მდებარეობა უჭირავს (ტაბახმელა, კოჯორი, კიკეთი, ბევრეთი და სხვ.); ტყის ყავისფერ ნიადაგებს ცვლიან ტყის ყომრალი ნიადაგები.

მთა-ტყის ზონაში დიდი ხვედრითი ადგილი უჭირავს სუსტად განვითარებულ, მცირე სისქისა და ზოგან ძლიერ ჩამორეცხილ ნიადაგებს, ალაგ-ალაგ ზედაპირზე ქანების გაშიშვლებით.

ტყის ყავისფერი ნიადაგები. ტყის-ყავისფერ ნიადაგებს თბილისის მიდამოებში დიდი ფართობი უკავიათ მთისწინების და დაბალმთიან ზოლში — დიღმის წყლის, ვერას, ვარაზისხევის, ლევთახევის, გლდანის, ხევძმარის და სხვა ხეობებში, სადაც ქვიშაქვების და სხვა ქანების გამოფიტვის კარბონატული პროდუქტები და ლიოსისებრი ნაფენებია გავრცელებული. შედარებით დამრეც, გადაურეცხავ ფერდობებზე ტყის ყავისფერი ნიადაგები გამოირჩევიან უმეტესად საშუალო სისქით, კარგად გამოსახული ჰუმუსიანი ჰო-

რიზონტით და ნისი სტრუქტურით; ნახშირმგავა კირი ამ ნიადაგის ზედა ფენებში ხშირად არ მოიპოვება, საშაგიეროდ დიდი რაოდენობით ახასიათებს ნიადაგის ქვედა ფენებს და ღედაქანის განოფიტების ქერქს ან ქვაფენილ ლიოსისებრ ქანს. ნექანიკური შედგენილობის მხრივ ტყის ყავისფერი ნიადაგები უმრავლეს შემთხვევაში საშუალო ან მძიმე თიხნარებს წარმოადგენენ ხირხატის სხვადასხვა შემცველობით.

ასეთი სურათი გვიჩვენა ვარახისხევი ჯაგნარით დაფარულ ფერდობზე ტყის ყავისფერი ნიადაგის კრილმა (ქრ. 3).

პორ. A₁ (0—10 სმ)—მუქი ყავისფერი, ძლიერ ფესვებიანი, ფხვიერი, მტვრიან-კოშტოვანი, მძიმე თიხნარი, არ შხუის;

პორ. A₂ (10—32 სმ)—უფრო ღია ფერის, ნაკლებად ფესვებიანი, ფხვიერი, მტვრიან-კოშტოვანი სტრუქტურის, მძიმე თიხნარი, ქანის ერთეული ნატეხებით, შხუის;

პორ. B (32—52 სმ)—მორუხო ფერის, სუსტად სტრუქტურის, მძიმე თიხნარი, ძლიერ შხუის;

პორ. C (52—75 სმ)—მორუხო, უსტრუქტურო, თიხნარი, ქანის მრავალი ნატეხით, უძლიერესად შხუის;

პორ. C/1 (75—110 სმ)—ნახევრად გამოფიტული ფიქლის მასა; ძლიერ შხუის ნატეხების ზედაპირზე; უფრო ღრმად—თიხა-ქვიშიანი ფიქალი.

ქვემოთ ცხრილში მოგვყავს ტყის ყავისფერი ნიადაგებში ჰუმუსის, აზოტის, კარბონატებისა და შთანქმული ფუძეების განსაზღვრის შედეგები.

ც ხ რ ი ლ ი 5

ტყის ყავისფერი ნიადაგებში ჰუმუსის, აზოტის და CaCO₃ შემცველობა (%-ით) და შთანქმული ფუძეების შედეგნილობა

ნიადაგი	ფენა სმ ში	ჰუმუსი	აზოტი	CaCO ₃	შთანქმული ფუძეები მ. მკვ.		
					Ca	Mg	ჯამი
№ 3, ვარახის ხევი	0—10	5,83	0,41	არ არ	34,50	4,33	38,83
	17—26	3,51	0,24	1,18	38,30	4,58	42,88
	32—43	1,04	—	14,07	—	—	—
	55—65	0,59	—	17,24	26,05	3,41	29,46
№ 19, დიღომი	0—10	4,69	0,29	არ არ	33,75	4,75	38,50
	30—40	1,43	0,18	2,86	27,40	5,33	32,73
	75—85	1,21	0,15	5,06	26,70	3,25	29,95

ეს მონაცემები გვიჩვენებენ № 3 კრილში ჰუმუსის საკმაოდ დიდ შემცველობას და მის თანდათანობით დაცემას ქვედა ფენებში, რაც საერთოდ ტყის ყავისფერი ნიადაგებისათვის არის დამახასიათებელი. შედარებით უფრო ნაკლებია ჰუმუსი მეორე კრილში (№ 19); ჰუმუსს შეესაბამება აზოტის შემცველობაც. კარბონატების რაოდენობა, როგორც ვხედავთ, დიდია № 3 კრილის ქვედა ფენებში და ბევრად მცირეა დიღომის ტყის ყავისფერი ნიადაგში.

შთანქმული ფუძეების მონაცემებიც იძლევიან ტყის ყავისფერი ნიადაგებისათვის ტიპობრივ სურათს—შთანქმის დიდ ტევადობას (შთანქმული ფუძეების ჯამს), განსაკუთრებით ჰუმუსიან ფენებში, და ფუძეთა შორის კალციუმის ძირითად როლს.

ტყის ყავისფერი ნიადაგები ნაყოფიერების მაღალი მაჩვენებლებით ხასიათდება და ხელსაყრელია ხეხილის, ვაზის, მარცვლეული და სხვა კულტურებისათვის. რელიეფის პირობების შესაბამისად ეს ნიადაგები ძირითადად ურწყავია. მაგრამ ტყის ყავისფერი ნიადაგების გავრცელების ზონაში მიმდინარეობს ძლიერი ეროზიული პროცესები, რის გამო უფრო ხშირად ვხვდებით მცირე სისქის, სუსტად განვითარებულ და ხშირად ძლიერ ხირხატიან ნიადაგებს. ზოგან კი ნიადაგი ძლიერ არის ჩამორეცხილი და ზედაპირზე დაუშლელი ქანიცაა გაშიშვლებული. ასეთი ძლიერ ჩამორეცხილი ნიადაგები გვხვდება უშუალოდ თბილისში დავითის მთის ჩრდილოეთ ფერდობზე, ძეძვის, მახათის მთების ფერდობებზე და სხვ.

ეროვნული პროცესების ძლიერ განვითარებას დიდად შეუწყობდა ხელი თბილისის ჩინამოცემში ახლო წარსულში ტყეების მოსპობამ და ნიადაგის არაწესიერმა გამოყენებამ.

ტყის ყოვრალი ნიადაგები. ამ ნიადაგების გავრცელების არეები ჩვენ ზემოთ აღვნიშნეთ. ტყის ყავისფერ ნიადაგებთან შედარებით, ტყის ყოვრალი ნიადაგები გამოირჩევიან ნაკლები სისქით, დიდი ხირხატიანობით, კარბონატების უქონლობით და უფრო ხშირად სუსტი მკავე რეაქციით. მეტა ფართობი უზირაჟს ვულკანური და დანალექი ქანების განოფიტების მონატებ პროდუქტებზე განვითარებულ საშუალო სისქის ხირხატიან (ხრეშიან) ტყის ყოვრალ ნიადაგებს. ამ ნიადაგებს ახასიათებს უმეტესად მძიმე თიხნარი ან თიხიანი შედგენილობა, აგრეთვე ტყიან ადგილებში კარგად გამოსახული ჰუმუსიანი ჰორიზონტის და ტყის მკვდარი საფარის არსებობა. შედარებით ნაკლები ადგილი უკავია მცირე სისქის, ზოგან სუსტად განვითარებულ ტყის ყოვრალ ნიადაგებს.

საკმაოდ დიდ ფართობზე (ტაბახმელა-კოჯორი-წავეისი) ტყის ყოვრალი ნიადაგების გავრცელების არეებში ტყე აღარ არის და ნიადაგი გამოყენებულია მარცვლეული და სხვა კულტურების მოსაყვანად. ეს ნიადაგები ცნობილია ტყის ყოვრალი ათვისებულის (ტყე-მდელოს) სახელწოდებით და მათში აშკარად არის გამოსახული კორდიანი პროცესის განვითარება.

როგორც საერთოდ მთა-ტყის ზონაში, ტყის ყოვრალ ნიადაგებს შორისაც საკმაოდ დიდი გავრცელება ცალკე ლაქების სახით აქვს სუსტად განვითარებულ და ძლიერ ჩამორეცხილ ნიადაგებს, ალაგ-ალაგ ზედაპირზე ქანების გაშიშვლებით.

ტყის ყოვრალ ნიადაგებს თბილისის მიდამოების ჩვენს მიერ განხილულ საზღვრებში დიდი ხვედრითი ადგილი არ უჭირავს და ამიტომ მათ დახასიათებაზე ვერცლად არ შევიჩერდებით.

თბილისის მიდამოების ნიადაგური დარბიონება

თბილისის მიდამოების სხვადასხვა ნაწილში, მათი რელიეფის, კლიმატური, ჰიდროლოგიური და

სხვა პირობების შესაბამისად, სხვადასხვა ნიადაგების გავრცელება საფუძველს გვაძლევს ზემოთ დასახელებული ზონების მიხედვით გამოვყოთ შემდეგი მიკრორაიონები.

მშრალი ველის ზონა

- 1) სამგორის ვაკის წაბლა და გაჯიანი ნიადაგების მიკრორაიონი;
- 2) სოლანლულის ველის წაბლა, გაჯიანი, ბიკობიანი და მლაშობი ნიადაგების მიკრორაიონი.

ვაკეებისა და მთიანეთის ბარდაშავალი ნიადაგების ზონა

- 3) დიღმის ვაკის მდელის ყავისფერი და ალუვიური ნიადაგების მიკრორაიონი;
- 4) ქვემო ავქალის და ხევძმარის ხეობის იმავე ნიადაგების მიკრორაიონი;
- 5) მტკვრის ხეობის ალუვიური მდელის ნიადაგების მიკრორაიონი;
- 6) ავქალა-ძეგვის რუხი ყავისფერი და ძლიერ ჩამორეცხილი ნიადაგების მიკრორაიონი;
- 7) თელეთის ქედის (თელეთ-ქუმისის) იგივე ნიადაგების მიკრორაიონი.

მთა-ტყის ნიადაგების ზონა

- 8) ავქალა-ყენის ტყის ყავისფერი ნიადაგების მიკრორაიონი;
- 9) დიღომ-თხინვალის ტყის ყავისფერი ნიადაგების რაიონი;
- 10) წყნეთ-შინდისის ავქალა-ძეგვის ტყის ყავისფერი ნიადაგების მიკრორაიონი;
- 11) კოჯორ-ტაბახმელას ტყის ყოვრალი ნიადაგების მიკრორაიონი.

გამოყოფილი რაიონების (მიკრორაიონების) სახით ჩვენ ვგულისხმობთ ტერიტორიის კონკრეტულ ნაწილს, რომელსაც ბუნებრივი პირობების (ზედაპირი, ჰავა, მცენარეულობა, ნიადაგები და სხვ.) გარკვეული კომპლექსი და ამავე დროს ნიადაგების გარკვეული აგროსაწარმოო (გამოყენებითი) მაჩვენებლები ახასიათებს.





ნიკო კაცოშვილი

**თბილისისა და მისი მიდამოების
მცენარეულობის წარსული და აწმყო**

თბილისის დაარსებასთან ლამაზი ლეგენდა და-
კავშირებული: ვახტანგ გორგასალი დაბურულ
ტყეში ნადირობდა და ხოხობი დასჭრაო, ტყეში
პატარა მდელოზე ვავიდნენ, სადაც ცხელი წყარო
მოდიოდა და ხოხობი შიგ ჩავარდნილიყო...

იქ, სადაც ვახტანგი ნადირობდა, დღეს უკვე
ტყის ნასახი აღარაა.

თბილისის მიდამოების მცენარეულობა, ისე რო-
გორც მთელი საქართველოსა, იცვლებოდა ბუნებ-
რივი განვითარებისა თუ გარეშე პირობების ზე-
გავლენის შედეგად; მცენარეულობის ერთი ჯგუფი
ადგილს უთმობდა მეორეს. ეს ზეგავლენა-განვი-
თარება, და ბუნებრივ პირობათა მრავალფეროვ-
ნება—როგორც ჰორიზონტალური, ისე ვერტიკა-
ლური მდებარეობა სხვადასხვა პუნქტებისა (300—
1800 m), ერთის მხრივ, ისე ისტორიული და გე-
ოლოგიური წარსული, მეორეს მხრივ, და სხვ.
აპირობებდნენ მცენარეული საფარის იმ მრავალ-
ფეროვნებას, რომელიც ახლა გვაქვს.

ამჟამად თბილისის მიდამოებში აღინიშნება
მცენარეულობის შემდეგი ჯგუფები:

ნახევარუდაბნოს მცენარეულობა, (აბზინდიანი,
ყარლანიანი, ხურხუმიანი და სხვ.), ველის მცენარე-

ულობა (უროიანი, ვაციწვერიანი, წივანიანი, ნა-
ირბალახოვანი და სხვ.), კლდეთა ქსეროფიტები
(ბეგქონდარიანები, ვაციწვერიანები). კლდეთა ქსე-
როფიტი-ბუჩქნარები (ნარეკლიანები, შავჯაგაიანე-
ბი, ძეძვიანები, გრაკლიანები და სხვ.), ნათელი
ტყეები (საკმლისხიანი, აკაკიანი, ღვიანი, მუხ-
ნარ-საკმლისხიანი და სხვ.), ჯაგეკლიანი ვე-
ლები, მთის კალთების მუხნარები, მუხნარ-რცხილ-
ნარები, წიფლნარები, წიფლნარ-რცხილნარები,
ბზიანები, ჭალისტყეები (ტირიფნარები, ვერხენა-
რები, თელნარები, დაბლობის მუხნარები, ქაცვი-
ანები და სხვ.), მდლოები (ჭანგიანები, გლერ-
ტიანები), ჭაობის მცენარეულობა, წყლის მცენა-
რეულობა და სხვ.

ასეთი ფიტოცენოლოგიური მრავალფეროვნება
ისეთ მცირე ტერიტორიაზე, რომელსაც ვიხილავთ
(1800 კვ/კლ) ბევრგან არ გვხვდება. საინტერესოა
ვიცოდეთ წარსულშიც, თუნდაც ამ 1500 წლის
წინათ, ამდენივე იყო მცენარეულობის ტიპები,
თუ ეს შემდგომი განვითარების პროდუქტია?

ფიქრობ, რომ ფიტოცენოლოგიური ტიპების
რაოდენობაში დიდი ცვლილება არ მომხდარა.
გვაქვს ისტორიული ცნობები, რომლითაც დას-

ტურდება, რომ თბილისის ახლო მახლო ადგილებში დაახლოებით იმავე ტიპის მცენარეულობის ჯგუფები იყო გავრცელებული, როგორც დღეს გვაქვს.

ასე მაგალითად, მეთექვსმეტე საუკუნის ერთ-ერთ წყაროში (5) ვკითხულობთ:

„ხოლო, ვითარცა მიიწიენეს პირველ თქმულსა მას უდაბნოსა, შეიშობოდეს წყურვილითა და თანაც სიციხითა შეიწუხებოდნენ, რამეთუ ეს ადგილი მძაფრად შეწვევლი არს მზისა მცხუნვარებითა მიერ ზედ მოფენილითა; ვინათგან ვორიოსა კერძოდ მყოფი და ყოვლითურთ განმარტებით მდებარე უმეტეს ყოველთა აღმოსავლეთისა სანახებთა სიციხისა მიერ შეიწვევის, რაწლისა ძლით და წყლისაგან ნაკლულევან არს და სხვათა ყოველთავე სხეულისა ნუგეშინის მცემელთა სახმართაგან“.

„...და ვითარცა მიიწივდეს უდაბურსა და ურწყულსა, მოეწყურა მათ ფრიალ და პოვეს მცირე წყალი შეკრებილი წვიმისაგან ნაპრალსა შინა კლდისასა და სუეს მისგან და დასხდეს განსუენებად ჩრდილმა რასნე კლდისასა“.

ეს ამონაწერი აგვიწერს გარეჯის უდაბნოს, რომელიც დღესაც თითქმის ასეთია — უდაბური და ურწყული. როგორც ჩანს, ზოგიერთი ცენოზისათვის 500 თუ 1500 წელიწადი ისეთი დრო არა ყოფილა, რომელსაც შეეძლოს ცელილების განოწვევა, სამაგიეროდ ზოგი საკმაოდ სწრაფად იცვლება.

უნდა ვიფიქროთ, რომ თბილისის მიდამოებში ფიტოცენოლოგიური ტიპების რაოდენობა დიდად არ შეცვლილა, სამაგიეროდ ფართობი და კონფიგურაცია ზოგისა ფრიალ შეიცვალა.

მოგვეპოვება როგორც ისტორიული წყაროები, ისე საბუთები თვით ბუნებაში, რომლითაც შეიძლება დავადასტუროთ ამა თუ იმ ფიტოცენოლოგიური ტიპის ფართობი რამდენად გაიზარდა ან შემცირდა.

ზემოდასახელებულ წყაროშივე ვკითხულობთ, რომ დავით გარეჯელი (VI საუკუნე) თავდაპირველად დასახლდა თბილისის (ძველი თბილისის) დასავლეთით მდებარე მთის პატარა გამოქვაბულში, რომელიც დაფარული იყო ტყით (ეხლანდელი მამადავითის მთა). დღეს ამ მთის ტყის ნაცვლად გვაქვს ჯაგელიანი ველი, ნარეკლიანები, კლდის ქსეროფიტების ჯგუფები და სხვ. თბილისის მიდამოების მცენარეთა სამყაროს შე-

სახებ ცნობებს გვაწვდის ვახუშტი ბაგრატიონი (1).

„ნაგების აღმოსავლეთით არს ველი დიდი ყარაისა, სავესე ქურციკითა, რომელსა მოინადირებდნენ მეფენი წლითი წლად. ხოლო მტკვრის კიდესა ქალა დიდი (ხაზი ჩემია—ნ. კ.) სავესე ვეშითა, მშველითა, დაფითა, მგლითა და წვრილის ნადირითა; ირემი იმყოფის ჯამად. დაჯოჯონი მრავალნი. გარეჯის მთას არს მონასტერნი, კლდესა შინა გამოკვეთილნი, სენაკნი, ტრაპეზნი, პალატნი; ზამთარ თბილი, ზაფხულს გრილი... არ არს აქ წყალი, არამედ იპყრობენ წვიმისაგან კლდის კათა შინა და სწენ მას. არა არს ტყე, არამედ ძეძვი, მით ხარშვენ და აცხობენ“...

„არამედ მთა ესე (სარკინეთი¹) არს ტყიანი, დელი ღრანტოიანი, უწყლო, ნადირიანი, თვნიერი მისისა, ყოველნი“... „არაგვის დასავლით, ნარეკვავსა ზედა, არს ქალა ნარეკვავისავე, ნადირითა და ხობითა სავესე“... „ხოლო მუხრანმა მოიგო სახელი ესე მუხათაგან, სადაცა არს ადგილთა ამათ შინა ტყე უმეტეს მუხანი“. მრავალ ასეთ ამონაწერთა მრტანა შეიძლება. სარკინეთის მთის დასავლეთი ნაწილი უკვე ბუჩქნარითაა დაფარული; ნარეკვავის ქალის ნაცვლად, უკეთეს შემთხვევაში ჯაგელიანი ველია, და ასიოდე თელა, რომელიც სოფ. წილკნის მინდვრებში პატარა ოლესა ქნის, „დიდი ქალა მტკვრის კიდესა“ ყარაისში უკვე ფრიალ შემცირებულია, მათ ნიადაგებზე ჯაგელიანი ველია ან კულტურული ნაკვეთები.

ძველთ ფართობები, უმთავრესად ქალის ტყისა, ვაკის ტყისა და სხვათა შემცირებულია. გარდა ლიტერატურული წყაროებისა ამაზე მიგვითითებს ის ძველი ტყის ნაშთები (თითო-ოროლა ეული ხე, ბალახეულ საფარში შემორჩენილი ტყის ელემენტი, ნიადაგი — ტყის ელემენტებით და სხვ.). ძველი მეზოფილური ტიპი იცვლებოდა, მცირდებოდა, ღარიბდებოდა ფლორისტულადაც. იქმნებოდა ახალი ცენოლოგიური ტიპი.

თბილისის მიდამოები მდიდარია არა მარტო მცენარეული ტიპებით, არამედ ფლორისტულადაც: საქართველოში 4000 მეტი სახეობაა (4032—4100). აქედან თბილისის მიდამოებში 1643 სახეობა გვხვდება, ე. ი. 40%-მდე (9).

¹ სარკინეთი ის მთაა, რომელიც მდ. არაგვისა და ქსანს შორის მდებარეობს, მტკვრის კიდეს.

თბილისის მიდამოების ფლორა მდიდრდებოდა ეგზოტური მცენარეებით. ეს პროცესი დღესაც ინტენსიურად გრძელდება. უკანასკნელ 3-4 ათეული წლის განმავლობაში თბილისში და მის რაიონებში დაიწყო დეკორაციული მცენარეების (და არა მარტო დეკორაციულის) ფართოდ შემოტანა სუბტროპიკული და ტროპიკული ქვეყნებიდან. კულტურულ მცენარეს მოსდევს ველურიც. ბევრი მათგანი, მართალია, ილუბება, მაგრამ ზოგი გადადის ველურ ცენოზში და სახლდება, ეგუება ახალ პირობებს.

თბილისის მიდამონი მდიდარია ენდემური მცენარეებითაც. ესენია:

არმაზის შვინდანწლა (*Thelycrenia armazica Sanadze*) არმაზის ქანკყატა (*Evonymus armazica Gatschet.*), საგურამოს ფურუსელა (*Primula saguramica B. Gaw. Isalis (philisieuensis A. Grossh.)*, საგურამოს ანაგვირილა (*Anthemis saguramica D. Sosn.*), მაიას იორდას სალამი (*Paconia maja N. Ketz.*) და სხვა მრავალი.

საქართველოსა და კავკასიისათვის ბევრი დამახასიათებელი ენდემი თბილისის მიდამოებიდან იქნა აღწერილი, ბოლო შემდგომმა კვლევამ გააფართოვა მათი გავრცელების არეალი და თბილისის უახლოეს საზღვრებს გააცილა. საერთოდ საქართველო ცნობილია ენდემიზმით (400-ზე მეტი). კავკასიისათვის დამახასიათებელი 600-ზე მეტი ენდემური მცენარე საქართველოშიც გვხვდება (9).

საქართველოს ფონზე თბილისი განსაკუთრებულად გამოიყურება. კავკასიაში (და არა მარტო კავკასიაში) მეორე ისეთი კუთხე არ არის, სადაც შეიძლებაოდეს მიეუთითოთ, ერთის მხრივ, კოლხური ელემენტები: კოლხური სურა (*Hedera colchica C. Koch.*), თავისარა (*Ruscus hypophyllum L.*), მოცივი (*Vaccinium Arctostaphylos L.*), მაჯალვერი (*Daphne caucasica Pall.*), იელი (*Azalea pontica L.*), რომელნიც წიფელთან ერთად ტიპურ კოლხურ ცენოზს ქმნიან (საგურამოს ქედი) და, მეორეს მხრივ, კი შუაზიხისა და ირანის უდაბნოს ელემენტები: *Gamanthus pilosus Bge.*, *Petrosimonia brachiata (Pall.) Bge.*, *Salsola glauca Mb.*, *Salsola dendroides Pall.*, *Salsola ericoides MB.* და მრავალი სხვა, რომლებიც *Artemisia Meyeriana*-სთან ერთად ქმნიან ტიპურ ნახევარ უდაბნოსა და უდაბნოს ცენოზებს. ამ ურთიერთ-

საგან მკვეთრად განსხვავებულ ტიპებს შორის მთელი გარდამავალი საფეხურები არსებობს, მაგრამ, ნიუხედავად ამისა, ამ ორ განაპირა ცენოზს შორის გენეტიკური ჯემირი არ არსებობს. მართალია, გვაქვს მთელი რიგი ისეთი ნიშნებისა, რომლითაც დასტურდება, რომ კოლხური ელემენტები და მათ მიერ შექმნილი ცენოზები თანაზღვროვე ისტორიულ პერიოდში მკირდება, მაგრამ მათ უახლოეს ნაალაგვეზე დღეისათვის, ზემოაზროთელილი მცენარეების მონაწილეობით, მლაშნარი უდაბნოს ტიპი არა გვაქვს. ამ ტყის ნაალაგვეზე უფრო ხშირია და ტიპიური კლდეთა ქსეროფიტების განვითარება. (კლდეთა ქსეროფიტული ბუჩქნარი, ნარეკლიანი -- ნასპარსეზე, ხერკზე, ზედაზნის წინაკალთებზე და სხვაგან.).

ყოველი ნიშნებით დასტურდება (ისტორიული წყაროები, ტყის ელემენტები ჯაგეკლიანებში და ველის ფრაგმენტებში; ტყის ნიადაგები ან ნიადაგებში ტყის ნიადაგის ელემენტები ველისა, ჯაგეკლიანის, ძეძვიანების და სხვათა გავრცელების არეში და სხვ.), რომ თბილისის დღევანდელი ტერიტორია და მისი მიდამოები ტყით იყო დაფარული. ტყისაგან თავისუფალი უნდა ყოფილიყო კუმისისა და ზღაშე ტბების ის ფართობი, რომელიც ნახევარუდაბნოს მცენარეებით არის და იყო დაფარული, აგრეთვე მწვავე გაჯიანი ციკაბო ფერდონი (3,4).

თბილისის მიდამოები შესანიშნავია იმითაც, რომ მის ახლო-მახლო ტყეებში შემორჩენილია საქართველოს ტყეებისათვის დამახასიათებელი თითქმის ტყის ყველა ცენოზი, სახელდობრ: წიფლნარი კოლხური ელემენტებით (საგურამო-იალნო), წიფლნარი აღმოსავლეთ საქართველოს ტიპისა (კოჯორი-წოდორეთი), რცხილნარი (საგურამო, კოჯორი, წოდორეთი), მუხნარი ქართული მუხისაგან შექმნილი (მთის წინაკალთები), ღვიანი (სარკინეთი, კარსანი), საკმლისხიანი (სარკინეთი), აკაკიანი (კლდოვან ადგილებზე ბევრგან), ბერკენიანი, ჭალის ტყე და სავანი და აგრეთვე ამ ცენოზთა ნაწარმოებნი (ძეძვიანები, ნარეკლიანები და სხვა).

საგურამოს ქედის მწვერვალს ვიწრო ზოლად გასდევს წიფლნარი, რომელიც საკმაოდ მდიდარია კოლხური ელემენტებით. თვითონ წიფლნარი მაღალი, კარგად გამართული ხეებისაგან არის შექმნილი. წიფლის კალთა საკმაოდ შეკრულია.

ქვეტყევი აღინიშნება: იელი, ბაძგი, მაჯალვერი (*Daphne caucasica* Pall.), მოცივი, კოლხური სურო და სხვა. ბალახეული საფარი მდიდარია საინტერესო მცენარეებით: *Paonia taurica* Salisb., *Doronicum macrophyllum* DC., *Ornithogalum arcuatum* Stev., *Orobis roseus* Led. *Smyrniium perfoliatum* L. და სხვ. (11).

იქ, სადაც ტყე ნაჩხია, სახეობათა რაოდენობა მეტია. ასეთ ადგილებში ჩვეულებრივია: წიფელი, რცხილა, ქართული მუხა, პანტა, ნეკერჩხალი, ბოყვი (*Acer laetum* C. A. M.), თამელი [*Sorbus Forminalis* (L.) Gr.], ბევრია ქვეტყის ბუჩქი: თხილი, შვინდი, *viburnum lantana* L., *w. orientale* Pall., *Lonicera caprifolium* L., *Leucasica* Pall. და სხვა. მხვიარებიდან გვხვდება კატაბარდა, კოლხური სურო. მდიდარია ბალახეული საფარიც.

თბილისის მიდამოებისათვის დამახასიათებელია, რომ მისი ტყეების უფრო მეზოფილურ ზონაში ადვილად ხდება ძველი კოლხური ელემენტების აღდგენა. ასეთ ელემენტებს უმკველად ეკუთვნის ბზა (*Buxus colchica* Pojark.). ბზის საკმაოდ კარგი კორომი საგურამოს ქედზე პირველად აღწერილ იქნა 1928 წ. ნ. ტროიციის მიერ (11), 1954 წელს კი ჩემ მიერ—სოფ. კოპორტის ჩრდილო აღმოსავლეთით, ე. წ. ბზიან-ხევიში, სადაც ბზა მოქცეულია მუხნარ-რცხილნარში და უჭირავს 2 ჰექტარამდე ფართობი. ეს ბზიანიც, მსგავსად საგურამოს ქედის ბზიანისა, საკულტო შენობის ირგვლივ გვხვდება.

ხეები ყოველწლიური დაბეღვითა და ჩეხვით დაჩაგრულია, (ბზის ტოტი მოქმედ ეკლესიებში აქედან მიჰქონდათ) ყველაზე მსხვილი ხის დიამეტრი 10—15 სმ-ია; აღდგენა შესანიშნავია: ნორჩნარი ზოგან კვ. მეტრზე 500—800 ცალია, 15—20 სმ სიმაღლისანი კი—25—100 ცალი.

ცენოზი შემდეგი შემადგენლობისაა: *Quercus iberica* Stev. Sp³, *Carpinus caucasica* A. Grossh. Sp¹. *Acer campestre* L. Sol., *Cornus mas* L. Sp.², *Viburnum lantana* L. Sp¹. *Buxus colchica* Pojark. Sp³. Cop¹, *Lonicera caprifolium* L. Sp¹, *L. caucasica* Pall. Sp¹. *Hedera Helix* L. Sp¹. და სხვ. ბალახეულობიდან აღინიშნება: *Poa nemoralis* L., *Festuca montana* M. B., *Melica uniflora* Retz., *Vicia truncatula* M. B., *Primula sa-*

guramica B. Cawr., *Asperula odorata* L., *Sauicula europaea* L. და სხვანი.

ბზიანს ფართობის ზრდის ტენდენცია აქვს, იგი გადასულია სამხრეთის ფერდობებზეც, მაგრამ, როგორც ჩანს, აქ საქონლის გამუდმებული ძოვებაც საშუალებას არ აძლევს უფრო განზე გავიდეს.

თბილისთან უახლოეს ადგილებში (კოჯორი, წოდორეთის სატყეო) წიფლნარები უფრო გავრცელებულია, ვიდრე საგურამოსი, კოლხური ელემენტები აქ ისე დამახასიათებელი არაა, როგორც საგურამოს ქედზე. ადამიანის ზეგავლენას, რასაკვირველია, თავისი დალი დაუჩინევია.

რცხილას აღმოსავლეთ საქართველოში თავისი ზონა აქვს, ესაა წიფლის და მუხის (ქართული მუხის) ზონებს შორის მდებარე სარტყელი. მისი ოპტიმალური განვითარების ადგილსამყოფელია ზღვის დონიდან 800—1000 მ-დან, ვიდრე 1100—1200 მ. სიმაღლემდე. აქაა, ასე ვთქვათ, პირველადი, ტიპური რცხილნარები, მაგრამ რცხილა ძალიან ადვილად იჭერს წიფლნარის ადგილს. თბილისის მიდამოების რცხილნარები (კოჯორი, წოდორეთი, დიდგორი, სხალთბა, საგურამო) ძირითადად წიფლნარების შემდგომ განვითარებულნი არიან და სწორედ ამიტომაც, რომ ამ ტყეებში სრულიად თავისუფლად შეიძლება შევხვდეთ კოლხეთის ისეთ ელემენტებს როგორც არიან: *Jlex colchica* Pojark., *Hedera colchica* C. Koch., *Vaccinium Arctostaphylos* L. (საგურამო, იალნო) და სხვანი.

ზონალურად რცხილნარებს, ქვევით მდებარე ქართული მუხის სარტყელი ხშირად უმთავრესად ადამიანის ზეგავლენის შედეგად შენაცვლის ხოლმე რცხილნარს, პირველ ხანებში, თუ გვაქვს რცხილნარ-მუხნარი, მალე იგი მუხნარად ვითარდება ან უფრო ხშირად ჯაგდება (წყნეთი, დიდგორი, საგურამოს წინა კალთები, წოდორეთი და სხვა).

თბილისის მიდამოებში შემორჩენილი გვაქვს ნაძვნარები (წოდორეთი) და ფიჭვნარები (კოჯორის მიდამონი). თუ ფიჭვი (*Pinus Sosnowskyi Nakai*) აგრესიული ელემენტია და მას შეუძლია ახალახალი ადგილები დაიჭიროს, ნაძვი (*Picea orientalis* (L.) Link.) მომაკვდავი ელემენტია, მისი ადგილსამყოფელი დაჭერილი აქვს წიფელს და რცხილას.

მუხნარის განვითარების არეალი საქმოდ დიდა, მას თბილისის მიდამოებში ვერტიკალურად უჭირავს ის სარტყელი, რომელიც რცხილნარსა და ქალის ტყის შორის მდებარეობს. თუ მასში აქა-იქ შექრილი არ არის ნათელი ტყე (სარკინეთი, კარსნის ხევი, უმთავრესად სამხრეთისაკენ მიქცეული ფერდონი), ანდა მეორადი უროიანი ველი, მუხნარი, რომელიც ქართული მუხისაგან იქმნება, უფრო აქტიურია. ამიტომაცაა, რომ მან ასე სწრაფად შენაცვლა რცხილნარებიც და წიფლნარებიც კი (კოჯორ-მანგლისის შორის მდებარე თრიალეთის ქედზე).

უახლოეს პერიოდში თბილისის ახლო მდებარე მთის ფერდონი, თრიალეთის ქედის წინა კალთები (თელეთის ქედი, თაბარის ქედის, მამაღავითის ჩრდილოეთისაკენ მიქცეული ფერდონი წყნეთის აღმოსავლეთისაკენ და ჩრდილოეთისაკენ მიქცეული ფერდონი, ნახშირგორის ქედა კალთები, ნაქულბაქევი, მუხათგვერდი, საგურამოს ქედის ქედა ნაწილი და სხვა) დაფარული იყო ქართული მუხნარით, რომელშიაც ურევია აღმოსავლეთ საქართველოს ტყის შემდეგი სახეობანი: იფნი, ნეკერჩხალი, თამელი, პანტა, მაგალო და ამის მაგვარი, ნაპირებიდან კი მასში შექრილია ბერყენა (*Pyrus salicifolia* Pall.), ღვია (*Juniperus oblonga* M. B.). ეს უკანასკნელი გამეჩხრებულ მუხნარის ქვეტყეშიც დიდ მონაწილეობას იღებს. ღვიასთან ერთად, ამ მუხნარში ძეძვიც გვხვდება, მაგრამ ამ უკანასკნელის მონაწილეობა მუხნარში დასახლებულ ტყის ცენოზის გედის სიმღერაა; როგორც ღვია, ისე ბერყენა აღმოსავლეთ საქართველოს ნათელი ტყეების კომპონენტებია (თბილისის მიდამოებში: კარსანი, სარკინეთი, თელეთის ქედის სამხრეთის კალთები, გარდაბანი და სხვ.) და ამიტომ მათი მონაწილეობა ხშირად ნათელი ტყის მოსაზღვრეობის მომასწავებელიცაა. აღრე ვაზაფხულზე მთის წინაკალთების ტყეებში, მუხნარში, ჯაგრცხილნარში, რცხილნარში ლამაზად ჰყვავიან ყოჩივარდა (*Cyclamen ibericum* Stev.), ხარისძირა [*Helleborus caucasicus* A. Br.], თეთრი ყვავილი [*Galanthus caucasicus* (Baker) Grossh.], ცისთვალი (*Scilla azurea* Golob.), ია (*Viola odorata* L.), *Corydalis angustifolia* M. B., საგურამოს ფურუსელა (*Pr. Saguramica* B. Gawr.), ფურუსელა (*P. macrocalyx* Bge.).

ამ დროს ამ ტყის ნახვას ვერაფერი შეედრება: მაშინ. როდესაც ხეები გაიჟოთქებან ლამაზად მოყვავილენი ქრებიან და მათ შემნაცვლელად უკვე სხვები ჩნდებიან: *Fragaria viridis* Duch. *Geranium Rubetianum* L., *Trifolium pratense* L., *Poa nemoralis* L., *Dactylis glomerata* L. და სხვანი.

ქართული მუხისაგან შექმნილი ცენოზი უშუალო კონტაქტში იმყოფება თბილისის მიდამოებში არსებულ ნათელ ტყეებთან, რომლის შედარებით შენახული ჯგუფები გადარჩენილია კარსანში— არმაზის ქედის სამხრეთისაკენ მიქცეული ფერდონზე და სარკინეთის ქედის სამხრეთის ფერდონზე. აქვე უნდა აღინიშნოს ისიც, რომ ორივე ადგილი უმთავრესად ღვიიანი ნათელი ტიპის ტყეებითაა დაფარული, ფოთლოვანი ნათელი ტიპის ტყე შემორჩენილია სარკინეთის ქედზე. მხოლოდ შიომღვიმეს მიდამოებში. ეს ნათელი ტყეები ტიპიური არიან სამხრეთის ფერდონებისათვის, თუმცა გვხვდება ჩრდილოეთის ფერდონზეც (არმაზის ქედი) და აღმოსავლეთის ფერდონზეც (სარკინეთი-არაგვისაკენ მიქცეული ფერდონი), უფრო სწორად ჩვეულებრივ ჯაგრცხილნარ-მუხნარში შექრილი.

ამ ნათელი ტყეებისათვის დამახასიათებელია აგრეთვე მასში ქართული მუხის მონაწილეობა, დაახლოებით ისე, როგორც ამას ვაჩვენებთ იმ ხეებში გავრცელებულ ნათელ ტყეებში, რომელნიც შირაკიდან ალაზნის ველისაკენ ვაღიან. (ამ ხეების ტყეებში გვხვდება: საკმლის ხე, აკაკი, ბერყენა, ქართული ნეკერჩხალი, ქართული მუხა, ჯაგრცხილა, თელა, ძეძვი, ცხრატყავა, შვინდი და სხვ.). მუხის, ღვიების და საკმლის ხის (*Pistacia mutica* F. et M.) გარდა სარკინეთი-შიომღვიმეს მიდამოებში გვხვდება აგრეთვე იფნი, ნეკერჩხალი, ჯაგრცხილა, თელა და სხვა.

ალსანიშნავია აგრეთვე ისიც, რომ აქაურ ნათელ ტყისათვის დადასტურებულია საქმოდ ტიპიურ ღვიიანებში (კარსნის ხევი, სანხრეთისაკენ მიქცეული ფერდონი), თვით ღვიის ბუჩქში და მისი გარემო საქმარისად კარგად არის გამოსახული თავისარას (*Ruscus hypophyllum* L.) ფრაგმენტები. ეს მომენტი ამ ნათელ ტყეებს ანსხვავებს აღმოსავლეთ საქართველოს დანარჩენი ნათელი ტყეებისაგან (პანტიშარა, ვაშლოვანი, უფადარი, გარეჯი და სხვ.), ეს ფაქტი

ერთხელ კიდევ ადასტურებს, რომ ჯერ კიდევ ახლო წარსულში თბილისის უახლოეს მიდამოებში და ლეიანების არეში ფრიად ფართოდ იყო გავრცელებული უფრო მეზოფილური ტყის ტიპები.

ამ ნათელი ტყეების შემქმნელი ლეიებია: *Juniperus oblonga* M. B., *J. sabina* L., *J. polycarpus* C. Koch.

აი ამ ფრაგმენტების დამახასიათებელი სიებიც: სარკინეთის შთის სამხრეთის ფერდო, შიომღვიმე:

- Juniperus polycarpus* C. Koch. sp²
 - J. oblonga* M.B. sp²
 - J. rufescens* Link sp¹
 - Pistacia mutica* F. et M. sp¹
 - Quercus iberica* Stev. sp³
 - Carpinus orientalis* Mill sp¹
 - Ulmus foliacea* Gilib. sol
 - Ulmus suberosa* Moench. sol
 - Paliurus spina-Chrsiti* Mill. sp³ Cop¹
 - Ruscus hypophyllum* L. sp³
 - Ephedra procera* F. et M. sp¹
 - Rhamnus Pallasii* F. et M. sp¹
- და სხვანი.

მცხეთა, კარსნის ხეობა, სამხრეთის ფერდო:

- Juniperus polycarpus* C. Koch. sp³
- J. foetidissima* N. sp⁰
- J. rufescens* Link. sp¹
- Celtis caucasica* W. sol
- Quercus iberica* Stev. sol
- Carpinus orientalis* Mill. sp¹
- Carpinus caucasica* A. Crossh. sol.
- Paliurus spina-Christi* Mill. Cp¹
- Rhamnus Pallasii* F. et M. sp¹
- Spiraea hypericifolia* L. Cop⁰
- Atraphaxis spinosa* L. sp¹
- Fraxinus excelsior* L. sol
- Ulmus suberosa* Moench. sp¹
- Lonicera iberica* M. B. sp¹
- Ruscus hypophyllum* L. sp¹
- Ephedra procera* F. et M. sp²

ამ ტყეთა მოსპობა და გაჩანაგება ქმნის ჯაგეკლიან ველს-ძეძვიანს-ნარეკლიანს. საკმარისია ფოთლოვან ნათელ ტყეში მაღალმოზარდი ხეების მოსპობა, რომ დარჩეს ძეძვიანის ერთ-ერთი

ვარიანტი, რადგან ძეძვი ნათელი ტყის მთავარი მონაწილეა.

როდესაც მუხნარი ისპობა, იქ პირველ რიგში რჩება მუხნარის ქვეტყის ელემენტი: ჯაგეკლია, კუნელი, კვილო, ღვია და სხვანი. ძეძვი ამ ბუჩქნარში მისი გაჯაგების შემდეგ იჭრება. გადამეტებული ძოვებისაგან ნიადაგიც ალაგ-ალაგ იშლება. ძეძვის თანდათან გაძლიერების შედეგად ვიღებთ ჯაგეკლიან ველს. ამგვარად ვიღებთ ორი სხვადასხვა წარმოშობის ძეძვიანს. ერთს, შედარებით პირველადს და, მეორეს, მუხნარის ბუჩქნართან ბრძოლის შედეგად წარმოშობილს. თუ ამ ორ ძეძვიანს შორის კონტაქტი არსებობს, ხდება ურთიერთის ელემენტებით გამდიდრება და საბოლოოდ მთლიანად დამსგავსება. ასეთი წარმოშობისა უნდა იყოს თბილისის მიდამოებში, თელელის ქედის და კუმისის მიდამოების ძეძვიანები, თბილისიდან დაშორებით კი—შირაქ ალაზნის ველის ძეძვიანები.

თბილისის მიდამოებში დღეს ჩვეულებრივია ჯაგეკლიანი ველი, ძეძვიანი და ნარეკლიანი. ჯაგეკლიანი ველის წარმოშობის და განვითარების შესახებ უკვე საკმაოდ ითქვა (3). ჯაგეკლიანი ველი წარმოიშვა მთების წინა კალთების ტყეების (მუხნარის) ნათელი ტყეების, ვაკის ტყეებისა და ქალის ტყეების გადაგვარების შედეგად. პირველად ესენი ატარებენ იმ ცენოზის ელემენტებს, რომლის გადაგვარების შედეგად წარმოიშვნენ, შემდეგ მათი საერთო იერი თანაბრდება.

წმინდა ძეძვიანი სხვა წარმოშობისაა. ჯერ ერთი, როდესაც ნათელი ტყის შემქმნელი ძირითადი ჯიში ისპობა და რჩება ძეძვი, იქმნება შედარებით წმინდა, უფრო ძეძვიანი, ვიდრე ესაა მუხნარისა ან ქალის ტყის გადაგვარების შედეგად წარმოშობილი; მეორე, ნათელი ტყის ფარგლებში, მთის წინა კალთების მუხნარებში და რცხილნარებშიც ხშირად არის საკმაოდ დიდი ფართობები, რომელიც წმინდა ძეძვით არის დაფარული, სადაც ირგვლივ ტყის ელემენტი არ გვხვდება, სადაც სხვა ბუჩქნარიც ქსეროფიტულია, ბალახეული საფარი ან უროიანი; ან ვაციწვერიანი და იშვიათად აბზინდიანი (ნათელ ტყეში). როდესაც ასეთი ფრაგმენტის ირგვლივ ტყე ისპობა, რჩება წმინდა ძეძვიანი, რომელიც ნატყევარზე მიიწვეს და ქმნის ჯაგეკლიანს. ასეთი წმინდა თავისთავადი ძეძვიანია, მაგ., კუმისის ფხეკობებზე.

ნარეკლიანი ისეთი დაჯგუფებაა, რომელიც უფრო თავისთავადია, და, რომელშიც მონაწილეობას იღებს ეკლიანი ასტრაგალუსები და მიწას-გართხმული ბუჩქები. ძეძვი დაბალია და წერილ-ღეროიანი. აქ უფრო ჩვეულებრივია *Astragalus caucasicus* Pall., *Acantholimon lepturoides* Bge., *Rhamnus Pallasii* F. et M., *Atraphaxis spinosa* L. და სხვ. ასეთი ნარეკლიანი მთის ქსეროფიტების ერთ-ერთი ვარიანტია.

გრაკლიანი (*Spiraea hypericifolia* L.) ჩვეულებრივია ქორკის ტბის მიდამოების ფერდობებზე. ეს გრაკლიანი განსხვავდება შირაკ-გარეჯის გრაკლიანისაგან, რომელიც უფრო ქსეროფიტული იერისაა. კლდეთა ქსეროფიტები, რომელიც ხშირად ნარეკლიანში გადადის თბილისის მიდამოებში მკაფიოდ არის გამოსახული. მაგალითად, ვერის ხეში, ვერის სასაფლაოს პირდაპირ, საზხრეთისაკენ დაქანებული ნაშალი ფერდო, კუმისის მიდამოების სამხრეთის ფერდონი, თელეთის ქედის ზოგიერთი სამხრეთის ექსპოზიის ფერდო და სხვა კლდის ქსეროფიტებითაა მოსილი. ასეთი ფართობები თბილისის მიდამოებში ძლიერდება და მრავლდება. ასეთ ადგილებში მარცვლოვანებიდან ჩვეულებრივია ვაციწვერა (უმთავრესად, *Stipa Lessingiana* Trin.), ურო, წივანა (*Festuca sulcata* Hack.), *Alopecurus tiflisiensis* Crossh. და სხვანი. ამ ადგილებისათვის ტიპური და დამახასიათებელია *Acantholimon lepturoides* Bge. (*A. Fomini* Kuhn. შორეულ მიდამოებისათვის გარეჯულაბნოსათვის). *Astragalus caucasicus* Pall., *Atraphaxis buxifolia* F. et M., *Rhamnus Pallasii* F. et M., *Ephedra procera* F. et M., *Caragana grandiflora* (M. B.) DC., *Berberis iberica* Stev. et Fisch. *Dianthus orientalis* Ad., *Teucrium polium* L., *T. chamaedrys* L., *Scutellaria orientalis* L., *Thymus trancaucasicus* Ron., *Ziziphora stenophylla* Juz., *Scorzonera eriosperma* M.B. და სხვანი.

ეს დაჯგუფება თბილისის მიდამოებში საინტერესოა იმდენად, რამდენადაც ხშირად სრულიად ღია, ჩამოფხეკილ ადგილებზე სახლდება და ქმნის ნიადაგის ფენას თუ არა, ნიადაგის პირველ ელემენტებს მაინც, რაზედაც შეიძლება სხვა მცენარეთა დასახლება.

ჯაგეკლიან ველებსა, ძეძვიანებსა და ნარეკლიანებს ზოგიერთი ბოტანიკოსი აიგივებს ხმელთაშუა ზღვის „შიბლიაკთან“, მაგრამ, რასაკვირვე-

ლია, ხმელთაშუა ზღვის შიბლიაკთან ჩვენს ძეძვიანებს და ჯაგეკლიანებს კავშირი არა აქვთ. ისინი თავისი ბუნებრივი პირობებით, ადგილსამყოფელით, წარმომშობი ცენოზით განსხვავებულია, რაც საკმარისია იმისათვის, რომ მას თავისი კუთვნილი სახელი მიეცეს.

ზოგიერთი საერთო სახეობის არსებობა ორივე დაჯგუფებაში სრულიად არ ადასტურებს იმ მოსაზრებას, რომ იგი ტიპური „შიბლიაკია“, შესაძლებელია 2 ცენოზის სახეობანი საერთოც იყოს, მაგრამ მათ მიერ იქმნებოდეს სრულიად სხვადასხვა ცენოზი.

მტკვრის ხეობისათვის დამახასიათებელია ჭალის ტყე (4), როგორც თბილისისათვის, ისე მისი მიდამოებისათვის ჭალის ტყეც ტიპური იყო. ამჟამად ჭალის ტყე გადარჩენილია გარდაბანში, რუსთავეში, თბილისის ფარგლებში კი—ნავთლულის პირდაპირ და დიღმის მინდვრის გადასწვრივ. დასახლებული ტყეები პირველი ტერასის ტყეებია, მეორე ტერასის ჭალის ტყე ამჟამად აღარსად არ არის გადარჩენილი. თბილისის ფარგლებში გადარჩენილი ჭალის ტყეებს ქმნის ტირიფი (*Salix australior* Anderss.), შავი ჯერხვი (*Populus nigra* L.—განსაკუთრებით ნავთლულის გადარჩენილ ჭალაში), ხელო (*Populus hybrida* M. B.) დიღმის ჭალაში. ნაქულბაქევის ქვევით გადარჩენილია თითო-ოროლა მეორე ტერასის ჭალის ტყის ელემენტი, უმთავრესად ტერასის შუბლზე. ესენია: გრძელყუნწა მუხა (*Quercus longipes* Stev.), თელა (*Ulmus foliacea* Çilib.), მაღალ (*Malus orientalis* Ugl.) და სხვანი.

საგურამოს არაგვის პირის ჭალის ტყე შედარებით კარგადაა შენახული ფლორისტულად მაინც (მეორე ტერასის მუხნარი და თელნარი უკვე მოსპობილია). ერთის მხრივ, საგურამოს მინდვრებში და, მეორეს მხრივ, ნატახტარ-მისაქციელის და საფურცლის მინდვრებში გადარჩენილია თითო-ოროლა საკმარისად კარგად შენახული გრძელყუნწა მუხა, და თელები (*Ulmus foliacea* Çilib., *U. suberosa* Moench.). სამწუხაროდ, მუხების უმრავლესობა ამ ადგილში დაბედილია. გრძელყუნწა მუხა კონტაქტში იმყოფება ქართულ მუხასთან საგურამოს ქედის წინა კალთების ფერდობებზე.

ის ტყე, რომელშიც ლეგენდის მიხედვით ჩენი სახელოვანი მეფე ვახტანგ გორგასალი ნა-

დირობდა, წარმოადგენდა მტკვრის მეორე იარუსის ქალის ტყეს—მუხნარ-თელნარს (*Quercus longipes Stev. + Ulmus foliacea Çilib*), რომელშიც არაა ნეკერჩხალი. იფნი, წითელი კუნელი (*Crataegus monogyna Jacq.*). შავი კუნელი (*C. kyrtostyla Fing.*), პირველი იარუსიდან ამოსული თითო-ორი ოფი, თეთრი ვერხვი და სხვა. ეს ტყე კონტაქტში იყო თელეთისა და თაბორის ქედის მუხნარებთან, რომელიც ქართული მუხისაგან შედგებოდა და რომლის ნაშთები დღესაც კარგად არის შემორჩენილი თელეთის ქედზე. ნათელი ტყის ელემენტები მთის კალთის მუხნარ ტყეში უნდა ყოფილიყო ბერყენები (*Pyrus salicifolia Pall., P. georgica Sch. Kuth., P. Ketzkhowelii Sch. Kuth., P. Fedorovii Sch. Kuth.* და სხვ.), ღვია (*Juniperus oblonga M. B.*), თუთუბო (*Rhus coriaria L.*), თრიმი (*Cotinus coggygria Scop.*). გამორიცხული არ არის, რომ თელეთის ქედის გასწვრივ საკმლის ხეც იყო.

დასტურდება, რომ დღევანდელი თბილისის ტერიტორიაზე არსებობდნენ შემდეგი ცენოზები: ქალის ტყე ვერხვანარი (მტკვრის გასწვრივ), ქალის ტყე-მუხნარ-თელნარი (მტკვრის მეორე ტერასაზე—ორთაქალა, რუსთაველის პროსპექტის ქვევითა მხარე, პლენხანოვის პროსპექტის გასწვრივ და სხვა). ნათელი ტყე (თელეთის ქედი, ისნის და ნავთლულის შემადგენელი ადგილები (მცირედად), მუხნარი—თელეთის ქედი, მამადავითის ქედის კალთები მთაწმინდის უბნის ჩათვლით და სხვა).

თბილისის მიდამოების შორეულ ნაწილში, სარკინეთის ქედზე, კარგადაა გამოსახული ქალის ტყის მეორე იარუსის შემდეგ ნათელი ტყე საკმლის ხით, რომელიც ქართულ მუხასთან ერთად ჰქმნის ცენოზს და რომელიც თავისებური ტიპია. ეს ტიპიც ბევრგან ჯაგეკლიან ველში გადადის, სადაც ძეძვთან ერთად დაჯაგებულია; *Crataegus monogyna Jacq., C. kyrtostyla Fing., Prunus spinosa L., Pyracantha coccinea Roem.* და სხვანი. პირველ ხანებში მათი დიდი მონაწილეობით განსხვავდება ეს ჯაგეკლიანი, იმ ჯაგეკლიანისაგან, რომელიც ქართული მუხის ცენოზის შემდეგ ვითარდება.

თბილისის მიდამოებში ნახევარუდაბნოთა მცენარეულობა ტიპიურად გვხვდება ქალაქის ქვემოთ: გარდაბანის ვაკეზე, იალლუჯის ფერდობებზე და მის წინა კალთების გაგრძელებაზე (გავა-

კებებზე)—კუმისის ტბის ირგვლივ და სხვ. თბილისის ზევით პატარ-პატარა ფრაგმენტების სახითა გვხვდება აღმოსავლეთ საქართველოს ნახევარუდაბნოთა მცენარეულობის ძირითადი შემქმნელი აბზინდა (*Artemisia Meyeriana Bess.*). ურო და აბზინდა ერთად ჰქმნიან გარდამავალ ცენოზებს ნახევარუდაბნოდან ველებზე.

აბზინდასთან ერთად დიდ მონაწილეობას იღებენ კალია ბალახები—*Salsola*-ნი, რომელთა შესახებ ჯერ კიდევ ვახუშტი ბაგრატიონი წერდა: „აქ (იალლუჯზე—ნ. კ.) არს ბალახი კალია, რომლის ძირს დასწვენ და ნაცრიოთა მისითა აღუღებენ საპონს უმჯობესსა. კვალად ხმარობენ სხვაფერც“ (1). მართლაც, *Salsola*-ებში საკმაო დიდი რაოდენობით გროვდება სოდა და სხვა მარილები. *Salsola*-ებიდან აქ ჩვეულებრივია: *Salsola dendroides Pall., S. ericoides M. B., Çamanthus pilosus (Pall.) Bge.* კუმისის ტბის ირგვლივ აღინიშნება *Salicornietum*-ი (*Salicornia herbacea L.) Suaedetum (Suaeda heterophylla Bge. Salsolium (Salsola) soda L.*). გარდა ამისა არის შედარებით მრავალფეროვანი ცენოზები, რომელშიც მონაწილეობას იღებენ *Petrosimonia brachiata Bng., Limonium Meyeri (Boiss.) Kntze., Atropis bulbosa Crossh.* შედარებით მშრალ ადგილებში აღინიშნება ქანგიანი, რომელიც შექმნილია *Agropyrum repens (L.) P. B. v. glaucescens A. Engls.* გან. ეს ქანგიანი კარგი სათიბია, შემოდგომაზე კი ქანგის აქტი და ზოგიერთი სხვა მცენარე, რომელიც ამ დროისათვის ვითარდება (*Petrosimonia brachiata Bge.* და სხვ.) კარგი საძოვარია (2).

აბზინდიანი ნახევარუდაბნო შედარებით კარგად არის გამოსახული იალლუჯის ფერდობებზე, გარდაბნის ურწყავ ადგილებში. ამ ცენოზში აღინიშნება *Artemisia Meyeriana + Agropyrum repens. Artemisia Meyeriana + Agropyrum cristatum, Artemisia Meyeriana + Salsola dendroides, Artemisia Meyeriana + Andropogon Jschaemum* და სხვა მრავალი.

ნახევარუდაბნოს მცენარეულობის ტიპიური და დამახასიათებელია ეფემერებისა და ეფემეროიდების განვითარება. მათ შორის ყველაზე ტიპიური და დამახასიათებელია *Poa bulbosa L. v. vivipara C. Koch., Bromus Japonicus Thunb., Eremopyrum orientale (L.) E. et Sp., Colpodium*

humile (M. B.) Criseb., Helianthemum salicifolium (L.) Mill.

მაისის ბოლოსათვის ეფემერები ამთავრებენ სასიცოცხლო ციკლს და ადგილს უთმობენ უფრო გამძლეო. ზამთრის პირს ამ დაჯგუფებაში აქვანი, ყარლანი და ზოგიერთი სხვა ხეშეშლეროიანი მცენარე რჩება.

თბილისის მიდამოების ღია ადგილების ველბისათვის უფრო ტიპური და დამახასიათებელია უროიანი (Andropogonetum). ამ მიდამოებში უროიანი ველი ძირითადად მეორადი წარმოშობისაა. იგი უმთავრესად ჩამოყალიბებულია ტყის უკან დახევის რამდენიმე საფეხურის გავლისა და შედარებით მყარი ველის ცენოზების გადაგვარების შედეგად. უროიანი ველი მორიგეობს ჯაგეკლიან ველს და ყოველ ნიადაგობრივ ვარიანტზე (გარდა ვედიანი ნიადაგისა) საკმარისად კარგად გრძნობს თავს. უროიანი ველისათვის დამახასიათებელი და ჩვეულებრივია წმინდა ველის ტიპიდან კლდეთა ქსეროფიტებზე ყოველგვარი თანდათან გარდამავალი საფეხურები. ზოგიერთი მკვლევარი უროიან ველს ნახევარველს უწოდებდა (8). ვითომ იმის გამო, რომ უროს კორდი ნიადაგს ფარავს არა უმეტეს 60—75% - ისა. არის, რასაკვირველია, უროიანის ისეთი ვარიანტი, სადაც, მართლაც, უროს კორდით ნიადაგი დაფარულია 40—60%-ით. მაგრამ ასეთი ვარიანტები ჩვეულებრივია იქ, სადაც გადამეტებული ძოვება წარმოებს და ნიადაგის ზედაფენი საქონლის ჩლიქითაა გადაქცილი. კორდებს შორის დატოვებული ადგილი ზაფხულიდან მოტიტვლებულია, გაზაფხულზე კი ეფემერებით არის დაფარული. სამაგიეროდ ისეთ ადგილებში, სადაც კარბი ძოვება არ წარმოებდა, უროს მიერ კორდი მთლიანად შეკრულია (გარდაბნის აღმოსავლეთი ნაწილი უდაბნოს საზღვარზე და სხვ.). ჩვეულებრივია უროიანი ქსეროფიტული ორლებნიანებით, უროიანი ეფემერებით, უროიანი ძირტუბილით, უროიანი აბზინდით, უროიანი მდელოს ბალახეულობით და სხვა. თბილისის უახლოეს მიდამოებში უროიანი ყამირები უკვე იშვიათი მოვლენაა, მათი ფორმაციები უკვე გადახნულია. ცოტად თუ ბევრად კარგად გამოსახული დაჯგუფებანი ძეძვის ბუჩქებს შორის არის აღნიშნული.

წივანიანი დაჯგუფებანი, რომელიც შექმნილია Festuca sulcata Hack. - მიერ, სახლდება ძეძვიანების უროიანებისა და სხვა ცენოზების უკან დახევის შემდეგ ხირატიან ნიადაგებზე, სადაც, თუ ძოვება ინტენსიური არ არის, კვლავ შეიძლება შეინაცვლოს უროთი და საერთოდ უროიანით. ზეორეს მხრივ. თუ კარბი ძოვების შემდეგ უროიანის სტრუქტურა დაირღვა, ნიადაგი გადირეცხა და გამოიქარა, შესაძლებელია უროიანიც წივანიანით შეინაცვლოს, რომელშიც კარბად იქნება წარმოდგენილი ისეთი ორლებნიანები, როგორც არიან: Thymus transcaucasicus Ronn., Th. tiflisiensis Klok., Teucrium polium L., Scutellaria orientalis L. და სხვა. მარცვლოვანებიდან მონაწილეობას იღებენ Stipa capillata L., Koeleria gracilis Pers., Phleum phleoides (L.) Simk. და სხვა.

ვაციწვერიანი ვარიანტები თბილისის მიდამოებში ტიპურად არსად არა გვხვდება. არის შემთხვევები, როდესაც ნატყევარზე მდელოს ელემენტებთან ერთად სახლდება Stipa stenophylla Czern. მაგრამ ასეთი მოვლენა ფრიად იშვიათია. (მამადავითის გრაკლიანები, ნახშირგორის აღმოსავლეთი ფერდობები და სხვ.). ველის ფარგლებში მაგალითად დიდ-ლილოსაყენ, საცხენისისაყენ, ქვემო სამგორზე და სხვაგან შეიძლება აღინიშნოს პატარა-პატარა ნაკვეთები, რომლებიც შექმნილია ისეთი ვაციწვერებისაგან, როგორც არიან: Stipa stenophylla Czern. უფრო ხშირად St. Lessingiana Trin., S. capillata L., S. pulcherima C. Koch. და სხვ. თბილისის მიდამოებში შემჩნეულია ვაციწვერიანთა შენაცვლა უროთი, განსაკუთრებით სათიბებზე (9). მშრალ ადგილსამყოფელზე კლდეთა ქსეროფიტებს შორის ხშირია და ჩვეულებრივი St. Lessingiana Trin., St. pulcherima C. Koch. ამ უკანასკნელ ხანში ვაციწვერიანები გადიხენენ, ვაციწვერა გავრცელებულია შავმიწა ნიადაგებზე ან შავმიწამინაგვარ ნიადაგებზე.

მდელოები თბილისის მიდამოებში ორგვარი გვაქვს დაბლობებისა, მდინარის ტერასების ალუვიალურ ნიადაგებზე და მთის ტყეებში, მოსპობილი ტყეების ნალაგეზე.

პირველი ტიპის მდელოები გვხვდება მტკვრის ტერასებზე გლერტიანების სახით. გლერტა Cynodon dactylon (L.) Pers. ფრიად თავისებურ დაჯგუფებას ქმნის, ხშირად იგი გარდამავალი საფეხურია

ნესტკარბ და კაობიან ცენოზის ველის მცენარეულობისაკენ. უმთავრესად უროიანებისაკენ ან ყარანიაანებისაკენ. გლერტას გარდა ამ დაჯგუფებაში მონაწილეობას იღებს ფართეფოთლოვანი მარცლოვანები (*Poa pratensis* L., *Agropyrum repens* (L.) P. B., *Alopecurus myosuroides* Huds., *Dactylis glomerata* L., *Bromus Japonicus* Thunb.).

თბილისის მიდამოებში გლერტიანი მცირე რაოდენობითაა გავრცელებული. მლაშე ტბების ირგვლივ მას საკმაოდ განიერი ზოლი ეჭირა, მაგრამ იგი უკვე წყლითაა დაფარული. ღრმა ღელის გლერტიანი უკვე ქალაქის ახალმა უბანმა დაიჭირა. მხოლოდ მტკვრის ქალღებში, მდინარის ნაპირებზე, ზოგან კიდევ არის პატარ-პატარა ნაკვეთი შემორჩენილი.

ნესტკარბ ნიადაგებზე, სადაც გრუნტის წყალი მზის სინათლეზე გადნოდის, ან ხევების ფართე, პირველ ტერასებზე, სახლდება მდელის ტიპის მცენარეულობა, რომელშიც დიდ მონაწილეობას იღებს ჩვეულებრივად ფართეფოთლოვანი მარცლოვანები *Dactylis glomerata* L., *Agropyrum repens* (L.) P. B., *Phleum pratense* L., *Lolium rigidum* Gaud., *Poa pratensis* L., *Juncus Gerardi* Lois., *Trifolium pratense* L., *T. parviflorum* Ehrh., *Vicia vilosa* Rhot. და სხვა ორლებნიანები, რომელნიც ნესტიან ადგილსამყოფელოსთან არიან დაკავშირებული. მაშინ, როდესაც ირგვლივ ველი გადახრუკულია, ეს დაჯგუფება მწვანედ გამოიყურება. თბილისის მიდამოებში გვხვდება ლოქინის ხეში, ყურყურთაზე და სხვაგან.

ეს დაჯგუფება ლანდშაფტის შექმნაზე დიდ გავლენას არ ახდენს, თუმც უკანასკნელ ხანებში სამგორის არხის გაყვანის შემდეგ ასეთი ტიპი ზოგან კიდევ ჩნდება.

მთის მდებარეობი ზოგიერთი სუბალპინური ელემენტით აღინიშნება კოჯრის მიდამოებში და განსაკუთრებით იალნოზე, ისინი წარმოშობილი არიან მთის ტყეების ნაალაგევზე.

კაობის მცენარეულობა თბილისში და თბილისის მიდამოებში წარსულში უფრო ფართოდ იყო გავრცელებული. ცნობილია, რომ თბილისსა და იალლუჯს შორის მდებარე კაობებმა ხელი შეუშალეს რუსეთის კავალერიას, რომელიც 1928 წელს თბილისიდან დაიძრა ერევნისაკენ. 1950 წლებში დაშრობილ იქნა ყურყურთას (სოლანლუ-

ლის) კაობები, სადაც ძირითადი ასოციაციები ლელიანი (*Phragmitetum*) და ლაქაშიანი (*Typhletum*) იყო.

თბილისის მიდამოებში კაობის მცენარეულობა დაკავშირებულია ან მდინარე მტკვრის ქალის ტყეებთან (ნაქულბაქეე-დიღმის ქალა), ან ტბებთან (კუმისის ტბა, ლისის ტბა, ქორქის ტბა, ბულბულის ტბა სხვ.). ეს კაობები უმთავრესად მარცლოვანი მცენარეების მიერ არის შექმნილი. ისლიანები შედარებით იშვიათი მოვლენაა. ამ კაობებში დაჯგუფებათა შექმნაში მონაწილეობას იღებენ: *Phragmites communis* Trin., *Typha latifolia* L., *Calamagrostis epigeios* (L.) Rhot., *Clyceria arundinacea* Knth., *Alopecurus ventricosus* Perk., *Bolboschoenus macrostachys* W., *B. maritimus* (L.) Pall., *Carex riparia* Curt., *Carex compacta* Lam. *Juncus Gerardi* Loiss. და სხვა. (9).

თბილისის მიდამოების ლანდშაფტის შექმნაში მათ დიდი მნიშვნელობა არა აქვთ. თბილისის მიდამოების ტბების კეთილმოწყობის დროს ეს კაობებიც ალბათ გარდაიქმნებიან და დაიფარებიან ან წმინდა წყლით ან სხვა რომელიმე თვალისათვის უფრო სასიამოვნო ცენოზით.

ამგვარად, თბილისის მიდამოებში მცენარეულ საფარში დიდი ცვლილებებია მომხდარი ცენოზის კონფიგურაციაში. ზოგიერთი დაჯგუფება შემცირდა და ფრიადადაც (ქალის ტყე, მუხნარი), სამაგიეროდ, მეორენი, ფრიად გაიზარდნენ: ჯაგეკლიანი ველი, ძეძვიანი. პირველადი ცენოზები ბევრგან შენაცვლა კულტურულმა მიწამ: (სახნავსათესი, ბალი, ვენახი და სხვ.). ამ მხრივ განსაკუთრებული ცვალებადობა მოხდა იმ ტერიტორიაზე რომელზედაც განვითარებული იყო: უროიანი ველი, ვაციწვერიანი ველი, ჯაგეკლიანი ველი, ქალის ტყე და ნაწილობრივ მუხნარი მთების წინა კალთებისა (ქართული და ვაკეთა მუხნარი გრძელყუნწა მუხისაგან შექმნილი).

თბილისის მიდამოებში შესამჩნევია ძველი, უფრო მეზოფილური ტიპის უკან დახევა და ისეთი უარყოფით (ტყესთან შედარებით) დაჯგუფებათა წინწამოწევა როგორც არიან ძეძვიანი, ნარეკლიანი, კლდეთა ქსეროფიტები, ნახევარუდაბნონი და სხვ. ტყეების ამ გზით განვითარება, რასაკვირველია, ჩვენი ცხოვრების დღევანდელ ეტაპზე ყოველად მიუღებელია. საჭიროა ამ პროცესის

შეჩერება და მთის ფერდობებზე ტყეების აღდგენა იმ მეთოდების სრული გამოყენებით, რომელიც თანამედროვე მეტყვეობას გააჩნია.

ველების ცვალებადობა ამეამად სხვაგვარად წარიმართა. იქ, სადაც წყალი იქნა გაყვანილი ლანდშაფტი იცვლება, ჩნდება ბალი და ვენახი, ტყის მფარავი ზოლი, პურისა და სინინდის ყანები, მაშასადამე სარწყავად გადაქცეული ველი ინაცვლება ისეთი საფარით, რომელიც უმდგომარეოდ ინტენსიურად უნდა განვითარდეს.


გამოყენებული ლიტერატურა

1. ვახუშტი ბაგრატიონი, აღწერა სამეფოსა საქართველოსა, თ. ლომოურის და ნ. ბერძენიშვილის რედაქციით.
2. ა. კაკულია, თბილისის მიდამოების ზამთრის საძოვრების შესწავლისათვის, თბილისის ბოტ. ინსტ-ის შრომები, VIII, 1942.

3. ნ. კეცხოველი, საქართველოს მცენარეულობის ძირითადი ტიპები, თბილისი, 1935.
4. ნ. კეცხოველი, აღმოსავლეთ საქართველოს კალის ტყეები და მისი აღდგენის საკითხი. თბილისი, 1942.
5. მ. საბინი, საქართველოს სამოთხე. 1862.
6. ვ. შეროხია, ახალი ცნობები თბილისის მიდამოებისა და საქართველოს ფლორისათვის. თბილისის ბოტ. ინსტ. შრომები, VIII, 1942.
7. საქართველოს ფლორა, I—VIII, თბილისი, 1941—50.
8. Гроссгейм А. А., Растительный покров Кавказа, Москва, 1948.
9. Сахокия М. Ф., Ботаническое описание окрестностей гор. Тбилиси и по маршруту гор. Тбилиси плато Шираки, Ботанические эскизы по Грузии, Тбилиси, 1958.
10. Спандзе А., Материалы для изучения лишайных населищ ближайших окрестностей гор. Тбилиси, Тфлиლისის ბოტანიკური ბაღის მეცნიერულ-განმარჯვებით განყოფილებათა ნაწერები, თბილისი, 1926.
11. Троицкий П. А. Самшит на Сагурацком хр. Гев. Тифлисского полт. истр-а, 1928.



საპირველმანის დემონსტრაცია თბილისში 1901 წელს



ალექსანდრე ჯანელიძე

თბილისი და გეოლოგია

თბილისი, რომელსაც უკვე ათასწუთასი წელიწადი შეუსრულდა დაარსებიდან, ბევრად უფრო ახალგაზრდა არის, ვიდრე საქართველოს არაერთი ძველი ქალაქი. მაგრამ უკანასკნელთაგან ზოგი დღეს აღარც არსებობს, ხოლო სხვები, როგორც ეა-ქუთათისი, შორს ჩამორჩებიან თბილისს თავისი მნიშვნელობით.

ცნობილია, რომ ასეთ ბედს თბილისი თავის მდებარეობას უმადლოს. მას საკეანძო ადგილი უჭირავს ძველ სავაჭრო გზაზე, რომელიც რიონ-ყვირილისა და მტკვრის ხეობებით შავ ზღვას კასპიურს უკავშირებდა და რომლის მნიშვნელობა ამიერკავკასიის რკინის გზამ განსაკუთრებით გაზარდა; მტკვრისავე ხეობა მას აერთებს სამხრ. საქართველოსთან, რომლის როლი ქართული კულტურისა და სახელმწიფოებრიობის განვითარებაში უზარმაზარია; დასასრულ, არაგვისა და თერგის ხეობა დარიალით ჩრდილო კავკასიასთან აკავშირებს. უკანასკნელ გარემოებას პირველხარისხოვანი მნიშვნელობა მიეცა ამიერკავკასიის რუსეთთან შეერთების შემდეგ.

თბილისი თრიალეთის ქედის აღმოს. დაბლობებზე და კახეთის ქედის საგურამოს ტოტის საზღვარ-

ზე მდებარეობს, ქართლის და კახეთის მომიჯნეა. ამიტომ ის არასოდეს არ ყოფილა რომელიმე კუთხის ქალაქი და ბუნებრივად იქცა ჯერ აღმოს. საქართველოს და შემდეგ მთელი საქართველოს ცენტრად.

ყველა ეს გარემოება დაპირობებული არის თბილისის გეოლოგიური სიტუაციით. ქალაქი ამიერკავკასიის დაბლობებში მდებარეობს, უკეთ, მის კიდეზე. ეს ზოლი დაკავშირებული არის საქართველოს და აზერბაიჯანის მთათაშუა ბელტებთან და ისაზღვრება კავკასიონის და ანტიკავკასიონის ნაოკა სისტემებით. ჩრდილოეთისკენ და დასავლეთისკენ ქალაქს მთიანი მხარე აკრავს, რომელიც საკმაო სინესტეს იზიდავს და ბუნებრივად ტყით არის დაფარული, თუ ადაპიანს არ აუჯაფავს; წინ, სამხრეთ-აღმოსავლეთისკენ გაშლილია შედარებით ვაკე ნახევარუდაბნო, მშრალი და, თუ ქალებში არა, უტყეო, მლაშე ტბები აქეთ თვით ქალაქის გარეუბნიდან, აწინდელი თბილისის ზღვიდან იწყება. მთიანი მხარე უკვე სარმატულის ზედა ნაწილიდან და ნაწილობრივ უფრო აღრეც ხმელეთს წარმოადგენდა, მეორე—პლაოცენური ზღვის უბეს ეკრა, აღჩაგულურს და აფშერონულს; შემდეგში

პირველი ბუნებრივ თავშესაფარად იქცა, მეორე პტრისათვის ღია იყო — თბილისი საქართველოს კარიბჭე არის.

თბილისის მიღამოს რელიეფის გამოკვეთაში მტკვარსავე საპატიო როლი მიუძღვის, თვით ქალაქიც ხომ ამ მდინარის ტერასებზეა განლაგებული. მაგრამ მტკვარი ყოველთვის თბილისზე არ მოედინებოდა. პიოპლიოცენში (ნაეცხოვის დროის ჩათვლით), ე. ი. ათი-თუთხმეტი მილიონი წლის წინათ, კავკასიონის და თრიალეთის ქედის ჩრდილო ფერდის ჩამონადენი ერთ დიდ მდინარეში იყრიდა თავს და აწინდელი ცივ-გომბორის ქედის ზოლს მიჰყვებოდა. ეს არც იყო მტკვარი. შეიძლება. მას ნაცვალმტკვარი ვუწოდოთ.

თვით მტკვარი, სამხრული საქართველოდან მომდინარე, ახალქალაქის დაბლობიდან, რომელიც შეძლევა ლაებმა დაჰფარეს, ალბათ წალკას მოჰყვებოდა და იაღლუჯასთან გადადიოდა ზღვის უბეში. ეს იყო ძველი მტკვარი.

ამ დროის მოწამეა ერთი მხრით მიოპლიოცენური კონგლომერატები შიგა ქართლში და კახეთის ქედზე — ისინი კავკასიონის მასალას შეიცავენ მხოლოდ. თრიალეთის ქედის ჩრდილო ფერდის ჩამონარეცხის პიკრე მინარევით, მეორე მხრით იაღლუჯის კონგლომერატები, რომელნიც მთლიანად ანტიკავკასიონური მასალისგან შედგებიან და რომელთა გამოტანა აქ მხოლოდ ძველ მტკვარს შეეძლო.

მიოპლიოცენის დანაოქებამ რადანული ფაზისის დროს წარმოშვა კახეთის ქედი და მტკვარს აქეთვე გზა დაეკეტა. მუხრან-საგურამოს აწინდელი ტაფობიც დანაოქებული მიოპლიოცენით ამოივსო, ისევე როგორც მთელი ეს ადრინდელი ხეობა. ნაცვალმტკვარის ჩრდილო შენაკადები ახლა ამ კონგლომერატებზე გადადიოდნენ და ერთვოდნენ მდინარეს, რომელმაც კონგლომერატების სამხრეთი თრიალეთის ქედის ფერდზე გადაინაცვლა. მცხეთიდან ნაცვალმტკვარი ახლა სამხრეთისკენ მიედინებოდა. თრიალეთის ქედის გადავლით.

დაახლოებით ამავე დროს სამხრ. საქართველოში ინტენსიური ზედაპირული ვულკანიზმი


¹ იფლისხმება მცხეთის პროდუქტია ზევითკენ, იმდროინდელ ზედაპირზე.

გაცხოველდა. ძველი მტკვარის აუზში ლავის ზეწრებმა უზარმაზარი ფართობი დაჰფარეს. როგორც თავის დროზე აბიხმაც აღნიშნა, ხეობები ამოივსო და გუბდებოდა ხან ძველი მტკვარი, ხან მისი შენაკადები, ხან აქ, ხან იქ. წარმოიშვა მთელი რიგი დიდი და პატარა ტბა, რომელთაგან ზოგს დღემდე მოუღწევია, ზოგი კი დამშრალა. ახალქალაქის პლატოს ლაებმა და აბულ-სამსარის ვულკანების მწყერივმა საბოლოოდ დაუკეტა მტკვარს გზა აღმოსავლეთისაკენ. მდინარე გაიჭრა ახალციხის ტაფობისკენ, რისთვისაც მისივე შენაკადის, ქვაბლიანის¹ ხეობით ისარგებლა. თუ მივიღებთ მხედველობაში, რომ დღეს მტკვარის კალაპოტის დადაბლება ხერთვისიდან ოხერამდე 75-ოდე მეტრი არის, და დავუშვებთ, სრული უფლებით, რომ ქვაბლიანის დაქანებაც ხერთვისისკენ ასეთივე რიგის იყო, ადვილად დავინახავთ, რომ საკმაო იქნებოდა ლავის ზეწარს ქვაბლიანის კალაპოტის დონე სულ რაღაც 80-ოდე მეტრით აწეოდა ხერთვისთან, რათა წყალს აღმა ეწყო დინება ახალციხისკენ. სინამდვილეში აწევა გაცილებით უფრო მეტია. მეორე მხრით, რადგან ახალციხის ტაფობის დრენაჟი უეპველად ჩრდილოეთისკენაც წარმოებდა ნაცვალმტკვარისკენ, მტკვარი აქეთკენ ადვილად გაიკვლევდა ადრევე გამზადებულ გზას ბორჯომის ხეობით, ახლა უკვე ნაცვალმტკვარის ხეობისკენ.

მტკვარის კალაპოტის გეოლოგიური დონე ოხერასთან ამ დროს აწინდელზე უფრო მაღალი იქნებოდა 75 მეტრით პლუს სიმაღლე მტკვარის კალაპოტიდან ახალქალაქის პლატოს ზედაპირამდე ხერთვისთან. ასეთივეა მასშემდეგი ეროზიის სიღრმე იქ. ეს გაცილებით უფრო ნაკლებია, ვიდრე იმავე დროის ეროზიის სიღრმე თბილისთან, და ასეც უნდა იყოს: ხერთვის-ოხერასთან მდინარე გაცილებით უფრო პატარაა და მისი საწყისი დაქანება უმნიშვნელო უნდა ყოფილიყო.

ახალციხის აუზის თანამედროვე ჰიდროგრაფიული ქსელი ნათლად მოწმობს, რომ ძველად დრენაჟი სამხრეთისკენ წარმოებდა. ამასვე ადასტურებს მერმინდელი ტერასების მორფოლოგია ოხერის ჩრდილოეთით. რაც შეეხება ძველი მტკვარის გაგრძელებას იაღლუჯისკენ, იქ მის საანაცვლოდ

¹ ჩვეულებრივ ფოცხოვს ამბობენ, რადგან ქვაბლიანს სთვლიან ფოცხოვის შენაკადად და არა პირიქით.



მტკვრის სისტემის საკონსტრუქციო და რეკონსტრუქციის პროექტი. წყარო: სახელმწიფო რეკონსტრუქციის და რეკონსტრუქციის სამსახური.



მხოლოდ ხრამის სისტემა დარჩა, რომელიც ლამს-
ლა ლეჟავს. კონგლომერატებისთვის აღარც მასალა
დარჩა — ლავეებმა დაჰფარა და აღარც მდინარეს
აქვს მათ საზიდავედ ძალა.

ევლანოზის გარდა აწერილ პროცესში, ვფიქ-
რობ, ტექტონიკასაც მნიშვნელოვანი როლი უნდა
ვთავაზავ, მაგრამ ამ საკითხზე შეჩერება ახლა სა-
ჭირო არ არის და არც სათანადო დაკვირვებები
მომეპოვება.

ამგვარად ათიოდე მილიონი წლის წინათ თანა-
მედროვე მტკვრის სისტემა უკვე ორგანიზებული
არის. მაგრამ იმ დროს ეს მდინარე ჯვრის მონას-
ტერზე მალა მოედინებოდა, ჯერ განედურად
ქარსნის ხევიდან და შემდეგ სამხრეთ-აღმოსავლე-
თისკენ. ამ დროის ნაშთია ქვაშეთის ტერასი,
ლილოს თავზე რომ არის, და სამგორის ველი.
ორივე ძველი ალუვიური ველის რელიქტს წარ-
მოადგენს. მტკვრის კალაპოტი 625 მეტრით უფრო
მალა იყო, ვიდრე ჩვენი უნივერსიტეტის ეზოა
დღეს.

შემდეგ მდინარე უფრო ღრმად ჩაიჭრა და
უფრო სამხრეთით გადაიწია. მიჰყვებოდა ჯერ
თანამედროვე თბილისის ზღვის დეპრესიას და მა-
ხათის ტერასი წარმოშვა. კიდევ უფრო გვიან ჯი-
ქურ სამხრეთისაკენ ქნა პირი და ლოტკის-გორა —
აულაბრის ტერასი გამოჰქვეთა. ამას მოჰყვა საბურ-
თალოს ტერასი, შემდეგ დიდუბის და, ბოლოს,
აწინდელი ქალა და კალაპოტი.

ამას იმიტომ მივაქცევ მკითხველს ყურადღე-
ბას, რომ ტერასებმა გადაწყვეტი როლი ითამაშეს
თბილისის განვითარებაში. ტერასები რომ არ ყო-
ფილიყო, ვერც თბილისი იქნებოდა. მცხეთის მდე-
ბარეობა თბილისისაზე უკეთესიც არის, მაგრამ მას
სამშენებლო ფართობი არ გააჩნია.

რაც შეეხება მტკვრის გადახვევას სამხრეთისა-
კენ, ეს ალბათ ჩრდილოეთისკენ, კახეთის ქედის-
კენ შეფარდებით ახევეების შედეგი უნდა იყოს.

ასეთი არის თბილისის განვითარების
გეოლოგიური პირობები. თბილისის დაარსე-
ბას ისინი ვერ ახსნიან. ძველ ხარფუხში, სადაც
სახნავ-სათესი მიწა არ არის, ადამიანი პირველად
უშვებლად თერმულმა წყლებმა მიიზიდა. მართა-
ლია, თუ არა, ვახტანგ გორგასალის და ხოხობის
ამბავი, ეს კრ უდავოა, რომ თბილისის დაარსება,

თუნდაც პრიმიტიული აბანოების სახით, ისევე გეო-
ლოგიამ გამოიწვია. შემდეგმც ეს აბანოები ქალა-
ქის ღირსშესანიშნავ თავისებურებას წარმოადგე-
ნენ. მოგეხსენებათ როგორი ფეროვანი სურათი
დაგვიხატა პუშკინმა თბილისის აბანოებისა და
მათი მექისეების შესახებ.

როგორც ვხედავთ, გეოლოგიამ ბევრი რამ მის-
ცა თბილისს. არც თბილისი დარჩენილა გეოლო-
გიის მიწათ ვალში.

უკვე XVIII საუკუნის მიწურულში, საქართვე-
ლოს რუსეთთან შეერთების პროცესში, შეიქმნა
საქართველოს სამთო ექსპედიცია, რომელსაც ალა-
ვერდის მღარაობის პატრონობა და საქართველოს
ტერიტორიაზე მადნეულის ძებნა ჰქონდა დავალე-
ბული. მას სათავეში გრაფი მუსიინ-პუშკინი ედგა
და ბაზა თბილისში ჰქონდა.

საქართველოს გეოლოგიის პირველი მკვლევა-
რის დიუბუა დე მონპერეს დასაყრდენიც გასული
საუკუნის ოცდაათიან წლებში თბილისი იყო.

კავკასიის გეოლოგიის მამად წოდებული აბიხი
პეტ წილად თბილისიდან აწარმოებდა მუშაობას.
თუმცა მისი საკვლევი ფართობი გაცილებით უფრო
შორეულ მხარეებს სწვდებოდა, მან დეტალურად
შეისწავლა თბილისის მიდამოებიც და ჩვენი თერ-
მების პიდროლოგია.

ისევე გასული საუკუნის სამოციანი წლების მი-
წურულში თბილისში დაარსდა კავკასიის სამთო
სამმართველოს გეოლოგიური განყოფილება, რო-
მელიც ოქტომბრის რევოლუციამდე სისტემატუ-
რად აწარმოებდა საქართველოს გეოლოგიურ შე-
სწავლას და მისი ტერიტორიის აგეგმვას. ამ დაწე-
სებულებებში მუშაობდნენ პირველი ქართველი
გეოლოგები სპირიდონ სიმონოვიჩი და გრიგოლ
წულუყიძე.

თბილისი იყო საქართველოს (და კავკასიის)
გეოლოგიის უცხოელი მკვლევარების — ფაერის,
ფურნიეს და სხვათა ბაზაც.

დიდი ოქტომბრის რევოლუციის შემდეგ თბი-
ლისშივე, ჩვენი უნივერსიტეტის წიაღიდან განვი-
თარდა ქართული გეოლოგია. დღეს აქ გეოლოგიურ
დაწესებულებათა მთელი რიგი მოსაქმეობს. აკა-
დემიის ფარგლებში ასეთი არის გეოლოგიური,
პალეობოლოგიური და გეოფიზიკის ინსტიტუ-

ტები; აკადემიის გარეთ საქართველოს გეოლოგი-
ური სამმართველო, „საქნავთი“-ს გეოლოგიური
ექსპედიცია, საქართველოს ჯანბრთვობის სამი-
ნისტრიის კურორტოლოგიის ინსტიტუტის ჰიდრო-
გეოლოგიური განყოფილება და სხვა. თბილისშივე
არის მინერალური ნედლეულის კავკასიის ინსტი-

ტუტი. ამ დაწესებულებებში მრავალი ასეული
გეოლოგი მუშაობს და გატაცებით ემსახურება
სოციალისტური სამშობლოს და მისი დედაქალაქის
აყვავებას. ყველანი ჩვენი უნივერსიტეტის და პო-
ლიტექნიკური ინსტიტუტის მოწაფეები არიან, მა-
შასადამე ისევ თბილისის გამოზრდილები,

* * *



ზ. ფალიაშვილის სახ. ოპერისა და ბალეტის (ყოფილი სახახინო) თეატრი.
XIX საუკუნე



იოსებ ჟურღიანი

თბილისის ჰავა

ჰავა ხასიათდება სხვადასხვა მეტეოროლოგიური ელემენტების წლიური და მრავალწლიური ცვალებადობით. ეს ელემენტები არის: ჰაერის ტემპერატურა და სინოტივე, ატმოსფეროს წნევა, ქარების სიჩქარე და მიმართულება, ღრუბლიანობა და სხვა. ამ უკანასკნელთ ზოგჯერ კლიმატურ ელემენტებსაც უწოდებენ.

ჰავის ელემენტებზე დაკვირვებები თბილისში პირველად 1844 წლიდან დაიწყო. ამ დროიდან მოყოლებული დღემდე აღნიშნული მიმართულებით დაგროვდა დიდძალი რიცხობრივი მასალა, რომელიც დროთა განმავლობაში იბეჭდებოდა ან წლიური მატიანეების, ანდა ცალკე გამოკვლევების სახით. პირველი ცდა თბილისის ჰავის გამოკვლევისა ეკუთვნის ა. ფილადელფინს; რომელმაც 1857 წ. რუსულ ენაზე ცალკე წიგნად გამოსცა ვრცელი მიმოხილვა.

ბატონიშვილი ვახუშტის „გეოგრაფიაშიც“ ეხვდებით როგორც მთელი საქართველოს, ისე მისი ცალკე ნაწილების ჰავის დახასიათებას. მაგრამ იმ დროისათვის მეტეოროლოგიური დაკვირვებების არ არსებობის გამო ჰავის დახასიათება ხშირად სუბიექტურ ხასიათს ატარებდა.

ამჟამად ქ. თბილისის ტერიტორიაზე რამდენიმე მეტეოროლოგიური სადგური არსებობს: გეოფიზიკური ობსერვატორია, ფენიკულიორის, აეროპორტის, ბოტანიკური ბაღის, უნივერსიტეტისა და სასოფლო-სამეურნეო ინსტიტუტის სადგურები. გარდა ამ სადგურებისა თბილისის ჰავის დახასიათების მიზნით ჩვენ ვსარგებლობთ ქალაქის უშუალო სიახლოვეში მყოფი სადგურების ცნობებითაც. ეს სადგურებია: კოჯრის, ვაზიანის, მცხეთის და დიღმის.

ზემოჩამოთვლილი სადგურებიდან ძველზე ძველია თბილისის ობსერვატორია, რომელსაც დიდი ხანი არ არის, რაც შეუსრულდა ასი წელი.

საშუალო თვიური ტემპერატურა თბილისში იცვლება 0,5°-დან (იანვარი) 24,1°-მდე (ივლისი). ქალაქის აღმოსავლეთ ნაწილში კი, სამგორის ველისაკენ, როგორც ამას აეროპორტის და ვაზიანის დაკვირვებები გვიჩვენებენ, ჰაერის ტემპერატურა ზაფხულობით უფრო მეტია, ზამთრობით კი გაცილებით ნაკლები, ვიდრე ქალაქის რომელიმე მხარეში.

მტკვრის ხეობის ქვედა დინებისაკენ ჰაერის ტემპერატურის წლიური რყევადობა მატულობს, რაც აშკარად ჰაერის მზარდი კონტინენტალობის შედეგია.

თბილისის მიდამოების მაღლობ ადგილებში (კარსანი, კოჯორი, ფუნიკულიორი) გადასვლა 0° ტემპერატურაზე სხვადასხვა დროს ხდება. გაზაფხულის პირველი სუნიტების შემოქრა აქ დაახლოებით 9 — 12 თებერვალს იგრძნობა; დაბლობ ადგილებში კი საშუალო ტემპერატურა მუდამ მეტია 0°-ზე. ეს იმის მაჩვენებელია, რომ მტკვრის ხეობის გასწვრივ ყინვიანი პერიოდები უფრო მცირეა. კიდრე მაღლობ ადგილებში.

როდესაც საშუალო წლიური ტემპერატურა 35° სკარბობს, რაც უმთავრესად ივლის-აგვისტოშია მოსალოდნელი, დიდი სიციხეები დგება; უწყვილობის გამო ჰაერი შრება და მტკვრიანდება. ასეთი ცხელი დღეები ხშირია თბილისში. განსაკუთრებით გვალვიან ზაფხულში ჰაერის ტემპერატურა ჩრდილში 40°-მდე აღწევს. ეს ჩვენი ქალაქისათვის ძალზე დიდი რისკებია. ჩვეულებრივ კი საშუალოდ ივლის-აგვისტოში ტემპერატურა 35°—36° არ აღემატება.

ყველაზე დაბალი ტემპერატურა თბილისში — 20° აღწევს (იანვარში); ზაფხულის უმცირესი ტემპერატურა კი არ ეცემა + 7°-ზე დაბლა (ივნისი).

გაზაფხულის სამივე თვე (მარტი, აპრილი, მაისი) თბილისში ხასიათდება სასიამოვნო და გრილი ამინდებით. წლის ეს დრო ყველაზე უფრო ნალექიანია, განსაკუთრებით მაისი. მარტის დამლევისათვის ჰაერის ტემპერატურა იმდენად მაღლა იწევს, რომ შესაძლებელი ხდება ადგილობრივი სახის ელქვების წარმოშობაც კი. ამ თვეში ჰაერის მოძრაობაც ინტენსიურად მიმდინარეობს, უფრო ხშირად ჩრდილოეთის და ჩრდილო-დასავლეთის ქარების სახით. შუადღის საათებში ჰაერის დენადობა თანდათან სამხრეთის და სამხრეთ-დასავლეთისაკენ გადაინაცვლებს. გადასვლა გაზაფხულიდან ზაფხულის სიციხეებისაკენ ხშირად ისეთი სისწრაფით მიმდინარეობს, რომ შეუძლებელი ხდება მათი გამყოფი დღეების ან პერიოდის დადგენა.

საგაზაფხულო წვიმების პერიოდის დამთავრებისთანავე, რასაც ადგილი აქვს მაისის დამლევადან ივნისის შუა რიცხვებამდე, ზაფხულის ჩვეულებრივი ცხელი დღეები იწყება. ივლისსა და

აგვისტოში თბილისისათვის დამახასიათებელია მაღალი სიციხეები და გვალვა. ჰაერის ცირკულაცია ამ თვეებში უმთავრესად მთა-ბარის ვაკეზე გამოწვეული. დღისით ქარი სამხრეთ-აღმოსავლეთიდან უბერავს, საღამოთი კი ჩრდილოეთიდან და ჩრდილო-დასავლეთიდან. ამ ორი სახის დენადობას შორის დიდი განსხვავებაა. პირველი დაკავშირებულია დიდ სიციხეებთან, ხოლო მეორე ერთგვარ სიგრილესთან, რაც ქალაქის შუა ნაწილში თითქმის შეუმჩნეველი რჩება ქუჩებისა და შენობების ძლიერი გახურების გამო.

თბილისის ზაფხულის სიმხურვალე სექტემბერშიც გადადის, სტატისტიკა გვიჩვენებს, რომ სექტემბრის პირველი ნახევარი მაინც ზაფხულს მიეკუთვნება თავისი მაღალი სიციხეებითა და მშრალი ჰაერით. შემდეგი ორი თვე — ოქტომბერი და ნოემბერი — შემოდგომის ნამდვილ სახეს წარმოადგენს თბილისისათვის. სიმშრალე, ზომიერი და სასიამოვნო სითბო, მოწმენდილი ცა და თითქმის უქარო ამინდები.

შემოდგომა თბილისში წლის საუკეთესო დროდ ითვლება.

ზამთრის დასაწყისი ნოემბრის ბოლო რიცხვებს ემთხვევა. თოვლი თბილისისათვის არ არის მუდმივი მოვლენა. ზოგიერთ წლებში თოვლი სულაც არ მოდის, ამიტომ თოვლის საბურველი აქ მეტად ცვალებადია. მისი სიმაღლე საშუალოდ 20 სანტიმეტრამდე აღწევს, ძალიან ცშვიათად 40 სანტიმეტრამდის.

მრავალი წლების განმავლობაში (რამდენადაც ამის დადგენა შეიძლება ერთი საუკუნის მანძილზე) შემჩნეულია კლიმატური პირობების ცვლილება 11-წლიანი პერიოდით. განსაკუთრებით ემჩნევა ეს ზამთრის ტემპერატურებს. სპეციალური გამოთვლებით დადგენილია, რომ თბილისის ჰავა განიცდის მკაცრ ცვლილებებს 11 წელიწადში ერთხელ. ეს მოვლენა კარგადაა ცნობილი მეტეოროლოგიაში და აიხსნება ჩვეულებრივ მზის ლაქათა რიცხვის ცვალებადობით იმავე 11 წლის განმავლობაში.

ქალაქის ზრდასთან ერთად შემჩნეულია მორუბლულობის ზრდა. ეს გარემოება აიხსნება იმით, რომ წვის პროდუქტები კვამლისა და ქვარტლის სახით ჰაერს მატებენ ე. წ. კონდენსაციის გულებს. წყნარ, უქარო ამინდებში თუ გადმოვხედავთ თბილისს ფუნიკულიორიდან, შევამჩნევთ

ბოლქო-რუსი ფერის ფენას, რომელიც მზის
აოსვლის შემდეგ თანდათან მატლა მიიწევს და
ძნელად იფანტება. ეს ფენა ქრება მხოლოდ ქარიან
დღეებში და ჰაერიც კვლავ სუფთაა. საერთოდ
უნდა ითქვას, რომ ამ მხრივ ჰაერის გასუფთავებას
თბილისში ხელს უწყობს მხოლოდ ჩრდილოეთისა
და ჩრდილო-დასავლეთის ქარი. სამხრეთის ქარის
დროს, პირიქით, ჰაერი უფრო მეტად ჭუჭყიანდება.

მზის სხივურ ენერგიაზე დაკვირვებები, რომ-
ლებსაც აწარმოებენ თბილისში უკანასკნელი
30 წლის მანძილზე, გვარწმუნებენ აგრეთვე, რომ
ლრუბლიანობის წრდის გამო შემცირდა მზის სხი-
ვების ე. წ. პირდაპირი რადიაციის სიძლიერე, გან-
საკუთრებით იკლო მან ზამთრის თვეებში, როდეს-
აც ჰაერი თბილისზე თითქმის უძრავი რჩება რამ-
დენიმე დღის განმავლობაში.

თბილისისა და მისი მიდამოების ჰავა მიეკუთვნ-
ება ზომიერ კონტინენტალურ ტიპს, რომელიც
ხასიათდება მშრალი ზაფხულითა და ზომიერად
ცივი ზამთრით.

ზაფხულის ზოგადი ხასიათი თბილისში და მის
მიდამოებში ყალიბდება უმთავრესად იმ ატმოსფერ-
ული პროცესების ზეგავლენით, რომლებიც სუბ-
ტროპიკულ ზონაში წარმოებს. ეს გავლენა მხო-
ლოდ დროგამოშვებით ირღვევა დასავლეთიდან
შემოჭრილი მასების მოქმედებით, რომელთაც

ერთგვარი აგრილება მოხდევს, განსაკუთრებით
ელქქების პერიოდში. დანაოჩენ შემთხვევაში,
როგორც უკვე აღვნიშნეთ, ზაფხულის პერიოდი
ცხელია და ზოგიერთ წლებში ჰაერის ტემპერატურა
ჩრდილში 40° აღწევს.

ზაფხულის სიცხეების გამო თბილისის კლიმა-
ტური პირობები არასაკმარის ხელსაყრელია და
მოითხოვს ერთგვარ გარდაქმნას მათი შერბილების
მიმართულებით.

ამის მიღწევა ნაწილობრივ შეიძლება ქალაქის
ფართობზე მცენარეთა სამოსელის გაზრდით.


უკანასკნელ წლებში სამგორის ველის მო-
რწყვასთან დაკავშირებით თანდათან შესამჩნევი
გახდა ზაფხულის სიცხეების შენელება, მაგრამ ეს
ჯერ კიდევ ნომადალი წლების საქმეა. ყველაზე
მნიშვნელოვანი ამ მხრივ „თბილისის ზღვის“ შე-
ქმნაა. ამ წყალსაცავს შეუძლია თავისი აორთქლე-
ბის ხარჯზე შეანელოს ჰაერის სიმშრალე, ოდნავ
მაინც დაანოტიოს იგი. ეს გარემოება კი გააუმჯო-
ბესებს თბილისის ჰავას, განსაკუთრებით ზაფხუ-
ლობით.

გარდა ამისა, ჰაერის განთავისუფლება განუ-
წყვეტელი ქვარტლისა და კვამლისაგან უსათუოდ
დიდ შედეგს გამოიღებს უახლოეს წლებშივე და
საგრძნობლად გააუმჯობესებს ჩვენი ქალაქის
ჰავას.

* * *



ძველი თბილისი. მეტეხი, ნარიყალა



შოთა ბარაძე, გიორგი მაზიაშვილი

თბილისის მოსახლეობის
სტატისტიკური შესწავლის
ზოგიერთი საკითხი (1922—1940 წწ)

თბილისის მოსახლეობის სტატისტიკური შესწავლისას საინტერესოა ზოგი რამ გავიხსენოთ მისი ისტორიული წარსულიდან.

მოსახლეობის რიცხოვნობისა და შემადგენლობის სტატისტიკურ შესწავლას საბჭოთაბუნებრივ თბილისში ძირითადად ორი მიზნით (სამხედრო და ფისკალური) აწარმოებდნენ — ჯარში გასაწვევად ვარგის მამაკაცთა რიცხოვნობისა და საგადასახადო თანხების რაოდენობის გასარკვევად. ამას ადასტურებს ფეოდალურ საქართველოში ჩატარებული ერთ-ერთი სამეფოებლოს (მეწინავე სადროშოს) 1721 წლის აღწერის დაეთრის წინასიტყვაობა, რომელშიაც ვკითხულობთ: „აღწერეთ ამა დაეთართა შინა, რომელთა ძალედვა აბჯართა და ცხენთა ხმარებანი, გინა სამეფოთა ხარკთა და ბეგართა გამოღებანი“.

საბუთს, რომელშიაც შექმნიდათ მონაცემები მოსახლეობის რიცხოვნობის შესახებ, „დაეთარი“ ეწოდებოდა. საკანონმდებლო ძეგლებიდან ირკვე-

¹ ი. თ ა ყ ი შ ვ ი ლ ი, მასალანი საქართველოს სტატისტიკურის აღწერილობისა მე-18 საუკუნეში, ტფილისი, 1907, გვ. 3.

ვა, რომ ასეთი აღწერები უწარმოებიათ და აღწერის დაეთრები შეუდგენიათ არა მარტო თბილისში, არამედ გორში, თელავში და სხვ. როგორც თბილისის, ისე სხვა ქალაქების მოსახლეობის აღწერის დაეთართა უმეტესი ნაწილი შემოსეული მტრებისაგან განადგურებულა.

თბილისის მოსახლეობის აღწერის დაეთრებიდან გადარჩენილა მხოლოდ ერთ-ერთი დაეთრის ნაწივეტი, რომელსაც არც თაეი აქვს, არც ბოლო და ამის გამო უთარილოა. როგორც ჩანს, დაეთარი ცუდად შეუდგენიათ. ბევრ ადგილას სტრიქონები გადახაზულია და ჩამატებული.

თბილისის მოსახლეობის რიცხოვნობის შესახებ სხვა დაეთართაგან. თუ არ ჩავთვლით მოსახლეობის აღწერის დაეთრებიდან ამოღებულ ზოგად ცნობებს საერთო ჯამების სახით, დღემდე ჯერჯერობით აღმოჩენილი და შესწავლილი არ არის.

აღსანიშნავია ის ფაქტიც. რომ მოსახლეობის აღწერები თბილისში წინასწარ შემუშავებული გარკვეული წესებითა და პროგრამებით უწარმოებიათ. სტატისტიკური აღწერების დებულებისა და წესების შესახებ მოგვითხრობენ როგორც პირდაპირი, ისე არაპირდაპირი წყაროები. არსებობს

სპეციალური დანიშნულების რამდენიმე იურიდიული დოკუმენტი, რომლებშიც მითითებულია ქალაქის მოსახლეობის აღწერების დებულებისა და წესების შესახებ. დებულებით ქალაქის მოსახლეობის, ისევე როგორც სოფლის მოსახლეობის აღწერები, პერიოდული იყო. საქართველოს ქალაქების, და მასადაჟე, თბილისის მოსახლეობის აღწერები ყოველ შვიდ წელიწადში ერთხელ ხდებოდა¹. აღმწერებს ქალაქებსა და სამეფო მამულებში ნიშნავდა თვით მეფე. აღწერაში მონაწილე პერსონალისათვის დაწესებული იყო ასამწერლო — „კომლზე ორი შაური“². ქალაქის მოსახლეობის აღმწერლებს სოფლის მოსახლეობის აღმწერლებისაგან განსხვავებით ულუფა არ ეძლეოდათ. ე. ი. არ ხდებოდა მათი სურსათ-საწვავით უზრუნველყოფა.

ფეოდალური თბილისის მოსახლეობის რიცხოვნობის შესახებ სტატისტიკურ მონაცემთა გამოყენების დროს ყოველ მკვლევარს კარგად უნდა ახსოვდეს, რომ ეს მონაცემები არ მოიცავს მთელ მოსახლეობას.

როგორც ვთქვით, მაშინდელი აღწერები სამხედრო და ფისკალური მიზნებით წარმოებდა. ქალებსა და ბავშვებს სამხედრო და ფისკალური საქმე ნაკლებად ეხებოდათ და ისინი ხშირად აღწერის გარეშე რჩებოდნენ, ე. ი. ძველი თბილისის მოსახლეობის რიცხოვნობის შესწავლისას მხედველობაში იღებდნენ მხოლოდ სრულსაკოვან მამრობითი სქესის მოსახლეობას, ხოლო დედრობითი სქესის მოსახლეობა, არასრულსაკოვანი მამრობითი სქესის მოსახლეობა, მოხუცებულები, უმიწაწყლონი და ღარიბ-ღატაკნი ხშირად აღწერებში ვერ ხვდებოდნენ.

ძველი საისტორიო წყაროების მიხედვით შესაძლებლობა გვეძლევა გამოვარკვიოთ საბჭოთაშდელი თბილისის მოსახლეობის არა მარტო რიცხოვნობა, არამედ ზოგიერთ შემთხვევაში სქესობრივი, ეროვნული და ნაწილობრივ სოციალური შემადგენლობაც.

თბილისის მოსახლეობის რიცხოვნობის შესახებ სტატისტიკური მონაცემები მოჰყავდა ყველა

¹ „დასტურდამალი“ მეფის ვახტანგ მეექვსისა, პ. უმიკაშვილის რედაქციით, ტფილისი, 1886, გვ. 26.

² იქვე.

მკვლევარს თუ სახელმწიფო მოღვაწეს, რომლებიც კი ეხებოდნენ საქალაქო ცხოვრების განვითარების აქტუალურ საკითხებს.

უნდა აღინიშნოს, რომ ფეოდალური თბილისის მოსახლეობის რიცხოვნობის შესახებ ზუსტი სტატისტიკური ცნობები (თუ მხედველობაში არ მივიღებთ უკანასკნელ ორ საუკუნეს) არ მოგვეპოვება. ამის შესახებ ცნობებს ვღებულობთ მხოლოდ არაპირდაპირი წყაროებისა და მემბტიანეთა სავარაუდო მონაცემების საფუძველზე. ამგვარ მონაცემთა მიხედვით ირკვევა, რომ ჯერ კიდევ IX საუკუნის შუა წლებისათვის თბილისი საქართველოს ერთი მჭიდროდ დასახლებული ქალაქი ყოფილა.

არაბი ისტორიკოსების ცნობებით არაბთა შემოსევების დროს (ბულა-თურქის ლაშქრობის პერიოდში) 853 წლის აგვისტოში თბილისის 50.000 მცხოვრებზე მეტი დაღუპულა.

ქართველი ისტორიკოსის, ჟამთ-აღმწერლის ცნობით XIII საუკუნის პირველ მეოთხედში თბილისში ამოუწყვეტიათ 100.000 მცხოვრები¹. ეს ცნობა როგორადაც არ უნდა იყოს გაზვიადებული, იმას მოწმობს, რომ ამ პერიოდის თბილისში 100.000 მცხოვრებზე მეტი უნდა ყოფილიყო.

რუსი ელჩების ცნობებით 1597 წელს ოსმალთა ბატონობის დროს თბილისში მხოლოდ 2000 კომლი (დაახლოებით 10.000 სული) ცხოვრობდა².

XVII საუკუნის ბოლოსათვის ფრანგი ბოტანიკოსის ტურნეფორის ცნობით 1700 წელს თბილისში დაახლოებით 20.000 მცხოვრები ითვლებოდა³.

70 წლის შემდეგ, 1770 წლის 5 აპრილისათვის თბილისში ყოფილა 4.000 კომლი. ცხოვრობდნენ ქართველები, სომხები, ფრანგები და თათრები⁴.

რუსი მოგზაურის გილდენშტედტის ცნობით 1772 წლისათვის თბილისში ეპიდემიას ამოუწყვეტია 4.000 კაცი და დარჩენილა 20.000 სუ-

¹ ქართლის ცხოვრება, ზარიამ დედოფლისეული ნუსხა, თბილისი, 1906, გვ. 580.

² С. А. Белокуров, Сношения России с Кавказом, Материалы, т. 1, М., 1889, გვ. 911.

³ М. Полневктов, Г. Натадзе, Старый Тифлис, Тифлис, 1898, გვ. 30.

⁴ ა. ლ. ხაზანაშვილი, საქართველოს წარსულის სტატისტიკური და საეკონომიო შესასწავლათ, „კვალი“, 1898, № 11.

ლი, ე. ი. თბილისის მოსახლეობის რიცხოვნობა 1772 წლისათვის დაახლოებით ყოფილა 24.000 სული.

თუ მხედველობაში მივიღებთ, რომ მომდევნო წლებში თბილისის მოსახლეობის ზრდისათვის შედარებით უკეთესი პირობები არსებობდა, XVIII საუკუნის უკანასკნელ მესამედში თბილისის მოსახლეობა 30.000 კაცამდე უნდა გაზრდილიყო.

თბილისის მოსახლეობის რიცხოვნობის შესახებ შედარებით საიმედო ცნობები მოგვეპოვება XIX საუკუნის დასაწყისიდან, როდესაც საქართველო რუსეთს შეუერთდა და ფართო გასაქანი მიეცა საქალაქო აღწერების წარმოების საქმეს საქართველოში. ამ პერიოდის თბილისი იცნობს მოსახლეობის რამდენიმე აღწერას. 1802 — 1803 წლების აღწერას, 1808 წლის აღწერას, 1864 — 1865 და 1876 წლების ერთდღიურ აღწერებს და 1897 წლის რუსეთის იმპერიის მცხოვრებთა საყოველთაო აღწერას, რომელიც თბილისსაც შეეხო.

არსებული ცნობების თანახმად თბილისის მოსახლეობის რიცხოვნობა XIX საუკუნის დასაწყისში (1803 წ.) უდრიდა 20.000 სულს¹, 1835 წლისათვის იგი გადიდა 25.000 სულამდე და 50-ან წლებში მიაღწია 30—35 ათას სულს².

საქალაქო მეურნეობის შემდგომი განვითარების შესაბამისად, რაც დაკავშირებულია საქართველოში კაპიტალიზმის შემოჭრასთან, თბილისის მოსახლეობის რიცხოვნობა შედარებით მეტად გაიზარდა XIX საუკუნის მეორე ნახევარსა და XX საუკუნის დასაწყისში. ეს პროცესი მკაფიოდ არის ასახული ქვემოთაღნიშნულ ცხრილში (იხ. ცხრ. № 1).

ამ მონაცემებიდან ნათლად ჩანს კაპიტალიზმის ერთგვარი გავლენა თბილისის მოსახლეობის ზრდაზე.

პირველმა იმპერიალისტურმა ომმა დიდი გავლენა იქონია თბილისის მოსახლეობის რიცხოვნობასა და შემადგენლობაზე.

მენშევიკების ბატონობის პერიოდში თბილისის მოსახლეობის რიცხოვნობამ არა თუ არ მოიმატა,

¹ Географическое и статистическое описание Грузии и Кавказа из путешествия П. А. Гюльденштедта, СПб., 1808.

² თბილისი, 1957, გვ. 87.

³ М. Д. Подневков, Г. Натадзе, Старый Тифлис, 1938, გვ. 65.

⁴ Кавказский календарь, 1844, 1847.

არამედ შეზღუდვა კიდევ. მრეწველობის დაქვეითება, უმუშევრობის ზრდა და სხვა ფარეოფთაზი მომენტებმა გამოიწვია თბილისის მოსახლეობის განთესვა, საგრძნობლად შეამცირა მისი რიცხოვნობა.

ცხრილი № 1

თბილისის მოსახლეობის ზრდა რეფორმისმერმინდელ პერიოდში

წლები	მოსახლეობა (ათ. სული)
1865	88,0
1886	78,0
1897	160,0
1902	191,7
1908	270,0
1910	305,0
1914	344,0
1915	345,0
1917	242,0

თბილისის მოსახლეობის რიცხოვნობის სისტემატური ზრდისათვის საუკეთესო პირობები შეიქმნა მხოლოდ საბჭოთა ხელისუფლების დამყარების შემდეგ. ეს ფაქტი ილუსტრირებულია ქვემოთაღნიშნულ ცხრილში (იხ. ცხრ. № 2).

საქართველოში საბჭოთა ხელისუფლების დამყარებამდე, როგორც ეს ზემოთაღნიშნულა, თბილისის მოსახლეობის რიცხოვნობა შედარებით ნელი ტემპით იზრდებოდა. 1897 წლიდან 1922 წლამდე, ე. ი. 25 წლის მანძილზე, თბილისის მოსახლეობა გაზრდილა მხოლოდ 74.400 კაცით. მოსახლეობის რიცხოვნობის ასეთი ზრდა მაჩვენებელია იმისა, რომ მეფის ხელისუფლების პირობებში ქალაქის მოსახლეობის ზრდა მრავალ სხვადასხვა მიზეზთა გამო ფერხდებოდა. ამასთან ერთად საკიროა აღინიშნოს, ისიც, რომ პირველმა იმპერიალისტურმა ომმა პირდაპირი გავლენა მოახდინა თბილისის მოსახლეობის რიცხოვნობაზეც, ხოლო საქართველოში მენშევიკური მთავრობის პერიოდში თბილისის მოსახლეობა არა თუ არ გაზრდილა, არამედ სასურსათო კრიზისის, სამრეწველო საწარმოთა, ტრანსპორტის, კომუნალური მეურნეობის და სხვა დარგთა დეგრადაციის გამო, სწრაფად მცირდებოდა. მოსახლეობის დიდმა ნაწილმა დატოვა ქალაქი და თავი სოფელს შეათარა.

საქართველოში საბჭოთა ხელისუფლების დამყარების შემდეგ, 1921 წლის მანძილზე (1921-1940 წწ.), აბილიის მოსახლეობას პიკეტი 304.300 კაცი.

ამრიგად, თუ 1897 წლიდან 1921 წლამდე თბილისის მოსახლეობის მატება — 46,6% შეადგენდა, 1922 წლიდან 1940 წლამდე მან 130%-ს მიაღწია. აქედან გასაგებია, რომ საქართველოში საბჭოთა ხელისუფლების დამყარების შემდეგ თბილისის მოსახლეობა სწრაფად იზრდებოდა. ამას ხელი შეუწყო ქალაქში წარმოებულმა ფართო მასშტაბის სამშენებლო სამუშაოებმა. გაფართოვდა და გადაკეთდა ძველი საწარმოები, ქვეყნის ეკონომიური ცხოვრება სწრაფად მიიწეოდა წინ. თბილისში მწყობრში ჩადგა მრავალი ახალი ფაბრიკა-ქარხანა. სახალხო მეურნეობის განვითარების ხუთწლიანი გეგმების წარმატებით შესრულების შედეგად თბილისი გადაიქცა ინდუსტრიულ ქალაქად. ახალი სამრეწველო საწარმოების გაჩენასთან ერთად დაარსებულ იქნა მრავალი დაწესებულება, მოწესრიგდა

ტრანსპორტი, გაეწიგობეს და განმარტდნენ და ელტერული მომსახურება დაწესებულა. საქმიანობა. სოციალისტური მიზნების ასეთმა პოლიტიკამ აღივლია. ცხოვრების პირობების სისტემატურმა გაუწიგობეს და განაწილა თბილისის მოსახლეობის რიცხოვნობის ზრდა.

უნდა ითქვას, რომ თბილისის მოსახლეობის ზრდის საშუალო წლიური პროცენტი (ტემპი), გარდა რამდენიმე შემთხვევისა, ყოველთვის მაღალია. განსაკუთრებით ეს ითქმის შემდეგი წლების მიმართ: 1926 წ. (8,77%), 1931 წ. (9,46%), 1932 წ. (10,56%) და 1939 წ. (9,52%).

1939 წლისათვის, თბილისის მოსახლეობა განაწილებული იყო ხუთ რაიონში, რომელთაც შემდგომში კიდევ გამოეყო ორი ახალი რაიონი. თბილისის მოსახლეობა განაწილებული იქნა სულ შვიდი რაიონის მიხედვით. ეს რაიონებია: ლენინის სახელობის რაიონი, სტალინის სახელობის რაიონი, 26 კომისრის სახელობის რაიონი, ორჯონიკიძის

ცხრილი № 2

თბილისის მოსახლეობის რიცხოვნობა და დინამიკა წლების მიხედვით¹

წლები	მოსახლეობის რიცხოვნობა ათასებში				წლები	მოსახლეობის რიცხოვნობა ათასებში			
	მოსახლეობის რიცხოვნობა ათასებში	აბსოლუტური მატება	მატების ტემპი (%)	ზრდის საშუალო წლ. ტემპი (%)		მოსახლეობის რიცხოვნობა ათასებში	აბსოლუტური მატება	მატების ტემპი (%)	ზრდის საშუალო წლ. ტემპი (%)
1897	159,6	—	—	—	1931	340,9	30,8	9,9	9,49
1922	234,0 ²	74,4	46,5	1,52	1932	378,6	38,0	11,1	10,56
1923	245,2	11,2	4,8	4,67	1933	395,0	16,1	4,2	4,16
1924	257,0	11,8	4,8	4,70	1934	416,6	21,6	5,5	5,32
1925	269,3	12,3	4,8	4,67	1935	426,3	9,7	2,3	2,68
1926	294,0	24,7	9,2	8,77	1936	445,1	18,8	4,4	5,06
1927	295,2	1,2	0,4	0,41	1937	453,2	8,1	1,8	1,80
1928	306,1	10,9	3,7	3,62	1938	472,0	18,8	4,1	4,06
1929	318,1	12,0	3,9	3,84	1939	519,2	47,2	10,0	9,52
1930	310,1	-8,0	-2,5	-2,54	1940	538,3	19,1	3,7	3,61

სახელობის რაიონი, კიროვის სახელობის რაიონი, კალინინის სახელობის რაიონი და ოქტომბრის სახელობის რაიონი.

როგორც ვიცი, 1939 წლის მოსახლეობის სრულიად საკავშირო აღწერით თბილისში ცხოვრობდა 519.220 კაცი. ეს რიცხვი რაიონების მიხედვით შემდეგნაირად ნაწილდება:

1. ლენინის სახელობის რაიონი — 69.370 (13,3%);
2. სტალინის " " — 75.734 (14,6%);
3. 26 კომისრის " " — 90.932 (17,5%);
4. ორჯონიკიძის " " — 69.435 (13,4%);
5. კიროვის " " — 55.488 (10,7%);
6. კალინინის " " — 63.813 (12,3%);
7. ოქტომბრის " " — 94.448 (18,2%).

¹ თბილისის სტატისტიკური სამმართველოს მასალებიდან.

² ჯარის ნაწილების გამოკლებით, რაც ზოგიერთ მანუალებელთა გამონაგარიშებაზე უშუალო გაკლენას ახდენს.

ამრიგად, მოსახლეობის რიცხოვნობის მიხედვით პირველ ადგილზე იმყოფებოდა ოქტომბრის

სახელმწიფო რაიონის, სტატისტიკის, 26 კომისიის სახელმწიფო მესამეხედი სტატისტიკის სახელმწიფო მეთხუთხედი რეგისტრაციის სახელმწიფო მეხუთხედი რეგისტრაციის სახელმწიფო მეექვსეხედი რეგისტრაციის სახელმწიფო შიშობა მესამეხედი რეგისტრაციის სახელმწიფო რაიონის.

თბილისის მოსახლეობის დინამიკის მაჩვენებლები ზემოთ ჩამოთვლილი რაიონების მიხედვით, ორი წლის მაგალითზე. მოცემულია ქვემოთაწილ ცხრილში (იხ. ცხრ. № 3).

ცხრილი № 3

თბილისის მოსახლეობის დინამიკა რაიონების მიხედვით¹

რაიონების დასახელება	ლენინის სახ. რაიონი	სტალინის სახ. რაიონი	26 კომისიის სახ. რაიონი	ორჯონიძის სახ. რაიონი	კარაილის სახ. რაიონი	კალინინის სახ. რაიონი	ოქტომბრის სახ. რაიონი
	1939 წლის აღწერით	69370	75734	90932	69435	55483	43813
1941 წლის გამოანგარიშებით	73150	80300	96250	73700	58850	67650	100100
ზრდის ტემპი %/0	105,0	109,0	106,0	106,0	106,0	106,0	106,0

ცხრილი № 4

თბილისის მოსახლეობის ბუნებრივი მოძრაობა²

წლები	მოსახლეობის რაოდენობა	მოსახლეობის ბუნებრივი მოძრაობა			დაბადება ყოველ ათას მცხოვრებზე	გარდაცვალება ყოველ ათას მცხოვრებზე
		დაბადება	გარდაცვალება	მატება კლება		
1922	234,0	ცნ. არ არის	ცნ. არ არის	—	—	—
1923	245,2	6614	3089	+3525	27,0	12,5
1927	295,2	9226	3727	+5499	31,3	12,3
1232	378,9	7929	6102	+1827	20,9	16,1
1937	453,9	13696	5377	+8319	30,2	11,9
1940	550,0	12247	7238	+5009	22,3	13,2

ამრიგად, 1923 წელს მოსახლეობის წმინდა ბუნებრივი ნამატი უდრიდა + 3.525 სულს, რაც იმის მაჩვენებელია, რომ თბილისის მოსახლეობის ზრდას იმთავითვე გაფართოებული კვლავწარმოე-

ბილისის მოსახლეობის დინამიკის მაჩვენებლები ზემოთ ჩამოთვლილი რაიონების მიხედვით, ორი წლის მაგალითზე. მოცემულია ქვემოთაწილ ცხრილში (იხ. ცხრ. № 3).

ბუნებრივი მოძრაობა იმის თაობაზე, რომელიც სტატისტიკის კომისიის მიერ გამოქვეყნდა.

ბის ხასიათი ჰქონდა. ამ წლისათვის ყოველ ათას მცხოვრებზე მოდიოდა დაბადების 27,0 შემთხვევა, ხოლო გარდაცვალების — 12,5 შემთხვევა.

მოსახლეობის წმინდა მატება კიდეც უფრო გაიზარდა 1927 წლისათვის და შეადგენდა + 5.499 სულს, ე. ი. ყოველ ათას მცხოვრებზე მოდიოდა დაბადების — 31,3 შემთხვევა, ხოლო გარდაცვალების — 12,3 შემთხვევა.

¹ თბილისის სტატისტიკური სამმართველოს მასალებიდან.

² თბილისის სტატისტიკური სამმართველოს მასალებიდან.

1932 წლისათვის მოსახლეობის ბუნებრივი მატების ტეპი წინა წელთან შედარებით რამდენადმე მცირდება, მაგრამ წმინდა მატებამ მაინც + 1827 სული მოგვცა. ამავე პერიოდისათვის ყოველ ათას მცხოვრებზე მოდიოდა დაბადების 20,9 შემთხვევა, ხოლო გარდაცვალების 16,1 შემთხვევა.

მოსახლეობის ბუნებრივი მატების საგრძნობ გადიდება: ჰქონდა ადგილი 1937 წელს. ამ წლისათვის მოსახლეობის ბუნებრივი მატება უდრიდა + 8319 სულს და ყოველ ათას მცხოვრებზე მოდიოდა დაბადების 30,2 შემთხვევა, ხოლო გარდაცვალების — 11,9 შემთხვევა.

1940 წელს მოსახლეობის ბუნებრივი მატება უდრიდა + 5009 სულს. ყოველ ათას სულზე მოდიოდა დაბადების — 22,3 შემთხვევა, ხოლო გარდაცვალების — 13,2 შემთხვევა.

თბილისის მოსახლეობის რიცხოვნობაზე გავლენას ახდენდა არა მარტო მოსახლეობის ბუნებრივი, არამედ მექანიკური მოძრაობაც. სამწუხაროდ, ჩვენ არ მოგვეპოვება სრულყოფილი მონაცემები თბილისის მოსახლეობის მექანიკური მოძრაობის შეახებ. მიუხედავად ამისა, თბილისის მოსახლეობის ზრდა მექანიკური მატების საფუძველზე შეიძლება ზოგადად დავახასიათოთ შემდეგი მონაცემებით: თბილისის მოსახლეობას მოემატა თბილისგარეთ დაბადებული: 1923 წელს — 16.753 სული, 1924 წელს — 13.212 სული, 1925 წელს — 10.546 სული, 1927 წელს — 8.500 სული, ხოლო 1928 წელს — 5738 სული.

როგორც ვხედავთ თბილისის მოსახლეობის მექანიკური მატება თანდათანობით შემცირებულა. თუკი ეს პროცესი, ე. ი. მოსახლეობის მექანიკური ზრდა შემდეგშიც გრძელდებოდა, ზოგჯერ მეტი მასშტაბითაც. ვიდრე ამას ადგილი ჰქონდა წინა წლებში. ასე, მაგალითად, 1940 წელს, თბილისის მოსახლეობის მექანიკურმა მატებამ დაახლოებით 18.327 სულს მიაღწია.

* * *

თბილისის მოსახლეობის სქესობრივი და ასაკობრივი შემადგენლობის ანალიზს ვაწარმოებთ 1922, 1926 და 1939 წლების მოსახლეობის აღწე-

¹ ზ. ჯანდიერი, ქალაქ თბილისის მოსახლეობა, 83 21.

რების ნონაცემთა საფუძველზე. ეს საკითხი მრავალმხრივ საინტერესოა. როგორც ვიცით სტატისტიკის ერთ-ერთი მთავარი ამოცანა შრომისუნარიანი მოსახლეობის რაოდენობის განსაზღვრაში მდგომარეობს. მოცემული საკითხის შესწავლა ხორციელდება მოსახლეობის სქესობრივი და ასაკობრივი ნიშნების მიხედვით განაწილების საფუძველზე. პირველყოელისა ქვემოთაწინილ ცხრილში ასახულია თბილისის მოსახლეობის განაწილება სქესობრივი ნიშნის მიხედვით.

ცხრილი № 5

თბილისის მოსახლეობის სქესობრივი შემადგენლობა¹

წლები	სულ	მათ რიცხვში		°/°-ში ჯამის მიმართ	
		მამრობითი	დედრობითი	მამრობითი	დედრობითი
1922	233958	111996	121962	47,87	52,13
1926	294044	147319	146695	50,11	49,89
1939	519220	256916	268304	48,33	51,67

საერთოდ, თბილისის მოსახლეობაში, დედრობითი სქესის წარმომადგენელთა რაოდენობა დიდად არ განსხვავდება მამრობითი სქესის წარმომადგენელთა რაოდენობისაგან. 1922 წელს, ეს განსხვავება შედარებით უფრო მეტად იგრძნობოდა, რაც უმთავრესად გამოწვეულია პირველი იმპერიალისტური ომით, რომელმაც მამრობითი სქესის მოსახლეობა დიდი რაოდენობით იმსხვერპლა. ცხრილში ადვილად შევამჩნევთ, რომ შემდგომ წლებში ადგილი აქვს დედრობით და მამრობით სქესის წარმომადგენელთა რაოდენობის გათანასწოების ტენდენციას. ეს გასაგებია, ვინაიდან, სხვა თანაბარ პირობებში, დაახლოებით იმდენივე იბადება ვაჟი, რამდენიც ქალი. ახალშობილთა სქესობრივი განაწილების ასეთი თანაფარდობა შესაძლებელია გამოვლინდეს და გამოვლინდა კიდევ დაკვირვების მხოლოდ საკმარის დიდი რიცხვის ადების პირობებში.

გამომდინარე ზემოთაწინილი ცხრილიდან შეიძლება ითქვას, რომ 1922 წელს, თბილისში ყოველ ათას კაცზე მოდიოდა 1.089 ქალი, 1926 წელს — 996 ქალი, ხოლო 1939 წელს — 1.069 ქალი.

¹ თბილისის სტატისტიკური სამმართველოს მასალებიდან.

მეტად მნიშვნელოვანს წარმოადგენს თბილისის მოსახლეობის სქესობრივი შემადგენლობის განხილვა ასაკობრივ ჯგუფებთან დაკავშირებით. ეს დაკავშირება მოცემულია ქვემოთაღნიშნულ ცხრილში (იხ. ცხრ. № 6).

როგორც ვხედავთ 0—4 წლამდე ასაკის მქონე პირთა რაოდენობა ყველა შემთხვევაში აკარბებს 60 წელზე მეტი ასაკის მქონე მოსახლეობის რაოდენობას. ეს გასაგებიაა. მაღალ ასაკში გარდაცვალების შემთხვევათა რაოდენობა ყოველთვის

მეტია, ვიდრე დაბალ ასაკში. ამიტომ რამდენადაც დიდია დაბალი ასაკის ჯგუფი (0—4 წლამდე). მაღალი ასაკის (60 წელზე მეტის) ჯგუფთან შედარებით, იმდენად დიდია მოსახლეობის რიცხოვნობის ზრდის ფარგლები. ამავე დროს ეს გარემოება მიუთითებს დაბალ ასაკში გარდაცვალების შემთხვევათა რაოდენობის შედარებით სიმცირეზე.

საჭიროა აღინიშნოს, რომ დანარჩენ ასაკობრივ ჯგუფებს გარკვეული ცვალებადობა ემჩნევა, რაც უმთავრესად, გამოწვეული იყო მოსახლეობის მე-

ცხრილი № 6

თბილისის მოსახლეობა სქესისა და ასაკის მიხედვით¹

ასაკობრივი ჯგუფები	წლები. სქესი										ბუნრკვე-ველი	
	0—4	5—9	10—14	15—19	20—24	25—29	30—39	40—49	50—59	60 ხე მეტი		
1922 წ. აღწ.	მამრობითი	10331	10219	12759	11462	9939	10957	18823	12949	8192	6230	136
	დედრობითი	10086	9694	13154	13391	14421	13226	18968	11400	8651	8836	135
ს უ ლ		20417	19913	25913	24853	24360	24183	37791	24348	15843	15066	271
1926 წ. აღწ.	მამრობითი	16155	11547	12815	15460	23183	14053	21877	15869	8987	7277	106
	დედრობითი	15767	11063	12646	16924	16899	16198	23357	13808	9325	10672	41
ს უ ლ		31922	22615	25461	32404	40072	30251	45234	29677	18312	17949	147
1939 წ. აღწ.	მამრობითი	24772	20039	25063	25301	29130	29058	40329	25257	17883	13993	91
	დედრობითი	23929	19766	25670	26330	28543	30228	46432	27704	19603	19738	61
ს უ ლ		48701	39805	50733	51631	57973	59286	86761	52961	37486	33731	152

ქანიკური მოძრაობით. ეს ფაქტი განსაკუთრებით ნათლად ჩანს შრომითი ასაკის ჯგუფებში, —15-დან 60 წლამდე — მამრობითი სქესისათვის, ხოლო 15-დან 55 წლამდე — დედრობითი სქესისათვის.

დასასრულ უნდა ითქვას, რომ თბილისის მოსახლეობის დაბალ ასაკობრივ ჯგუფში (0—4 წლამდე), ვაჟების რაოდენობა კარბობს ქალების რაოდენობას, ე. ი. დაბადების შემთხვევათა საერთო რაოდენობაში მეტი რაოდენობითაა წარმოდგენილი ვაჟები, ვიდრე ქალები. მაგრამ, ეს თანაფარდო-

ბა იცვლება მაღალ ასაკობრივ, მაგ., 50—59 წლამდე და 60 წელზე მეტი ასაკის ჯგუფებში, — საწინააღმდეგო მიმართულებით. ამ ჯგუფებში მამრობითი სქესის წარმომადგენელთა რაოდენობა გაიწელებით ნაკლებია დედრობითი სქესის წარმომადგენელთა რაოდენობასთან შედარებით.

• • •

თბილისი მრავალეროიანი სოციალისტური ქალაქია. სადაც ცხოვრობენ: ქართველები, რუსები, სომხები, აზერბაიჯანელები, ბერძნები, ებრაელები, უკრაინელები, ქურთები და სხვ.

¹ თბილისის სტატისტიკური სამმართველოს მასალებიდან.

თბილისის მოსახლეობის ეროვნული შემადგენლობა შეიძლება დაახასიათოთ შემდეგი მაჩვენებლებით (იხ. ცხრ. № 7).

უნდა ითქვას, რომ 1922 წლის აღწერით მრავალი ეროვნება, მაგ., გერმანელი, ქურთი, აზერბაიჯანელი და სხვ., ცალკე ეროვნულ ჯგუფად არ ყოფილა გამოყოფილი. ეს ეროვნებანი გაერთიანებული იყვნენ „დანარჩენთა“ ჯგუფში.

თბილისში მცხოვრები თითქმის ყველა ეროვნება განცალკევებულ ჯგუფებად პირველად 1939

წელს აღირიცხა. შედარების გაადვილების მიზნით, ცხრალში შევიტანეთ ყველა ეროვნება, რომელიც გამოცალკევდა 1922 წ., 1926 წ. და 1939 წ. მოსახლეობის აღწერებში. დანარჩენ შემთხვევებში, ეროვნებანი, რომელნიც პირველად გამოცალკევდა 1939 წ. აღწერით, გვაერთიანეთ „დანარჩენში“.

თბილისში არსებულ ეროვნებათაგან მოსახლეობის საერთო რაოდენობაში დიდ ადგილს იჭერენ ქართველები, რუსები, სომხები. ეროვნებათა ეს საწი ჯგუფი, იმის გამო, რომ დიდი რაოდენობით

ცხრილი № 7

თბილისის მოსახლეობის ეროვნული შემადგენლობა

წლები	ქართველი	რუსი	სომეხი	ოსი	ბერძენი	ებრაელი	თათარი	დანარჩენი	სულ
1922 ¹	80994	38612	85309	1445	1257	8768	7239	10443	233958
1926 ²	112205	47843	100148	2990	1402	8962	6788	11216	291455
1939 ³	228394	93337	137331	9328	3207	13715	1468	32220	519220

არიან წარმოდგენილი, ყოველთვის განსაზღვრავდნენ თბილისის მოსახლეობის ზრდის ტემპს.

საქართველოში საბჭოთა ხელისუფლების დამყარებისა და ლენინური ნაციონალური პოლიტიკის გატარების შედეგად თბილისის მოსახლეობა სწრაფად გაიზარდა. შეიქმნა ყველა აუცილებელი პირობა მრავალრიანი თბილისის მოსახლეობაში ძმური თანაცხოვრების დამკვიდრებისათვის.

უკვე 1926 წლიდან, თბილისის მოსახლეობის საერთო რიცხოვნობაში, სხვა ერებთან შედარებით, დიდი რაოდენობით არის წარმოდგენილი ქართველობა. ამ პერიოდისათვის თბილისში მცხოვრებ ქართველთა რაოდენობამ მიაღწია — 112.206 კაცს. ამასთან გაიზარდა სხვა ეროვნებათა მოსახლეობის რაოდენობაც.

1939 წლისათვის თბილისში მცხოვრებ ქართველთა რაოდენობამ მიაღწია — 228.394 კაცს, სომეხთა რაოდენობამ — 137.331 კაცს, ხოლო რუსთა რაოდენობამ — 93.337 კაცს. თუ ჩვენ ზემოთხსენებულ მაჩვენებლებს შევეუდარებთ 1922 წლის სათანადო მაჩვენებლებს, აღმოჩნდება, რომ ქართველების რაოდენობა გაზარდილა — 2,8-ჯერ, სომხების — 1,6-ჯერ, რუსების — 2,4-ჯერ. აქედან ნა-

თელია, რომ ჩვენთვის საინტერესო პერიოდის განმავლობაში თბილისში მცხოვრებ ქართველთა რაოდენობა იზრდებოდა როგორც აბსოლუტურად, ისე შეფარდებით.

ინტერესს მოკლებული არ იქნება განვიხილოთ თბილისის მოსახლეობის ეროვნული შემადგენლობა რაიონების მიხედვით. ავიღოთ 1939 წლის მოსახლეობის სრულიად საქავშირო აღწერის ცნობები (იხ. ცხრ. № 8).

როგორც ვხედავთ, სხვა ეროვნებებთან შედარებით ქართველების უმრავლესობა ცხოვრობდა ლენინის სახელობის, ორჯონიკიძის სახელობის და სტალინის სახელობის რაიონებში. 26 კომისარისა და კიროვის სახელობის რაიონებში, ყველაზე მეტი რაოდენობით ცხოვრობდნენ სომხები. დანარჩენი ეროვნებანი მეტნაკლებად განაწილებული იყვნენ თბილისის მაშინდელ ადმინისტრაციულ რაიონებში.

* * *

მოსახლეობის შესწავლა დედა-ენის ნიშნის მიხედვით დემოგრაფიული სტატისტიკის ერთ-ერთ მნიშვნელოვან საკითხს წარმოადგენს. სსრ კავშირში დედა-ენად ითვლება ის ენა, რომელსაც თვით მოქალაქე აირჩევს.

¹ ასეთებია: აზერბაიჯანელი — 5874, უკრაინელი — 7415, გერმანელი — 5528, ქურთი — 4511.

¹ საბჭოთა საქართველოს 10 წელი 1921—1931, 1931, გვ. 24—27.

² იქვე.

³ თბილისის სტატისტიკური სამმართველოს მასალებიდან.

თბილისში, 1939 წლისათვის ოცზე მეტი სხვადასხვა დედა-ენის მქონე მოსახლეობა გვხვდებოდა. ცნობები თბილისის მოსახლეობის დედა-ენის შესახებ, 1939 წლის მოსახლეობის სრულიად საქვეშირო აღწერის მიხედვით, მოცემულია ქვემოთაწილ ცხრილში (იხ. ცხრ. № 9).

ცხრილიდან ჩანს, რომ ქართული ენა, თბილისის მცხოვრებთა შორის, სხვა დანარჩენ ენებთან შედარებით, ყველაზე უფრო გავრცელებულ ენას წარმოადგენდა. თბილისის მოსახლეობის საერთო რაოდენობიდან ქართული ენა დედა-ენად აღიარა მოსახლეობის 49,91%. რუსული — 24,86%, ხო-

ლო სომხური — 18,39%. ე. ი. თბილისში გაბატონებულ ენას წარმოადგენდა ქართული ენა.

საყურადღებო დასკვნის გაკეთება შეიძლება დედა-ენისა და ეროვნების ნაშანთა ურთიერთდაკავშირების საფუძველზე. როგორც ვიცით, 1939 წელს თბილისში ცხოვრობდა — 228.394 ქართველი. ამავე პერიოდისათვის ქართული ენა დედა-ენად მიიღო 259.092 კაცმა. აქედან ცხადია, რომ 30.698 თბილისელმა მოქალაქემ, რომელნიც სხვა ეროვნებას ეკუთვნოდნენ, დედა-ენად აღიარა ქართული ენა. ასევე შეიძლება ითქვას რუსული ენის მიმართაც. მაგრამ ეს არ ითქვის სომ-

ცხრილი № 8

თბილისის მოსახლეობის ეროვნული შემადგენლობა რაიონების მიხედვით 1939 წლისათვის¹

რაიონების დასახელება	ქართ- ველი	რუსი	სომეხი	ახერბაა- ჯანელი	ს ს	გ ნ ს	ებრა- ელი	უკრაი- ნელი	გერ- მანელი	ბ ს ს	თათა- რი	დანარ- ჩენი	სულ
სულ თბილისში მათ შორის:	228394	93337	137331	5874	9328	3207	13915	7415	5528	4511	1488	8892	519.220
1. ლენინის სახელობის რ-ნი	65783	21057	14087	231	4371	607	581	1549	1613	1353	99	2169	113.560
2. 26 კომისიის " "	29433	21799	52414	424	821	397	2119	1878	611	204	667	1489	112.256
3. კიროვის " "	25309	9678	31446	3187	823	773	7522	963	359	618	158	1356	82.242
4. ორჯონიკიძის " "	59413	20479	14892	1740	1349	752	1533	1599	959	1023	427	2282	106.448
5. სტალინის " "	48455	20324	21452	232	1964	678	2160	1426	1946	1313	127	1596	104.714

ცხრილი № 9

თბილისის მოსახლეობის განაწილება დედა-ენის მიხედვით 1939 წ.¹

ენას დასახელება	მამრო- ბითი	დედრო- ბითი	სულ	ენის დასახელება	მამრო- ბითი	დედრო- ბითი	სულ
ქართული ენა	126606	132486	259092	ასირიული ენა	1139	1089	2228
რუსული " "	57506	71596	129102	თათრული " "	939	658	1597
სომხური " "	47197	48289	95486	პოლონური " "	67	136	203
ებრაული " "	846	939	1785	თურქული " "	338	284	622
ოსური " "	3631	2900	6531	სპარსული " "	216	157	373
უკრაინული " "	2709	1928	4634	აფხაზური " "	145	31	176
აზერბაიჯანული " "	3447	2429	5875	ლევური " "	114	21	135
გერმანული " "	1790	2313	4103	ესტონური " "	20	18	38
ჭურთული " "	2437	1812	4249	ჩეჩნური " "	15	2	17
ბერძნული " "	661	568	1229	სხვა...	1093	652	1745

სულ: 259092 | 298304 | 519220

ბურ ენაზე. ზემოთ ჩვენ აღვნიშნეთ, რომ 1939 წლის მოსახლეობის სრულიად საქვეშირო აღწერის მიხედვით თბილისში ცხოვრობდა — 137.331 სომეხი, აქედან სომხური ენა დედა-ენად მიიღო — 95.486 მოქალაქემ, ხოლო დანარჩენმა (41845 კაც-

¹ თბილისის სტატისტიკური სამმართველოს მასალებიდან.

მა) მშობლიურ ენად აღიარა უმთავრესად ქართული ენა.

როგორც ვხედავთ, ეროვნება ყოველთვის არ ემთხვევა დედა-ენას. ეროვნება და დედა-ენა ზოგჯერ მართალია, ერთიმეორეს შორდება, მაგრამ

¹ თბილისის სტატისტიკური სამმართველოს მასალებიდან.

ისე, რომ ეროვნებათა აბსოლუტური უმრავლესობა ინარჩუნებს თავიანთს ენას. საერთოდ, ეს შეიძლება განსაკუთრებით ითქვას მამრობითი სქესის წარმომადგენელთა მიმართ.

თბილისის მოსახლეობაში წერა-კითხვის გავრცელების დონის შესწავლა ფრიად მნიშვნელოვან საკითხს წარმოადგენს. სამწუხაროდ, უნდა ითქვას, რომ მოცემული საკითხის დაწვრილებითი ანალიზისათვის ყველა საჭირო ცნობა არ მოგვეპოვება. ანტიკომ, ჩვენ დაკმაყოფილებით ზოგადი ხასიათის დასკვნებით.

1922 წელს, თბილისის მოსახლეობის საერთო რაოდენობიდან, ხუთ წლამდე ასაკის მქონე პირთა გამოკლებით, (რაც — 213.541 სულს უდრიდა) წერა-კითხვის მცოდნეთა რაოდენობა 153.285 სულს შეადგენდა, ე. ი. მთელი ზემოთ აღნიშნული მოსახლეობის საერთო რაოდენობის 71,78 %-ს. 1926 წელს თბილისის მოსახლეობის საერთო რაოდენობიდან, რომელიც 291.455 სულს შეადგენდა, ხუთ წლამდე ასაკის მქონე პირთა გამოკლებით, წერა-კითხვა იცოდა 193.963 კაცმა, რაც საერთო რაოდენობის 66,55 % შეადგენს. 1939 წელს, თბილისის მოსახლეობის საერთო რაოდენობიდან (470.519 კაცი), ხუთ წლამდე ასაკის მქონე პირთა გამოკლებით, წერა-კითხვა იცოდა 432.475 კაცმა, რაც მოსახლეობის საერთო რაოდენობის 91,91 % შეადგენს.

უნდა ითქვას, რომ საყოველთაო სავალდებულო სწავლებამ, რომელიც ჩვენში შემოღებულ იქნა 1930 წელს, გადაწყვეტი როლი შეასრულა წერა-კითხვის უცოდინარობის ლაკვიდაციის საქმეში.

მეტად საინტერესო სურათს იძლევა მაშინდელი თბილისის მოსახლეობის შესწავლა განათლების ცენზის მიხედვით. 1922 წელს თბილისის მოსახლეობაში უმაღლესი განათლების მქონე პირთა რაოდენობა უდრიდა 6.510 კაცს. აქედან მამრობითი იყო — 4.761, ხოლო დედრობითი — 1.749. საშუალო სასწავლებელდამთავრებულ პირთა რაოდენობა უდრიდა 27.724 კაცს. თბილისის მოსახლეობის ყოველ ათას სულზე მოდიოდა: უმაღლესი განათლების მქონე დაახლოებით 27,83, ხოლო საშუალო განათლების მქონე — 118,5.

ამ მხრივ, მნიშვნელოვანდ შეიცვალა მდგომარეობა 1939 წლისათვის. მოცემული პერიოდისათვის მოსახლეობის საერთო რაოდენობიდან

(519,2), უმაღლესი განათლებით იყო — 21.753, მათ შორის მამრობითი — 7.966, დედრობითი — 13.787. 1922 წელთან შედარებით, 1939 წლისათვის უმაღლესი განათლების მქონე პირთა რაოდენობა გაზრდილა დაახლოებით 3,3-ჯერ. ამავე წლისათვის თბილისის მოსახლეობის ყოველ ათას მცხოვრებზე მოდიოდა უმაღლესი განათლების მქონე 41,9 კაცი, ხოლო საშუალო განათლების მქონე — 143.840 კაცი. მათ შორის მამრობითი — 68.753, დედრობითი — 75.087. საშუალო განათლების მქონე პირთა რაოდენობა 1939 წელს, 1922 წელთან შედარებით, გაზრდილა დაახლოებით 5,2-ჯერ და ყოველ ათას მცხოვრებზე 277,0 კაცამდე მიუღწევია.

* * *

სოციალისტურ საზოგადოებაში შრომის განაწილებას გეგმიანი ხასიათი აქვს. შრომა ნაწილდება სახალხო მეურნეობის დარგთა შორის და მათ შიგნით, მოსაქმეობის ცალკეული კონკრეტული სახეების მიხედვით. საერთოდ, მოსახლეობის საქმიანობის ხასიათის შესწავლისათვის საჭიროა გამორკვეულ იქნას ცალკეულ დარგებს შიგნით ჩაბმული თვითმოქმედი მოსახლეობის რაოდენობა. უნდა ითქვას, რომ ხუთწლიანი გეგმების წარმატებით შესრულების შედეგად, ჩვენი სახალხო მეურნეობის მძლავრ განვითარებასთან ერთად, აღნიშნული პერიოდის განმავლობაში, შრომის სხვადასხვა დარგში დიდი ცვლილება მოხდა. შეიცვალა თვითმოქმედი მოსახლეობის რაოდენობაც. წარმოიშვა მანამდე არარსებული, წარმოების სრულიად ახალი დარგები, რამაც დიდი რაოდენობით მიიზიდა თვითმოქმედი მოსახლეობა, ამავე დროს მოსაქმეობის გარკვეული დარგები, ან სრულიად გაქრა, ანდა შეიკვეცა. ეს უკანასკნელი შეეხება, წარმოების ისეთ დარგებს, რომელთაც წვრილი ხელოსნური ხასიათი ჰქონდა.

თბილისი საბჭოთა საქართველოს ინდუსტრიულ ცენტრს წარმოადგენს. თვითმოქმედი მოსახლეობის დიდი ნაწილი ჩაბმულია მატერიალური დოვლათის წარმოების სფეროში — ფაბრიკა-ქარხნებში და ა. შ. ქვემოთ დავინახავთ, რომ თბილისის მოსახლეობამ 1922 წლიდან 1939 წლამდე, მოსაქმეობის მხრივ დიდი ცვლილება განიცადა.

თბილისის მოსახლეობის განაწილება მოსაქმეობის სხვადასხვა დარგში 1922 წლის მონაცემების მიხედვით შესაძლებელია დავახასიათოთ შემდეგი ცხრილით (იხ. ცხრ. № 10).

აღსანიშნავია, რომ 1922 წლის აღწერით მოპოვებული ცნობები ყველა მოთხოვნას ვერ აკმაყოფილებს. ზემომოტანილ ცხრილში წარმოდგენილი მოსაქმეობის ჯგუფები შედგება მრავალ სრულიად სხვადასხვაგვაროვან ქვეჯგუფებისაგან, რომელთა გამოცალკეების გარეშე ძნელია მეცნიერული

ანალიზის წარმოება. 1922 წელს თბილისის თვითმოქმედი მოსახლეობა შეადგენდა 98.104 სულს, ე. ი. საერთო რიცხოვნობის 41,9%, ხოლო დანარჩენი — 58,1%, ე. ი. თბილისის იმდროინდელი მოსახლეობის ნახევარზე მეტი, წარმოადგენდა არათვითმოქმედ მოსახლეობას. თვითმოქმედი მოსახლეობის განაწილება მოსაქმეობის ჯგუფების მიხედვით შემდეგ მაჩვენებლებში გამოიხატება: სასოფლო მეურნეობა, სატყეო მეურნეობა და მეთევზეობა ერთად აღებული — 1,62%, მრეწველობა —

ცხრილი № 10

თბილისის მოსახლეობის განაწილება მოსაქმეობის მიხედვით 1922 წლის აღწერით¹

მოსახლეობა	სულ	მოსაქმეობის მთავარი ჯგუფები							
		სასოფლო მეურნ. სატყეო მეურნ. მეუღებ.	მრეწველობა	კრედიტი, შუამავლობა, ვაჭრობა	სადგომის და სასამართლო-საქმ. საქმე	ტრანსპორტი	სახლმშენ. და საზოგ. სამსახური	შრომის დარგები, შრომ. გაუწეობილ. შემოსავალი	დანარჩენი
მამრობითი	69855	1490	13891	11371	1479	10802	17074	6784	6964
დედრობითი	28249	105	3957	1064	863	1411	7074	5878	7897
თვითმოქმ. მოსახლეობა	98104	1595	17843	12435	2352	12213	24148	12662	14861
არათვითმოქმ. მოსახლეობა	135854	2694	29950	24997	3494	23196	31369	8757	11297
სულ მოსახლეობა	233958	4289	47798	37432	5836	35409	55517	21419	26258

18,19%, კრედიტი, შუამავლობა, ვაჭრობა — 12,67%, სადგომისა და სასამართლო-საქმელის საქმე — 2,38%, ტრანსპორტი — 12,44%, მოსამსახურე — 24,61%, შრომის დანარჩენი დარგები და შრომის გაუწევლად მიღებული შემოსავალი — 12,91%, დანარჩენი მოსაქმეობა — 15,14%.

ამრიგად, თბილისის თვითმოქმედი მოსახლეობის უმრავლესობის საქმიანობა განისაზღვრებოდა საზოგადოებრივი და სახელმწიფოებრივი ხასიათის სამუშაოთა შესრულებით. ამასთან თვითმოქმედი მოსახლეობის მნიშვნელოვანი ნაწილი ეწეოდა სამრეწველო ხასიათის მოსაქმეობას (18,19%). აქვე უნდა შევნიშნოთ, რომ უკანასკნელ ჯგუფში

გაერთიანებულია არა მხოლოდ თვითმოქმედი მოსახლეობის ის ნაწილი, რომელიც მოსაქმეობდა ფაბრიკა-ქარხნებში, არამედ ის ნაწილიც, რომელიც ჩაბმული იყო წერილობით-ხელისუფლებით წარმოებაში, რომელსაც იმდროინდელ თბილისში საკმაოდ დიდი ადგილი ეკავა.

თვითმოქმედი მოსახლეობის დაახლოებით ერთნაირი რაოდენობა იყო ჩაბმული კრედიტის, სასოფლო-სამეურნეო და ტრანსპორტის დარგებში. მნიშვნელოვნად არის წარმოდგენილი შრომის დანარჩენ დარგებში ჩაბმული თვითმოქმედი მოსახლეობა და მოსახლეობის ის ნაწილი, რომელიც უშრომოდ შემოსავლის მქონე პირთა ჯგუფს შეადგენდა. მოსახლეობის ეს ნაწილი ცალკე ჯგუფად არის გამოყოფილი.

¹ საქ. სსრ თბილისის აღმ. სტატ. ც. განგ. სტატისტიკური კრებული, 1925, გვ. 376—381.

თბილისის მოსახლეობის შრომითი საქმიანობის შედარებით უფრო დეტალურ დახასიათებას გვაძლევს მოსახლეობის 1926 წლის სრულიად საკავშირო აღწერა, რომელიც ასახულია ქვემოთმოტანილ ცხრილში (იხ. ცხრ. № 11).

როგორც ცხრილიდან გამომდინარეობს, 1926 წელს თბილისის მოსახლეობის საერთო რაოდენობიდან თვითმოქმედი მოსახლეობა შეადგენდა 38,5%, ხოლო არათვითმოქმედი — 61,5%. უნდა ითქვას, რომ ამ პერიოდისათვის თბილისის მოსახლეობაში თვითმოქმედ და არათვითმოქმედ მოსახლეობის თანაფარდობაში მოხდა გარკვეული ცვლი-

ლება. ზემოთ უკვე აღვნიშნეთ, რომ 1922 წელს თბილისის მოსახლეობის საერთო რაოდენობაში თვითმოქმედი მოსახლეობა შეადგენდა 41,9%, ხოლო არათვითმოქმედი — 58,1%. 1926 წელს კი თვითმოქმედი მოსახლეობა განისაზღვრა 38,5%-ით, ხოლო არათვითმოქმედი — 61,5%-ით, ე. ი. 1926 წელს თბილისის მოსახლეობაში თვითმოქმედი მოსახლეობის ხვედრითი წონა შემცირებულა; თუმცა, აბსოლუტურად გაზრდილა, რაც უმთავრესად აიხსნება დაბადების შემთხვევათა რაოდენობის ზრდის შედარებით სწრაფი ტემპით.

ცხრილი № 11

ქ. თბილისის მოსახლეობა შრომის დარგებისა და თვითმოქმედების მიხედვით 1926 წლ. აღწერით¹

მოსახლეობა	სულ	მ ა თ შ ო რ ი ს									
		სოფლის მეურნეობა	საქარხნო-საფაბრიკო მრეწველობა	შინა და ხელოსნური მრეწველობა	მშენებლობა	რკინიგზის ტრანსპორტი	ტრანსპორტის დანარჩენი დარგები	ვაჭრობა და კრედიტი	დაწესებულებები	შრომის სხვა დარგები	მოსახლეობა, რომელიც შრომის დარგების მიხედვით არ არის განაწილებული
თვითმოქმედი	113311	2681	8215	12029	1355	10322	4341	12094	20664	7656	33954
არათვითმოქმედი	190733	6724	16651	25003	3007	23410	9934	27569	31928	14447	22069
სულ თვითმოქმედი და არათვითმოქმედი	294044	9405	24866	37032	4362	33732	14275	59654	52592	22103	56023

თბილისის მაშინდელი მოსახლეობის განაწილება შრომის ცალკეული დარგებისა და ჯგუფების მიხედვით, გამოსახული პროცენტებში, შემდეგ სურათს გვაძლევს: სოფლის მეურნეობა — 2,36%, საქარხნო-საფაბრიკო მრეწველობა — 7,26%, შინა და ხელოსნური მრეწველობა — 8,62%, მშენებლობა — 1,20%, რკინიგზის ტრანსპორტი — 9,10%, ტრანსპორტის დანარჩენი დარგები — 3,84%, ვაჭრობა და კრედიტი — 8,67%, დაწესებულებანი — 18,94%, შრომის სხვა დარგები — 6,76%, მოსახლეობა, რომელიც შრომის დარგების მიხედვით არ არის დანაწილებული — 29,96%. გარდა ზემოხსენებულისა უნდა ვივარაუდოთ, რომ 1926 წელს, თბილისის მოსახლეობის დაახლოებით 35% ეწეოდა მატერიალური წარმოების სფეროში მიმდინარე საქმიანობას, ხოლო ამავე წელს სახელმწიფო

და საზოგადოებრივ დაწესებულებებში ჩაბმულ მუშაკთა ხვედრითი წონა არ აღემატებოდა 18,24%.

ზემომოტანილ ცხრილში განაწილებულია არათვითმოქმედი მოსახლეობაც. ამ პერიოდისათვის თვითმოქმედი მოსახლეობის ყოველ ას სულზე მოდიოდა არათვითმოქმედი მოსახლეობა: სოფლის მეურნეობაში — 251, საქარხნო-საფაბრიკო მრეწველობაში — 203, შინა და ხელოსნური მრეწველობაში — 208, მშენებლობაში — 222, რკინიგზის ტრანსპორტის დარგში — 227, ტრანსპორტის დანარჩენ დარგებში — 229, ვაჭრობასა და კრედიტში — 228, დაწესებულებებში — 155, შრომის სხვა დარგებში — 189, დანარჩენი — 65.

თბილისის თვითმოქმედი მოსახლეობა 1926 წლისათვის, 1922 წელთან შედარებით, გაიზარდა 1,15-ჯერ, ხოლო არათვითმოქმედი მოსახლეობა — 1,33-ჯერ.

¹ საბჭოთა საქართველო ციფრებში, 1929, გვ. 20—21.

1926 წლიდან 1940 წლამდე, ორი ისტორიული მნიშვნელობის მქონე ხუთწლიანი გეგმის წარმატებით შესრულებამ უდიდესი გავლენა მოახდინა საერთოდ თბილისის მოსახლეობის, კერძოდ, თვითმოქმედი მოსახლეობის ზრდაზე. სათანადო მაჩვენებლები მოცემულია ქვემოთმოტანილ ცხრილში (იხ. ცხრ. № 12).

ამრიგად, 1939 წელს, თბილისის თვითმოქმედი მოსახლეობა 206.816 კაცს შეადგენდა, რაც 1922 წლის სათანადო მაჩვენებლებთან შედარებით გაზარდილა 21,1-ჯერ. დაახლოებით ამდენჯერევა გაზარდილი არათვითმოქმედი მოსახლეობაც¹.

აღსანიშნავია, რომ თუ წინა პერიოდში თბილისის თვითმოქმედ მოსახლეობაში დიდი ხედვითი

წონით იყო წარმოდგენილი დაწესებულებათა მუშაკები, ამ მხრივ, 1939 წლისათვის მდგომარეობა მკვეთრად შეიცვალა. თვითმოქმედი მოსახლეობის საერთო რაოდენობაში უმრავლესობას წარმოადგენდა მრეწველობის მუშაკები, ამავე დროს საგრძნობლად შემცირდა დაწესებულებათა მუშაკების რაოდენობა.

1939 წელს, თვითმოქმედი მოსახლეობის განაწილება სქესის ნიშნის მიხედვით, სახალხო მეურნეობის სხვადასხვა დარგებში, შემდეგ სურათს გვაძლევს: სატყეო მეურნეობაში: მამრობითი — 87,5%, დედრობითი — 12,5%, ზოფლის მეურნეობაში: მამრობითი 62,2%, დედრობითი — 37,7%;

ცხრილი № 12

თბილისის თვითმოქმედი მოსახლეობის განაწილება სახალხო მეურნეობაში მოხაჭქეობის დარგების მიხედვით 1939 წლის აღწერით

მოსახლეობა	სულ მოსაქმეობის მქონე პირთა რაოდენობა	მა თ შ ი რ ი ს										არ არის განაწილებული სახ. მ. დარგებში
		სატყეო მეურნეობა	სოფლის მეურნეობა	მრეწველობა	მშენებლობა	ტრანსპორტი და კავშირგაბმულობა	კაპოლობა, დამზად., სავაჭრო, და საცხოვრ. და კომუნ. მეურნეობა	სახელმწ. მმართ. და სახ. ორგ.	ჯანმრთ. და ცვა	განათლება		
მამრობითი	138305	426	7671	43281	15623	15409	14883	5412	13472	3897	11457	6774
დედრობითი	68511	61	4660	70029	1881	3882	7013	2735	5650	8148	10999	3453
სულ თვითმოქმედი მოსახლეობა	206816	487	12331	63310	17504	19291	21696	8147	19122	12045	22456	10227

პრეწველობაში: მამრობითი — 68,4%, დედრობითი — 31,6%; მშენებლობაში: მამრობითი — 89,3%, დედრობითი — 10,7%; ტრანსპორტსა და კავშირგაბმულობაში: მამრობითი — 79,9%, დედრობითი — 20,1%; ვაჭრობა, დამზადება, საზოგადოება: მამრობითი — 68,0%, დედრობითი — 32,0%; საბინაო და კომ. მეურნეობა: მამრობითი — 66,4%, დედრობითი — 33,6%; სახელმწიფო მმართველობის და საზოგადოებრივ ორგანოებში: მამრობითი — 70,5%, დედრობითი — 29,5%; ჯანმრთელობის დაცვაში: მამრობითი — 32,3%, დედრობითი — 67,7%; განათლების დარგში: მამრობითი — 51,0%, დედრობითი — 49,0%; დანარჩენ დარგებში: მამრობითი — 56,2%, დედრობითი — 33,8%; თვითმოქმედი მო-

სახლეობის საერთო რაოდენობაში: მამრობითი — 66,9%, დედრობითი — 33,1%.

მოსაქმეობის ზემოჩამოთვლილ დარგებში ქალის შრომა ჯეროვნად არის წარმოდგენილი. განსაკუთრებით, აღსანიშნავია ჯანმრთელობის დაცვის დარგი, სადაც მუშაკთა საერთო რაოდენობაში დედრობითი სქესი შეადგენდა 67,7%. ამ მხრივ ყურადღებას იპყრობს, აგრეთვე, განათლების დარგი, სადაც ჩაბმულია თვითმოქმედი მოსახლეობიდან დედრობითი სქესი 49,0%-ის რაოდენობით.

ჩვენ- მიერ ზემოგანხილულ მაჩვენებელთა სისტემიდან შესაძლებელია გამოყოფილ იქნას სამი ძირითადი ჯგუფი. პირველ ჯგუფს მიეკუთვნება მოსახლეობის ის ნაწილი, რომელიც ჩაბმულია შრომის სხვადასხვა დარგში. მეორე ჯგუფს მოსახლეობის ის ნაწილი, რომელიც სახელმწიფოს

¹ თბილისის არათვითმოქმედი მოსახლეობა 1939 წელს შეადგენდა 312404 სულს.

კმაყოფაზე იმყოფება, ხოლო მესამე ჯგუფი შედგება თვითმოქმედი მოსახლეობის კმაყოფაზე მყოფ პირთაგან. პირველ ჯგუფს სხვაგვარად უწოდებენ აქტიურ მოსახლეობას, ხოლო მეორე და მესამე ჯგუფს — პასიურს.

მოსახლეობის მოსაქმეობასთან დაკავშირებულია სოციალური შემადგენლობის საკითხი.

თბილისის მოსახლეობა სხვადასხვა კლასობრივი ჯგუფებისაგან შედგებოდა. სოციალისტური რევოლუციის გამარჯვებამ უზრუნველყო პროლეტარიატის დიქტატურის გაბატონება, წელში გასტეხა ექსპლოატატორული კლასები, მაგრამ როგორც ვ. ი. ლენინი გვასწავლის ექსპლოატატორთა კლასი პროლეტარიატის დიქტატურის პირობებში არ შეიძლება უცებ მოისპოს. საბჭოთა ხელისუფლების შემდგომი განვითარებისა და განმტკიცების საფუძველზე უზრუნველყოფილი იქნა ანტაგონისტური კლასებისა და კლასობრივი ელემენტების მოსპობა.

მოსახლეობის 1939 წლის სრულიად საკავშირო აღწერის მონაცემთა მიხედვით თბილისის თვით-მოქმედი მოსახლეობის განაწილება სხვადასხვა სოციალურ ჯგუფებად შემდეგ მაჩვენებლებში გამოისახება (ათასებში): მუშები — 94,6 (38,2%), მოსამსახურეები — 88,2 (35,6%), კოლმეურნენი — 11,0 (4,4%), კოოპერირებული შინამრეწველები — 8,7 (3,5%), არაკოოპერირებული შინამრეწველები — 2,6 (1,1%), ერთპიროვნული გლეხები — 1,7 (0,7%), მოსახლეობის დანარჩენი ჯგუფები — 40,8 (16,5%).

სოციალისტური საზოგადოების კლასობრივი სტრუქტურა არსებითად განსხვავდება ყველა სხვა საზოგადოების კლასობრივი სტრუქტურისაგან. ჩვენში არსებობენ მეგობრული კლასები: მუშათა კლასი და გლეხთა კლასი. არსებობს, აგრეთვე, ინტელიგენცია, როგორც ფენა.

ამრიგად, თბილისის ერთ-ერთი მრავალფეროვანი ქალაქია. მისი მოსახლეობის მრავალმხრივი და ფრიად ნაყოფიერი საქმიანობა დიდ როლს თამაშობს საბჭოთა საქართველოს სახალხო მეურნეობის კულტურისა და მეცნიერების აღმავლობის საქმეში.

ამ შრომაში სათანადო სტატისტიკურ მონაცემთა საფუძველზე მოვანდინეთ ერთგვარი ცლა შეგვესწავლა თბილისის მოსახლეობის რიცხოვნობისა და შემადგენლობის ზოგიერთი საკითხი 1922 — 1940 წლებში.

თბილისის მოსახლეობაში მძლავრი რაოდენობრივი და სტრუქტურული ძვრები მოხდა საბჭოთა ხალხის დიდი სამამულო ომის შემდგომ პერიოდში, რაც სპეციალური შესწავლის საგანს შეადგენს.

საბჭოთა საქართველოს სახალხო მეურნეობისა და კულტურის შემდგომი აღმავლობის გრანდიოზული პროგრამა, რომელიც დასაბუთებულია სკკპ XX ყრილობის მიერ, ითვალისწინებს თბილისის განვითარების ახალ, ბრწყინვალე პერსპექტივებს, ქალაქის შემდგომ ზრდა-განვითარებაში ძირეულ ცვლილებებს, რაც მომავალში უდავოდ გამოიწვევს თბილისის მოსახლეობის რიცხოვნობის უდიდეს ზრდას.



გიორგი ბაქრაძე

მრეწველობის განვითარება თბილისში XIX საუკუნეში

XIX საუკუნეში თბილისი წარმოდგენდა საქართველოს მრეწველობის მნიშვნელოვან ცენტრს. ბატონყმობის გაუქმებამდე აქ ძირითადად როლს ასრულებდა მრეწველობის პრიმიტიული ფორმები, რეფორმის შემდგომ პერიოდში კი შეიქმნა და განვითარდა კაპიტალისტური მრეწველობა. აღნიშნული საუკუნის 70-ანი წლებიდან თბილისში ჩნდება პირველი მსხვილი ფაბრიკები და ქარხნები, რომელთა რიცხვიც უფრო გვიან სულ უფრო და უფრო იზრდება.

ქალაქ თბილისის მრეწველობის წარმოშობა და განვითარება უშუალოდ უკავშირდება საქართველოს მთელ ისტორიას, მის სახელოვან წარსულს. ამიტომ საჭიროდ მიგვაჩნია მოკლედ მანაც შევჩერდეთ საქართველოს სამრეწველო განვითარების ზოგიერთ საერთო მომენტზე.

მრავალსაუკუნოვანი ისტორიის მანძილზე საქართველომ განვლო განვითარების სხვადასხვა საზოგადოებრივ-ეკონომიური ფორმაცია, მათ შორის კაპიტალიზმიც. კაპიტალისტური განვითარების გზას საქართველო დაადგა მაშინ, როდესაც ევროპის ზოგიერთ ქვეყანაში უკვე დამთავრებული იყო სამრეწველო რევოლუცია, ხოლო რუსეთში კი აშკარად შეიმჩნეოდა სამრეწველო კაპიტალი-

ზმის მძლავრი ზრდა. ამ გარემოებამ უდიდესი გავლენა მოახდინა კაპიტალიზმის აღმოცენებასა და განვითარებაზე საქართველოს მრეწველობაში. მან, უწინარეს ყოვლისა, ძლიერ იმოქმედა თბილისის მრეწველობის განვითარების პროცესზე.

ქართველი ტომების სამრეწველო საქმიანობა იწყება ჯერ კიდევ შორეულ წარსულში. არქეოლოგიური გათხრების შედეგები, აგრეთვე სხვა წყაროები გვაძლევენ ნათელ წარმოდგენას უძველესი ქართული ხელოსნობის განვითარების მაღალი დონის შესახებ. ძველ სამარხებსა და სხვა ისტორიულ ადგილებში (თრიალეთი, არმაზი, სამთავრო, ურბნისი და სხვა) აღმოჩენილი მატერიალური ნივთები მოწმობენ, რომ წარმოების ზოგიერთ დარგში ნაწარმის დამზადების პროცესში ქართველი ხელოსნები იჩენდნენ არაჩვეულებრივ ოსტატობას; დიდად იყო განვითარებული სამუშაოთა შესრულების ხელოვნება. მაგალითად, ქართული სპილენძისა და რკინის ნაწარმი სახელგანთქმული იყო და ფართო გასაღებას პოულობდა საბერძნეთსა და სხვა ქვეყნებში.

ოქრომჭედლობის გამოჩენილი ქართველი ოსტატების მიერ იშვიათი ხელოვნებით შესრულებული ნაკეთობანი მომხმარებლებში მაღალ შეფასე-

ბასა და მოწონებას იმსახურებდა. ამიტომაც მათზე ყოველთვის დიდი მოთხოვნილება იყო არა მარტო საქართველოში, არამედ მისი საზღვრების გარეთაც. ქვაზე, ხეზე და სხვა საგნებზე კვეთილობა, ლითონის მხატვრულად დამუშავება, შინამრეწველური ნაქეთობანი, ქართული ოქრომკვდლობა და ა. შ. ჩვენი ხალხის მაღალ ისტორიულ კულტურაზე მეტყველებს.

საქონლის ხელოსნურმა და შინამრეწველურმა წარმოებამ საქართველოში XII საუკუნეში და უფრო ადრეც პოვა მნიშვნელოვანი განვითარება. შემდეგ კი, თუ მხედველობაში არ მივიღებთ ცალკეულ მოკლე პერიოდებს, განუწყვეტელი ომების შედეგად იგი მნიშვნელოვნად დაეცა, შესუსტდა და თითქმის განადგურებამდე მივიდა მრეწველობისა და სოფლის მეურნეობის მრავალი დარგი. არა ერთი ნგრევა და ძარცვა განიცადეს საქართველოს ქალაქებმა. ზოგი მათგანი ესაზღვრა სიკვდილსა და სიღატაკით განადგურდა და მოისპო, როგორც წყაროებშია აღნიშნული, „Села, храмы, замки князей, цветущие некогда промышленностью города исчезли“¹.

გამუდმებული თავდასხმებისა და ომიანობის შედეგად დიდად დაზიანდა და დაზარალდა ჩვენი სამშობლოს დედაქალაქი თბილისიც. მისი მოსახლეობა საგრძნობლად შემცირდა, მრეწველობა დაქვეითდა, ბევრი სახელმწიფოებრივი ხელოსანი და ოსტატი დაიღუპა, ხოლო ნაწილი ტყვედ ჩავარდა. მრავალი კულტურული დაწესებულება განადგურდა. მაგრამ, მიუხედავად ამისა, 1500 წლის ისტორიის მანძილზე თბილისმა განვლო დიდი და სახელოვანი გზა. მან შეინარჩუნა თავისი ეროვნული სახე. თბილისი ყოველთვის მოწინავე და ტონის მიმცემი იყო ქართველი ხალხის თავისუფლებისა და დამოუკიდებლობისათვის გამართულ ბრძოლაში.

რუსეთთან საქართველოს შეერთების შემდეგ ჩვენში გატარდა მთელი რიგი ღონისძიებისა, რომელმაც ხელი შეუწყო ქვეყნის ეკონომიური ცხოვრების წინსვლას. რუსეთთან შეერთებამ, რომელსაც უდიდესი პროგრესიული მნიშვნელობა

ქონდა, ქართველ ხალხს შეუნარჩუნა ფიზიკური არსებობა და მშვიდობიანი შრომის პირობები შეუქმნა. საქართველო გადაარჩა უცხოელ დამპყრობთა უღელს. ამ გარემოებამ მნიშვნელოვანი როლი შეასრულა საქართველოს გაერთიანების პროცესში. რუსეთთან საქართველოს შეერთება, მიუხედავად ცარიზმის კოლონიური პოლიტიკისა, ხელსაყრელ პირობებს ქმნიდა ჩვენი ქვეყნის მშვიდობიანი ეკონომიური და კულტურული განვითარებისათვის. რუსეთთან შეერთებით ბოლო მოეღო დაუსრულებელ ომებს. საქართველო განთავისუფლდა განუწყვეტელი აწიოების მუდმივი შიშისაგან. თურქ და ირანელ მტაცებელთა თავდასხმების შეწყვეტამ ქართველ ხალხს ნაყოფიერი შრომის გაჩაღების საშუალება მისცა, რის შედეგადაც მან შესძლო მიეღო მეტი ნაწარმი, ვიდრე მანამდე ღებულობდა. რუსეთთან შეერთებიდან სამი წლის გასვლის შემდეგ გახსნილ იქნა საქართველოს სამხედრო გზა, გაიყვანეს აგრეთვე სხვა გზებიც, ააგეს ხიდები და ა. შ. ყოველივე ამან კი მოამზადა პირობები სასაქონლო-ფულადი ურთიერთობების განვითარებისა და ნატურალური მეურნეობის დაშლისათვის. თანდათან მოისპო საქართველოს ფეოდალური დაქუცმაცებულობა. მრეწველობის ზოგიერთი დარგის შექმნა-განვითარების მიზნით, ჯერ კიდევ XIX საუკუნის ოციან წლებში რუსეთიდან საქართველოში გაიგზავნა ოსტატები², რომელთა დახმარებითაც საქართველოში მოეწყო კასრის, მინის და სხვა სახის საწარმოები.

რუსეთთან შეერთების შემდეგ საქართველოს მოსახლეობა შესამჩნევად გაიზარდა; ამან გამოიწვია საზოგადოების მოთხოვნილებათა შესამჩნევი აღმავლობა. ამასთან დაკავშირებით ჯერ კიდევ რეფორმამდელ პერიოდში თანდათან გაფართოვდა საქონლის მიმოქცევა. მეტად ნელა, მაგრამ მანძი, ძლიერდება შრომის საზოგადოებრივი დანაწილება, ამის შედეგად გაიზარდა საქონლური წარმოება, გაფართოვდა ხელოსანთა სპეციალიზაცია. ასე მაგალითად, თუ XIX საუკუნის ოციანი წლების ბოლოს თბილისში იყო დაახლოებით ხელოსნობის ოცამდე სხვადასხვა სახეობა³, 1835 წლისათვის ხელოსნური სპეციალიზაცია გაიზარდა 32 სახეო-

¹ ЦГИАЛ, ф. 1203, оп. 1(68), л. № 9, 1837, л. 7.

² უნდა აღინიშნოს, რომ XVIII საუკუნის ბოლოს თბილისის მცხოვრებთა რაოდენობა 15 ათასს არ აღემატებოდა (იხ. პროფ. შ. მესხია, თბილისი 1500 წლისა, თბილისი, 1956, გვ. 24. მისივე, სტატია ზახ. „კომუნისტში“, 23.XI-1957 წ.).

¹ ЦГИАЛ, ф. 18, оп. 2, л. № 536, 1828, л. 110.

² АСКАК, т. II, Тифлис, 1868, გვ. 1016, იხ. აგრეთვე О. Ея е ц к и в, Статистическое описание Закавказского края, С.-Петербург, 1836, გვ. 134—135.

ბამდე¹. ხოლო 1865 წლისათვის მან 40-ს მიღწია², ე. ი. ორჯერ გადიდდა. ადგილობრივი აზიური ფესსაცმლის მკეთებელი ხელოსნების გვერდით ჩნდებიან რუსული და ევროპული ფესსაცმლის მკეთებელი ხელოსნებიც. 1846 წელს თბილისში უკვე იყვნენ რუსული ნიმუშების ფესსაცმლის ხელოსნებიც³. შემოდის და ფესს იკიდებს ევროპული კოსტიუმების დამზადებაც. ამ დროიდან იწყება და ვითარდება თბილისის აზიური ქალაქიდან ევროპულ ქალაქად გადაქცევის პროცესი. ჯერ კიდევ რეფორმამდე საქართველოში ვითარდება სასაქონლო-ფულადი ურთიერთობა. ეს ნიშნავდა წვრილი მწარმოებლის გადაქცევას საქონლის მწარმოებლად. ხელოსნებისა და გლეხების ნაწილი თავიანთი პირადი შრომითა და საკუთარი საწარმოო საშუალებებით სხვადასხვა პროდუქტებს ამზადებდა არა მხოლოდ საკუთარ მოთხოვნილებათა დასაკმაყოფილებლად, არამედ გასაცვლელად ან გასაყიდად. წვრილი მწარმოებლები სულ უფრო მეტად ებმებოდნენ საბაზრო ურთიერთობაში.

თანდათანობით გაძლიერდა ვაჭრობა. გაჩნდა ბაზრები. პირველი ბაზრობა მოეწყო თბილისში ჯერ კიდევ XIX საუკუნის ოციან წლებში⁴. ამან მნიშვნელოვანი როლი შეასრულა საქართველოს საშინაო ვაჭრობის განვითარებაში. ბაზრობა იმართებოდა აგრეთვე საქართველოს სხვა რაიონებშიც, ბაზრობაში მონაწილეობას იღებდნენ გლეხები და ხელოსნები. მაგრამ ქვეყნის საერთო სამრეწველო ჩამორჩენილობის პირობებში შეუძლებელი იყო მოსახლეობის მაღალი ფენებისა და ქალაქის მცხოვრებთა გაზრდილი მოთხოვნილებების დაკმაყოფილება სათანადო საქონლით. მართალია, ხელოსნური და კუსტარული წარმოება იზრდებოდა, მაგრამ, ბაზრის გაზრდილი მოთხოვნილებანი მნიშვნელოვნად წინ უსწრებდნენ მას. ამასთან უნდა აღინიშნოს ისიც, რომ ამ პერიოდში (XIX საუკუნის 20-ან წლებში) რუსეთის კაპიტალიზმი ყოველნაირად ცდილობდა დაუფლებოდა ცენტრალური რუსეთის ბაზარს, მაგრამ ყურადღების გარეშე

სტოვებდა განაპირა მხარეების ბაზრებს. ამიტომ, სხვა ქვეყნებიდან საქონლის შემოტანის წაქეზებისა და ქალაქის მოსახლეობის მოთხოვნილებათა დაკმაყოფილების მიზნით, მეფის ხელისუფლება იძულებული იყო 1821 წელს დაეშვა საქართველოში შეღავათიანი (5%) ტარიფის მოქმედება უცხოეთიდან შემოტანილ საქონელზე. ამის შედეგად გაიზარდა უცხო საქონლის შემოზიდვა ჩვენში, საგრძნობლად გაფართოვდა სავაჭრო ბრუნვა საქართველოსა და უცხო ქვეყნებს შორის. ასე მაგალითად, 1822 — 1831 წწ. უცხოეთიდან საქონლის შემოტანა 1812 — 1821 წლებთან შედარებით გაიზარდა თითქმის სამჯერ, ხოლო გატანა შეიძვერა და კიდევ უფრო მეტად⁵. უცხოეთთან შეღავათიანი ვაჭრობის შემოღებამ ხელი შეუწყო ქალაქის მცხოვრებთა მოთხოვნილების დაკმაყოფილებას; ამავე დროს, შეღავათიანი ვაჭრობის შედეგად თბილისის ვაჭრებმა შესძლეს დაეკროვებიათ დიდი ფულადი კაპიტალი. როგორც წყაროებშია აღნიშნული 1822 წლიდან 1881 წლამდე „Обогатились несколько домов и то только в Тифлисе и в весьма немногих других городах“⁶.

კაპიტალის დაკროვება, თავის მხრივ, ერთ-ერთი დიდმნიშვნელოვანი ფაქტორი იყო კაპიტალიზმის განვითარებისათვის როგორც თბილისში, ისე მთელ საქართველოში.

სავაჭრო და სავაზრო ოპერაციების მეოხებით თბილისის ვაჭრები სულ უფრო და უფრო აღიდებდნენ თავიანთ ფულად კაპიტალს.

XIX საუკუნის 30-ან წლებში პირველ რიგში თბილისში და აგრეთვე საქართველოს სხვა ქალაქებშიც შემოიღეს რუსული ზომა-წონის საზომები და ფულის ერთეულები. ამის შედეგად გაადვილდა თბილისის სავაჭრო-ეკონომიური კავშირი რუსეთის ქალაქებთან. XIX საუკუნის 40-ან წლებში თბილისის ეკონომიური ცხოვრება ხასიათდება სასაქონლო-ფულად ურთიერთობათა შემდგომი ზრდით. ამ პერიოდში რუსეთის ფაბრიკა-ქარხნები სულ უფრო მეტ საქონელს აგზავნიან თბილისსა და საქართველოში.

რუსეთიდან ფაბრიკული საქონლის შემოტრის შესახებ საქართველოში, რუსეთსა და საქართვე-

¹ Обзорение российских владений за Кавказом, ч. II, С.-Петербург, 1836, стр. 213—214.

² Сборник статистических сведений о Кавказе, т. I, Тифлис, 1869, стр. 116—117.

³ იბ. Кавказский календарь, Тифлис, 1846, стр. 161.

⁴ ЦГНАЛ, ф. 18, оп. 2, д. № 559, 1828, л. 3.

⁵ ЦГНАЛ, ф. 1268, оп. 1, д. № 134, 1845, л. 334, 335.

⁶ იქვე, л. 360.

ლოს შორის სავაჭრო ურთიერთობის გაძლიერებაზე ლაპარაკობს ის ფაქტი, რომ 1847 წელს მოსკოვის ვაჭრებმა და ფაბრიკანტებმა თბილისში სავაჭრო დეპო მოაწყვეს¹. ამავე პერიოდში რუსეთის კაპიტალისტებმა ი. ბარნოვმა, ფ. ბობილევიმა, ძმებმა გურკოვებმა და სხვებმა თბილისში გახსნეს რუსული მანუფაქტურული საქონლის მაღაზიები. მათ თბილისში ჰქონდათ კანტორები, რომელთა მეშვეობით აწარმოებდნენ ადგილობრივი ნედლეულისა და ნაწარმის შესყიდვას. ამავე წლებში თბილისში იყო მაღაზიები, რომლებიც ეწოდნენ უცხო საქონლის გაყიდვას. 1845 წელს ბრუნვაში გაშვებული სავაჭრო კაპიტალის მოცულობა მარტო თბილისში შეადგენდა 5 მილიონ მანეთს ვერცხლით².

ცხრილი 1

ხელოსნებისა და ხაერთა მოსახლეობის ზრდა თბილისში 1801—1865 წწ³

წლები	ხელოსნების რიცხვი	წლები	მცხოვრებთა რიცხვი	ხელოსნების რიცხვი % ში მოსახლეობის საერთო რაოდენობასთან შედარებით
1804	1032	1803	20.000	5,1
1835	1266	1831	25 000	5,1
1845	2365	1843	33.793	6,1
1854	4846	1852	34.888	13,8
1865	5668	1869	71 051	7,9

1847 წელს თბილისში გაიხსნა სავაჭრო და საბანკო კანტორები, რომლებიც ადგილობრივი მოქალაქეების საკუთრებას შეადგენდნენ. თბილისში გაიხსნა აგრეთვე სავაჭრო სახლის სტეფანოვიჩისა და კომპანიის კომერციული კანტორა, იგი ხელს უწყობდა სავაჭრო საქმიანობის ზრდასა და განვი-

თარებას. ყოველივე ეს აძლიერებდა საქონლის წარმოებასა და გაცვლას, ქმნიდა პირობებს ფეოდალიზმის რღვევისა და კაპიტალიზმის განვითარებისათვის.

რეფორმამდელ პერიოდში თბილისში სულ უფრო და უფრო იზრდებოდა ხელოსნური მრეწველობა. ხელოსნური წარმოების განვითარებისა და გაგრძელების ერთ-ერთ მნიშვნელოვან მაჩვენებელს წარმოადგენს ხელოსნების რიცხვის გადიდება, რაც მოცემულია № 1 ცხრილში.

როგორც ამ ცხრილიდან ჩანს, 1804 წელს ხელოსნების რაოდენობა თბილისში შეადგენდა ქალაქის მოსახლეობის 5,1%, 1845 წელს — 6,1%, 1854 წელს — 13,8%, ხოლო 1865 წელს — 7,9%.

ეს ციფრები ლაპარაკობს იმის შესახებ, რომ თბილისში რეფორმამდელ პერიოდში სწრაფად იზრდებოდა ხელოსნების რიცხვი, მისი ზრდა განსაკუთრებით შესამჩნევია 1845 — 1854 წლებში. პროცენტულად ხელოსნებას რიცხვის ზრდა მნიშვნელოვნად უსწრებდა წინ ქალაქის მოსახლეობის ზრდას. 61 წლის განმავლობაში (1804-დან 1865 წლამდე) ხელოსნების რიცხვი გაიზარდა 5,5-ჯერ, მაშინ, როდესაც მცხოვრებთა რიცხვი გადიდა მხოლოდ 3,5-ჯერ. 1865 წელს ხელოსნების რიცხვი 1804 წელთან შედარებით გაიზარდა 449,1%, 1835 წელთან შედარებით — 347,8%, 1845 წელთან — 174,9%, ხოლო 1854 წელთან შედარებით 17,0%.

ხელოსნების რიცხვის სწრაფი ზრდა თბილისში XIX საუკუნის პირველ ნახევარში აიხსნება იმით, რომ აღნიშნულ პერიოდში თბილისის ხელოსნური წარმოება არ ხვდებოდა სერიოზულ კონკურენციას და დაბრკოლებებს მრეწველობის სხვა, უფრო მაღალი, ფორმების მხრივ. რაც შეეხება სხვა ქვეყნებიდან შემოზიდულ საქონელს, იგი არც ისე დიდად ავიწროებდა ადგილობრივ ხელოსნურ წარმოებას. ამასთან ისიც უნდა აღინიშნოს, რომ ყირიმის ომის დროს იკლო უცხოეთიდან საქონლის შემოზიდვამ. ამან კი, თავის მხრივ, ხელი შეუწყო ხელოსნურ პროდუქტიაზე მოთხოვნილებების გადიდებას. ხელოსნების რიცხვი გაიზარდა აგრეთვე რუსეთიდან და სხვა ქვეყნებიდან მოსული ხელოსნების ხარჯზეც. წარმოიშვა და გაძლიერდა კონკურენცია ადგილობრივ და ჩამოსულ ხელოსნებს შორის.

¹ იხ. „Кавказский календарь“, Тифлис, 1850, გვ. 91—93.

² იქვე, გვ. 93.

³ ცხრილი შედგენილია ჩემს მიერ შემდეგი საარქივო და ოფიციალური წყაროების მიხედვით:

ა) ИГИА.И, ф. 1377, оп. 1, д. № 15, 1830, л.л. 12, 12 об.

ბ) იქვე, ф. 1268, оп. 68, д. № 949, 1815, л.л. 96, 97.


გ) იქვე, ф. 1268, оп. 1, д. № 744, 1813, л. 97.

დ) АСКАК, т. II, Тифлис, 1868; გვ. 1049.

ე) Обзорение российских владений за Кавказом, СПб., 1836, гл. 213, 214.

ვ) Кавказский календарь, Тифлис, 1854, гл. 208—209.

ზ) Сборник статистических сведений о Кавказе, т. IV, Тифлис, 1869, гл. 59—60.



გორის აბანო (ყოფილი ორბელანებისა)

შემდგომში ბრძოლა ამქრულ ხელოსნებსა და ამქრის გარეშე მყოფ, ე. ი. ჩამოსულ, ხელოსნებს შორის სულ უფრო მწკვავდებოდა და ღრმავდებოდა. ეს კი ხელს უწყობდა ამქრული ხელოსნობის დაშლას. მიუხედავად იმისა, რომ ადგილობრივი ხელოსნები გაერთიანებული იყვნენ სპეციალურ საზოგადოებებში, ე. წ. ამქრებში¹ და ჩამოსული ხელოსნების წინააღმდეგ გამოდიოდნენ ორგანიზებულად, მაინც გამარჯვება უკანასკნელებს რჩებოდათ. ამის მიზეზს წარმოადგენდა ის, რომ მათ მიერ დამზადებული პროდუქცია უფრო მეტად შეეფერებოდა საქალაქო ცხოვრების ახალ მოთხოვნებს, ვიდრე ადგილობრივი ხელოსნების პროდუქცია.

როდესაც ხელოსნების რიცხობრივ ზრდაზე ვლაპარაკობთ, მხედველობაში უნდა მივიღოთ ის გარემოებაც, რომ ზოგჯერ ხელოსნების რიცხვში შეკვავდათ წვრილი ვაჭრებიც², რითაც საგრძნობლად იზრდებოდა ხელოსნების რაოდენობა. ამიტომ, შესაძლოა, ხელოსნების რიცხვის დიდი ზრდა, რასაც ადგილი ჰქონდა 1854 წელს, ნაწილობრივ ამითაც აიხსნას. მაგრამ, მიუხედავად ამისა, თბილისში ხელოსნების რიცხვის სწრაფი ზრდა 1845—1854 წლებში უდავოდ ფაქტს წარმოადგენს.

ხელოსნობის უმარტივესი ფორმებისა და პატრიარქალური სარეწების გარდა, თბილისში ამდროს არსებობდა აგრეთვე შედარებით უფრო განვითარებული სამრეწველო საწარმოებიც, სადაც იყენებდნენ დაქირავებულ შრომას.

როგორც პირველადი წყაროები (საწარმოთა უწყისები) მოწმობენ, დაქირავებული შრომის გამოყენებას მიმართავდა აგრეთვე ზოგიერთი ქართველი ხელოსანიც³.

¹ ამქრული ორგანიზაციების, ე. ი. ცეხების რაოდენობა თბილისში 1864 წელს აღწევდა 64-მდე (იხ. П. Дункелс-Веллинг, Статистическое описание Тифлиса, 1865, გვ. 57).

² მაგალითად, 60-ან წლების ოფიციალურ მასალებში ნამდვილი ხელოსნების გვერდით დასახელებულია ე. წ. ხელოსანი—ყასბები (ремесленники—мясники). მათი რაოდენობა 110 კაცს შეადგენს და მნიშვნელოვნად აღიდეგს ხელოსნების საერთო რიცხვს (იხ. Сборник статистических сведений о Кавказе, т. I, Тифлис, 1869, გვ. 116—117). აქვე უნდა აღინიშნოს, რომ ყასბები სინამდვილეში წარმოადგენდნენ ვაჭრებს და არა ხელოსნებს.

³ ЦГИАЛ, ф. 1268, оп. 1, д. № 349, 1845, лл. 96, 97.

ხელოსნური ნაწარმის განსაზღვრული ნაწილი იყიდებოდა შინაურ ბაზარზე. ამის შესახებ ჩვენ მოგვეპოვება გარკვეული ცნობა, სადაც ნათქვამია:

„...Вся, как промышленная так и ремесленная производительность Тифлиса, по преимуществу составляет предмет торговли внутренней. В 1845 году в Тифлисе всех изделий вышло на сумму 145554 руб. сер.“¹ როგორც ვხედავთ აქ ლაპარაკია იმის შესახებ, რომ XIX საუკუნის 40-ან წლებში თბილისში საქმე გვაქვს არა მარტო უბრალო ხელოსნებთან, რომლებიც მომხმარებლის შეკვეთით მუშაობდნენ, არამედ ისეთ ხელოსნებთანაც, რომელთა პროდუქცია გამოდიოდა ბაზარზე. ხელოსანი აქ უკვე გადაქცეულია საქონლის მწარმოებლად. ამიერიდან პროდუქტთა წარმოება ბაზრისათვის, წინანდელ პერიოდთან შედარებით, იღებს უფრო რეგულარულ ხასიათს.

XIX საუკუნის პირველ მეოთხედში თბილისში ძირითადად გაბატონებულია ხელოსნობის პრიმიტიული ფორმები. ხელოსნები, როგორც აღვნიშნეთ, უმთავრესად მუშაობდნენ შეკვეთის შესასრულებლად. მაგრამ, ამასთან ერთად, წარმოების ზოგიერთ დარგში არსებობდა აგრეთვე ისეთი სახელოსნოებიც, რომლებიც იყენებდნენ დაქირავებულ მუშებს (1—2 კაცს) და საქონელს ბაზრისათვის ამზადებდნენ. ამის მაგალითს წარმოადგენს ჯერ კიდევ 1805 წელს თბილისში თავად სუმბათაშვილის მიერ მოწყობილი ტყავის „ქარხანა“. საფაბრიკო-საქარხნო უწყისის მიხედვით, 1841 წელს ამ საწარმოში მუშაობდა სულ 70 კაცი. ამათგან 25 ოსტატი, 25 ქარგალი, ხოლო 20 შავი მუშა. ამ საწარმოს წლიური პროდუქცია შეადგენდა 65 ათას მანეთს. აღნიშნულ საწარმოში წარმოების ორგანიზატორად გამოდიოდა მრავალ ოსტატთა კაპიტალი. ამიტომ დასახელებულ „ქარხანას“ ჰქონდა წვრილი ხელოსნური ფორმა. როგორც წყაროშია აღნიშნული, ოსტატები ტყავის გამოქნასა და გამოყვანას აწარმოებდნენ „თავიანთი ფულით“, ხოლო ქარგლები და შავი მუშები „დაქირავებული პყავდათ ოსტატებს“². ამგვარად, მუშებსა და ქარგლებს ქირაობდა არა თვით საწარმოს „მეპატრონე“ სუმბათაშვილი, არამედ ოსტატები, რომელთა

¹ Кавказский календарь, Тифлис, 1846, гв. 163.

² ЦГИА Гр. ССР, ф. 16, д. № 6351, 1841, л. 26.

³ იქვე, л. 26, 27.

რიცხვი მოცემულ საწარმოში, როგორც აღნიშნეთ, შეადგენდა 25 კაცს. ამ საწარმოში ვხვდებით როგორც ფეოდალური, ისე კაპიტალისტური ექსპლოატაციის ელემენტებს.

ოსტატობით გამოირჩეოდნენ საქურვის მკეთებელი თბილისელი ხელოსნები. მათ სახელი ჰქონდათ მოხვეჭილი რუსეთსა და სხვა ქვეყნებში. განსაკუთრებით ცნობილი იყო ძმები ელიზარაშვილების ოსტატობა ცივი იარაღის დასამზადებელი ფოლადის წარმოების საქმეში.

უნდა აღინიშნოს, რომ ხელოსნურ და შინამრეწველურ საწარმოებს გარდა, რეფორმამდელ თბილისში არსებობდა აგრეთვე ისეთი საწარმოებიც, რომლებსაც ჰქონდათ არა მხოლოდ კაპიტალისტური მარტივი კოოპერაციის ფორმა, არამედ მანუფაქტურის ფორმაც. ჩვენს მიერ გამოვლინებული ახალი საარქივო მასალები¹ აღბატურებენ ამ დებულებას. ასე მაგალითად, „ფაბრიკებისა“ და „ქარხნების“ უწყისების მიხედვით, XIX საუკუნის 30-ან და 40-ან წლების დასაწყისში თბილისში არსებობდა ქართველი ვაჭრის ზუბალაშვილის შაქრის „ქარხანა“ 50 მუშითა და 186 ათასი მანეთის პროდუქციით, ლ. მელიქოვის საპნის „ქარხანა“ 18 მუშითა და 5 ათასი მანეთის პროდუქციით, ზაქრიევის ქვაბების „ქარხანა“ 54 მუშით, ყორჩიბაშვიის საღებავების „ქარხანა“ 33 მუშით და სხვა. გარდა ზემოთ ჩამოთვლილი საწარმოებისა, კაპიტალისტური მანუფაქტურის ფორმა ჰქონდა ვაჭარ კასტელას აბრეშუმსახვევ „ფაბრიკას“, რომელიც დაარსებულ იქნა ჯერ კიდევ 1827 წელს თბილისში. დაქირავებული მუშების რაოდენობა ამ საწარმოში უდრიდა 30 კაცს. ეს საწარმო გაიხსნა იმ ვარაუდით, რომ მას აბრეშუმის ნართი მიეწოდებია მეტროპოლიის აბრეშუმსაქსოვი ფაბრიკებისათვის. 1837 წელს თბილისში არსებობდა სპირ-

ტის სახდელი საწარმო ორთქლის ძრავით. 1847 წელს აქვე ამუშავდა ვაჭარ ზეტცერის ავეჯის დამამზადებელი საწარმო, სადაც იყენებდნენ დაქირავებულ შრომას.

1850 წელს თბილისში დაიწყო მექანიკურ-სამსხმელო საწარმოს მშენებლობა. იგი ექსპლოატაციაში შევიდა 1852 წელს. ამ საწარმოს პროდუქცია 5675 მანეთიდან (1852 წ.) გაიზარდა 40 ათას მანეთამდე (1864 წ.) ე. ი. 12 წლის განმავლობაში გადიდებულ იქნა 7-ჯერ.

ცოტა უფრო ადრე თბილისშივე დაიწყო მუშაობა კორღანოვის თუჯის „ქარხანამ“. 1852 წელს თბილისში ამუშავდა ენფიანჯიანის თამბაქოს „ფაბრიკა“. ამავე წელს დაარსდა სასოფლო-სამეურნეო იარაღების დამამზადებელი მექანიკური საწარმოც.

1858 წელს თბილისში მუშაობა დაიწყო ბოზარჯიანცის თამბაქოს საწარმომ.

1863 წელს თბილისში იყო ბამბეულის დამამზადებელი საწარმო 24,5 ათასი მანეთის პროდუქციით. 1866 წელს ამ საწარმოში მუშაობდა 70 მუშა, გამომუშავებული პროდუქციის რაოდენობა კი შეადგენდა 71 ათას მანეთს¹.

1864 წელს თბილისში ორთქლის ძრავით მუშაობდა რაისის საღებავო საწარმო. გარდა ამისა, ჯერ კიდევ ბატონყმობის გადაფარდნამდე, როგორც თბილისში, ისე საქართველოს სხვა ქალაქებსა და ადგილებში სხვადასხვა ღრეს იქმნება სამრეწველო საწარმონი, რომლებშიაც ამკარად შეიმჩნევა კაპიტალისტურ ურთიერთობათა ჩასახვა-განვითარება.

ამრიგად, ჩვენს მიერ ზემოთ ჩამოთვლილი საწარმონი, რომლებიც აღმოცენდნენ რეფორმამდელ თბილისში, ემყარებოდნენ დაქირავებულ შრომას. მათი უმეტესობა წარმოების პროცესში შრომის დანაწილებასთან ერთად იყენებდა დაქირავებულ მუშების მნიშვნელოვან რაოდენობას (ერთ საწარმოში 15 კაცს და მეტს). ამიტომ ცხადია, რომ ამ საწარმოებს ჰქონდათ კაპიტალისტური მანუფაქტურის ფორმა.

მაგრამ, აქვე უნდა ითქვას, რომ აღნიშნულ პერიოდში მსხვილ კაპიტალისტურ საწარმოთა რიც-

¹ ЦГИА Груз. ССР, ф. 16, д. № 5543, 1838, л. 3. об. аგრეთვე д. № 5679, 1837, л. 125. д. № 6951, 1841, л. 26, ф. 17, д. № 486, 1840, л. 50. ЦГИАЛ, ф. 1281, оп. 4, д. № 110, 1843, л. 111, 112 и др. უნდა აღინიშნოს, რომ ლიტერატურული წყაროების მიხედვით, აღა-მაჰმად-ხანის შემოსევამდე, ე. ი. 1795 წლამდე, თბილისში არსებობდა ზარბაზნის მკეთებელი საწარმო, თოფის წამლის საწარმო, სტამბა, ზარაფხანა და სხვ., მაგრამ დღემდე არ მოიპოვება სათანადო საბუთები, რომელთა საფუძველზე შესაძლებელი იყოს ამ საწარმოებისა და ბუნების განსაზღვრა.

¹ იხ. Военно-статистический сборник, выпуск СПб, 1871, გვ. 890.

ხვი თბილისში შედარებით ძალზე მცირე იყო. ამ საწარმოთა უმეტესობა არ გაფართოებულა ფაბრიკის დონემდე, პირიქით, სრულიად შეწყვიტა თავისი არსებობა.

მამასადამე, მანუფაქტურული მრეწველობა თბილისში იმ დროს წარმოდგენილი იყო მხოლოდ მცირე ზომის ცალკეული საწარმოების სახით. სამრეწველო წარმოებაში გაბატონებულ მდგომარეობას ინარჩუნებდნენ წვრილი ხელოსნური და შინამრეწველური საწარმოები. ამქრული ორგანიზაციები მკაცრი რეგლამენტაციის მეტებით ყოველმხრივ უშლიდნენ ხელს მსხვილი კაპიტალისტური საწარმოების წარმოშობასა და განვითარებას. ამიტომ მანუფაქტურას რეფორმამდელ თბილისში არ შეეძლო აღმოცენებულიყო და არც აღმოცენებულა ამქრების შიგნით. მაგალითად, მიუხედავად იმისა, რომ სუმბათაშვილის ტყავის „ქარხანა“ თბილისში შეიქმნა ჯერ კიდევ 1805 წელს, იგი ვითარდებოდა მეტად ნელა და ინარჩუნებდა წვრილ საქონლურ ფორმას. ამ საწარმოს არ მოუხდენია გადასვლა არა თუ ფაბრიკაზე, არამედ მანუფაქტურაზეც კი.

¹ ზოგიერთი წყაროს მიხედვით 1865 წლისათვის თბილისში ითვლებოდა 135 „ფაბრიკა“ და „ქარხანა“. ამთგან 119 იყო კერძო „ქარხანა“, 15 კერძო „ფაბრიკა“, ხოლო 1 სახელმწიფო (სახაზინო) „ფაბრიკა“, 507 ათასი მანეთის პროდუქციით. (იხ. Н. Духель-Веллиш, Статистическое описание г. Тифлиса, Тифлис, 1866, გვ. 51—59).

აქვე უნდა აღინიშნოს, რომ ზემოთ მოტანილი ციფრები არ შეიძლება ჩაითვალოს მაშინდელი თბილისის ნამდვილი ფაბრიკებისა და ქარხნების რაოდენობის გამომხატველ ზუსტ ციფრად, ვინაიდან მასში დიდი რაოდენობით არის შესული წვრილი, არაფაბრიკული ხასიათის საწარმოებიც. საქმე ის არის, რომ მაშინ აღრიცხვის ორგანოებსა და ავტორებს არ ჰქონდათ სწორი მეცნიერული წარმოდგენა ფაბრიკისა და ქარხნის ცნების შესახებ. ამის შედეგად ფაბრიკის ცნებაში ისინი გულისხმობდნენ წვრილ ხელოსნურ სარეწებსაც. ამით ისინი ერთმანეთში ურეოდნენ მრეწველობის სხვადასხვა ფორმებს. ზემოთ დასახელებულ წყაროებშიაც ფაბრიკის ქვეშ ნაგულისხმევეა მცირე ზომის ხელოსნური საწარმოებიც, რომელთა პროდუქციაც ათას მანეთზე ნაკლებია. აქ ერთ ჯგუფშია მოთავსებული საღურგლო სარეწი, რომელსაც ორთქლის ძრავი ჰქონდა და სამეთუნეო სახელოსნო, რომლის წლიური პროდუქცია არ აღემატებოდა 500 მანეთს; ან კიდევ თუჯის სამსხველო საწარმო 40 ათასი მანეთის პროდუქციით და კრამიტის სარეწი 4 ათასი მანეთის პროდუქციით და სხვა.

მანუფაქტურული ხასიათის კაპიტალისტური საწარმო პირველად თბილისში გაჩნდა XIX საუკუნის 20-ან წლებში. კასტელას აბრეშუმსახვევ „ფაბრიკას“, რომელიც აგებულ იქნა თბილისთან ახლოს 1827 წელს, ჰქონდა მანუფაქტურული ფორმა. მაგრამ, მისი წარმოშობა არ ყოფილა ქვეყნის შინაგანი სამრეწველო განვითარების შედეგი. დასახელებული „ფაბრიკა“ უშუალოდ არ აღმოცენებულა ადგილობრივი წვრილი საქონლური წარმოებიდან. იგი აშენებულ იქნა საფრანგეთიდან მოსული ვაჭრის კასტელას მიერ.

მართალია, ჯერ კიდევ რეფორმამდელ პერიოდში თბილისში ადგილობრივ ნიადაგზე აღმოცენდა კაპიტალისტური ტიპის რამდენიმე საწარმო, მაგრამ ამ საწარმოთა მფლობელებს წარმოადგენდნენ არა ხელოსნები, არამედ ვაჭრები. წვრილ საქონლის მწარმოებლებს — ხელოსნებსა და შინამრეწველებს თბილისში არ გაუვლიათ და არც შეეძლოთ გაეცლოთ თანმიმდევრულად მრეწველობის ყველა ფორმები და საფეხურები, როგორც ეს მოხდა, მაგალითად, რუსეთში. საწარმოთა ორგანიზატორებად თბილისში გვევლინებიან ადგილობრივი,

იქვე წყაროს მიხედვით, 1865 წელს თბილისში არსებობდა 18 სხვადასხვა სახის სამრეწველო საწარმო შემდეგი პროდუქციით: საკუთხავი და კარტონის სარეწი 1, 12 ათასი მანეთის პროდუქციით; თუჯის სამსხველო 1, 40 ათასი მანეთის პროდუქციით; საღურგლო საწარმო ორთქლის ძრავით — 1, 15 ათასი მანეთის პროდუქციით; სპილენძის ქუჩქულულის 1, 4500 მანეთის პროდუქციით; ბამბულის 1, 24500 მანეთის პროდუქციით; მანქანით მოქმედი პურის საცხობი 1, 3 ათასი მანეთის პროდუქციით; ლუდის სახდელი — 4, 3 ათასი მანეთის პროდუქციით; სანთლის 2, 2 ათასი მანეთის პროდუქციით; სახეჩხი 19, 27 ათასი მანეთის პროდუქციით, საზეინკო 1, 11 ათასი მანეთის პროდუქციით; ტყავის — 10, 68 ათასი მანეთის პროდუქციით; სანის — 8, 17 ათასი მანეთის პროდუქციით; სამეთუნეო სახელოსნო 5, 2 ათასი მანეთის პროდუქციით; აგურის — 60, 228 ათასი მან. პროდუქციით; კრამიტის 11, 11 ათასი მანეთის პროდუქციით; კირის 1 ათასი მანეთის პროდუქციით; თამბაქოს 7, 21 ათასი მანეთის პროდუქციით და ეტლის (საკარტო) 4, 17 ათასი მანეთის პროდუქციით (საწარმოთა რიცხვი გამოყოფილია მძიმით).

ასეთი იყო სამრეწველო საწარმოთა სტრუქტურა და მოცულობა მაშინდელ თბილისში. ზემოთ მოტანილ ციფრებიდან ჩანს, რომ საწარმოთა შორის ყველაზე დიდი ზვედრიით. წონა აგურის სარეწებს ეჭირათ.

ან სხვა ქვეყნებიდან ჩამოსული ვაჭრები, რომლებიც სავაჭრო ოპერაციების შესრულებასთან ერთად ხანადნენ სამრეწველო საწარმოებს და გასაყიდ ნაწარმს ამზადებდნენ. როგორც აღნიშნული იყო, მანუფაქტურული ტიპის კაპიტალისტური საწარმოები მაშინდელ თბილისში არ ატარებდა მასობრივ ხასიათს. მათ არ ჰქონდათ შესამჩნევი როლი ქვეყნის სამრეწველო ცხოვრებაში. არსებულ კაპიტალისტურ საწარმოებიდან საწარმოთა მხოლოდ უმნიშვნელო რაოდენობა ასრულებდა კვლავწარმოების პროცესს. მსხვილ მანუფაქტურულ საწარმოთა რიცხვი ისე მცირე იყო, რომ მას აღნიშნულ პერიოდში არ წარმოუქმნია კაპიტალისტური წყობა მრეწველობაში. რეფორმამდელ ხანაში, ბატონყმურ ურთიერთობათა ჰეგემონიისა და ქვეყნის საერთო ეკონომიური ჩამორჩენილობის პირობებში საქონლურ წარმოებას თბილისში არ მიუღია ფართო განვითარება. მას არ მიუღწევია ისეთი დონისათვის, რომ შესაძლებელი გამხდარიყო მისი გადაქცევა კაპიტალისტურ წარმოებად. მაშინ თბილისში არ იყო საკმაო რაოდენობის კაპიტალი, რაც აუცილებელი პირობაა კაპიტალისტური წარმოების წარმოშობისა და განვითარებისათვის. ამასთან აღსანიშნავია ის გარემოებაც, რომ სავაჭრო და სავაზმო კაპიტალი ძირითადად რჩებოდა ვაჭრობისა და მევახშეობის სფეროში; იგი ნაკლებად ეტანებოდა მატერიალური წარმოების პროცესს. სავაჭრო და სავაზმო კაპიტალის დამოუკიდებელი განვითარება, რასაც ადგილი ჰქონდა საქართველოში, უარყოფით გავლენას ახდენდა სამრეწველო საწარმოთა გაჩენასა და ზრდაზე. კაპიტალისტურ მანუფაქტურას განვითარებისა და გავრცელებისათვის არ გააჩნდა, აგრეთვე, საკმაო რაოდენობით დაქირავებული მუშახელი. იმ პირთა რიცხვი, რომლებიც მთლიანად იყვნენ მოწყვეტილი საწარმოო საშუალებებისაგან და ყიდდნენ თავიანთ სამუშაო ძალას, მეტად მცირე იყო. არ არსებობდა სამუშაო ძალის თავისუფალი გაყიდვა, ამიტომ რეფორმამდელი მრეწველობა უმთავრესად ბატონყმურ შრომას ემყარებოდა. თავისუფალი მუშახელის ნაკლებობის გამო ზოგიერთი საწარმო არა თუ არ ვითარდებოდა, არამედ, პირიქით, ძლიერ სწრაფად ისობოდა კიდევ. მაგალითად, კასტელას აბრეშუმსახვევი „ფაბრიკის“ დახურვის ერთ-ერთი მთავარი

მიზეზი იყო თავისუფალი დაქირავებული მუშახელის ნაკლებობა.

ზემოაღნიშნული მიზეზების გარდა, მსხვილი კაპიტალისტური მრეწველობის წარმოშობასა და განვითარებას მეტად აბრკოლებდა მეფის მთავრობის კოლონიური პოლიტიკა. ამ პოლიტიკის ხულისჩამდგმელებს არ მიაჩნდათ საქართველოსა და საერთოდ სხვა განაპირა მხარეებში ფაბრიკა-ქარხნების ამუშავება¹ და ამაზე სახსრების გაღება. ყოველივე ამის შედეგად საქართველო ხანგრძლივი დროის განმავლობაში ვერ გამოვიდა დამოუკიდებელი ეკონომიური განვითარების გზაზე.

ამგვარად, რეფორმამდელ პერიოდში მრეწველობა თბილისსა და საქართველოს სხვა ქალაქებსა და რაიონებში მეტად ჩამორჩენილი იყო, მაგრამ მიუხედავად ამისა, სრულ უძრაობასა და უცვლელობას მაინც არ ჰქონია ადგილი. ამას მოწმობენ ქვემოთ მოყვანილი ციფრები (იხ. ცხრ. № 2)².

როგორც ვხედავთ, თუ 1843 წ. თბილისში 56 სამრეწველო საწარმო იყო 111 ათასი მანეთის პროდუქციით, საწარმოთა რიცხვმა 1864 წლისათვის 196-მდე მიაღწია, 602 ათასი მანეთის პროდუქციით, ხოლო 1866 წლისათვის 217-მდე, 660 ათასი მანეთის პროდუქციით. მაშასადამე, 1864 წელს სამრეწველო საწარმოთა რიცხვი 1843 წელთან შედარებით გაიზარდა სამჯერ და უფრო მე-

¹ ავ მხრივ დამახასიათებელს წარმოადგენს ბარონ ვანის მიერ ხელმოწერილი დოკუმენტი, წარმოდგენილი იმპერატორის სახელზე. მასში მოცემულია მეფის მთავრობის კოლონიური პოლიტიკის ძირითადი პრინციპები და არსი, აქ ნათქვამია: „В воспитании закавказцев, народа, еще много в гражданском быту, не нужно сжачков, не нужно тут университетов, ни фабрик, ни заведений много стоящих. Нужны коммерческие пути для сблизения края с отечеством Россией, для сбыта тем сырых произведений и получения взамен того илеллнй мануфактурных“ (იხ. ЦГИАЛ, ფ. 1268, оп. 1, д. № 150, 1841, л. 8, 75, 76).

² ცხრილი შედგენილია ჩემ მიერ შემდეგი საარქივო წყაროების მიხედვით:

ა) ЦГИАЛ, ფ. 1281, оп. 4, д. № 110, 1843, лл. 111, 112.

ბ) Кавказский календарь, Тифлис, 1846, стр. 163, 164.

გ) ЦГИАЛ, ფ. 1268, оп. 8, д. № 21, 1851, л. 114.

დ) იქვე, ფ. 1268, оп. 10, № 228, 1860, л. 118.

ე) ЦГИА Груз. ССР, ფ. 414, д. № 10, 1864, л. 15.

ვ) იქვე, ფ. 26, д. № 3465, 1866, л. 111.

(იხ. აგრეთვე სათანადო წლების სხვა უწყისებები).

სამრეწველო საწარმოებისა და მათი პროდუქციის ზრდის დინამიკა დამამუშავებელ მრეწველობაში თბილისში 1843 წლიდან 1866 წლამდე

წლები	სამრეწველო საწარმოთა რიცხვი	გამომშენებელი პროდუქციის (ათას მანეთებში)	წარმოების ჯამი ერთ საწარმოში სამუდლოდ
1843	56	111	1,9
1845	68	145	2,1
1851	102	108	1,0
1858	72	311	4,3
1860	90	262	2,9
1861	117	251	2,1
1862	116	528	4,5
1863	137	448	3,2
1864	196	602	3,0
1865	213	632	2,9
1866	217	660	3,0

ტად, ხოლო პროდუქცია ხუთჯერ და უფრო მეტად. 1866 წელს კი როგორც საწარმოთა რიცხვის მხრივ, ისე გამოშვებული პროდუქციის მოცულობის მხრივაც, კიდევ უფრო მეტ ზრდასთან გვაქვს საქმე.

უნდა ითქვას, რომ ქალაქ თბილისის საქართველოს მრეწველობაში დიდი ხედვითი წონა ჰქონდა. ასე მაგალითად, ჩვენი გამოანგარიშების მიხედვით, რეფორმის წინ, ე. ი. 1863 წელს, თბილისის წილად მოდიოდა საქართველოს სამრეწველო საწარმოთა 32% და მთელი სამრეწველო პროდუქციის 67%.

რეფორმამდელ პერიოდში თბილისის სამრეწველო საწარმოთა შორის, როგორც უკვე იყო აღნიშნული, დიდი ადგილი ეკირა აგურის საარეწებს. საქალაქო ცხოვრების ზრდასა და გაფართოებასთან დაკავშირებით მრეწველობის ეს დარგი სწრაფად იზრდებოდა. ასე მაგალითად, პირველადი წყაროების მიხედვით, თუკი 1858 წელს თბილისში აგურის 48 დამამზადებელი წვრილი საწარმო იყო, 58 ათასი მანეთის პროდუქციით¹, 1864 წლისათვის მათ რიცხვმა 93-მდე მიაღწია, 372 ათასი მანეთის პროდუქციით². როგორც ვხედავთ, ექვსი

წლის განმავლობაში აგურის საწარმოთა რიცხვი გაიზარდა თითქმის ორჯერ, ხოლო პროდუქცია ექვსჯერ და კიდევ უფრო მეტად. აგურის საარეწებში ადგილი ჰქონდა წარმოების კონცენტრაციის მნიშვნელოვან ზრდას. ასე მაგალითად, თუ 1858 წელს ერთ საწარმოზე მოდიოდა 1210 მანეთის პროდუქცია, 1864 წლისათვის იგი გაიზარდა 4 ათას მანეთამდე, ე. ი. გადიოდა სამჯერ და უფრო მეტად. მაგრამ, მიუხედავად ამისა, როგორც აღნიშნული საწარმოების, ისე სხვა საარეწების პროდუქციის მოცულობა მეტად მცირე იყო. ცხრილში ჩამოთვლილი საარეწები უმთავრესად წვრილი მრეწველობის საწარმოებს წარმოადგენდა.

ზემოთ თქმულის საფუძველზე მივიღივართ იმ დასკვნამდე, რომ რეფორმამდელ პერიოდში თბილისში ნელა, მაგრამ მაინც, ვითარდებოდა საქონლური წარმოება და საქონლური მიმოქცევა; ამით იქმნებოდა ზოგიერთი საერთო პირობა კაპიტალისტური წარმოების წარმოშობისათვის. ძირითადად ეს გამოიხატებოდა ფულადი კაპიტალის დაგროვებაში, გასაღების ბაზრის ზრდასა და კაპიტალისტური ტიპის ცალკეულ საწარმოთა შექმნაში. აღნიშნულ პერიოდში გაჩნდა გარკვეული ნიშნები ნატურალური მეურნეობის დაშლისათვის. წარმოების ცალკეულ დარგებში უკვე შესამჩნევი გახდა კაპიტალისტურ ურთიერთობათა ჩასახვა.

რეფორმის შემდეგ გაფართოვდა ფეოდალიზმის რღვევისა და კაპიტალიზმის წარმოშობის ინტენსიური პროცესი. ამ პერიოდში იწყება პროდუქციის სულ უფრო მეტი რაოდენობით დამზადება ბაზრისათვის; სამუშაო ძალაც მასიური მასშტაბით იქცევა საქონლად.



ფეოდალიზმის დაშლისა და კაპიტალიზმის აღმოცენების პროცესში მნიშვნელოვანი როლი შეასრულა გლეხთა რეფორმამ, რომელიც გატარდა საქართველოში ძირითადად 1864 — 1866 წლებში.

რეფორმამ გაათავისუფლა გლეხი მემამულის პირადი დამოკიდებულებისაგან და მოსპო ბატონყმური ურთიერთობა. ყმა-გლეხი გადაიქცა თავისი სამუშაო ძალის მესაკუთრედ. ამით მოსპობილ

¹ ЦГНАИ, ф. 1268, оп. 10, л. № 170, 1858, л. 68.

² ЦГНА Груз. ССР, ф. 414, д. № 10, 1864, л. 15.

უნდა აღინიშნოს, რომ კავკასიის კალენდარში გამოქვეყნებული ცნობების მიხედვით 1864 წელს თბილისში ითვლებოდა აგურის 60 წვრილი საწარმო, 228 ათასი მანეთის პროდუქციით (იხ. „Кавказский календарь“, Тифлис, 1864, გვ.

58). მაგრამ, ვფიქრობთ, რომ საარქივო მასალებიდან ჩვენ მიერ მოტანილი ციფრები 1864 წლისათვის თბილისში აგურის საწარმოთა რაოდენობისა და მათი პროდუქციის მოცულობის შესახებ შედარებით უფრო ზუსტი უნდა იყოს, ვიდრე კავკასიის კალენდარში გამოქვეყნებული ციფრები.

იქნა სერიოზული შეზღუდვა სამუშაო ძალის, როგორც საქონლის, გაყიდვაში.

რეფორმის შედეგად მემამულეებმა ქართველ გლეხებს წაართვეს საუკეთესო მიწის ნაპრები. გლეხობის მცირე მიწიანობისა და გლეხობის ერთი ნაწილის სრული უძიწობის შედეგად სამუშაო ძალამ სულ უფრო და უფრო მიიღო საქონლური ფორმა. ამგვარად, რეფორმამ გზა გაუხსნა სამუშაო ძალის საქონლად გადაქცევას. ამით დაჩქარდა ფეოდალიზმის დაშლისა და კაპიტალიზმის აღმოცენების პროცესი. წერილი შწარმოებლის პროლეტარიზაციას აღიერიებდა აგრეთვე სავაჭრო და სავაზრო კაპიტალის შეუზღუდავი მოქმედება საქართველოს სოფლებში. ვაჭრები და მევახშეები სხვადასხვა გზებით ხელში იგდებდნენ დიდ ქონებას, რასაც შემდგომში ყიდდნენ და მსხვილ ფულად კაპიტალად აქცევდნენ.

უმიწობა, დიდი გადასახადები, სავაჭრო და სავაზრო კაპიტალის მიერ უხვეში ექსპლოატაცია და ა. შ. აღიერიებდა გლეხთა მასების გალატაკებას, ამის შედეგად გლეხები იძულებული იყვნენ დაეტოვებინათ თავიანთი სოფლები და სამუშაოს საძებრად წასულიყვნენ ქალაქად. ამ პროცესს ხელს უწყობდა და აჩქარებდა რკინიგზების გაყვანა და მიმოსვლის გაადვილება.

ამგვარად, რეფორმის შემდეგ, თავისუფალი სამუშაო ძალის გაჩენისა და ექსპლოატატორთა ხელში მსხვილი ფულადი სახსრების დაგროვების შედეგად შეიქმნა საქართველოში, კერძოდ, თბილისში კაპიტალისტური წარმოების აღმოცენებისა და განვითარების ძირითადი პირობები.

ფეოდალიზმის დაშლა საქართველოში ფართო ხასიათს იღებს XIX საუკუნის 70-ანი წლებიდან, რაც დაკავშირებული იყო ქვეყნის ეკონომიური ცხოვრების გაძლიერებასთან, რაც, თავის მხრივ, რკინიგზების გაყვანითა და მთელი რიგი სხვა მომენტებით იყო განპირობებული.

როგორც ცნობილია, 1872 წელს გაიხსნა რკინიგზა ფოთიდან თბილისამდე, რომელმაც მკიდროდ დააკავშირა დასავლეთი და აღმოსავლეთი საქართველო.

ფოთი — თბილისის რკინიგზამ დიდი როლი შეასრულა ქვეყნის ფეოდალური დაქუცმაცებულობის მოსპობის საქმეში. ის გახდა ერთ-ერთი მთავარი ფაქტორი სამრეწველო კაპიტალიზმის წარ-

მოშობისა საქართველოში, პირველ რიგში კი თბილისში. კაპიტალისტური მსხვილი საფაბრიკო-საქარხნო მრეწველობა თბილისში აღმოცენებას იწყებს XIX საუკუნის 70-ანი წლებიდან. 1870 წლის ბოლოს თბილისში ამუშავდა ადგილობრივი კაპიტალისტის მირზოევის საკმაოდ დიდი ბამბეულის ფაბრიკა, 450 მუშითა და 400 ათასი მანეთის პროდუქციით; ამავე წელს საფუძველი ჩაეყარა რუქის მექანიკურ ქარხანას, 1875 წელს მუშაობა დაიწყო ადელხანოვის ტყავის ქარხანამ და ა. შ.

თბილისის მრეწველობაში კაპიტალიზმის კიდევ უფრო სწრაფ და ძლიერ განვითარებას ხელი შეუწყო 1883 წელს ბაქო—თბილისის და ბათუმს შორის რკინიგზის ამუშავებამ.

ამ გზისა და ბაქო—როსტოვის რკინიგზის ხაზის გახსნის შემდეგ შრომის საზოგადოებრივმა და ტერიტორიულმა დანაწილებამ საქართველოში მიიღო ფართო ხასიათი. რკინიგზამ დაამყარა საქართველოსა და რუსეთს შორის უფრო რეგულარული ეკონომიური კავშირი და მოსპო საქართველოს წინანდელი სამეურნეო კარჩაკეტილობა. საქართველოსა და ამიერკავკასიის რკინიგზების რუსეთის რკინიგზის საერთო ქსელში ჩართვის შემდეგ რუსეთის კაპიტალიზმის გავლენა საქართველოს ეკონომიკაზე კოლოსალურად გაძლიერდა.

რეფორმის შემდგომ პერიოდში რუსეთის კაპიტალიზმმა საქართველოს ეკონომიკა ჩაითრია არა მარტო საერთო რუსეთის ბაზრის სფეროში, არამედ აგრეთვე „საქონლის მსოფლიო ბრუნვაშიც“¹.

რუსეთის ბაზრის გაზრდილ მოთხოვნილებათა და, საერთოდ, რუსეთის ეკონომიკის საქიროებათა დაკმაყოფილება იყო ერთ-ერთი ძირითადი მიზეზი, რამაც განაპირობა საქართველოსა და ამიერკავკასიაში რკინიგზების გაყვანა.

რკინიგზების სწრაფი მშენებლობა და უკვე გაყვანილი ხაზების ექსპლოატაცია, აღიდებდა მოთხოვნას, ერთის მხრივ, სამუშაო ძალაზე, ხოლო მეორეს მხრივ, მეტალურგიულ, მანქანათმშენებლობის, სათბობის და აგრეთვე წარმოების სხვა დარგების პროდუქციაზე. ამის შედეგად მნიშვნელოვნად გაფართოვდა სამუშაო ძალის შინაგანი ბაზარი, გაიხსნა მექანიკური, თუჯსამსხმელო, ხეტყის სახერხი საწარმოები და სხვ.

¹ გ. ა. ლენინი, თხზ., ტ. 3, გვ. 704.

რკინიგზისათვის საჭირო იყო საკუთარი მექანიკური და სარემონტო ბაზის შექმნა. ამასთან დაკავშირებით 1883 წელს თბილისში გაიხსნა მსხვილი სამრეწველო საწარმო ამიერკავკასიის რკინიგზების მთავარი სახელოსნოების სახელწოდებით. ამ საწარმოს 80-ანი წლების ბოლომდე ჰქონდა მანუფაქტურის ფორმა. 90-ან წლებში იგი უკვე ფაბრიკად გადაიქცა. 1888 წელს ამ საწარმოში ითვლებოდა ათასამდე მუშა, 1900 წელს მუშების რიცხვმა მიაღწია 2 265-მდე, ხოლო 1909 წლისათვის 3 500 კაცამდე გაიზარდა. ამგვარად, მუშების რიცხვი აღნიშნულ საწარმოში 21 წლის განმავლობაში გაიზარდა 3,5-ჯერ. ბევრი მუშის თავმოყრა ამ საწარმოში ქმნიდა ფართო პირობას თბილისის მუშებს შორის პოლიტიკური მუშაობის გაშლისათვის. უნდა აღინიშნოს, რომ საქართველოს სამრეწველო პროლეტარიატის პირველი მნიშვნელოვანი რაზმი ჩამოყალიბდა ამიერკავკასიის რკინიგზის თბილისის მთავარ სახელოსნოებში. აქ, უფრო ადრე, ვიდრე თბილისის სხვა სამრეწველო საწარმოებში, დაიწყო მძლავრი რევოლუციური გამოსვლები თვითმპყრობელობისა და ბურჟუაზიის წინააღმდეგ.

ამგვარად, რკინიგზის მთავარი სახელოსნოები წარმოადგენს უძველესს და ყველაზე უდიდესს საწარმოს თბილისში, რომელსაც სახელოვანი საბრძოლო რევოლუციური ტრადიციები აქვს.

საქართველოში საბჭოთა ხელისუფლების დამყარების შემდეგ ეს საწარმო გადაკეთდა თბილისის ი. ბ. სტალინის სახელობის ორთქლმავალვაგონშემკეთებელ ქარხნად. მიმდინარე წლის მასში აღნიშნულ ქარხანას შეუსრულდა 75 წელი. რევოლუციური წარსულისა და რკინიგზის ტრანსპორტის განვითარების საქმეში დიდი დამსახურებისათვის ეს ქარხანა დაჯილდოვებულ იქნა საქართველოს სსრ უმაღლესი საბჭოს საპატიო სიგელით.

რკინიგზამ მძლავრი ბიძგი მისცა მრეწველობის არა მარტო ახალი, არამედ ძველი დარგების განვითარებასაც. მრეწველობის განვითარებასთან ერთად გაიზარდა ვაჭრობაც. ასე მაგალითად, თუ 1851 წელს მთელ თბილისის გუბერნიაში სავაჭრო

ბრუნვა შეადგენდა 6 მილიონ მანეთს¹, 1885 წლისათვის მხოლოდ თბილისში საერთო სავაჭრო ბრუნვამ მიაღწია 30 მილიონ მანეთამდე², ე. ი. გადიდა ხუთჯერ.

ვაჭრობა-მრეწველობის განვითარებასთან და საქალაქო ცხოვრების ზრდასთან დაკავშირებით იზრდება ქალაქის მოსახლეობაც. ასე მაგალითად, 32 წლის განმავლობაში (1865-დან 1897 წლამდე) მოსახლეობა თბილისში გაიზარდა დაახლოებით 2,3-ჯერ.

ფოთი—თბილისის რკინიგზის გაყვანის შემდეგ წარმოების ზოგიერთ დარგში ადგილობრივი სავაჭრო კაპიტალი სწრაფად გადაიქცა სამრეწველო კაპიტალად. ამის შედეგად, როგორც ზემოთ აღვნიშნეთ, XIX საუკუნის 70-ან წლებში თბილისში გაჩნდა პირველი კაპიტალისტური მსხვილი ფაბრიკები და ქარხნები. ამის შედეგად მრეწველობის შესაბამის დარგებში სულ უფრო ფართოდ გავრცელდა ამქრული ხელოსნობისა და პატრიარქალურ საწარმოთა დაშლა. ეს პროცესი მნიშვნელოვნად ძლიერდება 80-ან წლებში. მაგალითად, ავილოთ ქეჩის წარმოება. ამ დარგში შინამრეწველური სარეწების სახით დიდხანს ბატონობდა წერილი წარმოება, რომელიც ემყარებოდა ხელის ტექნიკას. 1889 წელს თბილისში გაიხსნა ადელხანოვის ქეჩის ფაბრიკა. იქ წარმოების პროცესში გამოყენებულ იქნა ორთქლის მანქანა. ამის შედეგად საქართველოს ბევრ ადგილებში შევიწროვდა და დაეცა ქეჩის შინამრეწველური და კუსტარული წარმოება. როგორც წყაროებშია აღნიშნული, „Фабричное производство войлока почти ушло в губернии (ე. ი. თბილისის გუბერნიაში—გ. ბ.) кустарным промыслом“³.

1889 წელს ადელხანოვის ქეჩის ფაბრიკას ჰქონდა 15-ძალიანი 1 ორთქლის ძრავი და 2 ორთქლის ქვაბი. ამ დროისათვის ფაბრიკაში მუშაობდა 137 მუშა, გამოშვებული პროდუქციის რაოდენობა შეადგენდა 220 ათას მანეთს. შემდგომში ეს ფაბრიკა მნიშვნელოვნად გაფართოვდა. 1902 წლისათვის მას უკვე ჰქონდა 4 ორთქლის ძრავი 215 ძალით და 4 ორთქლის ქვაბი. ფაბრიკას ჰქონდა აგრეთვე 2 დინამო-მანქანა. წარმოების პროცესში ის იყე-

¹ С. Гулишамбаров, Обзор фабрик и заводов Тифлисской губернии, 1888, стр. 186.

² შარქისიმ-დენინიზმის ინსტიტუტის საქართველოს ფილიალის არქივი, ფ. 31, დ. № 153, л. 82.

¹ ЦГИАЛ, ф. 1269, оп. 8, л. № 21, 1851, л. 37.

² ЦГИА Гр. ССР, ф. 12, л. № 516, 1835, л. 25.

³ ЦГИАЛ, ф. 29, оп. 17, л. № 738, 1900, л. 64.

ნებდა ელექტროენერჯიას. ამ წლისათვის ფაბრიკაში ითვლებოდა 130 მუშა, ხოლო წარმოების ჯამი 371 ათას მანეთს აღწევდა¹.

როგორც ვხედავთ, აღნიშნულ ფაბრიკაში მუშების რიცხვი შემცირდა, მაგრამ წარმოების მამოძრავებელი ძალა 13 წლის განმავლობაში (1889 — 1902 წწ.) 14-ჯერ და უფრო მეტად გადიოდა. წარმოების ჯამი გაიზარდა 68,6%-ით. 80-ანი წლების ბოლოს წარმოების ჯამი საშუალოდ 1 მუშაზე შეადგენდა 1,6 ათას მანეთს, 1902 წელს კი ის აღწევდა 2,8 ათას მანეთს. მექანიზაციის შედეგად აღნიშნულ ფაბრიკაში შრომის ნაყოფიერება გაიზარდა თითქმის ორჯერ.

გარდა ქეჩის შინამრეწველური საწარმოსი, როგორც თბილისში, ისე საქართველოს სხვა ქალაქებში სულ უფრო და უფრო სუსტდებოდა აზიური ტანსაცმლისა და ფეხსაცმლის², სანთლის, საპნის, აგურის და ოქრომკედით მქარგველისა³ და სხვა დარგების წვილი ხელოსნური და კუსტარული საწარმოებიც. ეცემოდა აგრეთვე ადგილობრივი

¹ იხ. „Перечень фабрик и заводов“, СПб, 1897. იხ. აგრეთვე ЦГИА.Л, ф. 22, оп. 2, д. № 926, 1902, лл. 77, 80.

² ამას ადასტურებს ბევრი საარქივო და სამუხუუმო მასალა; მაგალითად: „По отделу Тифлисской ремесленной управы, в отчетном году (г. о. 1885 წ.—გ. ბ.) замечен был упадок в производстве некоторых ремесел, преимущественно портняжного и сапожного, причину чего следует искать в уменьшении спроса на местные изделия этого рода, так как московские, одесские и варшавские мастерские снабжают Тифлис громадным количеством своих изделий, которые по достоинству и дешевизне находят здесь значительный сбыт“ (იხ. ЦГИА Груз. ССР, ф. 12, оп 1, д. № 516, 1835, лл. 23, 24).

³ როგორც ცნობილია, ვერცხლისა და ოქრომკედლით მქარგველობა განვითარებული იყო ქ. ახალციხეში. ახალციხის ხელოსნების ნაწარმი პოულობდა ფართო გასაღებას როგორც ამიერკავკასიაში, ისე რუსეთსა და საზღვარგარეთაც კი. მაგრამ ხემოთ დასახლებული ნაწარმის ფაბრიკული წარმოება აღმოცენდა რუსეთში. შემდეგ დაიწყო მისი შემოზიდვა იქედან საქართველოსა და ამიერკავკასიაში. როგორც წყაროებშია აღნიშნული: „Не только в Тифлисе, но даже в самом Ахалцихе нередко можно встретить в продаже ажурную серебряную вещьцу московского приготовления“ (იხ. Сборник материалов для описания местностей и племен Кавказа. Выпуск одиннадцатый. Тифлис, 1891, გვ. 211). რუსული ფაბრიკული ნაწარმის კონკურენციის შედეგად დაიწყო აღნიშნული ხელოსნობის დაცემა ახალციხეში. ხელოსნები, რომლებმაც ვერ გაუძლეს შემოზიდული ფაბ-

რიკის, ე. წ. „ხამი“-ს⁴ შინამრეწველური წარმოება, რომელიც წინათ ფართოდ იყო გავრცელებული საქართველოში.

ამგვარად, ძველ ფეოდალურ საწარმოთა დაცემის ერთ-ერთ მთავარ მიზეზს წარმოადგენდა კაპიტალისტური საფაბრიკო მრეწველობის აღმოცენება და განვითარება თვით საქართველოშივე. მაგრამ მრეწველობის ახალი ფორმები საქართველოში, კერძოდ თბილისში, არ იყო ისე განვითარებული, რომ მათ შეძლებოდათ თავიანთი საქონლის მასით გამანადგურებელი დარტყმა მიეყენებიათ ხელოსნური წარმოებისა და მისი ორგანიზაციისათვის ყველა დარგში. ამიტომ წარმოების ბევრ დარგში მრეწველობის პრიმიტიული ფორმების დაშლის პროცესში წამყვან და გადამწყვეტ როლს ასრულებდა რუსეთიდან და აგრეთვე სხვა ქვეყნებიდანაც დიდი რაოდენობით შემოზიდული ფაბრიკული საქონლის სულ უფრო მზარდი კონკურენცია. ამ პროცესს თავის გენიალურ ნაშრომში „კაპიტალიზმის განვითარება რუსეთში“ ვ. ი. ლენინი შემდეგნაირად ახასიათებს: „...თანდათან იღვენებოდა ადგილობრივი საუკუნეობრივი „შინამრეწველური“ სარეწები, რომლებიც ეცემოდნენ მოსკოვიდან შემოტანილი ფაბრიკატების კონკურენციის გამო. ეცემოდა იარაღის ძველებური წარმოება ტულიდან და ბელგიიდან შემოტანილ ნაწარმთა კონკურენციის გამო, ეცემოდა რკი-

რიკული საქონლის კონკურენციას, იძულებული იყვნენ მიეტოვებიათ ახალციხეში აღნიშნული დარგის წარმოება და წაუღიყვნენ სხვაგან სამუშაოს საძებნელად. როგორც მასალებიდან სჩანს ისინი „Переселились в другие города, главным образом в Тифлис и Ростов на Дону“ (იხ. დასახლებული წყარო, გვ. 210—211); ეკონომიურად განადგურებული ხელოსნებისაგან, თავის მხრივ, თბილისის ფაბრიკული მრეწველობა ღებულობდა კვალიფიციურ მუშახელს. ხელოსნების ნაწილი, რომელმაც დასტოვა თავისი მშობლიური ქალაქი და თავისი სარეწი, ეწყობოდა ფაბრიკაში სამუშაოდ და ამგვარად იქცეოდა დაქირავებულ მუშად, ნაწილი კი ცდილობდა განეგრძო თავისი ხელობა ახალ ადგილას.

⁴ ამ საკითხთან დაკავშირებით პირველად წყაროებში ჩვენ შეგვხვდა ვითხულობთ: „Пронизано это (г. о. „ხამის“ წარმოება—გ. ბ.) в настоящее время совершенно пало, так как с проведением Потн—Тифлисской железной дороги мануфактурные производства, привозимые из России, стали продаваться значительно дешевле против ирженего“ (იხ. „Сборник материалов для описания местностей и племен Кавказа“, выпуск 11-й, Тифлис, 1891, გვ. 228).



რკინიგზის ტრანსპორტის საინჟინრო ინსტიტუტი

ნის შინამრეწველური დამუშავება შემოტანილი რუსული პროდუქტის კონსერვაციის გამო, აგრეთვე სპილენძის, ოქრო-ვერცხლის, თიხის, ქონისა და სოდის, ტყავის და სხვ. შინამრეწველური დამუშავება; ყველა ეს პროდუქტი უფრო იაფად მზადდებოდა რუსეთის ფაბრიკებში, რომლებიც კავკასიაში გზავნიდნენ თავის ნაწარმს¹.

მაშასადამე, პატრიარქალურ და წვრილ შინამრეწველურ-ხელოსნურ სარეწოთა ნაწარმი ვერ უძლებდა ფაბრიკულ იაფფასიანი საქონლის კონსერვაციას. ამის გამო ეს საწარმოები იშლებოდნენ. საქართველოს სამრეწველო განვითარება კაპიტალიზმის გზით მიდიოდა, მაგრამ მიუხედავად ამისა წვრილი ხელოსნური საწარმოები მთლიანად არ განადგურებულა, ისინი წარმოების ზოგ დარგებში შემდეგაც განაგრძობდნენ არსებობას. ასე მაგალითად, 1876 წელს თბილისში, ოფიციალური მონაცემების მიხედვით, ითვლებოდა 1160 წვრილი სახელოსნო². ეს სახელოსნოები თავიანთი სტრუქტურის მიხედვით ნაწილდებოდა შემდეგნაირად:

ცხრილი 3

№ რიგ.	ხელოსნურ საწარმოთა დასახელება	ხელოსნურ სარეწოთა რიცხვი	%
I	საკვები	277	23,88
II	ტანსაცმელი და საღებავი	427	36,81
III	ფეიქრობა და ნართი	1	0,09
IV	ტყავის წარმოება	12	1,03
V	საცხოვრებელი ბინის მორთულობა	82	7,07
VI	ხის ნაკეთობანი	44	3,79
VII	ლითონის ნაკეთობანი	128	11,04
VIII	განათება	1	0,09
IX	ჭიმირი და სამკურნალო პროდუქტები	5	0,43
X	მეცნიერებასთან და ხელოვნებასთან დაკავშირებული საგნები	35	3,02
XI	გადაზიდვასთან დაკავშირებული საგნები	136	11,72
XII	სხვადასხვა ნაკეთობანი	12	1,03

როგორც ვხედავთ, ყველაზე დიდი რაოდენობა ხელოსნურ სარეწობისა მოდიოდა ტანსაცმელებისა და საღებავების წარმოების დარგზე, შემდეგ კი საკვებ პროდუქტთა წარმოებაზე, გადაზიდვასთან დაკავშირებულ საქმიანობაზე, ლითონის ნაკეთობათა დარგზე; მეხუთე ადგილი ეკირა საცხოვრებელი ბინის მორთულობის ხელოსნურ საწარმოებს.

¹ ვ. ი. ლენინი, თხზ., ტ. 3, გვ. 703.

² იხ. Тифлис по однодневной переписи 25-го марта 1876 года, Тифлис, 1880, გვ. 203—204.

რეფორმის შემდეგ ხელოსნების რიცხვის ზრდის შესახებ ერთგვარ წარმოდგენას ვეძიებთ ქვემოთ მოყვანილი ცხრილი.

ცხრილი 4

ხელოსნების რიცხვის ცვალებადობა თბილისში 1888 წლიდან 1894 წლამდე¹

წელი	ისტატი	კარგული	შეფარდი	სულ	შენიშვნა
1868	2628	1130	1157	4915	
1869	2541	1063	1150	4754	
1870	2610	1126	1258	5004	
1871	3075	1643	1930	6648	
1872	3154	1702	2005	6861	
1875	3076	2869	1316	7263	
1876	3079	2863	1125	7067	
1880	—	—	—	7755	მოკემულია ერთად
1882	—	—	—	5687	მოკემულია ერთად
1883	2782	2002	1091	5875	
1884	2995	2229	1260	6484	
1886	2526	1858	1058	5472	
1888	—	—	—	6000	მოკემულია ერთად
1890	3109	3085	—	6194	
1891	3102	3223	—	6325	
1892	2437	1942	1207	5586	
1893	2430	1942	1207	5579	
1894	2331	1849	1280	5460	

როგორც ამ მონაცემებიდან ჩანს, ხელოსნების რიცხვი 60-ანი წლების ბოლოს 1865 წელთან შედარებით (5668) მნიშვნელოვნად შემცირდა. ასე მაგალითად, 1868 წელს ხელოსნების რიცხვი 753 კაცით შემცირდა, ხოლო 1869 წელს — 914 კაცით. მაგრამ სამოცდაათიან წლებში ადგილი აქვს ხელოსნების რიცხვის ისევ გადიდებას. 1880 წელს ხელოსნების რიცხვი 1871 წელთან შედარებით გაიზარდა 1107 კაცით. ეს ზრდა ძირითადად გამოწვეული იყო იმით, რომ ხელოსნების რიცხვში 1880 წელს შეყვანილი იყო შავი მუშებიც 1569 კა-

¹ ცხრილი შედგენილია ჩემ მიერ შემდეგი საარქივო წყაროების მიხედვით:

ა) ЦГИА.Т, ф. 1268, оп. 18, л. 182, 1672, л. 266.

ბ) ЦГИА Гр. ССР, ф. 17, л. 2072, 1884, л. 3.

გ) ЦГИА.Т, ф. 1268, оп. 21, л. 174, 1875, л. 18 ივ.

დ) ЦГИА Гр. ССР, ф. 17, л. № 669, 1850, л. 19.

ე) ЦГИА.Т, ф. 1263, Комитет Министров, 6/оп., л. 4333, 1682, л. 479.

ვ) ЦГИА.Т, ф. 1263, л. 4921, 1690, л. 417.

ზ) ЦГИА Гр. ССР, ф. 12, оп. 1, л. № 3755, 1581, л. 36. იხ. აგრეთვე სათანადო წლების სხვა უწყისებიც.

ცის რაოდენობით¹. ეს მუშები გაერთიანებული იყვნენ ცალკე ამქარში (არტელში); მაშინ როდესაც 1871 წლის ცნობებით შავი მუშები არ იყო მიჩნეული ხელოსნებად და ამდენად ისინი არ შედიოდნენ ხელოსნების საერთო რიცხვში. ამით უნდა აიხსნას აგრეთვე ის ფაქტიც, რომ 1894 წელს ხელოსნების რიცხვი გაცილებით ნაკლები იყო, ვიდრე 1880 წელს, რეფორმის შემდგომ პერიოდში ამქრული ხელოსნობა სულ უფრო და უფრო მცირდება. ასე მაგალითად, თუ 60-ან წლებში თბილისში 64 ამქრული ორგანიზაცია იყო, 80-ანი წლების დასაწყისში მათი რიცხვი 44-მდე დაეცა. მაგრამ წარმოების ზოგიერთ დარგებში ისეთი ხელოსნობა, რომელიც ამქრულ შეზღუდულობისაგან თავისუფალი იყო და ბაზრისათვის აწარმოებდა საქონელს, არა თუ მცირდებოდა, არამედ მატულობდა კიდევ განსაკუთრებით ეს ითქმის 900-ან წლებზე.

ქალაქის მოსახლეობა სულ უფრო და უფრო ეჩვეოდა ახალი, უფრო უკეთესი საგნების მოხმარებას. ამასთან დაკავშირებით ჩნდებოდა ხელოსნობის ახალი სახეები, რომელთა რიცხვი მნიშვნელოვნად სჭარბობდა ძველი, ადგილობრივი ხელოსნობის რიცხვს. მაგალითად, 1884 წელს თბილისში ევროპული ფეხსაცმელების მოხელე იყო 355 კაცი, ხოლო აზიურის — 100².

ამავე წელს თბილისში ითვლებოდა მამაკაცის ევროპული ტანსაცმლის 360 მოხელე. აზიურის კი — 160³. თუ 1879 წელს თბილისში ხელოსნური წარმოების პროდუქცია შეადგენდა 1 მილიონ მანეთამდე⁴, 1912 წლისათვის ის უდრიდა 4181782 მანეთს⁵, ე. ი. 33 წლის განმავლობაში ხელოსნური პროდუქცია გაიზარდა 4-ჯერ, და კიდევ მეტად, ხელოსანთა რიცხვმა კი თბილისში იმავე წლისა-

თვის 8890-მდე მიადწია⁶. ამრიგად, ხელოსანთა რაოდენობა 1912 წელს 1894 წელთან შედარებით 3430 კაცით გაიზარდა. მთელ საქართველოში 90-ან წლებში რიცხვი ხელოსნებისა, რომლებიც ამზადებდნენ საქონელს უშუალოდ გაყიდვისათვის, შეადგენდა 27695⁷.

რეფორმის შემდგომ პერიოდში ზოგიერთ დარგში იმ ხელოსნურ საწარმოთაგან, რომელთაც საქონლური ხასიათი ჰქონდათ, აღმოცენდა დაქირავებულ შრომაზე დამყარებული ხელოსნური სარეწები. ისინი თანდათანობით გადაიქცნენ წვრილ კაპიტალისტურ სარეწებად. ოფიციალური ცნობების მიხედვით, 1900 წელს თბილისში რიცხვი იმ ხელოსნური სარეწებისა, რომელთაც ჰყავდათ 1 დაქირავებული მუშა ან ორი შევირიდი, შეადგენდა 1973⁸, ხოლო იმ ხელოსნურ სარეწთა რაოდენობა, რომელთაც ჰყავდათ საშუალოდ 4,3 მუშა, შეადგენდა 439⁹. ამ უკანასკნელთა წლიური პროდუქცია 2098 ათას მანეთამდე აღწევდა; მათში დასაქმებულ მუშათა რაოდენობა უდრიდა 1863 კაცს. აღნიშნულ წელს თბილისში ახალგაზსნილ ხელოსნურ სარეწთა რაოდენობა 211 შეადგენდა, დაქირავებულ მუშათა რიცხვი კი 627-ს აღწევდა. აქ ერთ საწარმოზე საშუალოდ 3 კაცამდე მოდიოდა.

ამგვარად, აღნიშნული ოფიციალური მონაცემების მიხედვით, 1900 წ. თბილისში სულ იყო 2623 ხელოსნური საწარმო 2098 ათასი მანეთის პროდუქციით; ამ საწარმოებში 4463 მუშა მუშაობდა. 1876 წელს კი, როგორც ზემოთ იყო ნათქვამი, ხელოსნურ სარეწთა რიცხვი უდრიდა 1160. მასასადაამე, 24 წლის (1876-დან 1900 წლამდე) განმავლობაში ხელოსნურ სარეწთა რიცხვი გაიზარდა უფრო მეტად, ვიდრე ორჯერ. ზემოთ მოყვანილი ციფრები ნათლად გვიჩვენებენ, თუ რა როლს ასრულებდა ხელოსნური წარმოება აღნიშნულ პერიოდში თბილისის სამრეწველო ცხოვრებაში.

იმავე ოფიციალური ცნობებით, 1900 წელს თბილისში ითვლებოდა 76 სამრეწველო საწარმო,

¹ ამის შესახებ 1880 წ. ქ. თბილისის წლიურ ანგარიშში ჩვენ გვითხრობს: „Из числа лиц, записанных в 44 ремесленных цехах, всего в количестве 7755 чел. первое место по численности занимает чернорабочая артель в 1569 чел.“ (იხ. ЦГИА Груз. ССР, ფ. 17, დ. № 669, 1888, ს. 19).

² ЦГИА Груз. ССР, ფ. 17, დ. № 2283, 1884, ს. 34.

³ ЦГИА Груз. ССР, ფ. 17, დ. № 2283, 1884, ს. 34.

⁴ ЦГИА Груз. ССР, ფ. 5/12, დ. № 5399, 1879, ს. 61, 64

⁵ გ. ზამერაძის ციფრები, ხელოსნობა თბილისში, 1926, გვ. 43.

⁶ იქვე, გვ. 42.

⁷ იხ. Журнал „Кавказский вестник“, 1901, № 9, Тифлис, 1902, გვ. 158.

⁸ იხ. Сборник статистических сведений по Закавказскому краю, под редакцией Е. Кондратенко, ч. 1, Тифлис, 1902, გვ. 237.

⁹ იქვე, გვ. 236.

თვითველ მათგანს ჰყავდა 9-ზე მეტი დაქირავე-
ბული მუშა. აღნიშნულ საწარმოთა მიერ გამოშვე-
ბული პროდუქცია 4937 ათას მანეთს უდრიდა,¹
ხოლო მუშათა რიცხვი 7894 შეადგენდა. აღნიშ-
ნული მონაცემების საფუძველზე, ჩვენი დაჯგუ-
ფებისა და გამოანგარიშების მიხედვით, კაპიტა-
ლისტურ სამრეწველო საწარმოთა საერთო რი-
ცხვიდან (76) 30 იყო მცირე ზომის კაპიტალისტუ-
რი საწარმო 387 ათასი მანეთის პროდუქციითა და
290 მუშით, 25 — კაპიტალისტური მსხვილი მანუ-
ფაქტურული საწარმო, 1380 ათასი მანეთის პრო-
დუქციითა და 2510 მუშით, ხოლო 21 კაპიტალის-
ტური, მსხვილი ფაბრიკა-ქარხანა, 3170 ათასი მან-
ეთის პროდუქციითა და 5094 მუშით.

როგორც ვხედავთ, ფაბრიკული ხასიათის მქონე
საწარმოთა რიცხვი ნაკლები იყო, ვიდრე წვრილ-
კაპიტალისტური და მანუფაქტურული საწარმოე-
ბისა. მიუხედავად ამისა, გამოშვებული პროდუქ-
ციის რაოდენობისა და მუშათა რიცხვის მიხედვით
ფაბრიკული საწარმოები თითქმის ორჯერ აღემა-
ტებოდა წვრილ-კაპიტალისტურ და მანუფაქტუ-
რულ საწარმოთა პროდუქციასა და მუშათა რიცხვს.

რაც შეეხება ხელოსნურ საწარმოებს, ისინი
რიცხოვრივად 35-ჯერ მეტი იყო, ვიდრე კაპიტა-
ლისტური საწარმონი. მიუხედავად ამისა, პროდუქ-
ციის ოდენობის მიხედვით კაპიტალისტური ხასი-
ათის საწარმონი ხელოსნურ საწარმოთა პროდუქ-
ციას აღემატებოდა უფრო მეტად, ვიდრე ორჯერ,
ხოლო მუშათა რიცხვის რაოდენობის მიხედვით კი
თითქმის ორჯერ.

ზემომოყვანილი მონაცემებიდან ჩანს, რომ თბი-
ლისში რეფორმის შემდგომ პერიოდში მრეწველო-
ბის მაღალი ფორმების აღმოცენებასთან და გან-
ვითარებასთან ერთად არსებობდნენ აგრეთვე მრე-

¹ იხ. Сборник статистических сведений по Закавказскому краю, под редакцией Е. Константиноу, т. 1
Тифлис, 1902, გვ. 238—246.

აღნიშნული წარმოების ჯამსა და მუშების რაოდენობა-
ში შედის აგრეთვე სააქციონერო საზოგადოებებში გაერთიან-
ებულ სამრეწველო საწარმოთა პროდუქციის ღირებულება
და მუშათა რიცხვიც.

დასახელებულ წყაროში მოტანილ სხვა ხასიათის (არა
სამრეწველო საწარმოთა) სააქციონერო საზოგადოებათა ბრუნ-
ვა უდრიდა 7580 ათას მანეთს, ხოლო მუშათა რიცხვი 348.

უნდა აღინიშნოს, რომ დასახელებულ წყაროში მოტა-
ნილი ცნობები, განსაკუთრებით გამოშვებულ პროდუქციის
მხრივ, არ არის სრული.

წველობის დაბალი ფორმებიც. გამოშვებული პრო-
დუქციის ოდენობისა და მუშათა რიცხვის რაოდენ-
ობის მიხედვით გაბატონებული ადგილი ეკუთრება
მრეწველობის კაპიტალისტურ ფორმებს. მრეწვე-
ლობის დაბალ ფორმებში კი წარმოების პროცესში
ზოგჯერ დაქირავებული შრომაც გამოიყენებოდა.

თუ როგორ ვითარდებოდა აღნიშნულ პერი-
ოდში დაქირავებულ შრომაზე დამყარებული მრე-
წველობის განსხვავებული ფორმები, ამას გვიჩვენებს
ქვემოთ მოყვანილი ცხრილი (იხ. ცხრ. № 5).

ამ ცხრილიდან ცხადია მრეწველობის სწრაფი
განვითარება თბილისში რეფორმის შემდგომ პე-
რიოდში. ასე, მაგალითად, მუშების რიცხვი 30
წლის (1870—1900 წწ.) განმავლობაში გაიზარდა
265 პროცენტით. თუ 1870 წელს მუშების სა-
შუალო რიცხვი ერთ სარეწზე შეადგენდა 8,6,
1880 წელს იგი უდრიდა 13,3, 1891 წელს — 19,8-ს,
ხოლო 1900 წელს 23,7 აღწევდა. ამგვარად, 1900
წელს მუშების საშუალო რიცხვი ერთ სარეწზე,
1870 წელთან შედარებით, გაიზარდა თითქმის სამ-
ჯერ.

შესამჩნევად მატულობს სამრეწველო პროდუქ-
ციის ჯამი. მაგალითად, 1870 წელს წარმოების
ჯამი, 1860 წელთან შედარებით, გაიზარდა 197
პროცენტით. 1900 წელს წარმოების ჯამი, 1890
წელთან შედარებით, გაიზარდა 209%-ით, 1880
წელთან შედარებით კი — 258 პროცენტით.

30 წლის განმავლობაში, ე. ი. 1870—1900 წწ.
წარმოების ჯამი გაიზარდა 13,8-ჯერ, ხოლო რე-
ფორმამდელ პერიოდთან (1860 წ.) შედარებით
41-ჯერ და კიდევ უფრო მეტად.

1870 წელს წარმოების ჯამი საშუალოდ 1 სა-
რეწზე შეადგენდა 3,9 ათას მანეთს, 1880 წელს
14,3 ათას მანეთს, 1891 წ. — 26,0 ათას მანეთს,
1900 წელს კი 41,0 ათას მანეთს.

ამგვარად, 1900 წელს წარმოების ჯამი საშუა-
ლოდ 1 სარეწზე, 1870 წელთან შედარებით, გაი-
ზარდა 10,5-ჯერ.

მნიშვნელოვნად იზრდება პროდუქციის წლი-
ური გამომუშავება ერთ მუშაზე. მაგალითად,
1870 წელს წარმოების ჯამი საშუალოდ 1 მუშაზე
შეადგენდა 457 მანეთს, 1880 წელს 1082 მანეთს,
1891 წელს — 1300 მანეთს, ხოლო 1900 წელს —
1730 მანეთს. ამგვარად, 1900 წელს წარმოების
ჯამი საშუალოდ 1 მუშაზე, 1870 წელთან შედა-

ცხრილი 5

სამრეწველო საწარმოთა, მათი პროდუქციისა და მუშათა რიცხვის ზრდის ცვალებადობა ქ. თბილისის დამშუშავებელ მრეწველობაში 1870-დან 1900 წლამდე¹

წლები	სამრეწველო საწარმოთა რიცხვი	გამორეზერული პროდუქცია (ათას მანუქებში)	მუშების რიცხვი	წარმოების ჯამი საშუალოდ 1 საწარმოზე (ათას მანუქებში)	მუშების საშუალო რიცხვი 1 საწარმოზე	წარმოების ჯამი საშუალოდ 1 მუშაზე (მანუქებში)
1870	198	779	1704	3,9	8,6	457
1871	206	855	2024	4,2	9,8	423
1872	182	754	1675	4,1	9,2	450
1873	175	1127	2086	6,4	12,0	540
1874	183	1022	2589	5,5	14,0	395
1875	144	1257	2123	8,7	15,0	592
1876	153	12.0	1916	7,9	12,5	636
1877	234	1195	1952	5,1	8,0	612
1878	230	1442	1118	6,3	5,0	1289
1879	210	2320	2289	11,0	10,9	1014
1880	210	3038	2780	14,3	13,3	1082
1881	207	3481	2641	16,8	12,7	1325
1882	219	3657	2554	16,7	11,6	1432
1883	228	3449	2577	19,1	11,3	1338
1884	210	3977	2295	19,0	10,9	1733
1885	263	3329	2269	12,6	8,6	1467
1886	246	3539	2110	14,5	8,6	1677
1887	228	3313	2429	14,5	10,6	1364
1888	210	3642	3017	17,3	14,3	1207
1889	216	3472	2736	16,0	12,7	1269
1890	711	3473	2511	31,3	22,6	1383
1891	135	3495	2683	26,0	19,8	1300
1892	174	3581	2730	20,0	15,7	1313
1893	239	4201	3 05	17,6	13,0	1353
1894	282	4608	3512	16,3	12,4	1312
1895	281	5773	3565	18,4	12,7	1451
1896	258	6524	4978	25,3	19,2	1310
1897	291	5973	4669	20,0	16,0	1280
1898	334	7049	4842	21,1	14,5	1456
1899	278	8506	4762	30,0	17,1	1807
1900	262	10766	6220	41,0	23,7	1730

¹ ცხრილი შედგენილია იქმ მიერ ძირითადად საერთო უწყისების საფუძველზე:

- ა) ЦГИАЛ, ფ. 1268, оп. 17, д. 38, 1870, лл. 158, 161.
- ბ) ЦГИАЛ, ფ. 1268, оп. 18, д. 91, 1871, лл. 130, 131
- გ) ЦГИА Гრუა. ССР, ფ. 5, л. № 2581, 1872, лл. 58, 56.
- დ) ЦГИАЛ, ფ. 1268, оп. 21, д. 174, 1875, лл. 49, 50.
- ე) ЦГИА Гრუა. ССР, ფ. 17, д. № 670, 1880, лл. 40, 43.
- ვ) იქვე, ფ. 12, д. № 516, 1895, лл. 78, 76.
- ზ) ЦГИАЛ, ფ. 1263, д. № 4921, 1890, лл. 448, 06.
- თ) ЦГИА Гრუა. ССР, ფ. 17, д. № 8160, 1891, лл. 889, 868 06.

რებით, გაიზარდა 3,8-ჯერ. ეს ციფრები მოწმობენ, რომ ქ. თბილისის მრეწველობა სწრაფად ვითარდებოდა.

მრეწველობის სწრაფი განვითარება და მუშათა კლასის ზრდა, როგორც უკვე იყო ნათქვამი, გამოწვეული იყო ძირითადად გლეხთა რეფორმების გატარებითა და ამიერკავკასიაში, კერძოდ კი საქართველოში რკინიგზების გაყვანით. კაპიტალისტური მრეწველობა თბილისში აღმოცენდა სწორედ ბატონყმობის გადავარდნისა და რკინიგზების გაჩენის შემდეგ, მისი სწრაფი განვითარება ხდება 80-ან, განსაკუთრებით კი 90-ან წლებში. ჩვენში საერთოდ, კერძოდ კი თბილისში, კაპიტალისტური მრეწველობის წარმოშობასა და განვითარებაზე, როგორც აღნიშნული იყო, დიდი გავლენა ჰქონდა რუსეთის კაპიტალიზმს.

ზემომოყვანილი ცხრილიდან ჩანს, რომ გაიზარდა აგრეთვე სამრეწველო საწარმოთა რაოდენობაც. ასე მაგალითად, 1900 წელს სარეწოთა რიცხვი თბილისში, 1890 წელთან შედარებით, გაიზარდა დაახლოებით 2,3-ჯერ; 1870 წელთან შედარებით — 32,3%-ით, ხოლო 1860 წელთან შედარებით — 191%-ით.

ცნობები „ფაბრიკებისა“ და „ქარხნების“ რიცხვის შესახებ ზუსტი არ არის. არ შეიძლება სწორად მივიჩნიოთ მონაცემები თითქოს 1880 წელს თბილისში ითვლებოდა 210 „ფაბრიკა“ და „ქარხანა“, ხოლო 1890 წელს — 111. სინამდვილეში, 1890 წელს ფაბრიკებისა და ქარხნების რიცხვი, 1880 წელთან შედარებით, არა თუ მცირდება, არამედ, პირიქით, მატულობს კიდევ. ეს ჩანს იქედანაც, რომ 1890 წელს პროდუქციის გამოშვება, 1880 წელთან შედარებით, შესამჩნევად გაიზარდა, და თუ მონაცემები მაინც შემცირებულად წარმოგვიდგენენ სარეწოთა რიცხვს, ეს აიხს-

- ი) ЦГИАЛ, ფ. 1263, д. № 5256, 6/оп., 1895, лл. 608, 610.
- კ) ЦГИА Грუა. ССР, ფ. 12, д. № 2234, 1897, лл. 31, 31.
- ლ) ЦГИАЛ, ფ. 1263, 6/оп., д. № 5330, 1898, лл. 458, 460.
- მ) ЦГИА Гრუა. ССР, ფ. 414, д. № 3, 1899, лл. 552, 522 06.
- ნ) ЦГИАЛ, ფ. 29, Департамент торговли и промышленности, оп. 17, д. 738, 1900, лл. 59, 61. იხ. აგრეთვე სათანადო წლების სხვა უწყისებიც.

ნება იმით, რომ 1880 წლის უწყისში წერილი სარე-
წები დიდი რაოდენობით არის შეტანილი, 1890
წლის უწყისთან შედარებით.

ასე მაგალითად, უწყისების მიხედვით, 1880
წელს თბილისში ითვლებოდა 95¹ აგურის „ქარ-
ხანა“, 63 ათასი მანეთის პროდუქციითა და 300 მუ-
შით, 1890 წელს კი აგურის „ქარხნების“ რიცხვი
უდრიდა 38-ს², 188 ათასი მანეთის პროდუქციითა
და 176 მუშით. როგორც ვხედავთ, 1890 წელს აგუ-
რის წერილი სარეწები, 1880 წელთან შედარებით,
შემცირდა 2,5-ჯერ. ამან კი თავის მხრივ მოახდინა
გავლენა სამრეწველო საწარმოთა საერთო რიცხვ-
ზე. მაგრამ მცირდება არა ფაბრიკებისა და ქარ-
ხნების რაოდენობა, არამედ წვირულ პატრიარქა-
ლურ სარეწოთა რიცხვი. ეს ჩანს აგრეთვე იქედ-
ნაც, რომ თუ 1880 წელს მუშათა საშუალო
რიცხვი აგურის ერთ „ქარხანაში“ შეადგენდა 3,2
კაცს და გამოშვებული პროდუქციის ღირებულება
საშუალოდ 1 მუშაზე უდრიდა 210 მანეთს, 1890
წელს კი მუშების საშუალო რიცხვი ერთ სარეწზე
გაიზარდა 4,4 კაცამდე, ხოლო ერთ მუშაზე გამო-
შვებული პროდუქციის ღირებულებამ საშუალოდ
1078 მანეთამდე მიაღწია, ე. ი. გადიდდა დაახლო-
ებით 5-ჯერ.

უნდა შევნიშნოთ, რომ ერთ სარეწზე მუშების
საშუალო რიცხვის დადგენა ვერ ასახავს მრეწვე-
ლობის ფორმების ცვლილებებსა და ურთიერ-
დამოკიდებულებას ისტორიულ განვითარებაში.
ჩვენს მაგალითში 1890 წელს აგურის ერთ სა-
რეწზე მუშების საშუალო რიცხვი შეადგენს 4,4
კაცს. მართალია, ეს ციფრი 1880 წელთან შედარე-
ბით (3,2) გვიჩვენებს მუშების რიცხვის განსა-
ზღვრულ ზრდას, მაგრამ, მეორე მხრით, ქმნის
ერთგვარ მოჩვენებით სურათს, თითქოს 1890 წელს
თბილისში არსებული ყველა აგურის სარეწი წვი-
რი და უწვირილესი იყო. სინამდვილეში მრეწვე-
ლობის ამ დარგშიაც თბილისში არსებობდა ისეთი
სარეწები, რომლებსაც ჰქონდათ არა მხოლოდ მა-
ნუფაქტურის, არამედ ქარხნის ფორმაც კი. მაგა-
ლითად, პრობოროვის აგურის ქარხანაში, რომე-
ლიც თბილისში ამუშავდა 1885 წელს³ 35 მუშა

იყო; ქარხანას ჰქონდა ორთქლის ქვაბი. მის მიერ
გამოშვებული პროდუქციის ღირებულება უდრი-
და 15 ათას მანეთს. ამ მაჩვენებლების საფუძველ-
ზე შეიძლება ითქვას, რომ პრობოროვის ქარხანას
ჰქონდა მსხვილი კაპიტალისტური წარმოების
ფორმა. ანალოგიური მდგომარეობა ჰქონდა აგრე-
თვე ელჩიევის აგურის ქარხანასაც. კაპიტალის-
ტური მსხვილი საწარმოს ფორმა ჰქონდა ბარონ
ფონ-ჟუჩენბახის აგურის ქარხანას, რომელიც ამუ-
შავდა თბილისში 1899 წელს⁴. ამ ქარხანას ჰქონ-
და ორთქლის ძრავი, მასში დაკავებული მუშების
რიცხვი შეადგენდა 21 კაცს, ხოლო მისი წარმო-
ების ჯამი უდრიდა 28 ათას მანეთს. მანქანური
წესით მზადდებოდა აგური აგრეთვე ხიმშიაშვი-
ლის აგურის ქარხანაშიც, რომელმაც მუშაობა და-
იწყო 80-ან წლებში.

1882 — 1890 წლების განმავლობაში აგურის
წარმოებას თბილისში შეემატა 7 სარეწი, რომელ-
თაგან, ჩვენი დაჯგუფების მიხედვით, 6-ს ჰქონდა
მანუფაქტურის, ხოლო 1-ს ფაბრიკის ფორმა.
1892 — 1900 წლებში შეიქმნა კიდევ მანუფაქტუ-
რის ხასიათის 6 სარეწი და ფაბრიკის ტიპის ერთი
სარეწი. ამგვარად, აგურის მრეწველობის დარგში
წვირილი სარეწების გარდა, თბილისში არსებობდა
სულ 14 სარეწი, რომელთაგან 12-ს ჰქონდა მანუ-
ფაქტურის ფორმა, 2-ს კი ფაბრიკის ფორმა.

თქმულიდან ცხადია, რომ 90-ან წლებში, წინა
წლებთან შედარებით, აგურის წარმოებაში მანუ-
ფაქტურულ და ფაბრიკულ სარეწოთა რიცხვი თბი-
ლისში კი არ შემცირებულა, არამედ, პირიქით,
თანდათან გაიზარდა კიდევ.

რეფორმის შემდგომი პერიოდის წყაროების მი-
ხედვით, 1865 წელს თბილისში 135 „ფაბრიკა“ და
„ქარხანა“ იყო⁵, 1876 წლისათვის კი მისმა რიცხვმა
141-მდე მიაღწია⁶.

მაგრამ აქვე უნდა აღინიშნოს, რომ მოტანილი
რიცხვიდან უმეტესობა არსებითად წვირილ სარე-
წებს წარმოადგენდა. მაგალითად, უწყისის მიხედ-
ვით, თბილისში არსებობდა თქმის „ქარხანა“, სა-
დაც მუშაობდა 3 კაცი, მათგან მხოლოდ ერთი იყო

¹ ЦГИА Груз. ССР, ф. 17, д. № 670, 1880, лл. 40, 49.

² ЦГИАЛ, ф. 1289, д. № 4021, 1890, л: 458 об.

³ Перечень фабрик и заводов, С.-Петербург, 1897, гл. 468, 471.

⁴ Список фабрик и заводов Европейской России, С.-Петербург, 1908, ост. Варвар, гл. 399.

⁵ Н. Д у н ж е л ь-В е л л и н г, Статистическое опи- сание г. Тифлиса, гл. 51.

⁶ об. Тифлис по однодневной переписи 25-го марта 1876 года, Тифлис, 1880, гл. 141.

დაქირავებული¹. ამ სარეწის წლიური პროდუქცია არ აღემატებოდა 240 მანეთს. ასეთი წვრილი სარეწი, მაშინდელი სტატისტიკის მიხედვით, ითვლებოდა ქარხანად. ან კიდევ, ავიღოთ მეორე მაგალითი: უწყისის მიხედვით თბილისში არსებობდა ცემენტის „ქარხანა“, რომელიც ეკუთვნოდა გ. ბაგდასაროვს და რომლის პროდუქციაც შეადგენდა 400 მანეთს. ამ სარეწში არც ერთი მუდმივი დაქირავებული მუშა არ იყო. „ქარხნის“ მფლობელმა განაცხადა: „Работая на держу и в случае надобности нанимаю по дням 1—2 и трех, смотря по работам“.² ასეთი წვრილი სარეწიც ქარხანად იყო მიჩნეული, რაც სელონურად ზრდიდა ფაბრიკა-ქარხნების რიცხვს.

ჩვენი გამოანგარიშების მიხედვით, რომელიც გაკეთებულია „ფაბრიკებისა“ და „ქარხნების“ ცალკეული უწყისების³ საფუძველზე, 1880 წელს თბილისში მრეწველობის სხვადასხვა დარგში ისეთ სარეწთა რიცხვი, რომელთაგან თვითივეს ჰყავდა 16 მუშა და მეტი, შეადგენდა 26-ს, 2666 ათას მანეთის პროდუქციითა და 1652 მუშით. მათგან 15 სარეწი, ე. ი. 57,7% ორგანიზებული იყო კაპიტალისტური მანუფაქტურის სახით, ხოლო 11-ს, ე. ი. 42,3%-ს ჰქონდა ფაბრიკის ფორმა. ფაბრიკულ სარეწთა წარმოების ჯამი შეადგენდა 1493 ათას მანეთს, ე. ი. მთელი გამოშვებული პროდუქციის 56%-ს, მუშების რიცხვი უდრიდა — 854-ს, ე. ი. დამმუშავებელი მრეწველობის მსხვილ სარეწთა მუშების საერთო რაოდენობის 51,7%-ს.

ამრგად, გერ კიდევ 1890 წელს თბილისში კაპიტალისტურ მსხვილ სარეწთა საერთო რაოდენობაში ქარბობდა მანუფაქტურულ სარეწთა რიცხვი (57,7%), მაგრამ, წარმოების ჯამისა (56%) და მუშების რიცხვის (51,7%) მიხედვით უპირატესობა ფაბრიკული ტიპის სარეწებს ჰქონდა.

შემდგომში კი ფაბრიკების რიცხვმა შესამჩნევად იმატა და წინ გაუსწრო მანუფაქტურული სარეწების რიცხვს. ასე მაგალითად, 1897 წლისა-

¹ ЦГИА Грyа. ССР, ф. 17, г. № 486, 1880, л. 62.

² ЦГИА Грyа. ССР, ф. 17, г. № 486, 1880, л. 63.

³ იქვე, л. 1—149.

ჩვენ ამრ განხილულია 100 მეტი უწყისი, რომელიც ინახება აღნიშნულ ფონდში. ნაკრამ ჩვენ არ შეგვიძლია ვთქვათ, რომ დასახლებულ ფონდში თავმოყრილია მთლიანად თბილისში იმ დროს არსებულ სარეწთა ყველა უწყისი.

თვის¹ მსხვილ სარეწთა რიცხვმა თბილისში 47-ს მიაღწია, რომელთაგან, ჩვენი დაჯგუფების მიხედვით, 31-ს, ანუ 65,9%-ს ჰქონდა ფაბრიკის ფორმა. ამგვარად, ფაბრიკების რიცხვი 1897 წელს, 1880 წელთან შედარებით, თითქმის 3-ჯერ გაიზარდა. შესაბამისად გაიზარდა აგრეთვე წარმოების ჯამი და მუშების რიცხვიც. თბილისის ფაბრიკული მრეწველობის წარმოების ჯამი 1897 წელს დაახლოებით შეადგენდა 4 მილიონ მანეთამდე.

ფაბრიკებისა და ქარხნების რიცხვის ზრდა საინტერესოა იმით, რომ იგი წარმოადგენს კაპიტალიზმის განვითარების ყველაზე არსებით მაჩვენებელს.

ვაქრობისა და მანუფაქტურის დეპარტამენტის, აგრეთვე ფინანსთა სამინისტროს დეპარტამენტის მრეწველობის განყოფილების მასალების მიხედვით, 1900 წელს თბილისში, სამრეწველო საწარმოთა რიცხვი დამმუშავებელ მრეწველობაში შეადგენდა 262-ს², წლიური პროდუქცია კი უდრიდა 10766 ათას მანეთს, მუშათა რიცხვი — 6220.

ჩვენი გამოანგარიშების მიხედვით, თბილისის სამრეწველო სარეწთა ამ საერთო რაოდენობიდან კაპიტალისტურ (მანუფაქტურა და ფაბრიკა ერთად) მსხვილ სარეწთა რიცხვი, რომელთაგან თვითივეს დასაქმებული იყო 16 და მეტი მუშა, შეადგენდა 75-ს, ე. ი. 28,6%-ს; ასეთ საწარმოში მუშაობდა 4748 კაცი, ანუ ყველა მუშის 76,3%. მანუფაქტურულ და ფაბრიკულ სარეწთა საერთო პროდუქცია დაახლოებით შეადგენდა 8030 ათას მანეთს, ე. ი. თბილისის ყველა სარეწთა მთლიანი პროდუქციის 74,6%-ს. წვრილ სარეწთა რიცხვი

¹ Перечень фабрик и заводов, СПб., 1897. ამ წყაროში არ არის ცნობები ისეთი მსხვილი სარეწის შესახებ, როგორცაა, მაგალითად, ამიერკავკასიის რკინიგზის თბილისის მთავარი სახელმწიფოები. გარდა ამისა, ამავე წყაროში არ არის მოცემული სწორი ცნობები ზოგადად სარეწთა შესახებ. ასე მაგალითად, როგორც სხვა სარეწმწი წყაროებიდან ვიცით, დ. სარაჯიშვილის კონიაკის ქარხანას თბილისში წარმოების პროცესში გამოყენებული ჰქონდა ორთქლის ძრავი, დასახლებულ წყაროს მიხედვით კი არ სჩანს სარაჯიშვილის ქარხანას ჰქონდა თუ არა ორთქლის ძრავი.

² ЦГИАЛ, ф. 29, оп. 17, л. 798, 1900, л. 69. იხ. აგრეთვე ЦГИАЛ, ф. 22, оп. 2, л. № 2914, 1901, л. 8. გარდა ამ წყაროებისა იხ. აგრეთვე საერთო და ცალკეული უწყისები „ფაბრიკებისა“ და „ქარხნებისა“. ზემოთ მოტანილ ციფრში არ შედის ა/კავკასიის რკინიგზის მთ. სახელმწიფოები, წყლის წისკვილები და აგრეთვე — უწვრთლესი სარეწები.

სამჯერ აღემატებოდა კაპიტალისტურ მსხვილ სარეწოთა რიცხვს. მაგრამ წერილ სარეწოთა წილი წარმოების საერთო ჯამში უდრიდა მხოლოდ 25,4%-ს. ამ სარეწებში მუშაობდა ყველა მუშის მხოლოდ 23,7%.

ამგვარად, კაპიტალისტური მსხვილი სარეწები 1900 წელს თბილისში შეადგენდა ყველა „ფაბრიკის“ და „ქარხნის“ 28,6%. მათში თავმოყრილი იყო მუშათა საერთო რაოდენობის 76,3% და იძლეოდა მთელი წარმოების ჯამის 74,6%-ს. თბილისში ამ პერიოდში რკინიგზის მთავარი სახელოსნოების ჩათვლით იყო 76 მანუფაქტურული და ფაბრიკული სარეწი, ე. ი. ყველა სარეწის 29%. მათში კონცენტრირებული იყო თბილისის მსხვილ და წვრილ სარეწებში დასაქმებული ყველა მუშის 82,1%.

საქართველოში 1900 წელს არსებული კაპიტალისტური მსხვილი სარეწების საერთო რიცხვიდან (148) 51,4% მოდიოდა ქ. თბილისზე.

ზემომოტანილი ციფრებიდან გამომდინარეობს, რომ თბილისის მთელ მრეწველობაში აღნიშნულ პერიოდში გაბატონებული ადგილი ეკირა კაპიტალისტურ მსხვილ წარმოებას.

90-ანი წლების ბოლოს თბილისის დამმუშაებელ მრეწველობაში მსხვილი წარმოების შიგნით კაპიტალისტური ფაბრიკებისა და მანუფაქტურული სარეწების დაჯგუფება მუშათა რიცხვის მიხედვით გვაძლევს შემდეგ სურათს.

ცხრილი 6

სარეწოთა ჯგუფები მუშათა რიცხვის მიხედვით (მუშების რიცხვი თვითმუშ სარეწოში)	სარეწოთა საერთო რიცხვი	მუშების საერთო რიცხვი	სარეწოთა რიცხვი ცალკეულ ჯგუფებში % -ში	მუშების რიცხვი სარეწოთა ცალკეულ ჯგუფებში % საერთო რიცხვთან
ა) 16-დან 19 კაცამდე	19	831	25,3	7,0
ბ) 20 " 50 კაცამდე	39	1161	52,0	24,5
გ) 51 " 100 კაცამდე	8	583	10,7	12,3
დ) 101 " 500 კაცამდე	9	2670	12,0	56,2
სულ	75	4748	100%	100%

როგორც ამ ცხრილიდან ვხედავთ, თბილისში არსებულ ყველა ფაბრიკულ და მანუფაქტურულ სარეწებიდან ყველაზე მეტი რიცხვი ასეთი სარე-

¹ ЦГИАЛ, ф. 23. оп. 17, д. 738, 1900, л. 55, 58.
² ცხრილი შედგენილია იმ მიერ უკვე ზემოდასახელებული წყაროების საფუძველზე.

წებისა მოდიოდა სარეწოთა იმ ჯგუფზე, რომელშიც თვითმუშ წარმოებაში დასაქმებული იყო 20-დან 50-მდე მუშა. ეს ჯგუფი შეადგენდა ფაბრიკებისა და მანუფაქტურების საერთო რიცხვის 52,0%-ს, მასში კონცენტრირებული იყო თბილისის ყველა ფაბრიკული და მანუფაქტურული სარეწის მუშათა საერთო რიცხვის მხოლოდ 24,5%. 101-დან 500-მდე მუშისანი სარეწოთა რიცხვი შეადგენდა თბილისის მსხვილ სარეწოთა საერთო რაოდენობის მხოლოდ 12,0%-ს, მაგრამ, მიუხედავად ამისა, მასში თავმოყრილი იყო თბილისის ყველა ფაბრიკული და მანუფაქტურული სარეწის მუშათა საერთო რაოდენობის 56,2%.

ამ პერიოდში თბილისში წერილი წარმოების შიგნით სარეწები (გარდა წყლის წისქვილებისა) მუშათა რიცხვის მიხედვით ნაწილდებოდა შემდეგნაირად:

ცხრილი 7

სარეწოთა ჯგუფები მუშათა რიცხვის მიხედვით (მუშების რიცხვი თვითმუშ სარეწოში)	სარეწოთა საერთო რიცხვი	მუშათა საერთო რიცხვი	სარეწოთა რიცხვი ცალკეულ ჯგუფებში % -ში საერთო რიცხვთან	მუშების რიცხვი სარეწოთა ცალკეულ ჯგუფებში % -ში საერთო რიცხვთან
ა) 5 კაცამდე	26	90	14,0	6,1
ბ) 5-დან 15-მდე	161	1382	86,0	93,9
სულ	187	1472	100%	100%

როგორც ვხედავთ, თბილისში ყველაზე მეტი რაოდენობა წერილი სარეწებისა მოდიოდა იმ ჯგუფებზე, რომელთაგან თვითმუშ სარეწოში დასაქმებული იყო 5-დან 15-მდე მუშა. სარეწოთა ეს ჯგუფი შეადგენდა თბილისის წერილ სარეწოთა საერთო რიცხვის 86,0%-ს; მასში თავმოყრილი იყო ასეთ სარეწოთა მუშების საერთო რაოდენობის 93,9%. მთელ საქართველოში კი, როგორც წყაროები გვიჩვენებენ, წერილი სარეწების ყველაზე დიდ რაოდენობას პყავდა (თვითმუშ) 1-დან 5-მდე მუშა.

თუ როგორი იყო XIX საუკუნის ბოლოს თბილისის მრეწველობის დარგობრივი სტრუქტურა, ამის შესახებ წარმოდგენას გვაძლევს ქვემოთ მოყვანილი ცხრილი (იხ. ცხრ. № 8).

როგორც ვხედავთ, აღნიშნულ პერიოდში თბილისის მრეწველობის დარგობრივ სტრუქტურაში,

დაქირავებული მუშების რიცხვის მიხედვით, რკინიგზის მთავარი სახელოსნოების შემდეგ, პირველი ადგილი ეკირა ბოქკოვან ნივთიერებათა დამამუშავებელ წარმოებას, მეორე ადგილზე იდგნენ ის სარეწები, რომლებიც ამზადებდნენ კვების პროდუქტებს.

სამრეწველო საწარმოთა საერთო შემადგენლობაში გაცილებით მეტი იყო სასოფლო-სამეურნეო ნედლეულის პირველად გადამამუშავებელ სარეწოთა ხვედრითი წონა. ჩვენი გამოანგარიშების მიხედ-

ცხრილი 8¹

№-ს რიცხვი	წარმოების დასახელება	სარეწოთა რიცხვი	მუშათა რიცხვი	პროდუქტის ათას ტონაში	მუშების საშუალო რიცხვი 1 სარეწზე	წარმოების ჯამი პროდუქტის ტონაში (ტან-ში)
1	ბოქკოვან ნივთიერებათა დამამუშავებელი წარმოება	8	798	1495	99,7	1873
2	ხე-ტყის დამამუშავებელი წარმოება	15	158	168	10,5	1063
3	ლითონთა დამამუშავებელი წარმოება	28	918	821	33,0	894
4	აგურის, თიხის და სხ. ნივთიერებათა დამამუშავებელი წარმოება	105	1065	480	10,1	450
5	ცხოველური (პირუტყვიური) პროდუქტების დამამუშავებელი წარმოება	34	1029	2722	30,3	2645
6	საკვები (მასაზრდოვებელი) ნივთიერებათა დამამუშავებელი წარმოება	53	1833	4702	34,6	2565
7	სხვადასხვა წარმოება	19	419	378	22,0	902

სულ | 262 | 6220 | 10788 | 23,7 | 1730

ვით, 1900 წელს მთელ საქართველოს დამამუშავებელ მრეწველობაში ერთ სარეწზე საშუალოდ მოდიოდა 10,8 მუშა, ხოლო წარმოების ჯამი საშუალოდ უდრიდა 16217 მანეთს², თბილისის მრეწველობაში კი ერთ სარეწზე მუშების საშუალო რიცხვი, როგორც ზემოთ დაინახეთ, აღწევდა 23,7 კაცს, ე. ი. ორჯერ და კიდევ უფრო მეტს,

¹ ცხრილი შედგენილია ჩემ მიერ შემდგენი საარქივო მასალების მიხედვით:

ა) ЦГИА.П., ф. 23, оп. 17, д. № 788, л.л. 58, 59, 60, 61.

ბ) იქვე, ф. 22, оп. 2, д. № 2914, л.л. 3, 3 об. и др.

აღნიშნულ ცხრილში არ არის შესული თბილისის რკინიგზის მთავარი სახელოსნოები, წყლის წისქვილები და მშენებელი წარმოება.

² Г. К. Вакрадзе, Возникновение и развитие капиталистической промышленности в Грузии в XIX веке, Тбилиси, 1958, გვ. 60.


თვითეული სარეწის პროდუქცია საშუალოდ საერთოდ უდრიდა 41092 მანეთს, ე. ი. 2,5-ჯერ მეტს, ვიდრე საქართველოს მრეწველობაში.

ამგვარად, რეფორმის შემდგომ პერიოდში საქართველოს სამრეწველო წარმოებაში თბილისის საფაბრიკო-საქარხნო მრეწველობას ეკირა უმთავრესი ადგილი. საკმარისია ითქვას, რომ თბილისის კაპიტალისტური მსხვილი მრეწველობა მთელი საქართველოს ფაბრიკულ და მანუფაქტურულ სარეწებში დასაქმებული მუშების საერთო რაოდენობის 62%-ს მოიცავდა.

XIX საუკუნის მეორე ნახევარში თბილისი წარმოადგენდა საქართველოს უმნიშვნელოვანეს ინდუსტრიულ ცენტრს, რომელიც უდიდეს გავლენას ახდენდა ქვეყნის მთელ სამრეწველო განვითარებაზე. თბილისში გვხვდებოდა მრეწველობის სხვადასხვა ფორმა. აქ წვრილი ხელოსნური და კუსტარული სარეწების გვერდით არსებობდა კაპიტალისტური მსხვილი ფაბრიკები და ქარხნები. მათი რიცხვი რეფორმის შემდეგ სულ უფრო და უფრო მატულობდა. თბილისში ლითონდამამუშავებელ მრეწველობაში წვრილ მექანიკურ სარეწებთან ერთად ვითარდებოდა და ფართოვდებოდა მექანიკური ქარხნები, რომელთაც ფაბრიკული ფორმა ჰქონდათ; ასე იყო მრეწველობის სხვა დარგებშიც. ამდენად სწორი არ არის ზოგიერთი ავტორის მიერ გამოთქმული აზრი, თითქოს რევოლუციამდელ საქართველოში საერთოდ, და თბილისში, კერძოდ, იყო მხოლოდ წვრილი კუსტარული და ნახევრადკუსტარული სარეწები. ეს მცდარი აზრი, სამწუხაროდ, გაპარულია საბჭოთა კავშირის ისტორიის სახელმძღვანელოშიც, სადაც ვკითხულობთ: „Развитие промышленности в Закавказье шло довольно медленно. В Тифлисской губернии были только мелкие предприятия“.¹

საქიროა ეს მცდარი დებულება გასწორდეს. ფაქტია, რომ ჯერ კიდევ XIX საუკუნის 70-ან და 60-ან წლებში თბილისში არსებობდა სამრეწველო საწარმოები, მაგალითად, ზეტცერის ავეჯეულობის ფაბრიკა (1866 წ.), ვეტცელის ლუდის ქარხანა (1869 წ.), მირზოევის ბამბეულის ფაბრიკა (1870 წ.), რუქსის მექანიკური ქარხანა (1870 წ.), ადელხანოვის ტყავის ქარხანა (1875 წ.) და სხვა.

¹ იხ. „История СССР“, под редакцией проф. А. М. Паякратовой, 1956, гл. 25б.



საქნაზმირის ადმინისტრაციული სახლი

ეს სარეწები სრულებითაც არ ყოფილა კუსტარული ან ნახევრადკუსტარული; პირიქით, ისინი წარმოადგენდნენ მსხვილ ფაბრიკულ სარეწებს. თქითეულ ამ სარეწში გამოყენებული იყო ორთქლის მანქანები, დაქირავებული მუშების რიცხვი კი შეადგენდა 16 კაცს და მეტს. ზოგიერთ სარეწში დაქირავებული მუშების რაოდენობა აღწევდა 600 კაცს, რომ არაფერი ვთქვათ ისეთი საწარმოს შესახებ, როგორც იყო ამიერკავკასიის რკინიგზის თბილისის მთავარი სახელოსნოები, სადაც დაქირავებული მუშების რაოდენობა 90-ანი წლების ბოლოს უდრიდა 2265 კაცს¹, ხოლო 900-ან წლებში 3500 კაცს მიაღწია. არ დაეინახოთ ყოველივე ეს — ნიშნავს უგულვებლევით ფაქტები.

თბილისის მრეწველობის სხვადასხვა დარგში კაპიტალისტური ფაბრიკა აღმოცენდა არა ერთდროულად და არა ერთნაირი გზით. ავეჯეულობის, თამბაქოსა და წარმოების ზოგიერთ სხვა დარგში ფაბრიკა აღმოცენდა თბილისში მრეწველობის დაბალი ფორმებიდან თანდათანობით უფრო მაღალ ფორმებზე გადასვლის გზით, წარმოების ბევრ დარგში კი ფაბრიკა გაჩნდა წვრილ საქონლურ-წარმოებისა და მანუფაქტურის საფეხურების წინასწარი გავლის გარეშე. ჩვენში ავეჯეულობის წარმოებაში კაპიტალისტური ფაბრიკა პირველად აღმოცენდა 1866 წ. ეს იყო ზეტცერის ავეჯეულობის ფაბრიკა, რომელიც მანამდეც არსებობდა თბილისში, მაგრამ მანუფაქტურის ფორმა ჰქონდა. ზეტცერის სარეწის მანუფაქტურიდან ფაბრიკაზე გადასვლა მოხდა 1866 წელს, ე. ი. როცა წარმოებაში დაიწყეს ორთქლის მანქანის გამოყენება. როგორც უწყისშია აღნიშნული, ეს სარეწი გაიხსნა თბილისში 1847 წელს, მაგრამ „Паровая сила применяется с 1866 года.“²

მაგრამ თუ ავიღებთ ბამბეულის წარმოებას, ამ დარგში კაპიტალისტური ფაბრიკა პირველად წარმოიშვა 1870 წელს. ეს იყო მირზოევის ბამბეულის ფაბრიკა, რომელიც აღმოცენდა თბილისში წვრილ საქონლურ წარმოებისა და მანუფაქტურული საფეხურების გავლის გარეშე. ფაბრიკულ სარეწთა

¹ მარქსიზმ-ლენინიზმის ინსტიტუტის ფილიალის არქივი, ფ. 91, დ. № 153, პ. 62. დაწვრილებით ამ საკითხზე იხილეთ ჩვენ შრომაში „Возникновение и развитие капиталистической промышленности в Грузии в XIX веке“, Тбилиси, 1958, გვ. 72—77.

² ЦГИА Груз. ССР, ფ. 17, დ. № 486, 1880, პ. 118.

უმრავლესობა როგორც საერთოდ მთელ საქართველოში, ისე თბილისშიც ამგვარად შეიქმნა. ეს ფაქტი განპირობებული იყო იმით, რომ კაპიტალიზმი თბილისის მრეწველობაში ვითარდებოდა განსაკუთრებულ ისტორიულ პირობებში.

საქართველოს სხვა ქალაქებთან შედარებით, თბილისში უფრო ადრე აღმოცენდა პირველი კაპიტალისტური ფაბრიკები და ქარხნები. აქ კონცენტრირებული იყო საანის, ასანთის, ტყავის, ფეხსაცმლის, ლუდის, კონიაკ-ლიქიორისა და არაყის, თამბაქოს, სახერხი, თუჯისჩამომსხმელი, მექანიკური და სხვა სარეწები. თბილისის სამრეწველო სარეწთა შორის ზოგი იმდენად დიდი იყო, რომ მისი პროდუქცია ადგილობრივი მნიშვნელობის ფარგლებს სცილდებოდა. მაგალითად, ფირფიცის სარეწი, რომელიც არსებობდა თბილისში ჯერ კიდევ 80-ან წლებში. მის შესახებ წყაროებში ნათქვამია: „Удовлетворяя местному потреблению Тифлисский завод снабжает своими произведениями Одессу, Варшаву, Москву и другие города вступившей России“.³

როგორც საქართველოში, ისე მთელს კავკასიაში და აგრეთვე რუსეთშიაც ცნობილი იყო თბილისის კონიაკ-ლიქიორის ქარხნის პროდუქცია, იგი ეკუთვნოდა ქართველ კაპიტალისტს დ. სარაჯიშვილს. მასვე ეკუთვნის ინიციატივა აღნიშნულ დარგში საქართველოში კაპიტალისტური წარმოების შექმნისა და განვითარებისა. თუ 1890 წელს სარაჯიშვილის კონიაკ-ლიქიორის და სპირტსახდელ ქარხანაში მუშაობდა 35 მუშა, ხოლო წარმოების ჯამი შეადგენდა 334 ათას მანეთს⁴, 1900 წელს კი მუშებოს რიცხვმა ამ საწარმოში 62-ს მიაღწია, ხოლო გამოშვებული პროდუქციის რაოდენობა 893411 მანეთამდე⁵ ავიდა. ამგვარად, 11 წლის (1890-დან 1901 წლამდე) განმავლობაში მუშების რიცხვი სარაჯიშვილის ქარხანაში თითქმის ორჯერ გაიზარდა, წარმოების ჯამმა კი თითქმის სამჯერ იმატა.

ადელხანოვის ტყავის ქარხანაში 1880 წელს მუშების რიცხვი შეადგენდა 150 კაცს, ხოლო გამოშვებული პროდუქცია უდრიდა 432 ათას მა-

³ ЦГИА Груз. ССР, ფ. 12, დ. № 844, 1890, პ. 91 ობ.

⁴ ЦГИАД, ფ. 20, ოპ. 22, დ. № 227, 1890, პ. 6.

⁵ ЦГИАД, ფ. 22, ოპ. 2, დ. № 2925, 1901, პ. 59—56.

ნეთს¹, 1901 წელს ამ ქარხანაში უკვე იყო 222 მუშა, ხოლო დაშვადებული პროდუქცია აღწევდა 764 ათას მანეთს². ამგვარად, 21 წლის (1880-დან 1901 წლამდე) განმავლობაში მუშების რიცხვი ადელხანოვის ქარხანაში გაიზარდა 48%-ით, წარმოების ჯამმა კი 76,8%-ით იმატა. 1891 წელს ადელხანოვის ქარხანას ჰქონდა 3 ორთქლის მანქანა. 90-ან წლებში ამ საწარმოში უკვე იწყეს ელექტროობის გამოყენება. როგორც წყაროებშია აღნიშნული, ადელხანოვა „Впервые в России ввел в своем заводе применение электричества при процессе дубления кожи“³.

ადელხანოვის ქარხნის პროდუქცია განირჩეოდა მაღალი ხარისხითა და ანიტოპ ის არა თუ უძლებდა სხვა ქარხნების საქონლის კონკურენციას, არამედ, პირაქით, თვითონვე წარმატებით უწევდა კონკურენციას ვარშავის⁴ და აგრეთვე სხვა ქალაქების პროდუქციას. ადელხანოვის ტყავის ქარხნის ამუშავება 1875 წელს თბილისში მოასწავებდა ფაბრიკული წარმოების დაწყებას საქართველოს ტყავის მრეწველობაში.

ჩეთორმის შემდგომ პერიოდში სწრაფად განვითარდა ფეხსაცმლის მრეწველობა. თბილისის ფეხსაცმლის ფაბრიკაში 1901 წელს მუშათა რიცხვი უდრიდა 507 კაცს, ხოლო დაშვადებული პროდუქცია შეადგენდა 937 ათას მანეთს⁵. ფაბრიკა წარმოების პროცესში იყენებდა ელექტროენერჯიას.

1900 წელს თბილისის დამუშავებულ მრეწველობაში რკინიგზის მთავარ სახელოსნოებთან ერთად ერთ მანქალა სარეწვე საშუალოდ მოდიოდა 92,3 მუშა, მაშინ, როდესაც მთელ საქართველოში იგი უდრიდა 76,7 კაცს.

XIX საუკუნის მეორე ნახევრიდან თბილისის მრეწველობაში აღვიდა აქვს მფლობელობის ერთპიროვნულ ფორმებიდან აქციონერულ ფორმებზე გადასვლის შედარებით ძლიერ პროცესს. ოფიციალური ცნობებით, 1900 წელს აქციონერულ საზოგადოებათა რიცხვი თბილისში შეადგენდა 14-ს,

¹ ЦГИА Груз. ССР, ф. 17, д. № 486, 1880, л. 72.

² ЦГИАЛ, ф. 22, оп. 2, д. № 2925, л. 17.

³ „Закавказский альманах“, Тифлис, 1896, стр. 190.

⁴ ЦГИА Груз. ССР, ф. 17, д. № 3574, 1893, л. 93.

⁵ ЦГИАЛ, ф. 22, оп. 2, д. № 2925, 1901, лл. 21, 24.

მათი წლიური ბრუნვა უდრიდა 9059 ათას მანეთს, ხოლო მუშების რიცხვი 1906 კაცს¹.

სამწუხაროდ, ერთ წერილში არ ხერხდება უფრო დაწვრილებით განვიხილოთ თბილისში არსებული ყველა ფაბრიკისა და ქარხნის ისტორია, მაგრამ განხილულ სარეწვა მიხედვითაც შეიძლება დავასკვნათ, რომ თბილისმა ჩეთორმის შემდგომ პერიოდში, ისე როგორც მთელმა საქართველომ, ნამდვილად განელო სამრეწველო კაპიტალიზმის სტადია და XX საუკუნის დასაწყისიდან გადავიდა კაპიტალიზმის უმაღლეს და უკანასკნელ სტადიაზე — იმპერიალიზმზე. კაპიტალისტური მრეწველობის წარმოშობასა და განვითარებასთან ერთად სულ უფრო იზრდებოდა გაუქმობების მანქანებისა და იარაღების გამოყენება წარმოებაში². ამ მანქანებიდან ზოგი თვით თბილისის მექანიკურ სარეწვეშივე კეთდებოდა, მაგრამ ის ვერ აკმაყოფილებდა ჩვენი ქვეყნის გაზრდილ მოთხოვნილებებს, ამიტომ როგორც მთელი საქართველოს, ისე კერძოდ თბილისის მრეწველობაც ძირითადად იყენებდა რუსეთიდან და აგრეთვე უცხო ქვეყნებიდან შემოზიდულ მანქანებს. მაგალითად, 90-ან წლებში თბილისში მოქმედებდა ხ. პ. პავლოვისა და კომპანიის სავაჭრო მაღაზია, სადაც შეიძლებოდა ორთქლის მანქანების, ტურბინების, დაზგებისა და სხვა მოწყობილობის ყიდვა.

საზღვარგარეთიდან მანქანების იმპორტისაგან ჩვენი ქვეყანა განთავისუფლდა მხოლოდ საბჭოთა ხელისუფლების დამყარების შემდეგ. კომუნისტური პარტიისა და საბჭოთა მთავრობის მიერ გამოქვეყნებულ სახალხო მეურნეობის ხუთწლიანი გეგმების განხორციელების შედეგად საქართველოში, კერძოდ თბილისში, შეიქმნა საკუთარი მანქანათმშენებლობის ბაზა.

უნდა აღინიშნოს, რომ საქართველოში კაპიტალიზმის განვითარებამ ვერ შესძლო ქვეყნის ეკონომიური ჩამორჩენილობის ლიკვიდაცია. ეს შესაძლებელი გახდა მხოლოდ მეურნეობის სოციალისტური სისტემის შედეგად. მხოლოდ საბჭოთა წყო-

¹ „Сборник статистических сведений по Закавказскому краю, ч. 1, Тифлис, 1902, стр. 238—240.

² მაგალითად, მთელ კავკასიაში ორთქლის მანქანების რიცხვი გაიზარდა 51-დან (1875—1878 წწ.) 514-მდე (1892 წ.) ე. ი. უფრო მეტად, ვიდრე 10-ჯერ, მათი სიმძლავრე კი 9-ჯერ გადიდა (იხ. ვ. ი. ლენინი, თხზ., ტ. 3, გვ. 600).


ბილემის პირობებში გადაიქცა საქართველო ჩამორჩენილ აგრარულ ქვეყნიდან მოწინავე ინდუსტრიულ ქვეყნად.

რეფორმის შემდგომ პერიოდში თბილისში საფაბრიკო-საქარხნო მრეწველობის აღმოცენებასთან და განვითარებასთან ერთად წარმოიშვა სამრეწველო პროლეტარიატი. კავკასიის, კერძოდ კი საქართველოს სოციალ-პოლიტიკური ცხოვრების განსაკუთრებული პირობები აღრმავებდა კლასობრივ წინააღმდეგობებს და კლასთა ბრძოლას კიდევ უფრო მძაფრ ხასიათს აძლევდა.


თუ 70-ან და 80-ან წლებში კლასობრივი ბრძოლა თბილისში ვლინდებოდა მხოლოდ ერთეულ შემთხვევებში, XIX საუკუნის ბოლოს იგი მასიურ ხასიათს იღებს. ამ დროიდან სწრაფად იზრდება მშრომელი მასების პოლიტიკური შეგნებულობა. რუსეთის სახელოვან პროლეტარიატთან ერთად თბილისის პროლეტარიატი საქართველოსა და მთელი ამიერკავკასიის მუშათა კლასთან მჭიდრო კავშირში მძლავრ რევოლუციურ ძალად იქცა ბურჟუაზიისა და თვითმპყრობელობის წინააღმდეგ ბრძოლაში.

თბილისის პროლეტარიატი წარმოადგენდა საქართველოს მუშათა კლასის მოწინავე და ძლიერ რაზმს, რომელმაც განვლო დიდი და სახელოვანი გზა 70-ანი წლების პირველი სტიქიური გამოსვლებიდან 900-ანი წლების ორგანიზებულ პოლიტიკურ გაფიცებამდე და შეიარაღებულ აჯანყებამდე. მან არაერთი ბრწყინვალე ფურცელი ჩასწერა მუშათა კლასის რევოლუციური ბრძოლების ისტორიაში.

ბურჟუაზიისა და თვითმპყრობელობის დამნობის შემდეგ დიდი რუსი ხალხის დახმარებით კომუნისტური პარტიისა და საბჭოთა მთავრობის ყოველდღიური მზრუნველობით საქართველო და მისი დედაქალაქი თბილისი არანაულად გაძლიერდა და განვითარდა. საბჭოთა პერიოდში თბილისი გადაიქცა სოციალისტური ინდუსტრიის ქალაქად და საქართველოს უდიდეს სამრეწველო და კულტურულ ცენტრად. ქალაქ თბილისის 1 500 წლისთავი ქართველი ხალხის დიდი დღესასწაულია. მას მთელი ჩვენი ქვეყანა უდიდესი სიხარულითა და აღტაცებით ხედება.



თბილისის საქალაქო სათათბიროს დარბაზი (დარბევის შემდეგ)
1905 წლის 29 აგვისტოს



ბალატიონ მინლამ

**ქველი თბილისის წყლით
მომარაგება**

საქართველოს დედაქალაქი, ჩვენი საყვარელი თბილისი, რომელსაც უკვე 1 500 წლის ისტორია აქვს, გარეშე მტრების შემოსევის შედეგად მრავალჯერ განადგურებულა და აოხრებულა. თავდაშხმელები ანგრევდნენ და წვავდნენ არსებულ შენობებსა და მათ შორის, ქართული მატერიალური კულტურის უმნიშვნელოვანეს ძეგლებს; ანგრევდნენ აგრეთვე წყალსადენებსა და სარწყავი ქსელის ყოველგვარ ნაგებობას, ჩეხავდნენ და ცხენების სადგომებად იყენებდნენ თბილისის მდიდარ ბალებს.

მტრების განდევნის შემდეგ ქართველი ხალხი ხელახლა იწყებდა ქალაქის მეურნეობის აღდგენასა და კეთილმოწყობას.

თბილისის განთქმული ბალების აღდგენას, მათ მორწყვას უდიდესი ყურადღება ექცეოდა, რადგან უამისოდ აქაურ კლიმატურ პირობებში მცენარეულობა ვერ გაიხარებდა. ამიტომ ბალის გაშენებამდე სარწყავი წყლის გამოყვანის საქმე უნდა ყოფილიყო მოგვარებული. ძველ თბილისში არა თუ სარწყავი, არამედ სასმელი წყლით მომარაგების საკითხიც კი მტკივნეული იყო. დადასტურებულია, რომ ჩვენი წინაპრები იყენებდნენ მაშინდელ ყვე-

ლა ტექნიკურ შესაძლებლობას ბალებისა და ნარგავების მოსარწყავად, აგრეთვე მოსახლეობის მოთხოვნილების დასაკმაყოფილებლად.

• • •

ჩვენი ქალაქის მოსახლეობისათვის სასმელ წყალს XIX საუკუნეში ეზიდებოდნენ მდინარე მტკვრიდან, ბუნებრივი წყაროებიდან და ქებიდან ურმებით, სახედრებით, ცხენებითა და ზურგი-თაც კი. პროფესიულ წყლის მზიდავებს „მეთულუხეებს“ ანუ „თულუხეებს“ ეძახდნენ.

ისმის კითხვა, გარდა მტკვრის წყლით სარგებლობისა, საიდან შემოპყავდათ ძველ თბილისში მცენარეთა მოსარწყავად და სასმელად საჭირო წყალი, რომელი მდინარე ან ხევი იყო ამ მხრივ მასაზრდოებელი?

ვიღრე ამ კითხვას ეუპასუხებდეთ, საჭიროდ მიგვაჩნია დაახლოებით მაინც შემოვფარგლოთ იმდროინდელი თბილისის საზღვრები ვახუშტი ბაგრატიონისა და ფრანგი მოგზაურის შარდენის ტოპოგრაფიული გეგმების მიხედვით.

ქალაქის სამხრეთის კედელი იწყებოდა ნარიყა-ლიდან (წავკისის ანუ დაბახანის ხევის პარალელუ-

რად), გრძელდებოდა დღევანდელი კომკავშირის ხეივნის მიმართულებით და თავდებოდა სიმაგრით, რომელსაც ვახუშტი „შაჰისტახტს“ უწოდებს; ამ სიმაგრის ნანგრევთა ნაშაები დღემდე შემორჩენილი.

კედელი უხვევდა ქვემოთ ჩრდილოეთისაკენ, დღევანდელი ილია ჰავეკაძისა და პუშკინის ქუჩების გაყოლებით მიემართებოდა და ბარათაშვილის ქუჩის კუთხემდე გრძელდებოდა, იქედან კი მიჰყვებოდა „ავანანთხევის“ მარჯვენა ნაპირს, ბარათაშვილის ქუჩის დღევანდელ მიმართულებას, ჩადიოდა მტკვრის ნაპირამდე და თავდებოდა იქ, სადაც დღეს ბარათაშვილის სახელობის ხილია. ამ ძველი გალავნის ნარჩენები დღესაც ჩანს პუშკინის ქუჩის № 27 და № 29 სახლებს შუა.

ფრიად საინტერესო ისტორიულ საბუთს წარმოადგენს ვახუშტი ბაგრატიონის მიერ შედგენილი თბილისის ტოპოგრაფიული გეგმა; საყურადღებოა აგრეთვე ფრანგულ ენაზე 1785 წელს შედგენილი გეგმაც. დასახელებული გეგმა მრავალ საინტერესო მასალას შეიცავს ძველი თბილისის შესწავლის თვალსაზრისით.

მე-18 საუკუნის თბილისში არსებობდა ტყავეულობის, მინის, ლითონის, ფულისა და ზარბაზნების ჩამოსასხმელი ქარხნები, სტამბა, სამღებრო, საოქრომკვდლო სახელოსნოები, მაუდის საწარმოები, წისქვილები და სხვ. რომელთათვისაც საჭირო იყო ტექნიკური წყალი. საჭირო იყო წყლის შეყვანა თბილისის ციხე-სიმაგრეებშიც.

ასე, მაგალითად, ცნობილი ნარიყალას ციხე-სიმაგრის წყლით უზრუნველყოფის საკითხი გარკვეული და მოგვარებული უნდა ყოფილიყო მისი მშენებლობის დაწყებისთანავე.

რამდენიმე წლის წინათ ჩვენ მიერ აღმოჩენილი იქნა ერთ-ერთი უძველესი წყალსადენი, რომელიც 5 კილომეტრით დაშორებული ადგილიდან გამოუყვანიათ; ოსტატურად ჩაწყობილი თიხის მილების საშუალებით სასმელი წყლით მარაგდებოდა ნარიყალას ციხე და ქალაქის მოსახლეობის გარკვეული ნაწილი.

1955 წლის 10 ივნისს, სტალინის სახელობის კულტურისა და დასვენების პარკის ტერიტორიაზე მიწის სამუშაოების წარმოებისას, ერთნახევარი მეტრის სიღრმეზე აღმოჩნდა ოსტატურად ნაგები ძველი წყალსადენის ნაშთები. ეს იყო ერთიგეო-

რეში მკვიდროდ ჩასმული კერამიკული (წითლად გამომწვარი, 10 სანტიმეტრი დიამეტრის) თიხის მილები, მათ ძირსაც ეგოთ და ზემოდანაც ეფარათ ორ ქანობად ძველებური კვადრატული, ეგრეთწოდებული „ქართული“ აგური ზომით 22×22×5 სმ, მილსადენი სამკუთხა განივკვეთიან ბუდეში იყო მოქცეული და მონაცრისფერო კირის დუღაბით გამაგრებული. მილსადენი რამდენიმე ადგილას გაეაშიშვლეთ და აშკარა გახდა, რომ იგი თბილისისაკენ მოემართებოდა.

ჩვენ განვაგრძეთ აღმოჩენის ადგილისა და მისი მიდამოების შესწავლა, რათა გაგვეკვლია ძველი წყალსადენის ტრასა და სათავე. ამ წინასწარ საძიებო მუშაობას საქართველოს სსრ მეცნიერებათა აკადემიის ივანე ჯავახიშვილის სახელობის ისტორიის ინსტიტუტის თანამშრომელთა კონსულტაციით ვაწარმოებდით.

აღმოჩენის ადგილის ზემოთ რამდენიმე ადგილას ჩაქრილ ვიწრო თხრილებში კვლავ გამოჩნდა ძველი წყალსადენის ისეთივე ოსტატურად ნაგები ახალ-ახალი ნაწილები.

ძიებამ მიგვიყვანა იმ ადგილამდე, სადაც ჩვენის აზრით, აღნიშნული წყალსადენის სათავე ყოფილა.

იგი მდებარეობს სოფელ ოქროყანის სამხრეთ-აღმოსავლეთით, სტალინის სახელობის კულტურისა და დასვენების პარკის მეოთხე აგროუზნის კანტორის მანლობლად, კოჯრის ასფალტიანი გზის პირას, კომკავშირის ხეივიდან სამი კილომეტრის დაშორებით. აქ ღრმა ხევიში საღ კლდეებზე ჩანჩქერია, ხოლო მის გვერდით გამოჭრილია გვირაბი (დიამეტრით 1,5 მ), საიდანაც დღესაც დის წყარო, რომლის სიგრძე 14 მეტრია. მას ტეხილი მიმართულება აქვს. გვირაბი ჩრდილოეთიდან სამხრეთისაკენ 7,5 მეტრზე მიემართება, - შემდეგ 2 მეტრზე დასავლეთით უხვევს, შემდეგ ისევ 4,5 მეტრზე სამხრეთისაკენ იცვლის მიმართულებას. ჩანჩქერის ძირიდან გვირაბი 2,5 მეტრ სიმაღლეზეა, მისი ფსკერი დაქანებულია ისე, რომ წყალი მასში თავისუფლად გამოედინება. გვირაბის ტეხილი მიმართულება იმით უნდა აიხსნას, რომ მისი გამკრელები ცდილობდნენ გვირაბის ტეხილი პროფილით შეემციებინათ ნაკადის სიჩქარე, რათა წყლის დაგროვებისას აუზში ნაკლები ყოფილიყო წყლის ჰიდრაული დაწნევა და დაგროვებისათვის ხელი არ შეეშალა. ამავე მიზნით გვირაბის სიმაღლე შიგნით მეტია, ვიდრე შესასვლელში.

ისმის კითხვა, როგორ გადაწყვედათ სამივე აღნიშნული წყაროდან მოგროვილი წყალი ხევის მარცხენა ნაპირზე? (გვირაბიცა და წყაროებიც ხევის მარჯვენა ნაპირზეა, ხოლო წყალსადენი ხევის მარცხნივ მიემართება). საფიქრებელია, რომ აქ მოწყობილი იქნებოდა საამისო მცირე ნაგებობა, ხიდი-აქვედუჯი (ბერღარა), რომელშიც ჩადგმული იქნებოდა კერამიკული მილსადენი.

გვირაბის ქვევით, საქმაოდ დაქანებული ფერდობის გარდიგარდმო გადაკვეთით, დაახლოებით 2 კმ-ზე, წყალსადენი მიემართება აღმოსავლეთისაკენ, შემდეგ გადაკვეთს ახლანდელ კოჯრის გზატკეცილს, 500 მეტრს გაივლის ჩრდილოეთისაკენ ფუნიკულიორის მიმართულებით (იქ სადაც კლდოვანი ფერდობები სოლოლაკს დაჰყურებენ), შემდეგ ისევ აღმოსავლეთით უხვევს და ჩადის სოლოლაკის განაპირა სახლებთან კოჯრის ახალი გზის ქ. № 7 და № 10 სახლებს შორის. შემდეგ წყალსადენი ერთხანს იკარგება და თავს იჩენს მხოლოდ „ქვის დუქნის ხევთან“, რომელიც ხელოვნურად უნდა იყოს გაჭრილი. აღნიშნული ხევის დასავლეთ ნაპირზე, ქალაქის ამ უბნის დაცვის მიზნით ნიაღვრისაგან 500 მეტრი სიგრძისა და 1—1,5 მ სისქის ქვიტკირის ძლიერი სამაგრი კედელია აგებული. ამ ხევზე შემორჩენილია უაღრესად საყურადღებო ძველი ნაგებობა, რომელიც აწუქვე მიკვლეულ წყალსადენთან არის, დაკავშირებული. ეს არის ქართული აგურით ნაშენი მცირე რკალური ხიდი ბერღარა-აქვედუჯი, რომლის ერთი ბოლო აღნიშნული ხევის კლდოვან ნაპირს ეყრდნობა, ხოლო მეორე — ხევის მეორე მხარეს დაყოლებულ ქვიტკირის სამაგრ კედელს. ამ „ხიდში“ კარგად ჩანს შიგ წყობაში ჩატანებული ჩაკირული მილები იმავე წყალსადენისა, ასე რომ ეს ხიდი აქვედუჯია და მას სხვა დანიშნულება არც უნდა ჰქონოდა. ამის შემდეგ წყალსადენი ჩატანებულია აღნიშნულ სამაგრ კედელში და გამოდის ზედ გზატკეცილის პირას. ჩანს იგი პირდაპირ შიდა ციხეში შედიოდა (ახლანდელი კომკავშირის ბეივნის მიმართულებით); ამრიგად, საექვო აღარ უნდა იყოს, რომ აქ საქმე გვაქვს უძველეს წყალსადენთან, რომელსაც ოქროყანის მიდამოებიდან 5 კილომეტრზე მოჰყავდა წყაროს სუფთა და ცივი წყალი თბილისის ძველისძველი შიდაციხის მოსამარაგებლად. რა თქმა უნდა, მის კარგად მოწყობასა და, რაც

მთავარია, ოსტატურად შენიღბვას, გადამწყვეტი მნიშვნელობა უნდა ჰქონოდა ციხეში გამაგრებულითა სიმტკიცისა და გამძლეობისათვის. მართლაც, სადაც კი მივაკვლიეთ ამ წყალსადენის ნაშთებს, ყველგან აშკარად ჩანს, რომ იგი ოსტატურად შეუნიღბაუთ და მტრისათვის ძნელი მისაგნები გაუხდიათ (გვირაბიანი სათაიდან უკანასკნელ აქვედუჯამდე და სამაგრ კედლამდე). უნდა აღინიშნოს, რომ წყალსადენის ნაშთების შესწავლისას აქა-იქ შეგვხვდა მილის ნატეხები, რომელთაც შიგნით მშვენიერ თუ მოყვითალო ქიქური უჩანს, მაგრამ მეტწილად კი თიხის მილები მოქიქული არ უნდა იყოს, თუმცა რაღაც საქმაოდ მოსქო რუხი ქერქი კი აკრავს შიგნიდან. შესაძლებელია, მილები მხოლოდ ალაგ-ალაგ იყოს მოქიქული ანდა მოუქიქავი მილები სხვადასხვა ხანას ეკუთვნოდეს და ძველი წყალსადენის შემდეგ შეეკეთება-განახლებასთან უნდა გვექონდეს საქმე.

დღესდღეობით ამ წყალსადენის თარღის შესახებ გარკვევით უნდა ითქვას, რომ იგი ძველისძველი ციხის მშენებლობასთანაა დაკავშირებული და ერთ-ერთ ძველ წყალსადენს წარმოადგენს; რაც შეეხება ზოგ ადგილას მის შეკეთება-განახლებას, ეს უფრო გვიან, შუა საუკუნეებს უნდა ეკუთვნოდეს.

ერთი რამ ცხადია, ციხე-სიმაგრის არსებობა უწყლად შეუძლებელი იყო, ამიტომ წყლის გაცვანის საკითხი ციხე-სიმაგრის მშენებლობასთან ერთად იქნებოდა მოგვარებული. ნარიყალას ციხე-სიმაგრეში აუზებიც ჰქონიათ და შიგ თევზები ჰყოლიათ მოშენებული. ხსენებული წყალსადენი ციხიდან ქალაქში ჩამოდიოდა, მის წყალს ლამაზად გაფორმებული შადრევნებისათვის იყენებდნენ. შადრევიდან ამონახეთქ წყალს აუზებში აგროვებდნენ და ბაღების მოსარწყავად ხმარობდნენ.

ჩვენ მიერ აღმოჩენილი წყალსადენი ატარებდა წამში დაახლოებით 10 ლიტრს, დღე-ღამეში კი 864000 ლიტრს, ანუ 864 კუბურ მეტრ წყალს, ამ წყალს თავისუფლად შეეძლო 15 ჰექტარი ბაღის მორწყვა.

ცხადია, ამ მილებით მონადენ წყალს ძირითადად იყენებდნენ სასმელად, აუზებში თევზების მოშენებისა და შადრევნების საჭიროებისათვის, ხოლო შადრევნის აუზში დაგროვილი წყალი ხმარდებოდა ნარგავების მორწყვას.

ამ ახლად აღმოჩენილი წყალსადენის სუფთა წყაროს წყალი, ჩვენი გაანგარიშებით, მშვიდობიან პირობებში დააკმაყოფილებდა ქალაქის 14.400 სული მცხოვრების საყოფაცხოვრებო საჭიროებას.

ოქროყანის უძველესი წყალსადენის გარდა, რომელიც სასქელი წყლით ამარაგებდა ნარიყალის ციხე-სიმაგრეს და ქალაქის მოსახლეობას, ყურადღებას იპყრობს აგრეთვე ჩვენს მიერ იქვე ახლოს აღმოჩენილი ხევის ჰიდროტექნიკური ნაგებობის ნაშთები, რომელიც, როგორც ჩანს, წარმოადგენდა „ობრახევიდან“ ქალაქში გაყვანილი ბაღების სარწყავი წყლის სადინარს. იგი მსხვილკენჭოვანი ცემენტისაგან არის გაკეთებული, წარმოადგენს მრავალწახანაკოვან მილს და ჩანს, XIX საუკუნეზე აღრინდელ ხანას არ უნდა ეკუთვნოდეს. ეს მილები დაყოლებულია გაცილებით უფრო ძველ, ძირითადად, აგრეთვე კლდეში გაჭრილ სადინარის გასწვრივ, რომელიც დღესაც შეიმჩნევა, ე. ი. იგი ძველი სარწყავი არხის ტრასაზეა განახლებული, ლეღთახევის მარცხენა ნაპირს რომ მიჰყვება. ამ მილსადენის სათავე ჩანს ბოტანიკური ბაღის ზემოთ, იქ, სადაც „სოფელ შინდისისაკენ მიმავალი ბილიკი გადადის ხევზე. ამ ადგილს ობრახევსაც უწოდებდნენ. ამ სარწყავი მილის ხელოვნურად შემალეხებული სათავე ხუთიოდე მეტრით უფრო მაღლაა, ვიდრე ხევის კალაპოტი; აღნიშნული მილები გადის სათავედან 130-მდე მეტრ მანძილზე. ტრასა ჩრდილოეთით უხევს, კვეთს ზემოაღნიშნულ „ქვის დუქნის ხევს“, კოჯრის გზას და მიემართება კომკავშირის ხეივნის ფერდობზე დასავლეთით. დავითაშვილის გასასვლელის № 8 და კოჯრის ქუჩის № 14 სახლებს შორის ქუჩის ზედაპირზე კარგად ჩანს ასეთივე მილები. ახლანდელ დავითაშვილის ქუჩაზე (აღრე კი ხევზე) გადასაყვანად აგებული ყოფილა ქვის მასიური, ხუთი მეტრი სიმაღლის საყრდენებზე აგებული აქვედუკო, დავითაშვილის ქუჩის № 30 სახლთან დგას ქვეთ ნაშენი დიდი—5 მეტრი სიმაღლისა და 2 მეტრი სიგანის—ბურჯი. მეორე ასეთი დასაყრდენი ბურჯი (დავითაშვილის ქუჩა № 35) ახალი სახლის მშენებლობასთან დაკავშირებით დაუნგრევით 1954 წელს.

ერთი ხანდაზმული მოქალაქის თქმით, მას ბავშვობიდან ახსოვს, როგორ მიდიოდნენ დროდადრო ჯარისკაცები აუზის გასაწმენდად, როცა იგი დაიწლებოდა. სარწყავი წყალი მეფისნაცვლის (ამჟა-

მად პიონერთა) სასახლის ბაღში მიდიოდა და მისი შეწყვეტა არ შეიძლებოდა. იგივე არხი რწყავდა სხვა ბაღებთან ერთად ყოფილ ალექსანდრეს, ახლა 26 კომუნარის სახელობის ბაღსაც.

ჩვენი გაანგარიშების თანახმად, ეს სარწყავი მილი წამში ატარებდა დაახლოებით 80 ლიტრ ანუ დღე-ღამეში 6912 კუბურ მეტრ წყალს.

ამ რაოდენობის წყლით შეეძლოთ 150 ჰექტარამდე ფართობის მორწყვა.

მდინარე მტკვრის მარცხენა ნაპირი ადგილობრივი ბუნებრივი წყლებით შედარებით ღარიბი იყო. XII საუკუნეში მტკვრის ხსენებულ ნაპირზე ძველი თბილისის ბაღებს რწყავდა ფშავის არაგვიდან გამოყვანილი არხი. იმ დროისათვის ჩვენში იმდენად მოწესრიგებული ყოფილა ირიგაცია, რომ შედარებით მაღლობი ადგილებიც ირწყვებოდა.

მდინარე მტკვარზე წყლის ამწევი ჩარხები ყოფილა მოწყობილი, რასაც ადასტურებს XIII საუკუნის დამდეგის სპარსული ძეგლი: „თბილისში აუშენებიათ მრავალი წისქვილი, რომელთაც ჯაჭვით აჩერებენ (ამაგრებენ) მდინარეში, მრავალია დოლაბი (წყლის ამწევი ბორბლები) და დოვლათით სავსე ბაღები, მასში (თბილისში) 65 აბანოა“.

XIII საუკუნიდან საქართველო მტკვრის შემოსევის შედეგად მრავალჯერ აუთონრებიათ, თბილისის წყლის შეურნეობაც გაუნადგურებიათ. ამას ადასტურებს XVII საუკუნის თურქი მოგზაური ევლია ჩელები, იგი თბილისში გამდინარე მტკვრის შესახებ წერდა: „მოსავლისათვის მდინარე მტკვარს (თბილისში) სარგებლობა არ მოაქვს... ამიტომ ბუნებრივია, რომ „ქორს“ (ბრმას) უწოდებენ“.

შემდეგ საუკუნეებში ქართველებს მდინარე მტკვრიდან გამოუყვანიათ სარწყავი არხი თბილისის მარცხენა მხარისა და მათ შორის, დიდუბის ცნობილი ბაღების მოსარწყავად. გამოჩენილი ქართველი გეოგრაფი და ისტორიკოსი ვახუშტი ბაგრატიონი დიდუბის უწყლობას ასე აგვიწერს: „თბილისის ჩრდილოეთით არს მინდორი დიდუბისა, რომელსა პირველს ეწოდა ცხენის ტერფი. თბილისიდან მცხეთამდე უწყლო, არამედ მოსავლიანი“. დიდუბე ქალაქის ერთ-ერთ უმნიშვნელოვანეს გარეუბნად ითვლებოდა. აქ ჰქონდა სასახლე თამარს.

ცნობილია, რომ ძველი თბილისის გარეუბნებში დირსიკალის, ორთაქალის, კრწანისის, დიდუბის,

სეიდაბადის, სოლოლაკის, ვერისა და საბურთალოს მიდამოებში შესანიშნავი ბაღები ყოფილა გაშენებული. ვერაზე წყნეთამდე გრძელდებოდა საუკეთესო ბაღები, რომლებიც მდინარე ვერიდან გამოყვანილი არხით ირწყვებოდა, ამავე არხით ირწყვებოდა საბურთალოს ველიც. «გარნა ვერე წყნეთამდე წალკოტითა შემკული და მრავალნი. მისი სამკრით არს ველი საბურთალოსა. ამის შინა ყოფილარუ, ვერიდამ მოტანილი და აწ უამისოდ უნაყოფო არს».

საფიქრებელია, რომ ეს მშენებელი ბაღნარი გარეშე მეტრების მიერ სარწყავი არხის დანგრევის შედეგად გავერანებულა და უნაყოფო ადგილად ქცეულა.

ცნობილია, რომ ღირსიქალა თავისი სახელგანთქმული ბაღებით ძველი თბილისის ტერიტორიის გარეუბანი იყო, ღირსიქალის (ნეთლულის) ბაღების სარწყავი წყლით მომარაგების ადგილზე შესწავლის დროს, ჩვენ მიერ გამოკვლეულ იქნა ექვსი სხვადასხვა ბუნებრივი სუფთა ცივი წყარო, რომელიც ქართველ მებაღეებს დიდი ჯაფითა და ოსტატობით გამოუყვანიათ ძველად ჩრდილოეთის მხრიდან, რამდენიმე ასეულ მეტრ მანძილზე 2—7 მეტრი სიღრმის გვირაბით.

ვინაიდან ამ მიდამოებში ნიადაგის დამუშავებისა და დასახლების დროს ძველი მარნებია აღმოჩენილი, საგულისხმოა, რომ აქ უმთავრესად მისდევდნენ მევენახეობასა და მეხილეობას. მებოსტნეობას. იმ დროისათვის შედარებით უფრო ნაკლები ადგილი ექნებოდა დათმობილი, რადგან შემოსხენებული წყაროები მლაშეა და როგორც პრაქტიკამ გვიჩვენა, კიტრისა და პამიდორის კულტურაზე დადებითად არ მოქმედობს.

ჩრდილოეთიდან სამხრეთისაკენ მონადენი ექვსი წყაროს ტრასაზე ყოველი 30 მეტრის დაშორებით არსებობს საკონტროლო ჭები, რომელთა სიღრმე ზოგან 7 მეტრსაც აღწევს. ჭის თავი მუხის მორებით ყოფილა დახურული და წყლის დინების შეფერხების დროს გამოცდილი შერჩეული პირი ამ საკონტროლო გზით ჩადიოდა და გვირაბს ასუფთავებდა.

აღსანიშნავია, რომ გვირაბის სიმაღლე და დიამეტრი შიგნით უფრო დიდია, ვიდრე შესასვლელთან, ამავე დროს გვირაბი იმდენად მაგარ ფენებში

და სათანადო დაქანებოთა ნაკეთები, რომ მასში წყლის დინებისათვის თიხის მილები არაა დატანებული.

ზემოთ აღწერილ ამ ექვს ობიექტს შორის საინტერესოა ჩვენ მიერ აღმოჩენილი № 4 წყარო, რომლის გვირაბის შესასვლელი ბოლოვდება ძველი ქართული აგურით ნაგებ აუზ-მაციკრო; იგი მდებარეობს მანაიის ქ. № 10 სახლის ეზოში, მახარაძის სახელობის კოლმეურნეობის წევრის საკარმიდამო ნაკვეთზე.

აღსანიშნავია, რომ აუზ-მაციკრის კედლებში დატანებულია 60×30 სანტ. მოცულობის 4 თახჩა: ერთი — ჩრდილოეთის, ერთი აღმოსავლეთისა და ერთი — დასავლეთის მხარეს, რაც ადასტურებს, რომ ხსენებულ აუზს მებაღეები ზაფხულში მაციკრადაც იყენებდნენ. ამრიგად, ეს ნაგებობა ასრულებდა ორ დანიშნულებას: ერთი — როგორც სარწყავი წყალსაცავისა და მეორე — ზაფხულის პერიოდში პროდუქტების შესანახი ადგილისას.

რომელ პერიოდს მიეკუთვნება ეს ახლად აღმოჩენილი აუზ-მაციკარი?

ქართული აგურის (21×21 სანტ.) მიხედვით თუ ვიმსჯელებთ, ის მე-18 საუკუნის ბოლოსა და მეცხრამეტე საუკუნის დასაწყისს უნდა ეკუთვნოდეს; რაც შეეხება გვირაბებით მორწყვის სისტემას, იგი უდავოდ უფრო ძველია და წინა საუკუნეებს ეკუთვნის, რადგან ღირსიქალის ბაღები დიდი ხნიდანაა ცნობილი და ეს მიდამოები, რა თქმა უნდა, წყლისა და მორწყვის გარეშე სახელს ვერ მოიხვეჭდა.

წყლის ასეთი გამოყვანის სისტემა ჩვენ აღმოვაჩინეთ აგრეთვე ძველი თბილისის სხვა ადგილებშიც — სიონის ქ. № 8 სახლის — ყოფილ ქარვასლის ეზოში; ქუჩის ზედაპირიდან 10 მეტრ სიღრმეზე ბნელ სარდაფში, ძველი ქართული აგურით ნაგებ გვირაბიდან მოპქუხს სუფთა ცივი წყალი, რომლის სათავე, ვფიქრობთ, ქალაქის სამხრეთ-დასავლეთ მთების ძირში უნდა იყოს. ამ წყალგაყვანილობის აგურით ნაგები თალი XVIII საუკუნეს მიეკუთვნება და თუ XVIII საუკუნეში ძველი თბილისისათვის წყლის გაყვანის ასეთი ტექნიკა ჩვეულებრივი მოვლენა იყო, ცხადია, ქალაქის გარეუბნებისათვის მიწის სიღრმეში გვირაბების საშუალებით წყლის შეგროვება შორი მანძილიდან და მისი მოსარწყავად გამოყენება შესაძლებელი და ხელმისაწვდომი იქნებოდა. ამიტომ შემოსხენე-

ბული აუზ-მაცერის წყალგაყვანილობა, როგორც მორწყვის სისტემა, ვფაქრობთ, უფრო ძველია, ვიდრე ჩვენ ვივარაუდეთ.

თბილისის ბუნებრივი თბილი გოგირდოვანი წყლის აბანოები, ძველთაგანვე იპყრობდნენ მკვლევართა და მოგზაურთა განსაკუთრებულ ყურადღებას.

ა. ს. პუშკინს ერზერუმში მოგზაურობის დროს გამოუვლია თბილისში და გოგირდის აბანოში უბანავნია: „ჩემს სიცოცხლეში არაფერი შემხვედრია თბილისის აბანოებზე უმშვენიერესი, არც რუსეთში და არც ოსმალეთშიო“ — ამბობს გენიალური პოეტი.

როგორც აღვნიშნეთ, მტრები ანადგურებდნენ ყოველგვარ ნაგებობას, მათ შორის აბანოებსაც. როცა საქართველოს მეფე როსტომმა შაჰ-აბაზის მიერ განადგურებული თბილისი ხელახლა აღადგინა, განაახლა თბილისის აბანოებიც.

1795 წელს ალა-შაჰმად-ხანმა თბილისის აოხრებისას ისევ დაანგრია აბანოები.

ქართველმა ხალხმა აოხრებული თბილისის აღდგენასთან ერთად აბანოებიც კვლავ აღადგინა და ცდილობდა გამოეყენებინა გოგირდის ცხელი წყაროები არა მხოლოდ როგორც სამკურნალო, არამედ როგორც სამეურნეო წყალიც — ტყავეულობის გამოყვანისათვის.

აღსანიშნავია, რომ გოგირდის ცხელ წყლებს ძველ თბილისში იყენებდნენ აგრეთვე ნარგავნათესების მოსარწყავად. ამის დამადასტურებელია არქეოლოგიური და ეთნოგრაფიული მასალები. 26 კომისიის რაიონის ტერიტორიაზე, ქალაქის პირველ საავადმყოფოს ეზოს განაპირას, წინანდლის ქუჩის აღმოსავლეთით (სახლი № 55) დიდი ღია აუზი იყო მოწყობილი. ჩრდილოეთის მხრიდან 300 მეტრის მანძილზე, ხსენებულ აუზამდე 3 მეტრი სიღრმის გვირაბის საშუალებით გამოყვანილი იყო მინერალური ცხელი წყალი. ხსენებული აუზიდან იქ დაგროვილი წყალი მიღების საშუალებით შეპყავდათ ბაღებში სამხრეთის მიმართულებით

300 მეტრ მანძილზე, სადაც ორი ოთხკუთხი აუზი იყო მოწყობილი, მათი ნაშთი დღესაც შესამჩნევია. აუზებში დაგროვილი ცხელი წყალი გრილდებოდა და შემდეგ იმით ირწყოდა ბოსტნები და ბაღები.

აღსანიშნავია, რომ მინერალური წყლით მორწყვა უარყოფითად მოქმედებდა მხოლოდ კიტრის კულტურაზე.

ჩვენ მიერ აღმოჩენილია აგრეთვე ფუნიკულიორის ქვედა სადგურიდან 180 მეტრ სიმაღლეზე, ლიანდაგის ჩრდილოეთით 30 მეტრის მანძილზე ძველი ქართული აგურით ნაგები წყლის სათავე-ნაგებობა, სადაც მიწის სიღრმიდან დღესაც საკმაოდ ამოდის წყაროს სუფთა სასმელი წყალი.


წყლის სათავეს აქვს 8 მეტრი სიღრმე და 4 მეტრი სიგანე.

წყლის სათავე, სისუფთავისა და აორთქლების დაცვის მიზნით მთლიანად დახურული ყოფილა და მას მუხის ფიცრისაგან შეკრული კარიც ჰქონია.

აღმოჩენისას სათავეს არც კარები ჰქონდა და აგურის თალიც ნაწილობრივ დარღვეული იყო. ამ ნაგებობიდან წყალი თიხის მიღების საშუალებით 350 მეტრ მანძილზე დაბლა — ქალაქში ჩამოდიოდა — მთის და ჩიტაძის შესახვევსა და ნიაღვრის ქუჩის მიდამოებში. ზემოთ აღწერილ წყაროს წყალს მოსახლეობის საყოფაცხოვრებო და სამეურნეო საჭიროებისათვის იყენებდნენ. თიხის წყალსადენის მიღების ნაშთი დღესაც შესამჩნევია ფუნიკულიორის ქვედა სადგურის დასავლეთ მხარეს. 1927-28 წლის პერიოდში, როცა ხელოვნურად ნაყარ მიწის ფართობზე, ქვედა სადგურთან, გაშენებულ იქნა ბაღი, ხოლო ფუნდამენტის ფერდობებზე — ტყე-პარკი. ელდარის ფიჭვის, კვიპაროსის და ნუშის ნარგავებისაგან, სარწყავი წყალგაყვანილობის უქონლობის გამო ამ ნარგავთა მოსარწყავად ზემოაღნიშნული ძველი წყაროს წყალს ხმარობდნენ.

ასეთია ზოგიერთი ცნობა ძველი თბილისის სასმელი და სარწყავი წყლით მომარაგების შესახებ.





მიხეილ ნოღია

თბილისის მაგნიტური
ობსერვატორია—მაგნიტურ
ობსერვატორიათა მსოფლიო ქსელში

მე-19 საუკუნის პირველი მეოთხედის დასასრულიდან სხვადასხვა მეცნიერი ცდილობდა ჩამოეყალიბებინა დედამიწის მაგნეტიზმის ამა თუ იმ ელემენტზე როგორც სავარაუდო, ისე აბსოლუტური სისტემატური დაკვირვებები. ერთ-ერთი ამ მეცნიერთაგანი — ალექსანდრე ჰუმბოლტი წინადადებას იძლეოდა ერთმანეთისაგან საკმაოდ დაშორებულ ადგილებში წინასწარ განსაზღვრულ დროს ჩატარებული ყოფილიყო სათანადო მაგნიტური დაკვირვებები ამ გაზომვებისათვის სპეციალურად განკუთვნილ ეგრეთწოდებულ ობსერვატორიებში, რომელთაც იგი „მაგნიტურ სახლებს“ უწოდებდა.

ასე მაგალითად, 1823 წ. გამოჩენილმა ფრანგმა ფიზიკოსმა არაგომ პარიზის ობსერვატორიის ბაღში მაგნიტური დაკვირვებებისათვის მის მიერ აგებულ პაეილიონში მოაწყო მაგნიტური დაკვირვებები ჰორიზონტალური ისრის მიმართულების ცვლილებაზე. ამ დაკვირვებების ჩატარებისათვის არაგომ მოიწვია ახალგაზრდა მეცნიერი ალექსან-

დრე იაკობის ძე კუფერი, რომელმაც შემდეგ, ყაზანის სახელმწიფო უნივერსიტეტში ფიზიკის პროფესორის თანამდებობაზე მუშაობის დროს, თვითონვე ააგო ასეთი პაეილიონი. დაკვირვებებმა, რომლებიც პარიზსა და ყაზანში 1825—1826 წლებში ჩატარდა, აჩვენა, რომ მაგნიტური ისრის უწყესო მოძრაობა ერთდროულია და ზოგჯერ სავსებით ერთნაირია დედამიწის ზედაპირის საკმაოდ დიდ ფართზე.

საჭიროა აღინიშნოს, რომ თითქმის მე-18 საუკუნის ბოლომდე დაკვირვებები ტარდებოდა მხოლოდ მიხრილობასა და დახრილობაზე, რომლებიც აღმოჩენილ იქნა შესაბამისად მე-15 (კოლუმბი, 1492 წ.) და მე-16 (პარტმანი და ნორმანი, ერთმანეთისაგან დამოუკიდებლად) საუკუნეებში. რაც შეეხება დაკვირვებას დედამიწის მაგნეტიზმის დაძაბულობაზე, ეს შესაძლებელი გახდა 1833 წლიდან, როდესაც გეტინგენელმა მეცნიერმა გაუსმა გამოაქვეყნა დედამიწის მაგნეტიზმის დაძაბულობის პორიზონტალური მდგენელის განსაზღვრის აბსო-

ლუტური მეთოდი. გაუსმა თავისა მეგობრებისა და მოწაფეების დახმარებით, რომლებიც გაერთიანებული იყვნენ მაგნიტურ საზოგადოებაში, შეძლო, გეტინგენის გარდა, სადაც მის მიერ აგებულ იქნა პირველი მაგნიტური ობსერვატორია, განეხორციელებინა მაგნიტური დაკვირვებები სხვა პუნქტებშიც. ეს პუნქტები გერმანიის ტერიტორიის საზღვრებს არ სცილდებოდნენ, რის გამოც დაკვირვებების შედეგები, რომლებიც უმთავრესად გამოხატავდნენ მაგნიტური ისრის უწყისო მოძრაობის ერთდროულობას, არ შეიძლებოდა გავრცელებულიყო უფრო დიდ სივრცეებზე. ეს გარემოება დაბეჯითებით მოიხსოვდა დაკვირვებების ორგანიზაციას ერთმანეთისაგან საკმაოდ დაშორებულ ისეთ პუნქტებში, რომლებიც შეძლებისდაგვარად მოიცავდა დედამიწის მთელ სფეროს. ცხადია, რუსეთს, რომელსაც საკმაოდ დიდი ფართობი უკავია, შეეძლო ფასდაუდებელი როლი ეთამაშნა მაგნიტური მოვლენების შესწავლის საქმეში. მართლაც, 1834 წ. რუსეთში სამთო სამმართველოს მიერ ჩამოყალიბებულ იქნა სამი მაგნიტურ-მეტეოროლოგიური ობსერვატორია — ეკატერინბურგში, ბარნაულში და ნერჩინსკში, რომლებიც სამდნო ოლქების ძირითადი ქალაქებია. გარდა ამისა, პეტერბურგის სამთო ინჟინერთა ინსტიტუტში დაარსებულ იქნა ნორმალური ობსერვატორია, რომელსაც სხვათა შორის, ევალებოდა დამკვირვებლების მომზადება პერიფერიის ობსერვატორიებისათვის. ამ ობსერვატორიების ორგანიზაციის ხელმძღვანელობა დაევალა რუსეთის მეცნიერებათა აკადემიის წევრს ა. ი. კუფერს, რომელიც ზემოთ იყო მოხსენებული.

რუსეთსა და გერმანიაში არსებული ობსერვატორიების მაგალითებმა და გაუსის შრომებმა დედამიწის მაგნეტიზმის დარგში ხელი შეუწყო ალექსანდრე ჰუმბოლტს დაეინტერესებინა ინგლისის მთავრობა მის ფრიად ვრცელ ტერიტორიაზე მაგნიტური დაკვირვებების ორგანიზაციაში. კონტაქტის დაწყებისა და საერთო სამუშაო გეგმის გამოუმუშავების მიზნით ინგლისის მთავრობამ გეტინგენსა და პეტერბურგში მიაუღინა ორი მეცნიერი, სებინი და ლიიდი, მაგრამ მათი გამგზავრება პეტერბურგში არ შედგა, ვინაიდან სწორედ ამ პერიოდში რუსეთის მთავრობამ აკად. კუფერი გაგზავნა გეტინგენში მაგნიტურ კონგრესზე მონაწილე-

ობის მისაღებად, რომელიც ჩატარდა გაუსის თავმჯდომარეობით 1839 წ. 16 ოქტომბერს.

კონგრესის მიერ მიღებულ იქნა გადაწყვეტილება, რომ ყველა მაგნიტურ ობსერვატორიაში: 1. ჩატარებულიყო დაკვირვებები მიხრილობის, დახრილობისა და დედამიწის მაგნეტიზმის დაძაბულობის ჰორიზონტალური და ვერტიკალური მდგენელების ვარიაციებზე — ყოველ ორ საათში ერთხელ, ერთსა და იმავე დროს, გეტინგენის საშუალო დროით; 2. ყოველთვიურად ჩატარებულიყო მიხრილობის, დახრილობისა და დედამიწის მაგნეტიზმის დაძაბულობის ჰორიზონტალური მდგენელის აბსოლუტური განსაზღვრა; 3. გარდა ამისა, უნდა ჩატარებულიყო დაკვირვებები მიხრილობის, დედამიწის მაგნეტიზმის დაძაბულობის ჰორიზონტალური და ვერტიკალური მდგენელების ვარიაციებზე თვეში ერთხელ, 24 საათის განმავლობაში ერთდროულად ყოველ ხუთ წუთში, გეტინგენის დროით.

გარდა წმინდა მეცნიერული ინტერესისა, მაგნიტურ დაკვირვებებს მნიშვნელოვანი პრაქტიკული ინტერესიც გააჩნდათ და ეს იმიტომ, რომ ისინი იძლეოდნენ დედამიწის ზედაპირზე მაგნიტური მიხრილობის განაწილების ხასიათის შესწავლის საშუალებას, რომელსაც, როგორც ცნობილია, დიდი მნიშვნელობა აქვს კომპასის ჩვენებათა სწორი გამოყენებისათვის საზღვაო ნაოსნობის საქმეში. ამიტომაც გასაკვირი არაა, რომ რუსეთისა და ინგლისის მთავრობები მათ ვრცელ ტერიტორიაზე მაგნიტური ევლის შესწავლის მიზნით ადვილად შეთანხმდნენ, რათა საერთო პროგრამით ორგანიზაცია ეყრდნობა მაგნიტური ობსერვატორიებისათვის და მათი შემწეობით პარალელური დაკვირვებები ჩატარებინათ სამი წლის განმავლობაში, დაწყებული 1842 წლის 1 იანვრიდან.

პარალელურ დაკვირვებებში მონაწილეობის მიღების მიზნით რუსეთის მთავრობამ სამთო საუწყებო სისტემაში მოაწყო ათი მაგნიტურ-მეტეოროლოგიური ობსერვატორია (პეტერბურგში, ეკატერინბურგში, ბარნაულში, ნერჩინსკში, ყაზანში, ნიკოლაევში, თბილისში, კუნძულ სიტხაზე, ჰელსინგფორსსა (ახლანდელ ჰელსინკსა) და პეკინში. უნდა ვიფიქროთ, რომ ამ ობსერვატორიებში დაკვირვებები ყველგან არ დაწყებულა 1842 წ. 1 იან-

ვრიდან და რომ გაზომვები ყველგან ერთი და იმავე სიზუსტით, ერთნაირი მოცულობით არ ტარდებოდა.

აკად. კუფერი დიდ მნიშვნელობას ანიჭებდა მაგნიტური და მეტეოროლოგიური დაკვირვებების წარმოებას ისეთ პუნქტში, როგორცაა თბილისი, ამიტომ მან ჯერ კიდევ 1834 წ. 20 დეკემბერს დასვა საკითხი ამიერკავკასიის მთავარმართებლის გენერალ-ადიუტანტ ბარონ როზენის წინაშე, რათა თბილისში და, თუ შესაძლებელი იქნებოდა, სხვა ადგილებშიც მოწყობილიყო მაგნიტური და მეტეოროლოგიური დაკვირვებები. ამასთან, აკად. კუფერი მიუთითებდა, რომ ობსერვატორიების ორგანიზაციის საქმეში ხელმძღვანელად დანიშნულიყო მისი ყოფილი მოწაფე, გიმნაზიის უფროსი მასწავლებელი შესტაკოვი. როზენმა აკად. კუფერის მიერ წამოყენებული წინადადების შესასრულებლად თბილისის ობსერვატორიის მოწყობა და მეთვალყურეობა დაავალა კავკასიის ცალკე კორპუსის ობერ-კვარტირშეისტერს, გენერალ-მაიორ ბარონ ფონ-დერ-ზოვენს, რომელმაც თავის მხრივ, შენობის აგებისა და ხელსაწყოების შექმნისათვის გამოყო 12 ათასი მანეთი. 1836 წელს ობსერვატორიის აგება თითქმის დამთავრებული იყო, რომელიც მთლიანად 1837 წ. დასრულდა. სამწუხაროდ, ეს ობსერვატორია, მიუხედავად იმისა, რომ საჭიროება ამას არ მოითხოვდა, აგებულ იქნა ქალაქიდან ძალიან შორს, მის საპირფარეო მთის ციკაბო ფერდობზე, რის გამოც იქ დაკვირვებების ჩატარება შეეძლოთ მხოლოდ იმ მორიგ დამკვირვებლებს, რომლებიც იცხოვრებდნენ თვით ობსერვატორიაში.

1839 წ. თებერვალში, საქართველოდან როზენისა და ზოვენის წასვლის შემდეგ, ობსერვატორია, რომელიც გადავიდა გიმნაზიის დირექტორის განკარგულებაში, ფაქტიურად დარჩა დამკვირვებლების გარეშე, რომელთა მოვალეობას მანამდე ასრულებდნენ სამხედრო უწყებაში შემავალი ტოპოგრაფიული სკოლის მოწაფეები. ამას გარდა, ობსერვატორია თითქმის არსებობისათვის საჭირო სახსრების გარეშე აღმოჩნდა, რის გამოც დაკვირვებებისა და სხვა სამუშაოების წარმოება ძალაუწიებურად მთლიანად დაეკისრა ობსერვატორიის გამგეს, გიმნაზიის უფროს მასწავლებელს — შესტაკოს, რაც ფაქტიურად ობსერვატორიის სიმორის გამო მასში ყოველგვარი დაკვირვებების შეწყვეტას ნიშნავდა.

1839 წლის ბოლოს ობსერვატორიის საქმეების მოგვარების მიზნით შესტაკოვი გაემგზავრა პეტერბურგში აკად. კუფერთან და ასეთ სქივე მდგომარეობაში მყოფი ობსერვატორია დაუტოვა ამავე გიმნაზიის უფროს მასწავლებელს ა. ფილადელფინს.

1842 წ. ეს ობსერვატორია, რომელიც სოლოლაის მთაზე მდებარეობდა, გაუქმებულ იქნა, და მის მაგიერ მაგნიტური და მეტეოროლოგიური დაკვირვებებისათვის ობსერვატორია აგებულ იქნა თბილისში, მამადავითის მთის პისადაგომებთან, 1844 წელს.

აი, რას წერს ამის შესახებ ობსერვატორიის მამინდელი ხელმძღვანელი ა. ფილადელფინი: „მამინდელი სრულფასიანი დაკვირვებები დაიწყო 1844 წ. 1 მაისს (ძე. სტილით) და განვაგრძე 1847 წლის 14 აგვისტომდე. ამ დროიდან პეტერბურგში სამსახურის საქმეების გამო ჩემს მივლინებასთან დაკავშირებით ობსერვატორიის ხელმძღვანელობა დაავალე სხვა პირს. ვატარებდი დაკვირვებებს: 1. მეტეოროლოგიურს: ჰაერის ტემპერატურაზე — გარეთ ჩრდილში და მზეზე, ატმოსფეროს წნევაზე, ჰაერში შემავალი წყლის ორთქლის რაოდენობაზე, წვიმისა და თოვლის რაოდენობაზე, ჰაერის მიმართულებასა და ძალაზე, ცის მდგომარეობაზე და, ნაწილობრივ, ატმოსფეროს ელემენტურულ მდგომარეობაზე; 2. მაგნიტურს: მიხრილობაზე, პორიზონტალურ და ვერტიკალურ დაძაბულობაზე. გარკვეულ დღეებში ზოგიერთ ამ ელემენტზე დაკვირვებები ტარდებოდა ყოველ ხუთ წუთში, ხოლო მაგნიტურ ელემენტებზე, გარდა აღნიშნულისა, თვეში ერთხელ აუცილებლად პირადად მე ვატარებდი ეგრეთწოდებულ აბსოლუტურ დაკვირვებებს. დაკვირვებებს ყოველთვიურად ვეგზავნიდი სამთო ინჟინრების კორპუსის შტაბში, სადაც მათ სისტემატურად ბეჭდავდნენ“.

ამრიგად, თბილისის ობსერვატორია რუსეთისა და ინგლისის მაგნიტურ ობსერვატორიებთან ერთად მონაწილეობას იღებდა იმ პარალელურ მაგნიტურ დაკვირვებებში, რომლებიც ამ ქვეყნებთან სათანადო ხელშეკრულებით იყო გათვალისწინებული. ამ მაგნიტურ დაკვირვებებში მონაწილეობას იღებდა ინგლისის ათი ობსერვატორია — შემდეგ

ადგილებში: დუბლინში, გრინვიჩში, წმ. ელენა კუნძულზე, კეთილი იველის კონცხზე, ფან-დიმენის კოუნსზე, ტორონტოში (კანადა), მადრასში, სინგაპურში, სიმლაში (ჰიმალაიზე), ადენში (არაბეთის ყურესთან), ბრესლავლში (პრუსია), ტანერფორსში (ნორვეგია), კაიროში, ალჟირში, (უკანასკნელი ოთხი სადგური საკირო ხელსაწყოებით უზრუნველყო ინგლისის მთავრობამ); აქვე საკიროა გაეხსენოთ სხვა ადგილებში მოქმედი მაგნიტური ობსერვატორიებიც, სახელდობრ ბრიუსელის, ბრედის, ბერლინის, კოპენჰაგენის, გეტინგენის, გოთას, ჰანოვერის, ჰაიდელბერგის, ლაიპციგის, მარბერგის, მილანის, მიუნხენის, ფილადელფიის, პრალისა და უპსალას ობსერვატორიები.

დაკვირვებები მამადეითის მთის მისადგომებთან თავდაპირველად ტარდებოდა საესებით დამაკმაყოფილებლად, მაგრამ შემდეგში ობსერვატორიის გარშემო მშენებლობის თანდათანობითი გაზრდის შედეგად აქ მაგნიტური დაკვირვებების წარმოება შეუძლებელი შეიქნა, ხოლო მეტეოროლოგიური დაკვირვებები გრძელდებოდა მხოლოდ შესწავლილი რაოდენობით. ამის გამო ობსერვატორია გადატანილ იქნა აულაბარში, სადაც მისთვის სპეციალურად ააგეს შენობა 1850 — 1851 წლებში. 1850 წლის 22 ოქტომბერს ახალი დებულების მიხედვით თბილისის დროებითი მაგნიტურ-მეტეოროლოგიური ობსერვატორია გარდაიქმნა მუდმივად და დაენიშნა დირექტორი. ამასთან, ობსერვატორია კავკასიის მეფის ნაცვლის უწყებაში შედიოდა და, მმართველობის წესით, ექვემდებარებოდა კავკასიის კორპუსის გენერალურ შტაბს, ხოლო, მეცნიერული საქმეების მიხედვით, პეტერბურგის მთავარ ფიზიკურ ობსერვატორიას, ამ უკანასკნელის მეშვეობით კი რუსეთის მეცნიერებათა აკადემიას.

ამრიგად, იმის გამო, რომ თბილისის პირველი ობსერვატორიისათვის უაღრესად ცუდად იქნა შეჩვეული ადგილი, საკირო შეიქნა მისი გაუქმება მანამდე, ვინემ იგი შეძლებდა რაიმე სარგებლობის მოტანას. ამ გარემოებამ გამოიწვია თბილისში მაგნიტური და მეტეოროლოგიური დაკვირვებების 7 წლით გვიან დაწყება; სახელდობრ, აქ რეგულარული დაკვირვებები 1837 წლის ნაცვლად დაწყებულ იქნა 1844 წელს.

როგორც ობსერვატორიის პირველი დირექტორის ა. მორიციის შრომიდან ჩანს, ყოველსაათიერი დაკვირვებები ავლაბრის მაგნიტურ-მეტეოროლოგიურ ობსერვატორიაში 1851 წ. 1 დეკემბერს დაიწყო.

1858 წელს შეუდგნენ ახალი მაგნიტურ-მეტეოროლოგიური და ასტრონომიული ობსერვატორიის პროექტის შედგენას. ევროპაში არსებული მაგნიტური ობსერვატორიების მიღწევათა გაცნობის მიზნით საზღვარგარეთ მივლინებულ იქნა ობსერვატორიის დირექტორი, რომლის დაბრუნებისთანავე შეუდგნენ ახალი ობსერვატორიის მშენებლობას. ეს ობსერვატორია აგებულ იქნა პლენანოვის პროსპექტზე (№ 150) 1860-61 წლებში იმ ადგილზე, სადაც იგი ამჟამადაც იმყოფება. ა. მორიცი მას კუკიის ობსერვატორიას უწოდებს. აღნიშნულ ობსერვატორიაში 1861 წ. 1 მაისიდან წარმოებული დროებითი მეტეოროლოგიური დაკვირვებების ნაცვლად 1862 წ. 1 მაისის 0 საათიდან, ასტრ. დროით, დაწყებულ იქნა განუწყვეტელი ყოველსაათიერი დაკვირვებები. ობსერვატორიის სამეცნიერო შენობები და ხელსაწყოების დადგმულობა აღწერილია მორიციის შრომაში.

1865 წ. 28 მარტს თბილისის მაგნიტურ-მეტეოროლოგიური ობსერვატორია სამხედრო უწყებიდან კავკასიის მეფის ნაცვლას მთავარ-სამმართველოს უწყებაში ე. ი. სამოქალაქო უწყებაში გადავიდა. ხოლო 1867 წ. 7 (19) ივნისის მას თბილისის ფიზიკური ობსერვატორია ეწოდა.

ამრიგად, თბილისის ობსერვატორიამ ქალაქის მიდამოებში დღიდან მისი დაარსებისა ოთხჯერ, შეიცვალა ადგილმდებარეობა.

აქვე შევნიშნავთ, რომ 1851 წლამდე, ე. ი. ობსერვატორიის პირველი დირექტორის ა. მორიციის დანიშვნამდე, ა. ფილადელფინის შემდეგ, დაკვირვებები ობსერვატორიაში ტარდებოდა აკად. აბიხის ხელმძღვანელობით.

ზემოთ ჩამოთვლილი ათი ობსერვატორიიდან, რომლებიც აგებულ იქნა რუსეთის მთავრობის მიერ, მათი დაარსების დღიდანვე ჯერ კიდევ ძველი რუსეთის, ხოლო შემდეგ საბჭოთა ხელისუფლების პირობებში შედარებით რეგულარულად და განუწყვეტლივ მუშაობდნენ ლენინგრადის (სლუცკი, პავლოვსკი), სვერდლოვსკის (ვისოკაია დუბრაჟა) და თბილისის (კარსანა, ხოლო ახლა დუ-

შეთი) მაგნიტური ობსერვატორიები. ბარნაულის, ნერჩინსკისა და ნიკოლაევის ობსერვატორიები კი თანდათანობით დაიხურა (რამდენადმე იგივე შეიძლება ითქვას ყაზანის ობსერვატორიაზეც), ხოლო სხვა ობსერვატორიები (პეკინისა და შემდეგ სიტხასი, რომელიც ალიასკასთან ერთად 1867 წ. რუსეთმა დაუთმო აშშ-ს, აგრეთვე ჰელსინგფორსის) არ აღმოჩნდნენ ძველი რუსეთის ტერიტორიაზე.

ზემოთქმულიდან ჩანს, რომ თბილისის მაგნიტურ-მეტეოროლოგიურმა ობსერვატორიამ თავისი არსებობის დასაწყისიდანვე ერთ-ერთი პირველი ადგილთაგანი დიკავა რუსეთის ობსერვატორიათა სისტემაში და შევიდა ძირითადი მაგნიტური ობსერვატორიების მსოფლიო ქსელში.

მაღალი სიზუსტის დაკვირვებების წყალობით, რომელნიც ყოველთვის მსოფლიოს პირველხარისხიანი მაგნიტური ობსერვატორიების მაქსიმალური პროგრამით ტარდებოდა, თბილისის ობსერვატორიის მდგომარეობა შემდეგში კიდევ უფრო განმტკიცდა. 1879 წლიდან ახლად დანიშნულმა დირექტორმა ი. მილბერგმა, რომელიც თბილისში გადმოყვანამდე პავლოვსკის მაგნიტურ-მეტეოროლოგიურ ობსერვატორიის ხელმძღვანელი იყო, შეძლო მაგნიტური და მეტეოროლოგიური დაკვირვებები მაღალ მეცნიერულ დონეზე დაეყენებინა; საჭიროა აღვნიშნოთ, რომ მაშინ მაგნიტურ ობსერვატორიებში, მაგნიტური ელემენტების აბსოლუტური განსაზღვრების გარდა, უშუალო ვიზუალური დაკვირვებები ტარდებოდა მაგნიტური ელემენტების ვარიაციებზე.

თბილისის მაგნიტურ ობსერვატორიაში ნორმალური მაგნიტური დაკვირვებების სანიმუშოდ დაყენებამ უზრუნველყო მისი მონაწილეობა პოლარულ ექსპედიციებთან დაკავშირებულ ზოგიერთ სპეციალურ დაკვირვებებში 1882 და 1883 წლებში (პირველი პოლარული წელი); ამ დაკვირვებების შედეგები დაბეჭდილია თბილისის ობსერვატორიის 1883 წლის გამოცემებშიც.

გარდა ამისა, საჭიროა შევნიშნოთ, რომ აკად. რიკაჩოვი კასპიის ზღვის ახალი მაგნიტური რუკების შედგენისას ფართოდ იყენებდა თბილისის ობსერვატორიის მაგნიტურ მონაცემებს.

თავის დროზე მ. ა. რიკაჩოვის მიერ შედგენილ კასპიის ზღვის მაგნიტურ რუკებს დიდი მნიშვნე-

ლობა ჰქონდა ამ ზღვის ვრცელ ტერიტორიაზე ზღვაოსნობის საქმისათვის, თუმცა უნდა ითქვას, რომ იგი დღესაც მნიშვნელოვან მეცნიერულ ინტერესს იწვევს. როგორც საფუძველი აღნიშნულ ტერიტორიაზე მაგნიტური ელემენტების საუქუნეობრივი სელის შესწავლისათვის.

თბილისის ობსერვატორიაში ახალი კონსტრუქციის ხელსაწყოების დროულად დადგამა და მისაპრულფასოვანმა ათვისებამ შემდგომში უზრუნველყო, უფრო მაღალ დონეზე მიეღო მას მონაწილეობა დედამიწის მაგნეტოზმის ამა თუ იმ პრობლემის გადაწყვეტაში, მსოფლიოს სხვა ძირითად მაგნიტურ ობსერვატორიებთან ერთად.

ამ დროისათვის წამოყენებულ იქნა პრობლემები (შემდგომში მაგნიტური აქტივობის საკითხებთან დაკავშირებული), რომლებიც შეიძლებოდა გადაწყვეტილიყო მხოლოდ მაგნიტური ელემენტების ვარიაციების განუწყვეტელი რეგისტრაციის გზით. პავლოვსკის ობსერვატორიის შემდეგ თბილისის ობსერვატორია პირველი იყო რუსეთში, რომელმაც უზრუნველყო მაგნიტური ელემენტების ვარიაციების განუწყვეტელი რეგისტრაცია. ამასთან, აღსანიშნავია, რომ, რუსეთის სხვა ობსერვატორიებთან შედარებით, ეს საქმე რამდენიმე წლით ადრე გაკეთდა თბილისში.

დაკვირვებების მაღალმა სიზუსტემ და ყველა მაგნიტური ელემენტის ვარიაციის განუწყვეტელმა რეგისტრაციამ, რომელიც ჯერ კიდევ 1900 წლიდან წარმოებდა, განაპირობეს თბილისის ობსერვატორიის მონაწილეობა საერთაშორისო მასშტაბის სამუშაოებში, როგორცაა მაგნიტური დღეების დახასიათება, რომელიც როგორც ცნობილია, აუცილებელია იმის გამოკვლევისათვის, თუ რა კავშირია დედამიწის მაგნიტური ველის სხვადასხვა ვარიაციებსა და მზის აქტივობას შორის.

პოლანდიელი მეცნიერი ვან-დიიკი თავის შრომაში, სადაც იგი 1900 — 1905 წლების მაგნიტურ დახასიათებას ეხება, იყენებს 26 ობსერვატორიის მონაცემებს. რომელთა შორის რუსეთის ობსერვატორიებიდან შედის სამი: პავლოვსკის, თბილისისა და ეკატერინბურგის ობსერვატორიები.

თბილისის ობსერვატორიამ შეძლო უზრუნველყო მაგნიტური დაკვირვებების არა მარტო მაღალი სიზუსტე, არამედ განუწყვეტელი ჩატარებაც. თბილისის ქუჩების ელექტროფიკაციასთან

დაკავშირებით მაგნიტურა დაკვირვებები, მეცნიერების ყველა მოთხოვნის დაცვით, 1904 წლის ბოლოდან დროულად იქნა გადატანილი კარსანში, მცხეთის რკინიგზის სადგურის მახლობლად.

თბილისის ფიზიკური ობსერვატორიის დირექტორის ს. გლასკის მიერ კარსანში, პავლოვსკის ობსერვატორიის მსგავსად, 1910 — 1912 წლებში აგებულ იქნა პირველხარისხოვანი მაგნიტური ობსერვატორია, მაგრამ სავწესხაროდ, შეუფერებელ ადგილზე: იგი საჭიროებს გარეშე აგებული იყო მიყრუებულსა და ძნელად მისადგომ მთიან ადგილას, რომლის შესაფერისი გზით დაკავშირება საქართველოს სამხედრო გზათან ვერ მოხერხდა. ამის გამო ობსერვატორია თითქმის მოწყვეტილი აღმოჩნდა როგორც მცხეთის, ისე თბილისისაგან.

მძიმე მდგომარეობაში ჩავარდა მაგნიტური ობსერვატორია 1917 წლიდან, როდესაც ს. გლასეკა და მაგნიტოლოგმა მ. სიტნოვმა დატოვეს იგი და გაემგზავრნენ თბილისიდან. მათ შემდეგ მაგნიტურ სამუშაოთა ღრმა მკოდნე პირი თბილისის ობსერვატორიის სისტემაში, თვით თბილისში და ამიერკავკასიის სხვა ცენტრში არავინ აღმოჩნდა. აპიტომ სწრაფად დაეცა ობსერვატორიის ნორმალური მუშაობა კარსანში. აღსანიშნავია, რომ ობსერვატორიის ადიუნქტი შ. ხუჭუა ერთადერთი თანამშრომელი იყო, რომელიც არ ჩამოშორდა ობსერვატორიას და ამით შეუნარჩუნა მას მისი მეცნიერული ღირებულება.

ცხადი იყო, რომ საქმის გამოსწორება შეეძლო სათანადო თეორიული და პრაქტიკული განათლების მქონე პირს, რომელიც მივლინებული იქნებოდა ლენინგრადში, რუსეთის მთავარ გეოფიზიკურ ობსერვატორიაში, და იქ ღრმად შეისწავლიდა ამ დარგში მეცნიერულ-თეორიულსა და პრაქტიკულ მუშაობას. მაგრამ ამ საკითხის მოგვარება მოხერხდა მხოლოდ იმის შემდეგ, რაც საქართველოში დამყარდა საბჭოთა ხელისუფლება. ასეთი მივლინება წილად ხვდა ამ სტრუქტურის ავტორს, რადგანაც საქართველოს გეოფიზიკური ობსერვატორიის (სგო) დირექტორის პროფ. ა. დიდებულის მოწვევით მე უკვე 1923 წლის მაისიდან ემუშაობდი კარსნის ობსერვატორიაში. მივლინებამდე თითქმის წელიწადნახევარი ვიმუშავე კარსნის მაგნიტურ ობსერვატორიაში სპეციალური ცოდნის შესაძენად, რაშიაც ხელს მიწყობდა როგორც იქ—კარ-

სანში, ისე თბილისში სგო-ს სისტემაში არსებული ბიბლიოთეკები, სადაც საკმაოდ მოიპოვებოდა სპეციალური ლიტერატურა რუსულსა და უცხოურ ენებზე.

რუსეთის მთავარ გეოფიზიკურ ობსერვატორიაში სამივლინებო ვადის გასვლისა და უკან დაბრუნების შემდეგ, 1924 წლის დეკემბრის ბოლოდან მე, როგორც კარსნის ობსერვატორიის ხელმძღვანელი, შევეუდექი ამ ობსერვატორიაში ნორმალური მუშაობის აღდგენას, რასაც ძირითადად დასჭირდა ერთ წელზე მეტი. ამის შემდეგ მიმდინარეობდა ობსერვატორიის მუშაობის შემდგომი განვითარება. აღნიშნულ სამუშაოთა პროცესში მომზადებული იქნენ მაღალი კვალიფიკაციის მქონე მაგნიტოლოგები—ნ. ინჭირველი, შ. ფავლენიშვილი და აგრეთვე დამხმარე პერსონალი.

1926 წლიდან განახლებულ იქნა მაგნიტურ დაკვირვებათა ყოველწლეულის გამოცემა. განახლებულ იქნა აგრეთვე მაგნიტური დღეების დახასიათების სისტემატური გზავნა საერთაშორისო მეტეოროლოგიურ კომიტეტში და ა. შ.

ძველმა რუსეთმა ვერ მოახერხა მისი ტერიტორიის გენერალური აგეგმვა. ამ საქმეს ენერგიულად მოჰქიდა ხელი ახალგაზრდა საბჭოთა ხელისუფლებამ, რომელმაც ყველა ღონისძიებას მიმართა, რომ ეს სამუშაო შემკიდრობებულ ვადებში მაღალ მეცნიერულ დონეზე შესრულებულიყო. საბჭოთა კავშირის ტერიტორიის გენერალური მაგნიტური აგეგმვის მეცნიერული და ოპერატიული ხელმძღვანელობა დაევალა მთავარ გეოფიზიკურ ობსერვატორიასთან საგანგებოდ ჩამოყალიბებულ სსრ კავშირის გენერალური მაგნიტური აგეგმვის ბიუროს. გარდა ამისა, სამეცნიერო საკითხების დასამუშავებლად ბიუროსთან მოჭმედებდა ცენტრალური მაგნიტური კომისია, რომლის შემადგენლობაში შედიოდნენ მაგნიტური ობსერვატორიის გამგეები და სხვა ცნობილი მაგნიტოლოგები. კარსნის ობსერვატორიას, რომელსაც მე ვხელმძღვანელობდი, დაევალა ამიერკავკასიის ტერიტორიის აგეგმვა, რაც განხორციელებულ იქნა 1931 — 1934 წლებში ორი მაგნიტური პარტიის მიერ მ. ნოდისა, ნ. ინჭირველისა და შ. ფავლენიშვილის ხელმძღვანელობით. უფრო გვიან, 1932 წელს, ამ ხაზით ჩატარებულ ზოგიერთ სამუშაოში მონაწილეობა მიიღო პავლოვსკის მაგნიტურ-მეტეოროლოგიური ობსერ-

ვატორიის მაგნიტური განყოფილების ყოფილმა გამგემ რ. ხუციშვილმა, რომელიც იმავე წელს იყო პოწეველი.

მხედველობაში უნდა ვიქონიოთ აგრეთვე, რომ კარსნის ობსერვატორია წარმოადგენდა მეცნიერულ დასაყრდენ ბაზას გენერალური აგეგმვის იმ პუნქტებისათვის, რომლებიც განლაგებულია ჩრდილოეთ კავკასიის ტერიტორიაზე და მის ჩრდილოეთითაც, სადაც აღნიშნული სამუშაო ჩაატარეს უკრაინის პარტიებმა გენერალური მაგნიტური აგეგმვის ხაზით ცნობილი მაგნიტოლოგის პროფ. მ. ა. აგანინის ხელმძღვანელობით.

სსრ კავშირის გენერალურმა აგეგმვამ, რა თქმა უნდა, შექმნა მტკიცე საფუძველი მისი ტერიტორიის მაგნიტური ველის მეცნიერული შესწავლისათვის, რომლის გარეშეც წარმოუდგენელია მაგნიტური ძიების რაციონალური გამოყენება.

კავკასიის ტერიტორიის აგეგმვის მასალები სათანადოდ დამუშავებულ და გაანალიზებულ იქნა ჩვენ მიერ, რისთვისაც გამოვიყენეთ სფერული ანალიზური მეთოდი. აღნიშნული გამოკვლევის შედეგად გამოვლინებულ იქნა კავკასიის ტერიტორიის მაგნიტური ველის სხვადასხვა თავისებურება. ერთ-ერთი ამ თავისებურებათაგანი იმაში მდგომარეობს, რომ კავკასიონს ორივე მხარეზე, მის გასწვრივ, მისდევს უარყოფითი ანომალიის ზოლი, რაც, შესაძლებელია, გამოწვეულია თვით კავკასიონით, რომელიც, როგორც ცნობილია, წარმოადგენს ჩვენი პლანეტის ერთ-ერთ უდიდეს სამთო ნაგებობათაგანს.

ზაქსის ჰიდროელსადგურის აგებამ დასვა თბილის-ხაშურის რკინიგზის უბნის ელექტროფიკაციის საკითხი, რის გამოც აუცილებელი იყო კარსნის ობსერვატორიის დროზე გადატანა რკინიგზიდან არა ნაკლებ 30—40 კილომეტრის მანძილზე. აღნიშნული საკითხის მეცნიერულად შესწავლისათვის და სათანადო ღონისძიებათა გამოსაშუშავებლად საქართველოს სსრ განათლების სახალხო კომისიის დ. კანდელაკის მიერ, რომელიც თავიდანვე განსაკუთრებულ ყურადღებას იჩენდა ობსერვატორიისადმი, 1927 წელს დანიშნულ იქნა საგანგებო კომისია პროფ. ა. დიდებულის, პროფ. აკინფიევის, ინჟ. ა. მუსხელიშვილისა და საქართველოს გეოფიზიკური ობსერვატორიის დირექტორის მ. ნოდის (თავმჯდომარე) შემადგენლო-

ბით. ამ კომისიამ სათანადო გამოკვლევებს საფუძველზე მიზნშეწონილად ცნო ობსერვატორიის გადატანა კარსნიდან. საინისო მესაფერის ადგილად მიჩნეული იქნა დუშეთი, სადაც დაგვიანებით, მხოლოდ 1935 წელს მოეწყო დროებითი ობსერვატორია, თუმცა მეცნიერული მონაცემის საფუძველზე იქ მაშინვე შეიძლება მოეძიებოდა მუდმივი მაგნიტური ობსერვატორიის აგება.

საბჭოთა კავშირის დიდი საწინაშელო ომის გამო მუდმივი ობსერვატორიის აგება შემდეგმდე გადაიდო. მხოლოდ 1950—1953 წლებში მოხერხდა დიდი აბსოლუტური პაცილიონის აგება, რომელიც კარსნის პაცილიონის მასალისაგანაა აგებული მისივე მსგავსად.

მაგნიტური ობსერვატორია კარსანში და შეუდგე დუშეთში ისე, როგორც წინათ თბილისში, წარმოადგენდა მტკიცე მეცნიერულ ბაზას საქართველოში სამეცნიერო-კვლევითი მუშაობისათვის გეომანეტობის დარგში. მისი მეცნიერ თანამშრომლების მიერ საბჭოთა პერიოდში დაბეჭდილია საქმოდ მრავალი შრომა, რომლებშიც გაშუქებულია როგორც მუდმივი მაგნიტური ველის აგებულება საქართველოსა და კავკასიის ტერიტორიის ზოგიერთ უბანზე, ისე ცვალებადი ველის ზოგიერთი თავისებურება ჩვენი მაგნიტური ობსერვატორიის ჩანაწერების მიხედვით. (მ. ნოდია, რ. ხუციშვილი, ნ. ინწკირველი, შ. ფაგლენიშვილი, ნ. კაციაშვილი, გ. ბერიშვილი, მ. კელიშვილი, ვ. მაცაბერიძე, ნ. ხვედელიძე).

გარდა ამისა, მაგნიტურ ობსერვატორიაში, განსაკუთრებით საბჭოთა ხელისუფლების დამყარების შემდეგ, პირველად ეზიარა მეცნიერებას მრავალი ახალგაზრდა, რომლებმაც შემდეგ წარმატებით გაშალეს მეცნიერული მოღვაწეობა, როგორც გეოფიზიკის, ისე ფიზიკა-მათემატიკის სხვადასხვა დარგში. ამათ შორის მოხსენიების ღირსნი არიან: ი. ქურდიანი, კ. პაპინაშვილი, გ. თვალთვაძე, ი. ეეკუა, გ. ხარაული, მ. აბაქელია, ვ. ქებულაძე, ბ. ბალავაძე, ა. ბუხნიკაშვილი, ვ. ქოიაეა, ლ. ვეკუა და სხვები. ქართულ ენაზე პირველად 1935 წელს დაიბეჭდა მ. ნოდის დედამიწის მაგნიტიზმის საკმოდ ვრცელი სახელმძღვანელო.

მესამე საერთაშორისო გეოფიზიკური წელი (I. VII. 1957—31. XII. 1958), რომელიც მსოფლიო მასშტაბის ერთ-ერთ უმნიშვნელოვანეს ღო-


ნიძიებას წარმოადგენს ბუნების შესწავლის საქმეში, განსაკუთრებულ კრეკელი პროგრამითა და წარმატებით ტარდება საბჭოთა კავშირში, რომელმაც დედამიწის პირველი თანამგზავრის გაშვებით 1957 წლის 4 ოქტომბერს ახალი ეპოქა დაამყარა თანამედროვე მეცნიერებაში. ამას მოყვა კიდევ მეორე და მესამე თანამგზავრის გაშვება, რასაც უაღრესად მაღალი შეფასება მისცეს აგრეთვე უცხოელმა ცნობილმა მეცნიერებმა, რომლებმაც მონაწილეობა მიიღეს აგვისტოს პირველ რიცხვებში მოსკოვში ჩატარებულ საერთაშორისო გეოფიზიკური წლის სპეციალური კომიტეტის მეხუთე ასამბლეის მუშაობაში.

მაგნიტური ობსერვატორია დუშეთში საერთაშორისო გეოფიზიკური წლის ჩატარებაში მონაწილეობას იღებს სრული მოცულობით. მაგნიტური

ველის ვარიაციათა შესასწავლად, გარდა ჩვეულებრივი მაგნიტოგრაფებისა, გამოყენებულია გეოფიზიკურ წელთან დაკავშირებით საგანგებოდ გამართული ფლექსმეტრული სადგური პროფ. კალამნიკოვისა. ამ სადგურის შერჩობიარობა, ასევე აღმატება ჩვეულებრივი მაგნიტოგრაფისას. საერთაშორისო დავალების შესასრულებლად დუშეთის მაგნიტურ ობსერვატორიაში ისე, როგორც სხვა წამყვან საბჭოთა ობსერვატორიებში, მაისიდან სპეციალურ პავილიონში დაიდგა ლაკურის სწრაფმწერი მაგნიტოგრაფი.

ამრიგად, თბილისის ობსერვატორია ერთერთი უძველესი ობსერვატორიათაგანია მსოფლიოში და იგი მისი მაღალმეცნიერული მუშაობის შედეგების მიხედვით ყოველთვის იყო ჩართული მაგნიტურ ობსერვატორიათა საერთაშორისო ქსელში.


* * *



1874 წელს დამწვარი თეატრის მაცურებელთა დარბაზი

შ ი ნ ა ა რ ს ი

1. დ. გვრიტიშვილი, თბილისი 1500 წლისა	1
2. შ. მესხია, თბილისის როლი ქართველი ხალხის ისტორიაში	7
3. ა. შანიძე, საქართველოს დედაქალაქის სახელწოდებისათვის	19
4. ნ. ლომოური, უძველესი უცხოური ცნობა თბილისის შესახებ	23
5. ლ. მელიქსეთ-ბეგი, ძალისი—თბილისი— ფაქტაკარანი	29
6. გ. ფუთურიძე, ეკლია ჩელების ცნობები თბილისის შესახებ	39
7. ვ. კობალიანი, თბილისელთა ორიენტაციის საკითხისათვის 1121—1122 წლებში 49	
8. ა. სურგულაძე, განახლებული თბილისი	65
9. შ. ამირანაშვილი, არმაზისხევში გათხრების დროს ნაპოვნი ადრესასანური ეპოქის ვერცხლის თასი	85
10. ზ. შველიძე, რევოლუციური ბრძოლა თბილისში XIX საუკუნის 60—80-ან წლებში	95
11. ჩ. გუგუშვილი, რევოლუციური მოძრაობა თბილისში (1900—1921 წწ)	109
12. ლ. მენაბდე, თბილისი—ცენტრი ძველი ქართული მწერლობისა	131
13. კ. კეკელიძე, თბილისი ძველ ქართულ ლიტერატურაში	161
14. ტ. რუხაძე, თბილისი ძველ ქართულ და რუსულ ნათარგმნ ლიტერატურაში 171	
15. ნ. კოიავა, თბილისის სამონეტო ბაზარი XVIII საუკუნეში	179
16. ნ. უკლება, თ. კიკილაშვილი, თბილისის მიდამოების ჰიდროგრაფია	191
17. არჩ. ჯანაშვილი, თბილისის მიდამოების ფაუნა	209
18. მ. საბაშვილი, თბილისის ნიდამოების ნიადაგები	219
19. ნ. კეცხოველი, თბილისისა და მისი მიდამოების მცენარეულობის წარსული და აწმყო	227
20. ალ. ჯანელიძე, თბილისი და გეოლოგია	239
21. ი. ქურდიანი, თბილისის ჰავა	243
22. შ. ბერაძე, გ. მაზიაშვილი, თბილისის მოსახლეობის სტატისტიკური შესწავლის ზოგიერთი საკითხი (1922—1940 წწ)	247
23. გ. ბაქრაძე, მრეწველობის განვითარება თბილისში XIX საუკუნეში	261
24. გ. შინდაძე, ძველი თბილისის წყლით მომარაგება	285
25. მ. ნოდია, თბილისის მაგნიტური ობსერვატორია—მაგნიტურ ობსერვატორიათა მსოფლიო ქსელში	291



СО Д Е Р Ж А Н И Е

1. Д. Гврितिшвили, Тбилиси 1500 лет	1
2. Ш. Месхиа, Роль Тбилиси в истории грузинского народа	7
3. А. Шапидзе, К названию столицы Грузии	19
4. Н. Ломоурп, Древнейшее известие о Тбилиси	23
5. Л. Меликсет-Бек, Залисса—Тбилиси—Пайтакарап	29
6. Г. Пугуридзе, Известия Элия Челеби о Тбилиси	39
7. В. Коналиани, К вопросу об ориентации тбилисцев в 1121—1122 гг.	49
8. А. Сургуладае, Облвоенный Тбилиси	65
9. Ш. Амгранашвили, Серебряная чаша ранне-сасанидской эпохи из раскопок в Армазисхеви	85
10. Э. Швелидзе, Революционная борьба в Тбилиси в 60—80-ых годах XIX столетия	95
11. Ч. Гугушвили, Революционное движение в Тбилиси в 1900—1921 гг.	109
12. Л. Менабде, Тбилиси—центр древнегрузинской письменности	131
13. К. Кекелдзе, Тбилиси в древнегрузинской литературе	161
14. Т. Рухадзе, Тбилиси в древнегрузинской и русской переводной литературе	171
15. Н. Конава, Монетный рынок Тбилиси в XVIII веке	191
16. Н. Уклеба, Т. Квициашвили, Гидрография окрестностей Тбилиси	191
17. А. Джаяшвили, Фауна окрестностей Тбилиси	209
18. М. Сабашвили, Почвы окрестностей Тбилиси	219
19. Н. Кецховели, Прошлое и настоящее растительности Тбилиси и его окрестностей	227
20. А. Джавелидзе, Тбилиси и геология	239
21. И. Курдиани, Климат Тбилиси	243
22. Ш. Берадзе, Г. Мазиашвили, Некоторые вопросы статистического изучения населения Тбилиси в 1922—1940 гг.	247
23. Г. Баградзе, Развитие промышленности Тбилиси в XIX столетии	261
24. Г. Мипдаде, Водоснабжение в древнем Тбилиси	285
25. М. Нодия, Тбилисская магнитная обсерватория в мировой сети магнитных обсерваторий	291

პასუხისმგებელი რედაქტორი პროფ. ს. შლენტი

გამომშვები უ. დოლიძე

კორექტორები { მ. ტაბუცაძე
მ. თაღუშაძე
მ. ინასარიძე

გადაეცა წარშობას 14/VIII-58 წ. ხელმოწერილია
დასაბეჭდად 6/X-58 წ. ანაწილის ზომა 9×12.
კალალდის ზომა 60×92. სასტამბო თაბახი
38. საალრიცხო-საგამომცემლო თაბახი
29,35. ჟგ 01270. შვეკეთის № 1475.
ტირაჟი 2500.

შპსი 25 მან.

*

სტალინის სახელობის თბილისის სახელწიფო უნივერსიტეტის გამომცემლობის
სტამბა-ლითოგრაფია, ი. ჭავჭავაძის პროსპექტი, 1.

*

Типо-литография издательства Тбилисского государственного университета
им. Сталина, проспект Ильи Чавчавадзе, 1.